

জেনারেল
আকবর খান

ই
সলামে
প্রতিরক্ষা
কৌশল



ইসলামে প্রতিরক্ষা কৌশল

মেজর জেনারেল আকবর খান

ইসলামে প্রতিরক্ষা কৌশল

'হাদীছে দেফা' নামক বিখ্যাত উর্দু গ্রন্থের
বাংলা তরজমা

তরজমায়
আবু সাঈদ মুহাম্মদ ওমর আলী



ইসলামিক ফাউন্ডেশন বাংলাদেশ

হিজরী পনের শতক উদ্‌যাপন উপলক্ষে প্রকাশিত

ইসলামে প্রতিরক্ষা কৌশল। মেজর জেনারেল আকবর খান ॥ তরজমা : আবু সাঈদ মুহাম্মদ ওমর আলী ॥ ই. ফা. প্রকাশনা : ১১৫২ ॥ ই. ফা. গ্রন্থাগার : ২৯৭-৬৩ ॥ প্রথম প্রকাশ : শা'বান ॥ ১৪০৪ ॥ বৈশাখ, ১৩৯১ ॥ মে, ১৯৮৪ ॥ প্রকাশক : মোহাম্মদ আজিজুল ইসলাম, ইসলামিক ফাউন্ডেশন বাংলাদেশ, বায়তুল মুকাররম, ঢাকা-২ ॥ প্রচ্ছদ : মোহাম্মদ তাজুল ইসলাম ॥ মুদ্রণ ও বাঁধাইয়ে : এম. এস. জামান, প্রবাল প্রিন্টিং প্রেস, ১৪, রয়ালকিন স্ট্রীট, ওয়ারী, ঢাকা-৩ ॥

মূল্য : পঞ্চাশ টাকা মাত্র

ISLAMEY PRATIRAKHSHA KAUSHAL : Defence Strategy in Islam, written in Urdu by Maj. Gen. Akbar Khan, translated into Bengali by A. S. M. Omar Ali and published by Islamic Foundation Bangladesh, Dhaka, to celebrate the 15th century Al-Hijrah. May, 1984

Price, Tk. 50.00

U.S. Dollar 6.00

ঐৎসর্গ

বিশ্বের দ্বিতীয় বৃহত্তম মুসলিম রাষ্ট্র বাংলাদেশের
স্বাধীনতা রক্ষায় সংকল্পবদ্ধ বীর মুজাহিদ ও
সিপাহী-জনতার উদ্দেশে

অনুবাদের অন্যান্য প্রকাশিত বই

- ইসলামের রাষ্ট্রীয় ও অর্থনৈতিক উত্তরাধিকার (অনূদিত)
- ঈমান যখন জাগলো ”
- ইসলামী রেনেসাঁর অগ্রপথিক (৩য় খণ্ড) ”
- গল্প পড়ি জীবন গড়ি (শিশু-কিশোর গ্রন্থ)
- সায়ফুল্লাহ্, খালিদ (রা) [প্রকাশের পথে] ”

আমাদের কথা

জীবনের অপর নাম সংগ্রাম। মানুষের ইতিহাসে এবং জীবনাদর্শের ইতিহাসে সংগ্রাম বা যুদ্ধ-বিগ্রহ এক অতি স্বাভাবিক ঘটনা। ইসলামে সন্ন্যাসবাদ নেই। মানবতার শ্রেষ্ঠ মুক্তি-আদর্শ ইসলামের প্রতিষ্ঠা-ক্ষণ হতেই এই আদর্শের মূলাৎপাটনের ষড়যন্ত্র শুরু হয়, যার জের অদ্যাবধি অব্যাহত রয়েছে। রসূলে করীম (সা) ইসলামের দাওয়াত দিতে গিয়ে গোড়া হতেই তদানীন্তন আরব সমাজের কায়েমী স্বার্থবাদীদের বিভিন্ন মুখী ষড়যন্ত্রজালের শিকার হন। তাঁর নবুওতী জীবনের প্রথম তের বছরের মক্কী যিন্দেগীতে তিনি ও তাঁর সাথীরন্দ অপরিসীম ধৈর্য সহকারে সব জুলুম-নির্যাতন সহ্য করে যান। কিন্তু আদর্শের স্বার্থে শেষ দশ বছর তিনি আত্মরক্ষামূলক প্রতিরোধ-সংগ্রাম পরিচালনা করেন।

বর্তমান গ্রন্থ রসূলুল্লাহ্ (সা)-এর প্রতিরক্ষা সংগ্রামসমূহে তাঁর অনুসৃত নীতি ও কর্মপন্থার উপর আধুনিক বিশ্বের অন্যতম শ্রেষ্ঠ মুসলিম সমরবিশারদ মেজর জেনারেল মুহাম্মদ আকবর খানের লিখিত 'হাদীছে দেফা'-র বাংলা তরজমা। রসূলুল্লাহ্ (সা)-এর জীবনের বিভিন্ন দিকের উপর অসংখ্য সার্থক পুস্তক থাকলেও তাঁর যুদ্ধ-বিগ্রহ সম্পর্কে পুস্তকের সংখ্যা খুব বেশী নয়—আর যা-ও বা দু'একটা আছে, সেগুলোও সমরবিদদের রচনা নয়। প্রখ্যাত সমরবিদ হিসাবে রসূলুল্লাহ্ (সা)-এর যুদ্ধ-বিগ্রহ ও প্রতিরক্ষা-কৌশল সম্বন্ধে মেজর জেনারেল আকবর খানের এ পুস্তক তাই স্বাভাবিকভাবেই অসাধারণ গুরুত্বের দাবীদার।

যুদ্ধজয়ের জন্য বিশাল দেশ, বিরাট সৈন্যবাহিনী এবং বিপুল অস্ত্র-সত্তার অপরিহার্য বলে আমাদের মধ্যে যে সাধারণ ধারণা প্রচলিত আছে, বিভিন্ন জিহাদে রসূলুল্লাহ্ (সা)-এর অনুসৃত নীতি ও কর্মকৌশল তা মিথ্যা প্রতিপন্ন করে দেয়। বর্তমান গ্রন্থের লেখক এ গ্রন্থে প্রথম ও দ্বিতীয় বিশ্বযুদ্ধের বিভিন্ন ঘটনাবলীর সঙ্গে রসূলুল্লাহ্ (সা)-এর বিভিন্ন

যুদ্ধের তুলনার মাধ্যমে এ সত্য প্রমাণ করেছেন। এ দিক দিয়ে এ পুস্তক সাম্রাজ্যবাদ, সম্প্রসারণবাদ ও আধিপত্যবাদের আগ্রাসী বিষ-দৃষ্টিতে আপত্তিত যে কোন ক্ষুদ্র ও দুর্বল দেশের স্বাধীনতা রক্ষার ব্যাপারে আশার বাণী শোনাতে সক্ষম।

বাংলাদেশ তার স্বাধীনতা রক্ষার প্রস্নে আজ যখন এক ঐতিহাসিক চ্যালেঞ্জের সম্মুখীন, তখন রসূলুল্লাহ্ (সা)-এর অনুসৃত প্রতিরক্ষা-কৌশল সম্পর্কিত এই পুস্তক আমাদের জাতীয় ইতিহাসের এক মহা-সংকট উত্তরণে বিপুলভাবে সহায়ক হতে পারে বলে আমাদের দৃঢ় বিশ্বাস। আর এজন্যই এই পুস্তকখানি পাঠক-পাঠিকাদের সামনে উপস্থাপিত করতে পেরে আমরা সর্বশক্তিমান আল্লাহ্‌র দরবারে লাখো শুকরিয়া আদায় করছি। তাঁর রহমতের আশ্রয় হোক আমাদের প্রধান অবলম্বন।

ইসলামিক ফাউন্ডেশন বাংলাদেশ
২৩.৪.৮৪

আবদুল গফুর
প্রকাশনা পরিচালক

অনুবাদের আরম্ভ

আল-হামদু লিল্লাহ !

দীর্ঘ প্রতীক্ষার পর অবশেষে জেনারেল আকবর খান লিখিত 'হাদীছে দেফা' নামক বিখ্যাত গ্রন্থের বাংলা তরজমা 'ইসলামে প্রতিরক্ষা কৌশল' নামে প্রকাশিত হ'ল। যে মহান রাব্বুল 'আলামীনের অপার রহমতে এটি পাঠকের হাতে পৌঁছতে পারল— তাঁরই দরবারে সর্বপ্রথম সিজদানত হচ্ছি এবং তাঁরই উদ্দেশ্যে অশেষ শুকরিয়া পেশ করছি।

রসূল আকরাম (সা)-এর উপর এ পর্যন্ত অনেক বই লেখা হয়েছে এবং অন্যান্য ভাষায় লিখিত অনেক বইয়ের তরজমাও ইতোমধ্যে বাংলা ভাষায় প্রকাশিত হয়েছে। এতদসত্ত্বেও এ জাতীয় আরও একটি বইয়ের তরজমা করবার প্রয়োজন কেন অনুভব করলাম—এ প্রশ্ন পাঠকের মনে জাগতে পারে। গ্রন্থের লেখক সেজন্য এই কৈফিয়ত দিয়েছেন :

“হযুর আকরাম (সা) পরিচালিত বিভিন্ন জিহাদ সম্পর্কে লেখকের জ্ঞান ও জানাশোনার সম্পর্ক যতখানি, তাতে উদ্‌ কিংবা অন্য কোন ভাষায় আজ পর্যন্ত এমন কোন গ্রন্থ নেই যাতে রসূল আকরাম (সা)-এর সৈনিক জীবনের উপর যথাযথ ও পূর্ণাঙ্গ আলোকপাত করা হয়েছে এবং দেখান হয়েছে যে, এদিক থেকেও তাঁর মর্যাদা ও শ্রেষ্ঠত্ব দুনিয়ার বৃকে কত উন্নত ও অনন্য !”

লেখকের উক্ত বক্তব্যের সঙ্গে আমি যোগ করতে চাই, “হযুর আকরাম (সা) ..পরিচালিত বিভিন্ন জিহাদ সম্পর্কে অনুবাদের জ্ঞান ও জানাশোনার সম্পর্ক যতখানি, তাতে বাংলা ভাষায় আজ পর্যন্ত এমন কোন গ্রন্থ প্রণীত কিংবা অনূদিত হয়নি, যাতে রসূল আকরাম (সা)-এর সৈনিক জীবনের উপর যথাযথ ও পূর্ণাঙ্গ আলোকপাত করা হয়েছে এবং দেখান হয়েছে যে, এদিক থেকেও তাঁর মর্যাদা ও শ্রেষ্ঠত্ব পৃথিবীর বৃকে কতো উন্নত ও অনন্য !”

আমি লেখকের এ বক্তব্যের সঙ্গেও সম্পূর্ণ একমত যখন তিনি বলেন : “আমরা মহানবী (সা) সম্পর্কে সব কিছুই জানি, সব কিছুই গর্ব ও শ্রদ্ধার সঙ্গে পরম ভক্তিভরে বর্ণনাও করি। কিন্তু এটা জানি না যে, তিনি তাঁর মিশনকে কিভাবে সাফল্য ও পূর্ণতার দ্বারপ্রান্তে নিয়ে গিয়েছিলেন, কি কৌশলেই বা সে-সব কর্ম সম্পাদন করেছিলেন, প্রতিরক্ষাশাস্ত্রে তাঁর আসনই বা কোথায় আর প্রতিরক্ষা নীতিতে এর গুরুত্বই বা কতখানি? আমরা যখন রসূল করীম (সা)-কে সর্ব ক্ষেত্রে সর্ব বিষয়ে এবং সর্ব প্রকারে অনুকরণ ও অনুসরণ করাকে ওয়াজিব নয়—বরং ফরয মনে করি, তখন তাঁর সৈনিক জীবন, সামরিক নেতৃত্ব ও প্রতিরক্ষার কলা-কৌশল থেকে কেন দূরে থাকব? কেন এসব বিস্মৃত হব? এ থেকে কেনই বা পথ-নির্দেশ লাভ করা হবে না? কেনই বা তাঁর মনি-মুক্তাসদৃশ মহান কার্যাবলী উপেক্ষা করে অন্যদের পরিত্যক্ত জিনিষকে লুফে নেওয়া হবে?”

এরপর রসূল আকরাম (সা) কে একজন সফলতম মুজাহিদ, সিপাহসালার, প্রতিরক্ষা কৌশল সম্পর্কে সর্বাধিক অভিজ্ঞ ও সমর-শাস্ত্রের ইমাম হিসাবে অভিহিত করে লেখক নিজের ৫০ বছরের দীর্ঘ সামরিক জীবনের অভিজ্ঞতার ভিত্তিতে দাবী করেছেন, “তাঁর মহান ব্যক্তিসত্তা যেমন অপরাপর সকল দিক দিয়েই অনুসরণীয় ও অনু-করণীয়—এদিক দিয়েও তিনি তেমনিই অনুসরণীয় ও অনুকরণীয়। দুনিয়ার যাবতীয় অগ্রগতি, বস্তু-সত্তার ও উপায়-উপকরণের সকল প্রাচুর্য সত্ত্বেও নীতি, কলা-কৌশল ও কর্মের দিক দিয়েও তাঁর মর্যাদার আসন সর্বোচ্চও অতুলনীয়।”

লেখক একজন ভক্ত মুসলমান হিসাবেই কেবল এ দাবী করেন নি, বরং দু’দু’টি বিশ্বযুদ্ধের অংশগ্রহণকারী সৈনিক এবং আধুনিক সমর-নীতি ও সামরিক কলা-কৌশল সম্পর্কে অভিজ্ঞ একজন সফল অধি-নায়ক হিসাবেই তিনি এ দাবী পেশ করেছেন। পৃথিবীর ইতিহাসে দক্ষ ও যোগ্য হিসাবে খ্যাত জেনারেলদের পরিচালিত যুদ্ধ এবং সে সব যুদ্ধে অনুসৃত নীতি ও সামরিক কলা-কৌশলকে তিনি এক দিকে রেখেছেন, অপর দিকে রেখেছেন রসূল আকরাম (সা) পরিচালিত জিহাদ ও সে সব জিহাদে অনুসৃত নীতি ও সামরিক কলা-কৌশলকে, এরপর

উভয়ের চুলচেরা বিচার-বিশ্লেষণের মাধ্যমে দেখিয়েছেন কোনটি শ্রেষ্ঠ ও অনুসরণযোগ্য। বিশেষ করে প্রথম ও দ্বিতীয় মহাযুদ্ধের হিরো স্মাতনামা জেনারেলদের অনুসৃত নীতি ও সামরিক কলা-কৌশলের নজীর টেনেছেন এ প্রসঙ্গে প্রচুর। সমর-বিজ্ঞানে সচেতন যে কোন পাঠক এ থেকে কেবল উপকৃতই হবেন না, বরং অনেককেই এ বিষয়ে অধিকতর গবেষণায়ও উৎসাহিত করে তুলবে—সন্দেহ নেই।

লেখক উম্মার একজন দরদী বন্ধু হিসাবে মুসলমানদের বোধ-শক্তি, জ্ঞান ও দুরদর্শিতার অবস্থা দেখে মাতম করেছেন এবং বলেছেন : “আমরা নেপোলিয়ন প্রমুখ ব্যক্তিত্ব দ্বারা প্রভাবিত হয়ে তাঁকে রাষ্ট্রনীতি ও সরকারের গগনচুম্বী নায়কের আসনে সমাসীন করেছি এবং তাঁর কার্যাবলী মুগ্ধ বিস্ময়ে ও ভক্তি গদগদ চিত্তে পড়ে ও দেখে থাকি। কিন্তু অ’-হযরত (সা)-এর সামগ্রিক গুণাবলী, ব্যক্তিত্ব ও প্রতিরক্ষা পরিকল্পনা প্রণয়ন সম্পর্কে এতখানি অজ্ঞ যেন জাতীয় ও রাষ্ট্রীয় জীবনের এই গুরুত্বপূর্ণ দিকটির সঙ্গে অ’-হযরত-এর কোন সম্পর্কই ছিল না এবং তিনি রাজনীতি, রাষ্ট্র-পরিচালনা ও যুদ্ধ-বিগ্রহ বিষয়ে যেন কোন দিক-নির্দেশনাই রেখে যান নি।

“প্রথম মহাযুদ্ধ আমাদের কাঁধ ধরে ঝাঁকিয়েছে, আমাদের কাটা ঘায়ে নুনের ছিটা দিয়েছে, কিন্তু তথাপি আমরা আমাদের আলস্যের ঘুম ছেড়ে আড়মোড়া ভেঙ্গে জেগে উঠিনি, উল্টো অন্যের যাদুমন্ত্রের শিকার হয়ে হশ-জ্ঞান, সংহতি ও ঐক্যের ছিটেফোঁটা অবশিষ্ট পুঁজি-টুকুও আমরা হারিয়ে বসেছি। দ্বিতীয় বিশ্বযুদ্ধের রক্তাক্ত ঘটনা ঘটলো এবং মাথার উপর দিয়ে তা চলেও গেল, কিন্তু আমরা এক-বারও পাশ ফিরলাম না। অ’-হযরত (সা)-এর নাম মুখে উচ্চারণ-কারী এবং তাঁরই পদাংক অনুসরণকারী হিসাবে দাবীদার অন্যদের প্রতারণা জালে প্রেফতার এবং নিজেদের দাসত্বপনা ও অসহায়তাম্ব পরম তুষ্ট।”

বর্তমান যুগে সাধারণ্যে প্রচলিত এ ধারণারও লেখক প্রতিবাদ জানিয়েছেন যে, যে জাতি বা যে রাষ্ট্রের নিকট উড়োজাহাজ, আণবিক বোমা, বিশাল সৈন্যবাহিনী এবং অপ্রেল ধন-সম্পত্তি রয়েছে, বিজয় বৈজয়ন্তী কেবল তারাই উড়ুতীন করবে। লেখকের মতে

এ ধারণা কেবল ভুলই নয়—তা মারাত্মক এবং আত্মঘাতীও বটে। তিনি জয়-পরাজয়ের পেছনে যে মৌলিক কারণ ক্রিয়াশীল তা উদ্ঘাটন করে বিভিন্ন মুক্তি-তর্ক ও নজীরের মাধ্যমে পেশ করেছেন। আজকের রূহে প্রতিবেশীর ভয়ে ভীত মুসলিম যুব ও জন-মানসে এর প্রতিক্রিয়া গভীর। আলোচ্য পুস্তকের এতদসংক্রান্ত বলিষ্ঠ বক্তব্য আমাকে কেবল পাঠেই নয়, বরং এর তরজমায়ও উৎসাহী করে তোলে।

ইসলামী বিশ্বকোষ প্রকল্পের দায়িত্বে থাকাকালেই আমি এর তরজমার কাজে হাত দিয়েছিলাম এবং সে দায়িত্বে থাকাকালীন ২৩ মাস সময়ের মধ্যে আমি এর তরজমা শেষ করি। প্রকল্পের দায়িত্ব সূচুভাবে পালন করতে গিয়ে যে পরিশ্রম আমাকে করতে হয় তার জন্যে নিজের কাজের প্রতি যথাযথ সুবিচার করা আমার পক্ষে সম্ভব হয় নি।

প্রসঙ্গত উল্লেখযোগ্য, বিশিষ্ট সাংবাদিক ও অনুবাদক বঙ্গবর মণ্ডলানা আবদুল আওয়াল এর সম্পাদনা করতে যে পরিশ্রম ও নিষ্ঠার পরিচয় দিয়েছেন সাধারণ ধন্যবাদে তার মূল্য শেষ হওয়ার নয়। এরপরও তরজমার সাবলীলতায় যদি কোন বিঘ্ন ঘটে তাহলে সেটা আমার অক্ষমতা বলে মনে করতে হবে। পরবর্তী সংস্করণে এই দুর্বলতা দূরীকরণে আমার চেষ্টার কোন ত্রুটি হবে না—এ আশ্বাস আমি আমার পাঠককে দিতে পারি।

অনুবাদকের আরম্ভ লিখতে বসে অনেকের উৎসাহপূর্ণ সহ-যোগিতার কথা আমার মনে পড়ছে। মনে পড়ছে ইসলামিক ফাউন্ডেশন বাংলাদেশের সদ্য বিদায়ী মহাপরিচালক জনাব আবুল ফায়েদ মুহাম্মদ ইয়াহিয়া-র কথা। এ বইয়ের পিছনে তাঁর উৎসাহ ও অনুপ্রেরণা কোন দিনই ভুলবার নয়। এর ভূমিকাও তিনি লিখতে চেয়েছিলেন। কিন্তু অত্যন্ত আকস্মিকভাবে তাঁকে চলে যেতে হয় বলে তাঁর ইচ্ছা অপূর্ণই থেকে গেছে। সাবেক মহাপরিচালক জনাব আ. জ. ম. শামসুল আলমকে আমার এ মুহূর্তে বেশী মনে পড়ছে। আমার লিখিত অনূদিত প্রতিটি বইয়ের পিছনে তাঁর উৎসাহ ও অনুপ্রেরণা ছিল ক্রিয়াশীল। এ বইয়ের অনূদিত পাণ্ডুলিপি দেখেও তিনি সপ্রশংস

মন্তব্য করেছিলেন। তবে তিনি চান, আমি আরও বড় কিছু করি। আমার প্রতি তাঁর এই অকৃত্রিম স্নেহ-ঋণ অপরিশোধ্য।

প্রকাশনা পরিচালক অগ্রজপ্রতিম পরম শ্রদ্ধেয় অধ্যাপক আবদুল গফুর-এর নিকট সকল বিষয়েই আমি আকণ্ঠ ঋণে আবদ্ধ। বৈষয়িক কোন কিছু দিয়েই তাঁর স্নেহ-ঋণ পরিশোধ হবার নয়, আর সে চেষ্টাও আমার নেই। এ বইয়ের পিছনে তাঁর অবদানও কম নয়। বন্ধুবর মওলানা ফরীদুদ্দীন মাসউদ, শ্রদ্ধেয় হাফেজ মঈনুল ইসলাম, ভ্রাতৃ-প্রতিম সহকর্মী জনাব আজিজুল ইসলাম, সম্মানিত শাহাবুদ্দীন ভাই, অগ্রজতুল্য শেখ ফজলুর রহমান, বন্ধুবর হাসান আবদুল কাইয়ুম ও আবুল খায়ের আহমদ আলীসহ ফাউণ্ডেশনের যে সব কর্মকর্তা ও কর্মচারী এ বইয়ের প্রকাশের কাজে আমাকে নানাভাবে সাহায্য ও সহযোগিতা করেছেন এই মুহূর্তে আমি তাঁদের সকলকেই কৃতজ্ঞ চিত্তে স্মরণ করছি। প্রবাল প্রিন্টিং প্রেসের স্বত্বাধিকারী জনাব এম. এস. জামানকে আমি একাঙভাবে স্মরণ করছি। তাঁর ঐকান্তিক সহযোগিতা ছাড়া এ বই এত সত্ত্বর প্রকাশিত হত না। সংশ্লিষ্ট প্রেসের সকল কর্মচারীকেও এতদসঙ্গে আমি কৃতজ্ঞতা জানাচ্ছি। আল্লাহ্ পাক সবাইকে উত্তম প্রতিদানে ভূষিত করুন।

এই মুহূর্তে সবচেয়ে বেশী করে মনে পড়ছে আমার পরম শ্রদ্ধেয় আত্মভোলা শিক্ষক অধ্যাপক আবদুস সাত্তারের কথা। আমার উচ্চ শিক্ষার পিছনে তাঁর অবদান কতখানি, একমাত্র আল্লাহ্ রাব্বুল 'আলামীন তার সাক্ষী। তাঁর স্নেহ এ অধম এত বেশী পেয়েছে যা খুব কম ছাত্রই তার শিক্ষক থেকে পেয়ে থাকে। তাঁর স্নেহ-ঋণ শোধ করার ধূলটতা আমার কোনদিনই হবে না। বিনা প্রশ্নে এবং বিনা তর্কে যাকে সম্মান ও শ্রদ্ধা করা যায় তেমন ব্যক্তি একমাত্র তিনিই হতে পারেন। এতদসঙ্গে আমার সুদীর্ঘ ছাত্রজীবনের সেসব শ্রদ্ধেয় মূদারিস ও শিক্ষককেও আমি কৃতজ্ঞ চিত্তে স্মরণ করছি যাদের দু'আ ও স্নেহ এ অধমের জীবনকে পবিত্র ও ধন্য করেছে। পরম করুণাময় আল্লাহ্ পাক তাঁদের সকলকেই দুনিয়া ও আখেরাতের কল্যাণ নসীব করুন।

পরিশেষে আমি আমার জীবন-সঙ্গিনী বেগম জেবুন নেসাকে আমার অকৃত্রিম প্রীতি জানাই। তিনি আমাকে নানাভাবে এ বইয়ের

চৌদ্দ

অনুবাদ কর্মে প্রেরণা ও উৎসাহ যুগিয়েছেন। আল্লাহ্ পাক তাঁকে পুরস্কৃত করুন।

তরজমাসহ বইটিকে সাবিক দিক দিয়ে গ্রহণযোগ্য করে তুলতে যে কোন মতামত ও পরামর্শ মূল্যবান বিবেচিত হবে এবং পরবর্তী সংস্করণে সে পরামর্শের প্রতিফলন থাকবে ইনশাআল্লাহ্।

সাধারণ পাঠক বিশেষ করে প্রতিরক্ষা বিভাগের সদস্যরূপে যদি এই পাঠে এতটুকুও উপকৃত হন—তাহলে আমার শ্রম সার্থক হবে।

আবু সাঈদ মুহাম্মদ ওমর আলী

সূচীপত্র

দু'টি কথা/১

প্রতিরক্ষার গোড়ার কথা

যুদ্ধ-বিগ্রহ ও মানবীয় প্রকৃতি/১১

বিশ্ববিজয়ী জেনারেলগণ/১২

রসূল করীম (সা)-এর পবিত্র জীবনের সর্বাপেক্ষা

গুরুত্বপূর্ণ দিক এবং এর থেকে পিঠ টান/১৫

রসূল করীম (সা) পরিচালিত জিহাদ/১৬

বিশ্বযুদ্ধ ও তার কারণ/১৭

কতিপয় সাক্ষ্য-প্রমাণ/২১

যুদ্ধের লক্ষ্য/২৩

কতিপয় ঘটনা ও প্রমাণ/২৪

সমরনীতি ও সমরোপকরণ/২৮

প্রতিরক্ষা কৌশল/৩০

সমর কৌশল ও প্রতিরক্ষা রাজনীতি/৩২

লোভী ও তৃপ্ত হৃদয়/৩৬

আরবের ভৌগোলিক অবস্থান/৩৯

হেজাজ/৪০

তায়ফ/৪৩

মক্কা মু'আজ্জমা/৪৩

মদীনা মুনাওয়ারা/৪৪

আবহাওয়া/৪৪

ময়দান/৪৬

আকাবা/৪৬

মুয়াইলাহ/৪৭

- হাম্দের উপত্যকা ৪৮
ওয়েজ্‌হ/৪৯
আমলেজ্‌হ/৪৯
য়াসু'/৫০
আল-'আনা/৫০
মদীনা মুনাওয়ারা/৫১
বাব আল-শামী/৫১
বাব আল-জুমা/৫১
বাব আল-কা'বা/৫২
বাব আল-আম্বরী/৫২
তায়মা/৫২
খায়বার/৫৩
দক্ষিণ দিকের এলাকা/৫৫
মস্জিদ মু'আজ্জমা/৫৫
হেজাযের অধিবাসী/৫৭
সাংস্কৃতিক ও বংশগত অবস্থা/৫৭
বনী ফাহতান/৫৯
বনী 'আদনান/৫৯
বনী শূযা'আ/৫৯
মশহুর কবিলাসমূহ/৬০
বনী হাশিম/৬০
বনী উমায়্যা/৬১
বনী 'আবদুদ্দার/৬১
বনী নওফল/৬১
বনী তাইম/৬২
বনী জুমাহ/৬২
বনী সাহম/৬২
জীবন ও জীবিকা/৬৩
ম্বাহরিব (মদীনা)/৬৪
বেদুঈনদের আত্মীয় বৈশিষ্ট্য/৬৫

- ইসলামের প্রভাব/৬৮
সমর কৌশল/৬৯
ব্যবসা-বাণিজ্য/৭১
ধর্ম ও আকীদা-বিশ্বাস/৭১
ওয়াকে'আয়ে ফীল বা হাতীর ঘটনা/৭৪
হেজাযের আশেপাশের দুনিয়া/৭৬
ইসলামের প্রতিষ্ঠাতার শৈশব ও যৌবন/৭৯
খান্দান ও পিতৃপুরুষ/৮১
জন্ম ও পরবর্তী ঘটনা/৮২
সিরিয়া সফর/৮৫
মুখতার রাজত্ব/৮৭
জীবিকার সংগ্রাম/৮৮
বিন্লে-শাদীর পর/৯১
কা'বা ঘর নির্মাণ/৯২
খ্যান-সাধনা/৯৩
ইসলামের সূচনা/৯৪
অন্যদের দৃষ্টিতে হযরত মুহাম্মাদ (সা)/১০১
তক্‌দীর/১০৬
হিজরত : প্রতিরক্ষার দৃষ্টিকোণ থেকে/১১১
হিজরতের ঘটনা ও ঐতিহাসিক নীরবতা/১১৩
হিজরতের কারণ/১১৫
প্রতিরক্ষার গুরুত্ব/১২০
প্রতিরক্ষা কেন্দ্র/১২১
মাহরিবের প্রতিরক্ষাগত গুরুত্ব/১২৫
অভ্যন্তরীণ দৃঢ়তা ও মুহব্বতী/১৩১
হারাম শরীফ/১৩২
অভিজ্ঞতা ও পর্যবেক্ষণ/১৩৪
তিনটি নেয়ামত/১৩৬
প্রস্তুতি এবং যুদ্ধের মূলনীতি/১৩৭
সিপাহসালার হিসাবে রসূলে করীম (সা)/১৪০

আঠার

ইসলামী সেনাবাহিনীর প্রশিক্ষণ/১৪৮

একটি শ্রান্তি/১৫৯

সৈন্য সমাবেশ ও আক্রমণ পরিচালনা/১৫৩

আকস্মিক হামলা/১৫৪

অ'-হযরত (সা)-এর প্রতিরক্ষা প্রস্তুতি/১৬১

ফৌজী প্লাটুন প্রেরণ/১৬২

অ'-হযরত (সা)-এর যাত্রা/১৬৩

নাখলার অভিযান/১৬৪

বিভিন্ন যুদ্ধ

বদর ও তার পার্শ্ববর্তী এলাকা/১৭১

বদর যুদ্ধের কারণ/১৭৫

পাহাড়ী এলাকার যুদ্ধ/১৮২

যুদ্ধের সূচনা/১৮৬

বদর যুদ্ধের পর : কায়নুকার লড়াই/২০৩

আবু সুফিয়ানের পশ্চাদ্ধাবন/২০৪

নজদের রাস্তা অবরোধ/২০৫

ওহদ যুদ্ধ : মদীনার অভ্যন্তরীণ অবস্থা ও

জন বসতি/২১০

ওহদ যুদ্ধের কারণ/২১৩

মোর্গা ও কাতারবন্দী/২১৬

যুদ্ধের সূচনা/২১৭

মুসলিম মহিলাদের আত্মত্যাগের প্রেরণা/২২১

মদীনায় প্রত্যাবর্তন ও দূশমনদের পশ্চাদ্ধাবন/২২২

নির্গত ফলাফল/২২৫

পাশ্চাত্যের প্রতিরক্ষা পর্ষবেক্ষক/২৩৩

পরবর্তী ঘটনাবলী এবং নৈতিক শিক্ষা/২৩৭

একটি ভুল ধারণা/২৪৭

ওহদের পর : রাজী'র ঘটনা/২৫৩

বীয়ে মা'উনার ঘটনা/২৫৫

উনিশ

- বনু নাযীর/২৫৮
গাতফান গোত্র/২৬০
সাবীক বা ছাতুর যুদ্ধঃ দ্বিতীয় বদর/২৬৩
ফলাফল ও শিক্ষা/২৬৫
গম্বুয়ায়ে খন্দক বা খন্দকের যুদ্ধ/২৬৯
বনু কুরায়জা যুদ্ধ/২৮৯
ফলাফল ও শিক্ষা/২৮৪
বনী লেহওয়ান ও বনী মুস্তালিক যুদ্ধ/৩০০
বনী মুস্তালিক/৩০১
বিভিন্ন অভিযান/৩০২
যিল কিস্সা ও অন্যান্য অভিযান/৩০২
দুয়াতুল জন্দল, ফিদাক ও ওয়াদিউল
কুরার অভিযান/৩০৩
ওয়াদিউল কুরা/৩০৩
ফলাফল ও শিক্ষা/৩০৪
হদায়বিয়ার সন্ধি/৩০৫
কি শিক্ষা পেলাম/৩১২
খায়বার যুদ্ধ/৩২২
উমরাহ ও হজ্জ/৩২৫
অষ্টম হিজরী/৩২৬
জিহ্বা/৩২৬
'আমর বিন আল-'আস, এবং খালিদ বিন
ওয়ালীদ-এর ইসলাম গ্রহণ/৩২৭
'আমর বিন আল-'আস (রা)-এর
দ্বিতীয় অভিযান/৩২৯
শাবতের যুদ্ধ/৩৩০
মুতার যুদ্ধ/৩৩১
ইসলামের দাওয়াত/৩৩৪
কি শিক্ষা পেলাম/৩৩৮
মক্কা বিজয়/৩৪০

কৃষ্ণ

- কি শিক্ষা পেলাম/৩৪৬
মক্কা বিজয়ের পর/৩৫০
হাওয়ায়িন যুদ্ধ/৩৫১
তবুক যুদ্ধ/৩৫৪
কি শিক্ষা পেলাম/৩৬০
সার-কথা/৩৬১
বদর/৩৭৪
ওহদ/৩৭৭
প্রতিরক্ষা যুদ্ধ/৩৮৭
হোদাইবিয়ার সন্ধি/৩৮৭
খায়বার যুদ্ধ/৩৯২
প্রতিনিধি দল ও বিভিন্ন অভিযান/৩৯৪
মক্কা বিজয়/৩৯৪
কি শিক্ষা পেলাম/৩৯৭
যুদ্ধের হাতিয়ার—ইসলামের সূচনা থেকে
আজ পর্যন্ত/৪১১
পলটন/৪১৪
মেসিন গান/৪১৫
কামান/৪১৫
উড়োজাহাজ/৪১৬
চালকবিহীন বিমান ও বোমা/৪১৭
আগবিক বোমা/৪১৮

দু'টি কথা

হযর আকরাম (সা) [তাঁর উদ্দেশ্যে আমার জীবন কোরবান হোক] পরিচালিত বিভিন্ন জিহাদ সম্পর্কে লেখকের জ্ঞান ও জানা-শোনার সম্পর্ক যতখানি, তাতে উদ্ কিংবা অন্য কোন ভাষায় আজ পর্যন্ত এমন কোন গ্রন্থ নেই যাতে রসূল আকরাম (সা)-এর সৈনিক জীবনের উপর যথাযথ ও পূর্ণাঙ্গ আলোকপাত করা হয়েছে এবং দেখান হয়েছে যে, এদিক থেকেও তাঁর মর্যাদা ও শ্রেষ্ঠত্ব দুনিয়ার বৃক্কে কতো উন্নত ও অনন্য ।

আব্লাহ্ পাক দাক্ষিণাত্যের হায়দরাবাদ রাজ্যের 'উছমানিয়া বিশ্ববিদ্যালয়ের আইন-বিষয়ক প্রাক্তন অধ্যাপক ডঃ হামিদুল্লাহকে কল্যাণকর প্রতিদানে ভূষিত করেন । তিনি মহানবী (সা)-এর জীবনের এই দিকটির প্রতি দৃষ্টিপাত করেছেন এবং 'নবী যুগের সমরক্ষেত্র' শিরোনামে দু'টি বিরাট পুস্তক প্রকাশ করেন । অধিকন্তু তা প্রকাশের পূর্বে তিনি বিভিন্ন ঘটনা ও স্থানের সঠিক তথ্য ও চিত্র পরিবেশনের উদ্দেশ্যে স্বয়ং দু'বার পবিত্র হেজ্জামে গমন করেন এবং এই সফরে বেশ কিছুদিন অতিবাহিত করে সরেযমীনে সব কিছু স্বচক্ষে প্রত্যক্ষ করেন । অবশেষে অত্যন্ত পরিশ্রম করে তিনি এসব মুদ্র-বিগ্রহের চিত্র অংকন করেন ।

আমি উপরিউক্ত পুস্তক দু'টি গভীর মনোনিবেশ সহকারে অধ্যয়ন করেছি । বস্তুত এটি একটি মহান ও প্রশংসনীয় উদ্যোগ এবং লেখক সত্যিকার আবেগ-উদ্দীপনার সঙ্গে এই খেদমত আজাম দিয়েছেন । শুধু এইটুকু করেই তিনি ক্ষান্ত হননি, রসূল আকরাম (সা) পরিচালিত বিভিন্ন যুদ্ধের উপরও তিনি অব্যাহতভাবে কাজ করে চলেছেন । আব্লাহ্‌র মজি ভবিষ্যতেও এভাবে করে যাবেন । কিন্তু ডক্টর সাহেব নিজেও স্বীকার করেছেন :

'আমি সমর বিজ্ঞান সম্পর্কে ওয়াকিফহাল নই । যদি আমি এ বিষয়েও অভিজ্ঞতার অধিকারী হতাম তাহলে গভীর পাণ্ডিত্য

ও সূক্ষ্ম বিশ্লেষণ শক্তি, যা আমি নবী করীম (সা)-এর পবিত্র জীবনের এ দিকটি সম্পর্কে লাভ করেছি,—তার দ্বারা আমি অলসতা ও অজ্ঞতার অন্ধকার আবরণ ভেদ করে সত্যের উজ্জ্বল শিখা সৃষ্টি করতে পারতাম, যে অন্ধকার মুসলমানদের চিন্তা ও উপলব্ধির জগতকে গভীরভাবে আচ্ছন্ন করে রেখেছে।’

হযরত আকরাম (সা)-এর জীবনের এ দিকটির প্রতি খুবই কম গুরুত্ব প্রদান করা হয়েছে। ফলে রসূল (সা) পরিচালিত বিভিন্ন যুদ্ধ ও অন্যান্য ঘটনা সম্পর্কে অদ্ভুত ও আশ্চর্য রকমের বিভ্রান্তি ছড়িয়ে রয়েছে। আর এতে সাধারণ লোকেরাই নয়—অনেক প্রজা ও দূর-দৃষ্টিসম্পন্ন লোকেরাও এর শিকার হয়ে পড়েছেন। বদর যুদ্ধের প্রাথমিক ঘটনাবলী এর একটি ছোট্ট উদাহরণ। ঐতিহাসিক ও জীবনীকারদের ধারণা, বদর যুদ্ধের প্রাক্কালে ইসলামের জন্য উৎসর্গীকৃত মুজাহিদ বাহিনী নিয়ে মদীনা থেকে রওয়ানা হওয়ার সময় হযরত আকরাম (সা)-এর একমাত্র উদ্দেশ্য ও লক্ষ্য ছিল আবু সুফিয়ানের কাফেলা লুট করা।

শ্রেয় ডঃ হামিদুল্লাহ ও এ ধারণার পেছনে মদদ ফুগিয়েছেন এবং লণ্ডন থেকে প্রকাশিত ‘ইসলামিক রিভিউ’ পত্রিকার ১৯৫২ সনের সেপ্টেম্বর সংখ্যায় তিনি এ সম্পর্কে প্রমাণপঞ্জী পেশ করেছেন যে, এই অভিযানে রসূল করীম (সা)-এর গতিবিধি অত্যন্ত গোপনীয় ছিল। এমন কি তিনি উটের গলার ঘন্টিও খুলে ফেলেন! রাতের বেলায় তিনি পথ চলতেন যেন প্রতিপক্ষ মুসলিম বাহিনীর গতিবিধি টের না পায়। কিন্তু রওয়ানা হবার পরবর্তী অবস্থা সাক্ষ্য দেয় যে, এ ধারণা বিলকূল ভ্রান্ত ও ভিত্তিহীন এবং রসূল করীম (সা)-এর প্রতিরক্ষা পরিকল্পনার সম্পূর্ণ পরিপন্থী। কাফেলা লুট করাই যদি এ সফরের একমাত্র উদ্দেশ্য ও লক্ষ্য হ’ত তাহলে সেজন্য দীর্ঘ-বিলম্বিত, আঁকা-বাঁকা, দুর্গম ও কণ্টসাধ্য রাস্তা এখতিয়ার করার কোনই প্রয়োজন ছিল না। বদর প্রান্তরে পৌঁছে অবস্থান নেওয়ারও কোন অবকাশ ছিল না। তাঁকে তো এগিয়ে গিয়ে কাফেলার উপর হামলা করাই উচিত ছিল। আর আবু সুফিয়ানকে এতখানি সুযোগ দেবারও দরকার ছিল না যে, সে বদর প্রান্তরে গিয়ে জানবার সুযোগ পাবে, রসূল করীম (সা) ও তাঁর সঙ্গী মুজাহিদ:

বাহিনী বদর উপকণ্ঠে পৌঁছেছে কিনা। অতঃপর সে যখন বিভিন্ন কার্যকারণ ও সাক্ষ্য-প্রমাণে মহানবী (সা)-এর পৌঁছে যাওয়ার ব্যাপারে স্থির নিশ্চিত হয়ে যায় তখন তাকে এতটা অবকাশ দেবারও দরকার ছিল না যে, ফিরে গিয়ে কাফেলার যাত্রাপথ পরিবর্তন করবে এবং মুজাহিদ বাহিনীর নাগালের বাইরে বেরিয়ে যাবে। কিন্তু ইতিহাস সাক্ষ্য দেয় যে, হযূর (সা) জেনেগুনেই উপেক্ষা করেন, আর মুশরিক কুরায়শ কাফেলা নিরাপদে নাগালের বাইরে চলে যায়। তিনি বদর প্রান্তর গভীরভাবে খুঁটিয়ে খুঁটিয়ে দেখেন, লোকজনের সঙ্গে গোপনে সাক্ষাৎ করে কুরায়শ বাহিনী সম্পর্কে প্রয়োজনীয় তথ্য সংগ্রহ করেন; সাহাবাদের সঙ্গে করে মোর্চাবন্দী ও ব্যূহ রচনার ব্যবস্থাপনা সম্পন্ন করেন। আর তিনি এসব করছিলেন এজন্য যে, লক্ষ্য তাঁর লুটতরাজ ছিল না, কুরায়শ বাহিনীকে স্থায়ী প্রতিরক্ষা পরিকল্পনার জালে ফাঁসিয়ে সমূলে ধ্বংস করে দেওয়াই ছিল তাঁর একমাত্র লক্ষ্য।

রওয়ানা হবার মুহূর্তে যদি তিনি লক্ষ্য ও অবস্থান সম্পর্কে কিছু প্রকাশ না করে থাকেন আর মুজাহিদ বাহিনী যদি মনে করেই থাকে যে, তাঁরা কাফেলা লুট করার উদ্দেশ্যে যাচ্ছেন তাহলে তা ছিল সম্পূর্ণ স্বাভাবিক। তিনি নীরবতা এজন্যই অবলম্বন করেছিলেন যে, কোন বৃদ্ধিমান ও বিচক্ষণ জেনারেলই নিজ প্রতিরক্ষা পরিকল্পনা সম্পর্কে কারো নিকট কিছু প্রকাশ পেতে দেন না। মুসলমানদের এরূপ ধারণার কারণ শুধু এজন্যই ছিল যে, কয়েকদিন আগেই রসূল করীম (সা)-এর প্রেরিত কতিপয় বিশিষ্ট জানবায় সহচরকে মক্কার নিকটে গিয়ে মুশরিক কুরায়শদের বাণিজ্য কাফেলা লুট করতে তারা দেখেছে এবং সে কাফেলার সর্দারকেও শমন-সদনে প্রেরণ করতে দেখেছে। তাঁরা মক্কার নিকটে গিয়ে এ ধরনের সাহসিকতার পরিচয় দিতে পেরেছেন আর আবু সুফিয়ানের নেতৃত্বে প্রত্যাভর্তনকারী কাফেলা মক্কা থেকে বহুদূরে রয়েছে এবং নানা রকমের মালমাস্তা ও নগদ অর্থকড়ি, হীরা জওয়াহেরাত নিয়ে ফিরছে, সুতরাং তাদের মুকাবিলা অবশ্যই করা হবে।

অভিযানের লক্ষ্য গোপন রাখার অপর একটি কারণ এও ছিল যে, হযূর (সা) আনসারদের সঙ্গে যে অঙ্গীকারে আবদ্ধ হয়েছিলেন তা ছিল এই যে, তাঁরা মুসলমান-(মুহাজির)-দের পক্ষে সেই সময় শুধু

অস্ত্র ধারণ করবেন যখন মুসলমানদের উপর হামলা হবে অর্থাৎ মক্কার কুরায়শ বাহিনী যখন মদীনার উপর চড়াও হবে তখন প্রতি-রক্ষার ক্ষেত্রে তাঁরা রসূল (সা)-এর সহগামী হবেন। যদি তিনি যুদ্ধ-বিগ্রহের অভিপ্রায় ব্যক্ত ক'রে এবং প্রকাশ্য ঘোষণা দিয়ে রওয়ানা হতেন তবে তাঁর বাহিনীর ভেতর দুর্বলতা দেখা দেও-য়ার আশংকা ছিল। আনসারদের মধ্যে বিভেদ সৃষ্টি হ'ত এবং বিরোধী দূশমন ও মুনাফিকরা অপপ্রচারের পুরোপুরি সুযোগ পেত। এভাবে বাহ্যিক প্রতিকূল আচার-আচরণ মুসলমানদের মেরুদণ্ড দুর্বল করে দিত।

মুসলমানদের মনে যেভাবে কাফেলা লুট করার খেয়াল সক্রিয় ছিল ঠিক তেমনি মক্কার মুশরিকদের মনেও বিদ্রান্তি দেখা দেয়। তারা মনে করতে শুরু করে যে, মুসলমানরা যখন মক্কার উপকণ্ঠে এসে অতকিত আক্রমণ চালিয়ে আমাদের সম্পদ লুট করতে পারে— তখন এত বড় কাফেলা তারা কিছুতেই ছেড়ে দেবে না। সুতরাং তারা নিজেদের সৈন্যবাহিনী ও মিত্র গোত্রগুলো জড়ো করে। কাফেলার নিরাপত্তা বিধানের লক্ষ্যে একটি বাহিনী প্রস্তুত করা হয়। প্রায় এক হাজার লড়াকু সৈন্য ও সমরোপকরণসহ একটি বাহিনী বদরের উদ্দেশ্যে রওয়ানা হয়ে যায়। অপরদিকে হযূর আকরাম (সা)-এর দূরদৃষ্টি ও প্রতিরক্ষা বিষয় অতীব বিচক্ষণতার পরিচায়ক যে, তিনি বদর প্রান্তরকে পূর্ব থেকে যুদ্ধের জন্য মনোনীত করে ফেলেছিলেন। এভাবেই তিনি কাফির কুরায়শ বাহিনীকে স্বীয় প্রতিরক্ষা ব্যুহজালে ফাঁসিয়ে নিজের নির্বাচিত সমরক্ষেত্রে লড়তে বাধ্য করেন এবং পরাজিত করে চরম লাঞ্ছনা ও অবমাননার শিকারে পরিণত করেন।

এর বিস্তারিত বিবরণ বর্তমান গ্রন্থের যথাস্থানে বর্ণনা করা হয়েছে। এখানে সেসব ঘটনার উল্লেখ এজন্যই করা হ'ল যে, যেসব ভুলভ্রান্তি প্রায় সব ঐতিহাসিকই করেছেন, সেটাই অবচেতনভাবে শুধুমাত্র পূর্ব ইতিহাসবিদদের অনুসরণ করতে গিয়ে ডঃ হামিদুল্লাহ'র মত লোকের দ্বারাও সংঘটিত হয়েছে। এর কারণ যা ডঃ হামিদুল্লাহ' নিজেই স্বীকার করেছেন যে, এমনিতেই হযূর আকরাম (সা) পরিচালিত জেহাদের সংখ্যার কমতি নেই, কিন্তু সমর বিজ্ঞানের দৃষ্টিকোণ থেকে সেসব যুদ্ধ সম্পর্কে না কিছু পড়তে পাওয়া যায়, আর না গুনতে

পাওয়া যায়। তেরো শ' বছর পূর্বের সংঘটিত যুদ্ধের উপর লেখার জন্য ঐতিহাসিক ঘটনাপঞ্জী ছাড়াও সৈনিকের অভিজ্ঞতা এবং সমর-বিজ্ঞান সম্পর্কে জ্ঞানের প্রয়োজন রয়েছে, আর সামরিক অভিজ্ঞতা এবং সমর-বিজ্ঞান সম্পর্কে জ্ঞানার আগ্রহই আমাকে এই গ্রন্থ রচনায় উদ্বুদ্ধ ও অনুপ্রাণিত করেছে।

এই কিতাবের মুসাবিদা প্রস্তুতকরণ ও প্রকাশনার একমাত্র উদ্দেশ্য ও লক্ষ্য একটাই—আর তা হ'ল রসূলে আকরাম (স)-এর পবিত্র সন্তার এ দিকটি তুলে ধরার চেষ্টা করা যা অদ্যাবধি সাধারণ ও বিশিষ্ট সব লোকের দৃষ্টিতেই প্রচ্ছন্ন রয়েছে এবং যার প্রতিরক্ষাগত কৌশল ও সামরিক শ্রেষ্ঠত্বের তুলনা না কোথাও আছে—আর না কোথাও সম্ভব। আমরা মহানবী (সা) সম্পর্কে সব কিছুই জানি, সব কিছুই গর্ব ও শ্রদ্ধার সঙ্গে পরম ভক্তিভরে বর্ণনাও করি। কিন্তু এটা জানি না যে, তিনি তাঁর মিশনকে কিভাবে সাফল্যে পূর্ণতার দ্বারপ্রান্তে নিয়ে গিয়েছিলেন, কি কৌশলেই বা সেসব কর্ম সম্পাদন করেছিলেন; প্রতিরক্ষা শাস্ত্রে তাঁর আসনই বা কোথায় আর প্রতিরক্ষা নীতিতে এর গুরুত্বই বা কতখানি? আমরা যখন রসূল করীম (সা)-কে সর্বক্ষেত্রে সর্ব বিষয়ে ও সর্বপ্রকারে অনুকরণ ও অনুসরণ করাকেওয়াজিব নয় বরং ফরয মনে করি, তখন তাঁর সৈনিক জীবন, সামরিক নেতৃত্ব ও প্রতিরক্ষার কলা-কৌশল থেকে কেন দূরে থাকব? কেন এসব বিস্মৃত হব? এ থেকে কেনই বা পথ-নির্দেশ লাভ করা হবে না আর কেনই বা এর উপর আমল করাকে অপরিহার্য মনে করা হবে না; কেনই বা তাঁর মণি-মুক্তাসদৃশ মহান কার্যাবলী উপেক্ষা করে অন্যদের পরিত্যক্ত জিনিষকে লুফে নেওয়া হবে?

এই গুরুত্বপূর্ণ কাজ নিশ্চয়ই সহজ নয়। কিন্তু আমরা আমাদের সাধ্যমতো বিস্তারিতভাবে দেখানোর চেষ্টা করেছি যে, হযুর আকরাম (সা) অত্যন্ত সঙ্গীন ও নায়ুক অবস্থাতেও কিভাবে কাজ করেছেন। তাঁর প্রতিরক্ষার কলা-কৌশল, সামরিক গতিবিধি এবং চরম আক্রমণ ও প্রত্যাঘাতের নীতি কত শ্রেষ্ঠ ও উন্নতমানের ছিল; শত্রুর উপর তাঁর ভীতিকর প্রভাব কতখানি পড়েছিল। যেখানে বাতিল পুরস্কা, বিপথগামিতা, মুনাফেকী ও শত্রুতার ব্যাপক প্লাবন দু'কূল আছড়ে পড়েছে,—সেখানে আমানতদারী, আল্লাহ-ভীতি,

সৎ-কর্মশীলতা, ভদ্রতা ও শালীনতাবোধের রাজত্ব কিভাবে কায়েম হয়েছিল এবং দারিদ্র্য ও চরম অসহায় অবস্থার পরিবর্তে স্বস্তি, নিরাপত্তা এবং সম্বলতা কিভাবে সহজনভ্য হয়ে উঠেছিল ; সত্যের পন্থাগামের সঙ্গে জিহাদের সম্পর্ক কি এবং রসূল করীম (সা) পরিচালিত যুদ্ধ ও বিভিন্ন জিহাদ ও দুনিয়ার অন্যান্য যুদ্ধ-বিগ্রহের মধ্যেই বা পার্থক্য কি ?

অতএব আমরা দাবী করেছি আর এ দাবী করেছি জীবনের দীর্ঘ অভিজ্ঞতা ও পর্যবেক্ষণের উপর ভিত্তি করে যে, রসূল আকরাম (সা)-এর মহান ব্যক্তিসত্তা যেমন অপরূপ সক্রিয় দিক দিয়েই অনুসরণীয় ও অনুকরণীয়, তিক তেমনি সিপাহসালার, মুজাহিদ, প্রতিরক্ষা কৌশল সম্পর্কে অভিজ্ঞ এবং সমরশাস্ত্রের ইমাম হিসাবেও রসূল (সা)-এর পবিত্র সত্তা সর্বদাই অনুসরণীয় ও অনুকরণীয় এবং ভবিষ্যতেও তাই থাকবেন। দুনিয়া মতই উন্নতিই করুক, বস্তু-সম্ভার ও উপায়-উপকরণের যত প্রাচুর্যই ঘটুক, কিন্তু নীতি, কলা-কৌশল ও কর্মের দিক দিয়ে তাঁর মর্যাদার সামনে আর কারোর মর্যাদার আসন স্ফুট হতে পারে না।

এই গ্রন্থটি বিশ্ববস্তুর দিক থেকে সম্ভবত এ ধরনের প্রথম প্রয়াস। আর তাই এতে নানা ন্যূনতম মানবীয় দুর্বলতাজনিত ভুলত্রুটি থাকার আশঙ্ক্য নয়। বিজ্ঞ পাঠকদের নিকট বিনীত আবেদন, সেগুলো ক্ষমা করে নিজেদের মূল্যবান পরামর্শ ও মতামত দ্বারা তাঁরা যেন আমাদের উপকৃত হবার সুযোগ দেন এবং যেখানেই কোনরূপ অসামঞ্জস্য পরিলক্ষিত হবে কিংবা সিদ্ধান্তে পৌঁছার ক্ষেত্রে কোন প্রকার ত্রুটি-বিচ্যুতি ধরা পড়বে—সেসব অবগত করিয়ে লেখককে যেন শুকরিয়া জাপনের মওকা দেন।

যে সব সুখী পাশ্চাত্যের প্রতিরক্ষার ইতিহাস অধ্যয়ন করেছেন— তাঁদের দৃষ্টিতে এ ধরনের ঘটতি নজরে পড়বে যে, অমুক কোম্পানীর পরিচালনা কার অধীনে ন্যস্ত ছিল এবং তমুক যুদ্ধের সারিবদ্ধকরণ ও ব্যূহ রচনা কিভাবে করা হয়েছিল। এতে কোন সন্দেহ নেই যে, একে ঘটতি বলা যায় ; তবে তা এমন নয় যে, গ্রন্থের উদ্দেশ্য এবং নির্দিষ্ট লক্ষ্য পেশ করতে তাতে অসুবিধা হবে। আমাদের আসল আকরাম (সা)-এর সামরিক নৈপুণ্য, প্রতি-

রক্ষা কলা-কৌশল ও সৈন্য পরিচালনার নিপুণতা প্রকাশ করা। এজন্য অধীনস্থ সেনানায়ক ও সাহাবাদের মহান কার্যাবলীর বর্ণনার কোন প্রয়োজন নেই এবং এর কোন অবকাশও নেই। তাঁদের জীবন ও জিন্দেগীর সকল গৌরবজনক সাফল্য ও ঐজ্জ্বল্য তো সেই পবিত্র সত্তার আলোকেই আলোকিত। অনুরূপ বিষয়বস্তুর বিন্যাস ও গ্রন্থ রচনায়ও আমরা গতানুগতিক পদ্ধতি পরিহার করে নিজস্ব স্বতন্ত্র পন্থা অনুসরণ করেছি, আর তা হ'ল এই যে, বক্তব্যকে তার মৌলিক উৎস ও ফুটনোট দ্বারা আমরা ভারাক্রান্ত করে তুলতে চাইনি। আমাদের ধারণায় এ পদ্ধতি সাধারণ পাঠকের পাঠাবেগ ও পাঠোৎসাহের উপর বোঝাস্বরূপ হয়ে থাকে। লেখার সাবলীলতা এতে ক্ষুণ্ণ হয় এবং মনে হয় লেখক যেন তাঁর এতদসংক্রান্ত চেষ্টা ও সাধনার ইশতেহার পেশ করে পাঠকের নিকট থেকে প্রশংসাধন্য স্বীকৃতির প্রত্যাশী। অন্যথায় লেখক যে উল্লিখিত ও উদ্ধৃত বক্তব্য পেশের ক্ষেত্রে পুরোপুরি আমানতদারী রক্ষা করেছেন তার কি প্রমাণ আছে? তাছাড়া সংক্ষিপ্ত হাওয়াল্লা ও বর্ণনা থেকে প্রকৃত উদ্দেশ্য ও লক্ষ্যের পরিষ্কার বিশ্লেষণ এবং বর্ণনাসূত্র অবলম্বনের উদ্দেশ্যও এতে অজিত হয় না, বরং অধিকাংশ ক্ষেত্রেই সংক্ষিপ্ত বক্তব্য উদ্ধৃতির ফলে পাঠক ক্লতির সম্মুখীন হন।

অবশ্য এর অর্থ এই নয় যে, এ বই লিখতে গিয়ে অন্য কোন বইয়ের সাহায্য আমি নিই নি। বর্তমান গ্রন্থের পাণ্ডুলিপি রচনাকালে আমার সামনে ইতিহাস ও সীরত বিষয়ক নির্ভরযোগ্য কিতাবাদি ছিল। রসুল করীম (সা)-এর সীরত এবং পরিচালিত মূদ্ব-সংক্রান্ত তামাম ঘটনা ও অবস্থা সেসব থেকেই গ্রহণ করা হয়েছে। কিন্তু নির্বাচন ও উদ্ধৃত করবার পর বর্ণনানুসারে প্রতিটি গতিবিধি ও ব্যুহ রচনাকে নকশাকারে ঢেলে সাজিয়ে এর পেছনের কার্যকারণ নির্ণয় আমি নিজেই করেছি এবং যুক্তিগ্রাহ্য সম্পর্ক সৃষ্টির পর তা থেকে প্রতিরক্ষা বিষয়ে প্রয়োজনীয় সবক'ও ফলাফল লাভ করেছি। এসবই আমার নিজস্ব, এতে আমার পঞ্চাশ বছরের সামরিক জীবনের অভিজ্ঞতা ও পর্যবেক্ষণ আমাকে অত্যন্ত সহায়তা করেছে। অধিকন্তু সরকারী প্রতিরক্ষা সংক্রান্ত ও ঐতিহাসিক গ্রন্থ ও চিঠি-পত্রাদিও

আমার জন্য সহায়ক হয়েছে যা আমার দীর্ঘ সৈনিক জীবনের বিভিন্ন পর্বে ও সময়ে আমি পেয়েছি। আমি সে সবার লেখকদের নিকট অত্যন্ত কৃতজ্ঞ।

আল্লাহ তা'আলা সকলকে কল্যাণকর প্রতিদান দিন।

জানুয়ারী, ১৯৫৩

মুহাম্মদ আকবর খান
কুদসী, মালীর রোড, করাচী

ইসলামে প্রতিরক্ষা কৌশল

প্রতিরক্ষার গোড়ার কথা

যুদ্ধ-বিগ্রহ ও মানবীয় প্রকৃতি

যুদ্ধ-বিগ্রহ মানবীয় প্রকৃতির বৈশিষ্ট্য। প্রতিটি যুগেই যুদ্ধ-বিগ্রহ কোন না কোন আকারে দুনিয়ার বৃকে বিরাজমান ছিল। বর্তমান কালে যোগাযোগ ও যাতায়াত ব্যবস্থা, শিক্ষা ও বৈজ্ঞানিক গবেষণার ক্ষেত্রে অভূতপূর্ব উন্নতি পৃথিবীর প্রতিটি দেশকে এক বিশ্বভ্রাতৃত্ব বন্ধনে আবদ্ধ করেছে। বর্তমানে মানুষের বেঁচে থাকার জন্য অপরিহার্য সকল ন্যূনতম মৌলিক প্রয়োজন পূরণ হতে পারে না যতক্ষণ না আন্তর্জাতিক ক্ষেত্রে পারস্পরিক সম্পর্ক উন্নত ও ময়বুত ভিত্তির উপর প্রতিষ্ঠিত হয়। কিন্তু এতদসত্ত্বেও যুদ্ধের ভয়াবহ ঘনঘটা গোটা মানব গোষ্ঠীর উপর সততই সঞ্চারণশীল।

প্রথম মহাযুদ্ধের অকল্পনীয় ধ্বংসের প্রেক্ষিতে সম্মিলিত জাতিপুঞ্জ বা লীগ অব নেশন্স জন্ম লাভ করে। কিন্তু এই প্রতিষ্ঠানের অস্তিত্ব বিনোপ হয়ে যায় ১৯৩৯ সালে জার্মানীর ডিক্টেটর হের হিটলারের যুদ্ধ ঘোষণার পর। তিনি এই ঘোষণা দ্বারা গোটা বিশ্বকে দ্বিতীয় বিশ্ব যুদ্ধের ভয়াবহ অগ্নিগর্ভে নিক্ষেপ করেন। যুদ্ধকালীন সময়েই জন্ম নিল জাতিসংঘ। এই প্রতিষ্ঠানের উদ্দেশ্য ও লক্ষ্যও তাই যা ছিল সম্মিলিত জাতিপুঞ্জের অর্থাৎ দুনিয়াকে যুদ্ধের ধ্বংস ও রক্তাক্ত হানাহানি থেকে বাঁচাতে হবে। কিন্তু এতদসত্ত্বেও কি যুদ্ধের স্থায়ী বিপদ কেটে গেছে? এ ব্যাপারে কেউই নিশ্চিতভাবে কিছু বলতে পারে না। বরং মানুষের মনে এ আশংকাই বদ্ধমূল যে, তৃতীয় বিশ্বযুদ্ধ বিধিলিপির মতই অনিবার্য সত্য।

আগেই বলেছি যুদ্ধ-বিগ্রহ একটি মানবীয় প্রকৃতি বা ফিতরত। একটি দেশকে যুদ্ধের ব্যাপারে আগ্রহী না হওয়া সত্ত্বেও যুদ্ধ করতে হয়। উদাহরণত বলা যায়, কোন একটি দেশ এমন একটি দেশের উপর হামলা করে বসল যে, আদৌ সে লড়াই করতে ইচ্ছুক নয়। কিন্তু

এতদসত্ত্বেও তার উপর যুদ্ধ চাপিয়ে দেওয়া হলে বাধ্য হয়েই তাকে আত্মরক্ষার্থে অস্ত্র ধারণ করতে হবে। আত্মরক্ষার্থে অস্ত্র ধারণ এমন একটি মৌলিক অধিকার যা ছিনিয়ে নেওয়া যায় না।

কুরআনুল করীমে বলা হয়েছে—আল্লাহ্ পাক রাব্বুল আলামীন যখন হযরত আদম (আ) কে পয়দা করার ফয়সালা করলেন তখন তিনি ফেরেশ্তাদের বলেছেন : আমি আদমকে সৃষ্টি করতে চাচ্ছি সে, যমীনের বৃকে আমার খলীফা হিসাবে খেলাফতের পবিত্র দায়িত্ব ও কর্তব্য পালন করবে। এতে ফেরেশ্তাকুল আল্লাহ্ পাকের দরবারে আরজ পেশ করে : খোদাতুল্লাহ্ করীম ! আদম তো দুনিয়াতে ফেতনা ফাসাদ সৃষ্টি করবে (সুতরাং তাঁকে সৃষ্টি না করাই ভাল)। আর প্রকৃত ব্যাপার এই যে, প্রতিটি যুগে এবং যমানাতেই যুদ্ধ-বিগ্রহ সংঘটিত হয়েছে তার উদ্দেশ্য জোর জুলুমই হোক কিংবা জোর জুলুমের মূলোৎপাটনই হোক।

বিশ্ববিজয়ী জেনারেলগণ

আলেকজান্ডারকে 'আলেকজান্ডার দি গ্রেট' এজন্য বলা হয় যে, তিনি ইউরোপ ও এশিয়ার একটি উল্লেখযোগ্য অংশ অতি অল্প দিনে জয় করে নিয়েছিলেন। বাস্তবতার নিরিখে তিনিও পরিপূর্ণ জেনারেল ছিলেন না। কেননা তাঁর নিজের সৈন্যবাহিনীই, তা সে যে কোন কারণেই হোক, তাঁর বিরুদ্ধে বিদ্রোহ ঘোষণা করে এবং শেষ পর্যন্ত তাঁকে ভারতবর্ষ থেকে স্থায়ী অভিলাষ পূরণে ব্যর্থ মনোরথ হয়ে ফিরে যেতে হয়।

নেপোলিয়ানের সামরিক ও রণ-প্রতিভা নিঃসন্দেহে বিস্ময়কর ; সমগ্র ইউরোপ তিনি তখনই করে দেন। লোকে তাঁকে একাই দশ হাজার সৈনিকের সমকক্ষ বলে মনে করত। তাঁর উদ্ভাবিত ও অনু-সৃত সেসব রণনীতি ছিল অনড় ও অটল। ইউরোপের সামরিক স্কুলগুলোতে সে সব পড়ানো হয়ে থাকে। কিন্তু তাঁর মত নামকরা জেনারেলকেও পরাজয় বরণ করে কয়েদখানায় বন্দী দশায় নিতান্ত

অসহায় ও মজবুর মানুষের মতই জীবনের শেষ নিঃশ্বাস ত্যাগ করতে হয়েছে। তাঁকেও সফল, সার্থক ও পরিপূর্ণ জেনারেলরূপে স্বীকার করে নিতে মনে দ্বিধা হয়।

সিংহহাদয় রিচার্ডও বহু যুদ্ধ বিজয়ের শিরোপা লাভে ধন্য হন। কিন্তু তিনিও ব্যর্থ মনোরথ হয়ে মারা যান। হ্যানিবলের পরিণতিও হয়েছিল তাই। বর্তমান যুগে জার্মান-অধিপতি হিটলার সমগ্র দুনিয়াকে ভীষণভাবে নাড়া দেন এবং ন স্তনাবুদ করে ছাড়েন। কিন্তু শেষ পর্যন্ত আত্মহত্যার মাঝ দিয়ে তাঁর সকল কিছুর অবসান ঘটে। সঠিক অর্থে তাঁকেও পরিপূর্ণ ও সফল জেনারেল হিসাবে বিবেচনা করা চলে না।

এতে কোনই সন্দেহ নেই যে, বিপদাপদ, দুর্যোগ ও ব্যর্থতা দ্বারা মানুষের স্বভাবজাত কর্মশক্তি খুবই প্রভাবিত হয়। মানবীয় ক্ষিতরত বা স্বভাব বিপদ ও দুর্যোগ একটা বিশেষ সীমা পর্যন্ত বরদাশ্ত করতে পারে। রবারের তৈরী বেলুনের উদাহরণই নিন না কেন। বেলুনে বাতাস ভরতে থাকুন। এরপর ক্রমাগত বাতাস ভরা অব্যাহত রাখুন। তার পর এমন এক সময় আসবে যখন তা আর বাতাস ধারণ করতে সক্ষম হবে না, ফেটে যাবে। ঠিক তেমনি মানুষের উপর আপতিত বিপদ-আপদ ও দুঃখ-কষ্টের বোঝা যখন বরদাশ্তের বাইরে চলে যায় তখন তার ক্ষিতরত জবাব দিয়ে বসে, সে আত্মসমর্পণ করে। সৈন্যাধিপতির ভেতর সহশক্তি তাঁর যোগ্যতা ও ক্ষমতা মূর্তাবিক হয়ে থাকে। পরাজয় এবং ব্যর্থতার প্রভাব মানুষের মধ্যে স্বাভাবিকভাবে ভীকৃত্য, স্বল্পবুদ্ধিত্য, নিষ্ঠুরত্যা এবং বিদ্রোহাত্মক আচরণের ন্যায় দুর্বলত্যা সৃষ্টি করে। কিন্তু নেতার ব্যক্তিগত দৃষ্টান্ত, তাঁর দূরদর্শিত্যা, সূক্ষ্ম বুদ্ধি ও বিচক্ষণত্যা এবং যোগ্যত্যা তাঁর সৈন্যবাহিনী থেকে এসব দুর্বলতাকে দূরে রাখে। এদিক দিয়ে হযুর আকরাম (সা) ছাড়া সারা দুনিয়ার অপর কোন সৈন্যাধিপতি দৃষ্টিগোচর হন না যিনি এই মাপকাঠিতে সম্পূর্ণরূপে উৎরে যান।

মানুষ আদিকাল থেকেই লড়াই চালিয়ে আসছে এবং পারস্পরিক মতপার্থক্য ও বিভেদ নিস্পত্তির স্বার্থে তাকে শেষাবধি তলোয়ার হাতে নিতে হয়েছে। উল্লিখিত মানবীয় প্রকৃতির কারণেই বিভিন্ন রাষ্ট্রও

স্বীয় অধিকার ও স্বার্থ সংরক্ষণের জন্য যুদ্ধ করে থাকে অথবা এভাবে বলা যায় যে, মানুষ স্বভাবতই যুদ্ধ-বিগ্রহে লিপ্সু। মানুষের জন্মের সেই উমানগ্ন থেকে এভাবেই চলে আসছে। যদি তার প্রকৃতিতে অস্বাভাবিক ও আকস্মিক কোন পরিবর্তন সংঘটিত না হয় তবে ভবিষ্যতেও এটাই হতে থাকবে। যুদ্ধবিগ্রহে পরাজয়ও আছে এ কথা মানুষ খুব তাড়াতাড়ি ভুলে যায়। আর সেহেতু উদ্দেশ্য ও লক্ষ্য হাসিলের জন্য যুদ্ধ-বিগ্রহের অবসান কখনোই হবে না।

আজকালকার একটা সাধারণ ধারণা হ'ল, যে জাতি বা যে রাষ্ট্রের নিকট উড়োজাহাজ, আণবিক বোমা, বিশাল সৈন্যবাহিনী এবং অচেনা ধনসম্পদ রয়েছে বিজয় বৈজয়িন্তী কেবল তারাই উজ্জ্বল করবে। এটা নতুন কোন কথা নয়। আগেও লোকে বলত যে, একমাত্র সে সব জাতি বিজয় লাভ করতে পারে যাদের নিকট বিশাল সৈন্যবাহিনী ও প্রচুর অর্থ-বিস্তর রয়েছে। অথচ এটা ভুল এবং আদতেই ভুল ধারণা, কিন্তু সাধারণ মানুষ তা আদৌ বুঝতে চেষ্টা করে না। ফল এই দাঁড়ায় যে, বহু জাতি মিল্লতি ও ধ্বংস গহবরে এমনভাবে নিপতিত হয় যে, অতঃপর তা থেকে আর সামান্য দিয়ে উঠতে পারে না। আমাদের সামনে হিটলারের নজীর বিদ্যমান। হিটলার জার্মানীকে সব রকমের অস্ত্রে সজ্জিত করে বিরাট শক্তিশালী এক বাহিনী গঠন করেন এবং এর সাহায্যে তিনি জার্মানীকে বিশ্ব-বিজয়ী শক্তিতে পরিণত করার চেষ্টা করেন, কিন্তু পরাজয় বরণ করেন।

পরাজয়ের কারণ নির্ণয়ে পর্যবেক্ষক মহলের ভেতর একাধিক মতের সৃষ্টি হয়। কেউ বলেন, যদি হিটলার ইংরেজ বাহিনীকে ডেনমার্ক থেকে ইংলণ্ড না যেতে দিতেন এবং তাৎক্ষণিকভাবে ইংলণ্ডের উপর হামলা করতেন তাহলে যুদ্ধের ফলাফল হয়তো অন্যরূপ হ'ত। কেউ বলেন, হিটলার যদি জাবালুত্তারিক (জিব্রাল্টার) ও স্পেন অধিকার করে ফেলতেন তাহলে বৃটেনকে গলা টিপে মেরে ফেলতে পারতেন। কিছু লোকের ধারণা—আল-আলামীন রণক্ষেত্রে হিটলার যদি ফিল্ড মার্শাল রোমেলকে সমস্ত মতো সাহায্যকারী বাহিনী পাঠিয়ে দিতেন তাহলে নিশ্চিতভাবেই বৃটেন পিছু হটতো। একটি গ্রুপের মতে,

রাশিয়া আক্রমণ ছিল হিটলারের সব চেয়ে বড় তুল। এ সবই যদি সঠিক মেনেও নেওয়া হয় তবুও বাস্তব সত্য স্বীয় স্থানে অটল থাকে যে, সৈন্যবাহিনীর কামিয়াবী ও সাফল্য নেতার ব্যক্তিত্বের উপর নির্ভরশীল। তাঁর সুদৃঢ় ও সু-উচ্চ মনোবল, মহান চিন্তা-ভাবনা ও ধ্যান-ধারণা, সুষ্ঠু পরিকল্পনা ও বিচক্ষণতা এবং দিল ও দিমাগ তথা মন-মগজের অন্যান্য যোগ্যতার উপর বহু বিষয়েই নির্ভরশীল হয়ে থাকে। এটাই সেসব কার্যকারণ যা জয়-পরাজয়ের ফয়সালা অতীতেও যেমন করেছিল, এখনও করছে এবং ভবিষ্যতেও তাই করতে থাকবে। এসব কার্য-কারণের উপর ভিত্তি করেই আরবের একজন পিতৃমাতৃহীন যুবক স্বীয় লক্ষ্যকে সামনে রেখে সমগ্র বিশ্ববাসীকে চ্যালেঞ্জ করছেন। প্রথম দিকে তাঁকে বিভিন্নমুখী বিপদ-আপদ ও ঝঙ্কা-মুসীবতের মুখোমুখী হতে হয় এবং পরাজয় ও ব্যর্থতার কারণে দেশ ছেড়ে অন্য স্থানে হিজরত করে চলে যেতে হয়। কিন্তু সুনির্দিষ্ট লক্ষ্য ও গতিপথ তিনি কখনই হারান না। অবশেষে বিশ্ববাসী সে দৃশ্যও প্রত্যক্ষ করল যে, অল্প দিন পরে সেই হিজরতকারী ব্যক্তিটিই বিজয়ী বেশে প্রত্যাবর্তন করছেন, স্বীয় নীতিমালা বাধাহীনভাবে প্রচার করছেন এবং দুনিয়াকে শান্তি ও নিরাপত্তার ন্যায় মহামূল্যবান সম্পদ দ্বারা ভরে তুলছেন।

রসূল করীম (সা)-এর পবিত্র জীবনের সর্বাণেক্ষা গুরুত্বপূর্ণ দিক এবং এর থেকে পিঠ টান

এসব কিভাবে হ'ল? হযূর আকরাম (সা)-এর সাফল্য লাভের আসল কারণ কি ছিল? পরবর্তী পৃষ্ঠাগুলোতে এসব প্রশ্নেরই জবাব দানের চেষ্টা করা হয়েছে এবং তা এজন্য করা হয়েছে যেন মুসলমানদের সামনে তাঁর পবিত্র জীবনের এ দিকটি খোলাখুলি ও বিস্তৃতভাবে এসে যায়। যদিও এটা ঠিক যে, মুসলিম বিজয় ইতিহাসের পাতা-গুলো নিশ্চিত করে ফেলা হয়েছে, সে সবার লেখকও আজকের দুনিয়ান্ন নেই। আর যতটুকু অবশিষ্ট আছে তার মূল্যও গল্পলোকের কল্প-কাহিনীর চেয়ে বেশী কিছু নয়। গভীর বিশ্লেষণ ও সত্য

অন্বেষণের জগত আজ তমসাবৃত। তথাপিও বিনীত এ প্রচেষ্টা এজন্যই যেন এ অন্ধকারটুকু আর অবশিষ্ট না থাকে এবং কুহেলী অন্ধকার ভেদ করে সত্যের প্রদীপ্ত সূর্যসম মহামূল্যবান সম্পদ যা এদিক-ওদিক বিক্ষিপ্তভাবে এখনো ছড়িয়ে-ছিটিয়ে আছে কিংবা মাটির নীচে চাপা পড়ে আছে তাকে পুনরায় একত্রিত করা যায়, যেন আমাদের আগামী বংশধর এ থেকে উপকৃত হতে পারে।

রসূল করীম (সা) পরিচালিত জিহাদ

রসূল করীম (সা) পরিচালিত বিভিন্ন জিহাদ এবং অতীত ও বর্তমান যুগের অপরাপর যুদ্ধ-বিগ্রহের মধ্যে যে পার্থক্যটা সবচেয়ে বেশী চোখে পড়ে তা হ'ল, অন্যদের যুদ্ধ-বিগ্রহের উদ্দেশ্য নিজেদের স্বার্থ হাসিল করা। সুতরাং একজন বিজয়ী ও অপরজন পরাজিত হবার পর যখন সন্ধি স্থাপিত হয় তখন তা শান্তি ও নিরাপত্তার পরিবর্তে ভাবী যুদ্ধের কারণ অর্থাৎ হিংসা ও জিঘাংসার উদ্দাম স্পৃহা সঙ্গে নিয়ে আসে। এর বিপরীতে রসূল আকরাম (সা)-এর সমস্ত যুদ্ধের অবশেষ শান্তি ও নিরাপত্তার উপর গিয়ে শেষ হচ্ছে অর্থাৎ যেখানে অন্যান্য যুদ্ধ জুলুম-নির্যাতন ও ধ্বংসের বিস্তার ঘটিয়েছে, যেখানে এ যুদ্ধ তামাম দুনিয়াকে ভ্রাতৃত্ব ও সামোর দাওয়াত জানিয়েছে। সন্ধি শর্ত স্থির করবার মুহূর্তে অমুসলিম বিজ্ঞতার নিয়ত সব সময় এটাই থাকে যেন বিজিত জাতিকে অধিক থেকে অধিকতর মজবুর ও অসহায় অবস্থার শিকারে পরিণত করা যায়। আর তাই তারা বলে যে, আগামীতে বিজয়ী জাতির সীমারেখা এই হবে, এই হবে বিভিন্ন জাতির শক্তির ভারসাম্য; অতঃপর পরাজিত জাতিকে এমনভাবে আণ্টপুষ্ঠে বেঁধে ফেলা হবে যেন তারা চিরদিনের তার গোলামে পরিণত হয় এবং সহায়-সম্পদ, অর্থনৈতিক, সাংস্কৃতিক ও সামাজিক জীবন একদম যেন ধ্বংস ও বরফা হয়ে যায়। এ ধরনের কষ্টিন শর্তারোপ বিজিত জাতির, মন-মানসে প্রতি-শোধের আশ্রয় জ্বালিয়ে দেয়। কিন্তু নবী করীম (সা)-এর অজিত বিজয়ের পর সন্ধির শর্ত স্থির করতে গিয়ে হামেশাই বিজিত জাতির

ভবিষ্যত জীবনের কল্যাণ ও মঙ্গলকে সামনে রাখা হয়েছে, তাদেরকে শান্তি ও স্বস্তি এবং সাম্য ও ন্যায়বিচারের মহামূল্যবান সম্পদ দ্বারা ভূষিত করা হয়েছে।

বিশ্বযুদ্ধ ও তার কারণ

সম্ভবত এ কথাগুলো উপলব্ধি করা আরও বেশী সহজ হবে যখন সংক্ষিপ্তভাবে সেসব কারণ বর্ণনা করা হবে যার দরুন অল্পদিনের ব্যবধানে বিশ্বকে দু'টি বিশ্বযুদ্ধের রক্তাক্ত সংঘর্ষ, নজীরবিহীন ধ্বংস ও বর্বরতার ভয়াবহ দৃশ্য প্রত্যক্ষ করতে হয়। শুধু প্রত্যক্ষই নয় বরং এর মাঝ দিয়ে অতিক্রমও করতে হয়েছে। এসব যুদ্ধে উভয় পক্ষের মৌলিক নীতি এই ছিল যে, বিজয়ী পক্ষে পরাজিতের সঙ্গে ইনসাফ ও ন্যায়নীতি অবলম্বন করা আহাম্মুকী। পরাজিত পক্ষের উপর সর্বপ্রকার জুলুম ও বাড়াবাড়ি করা অবাধে জায়েয এবং তাদের উপর জোর-যবর-দস্তি তথা শক্তি প্রয়োগ এবং ধনসম্পদসহ সব কিছু ছিনিয়ে নেওয়া বিজয়ী পক্ষের জন্মগত অধিকার। এ প্রসঙ্গে হিটলারের সেই বক্তৃতার উদ্ধৃতি পেশ করা যথেষ্ট হবে যা তিনি ১৯৩৯ সালের ১লা সেপ্টেম্বর জার্মান পার্লামেন্টে দিয়েছিলেন। সেখানে তিনি বলেছিলেন :

‘১৯১৯ সালে গুলী ভর্তি পিস্তলের মুখে আমাদের থেকে দস্তখত করিয়ে নেওয়া হয়েছিল। শুধু তাই নয়, আমাদের এমন ধমকও দেওয়া হয় যে, যদি এসব শর্তের উপর দস্তখত না করা হয় তাহলে জার্মানীর লাখ লাখ অধিবাসী ক্ষুধা ও অনাহারের অসহনীয় যন্ত্রণায় ছুঁফট করে মারা যাবে। এ ধরনের যবরদস্তিমূলক দস্তখত নেবার পর আমাদেরকে বলা হয়, এই দলীল আইনগতভাবেই অটল ও অনড় থাকবে (অর্থাৎ এর কোন হেরফের হবে না)।’

এই ভাষণে হিটলার চার্চিলের সেই বক্তব্যেরও পুনরাবৃত্তি করেন যা তিনি ১৯১৯ সালের ৩রা মার্চ কমন্স সভায় পেশ করেছিলেন। তিনি বলেছিলেন, ‘আমাদের অবরোধ সফল হয়েছে। পর্যবেক্ষকদের মতে জার্মানী এখন ক্ষুধা ও অনাহারে ছুঁফট করছে।’

মজার কথা এই যে, ইংলণ্ডের প্রখ্যাত রাজনীতিবিদ ও পর্ষ-বেক্ষক লয়েড জর্জ সন্ধি সম্মেলনের সদস্যদের সেই সময়ই সতর্ক করে দিচ্ছেলেন, ‘যদি আপনারা জার্মানীর সমস্ত নয়া উপনিবেশ ছিনিয়ে নেন, তাদের নৌ, বিমান ও স্থল বাহিনীর সদস্য-সংখ্যা একে-বারেই কমিয়ে দেন এবং তাদের অস্ত্রশস্ত্র তৈরীর আদৌ অনুমতি না দেন তখন জার্মানীর একবার যদি দূত-বিশ্বাস এসে যায় যে, সন্ধির শর্তাবলী নেহায়েত অন্যান্যভাবে তাদের উপর চাপিয়ে দেওয়া হয়েছে তাহলে এর প্রতিশোধ গ্রহণে তারা অবশ্যই ময়দানে অবতরণ করবে এবং আমাদের জুলুম ও যবরদস্তি এবং নানারূপ বাধা-নিষেধ তাদের ভেতর আত্মত্যাগ, কোরবানী ও শৌর্যবীর্যের আবেগসমূহকে উদ্দীপিত করে তাদেরকে আমাদের মুকাবিলায় এনে দাঁড় করাবে।’

কিন্তু সন্ধির ব্যাপারে দায়িত্বপ্রাপ্ত সদস্যবৃন্দ লয়েড জর্জের এ পরামর্শে কণপাত করেন নি। আর এভাবেই তারা দ্বিতীয় বিশ্বযুদ্ধের বুনয়াদ পত্তন করেন।

এর সঙ্গে সঙ্গে এটাও স্মরণ রাখতে হবে যে, কয়েক শতাব্দী থেকে ইংলণ্ডের এই পলিসিই চলে আসছে যে, ইউরোপের বিভিন্ন জাতি-গোষ্ঠীর একের বিরুদ্ধে অপরকে উস্কে ও লেলিয়ে দিয়ে দু’টি বিবদমান গুপে বিভক্ত করে রাখা যেন সেখানে (ইউরোপীয় ভূখণ্ডে) শক্তির ভারসাম্য বজায় থাকে। বৃটেন প্রথমে এটা দেখতো যে, তার প্রধান প্রতিদ্বন্দ্বী কে! তার অর্থ অবশ্য এই নয় যে, প্রতিদ্বন্দ্বী রাষ্ট্র অত্যন্ত দুশ্চিন্তিত ও ঝগড়াটে বরং তা এই যে, ভবিষ্যতে সে ব্রিটিশ সাম্রাজ্য ও তার বাণিজ্যিক স্বার্থের প্রতি যেন বিপজ্জনক হুমকী হয়ে না দাঁড়াতে পারে। যদি সে প্রাকৃতিক সম্পদ, বাণিজ্য কিংবা এ ধরনেরই অন্য কোন কারণে শক্তিশালী হয়ে উঠতো তাহলে বৃটেন ইউরোপের অন্যান্য রাষ্ট্রের সহ-যোগিতায় তাকে দাবিয়ে দিত। কিন্তু সন্ধির পর প্রতিপক্ষকে এতখানি কমজোর ও দুর্বল করে দিত না যে, সে একেবারেই নিঃশেষ হয়ে যায় এবং ইউরোপে শক্তির ভারসাম্য নষ্ট হয়। সম্ভবত আমেরিকা এবং ফ্রান্স লয়েড জর্জের পরামর্শকে এরই ভিত্তিতে ছুঁড়ে ফেলে দিয়েছিল—বিশেষত এই কারণে যে, সে সময় বৃটেন ফ্রান্সের ব্যাপারে ভীত ছিল। কেননা সে ইউরোপে সর্বাপেক্ষা শক্তিশালী থাকতে চাচ্ছিল,

অথবা এটাও সম্ভব যে, এবার তারা বৃটেনকে বেকায়দায় ফেলতে চাচ্ছিল যেন সে বাণিজ্য ক্ষেত্রে তাদের প্রতিদ্বন্দ্বিতায় অগ্রসর না হতে পারে ; অতএব এ মুহূর্তে সে যুদ্ধ-বিগ্রহে জড়িয়ে থাকুক। এ ব্যাপারে আমেরিকা ও ফ্রান্সের মধ্যে কোন গোপন সমঝোতা হওয়াও বিচিত্র কিছু নয় !

বৃটেন তার স্বার্থ সংরক্ষণের উদ্দেশ্যে লীগ অব নেশন্সের ভিত্তি স্থাপন করে। এতে বৃটেন ও ফ্রান্সের মধ্যে দ্বন্দ্বের সূত্রপাত হয়। ১৯১৯ সালে ফ্রান্স বৃটেনের ইচ্ছার বিরুদ্ধে তুরস্ককে সাহায্য প্রদান করে। তাতে করে কামাল আতাতুর্ক তুরস্কে একটি স্বাধীন রাষ্ট্র প্রতিষ্ঠায় কামিয়াব হন। কিন্তু ১৯২৩ সালে তৎকালীন ইউরোপের সর্বাপেক্ষা শক্তিশালী রাষ্ট্র ফ্রান্স জার্মানীর রুহর নামক এলাকা যখন জবর দখল করে নেয়, তখন বৃটেন জার্মানীর সঙ্গে ষড়যন্ত্র পাকাতে শুরু করে এবং অত্যন্ত গোপনভাবে জার্মানীকে পুনর্বীর শক্তিশালী হবার পেছনে মদদ জোগাতে থাকে। এই মদদ জোগাবার ভিত্তিতেই জার্মানীতে ফিল্ড মার্শাল হিগেনবুর্গের অধীন এমন একটি সরকার কায়েম হয়—হিটলার ছিল যার যোগ্য উত্তরসূরী।

সে সময় বৃটেন একটি কঠিন বিপদ ও অসুবিধার মধ্যে ছিল অর্থাৎ ১৯১৩ সালের মত ১৯৩৫ সালে বৃটেন দুনিয়ার ব্যাংক পলি-সির উপর আর একক কর্তৃত্বে অধিষ্ঠিত ছিল না। অর্থনীতির কেন্দ্র তখন লণ্ডনের পরিবর্তে নিউইয়র্কে গিয়ে আসর জমিয়েছে। বৃটেন সোনা-রূপার নিয়ন্ত্রণ ও বিনিময়ের উক্ত কেন্দ্রকে পুনরায় লণ্ডনে ফিরিয়ে আনতে চাচ্ছিল। এতদুদ্দেশ্যে সে স্বর্ণ মূল্যমানের একটি নবতর আইন প্রবর্তন করে। এরপর ১৯২৫ থেকে ১৯৩১ পর্যন্ত আমেরিকার সঙ্গে তার বাণিজ্যিক যুদ্ধ অব্যাহত থাকে যার পরিণতিতে বৃটেন আমদানী ক্ষেত্রে ঘাটতির কারণে স্বীয় প্রতিরক্ষা খাতে খুবই কম ব্যয়ে সক্ষম হয়। এদিকে ফ্রান্স ও জার্মানী দিন দিন শক্তিশালী হয়ে চলেছিল। অর্থ সংকটের এই পরিণতি গোপন রাখার জন্য সে একটি নতুন পন্থা উদ্ভাবন করে যাতে এর হাত থেকে উদ্ধার পাবার জন্য কিছুটা ফুরসত মেলে এবং বাণিজ্যিক যুদ্ধে আমেরিকাকে পেছনে ফেলে দ্রুত সামনে অগ্রসর হতে পারে। উল্লিখিত কৌশল ও পরি-

কল্পনা এই ছিল যে, সকল রাষ্ট্রই নিজেদের সৈন্যবাহিনী কমিয়ে ফেলবে যাতে করে দুনিয়ার বৃক পুনর্বীর যুদ্ধের কোনরূপ আশংকা আর না থাকে। অতএব এরই ভিত্তিতে লীগ অব নেশন্সে যুদ্ধান্ত নির্মাণের উপর বাধা-নিষেধ আরোপের প্রস্তাব পেশ করা হয়। বৃটেন যেহেতু আর্থিক সংকটের কারণে প্রতিরক্ষা খাতে ব্যয়-বরাদ্দ খুবই কম করছিল, —সেহেতু সে তার এই নগণ্য ব্যয়-বরাদ্দকে দুনিয়ার সামনে নমুনা হিসাবে পেশ করে। জার্মানী কিন্তু লীগ অব নেশন্সের সদস্য ছিল না। সে তার সৈন্যসংখ্যা ও সমর শক্তি বৃদ্ধি করতে শুরু করে। এতে খোদ বৃটেনের মদদ ও ইশারা-ইঙ্গিতও ছিল। আর এ কারণেই বৃটেন হিটলারকে ভয়াবহ ও বিপজ্জনক রূপ ধারণ করতে দেখেও 'উহ্' শব্দটি পর্যন্ত উচ্চারণ করতে পারেনি। ব্রিটিশ গভর্নমেন্ট বৃটেনবাসীর সামনে ফ্রান্স কিংবা জার্মানীর মুকাবিলায় সমর প্রস্তুতির কোন বাজেটও পেশ করতে পারেনি। আর করলেও তাকে ইস্তফা দিতে হ'ত। এজম্যই ১৯৩৯ সালের পহেলা নভেম্বর যখন দ্বিতীয় বিশ্বযুদ্ধের সূচনা হ'ল তখন ব্রিটিশ গভর্নমেন্ট বৃটেনবাসীকে যুদ্ধের প্রকৃত কারণ সম্পর্কে অবহিত করতে পারেনি এবং এও বলতে পারেনি জার্মানীর বিরুদ্ধে আমাদের পুরনো নীতি অর্গাৎ শক্তির ভারসাম্য রক্ষার খাতির যুদ্ধ করতে হবে এবং নতুন জার্মানীর জীবিকার্জন, বাণিজ্য পথ, শিল্প ও কৃষির উপর নিষেধাজ্ঞা আরোপ করে ব্রিটিশ বাণিজ্য ও সাম্রাজ্য রক্ষাই হবে আমাদের আসল উদ্দেশ্য ও লক্ষ্য। অন্য কথায়, বৃটেন জার্মানীর বাণিজ্যের অস্বাভাবিক বিকাশের বিরোধী অথবা বলতে পারেন — বৃটেন জার্মানীকে একেবারে ধ্বংস ও বরবাদ করতে চায় না, কিন্তু ইউরোপে শক্তির ভারসাম্য বজায় রাখতে চায়।

কিন্তু ১৯৩৯ সালের ৩রা সেপ্টেম্বর বৃটেন যখন যুদ্ধ ঘোষণা করল তখন এ যুদ্ধের নাম দিল "ক্রুসেড" (ধর্মযুদ্ধ) এবং রাজনৈতিক স্বার্থকে শিকেষ্ট যুলিয়ে রেখে হিটলার এবং তাঁর নাজী সহযোগীদের ধ্বংস সাধনে কোমর বেঁধে লাগল। এরূপ নীতি পরবর্তীকালে বৃটেনকে এমন এক সংকট ও সমস্যার আবর্তে নিষ্কপ করল যার হাত থেকে সে আজও নিষ্কৃতি পায়নি। আর এখন বিশ্ব

তৃতীয় বিশ্বযুদ্ধ, আণবিক বোমা, বীজানুবাহী গোলা ও গ্যাস শেলের ধ্বংসকরী ক্ষমতার উন্মাদনা আশংকায় খরখর করে কাঁপছে।

কতিপয় সাক্ষ্য-প্রমাণ

এখানে যে চিত্র পেশ করা হ'ল তা সহজে বোঝার জন্য উপরের ভাস্কর্য সমর্থনে রুশ পর্যবেক্ষক ও চিন্তাবিদদের মতামত পেশ করা যাচ্ছে। তাতে এ ব্যাপারে প্রতিটি দলের ও গুপ্তের ধ্যান-ধারণা চোখের সামনে ফুটে উঠবে। স্টালিন ১৯৩৪ সালে বলেছিলেন :

'১৯১৪-১৮ সালের যুদ্ধ জার্মানদের অন্তর-রাজ্যে প্রতিশোধ গ্রহণের এমনি এক আবেগ-স্পৃহা ও উত্তেজনা সৃষ্টি করে দিয়েছে যা অদ্যাবধি বিদ্যমান এবং ভবিষ্যতেও তা থাকবে। এই যুদ্ধের বদৌলতেই রাশিয়া অভিজাত সম্প্রদায় ও শাসকগোষ্ঠীর কুপ্রভাব থেকে মুক্ত হয়েছে এবং একই কারণে সোভিয়েট ইউনিয়ন পৃথিবীর মানচিত্রে অস্তিত্ব লাভ করে। দ্বিতীয় বিশ্বযুদ্ধ কম্যুনিষ্টদের জন্য যে আরো সুসংবাদ-বার্তা বয়ে আনবে না তাই বা কে বলতে পারে !'

১৯৩৯-এর ১০ই মার্চ তিনি অপর এক বিবৃতিতে বলেন :

—'আমাদের সতর্ক থাকা উচিত যেন আমরা যুদ্ধবাজদের ধোকায় পড়ে আমাদের দেশকে এক সাগর রক্তের মাঝে নিষ্ক্ষেপ না করি.....' ইত্যাদি।

এর পরই তিনি হিটলারের সঙ্গে শান্তি চুক্তি স্বাক্ষর করেন। কিন্তু পোল্যান্ডের উপর জার্মানীর হামলার মুহূর্তে পোল্যান্ড নিজেদের অংশ ভাগ-বাটোয়ারা করে নেয় এবং আলাদা হয়ে অপর সুযোগের অপেক্ষায় থাকে যেন মোক্ষম মুহূর্ত আসা মাত্রই নিজের স্বার্থ উদ্ধারে সক্ষম হয়। ক্রমাগত যুদ্ধের ফলে উভয় পক্ষই দুর্বল হয়ে পড়ে, আর্থিক অবস্থা খারাপ হয়ে যায়। এজন্য রাশিয়ার ধারণা ছিল, বিজয়ী ও বিজিত উভয়ের ভেতরেই ক্ষুধাসহ যুদ্ধের অনিবার্য কুফলের কারণে কম্যুনিষ্টিক ধ্যান-ধারণার প্রসার ও ব্যাপ্তি সহজ হয়ে যাবে অর্থাৎ তারা যুদ্ধে জড়িত উভয় পক্ষের যুদ্ধান্তর কুফলের অংশীদার হতে

সরাসরি অস্বীকার করল। বরং এথেকে ফায়দা হাসিলের জন্য একটি সুচতুর পরিকল্পনা তৈরী করে এবং এরই সঙ্গে সঙ্গে রাশিয়া তার নিজস্ব সেনাবাহিনী ও সমর শক্তি বধিত করতে থাকে যেন মোক্ষম মুহূর্তে তাকে কাজে লাগানো যায়।

এখন জার্মানীর অধিকার ও স্বার্থের অবস্থার কথা একবার হিটলারের নিজের মুখেই শুনুন। তিনি বলেন :

কোন দেশের সীমারেখার গুরুত্ব এর উপর নির্ভর করে না যে, সে তার অভ্যন্তরে দেশবাসীর জন্য যথেষ্ট খাদ্যশস্য কিংবা কাঁচা মাল উৎপাদন করতে পারে—বরং তার উপর নির্ভর করে যে, রাজনৈতিক এবং প্রতিরক্ষার দৃষ্টিকোণ থেকে সে নিরাপদ কিনা অর্থাৎ হিটলার ১৯১৪ সালের পূর্বকার নয়া উপনিবেশগুলোই চাচ্ছিলেন না—বরং তিনি জার্মানীর সীমান্ত রেখাকে আরও বিস্তৃত ও প্রসারিত করে জার্মানীকে প্রতিরক্ষার দিক দিয়েও মসবুত ও শক্ত ভিত্তির উপর দাঁড় করাতে চাচ্ছিলেন যেন তিনি সকল প্রকার বিপদ-আপদ থেকে নিরাপদ হতে পারেন। শুধু তাই নয়, জার্মানীকে দুনিয়ার মধ্যে সর্বাপেক্ষা শক্তিশালী রাষ্ট্র হিসাবেও তিনি গড়ে তুলতে চাচ্ছিলেন। তিনি তাঁর অমর গ্রন্থ “মেইন কাম্পফ”—এ পরিষ্কার লিখেছিলেন যে, তাঁর দেশের বিস্তৃতি সঠিকভাবে ক্রাশীয় এলাকার উপর নিয়ন্ত্রণ ও দখল প্রতিষ্ঠা দ্বারাই হতে পারে। আর রাশিয়ানরা জাতিগতভাবে হেয়তর; সুতরাং সর্বশ্রেষ্ঠ ও সর্বোত্তম জাতির কেন্দ্রভূমি জার্মানী রাশিয়ান নিকট থেকে প্রয়োজন মাত্রিক এলাকা ছিনিয়ে নেবার অধিকার রাখে। বিশেষ করে এজন্য যে, রাশিয়ার উপর ইহুদীদের প্রভাব লক্ষ্যণীয়ভাবে অধিক এবং তাদেরকে ইহুদী বিপদাশংকা থেকে বাঁচানো জার্মানীর মৌলিক দায়িত্ব ও কর্তব্যের অন্তর্ভুক্ত।

হিটলার মনে করতেন যে, এই বিরাট সাম্রাজ্যের উপর ইহুদীরা তাদের নিয়ন্ত্রণ ও প্রভাব-প্রতিপত্তি দীর্ঘদিন কায়েম রাখতে পারবে। এজন্য তাঁর দৃঢ় বিশ্বাস ছিল যে, ক্রাশ অধিবাসীরা ইহুদীদের নিয়ন্ত্রণ ও প্রভাব-বলয়ের হাত থেকে মুক্তি পাবার জন্য রাশিয়ায় জার্মানীর বিজয়ীর বেশে প্রবেশকে খোশ আমদেদ জানাতে অপেক্ষা করবে।

দৃশ্যত হিটলারের খাহেশ ছিল জার্মানী মান-মর্যাদার সঙ্গে স্বাধীন-ভাবে জীবন যাপনে সক্ষম হোক এবং তাঁর দেশ শক্তিশালী রাষ্ট্র-সমূহের মধ্যে পরিগণিত হোক। কিন্তু এই খাহেশের পরিপূর্ণতা সাধনের জন্য সমগ্র দুনিয়াটাকে একেবারে ওলট-পালট করে দেওয়াকেও আবার তিনি জায়েয মনে করতেন।

আমেরিকা এই যুদ্ধটাকে নিজেদের বাণিজ্য বিকাশের স্বার্থে অত্যন্ত সুলক্ষণ বলে মনে করত। কেননা সে জানতো যে, এভাবেই তার সর্বাপেক্ষা বড় প্রতিদ্বন্দ্বী বৃটেন এবং তার সাথে সাথে জার্মানী, ফ্রান্স ও জাপান ময়দান থেকে পথ ছেড়ে সরে যাবে।

এ সব ধ্যান-ধারণা দ্বিতীয় বিশ্বযুদ্ধের প্রারম্ভে বিভিন্ন জাতিগোষ্ঠীর মন-মগজে লালিত হচ্ছিল। যুদ্ধের শরীক দলগুলো যুদ্ধ ঘোষণার মুহূর্তে এসব ধ্যান-ধারণাকে যেসব রঙে ও রূপে পেশ করেছিল—দুনিয়াবাসী সে সম্পর্কে পুরোপুরি ওয়াকিফহাল। এখন এটাই দেখতে হবে যে, এই পবিত্র (?) যুদ্ধ যা মিত্রশক্তি শুরু করেছিল এবং যাকে জার্মানী ও তার সহযোগীবৃন্দ জীবন-মরণ যুদ্ধ নামে অভিহিত করেছিল—কোন মূলনীতির উপর চলেছিল।

যুদ্ধের লক্ষ্য

পশ্চিমা জাতিগোষ্ঠীর প্রতিরক্ষা-কৌশল ও নীতি কতিপয় সামরিক পর্যবেক্ষকের চিন্তা-ভাবনার নির্যাসমাত্র। এদের মধ্যে জার্মানীর মশহর জেনারেল ক্লজউইজ (Clausewitz), মল্টক (Moltke) ডেলব্রাক (Delbruck) প্রমুখ বিখ্যাত। ডেলব্রাক ক্লজউইজের চিন্তা-ভাবনা ও ধ্যান-ধারণাকে লিপিবদ্ধ করেছেন। তাঁদের ধারণায় যুদ্ধের উদ্দেশ্য ও লক্ষ্য দু'ধরনের হয়ে থাকে :

১. কোন বিশেষ রাজনৈতিক স্বার্থ হাঙ্গিল : যখনই এই রাজনৈতিক স্বার্থ হাঙ্গিল হয়ে যাবে তখন সন্ধি করে যুদ্ধ বন্ধ করাটাই সমীচীন। সেজন্য এই যুদ্ধে প্রতিরক্ষা-কৌশল ও নীতির

উদ্দেশ্য ও লক্ষ্য হয়ে থাকে যুদ্ধের ময়দানে চূড়ান্ত ও পরিপূর্ণ বিজয় লাভ।

২. শেষ লিফাসটুকু বাকী থাকা পর্যন্ত লড়াই চালিয়ে যাওয়া : সীমাহীন রকমের যুদ্ধে যেন দুশমন সম্পূর্ণরূপে পরাভূত ও পর্যুদস্ত হয়ে যায় এবং ভবিষ্যতে আর কখনই যেন সে মাথা তুলে দাঁড়াতে সক্ষম না হয়। এই উদ্দেশ্য ও লক্ষ্য হাসিলের জন্য যুদ্ধ চলাকালীন কতিপয় পন্থা অনুসৃত হয়।

(ক) প্রচার-প্রোপাগান্ডার মাধ্যমে শত্রু রাষ্ট্রের অভ্যন্তরে সরকারের বিরুদ্ধে বিদ্রোহ কিংবা অসহযোগিতার মনোভাব জাগিয়ে তোলা।

(খ) শত্রুপক্ষের উপর সম্পদ ও আর্থিক চাপ সৃষ্টি করে সে দেশে অশান্তির বিস্তার ঘটানো এবং তাকে নিশিচহ্ন করে দেওয়া।

(গ) বিভিন্ন ধরনের সামরিক চাপ সৃষ্টি করে দুশমনকে বাধ্য ও অসহায় বানিয়ে ফেলা।

কতিপয় ঘটনা ও প্রমাণ

চার্টার যেমন বৃটেনের কয়েক শতাব্দীর পুরনো ও পরীক্ষিত 'শক্তির ভারসাম্য বজায় রাখার'-র নীতিকে পেছনে ঠেলে নাজীবাদের বিরুদ্ধে 'পবিত্র ক্রুসেড যুদ্ধ' ঘোষণা করেন—ত্রিক তেমনি হিটলার ও স্বীয় প্রতিরক্ষা বিষয়ক বিশেষজ্ঞদের রায় এবং নিজের জেনারেল স্টাফের পরামর্শ উপেক্ষা করে নিজস্ব মনগড়া কার্যকলাপ শুরু করেন। যদিও যুদ্ধের প্রথম দু'বছর পর্যন্ত তিনি জেনারেল স্টাফের পরামর্শ নিতে থাকেন, কিন্তু পরবর্তীকালে এ পরামর্শ গ্রহণ আর প্রয়োজন বোধ করেন নি। ১৯৩৯ সালের এক বক্তৃতায় তিনি অতীতের সমর-বিশেষজ্ঞ এবং বর্তমান কালের জেনারেল স্টাফ সম্পর্কে বলেছিলেন :

'কে বলে যে, আমি ১৯১৪ সালের যুদ্ধের বোকামীপূর্ণ নীতিমালার উপর ভবিষ্যতের যুদ্ধেও অব্যাহত রাখবো। আমি কি অদ্যাবধি এ ব্যাপারে পূর্ণ প্রয়াস চালাই নি যে, এ ধরনের ধ্যান-ধারণাকে সম্পূর্ণ

ভুলিয়ে দেব ! অধিকাংশ লোকই এ ধরনের কথাবার্তা বুঝতে একে-
বারে অক্ষম । তারা না ভবিষ্যত দেখতে পায়, না নতুন আবিষ্কার-
উদ্ভাবনই করতে পারে ! অন্যদের কথা নাই-বা বললাম, আমাদের
জেনারেলরাও তো বুদ্ধ । তারা কেবল রশি মেপে মেপে পথ চলতেই
অভ্যস্ত, আর গ্রন্থফীট বলতে যা বুঝায় তারা তো তাই । বুদ্ধিমান ও
সূচতুর উদ্ভাবক এ ধরনের স্বল্প বুদ্ধিসম্পন্ন লোকদের থেকে সব সময়
দূরে থাকে ।’

রাষ্ট্রের সর্বোচ্চ পদাধিকারী নিজের জেনারেলদের এর চেয়ে আর
কিইবা বেশী অপমান ও বেইশ্বর্য করতে পারেন এবং এর থেকে
অধিকতর স্পষ্টভাবে নিজের আস্থাহীনতার প্রকাশ আর কিভাবে
করা যেতে পারে ! অতঃপর এর সঙ্গে তিনি এও এলান করেন :
আমি জার্মান জাতির জন্য যবরদস্ত ও শক্তিশালী সাম্রাজ্য কায়েম
করতে চাই । তিনি তার নাম রেখেছিলেন —‘লেবেসরাম’ (Lebes-
raum) ।

হিটলার যেখানে এই নতুন নীতির উপর চলার ঘোষণা দিচ্ছিলেন,
সেখানে চাচিল মিত্র শক্তির কাউন্সিলে যথেষ্ট প্রভাবশালী সমরবিদ
জেনারেল দুহেত (Guilio Douhet)-এর প্রতিরক্ষা নীতির সমর্থন-
কারীতে পরিণত হন । উক্ত জেনারেলের প্রতিরক্ষা নীতি ছিল, যখন
বিবাদমান দুটি পক্ষের মধ্যে যুদ্ধ লেগে যায় তখন উভয় পক্ষই একে
অপরের বিরুদ্ধে জয় লাভের জন্য নৌ, স্থল ও বিমান শক্তির সাহায্যে
পরিকল্পনা তৈরী করে এবং যখন কোন পক্ষ বিরোধী পক্ষের সেনা-
বাহিনীকে পর্যদস্ত করে দিতে সক্ষম হয় তখন পরাজিত ও পরাজিত
রাষ্ট্রের অধিবাসীদের মনোবলও ভেঙে পড়ে এবং পরাজিত সেনা-
বাহিনী অস্ত্র সমর্পণ করে । শেষ পর্যন্ত উক্ত পক্ষের কোমর ভেঙে
দেওয়া হয় । সব সময় এই নীতিই চলে আসছে এবং ১৯১৪-১৮-এর
যুদ্ধেও তাই হয়েছিল অর্থাৎ ময়দানে যুদ্ধরত সেনাবাহিনী যখন
হেরে গেল তখন পরাজিত দেশ সন্ধির জন্য দরখাস্ত করল অর্থাৎ
দেশের অধিবাসীদের মনোবল সৈন্যবাহিনীর পরাজয়ে ভেঙে পড়ে এবং
তাদের মানোবল ভেঙে পড়ায় স্বয়ং রাষ্ট্রও তার পরাজয় স্বীকার করে
নেয় । সুতরাং কি কারণ থাকতে পারে যে, সাধারণ রীতি-পদ্ধতি

অনুসারে লড়াই করার পরিবর্তে বিপক্ষ রাষ্ট্রের অধিবাসীদের উপর বিমান শক্তির সাহায্যে হামলা চালিয়ে তাদের মনোবল ভেঙে গুড়িয়ে দিয়ে যথাসম্ভব দ্রুত যুদ্ধের পরিসমাপ্তি ঘটানো হবে না অর্থাৎ দীর্ঘদিন ধরে যুদ্ধ চালিয়ে যাবার পরিবর্তে আমরা বিমান বাহিনীকে কাজে লাগিয়ে অতি অল্প সময়ে আমাদের উদ্দেশ্য হাসিল করতে পারি। এর অর্থ এই যে, আমরা যদি শত্রুপক্ষের কতিপয় শহরের বাসিন্দাদের বিমান থেকে বোম্বিংয়ের সাহায্যে ঘর-বাড়ী পরিত্যাগে বাধ্য করি তবে নিশ্চিতভাবেই শত্রুপক্ষের নাগরিকদের মনোবল দুর্বল হয়ে পড়বে। এ ধরনের অভিজ্ঞতার প্রতিক্রিয়া তাদের উপর অত্যন্ত গভীর ও সুদূর-প্রসারী হবে। কেননা এ অভিজ্ঞতা স্বল্পং তাদেরই হবে এবং তার প্রভাব ও প্রতিক্রিয়া সেই ভয়-ভীতির চেয়ে নিশ্চিতই অধিকতর বেশী হবে যা তারা নিজ রাষ্ট্রের সেনাবাহিনী পরাভূত ও পরাজিত হবার পর অনুভব করতো। সুতরাং যদি কোন রাষ্ট্রের বিমান বাহিনী হেরে যায় এবং প্রতিপক্ষের বিমান বাহিনী আকাশ থেকে অনবরত অগ্নিবর্ষণ করে তার শিল্প, নিত্য প্রয়োজনীয় দ্রব্য-সামগ্রী ও উপায়-উপকরণ এবং গুরুত্বপূর্ণ স্থানগুলো ধ্বংস করে দেয়, আর অধিবাসীদের ক্রমাগত মরণের মুখে ঠেলে দিতে থাকে তাহলে সে দেশের সাধারণ মানুষ অবশ্যই খেয়াল করবে যে, এখন দুশমনের বিরুদ্ধে প্রতিরোধ সৃষ্টি করা এবং তাদের বিরুদ্ধে লড়াই অব্যাহত রাখা অর্থহীন; এখন তাদের নিকট সন্ধির আবেদন পেশ করাই সমীচীন অর্থাৎ সে সব অধিবাসীর পরাজয়ের অনুভূতি তাদের নিজস্ব অভিজ্ঞতা থেকেই হয়ে যাবে। একটি শহরের এই অবস্থা সম্পর্কে পার্শ্ববর্তী অন্য শহরবাসী শ্রবণমাত্রই তাদের সকল উৎসাহ-উদ্যম নিভে যাবে আর মনোবল যাবে ভেঙে। এমতাবস্থায় কোন সরকারই কিংবা তার সেনাবাহিনী ও পুলিশ প্রজা-সাধারণকে যুদ্ধ অব্যাহত রাখতে বাধ্য করতে পারে না বিশেষ করে সেই সময় যখন সেই দেশের আমদানী-রফতানীর উৎস, খাদ্যোপকরণ ও অন্যান্য জীবিকা সম্পর্কিত বিষয়াদি একেবারেই নিঃশেষ হয়ে যায় অর্থাৎ অতীতে প্রতিপক্ষের সশস্ত্র বাহিনীর শক্তি-সামর্থ্যকে পরাভূত করে নিজেদের বিজয়ী হিসেবে প্রতিষ্ঠিত করা হ'ত। বর্তমানে এই মূলনীতির আলোকে বেসামরিক নাগরিক-

দেরকেও ভীত সন্ত্রস্ত, গৃহহীন ও সহায়-সম্বলহীন করে প্রতিপক্ষ রাষ্ট্রের সরকারকে দুর্বল ও নিজীব করে তোলাই মূল লক্ষ্য হয়ে থাকে।

এসব নীতির উপর যদি একবার একটু চোখ বুলিয়ে নেওয়া যায় তবে এমন মনে হয় যে, যুদ্ধের প্রতিরক্ষা কৌশলের মূলনীতির উপর এসবের গভীর প্রভাব পড়বে। কিন্তু প্রকৃতপক্ষে ব্যাপার তা নয়। লড়াইয়ের বেলায় প্রতিরক্ষা কৌশলের নীতিসমূহ তাই থাকবে যা আগেও ছিল। অবশ্য এর ব্যবহারিক দিক বদলে গেছে। সামনে গিয়ে এর উপর পর্যালোচনা করা হবে। এখানে শুধু এতটুকু দেখতে হবে যে, মিত্রশক্তির এই পবিত্র যুদ্ধ আশ্তে আশ্তে সব রকমের আন্তর্জাতিক আইন নির্মমভাবে ভেঙে গুড়িয়ে দিয়ে গেছে। ঐ আইন সকল জাতিগোষ্ঠীর শহর-বন্দর, নগর ও শহরবাসী এবং শিল্পাঞ্চলের উপর গোলা কিংবা বোমা নিক্ষেপকে অন্যায় ও অপরাধ বলে ঘোষণা দিয়েছিল। কিন্তু তারাই এই যুদ্ধে উল্লিখিত নীতি ও আইন-কানুনকে পেছনে ঠেলে নির্দোষ ও নিরপরাধ জনসাধারণের উপর উড়োজাহাজ থেকে অগ্নি বর্ষণ করেছে, আণবিক বোমা নিক্ষেপ করেছে এবং বিনা ওজরে ও বিনা কারণে উল্লিখিত আইন নির্মমভাবে ভঙ্গ করেছে।

এসব ঘটনা এজন্যই বর্ণনা করা হ'ল যেন আমাদের জনগণ বর্তমানে সভ্য হিসেবে কথিত জাতিগোষ্ঠীর ওয়াদা ও প্রতিশ্রুতি, আন্তর্জাতিক আইনের প্রতি সম্মান ও শ্রদ্ধা এবং পবিত্র ঘোষণাসমূহের প্রকৃতি ও গুরুত্ব উপলব্ধি করতে পারে। অপর দিকে নবী যুগের অবস্থা ও যুদ্ধ-বিগ্রহের ঘটনাবলীর সঙ্গে তা তুলনা করে দেখতে পারে। অধিকন্তু একদিকে তাঁরা তাদের সবাপেক্ষা সফল ও যোগ্য অধিনায়ক রসূল আকরাম (সা) থেকে প্রতিরক্ষা নীতি ও সামরিক কলা-কৌশল সম্পর্কে শিক্ষা গ্রহণ করুক, অপর দিকে তাঁর প্রতিরক্ষা কৌশলের সঙ্গে তাঁর রাজনৈতিক লক্ষ্য অনুধাবন করুক। এভাবেই অবহিত হওয়া যাবে যে, হযূর আকরাম (সা) আমাদের জন্য এক্ষেত্রে কোন পথ ও দিক-নির্দেশনা রেখে গেছেন যার উপর আমল করে আমরা অতীত ও বর্তমান যুগের রাজনৈতিক ও প্রতিরক্ষা বিশেষজ্ঞদেরকে অতিক্রম করে যেতে পারি।

আজকাল যুদ্ধের উদ্দেশ্য ও লক্ষ্য হয়ে থাকে এক রকম আর তার প্রকাশ ঘটে অন্য কিছু। এর ভেতর আজগুবী ধরন ও আজগুবী ভাষা ব্যবহার করা হয়ে থাকে। সেজন্য যুদ্ধ যখন শেষ হয় তখন সন্ধির মুহূর্তে বিজয়ী পক্ষ থেকে আর একটি নবতর যুদ্ধের ভিত্তি স্থাপন করা হয়। আর এ কারণেই দুনিয়া থেকে শান্তি ও স্বস্তি উঠে গেছে, উঠে গেছে বিশ্বাস; অধর্মের ঘটেছে শ্রীবৃদ্ধি আর ওয়াদা ও প্রতিশ্রুতির মর্ঘদা গেছে হারিয়ে। আমাদের বিশ্বাস যে, অন্যান্য ধর্ম ও মযহাবের অনুসারী এবং সত্য বলে কথিত জাতিগোষ্ঠী নবী করীম (সা) অনুসৃত প্রতিরক্ষা নীতি ইনসাফ ও নিরপেক্ষতার দৃষ্টি নিয়ে অধ্যয়ন করবে এবং এর উপর আমল করে দুনিয়ার বুক থেকে তৃতীয় বিশ্বযুদ্ধের আশংকা খতম করে দেবে খেন হাত ও লুপ্তপ্রায় শান্তি ও নিরাপত্তার ন্যায় মূল্যবান সম্পদ আমরা পুনরায় ফিরে পেতে পারি।

সমর নীতি ও সমরোপকরণ

জেনারেল ফ্রান্সিস টুকার (Tucker) দ্বিতীয় মহাযুদ্ধের উপর যে পর্যালোচনা করেছেন তা মোটেই কম উপভোগ্য নয়। তিনি লিখছেন :

‘আমরা যখন বিগত রক্তাক্ত বিশ্বযুদ্ধে शामिल হয়েছিলাম তখন আমাদের এ ব্যাপারে আদৌ কোন জ্ঞান ছিল না যে, সম্মুখে গিয়ে এ যুদ্ধ কি উল্লংকর রূপ পরিগ্রহ করবে! ঐকি তেমনি এর পূর্বে যেমন জানা ছিল না ১৯১৪-১৮ সনের যুদ্ধ কোন্ পদ্ধতিতে লড়া হবে। প্রম্ন এই যে, আমরা কখনোই জানতে পারব না যে, ভবিষ্যতের লড়াই-গুলোতে কোন্ অবস্থার প্রেক্ষিতে লড়া হবে। কিন্তু একথা আমি পূর্ণ আত্মবিশ্বাস ও আস্থা সহকারে বলতে পারি যে, আমরা কখনো একথা নিশ্চিতভাবে বলতে পারব না আগামী দিনে যুদ্ধ কিরূপে সংঘটিত হবে। অবশ্য আমরা আন্দাষ করতে পারি যে, ভবিষ্যতে প্রতিরক্ষা কৌশলের গণ্ডির মধ্যে কিভাবে এবং কোন্ নীতির উপর লড়াই করা হবে। যুদ্ধের পদ্ধতি প্রথম থেকে একটি বিশেষ নীতি-নিয়মের

ছাঁচে ঢালাই হয়ে আসছে এবং এর ভেতর নেহায়েত অস্বাভাবিক অবস্থা ছাড়া খুবই কমই পরিবর্তন সংঘটিত হয়েছে।

এই পরিবর্তন দ্বারা এই অর্থ বৃদ্ধানো হচ্ছে যে, আগেকার দিনে যুদ্ধ-বিগ্রহ দু'টি দেশের সীমান্ত থেকে শুরু হ'ত। আজকের দিনে সে বিমানের সাহায্য-সহযোগিতাও লাভ করে থাকে। এজন্য বিবদমান ও প্রতিপক্ষ দু'টি দেশের অভ্যন্তর ভাগ থেকেই যুদ্ধ শুরু হয়ে থাকে এবং উভয় পক্ষ যুদ্ধ ঘোষণা করার মুহূর্তে—বরং বলা চলে এর আগেই শত্রু এলাকার বাসিন্দা ও শহরগুলোর উপর বিমানের সাহায্যে বোমা বর্ষণ করতে পারে। যেহেতু পেছনে ফেলে আসা দিনগুলোতে যেসব যুদ্ধ সংঘটিত হয়েছে সেসব থেকে উল্লেখিত বর্ণনার সমর্থন মেলে, সুতরাং এ ব্যাপারে আর অধিক মন্তব্য নিষ্প্রয়োজন।

দ্বিতীয় বিশ্ব যুদ্ধ শুরু হওয়ার পর জনসাধারণ প্রতিরক্ষা বিশেষজ্ঞদের এই বলে দোষারোপ করেছিল যে, তারা দূরদশিতার সঙ্গে তাদের উপর অপিত দায়িত্ব পালন করে নি এবং যুদ্ধ-পদ্ধতি সম্পর্কে তারা দ্রাস্ত ধারণার মাঝে ঘূরপাক খাচ্ছিল। জেনারেল টুকার (Tucker)-এর ভাষায় :

'আমরা আমাদের সেই ভ্রান্তি স্বীকার করি। কিন্তু এর যিশ্মাদারীর অধিকাংশ দোষারোপ ও অপবাদ সেই সব রাজনীতিবিদের উপর আরোপিত হয় যারা জনসাধারণের নিকট নিজেদের আসল লক্ষ্য ও উদ্দেশ্য প্রচ্ছন্ন রেখেছিল এবং বিশ্ববাসীকে চীৎকার করে ডেকে বলাচ্ছিল : সৈন্য সংখ্যা হ্রাস কর, অস্ত্র নির্মাণ বন্ধ করে দাও। এর সঙ্গে সঙ্গেই বৃটেনের রাজনীতিবিদরা সাম্রাজ্যের অভ্যন্তরে স্বীয় সৈন্য সংখ্যা কমানিয়ে দেন, অস্ত্র নির্মাণ কারখানা বন্ধ করে দেন এবং জনসাধারণের মন-মানসে যুদ্ধ সম্পর্কে ঘৃণা সৃষ্টি করে মানসিক, শিক্ষাগত ও চারিত্রিক দিক থেকে দেশকে পঙ্গু করে দেন। প্রতিরক্ষার দায়িত্বপ্রাপ্ত কর্মকর্তাদের প্যারেড খাউণ্ডের সৈন্যদের চলাচল ও গতিবিধির ভেতর মশগুল থেকে স্বৈমন নিশ্চিন্ত হওয়া উচিত নয়, তেমনি সাধারণ নাগরিকদের অজ্ঞতা দূরীভূত করার প্রয়োজনীয়তাকেও পুরোপুরিভাবে অনুভব করতে হবে। তাদের সচেতনতা এবং প্রতিরক্ষার দায়িত্বে নিযুক্ত কর্মকর্তাদের সঙ্গে এই সম্পর্ক ও সংযোগ কেবল তখনই

সৃষ্টি হবে যখন বর্তমান যুগের বিজ্ঞান ও প্রযুক্তিগত জ্ঞানের নব নব আবিষ্কারকে সামনে রেখে তা থেকে সঠিক ফলাফল গ্রহণ করা হবে।’

প্রতিরক্ষা কৌশল

এই ধারণা করা যে, আমাদের নিকট হাতিয়ার কম, আর অস্ত্রশস্ত্র নির্মাণের কারখানাও নেই—এজন্য আমাদের করণীয় তেমন কিছু নেই, এ ব্যাপারে আমরা অক্ষম ; এটাই সেই আত্মবিশ্বাসের স্বল্পতা ও ওমরথাহি যা দূর করবার জন্য রসূল আকরাম (সা)-এর যুদ্ধ বিষয়ক কার্যক্রমের বিস্তৃত ঘটনাবলী পাঠক সমীপে তুলে ধরতে সাহসী হয়েছি। গভীরভাবে চিন্তা করুন যে, রসূল করীম (সা)-এর সৈন্যদল, অস্ত্রশস্ত্র এবং আর্থিক দিক দূশমনের মুকাবিলায় কখনও কি এক-দশমাংশও ছিল? এর পরেও কি তিনি হতোদ্যম হয়েছিলেন কিংবা হিঙ্গমত হারিয়েছিলেন? যদি তা না হয় তবে কেন তা হারান নি? কখনও কি আমরা তাঁর প্রতিরক্ষা কৌশল অধ্যয়ন এবং গভীরভাবে বিশ্লেষণ করে দেখবার কষ্ট স্বীকার করেছি? প্রকৃতপক্ষে আমাদের ভীর্ণ মানসিকতা, দৃঢ় মনোবল ও গভীর আত্মবিশ্বাসের অভাবের দরুনই এমনটি হয়েছে। এ ব্যাপারে অধিক কিছু লিখবার ও আলোচনা করবার আগেই এটা বলে দেওয়া আবশ্যিক যে, প্রতিরক্ষা নীতি ও কৌশল বলতে কি বোঝায়।

জার্মানীর মশহূর প্রতিরক্ষা বিশেষজ্ঞ ক্লড উইজ প্রতিরক্ষা বিষয়ে স্বীয় বিশ্বখ্যাত গ্রন্থে লিখেছেন :

‘প্রতিরক্ষা নীতি ও কৌশল বলতে আমরা এই বুঝি যে, নিজ দেশের স্বার্থ সংরক্ষণের জন্য দূশমনের সঙ্গে লড়াই করা অর্থাৎ প্রতিরক্ষা নীতির অধীন যুদ্ধের উদ্দেশ্য ও লক্ষ্য হ’ল স্বীয় রাষ্ট্রের স্বার্থ দূশমন কর্তৃক স্বীকার করিয়ে নেওয়া। প্রতিরক্ষা নীতি ও কৌশল যুদ্ধের পরিকল্পনা এমনভাবে ছাঁচে ঢালানো করে যে, যুদ্ধের বিভিন্ন ফ্রন্টে যে লড়াই চালিয়ে যাওয়া হয় তা একই নির্দিষ্ট সিদ্ধান্ত মূতাবিক হবে।

তাতে করে প্রতিরক্ষা কৌশল সে সব যুদ্ধের কাঙ্ক্ষিত ফল লাভের ক্ষেত্রে বেশ প্রভাব বিস্তার করে থাকে।’

জার্মানীর অপর একজন প্রখ্যাত প্রতিরক্ষা বিশেষজ্ঞ মলটক এই বিষয়টি নিশ্চিন্তভাবে বর্ণনা করেছেন :

‘প্রতিরক্ষা নীতি ও কৌশল দ্বারা আমরা বোঝাতে চেয়েছি, প্রতিরক্ষা বিষয়ক সে সব সিদ্ধান্ত যা সেনাবাহিনীর অধিনায়ক রাষ্ট্রীয় স্বার্থের লক্ষ্য ও উদ্দেশ্য হা’সিলের জন্য বাস্তবে প্রয়োগ করেন।’

বর্তমান অবস্থায় প্রতিরক্ষা নীতি ও কৌশলের ব্যাখ্যা এই হতে পারে যে, প্রতিরক্ষা নীতি ও কৌশল বলতে সেই পরিকল্পনা বোঝায় যা রাষ্ট্রের রাজনৈতিক স্বার্থ হা’সিলের খাতিরে সেনাবাহিনীর চলাচল ও গতিবিধির জন্য প্রণয়ন করা হয়েছে। প্রতিরক্ষা নীতি ও কৌশল কিন্তু শুধু সৈন্য চলাচলের পরিকল্পনা ও বিধি প্রণয়ন করাই নয়, বরং আসল ও মৌলিক লক্ষ্য হ’ল রাজনৈতিক স্বার্থ হা’সিল। অতঃপর এই পরিকল্পনার আওতায় সৈন্য চলাচল যখন শুরু হয়ে যায় তখন একে সমরশাস্ত্র বলা হয়। এখন প্রতিরক্ষা নীতি ও কৌশলের সীমানা কোথায় গিয়ে শেষ হয় এবং সমরশাস্ত্রই বা কোথায় গিয়ে সমাপ্ত হয় এ ব্যাপারে অত্যন্ত যাচাই-বাছাই ও বিচার-বিশ্লেষণের প্রয়োজন রয়েছে। কেননা এ দু’টোর ভেতর রয়েছে খুব গভীর ও নিকটতম সম্পর্ক। প্রতিরক্ষা নীতি ও কৌশলের উদ্দেশ্য ও লক্ষ্য যেমন সাময়িক রাজনীতির নীতি-নিয়মের অধীন হয়ে থাকে তেমনি সমরশাস্ত্র ও যুদ্ধ বিষয়ক উদ্দেশ্য ও লক্ষ্য প্রতিরক্ষা নীতির আওতায়ই হয়ে থাকে। এক্ষেত্রে স্মরণ রাখতে হবে যে, অনেক সময় সাময়িক রাজনৈতিক কৌশল রাষ্ট্রের প্রকৃত ও চিরন্তন পলিসি থেকে কিছুটা ভিন্ন প্রকৃতিরও হতে পারে। উদাহরণত, ইউরোপের ‘শক্তির ভারসাম্য রক্ষার নীতি’ পরিত্যাগ করে ১৯৩৯ সালে বৃটেনের নাজীবাদের বিরুদ্ধে ‘জিহাদ ঘোষণা’র রাজনৈতিক উদ্দেশ্য ও লক্ষ্য শুধু লড়াইয়ে জেতা’ই ছিল না, বরং যুদ্ধশেষে স্বীয় রাজনৈতিক স্বার্থ এবং অন্যান্য রাষ্ট্রের রাজনৈতিক অবস্থা’দির উপর নজর রাখাও তার উদ্দেশ্য ছিল। কিন্তু যখন রাজনৈতিক কৌশল পরিকল্পনার উপর কাজ করে না এখন তাকে সাময়িক রাজনৈতিক পলিসিও বলা যেতে পারে। এক্ষেত্রে রাজনৈতিক পলিসি

এবং প্রতিরক্ষা নীতি ও কৌশলের মধ্যে খুব কমই পার্থক্য হয়ে থাকে অর্থাৎ সে সময় সাময়িক রাজনৈতিক পলিসি এবং প্রতিরক্ষা নীতি ও কৌশল চিরন্তন রাজনৈতিক পলিসির অধীন হয়ে পড়ে।

রাজনৈতিক পলিসির পরিকল্পনা প্রথমেই এ ব্যাপারে নিশ্চিত হয়ে যায় যে, রাষ্ট্রের সর্ব প্রকার উপকরণ যুদ্ধের রাজনৈতিক স্বার্থ হাসিলের জন্য একত্র করা যেতে পারে। এভাবে রাষ্ট্রের অর্থনৈতিক ও শিল্প উপকরণকে চরম উন্নত করা হয়। জনসাধারণকে রাষ্ট্রের খ্যাতিরে আত্মত্যাগ ও কোরবানীর জন্য তৈয়ার এবং শেষ নিঃশ্বাসটুকু বাকী থাকা পর্যন্ত দূশমনের মুকাবিলার জন্য উৎসাহিত করা হয়। এভাবে যুদ্ধরত সৈন্যদের সকল উপায়ে সাহায্য দেওয়া হয়ে থাকে এবং এ সাহায্য সহযোগিতা প্রতিরক্ষা কৌশল পরিকল্পনার আওতায় স্থল, নৌ ও বিমান বাহিনীর সৈনিকদেরকেও অনুরূপ ও সমান্তরাল-ভাবে দেওয়া হয়ে থাকে। এছাড়া রাজনৈতিক পরিকল্পনার অধীন দূশমনের উপর আর্থিক ও নৈতিক চাপ সৃষ্টি করাও জরুরী হয়ে থাকে যেন তাদের উৎসাহ ও মনোবল ভেঙ্গে যায় এবং মুকাবিলা করার মত হিম্মত আর না থাকে। এভাবেই দূশমনকে পরাজিত করার যাবতীয় কলা-কৌশল ও চেষ্টা-তদবীরের উপর গভীর চিন্তা-ভাবনা করে প্রয়োগ ঘটাবার সকল জরুরী পন্থাই এখতিয়ার করা হয়।

এর সঙ্গে সঙ্গে যুদ্ধকালীন মুহুর্তে এটাও খেয়াল রাখতে হয় যে, তার সমাপ্তিতে ভারসাম্য এমনভাবে রক্ষা করতে হবে যেন শান্তি ও নিরাপত্তা এবং জনগণের সুখ-স্বাচ্ছন্দ্য নিশ্চিত হয়। রাজনৈতিক পরিকল্পনায় যুদ্ধারম্ভের প্রাক্কালেই এবং যুদ্ধ চলাকালে এসব বিষয়ে বরাবরই চিন্তা-ভাবনা করা হয়ে থাকে।

সমর কৌশল ও প্রতিরক্ষা রাজনীতি

যদিও প্রতিরক্ষা রাজনীতি ও সমর কৌশলের মধ্যে পার্থক্য সীমা রেখা নির্ধারণ করা কঠিন তবুও মনস্তাত্ত্বিক দিক দিয়ে একে অপরের থেকে বিলকুল আলাদা। সমর কৌশলের উদ্দেশ্য দূশমনের সঙ্গে

লড়াই করা এবং প্রতিরক্ষা রাজনীতি-পরিকল্পনার দৃষ্টিভঙ্গি হল যতদূর সম্ভব ন্যূনতম যুদ্ধ না করেই শত্রু সৈন্যের মনোবল ভেঙে দেওয়া। আর বাস্তব সত্য এই যে, প্রতিরক্ষা রাজনীতি সেই মুহূর্তে অত্যন্ত উঁচু দরের মনে করা হয় যখন দুশমন মনোবল হারিয়ে যুদ্ধ ব্যতিরেকেই অস্ত্র সমর্পণ করে। এর উদাহরণ : দ্বিতীয় বিশ্বযুদ্ধে জার্মান ফৌজের চলাচল ও গতিবিধির দরুন বেলজিয়াম এলাকার মিত্র বাহিনী একেবারে নিষ্ক্রিয় হয়ে গিয়েছিল এবং পরে ডেনকার্ক থেকে পালিয়ে জান বাঁচিয়েছিল।

দ্বিতীয় দৃষ্টিভঙ্গির উদাহরণ হযুর আকরাম (সা)-এর মক্কা বিজয়। এই হামলা পরিচালনায় হযুর আকরাম (সা)-এর পরিকল্পনা এমন নিখুঁত ছিল যে, মুসলিম ফৌজের আকস্মিক আবির্ভাবে মক্কার কাফেররা ভীত ও সন্ত্রস্ত হয়ে পড়েছিল এবং তাদের হিম্মত ও মনোবল এতটা দুর্বল হয়ে গিয়েছিল যে, কোনরূপ প্রতিরোধ কিংবা মুকাবিলা ব্যতিরেকেই নিজেদের পরাজয় তারা স্বীকার করে নিয়েছিল।

মূলত এই পরিকল্পনা এমন একটি ফৌজী চালের ফলশ্রুতি যা প্রাকৃতিক ও স্বীকারযোগ্য যুক্তিশাস্ত্রের মূলনীতি মূতাবিক শত্রুর উপর পরাজয়ের প্রতিক্রিয়া সৃষ্টি করে দেয়। যেমন—

১. দুশমনের পশ্চাদ্দেশের রাস্তা, যেদিকে পরাজয়ের সম্মুখীন হওয়া অবস্থায় সে পিছু হটতে পারে, বিচ্ছিন্ন করে দেওয়া হয় অথবা সমরশাস্ত্র মূতাবিক এমনভাবে সৈন্য চালানা করতে হবে যাতে করে শত্রুপক্ষে যুদ্ধের চিত্র অর্থাৎ রণক্ষেত্রের দিক আকস্মিকভাবে পরিবর্তিত হয়ে যায় অথবা তাদের সামরিক ব্যবস্থাপনার ভেতর বিশৃঙ্খলা সৃষ্টি হয়।

২. সৈন্যদের গতিবিধি এমন হবে যেন শত্রু সৈন্য ছোট ছোট অংশে বিভক্ত হয়ে যায় এবং তারা একত্রিত হয়ে হামলা না করতে পারে অথবা অন্ততপক্ষে তাদের সমর-সম্ভার ও রসদ পরিবহন ব্যবস্থা বিঘ্নিত হয়ে পড়ে। এ ধরনের প্রতিটি সামরিক গতিবিধি দুশমনের মনে কাপুরুষতা ও ভীর্ণতা সৃষ্টি করে এবং সাধারণভাবে এর প্রভাব ও প্রতিক্রিয়া খুবই গভীর হয়ে থাকে। কিন্তু উল্লিখিত বিস্তা-

রিত অবস্থা সে মুহূর্তে অধিক প্রভাবশালী হয়ে থাকে যখন বিভিন্ন উপায় উক্ত প্রভাব সৃষ্টি করার জন্য একই সময়ে এখতিয়ার করা হয় অর্থাৎ আকস্মিক ও অতকিত হামলার সঙ্গে তাদেরকে বিভ্রান্তির শিকারেও পরিণত করতে হবে যেন দূশমন অসহায় অবস্থায় হিম্মত হারিয়ে বসে এবং তাদের প্রতিরক্ষা হতভঙ্গ হয়ে পড়ে এবং কোন কিছু চিন্তা-ভাবনা কিংবা বুঝে উঠবার যোগ্যতা ও ক্ষমতা হারিয়ে ফেলে।

যুদ্ধের ময়দানে প্রতিটি ফ্রন্ট দু'মুখো নীতি গ্রহণ করে থাকে এবং প্রতিরক্ষা সংক্রান্ত মূল পলিসি ব্যবহারেরও দু'টি দিক হয়ে থাকে। কোন মুহূর্তে কোন পস্থা ও পদ্ধতিতে কার্য সম্পাদন সমীচীন হবে তার ফয়সালা অবস্থা মাফিক ফৌজী কম্যান্ডারই করে থাকেন। যুদ্ধে হামলা ও আত্মরক্ষার প্রবল পাশাপাশি হাত ধরাধরি করে চলে। যেমন, তলোয়ার দিয়ে যুদ্ধ চলাকালে তালোর ব্যবহার চলত এবং উত্তমপক্ষের উদ্দেশ্য ও লক্ষ্য এটাই থাকে যে, প্রতিপক্ষের এমন জায়গায় আঘাত হানা হবে যেখানে সে আত্মরক্ষার ব্যবস্থা করতে না পারে অথবা এমন এক সময় হামলা পরিচালনা করা হবে যখন আত্মরক্ষার ব্যাপারে তার (শত্রুর) ধ্যান-ধারণা ও চিন্তা-ভাবনা হবে বিক্ষিপ্ত। এমনভাবে প্রতিরক্ষা পরিকল্পনার অধীন স্বীয় সৈন্যবাহিনীর যবরদস্ত শক্তিতে এমন কোন জায়গায় যদি সমাবেশ ঘটানো যায় যেখানে শত্রু-সৈন্য বিক্ষিপ্ত থাকবে তবেই তাদের উপর কার্যকর আঘাত হানা সম্ভব হবে। কার্যকরীভাবে প্রতিটি পরিকল্পনা এমন হওয়া উচিত যেন উদ্দেশ্য হাসিলের জন্য অবস্থা ও মওকা মাফিক এর ভেতর পরিবর্তন সাধন করা যায়। এতে শুধু দূশমন প্রতিপক্ষের অভিপ্রায় সম্পর্কে অনবহিত থাকে না বরং বিভিন্নমুখী চেষ্টা-তদবীর প্রতিহত করার চিন্তায় তাদের মধ্যে বিশৃঙ্খল অবস্থা সৃষ্টি হয় এবং এভাবেই খোলা ময়দান পেয়ে তাদের উপর মারাত্মক আঘাত হানা যেতে পারে। এই মূলনীতি ও কর্মপদ্ধতি যুদ্ধের ময়দানে এবং আঘাত হানতে কার্যকর করা দরকার। অবশ্য যেহেতু সে সময় উত্তম ফৌজই সামনা-সামনি কিংবা একে অপরের নিকটবর্তী থাকে—সেহেতু শত্রুকে খুব বেশী একটা বেখবর ও অসতর্ক রাখা যায় না। তথাপি সশ্মুখস্থ ফৌজের

সেই অংশের উপর হামলা করা যেতে পারে যেখানে তাদের মোর্চা (বাহু) খুব কমজোর থাকে। যেরূপ বৃক্ষের মূলকাণ্ডের উপর শাখা-প্রশাখা তথা ডালপালা না থাকলে তাতে ফলফুল আসেনা, ঠিক তেমনি প্রতিরক্ষা পরিকল্পনায় নতুনত্ব ও কারুকার্য না থাকলে তা থেকে ঈপ্সিত লক্ষ্য হাসিল হয় না। যুদ্ধ দ্বারা যে রাষ্ট্র ও সরকারের রাজনৈতিক লক্ষ্য হবে শুধু বিজয় লাভ, সে যদি যুদ্ধ পরবর্তী অবস্থা ও ঘটনাবলী গভীর অভিনিবেশ সহকারে পর্যবেক্ষণ না করে তবে তার পরিণতি স্বয়ং তার জন্যই ধ্বংসাত্মক প্রমাণিত হবে। কেননা এ ধরনের উদ্দেশ্য ও লক্ষ্যে ভবিষ্যত যুদ্ধের বীজ উপ্ত থাকে। অতঃপর কোন সরকার যদি যুদ্ধের রাজনৈতিক ফায়দা লুটবার উদ্দেশ্যে তার নিজ শক্তি ও সামর্থ্যের বাইরে অধিক শক্তি ও সম্পদ ব্যয় করে তবে সে এতদূর পর্যন্ত বিপর্যস্ত হয়ে পড়ে যে, তার বিজয়ও তার জন্য দুর্দশা ও দুর্ভোগের কারণে পরিণত হয়। এর বহু উদাহরণ রয়েছে। ১৯৩৯-৪৫-এর দ্বিতীয় বিশ্বযুদ্ধের কথাই ধরুন না কেন? বিজয়ী বৃটেন ও ফ্রান্সের আর্থিক অবস্থা অত্যন্ত নায়ুক ও দুঃখজনকরূপে সঙ্গীন হয়ে গিয়েছিল। আর বিজিত জার্মানী ও জাপান তো বিলকুল ধ্বংসই হয়ে গিয়েছিল।

বিভিন্ন রাষ্ট্র যখন আপোষে সম্মিলিত হয়ে কোন দৃশমনের বিরুদ্ধে লড়াই'য় নামে তখন এরূপ লড়াইয়ে অভ্যন্তরীণ দিক দিয়ে বড়ই জটিল ও ঘোরালো পরিস্থিতির উদ্ভব ঘটে। প্রাথমিক অবস্থায় সবাই একই চিন্তা-ভাবনা ও একই লক্ষ্যাভিসারী হয়ে থাকে। কিন্তু যেই না যুদ্ধ ক্রমান্বয়ে দীর্ঘতর রূপ নিতে থাকে, পরস্পরের মধ্যে বিভিন্ন রকমের সমস্যা ও সংকটের সৃষ্টি হতে থাকে। এটা হওয়াই স্বাভাবিক। কেননা তাদের রাজনৈতিক, নৈতিক, সাংস্কৃতিক, সামাজিক ও সভ্যতার স্বার্থ অবশ্যই কিছু না কিছু এবং কোথাও না কোথাও বৈপরীত্যমূলক এবং এই বৈপরীত্যই সময়ের ব্যবধানে ক্রমান্বয়ে ধীরে ধীরে হ্রাস না পেয়ে বরং বাড়তে থাকে। এজন্য বিজয়ী হওয়া সত্ত্বেও সন্ধির শর্তাবলী কখনও তৃপ্তি ও সান্ত্বনাদায়ক হয় না। বিগত বিশ্বযুদ্ধগুলোর অভিজ্ঞতা এ কথা'রই প্রমাণ দেয় যে, তাদের সন্ধিই আগামী যুদ্ধের সূচনা-পর্বে মোড় নেয়। ১৯১৪-১৮-এর বিশ্বযুদ্ধের

সন্ধি শর্তাবলী ইতিপূর্বেই পর্যালোচনা করা হয়েছে। ১৯৩৯-৪৫-এর সন্ধির পরিণতি এবং ফলাফলও দেখুন, মিত্রশক্তি স্থায়ীভাবে বিবদমান দু'টি গ্রুপ ও দু'টি ব্লকে বিভক্ত হয়ে গেছে এবং তৃতীয় যুদ্ধের প্রস্তুতিতে লিপ্ত। ইতিহাসে শিক্ষার জন্য এ ধরনের বহু উদাহরণ মিলবে। কিন্তু তথাপি দুনিয়ার সামনে এ অবস্থার হাত থেকে পরিগ্ৰাণ এবং সমস্যা-সংকটের হাত থেকে নাজাত লাভের কোন পছাই দৃষ্টি-গোচর হচ্ছে না। মিত্রশক্তি যুদ্ধের মূলনীতির অধীন একটি দেশ বাকী সব দেশ অপেক্ষা অধিকতর শক্তিশালী রাষ্ট্রে পরিণত হয়। ফলে অপরা-পর রাষ্ট্র এর প্রতি ঈর্ষাতুর হয়ে পড়ে। ১৯৪৫ সালের পর রাশিয়া আমেরিকার শক্তি ও ক্ষমতার জটিল দ্বন্দ্ব আমাদের সামনেই রয়েছে।

লোভী ও তৃপ্ত হুকুমত

দুনিয়ার রাষ্ট্রগুলো সাধারণত দু'ধরনের হয়ে থাকে। এক ধরনের রাষ্ট্র যেগুলো নিজস্ব সীমারেখা এবং বিদ্যমান রাজনৈতিক স্বার্থ নিয়েই তৃপ্ত থাকে। তার এই তৃপ্তির কারণ যা-ই হোক না কেন। দ্বিতীয় ধরনের রাষ্ট্র যেগুলো নিজেদের সীমারেখা এবং অন্যান্য স্বার্থ বৃদ্ধির মতলবে থাকে। তৃপ্ত রাষ্ট্র একটি বিশেষ সীমারেখার পর প্রতিদ্বন্দ্বী শক্তির সঙ্গে আপোষ-সমঝোতার আগ্রহী হয়ে ওঠে। কিন্তু লোভী রাষ্ট্র শত্রুর পরিপূর্ণ ধ্বংস সাধন এবং নিরংকুশ বিজয় লাভে আকাঙ্ক্ষী হয়ে থাকে। উল্লিখিত অবস্থায় রাজনৈতিক পলিসির দিক দিয়ে যদিও দৃশ্যত দুটোর ভেতর ঐক্য হতে পারে; কিন্তু প্রকৃতপক্ষে ওরা এক হয় না। এজন্য প্রতিরক্ষা নীতি ও কৌশল পরিকল্পনাও পরিবর্তিত হতে থাকে—পরিবর্তিত হতে থাকে এর সঙ্গে যুদ্ধের উদ্দেশ্য ও লক্ষ্য এবং বিজ়েতার শর্তাদিও। আর যেহেতু লোভের মাত্রা বাড়তে থাকে, সেহেতু মিত্রপক্ষের ভেতর মতান্তর ও মনান্তর অপরিহার্য হয়ে ওঠে।

এসব পরিণাম ফল দৃষ্টে তৃপ্ত হুকুমত অনেক সময় গুর্ধুমাত্র আত্মরক্ষামূলক রাজনৈতিক ভূমিকা গ্রহণ করে। সে চায় না

কোনরূপ ঝগড়া-বিবাদে লিপ্ত হতে কিংবা কোনরূপ বিপদ-আপদে জড়িয়ে পড়তে। তার আসল উদ্দেশ্য হলো শান্তির সঙ্গে জীবন যাপন করা। কিন্তু প্রশ্ন হ'ল, এ ধরনের রাজনৈতিক স্বার্থসিদ্ধির জন্য কি ধরনের প্রতিরক্ষা পরিকল্পনা ও রাজনীতি গ্রহণ করা সঠিক ও শুদ্ধ হবে? এটাকে যদি সাধারণ দৃষ্টিতে দেখা যায় তা হলেও আমরা তাৎক্ষণিকভাবে বলতে পারি যে, যেহেতু এ ধরনের হুকুমতের আত্ম-রক্ষাই একমাত্র কামনা, সেজন্য প্রতিরক্ষা নীতির মাধ্যমে শুধু নিজ দেশের হেফাজত করতে হবে। আর এর উপর ভিত্তি করেই পরিকল্পনা তৈরী করা উচিত। বিশেষ করে এজন্যই যে, এতে নিজ দেশের খুবই কম অর্থ ব্যয় হবে। কিন্তু ইতিহাস বলেছে, যে রাষ্ট্রই এ ধরনের প্রতিরক্ষা দৃষ্টিভঙ্গি পোষণ করেছে এবং এর উপর আমল করেছে তারাই ধ্বংস হয়ে গেছে। ইরানী হুকুমত চেঙ্গীজ খানের সামনে তিষ্ঠাতে পারে নি; হিন্দুস্তানের রাজা সুলতান মাহমুদ গযনবীর হামলার মুখে শেষ হয়ে যায়। ফ্রান্স ১৯৩৯ মজনিভ লাইনের উপর হাঁটু গেড়ে স্বপ্ন-বিভোর অবস্থায় কাল ক্ষেপণ করছিল। জার্মানী ফ্রান্সের উপর কব্জা জমিয়ে বসার পর তার এই ঘুম ভাঙল। এ ধরনের আরও বহু উদাহরণ রয়েছে। কিন্তু যে দেশ তার আত্মরক্ষার জন্য এই নীতি গ্রহণ করেছে যে, যদি অপর কোন দেশ তার উপর হামলার দুঃসাহস দেখায় তবে ইটের মুকাবিলায় পাথর দ্বারাই জবাব দেওয়া হবে—তবে সেদেশ সম্মান ও শান্তির সঙ্গে জীবন যাপন করে।

বৃটেনের দৃষ্টিভঙ্গি ১৯১৪ সাল পর্যন্ত অনেকাংশে এটাই ছিল। এবং ইউরোপীয় রাষ্ট্রপুঞ্জের মধ্যে অত্যন্ত কড়াকড়িভাবেই এ নীতি সে অনুসরণ করেছে। সে কয়েকবারই ইউরোপীয় রাষ্ট্রগোষ্ঠীর সঙ্গে বিভিন্ন যুদ্ধ অংশ নিয়েছে। কিন্তু বিজয় লাভের পর ইউরোপের কোন অংশের উপরই সে নিয়ন্ত্রণ প্রতিষ্ঠা করেনি বরং শক্তির ভারসাম্য রক্ষার নীতির উপর অটল ও অনড়ভাবে কায়ম থেকেছে। কিন্তু যখনই এই নীতি থেকে সে বিচ্যুত হয়েছে তখন তার পরিণতি কি হয়েছে তা দিবালোকের ন্যায় পরিষ্কার,—কোনরূপ ব্যাখ্যা-বিশ্লেষণের অবকাশ রাখে না।

হযরত আকরাম (সা)ও এ নীতির উপর পুরোপুরিভাবেই দাঁড়িয়েছিলেন, এ সম্পর্কে সাগনে অগ্রসর হয়ে আলোচনা করা যাবে। অবশ্য এখানে এতটুকু বুঝে নেওয়া দরকার যে, এই মূলনীতির উপর আমলকারী হকুমতের জন্য অপরিহার্য হ'ল নিজ সৈন্যবাহিনীকে সাবিকভাবে সুশিক্ষিত ও প্রশিক্ষণপ্রাপ্ত অবস্থায় তৈয়ার রাখা—প্রয়োজনবোধে ফৌজ যেন যে কোন দিকে এবং যে কোন দেশে অত্যন্ত সহজে ও যোগ্যতার সঙ্গে চলাচল করতে পারে। দুশমন কোনরূপ বিপদজনক ও কার্যকর আঘাত হানার পূর্বেই যেন তার সৈন্যবাহিনী সেটাকে ছিন্নভিন্ন ও ব্যর্থ করে দিতে পারে।

লোভী ও আগ্রাসী হকুমতের উদাহরণ নেপোলিয়ন ও হিটলারের রাজত্বকালের চেয়ে অধিক আর কী হতে পারে! তাঁরা বিজয়ের আকাশচুম্বী কামনা-বাসনার মধ্যেই নিজেদেরকে নিঃশেষ করে দিয়েছেন। ক্ষমতার অহংকার ও গর্ব অত্যন্ত বিপজ্জনক হয়ে থাকে। ক্ষমতাকে যদি সঠিক পন্থায় ব্যবহার করা না যায়—তাহলে ক্ষমতাবানের ক্ষমতা খোদ তাকেই ধ্বংস করে দেয়। যদিও ক্ষমতার উপর আস্থা ও ভরসা এবং লড়াই করার আবেগ ও প্রেরণা বিজয় লাভের জন্য অপরিহার্য বিষয়, কিন্তু তা সত্ত্বেও সেই ব্যক্তি ও সেই জেনারেল যিনি দৃঢ় মনোবল এবং অসীম ধৈর্য ও স্থৈর্যের সঙ্গে কর্ম সম্পাদনে সক্ষম তিনি সেই বাহাদুর জেনারেল অপেক্ষা শতগুণে শ্রেষ্ঠ ও অগ্রগণ্য যিনি জোশ ও আবেগে উদ্ভূত প্রায় হয়ে পড়েন। আবেগান্বিত ও ভাবপ্রবণ রাজনৈতিক নেতা ও সেনাধ্যক্ষ দেশ, জাতি ও সেন্যবাহিনীর জন্য অত্যন্ত বিপজ্জনক। রাজনীতিবিদ এবং পিপাহসালারকে অত্যন্ত ধৈর্যশীল, সহিষ্ণু ও দূরদর্শী হতে হয়। তাঁদের বিরাত ও বিশালকায় বিজয়ের পরিবর্তে ভবিষ্যতের স্থায়ী শান্তির প্রতি অধিকতর গুরুত্ব ও অগ্রাধিকার প্রদান করা উচিত। অধিকাংশ ক্ষেত্রেই দেখা গেছে, যখন কোন শান্তিপ্ৰিয় জনগোষ্ঠী যুদ্ধের ব্যাপারে মজবুর হয়ে পড়ে তখন আক্রমণকারী ও উৎসাহী প্রদানকারী জাতিগোষ্ঠীর বিরুদ্ধে ভীষণভাবে মরণপণ সংগ্রামে লিপ্ত হয়। পক্ষান্তরে আক্রমণকারী জাতিগোষ্ঠী তার প্রতিপক্ষকে শক্তিশালী দেখার পর পিছু হটতে থাকে। কিন্তু শান্তির রক্ষক জাতিগোষ্ঠী প্রচণ্ড বাধা হয়ে দাঁড়ায় এবং শেষ নিঃশ্বাস

ত্যাগের পূর্ব মুহূর্ত পর্যন্ত লড়াই চালিয়ে যান। এমন কি কোন কোন সময় প্রতিশোধ গ্রহণেও তারা উদ্যম হয়ে ওঠে। এমতাবস্থায় সেই সব জাতিগোষ্ঠীর নেতৃবৃন্দকে অত্যন্ত সতর্কতা ও পরিণামদর্শিতার সঙ্গে কাজ করতে হবে এবং যথাসম্ভব সত্বর সাময়িক সন্ধি করে উত্তেজনা ও অবেগ প্রশমনের ব্যবস্থা করতে হবে।

এখানে শুধু রাজনৈতিক নেতৃবৃন্দ এবং হকুমতের সমূহ সংকটের উপর একটা সাধারণ পর্যালোচনা করা হ'ল। প্রতিরক্ষা নীতি ও কৌশলকে বাস্তবে রূপদানকারী অর্থাৎ সিপাহসালার ও সেনানায়ক-গণ সেই সব রাজনীতিবিদের আদেশ পালন করে থাকেন। এভাবে সাধারণ পর্যালোচনার অর্থ এই যে, জনসাধারণ ও হকুমতের মধ্যে ঘনিষ্ঠ সম্পর্ক ও সংহতি রক্ষা করা যেমন জরুরী, তেমনি তাদের আকাঙ্ক্ষাকে বাস্তব রূপদানকারীদের উপর আস্থা স্থাপন করাও অপরিহার্য। তাদের সব সময় অবস্থার প্রতি সদা-সতর্ক ও ওয়াকিফ-হাল থাকা দরকার যেন তাদের নির্দেশ বুদ্ধিমত্তা, দূরদর্শিতা, যোগ্যতা ও দক্ষতার সঙ্গে কার্যকর করা যায়। এতদ্বিল্ল এই প্রসঙ্গে শায়খ সা'দীর নিম্নোক্ত উপদেশটি অত্যন্ত গুরুত্ব ও বিবেচনার দাবী রাখে :

সৈনিককে অর্থ দাও—তারা জান দিয়ে দেবে,

যদি অর্থ না দাও, পৃথিবীতে কেউ শির দেবে না।

এই দৃষ্টিভঙ্গি কি প্রতিরক্ষা নীতির, না শুধু শায়খ সা'দীর ? সামনে এ সম্পর্কে আলোকপাত করা হবে।

আরবের ভৌগোলিক অবস্থান

আরব একটি উপদ্বীপ। পারস্য-উপসাগরের দিকে উপকূলভাগের তালু জায়গা বিস্তৃতি ও প্রশস্ততার কারণে খুবই কম। কিন্তু লোহিত সাগরের উপকূল একদম খাড়া এবং অনেকটা বেমানান মনে হয়। এজন্যই ভূভাগ পশ্চিম উপকূলের দিক উঁচু। লোহিত সাগর সংলগ্ন এলাকার উত্তর ও দক্ষিণ অংশ উঁচু। যেমন য়ামান এলাকা সমুদ্র পৃষ্ঠ থেকে আট হাজার ফুটেরও বেশী উঁচু। মধ্যবর্তী এলাকার

উচ্চতা দুই হাজার ফুট। কিন্তু মস্কার পশ্চিমাঞ্চল এক হাজার ফুট উঁচু। কতক স্থানে বিশেষ করে খায়বারে কোন কোন পাহাড় আট হাজার ফুট পর্যন্ত উঁচু। এখানে একটি উল্লেখযোগ্য বিষয় এই যে, লোহিত সাগরের উপকূলের দিকে এবং তার বরাবর প্রথমেই একটি উঁচু পাহাড় রয়েছে। এই পাহাড় ও সাগরের মধ্যবর্তী স্থানে অপেক্ষাকৃত কম উঁচু একটি পাহাড় রয়েছে যা উপকূল বরাবর চলে গেছে। এখানে গাছপালা খুবই কম দৃষ্টিগোচর হয়। যদিও কিছু থাকে তাও সূর্যের প্রখর ও প্রচণ্ড দাবদাহে বলসানো বিবর্ণ প্রায়। এই ভূখণ্ডটি যদিও অনুর্বর, কিন্তু ইতিহাসে খুবই মশহুর। এটাই সেই ভূখণ্ড তওরাতে যার নাম 'উরবিয়াহ' বলা হয়েছে। বনী ইসরাঈল মিসর ভূমিতে পৌঁছবার পূর্বে এরই প্রান্তরে বছরের পর বছর ধরে ঘোরাফেরা করেছে। এখানেই তুর পর্বতকে চিহ্নিত করা হয় যার উপর আরোহণ করে হযরত মুসা (আ) আল্লাহ তা'আলার সঙ্গে বাক-বিনিময় করেছিলেন এবং যেখান থেকে বনী ইসরাঈলের জন্য বিধান নিয়ে এসেছিলেন। এখানেই সেই পাথর যেখানে মুসা (আ)-এর লাঠির আঘাতে প্রস্রবণ প্রবাহিত হয়েছিল এবং এই পবিত্র ভূমিতে শহর-জনপদ এখন বিরান হয়ে গেছে।

হেজাজ

হেজাজ ইসলাম ও ইসলামী সংস্কৃতির কেন্দ্রভূমি এবং আরব দেশের একটি প্রদেশ মাত্র। প্রাকৃতিক দিক দিয়ে এটি পাঁচটি অংশে বিভক্ত এবং পাঁচটি অংশই একে অপরের সমান্তরালভাবে অবস্থিত।

(ক) উপকূল বরাবর এলাকা অত্যন্ত বালুকাময়। এতে প্রবালের কঙ্করময় ভূমি রয়েছে এবং কতক জায়গা বিশেষ করে প্রান্তরময় এলাকা অত্যন্ত কম চওড়া। সমুদ্রোপকূল বরাবর ভূমি সমতল।

(খ) উত্তর-দক্ষিণে বিস্তৃত পাহাড়ী এলাকার উচ্চতা উত্তর থেকে দক্ষিণ দিকে অপেক্ষাকৃত কমে এসেছে। মস্কার নিকট এই পাহাড়ের উচ্চতা মাত্র দুই হাজার ফুট।

(গ) উত্তর অংশের সমতট উঁচু। এখানে আগ্নেয়গিরির লাভা রয়েছে যার কারণে উক্ত পাহাড়ের উপর কোন গভীর নালা নেই। কিন্তু তার ঢালুরেখাও দক্ষিণ দিকে প্রসারিত। মক্কা মু'আজ্জমা এবং তায়েফের পশ্চিম দিকে এর উচ্চতা সমুদ্রের পৃষ্ঠদেশ থেকে এক হাজার ফুট।

(ঘ) বড় পাহাড়। এটা ঐ সমস্ত স্থানে অধিকতর উঁচু যেখানে এর চূড়ায় লাভা জমে আছে, বিশেষ করে হেমা ও খায়বারে যেখানে এর উচ্চতা যথাক্রমে ছ' হাজার ও আট হাজার ফুট। কিন্তু মক্কা মু'আজ্জমার নিকট এর উচ্চতা পাঁচ হাজার ফুটের মত।

(ঙ) পূর্ব ঢালুর সর্বাপেক্ষা উঁচু অংশ মধ্য আরবের দিকে ক্রমান্বয়ে নেমে গেছে।

হেমায়ে জনপদ খুবই কম। কসবা ও শহরগুলো রয়েছে উদ্ধৃত 'ক' ও 'গ' এলাকায়। যেমন য়াম্বু', জেদ্দা প্রভৃতি প্রথমভাগে পড়ে এবং মক্কা মু'আজ্জমা, মদীনা মুনাওয়ারা 'গ' এলাকায় পড়ে। খায়বার এবং তায়েফ প্রভৃতি দ্বিতীয় অংশে অবস্থিত।

বড় বড় উপত্যকা ও মরুদ্যানগুলোতে বর্ষাকালীন যে সব নালা প্রবাহিত সেগুলোর উৎপত্তি বড় পাহাড় থেকে। এসব নালা 'গ' এলাকার উপর দিয়ে প্রবাহিত হয়ে দ্বিতীয় অংশের বুক চিরে সমুদ্রে গিয়ে পড়েছে। সে সব উপত্যকা ও মরুদ্যানের স্থায়ীভাবে পানি থাকে না। অবশ্য বৃষ্টির দিনে কখনো কখনো বিরাট প্লাবন দেখা দেয়।

বড় পাহাড়ের উত্তর দিকে ঢালু উপত্যকাগুলো অধিকতর গভীর এবং ঢালু। এগুলো পর্যায়ক্রমে ভূমধ্যসাগরে গিয়ে শেষ হয়েছে।

এই সব উপত্যকার কারণে সমগ্র দেশটি সাংঘাতিকভাবে বিচ্ছিন্ন। ফলে যাতায়াত অত্যন্ত কঠিন ও দুরূহ এবং এরই কারণে হেজাযে চলাফেরা বেশীর ভাগ উত্তর দিক থেকে দক্ষিণ দিকে হয়ে থাকে। বাণিজ্যিক রাস্তা হয় সমুদ্র বরাবর অথবা 'ঙ' এলাকা দিয়ে হলে থাকে। এই রাস্তা এসেছে সিরিয়া থেকে। ভ্রমণকারী ও পর্যটকগণ অধিকাংশই ঐ সব রাস্তাই ব্যবহার করে। হেজায রেলওয়েও উল্লিখিত রাস্তায়

নির্মাণ করা হয়েছে। ঐ সব উপত্যকার কারণে পূর্ব দিক থেকে পশ্চিমে যাতায়াত নেহায়েত কষ্টসাধ্য। যেহেতু এর প্রান্তদেশ খুবই ঢালু—সেহেতু এখানে কৃষিকর্ম একেবারে বেকার ও নিষ্ফল। হেজাযের প্রান্তর এলাকায় এসব কারণেই জনবসতি খুবই কম এবং এসব জনপদ সম্পর্কে বাইরের দুনিয়া খুবই কম জানে। অবশ্য স্বলোচ্চ এলাকাতে ঐসব উপত্যকা খুব বেশী গভীর নয় এবং তার প্রান্তদেশও খুব বেশী ঢালু নয়। ফলে এসব জায়গায় ক্ষেত-খামারের কাজ হয়ে থাকে।

উপত্যকাগুলোর মধ্যে সর্বাধিক মশহূর 'হাম্দ' উপত্যকা। এই শহর ওয়েজহ (Wejh)-এর কয়েক মাইল দক্ষিণ হতে শুরু হয় যেখানে দু'টি নালা, একটি খায়বার—অপরটি আওরিদহ (Aweiridh) থেকে বহির্গত হলে মিলিত হয়। এই উপত্যকা থেকে মদীনা মুনা-ওয়ারার কাটা খালগুলো পানি পায় এবং এরই কারণে মদীনার পান্স-বর্তী অঞ্চলে প্রচুর খেজুর বাগান রয়েছে। অপরূপ মশহূর উপত্যকা-গুলো আমলিজ (Umlejh), যাম্বু (Yambo), রবুঘ (Rabugh), কাদীমাহ (Qadhimah), জেদ্দাহ (Jeddah) এবং লিথ (Lith)-এর পান্সস্থ এলাকা থেকে বহির্গত হয়েছে। এই কারণে শুধুমাত্র উপকূল-বর্তী এলাকা বরাবর বিভিন্ন স্থানেই খেজুর বাগান দৃষ্টিগোচর হয় না, বরং তিহামা (Tehama), মক্কা ও মদীনার মধ্যবর্তী এলাকাগুলোতেও খেজুর বাগান দেখতে পাওয়া যায়। কিন্তু এসব খেজুর বাগান সমৃদ্ধ এলাকাতে স্থায়ী বসতি অর্থাৎ বড় বড় জনপদ নেই। সেগুলোর উপর বরং আশে-পাশের কবিলাগুলোরই নিয়ন্ত্রণ প্রতিষ্ঠিত।

দক্ষিণ হেজাযের উপত্যকাগুলো গভীর নয় আর তাই সেগুলো দিয়ে যাতায়াত খুব একটা দুর্গম নয়, বরং হাম্দ উপত্যকা মদীনার দক্ষিণ দিকে হাজিগনের যাতায়াতের জন্য অধিক ব্যবহৃত হয়। অনুরূপভাবে অপরূপ উপত্যকাগুলো যেমন মদীনা থেকে যাম্বু'র মধ্যবর্তী এবং জেদ্দা-মক্কার মধ্যবর্তী এলাকাও ব্যবহৃত হয়। অনুরূপ কিছু উপত্যকা উপকূলবর্তী রাস্তাগুলোর জন্য ব্যবহার করা হয়ে থাকে।

সাধারণভাবে হেজাযকে অনাবাদী ও অনুর্বর এলাকা বলা হয়ে থাকে, খেজুর বাগান খুব কম। উপকূলের যেখানে উপত্যকাগুলো

সমুদ্রে প্রবেশ করে সেই এলাকা ভিন্ন বাকী উপকূলের উপর সব জামগায় প্রবালের পাহাড়। সেখানে সর্বদাই হালকা বালি উড়তে থাকে। পাহাড় শুষ্ক, গাছপালা খুব কম। অবশ্য কোথাও কোথাও চুনা পাথর মেলে এবং ছোট ছোট বোঁপ-ঝাড় ও গাছ নজরে পড়ে। হেজাজ সম্পর্কে বলা হয়ে থাকে যে, অনুর্বর হবার কারণে উত্তর অংশ নজ্দ এবং উপকূল এলাকার মাঝখানে এটা একটা বাধা ও প্রতিবন্ধক হয়ে রয়েছে। আর হেজাজ শব্দের অর্থও তাই অর্থাৎ প্রতিবন্ধক।

হেজাজের বড় বড় শহরগুলোর মধ্যে তায়েফ, মক্কা ও মদীনা প্রধান।

তায়েফ

ছয় হাজার ফুট উঁচুতে অত্যন্ত সবুজ ও শ্যামলিমায় স্থান এই তায়েফ। স্বাস্থ্যকর, আবহাওয়া ও সৌন্দর্যের কারণে এর খ্যাতি অত্যন্ত মশহুর। বর্তমানে সৌদী হকুমতের রাজধানী। তায়েফের গোলাপ এবং গোলাপ থেকে প্রস্তুত আতর ইসলামের প্রভাত-সূর্য উদিত হবার পূর্ব থেকেও মক্কা মু'আজ্জমার সমস্ত অনুষ্ঠানেই ব্যবহৃত হ'ত। তায়েফের আগুর থেকে প্রস্তুত শরাবও অত্যন্ত মশহুর এবং প্রাচীনকাল থেকেই প্রস্তুত হয়ে আসছে। মধু, কলা, আজীর (পেয়ারা), আঙুর, যমতুন, আড়ু এবং তরমুজ ইত্যাদি প্রচুর উৎপন্ন হয়। এর শ্যামলিমা, সৌন্দর্য এবং উৎপাদনাদিকের কারণে একে আরববাসী 'বেহেশত' বলে থাকে।

মক্কা মু'আজ্জমা

এটা অত্যন্ত প্রাচীন শহর। একে 'উম্মুল কুরা' বা প্রাচীন নগরী বলা হয়। ইসলাম-রবি এখান থেকেই উদিত হয়েছিল। প্রাচীন-কাল থেকেই একে পবিত্র মনে করা হ'ত। লোহিত সাগর থেকে প্রায় ৪৮ মাইল দূরে একটি অনুর্বর পাহাড়ী উপত্যকায় অবস্থিত। গ্রীষ্ম

মৌসুমে অত্যধিক গরম পড়ে। প্রাচীনকালে গরম মশলার বাণিজ্য-কেন্দ্র ছিল। ভারতবর্ষ, মালয় ইত্যাদির সঙ্গে ব্যবসা-বাণিজ্য চলত। এই শহর হয়েই বণিকরা স্থল পথে শাম ও স্যামান যেত। যাহূদী বণিকের বসতি ছিল এখানে অধিক। খেজুরের ব্যবসাও চলত খুব। জমজমাট ব্যবসা-বাণিজ্যের পরিমাপ এর থেকেই করা যাবে যে, বদরের যুদ্ধ যে কাফেলাকে উপলক্ষ করে সংঘটিত হয় তার উটগুলোর পিঠে ৫৯ হাজার দীনার মূল্যের বিস্ত-সম্পদ বোঝাই ছিল।

মক্কার জন্য প্রয়োজনীয় সাজ-সামান, দরকারী খোরাক ও অন্যান্য দ্রব্য-সামগ্রী বাহির থেকে আনা হয়। এখানে শিল্পের কোনরূপ প্রসার ঘটে নি।

মদীনা মুনাওয়ারা

ইসলাম আগমনের পূর্বে একে য়াহরীব বলা হ'ত। মক্কা মু'আজুমা থেকে প্রায় তিনশ' মাইল উত্তরে অবস্থিত। এটাও মক্কার মতই গরম মশলার বাণিজ্য-কেন্দ্র ছিল। রোমান হুকুমত যখন ফিলিস্তীন জয় করে তখন বহু সংখ্যক যাহূদী এখানে এসে বসতি স্থাপন করে। তারা ব্যবসা-বাণিজ্যে ও কৃষি কার্যে প্রভুত উন্নতি করে। বহু খেজুর বাগানের এরা ছিল মালিক। ইউরোপীয় ঐতিহাসিকদের ধারণা যে, প্রথমত এইসব যাহূদীই য়াহরীবকে 'মদীনা' নাম দিয়েছিল। হযরত আকরাম (সা)-এর হিজরতের পর থেকে একে 'মদীনা তুল্লাবি' বা মদীনা মুনাওয়ারা বলা হতে থাকে। য়াম্বু এখান থেকে ১৩০ মাইল দূরে অবস্থিত।

আবহাওয়া

হেজাযে বৃষ্টির পরিমাণ খুব কম। হেজাযের অবশিষ্ট এলাকার তুলনায় মরু প্রান্তরে কিছুটা বেশী পরিমাণে বৃষ্টি হয়ে থাকে।

গ্রীষ্ম মৌসুমে মক্কায় তুফানী হাওয়া, মেঘের গর্জন, বিজলীর চমক এবং কড়কড় শব্দের সঙ্গে বৃষ্টি হয়ে থাকে। বৃষ্টির পানি দ্রুতবেগে উপত্যাকা দিয়ে প্রবাহিত হয়ে সমুদ্রে গিয়ে পড়ে। দুই-একদিন নালা ও গর্তগুলো পার হবার উপযোগী থাকে না। তারপর যান্ন শুকিয়ে। তায়েফে যথেষ্ট বৃষ্টি হয়। তথাপিও বর্ষার কোন মৌসুম সেখানে নেই।

মক্কা মু'আজ্জমা সমুদ্রপৃষ্ঠ থেকে মাত্র ৮০০ ফুট উঁচু। আশে-পাশের পাহাড়গুলো শুষ্ক ও অনুর্বর। এজন্যই এখানকার আবহাওয়া খুব গরম। গ্রীষ্ম মৌসুমে এই এলাকা গরমে খইয়ের মত ফুটে থাকে।

এর বিপরীতে মদীনা মুনাওয়্বারার তাপমাত্রা গ্রীষ্ম মৌসুমে বড় জোর ৭০ ডিগ্রীর মত, এর বেশী সাধারণত হয় না। এজন্য স্বাস্থ্যের পক্ষে এর আবহাওয়া তামাম বছর ধরেই অত্যন্ত সুন্দর ও উপযোগী থাকে। মক্কা ও নিশ্ন এলাকার খেজুর বাগান-সমৃদ্ধ এলাকাতে জ্বরের প্রকোপ খুব বেশী। মক্কায় আমাশয় ও মহামারী রোগের প্রাদুর্ভাব অতি মামুলী ব্যাপার। মক্কা এবং তায়েফের পার্শ্বস্থ পাহাড়গুলোর উচ্চ টিলার উপর কখনো কখনো বরফ জমে। মক্কায় দিনের বেলায় যেখানে খুব গরম পড়ে, সেখানে রাতের বেলা বেশ ঠাণ্ডা ও আরামদায়ক হয়ে থাকে।

হেজামের সাইমুম (মরুভূমির ঝড়) অত্যন্ত কণ্টকর হয়ে থাকে। কাফেলার মাত্রীসাধারণ যখন আসমানের প্রান্তদেশে লাল আভা দেখতে পায় তখনই এটাকে সাইমুম-এর পূর্ব লক্ষণ ধরে নেয়। লাল আভার পর অন্ধকার এবং এরপর হলুদ বর্ণ দৃষ্টিগোচর হয়। অতঃপর গোটা এলাকা সূক্ষ্ম বালুকণায় ছেয়ে যায় যেগুলো বাতাস এভাবে ছড়িয়ে দেয় যেভাবে তুফান সাগরের তরঙ্গ-ফেনা ছড়িয়ে থাকে। প্রান্তরের বালুকারাশি হাওয়ায় উড়ে উড়ে প্রবাহের সৃষ্টি করে। তখন হ্বাস গ্রহণ করাও কষ্টসাধ্য হয়ে পড়ে। ওষ্ঠদেশ যায় শুকিয়ে আর উটগুলো পেরেশান অবস্থায় এদিক-ওদিক হোটাছুটি করতে থাকে। অবশেষে হেরে গিয়ে যমীনের বৃকে খুতনী দিয়ে আঘাত করতে থাকে। মানুষ ও জীবজন্তুর

শক্তি যায় নিঃশেষ হয়ে। গরমের প্রচণ্ডতা তাদেরকে বিপর্যস্ত ও বদহাল করে দেয়। সৃষ্টি হয় বালির নব নব পাহাড় আর পথাভোলা তখন অতি সহজ ও স্বাভাবিক ব্যাপার হয়ে পড়ে। এই লু-হাওয়ার কারণে বহু জীব-জানোয়ার ও মুসাফির প্রাণ হারিয়ে থাকে।

ময়দান

এই এলাকা দ্বারা হেজাজের সেই অংশকে বুঝিয়ে থাকে জনসাধারণ যাকে 'জাবালে ময়দান' বলে। এটা উত্তর-পশ্চিম উপকূলীয় এলাকা। কিন্তু এর অর্থ প্রকৃতপক্ষে সেই এলাকা যা তিরিশ ধাপ উত্তরে আরদুল বালাদের মাঝখানে অবস্থিত।

এই এলাকাটি অত্যন্ত দুর্গম ও পাহাড়ী। এখানে সাধারণ গ্রামের চাইতে বড় স্থায়ী বসতি খুবই কম এবং যেগুলো আছে তাও সাধারণত সমুদ্রোপকূল বরাবর। হেজাজ রেলপথ এই এলাকায় অবস্থিত। মা'আন (Maan) থেকে দারুল হামরা (Darul Hamra) পর্যন্ত যা ২৫০ মাইল দূরে অবস্থিত তবুক ভিন্ন আর কোন বসতি নেই। সেখানে রয়েছে রেলওয়ে স্টেশন। কতিপয় ঝুপড়িও দৃষ্টিগোচর হয় সেখানে। তবুকে প্রায় তিনশ' লোকের বাস। উপকূলীয় এলাকা ৭ মাইল থেকে ১৫ মাইল পর্যন্ত চওড়া এবং অত্যন্ত ঠিকন বালি-কণা দ্বারা পেটাই করা যেখানে বর্ষার নালাসমূহ সমুদ্রে গিয়ে মিলিত হয়। কিছু ক্ষেত-খামার ও ঘর-বাড়ীও নজরে পড়ে। ঐ সব নালায় মিসর থেকে আগত কাফেলাসমূহ নিজেদের জন্য পানির কুয়া খনন করে নিয়েছিল। সার্মা (Sarma) সর্বাঙ্গী বড় খেজুরের বাগান। সে এলাকার মশহর কসবাগুলি নিম্নে উল্লেখ করা গেল।

আকাবা

এই কসবাটি 'আকাবা' উপসাগরের পশ্চিম উপকূলে অবস্থিত যার ব্যাস প্রায় তিন মাইল। এর কোণা উত্তর ও উত্তর-পশ্চিম দিকে ইঙ্গিত

করে। উপসাগরের মুখের নিকট উপকূল অত্যন্ত নীচু এবং যেখানে নালা-এ-আরাবা (উপত্যকা) সমুদ্রে প্রবেশ করে। সেখানে কিনারা-গুনোয় বালির উঁচু উঁচু টিলা রয়েছে। আকাবায় বড় জোর পঞ্চাশ-ষাটটি বাড়ি আছে। তুকী আমল থেকে সেখানে পুলিশের একটি চৌকি এবং একটি টেলিগ্রাফ অফিস অবস্থিত। সঙ্গে সঙ্গে একটি সেনা ইউনিটও সেখানে সব সময় অবস্থান করে। পার্শ্ববর্তী এলাকাগুলোতে কিছু খেজুর বাগান রয়েছে। মৎস্যজীবীদের কোন নৌকা এখানে কিন্তু নজরে পড়ে না। আবহাওয়া খারাপ। জ্বরের ব্যাপক প্রকোপ সম্পর্কে অভিযোগ শুনতে পাওয়া যায়। মিষ্টি ও সুপেয় পানির একটি মাত্র কুয়া রয়েছে, তাও আবার বসতি এলাকার বাইরে। এর থেকেই সবাই পানি পান করে। বাকী সব কুয়ার পানি লবণাক্ত। এখানে একটি ক্ষুদ্রাকারের কেব্লাও রয়েছে। তাতে মিসরের হাজীদের কাফেলার জন্য খাদ্যদ্রব্য ইত্যাদি জমা থাকে। কেব্লার পশ্চিম দিকে জাহাজগুলোর গতিবিধি-নির্দেশক অতি প্রাচীন-কালের একটি বাতিঘর রয়েছে।

মুয়াইলাহ

এটি 'আকাবা' থেকে প্রায় ১৫০ মাইল দক্ষিণে অবস্থিত। এই গ্রামে প্রায় পঞ্চাশটি বাড়ী-ঘর রয়েছে। এটা মিসরের হাজীদের বিশ্রাম ও আরামস্থল এবং বেদুঈনদের বাণিজ্যিক কেন্দ্র। নিকটেই খেজুরের কিছু বাগান আছে। খাবার পানি উপত্যকায় কুয়া খনন করে পাওয়ার ব্যবস্থা করা হয়েছে। পানির পরিমাণ যদিও যথেষ্ট, কিন্তু তবুও কিছুটা লবণাক্ত। এখানে অধিক পরিমাণে ভেড়া পালিত হয়। উপকূল অত্যন্ত নীচু। সমুদ্র থেকে অভ্যন্তরীণ এলাকার দিকে গেলে বহু সু-উচ্চ পাহাড় মিলবে। গ্রামের পাশে কোন বন্দর কিংবা পোতাশ্রয় নেই। কিন্তু প্রবাল পাহাড়ের পশ্চাদভাগে নৌকা থামার জায়গা রয়েছে। সমুদ্রের দিক থেকে সেখানে পৌছুবার রাস্তা দুর্লভ ও দুরতিক্রম্য এবং প্রবল বাতাসে তা একেবারেই অসম্ভব হয়ে দাঁড়ায়। এখান থেকে একটি রাস্তা মদীনা মুনাওয়ারার দিকে চলে

গেছে। মুয়াইলাহ ব্যতীত এই এলাকায় ধাবা (Dhaba)-র মত আরও ছোট ছোট গ্রাম রয়েছে।

সমুদ্রোপকূলের মেঠো অংশের পশ্চাত্তাগে যেখানে আকাবা উপ-সাগর অবস্থিত, যমীন হঠাৎ করেই চার হাজার ফুট উচ্চতায় গিয়ে পৌঁছে। কিন্তু লোহিত সাগরের নিকটে ৭ হাজার এবং নয় হাজার ফুট পর্যন্ত উঁচু পাহাড় রয়েছে। এই সব পাহাড়ের পশ্চাত্তাগে উচ্চ মানভূমি ছয় হাজার ফুট উঁচু। এইসব পাহাড় ও উচ্চ মানভূমির মধ্যবর্তী স্থানে বালুকাভূমি কংকরময়। এখানে গাছপালা ও ঝোপ-ঝাড় খুবই কম। এর পেছনে উচ্চ প্রান্তরভূমি লাল রঙের বালুময়। প্রায় পঞ্চাশ মাইল চওড়া এই এলাকার কোথাও কোথাও উচ্চ টিলা রয়েছে। ঐগুলোকে স্থানীয় অধিবাসীরা 'হিসমা' (Hisma) বলে। প্রান্তরের দক্ষিণ পূর্ব দিকে শুষ্ক পর্বতশ্রেণী যার জমাট লাভার শৃঙ্গ-গুলো আশে পাশের এলাকা থেকে ১৪০০ ফুট উঁচু। এসব ছোট-খাট পাহাড়ের পর যমীন ঢালু হয়ে গেছে এবং পশ্চিম ও মধ্য আরব ভূমি পর্যন্ত এভাবেই ঢালু হয়ে চলে গেছে।

হামদ উপত্যকা (WADI HAMD)

এটা সেই এলাকা যা ২৭ অনুক্রম 'আরদুল বালাদ থেকে ২৪ অনুক্রম 'আরদুল বালাদ পর্যন্ত চলে গেছে। এর বৃষ্টির সমস্ত পানিই হামদ উপত্যকায় আসে এবং এই উপত্যকা বা নানা ওয়েজ্‌হ (Wejh) থেকে ৩০ মাইল দক্ষিণে খায়বার উপত্যকা ও ইরদাদাহর মিলন-মোহনা থেকে বেরিয়ে লোহিত সাগরে গিয়ে নিশে যায়। হেজাজ রেলওয়ে এখান থেকে সমুদ্রোপকূলের সমান্তরাল রেখায় প্রায় ১৫০ মাইল দূরত্ব অতিক্রম করে। এই মধ্যবর্তী এলাকা সম্পর্কে বিস্তারিত উপায়ে সঠিকভাবে কিছু বর্ণনা দেওয়া যাবে না। কেননা এই অংশকে অদ্যাবধি কোন নির্ভরযোগ্য পরিব্রাজক অতিক্রম করেনি। অবশ্য এদিক দিয়ে অতিক্রমকারী পর্যটক-মুসাফিরদের ভাষ্য যে, উপকূল যা উত্তরাংশ থেকে অধিক অনূর্বর এবং সুবা ময়দানের

পাহাড় দু'টোই এই অংশের দক্ষিণ সীমা পর্যন্ত শৃঙ্খলাবদ্ধভাবে চলে গেছে। পাহাড়ী এলাকার ঢালু জায়গা অত্যন্ত গভীর। কিন্তু যখনই আমরা একটু একটু করে দক্ষিণ দিকে যাব এই পাহাড় উচ্চতায় কম হতে থাকে। স্নামবু'র উত্তরে পুনরায় কিন্তু বেশ উঁচু হয়ে গেছে। এই উঁচু পাহাড়ের নাম জাবালে রাদওয়াহ (Radwah)। হাম্দ নামক নালা (স্রোতঃস্বিনী) এই পাহাড়ের মাঝ দিয়ে অতিক্রম করে সমুদ্রে গিয়ে পতিত হয়। এই এলাকার ভেতর দিয়ে দু'টি রাস্তা চলে গেছে। প্রথম ওয়েজ্‌হ (Wejh) থেকে আল-'আলা (Al-'Ala) পর্যন্ত; দ্বিতীয়টি যাম্বু' (yambo) থেকে মদীনা পর্যন্ত। হাজী কাফেলার যে প্রসিদ্ধ রাস্তা মদীনা যায়—এই প্রদেশের দক্ষিণ-পূর্ব অংশকে তেরছাভাবে অতিক্রম করে। এই রাস্তায় বেশ কিছু ছোট ছোট বস্তী আবাদ হয়ে গেছে। গোটা এলাকার ভেতর এই রাস্তাটি কেবল সর্বাধিক ঘন বসতিই নয় বরং এর ভেতর ছোট ছোট ঝুপড়ীর স্থায়ী বসতিও রয়েছে। কিন্তু এগুলো এত ছোট যে, এদের ভেতর কোন একটিকেও কসবা বলা চলে না। হাম্দ উপত্যকার স্থায়ী আবাদীগুলোর নাম নীচে উল্লেখ করা গেল।

ওয়েজ্‌হ্ (WEJH)

ছোট একটি কসবা যা এই নামের উপসাগরের তীরে অবস্থিত। পানি লবণাক্ত এবং দুঃপ্রাপ্য। ছোট্ট বাজার। সমুদ্রোপকূল বরাবর ষাট-সত্তর ফুট উঁচু প্রবাল পাহাড়। এর থেকে প্রায় চার মাইল ভেতরের দিকে কিছু ছোট ছোট পাহাড় রয়েছে। প্রবালের পাহাড় এবং এইসব পাহাড়ের মধ্যবর্তী এলাকার যমীন লবণাক্ত ও দলদলে। কসবার বন্দর জাহাজ চলাচলের জন্য বেশ উপযোগী এবং নিরাপদ। উপসাগরের গতিমুখ আনুমানিক ৩০০ গজ চওড়া। এই কসবা দিয়ে হাজীদের কাফেলা অতিক্রম করে।

আমলেজ্‌হ্ (UMLEJH)

এই গ্রামে প্রায় একশ'র মতো বসতবাটি আছে। এখানে খেজুর গাছের ঝাড় আছে; কিন্তু খুবই মামুলী ধরনের; এই গ্রাম

ছোট বন্দরটির জন্য উন্নতির পথে অগ্রসর। নৌকার আনাগোনা এখানে বেশী। এর কারণ এখান থেকে মদীনা মুনাওয়ারার দূরত্ব ১৪০ মাইল, আর রাস্তাও বেশ ভালো। বহু লোক এখান থেকে গিয়ে হেজাজ রেলওয়ে স্টেশন এস্টেবাল-এ ট্রেনে আরোহণ করে। এই স্টেশনটি এখান থেকে একশো মাইল দূরে। এলাকা মোটামুটি সবুজ ও শ্যামলিমাময়। যদি চেষ্টা চালানো হয় তবে এই উপসাগরে বাণিজ্যিক উদ্দেশ্যে খুব সুন্দর বন্দর গড়ে তোলা যায়।

যাম্বু' (YAMBO)

সমুদ্রোপকূল ও পর্বত শ্রেণীর মধ্যবর্তী অনুর্বর ভূমিতে অবস্থিত। এখানেও একটি উপসাগর রয়েছে। এখানে মদীনাগামী হাজী কাফেলার জন্য ব্যবহৃত বন্দর বিদ্যমান। এই বন্দরটি প্রকৃতি-সৃষ্ট। এর উন্নতি ও সম্প্রসারণের জন্য সম্ভবত আজ পর্যন্তও কোন প্রয়াস কিংবা তৎপরতা চালানো হয়নি। উপসাগরে যাতায়াতের সামুদ্রিক রাস্তা সহজগম্য। উপকূল-মুখকে প্রকৃতি একটি বালুকাময় উপদ্বীপের দ্বারা, যার বুনিয়াদ প্রবাল পর্বতের উপর স্থাপিত, নিরাপদ বানিয়েছে। উপদ্বীপের আড়ালে নৌকাগুলি প্রচণ্ড ও উত্তাল সামুদ্রিক তরঙ্গের হাত থেকে বেঁচে নোঙর ফেলতে পারে। মদীনাগামী কাফেলা কয়েক শতাব্দী থেকে একে ব্যবসা-বাণিজ্য ও বায়তুল্লাহ শরীফ যিয়ারতের উদ্দেশ্যে ব্যবহার করে থাকে। বন্দরে পানি বেশ গভীর। কতক স্থানে ১৮ ফুট, আবার কতকস্থানে তা ৬ ফুট। কিন্তু বস্তী খুব নোংরা। সুয়েজ খাল খনন এবং এতে বড় বড় জাহাযের আনাগোনার পূর্বে এর গুরুত্ব ছিল যথেষ্ট। কেননা ইউরোপ ও আফ্রিকার কাফেলা অধিকাংশ এপথেই আসা-যাওয়া করত। মিষ্টি ও সুপেয় পানির স্বল্পতা রয়েছে। এ পানি কসবার কয়েক মাইল দূরের কুয়া থেকে নিয়ে আসা হয়। উত্তর-পূর্ব দিকে রয়েছে খেজুরের বিখ্যাত বাগান।

আল-'আলা (AL-'ALA)

এটি বেশ বড় খেজুর বাগান সমৃদ্ধ কসবা। হেজাজ রেলওয়ের কারণে এর খুবই উন্নতি ও অগ্রগতি সাধিত হয়েছে। খেজুর বাগান-গুলো কয়েক মাইল লম্বা এবং কয়েক মাইল চওড়া। এখানকার

খেজুর খুবই বিখ্যাত। যে ঝরণা থেকে এখানে পানি সিক্ত হয় তার পানি ঈষদুষ্ণ এবং ভেতর গন্ধকের অংশ মিশ্রিত। এখানে গোসল করার জন্য দূর-দূরান্তর থেকে লোক সমাগত হয়। পর্দানশীন মহিলাদের জন্য আলাদা পর্দাঘেরা ব্যবস্থা রয়েছে। কয়ূর পাড়েও কিছু খেজুর বাগান রয়েছে। কিন্তু এর পানি লবণাক্ত ও ঠাণ্ডা। খেজুর ডিম্ব লেবু এবং আলুও জন্মে। কোথাও কোথাও আঙ্গুরের লতাপূর্ণ বাগানও দৃষ্টিগোচর হয়। যমীন উর্বর। এ কারণে উট ছাড়াও গাভী, বকরী ও গাধা এবং ঘোড়াও বেশ যথেষ্ট সংখ্যক পালিত হয়।

মদীনা মূনাওয়ারা

এর বর্ণনা পূর্বেও করা হয়েছে। এটি হেজায রেলওয়ের আখেরী স্টেশন। কিন্তু এখন এটাকে আরো সামনে নিয়ে যাওয়ার সম্ভাবনা রয়েছে। সমুদ্রপৃষ্ঠ থেকে এর উচ্চতা ২৩০ ফুট। তিন দিক দিয়ে পাহাড় ঘেরা। কোথাও পাঁচ মাইল দূরত্বে, আবার কোথাও তা প্রায় এগারো মাইল। শহরের প্রান্তর এলাকা দক্ষিণ দিকে এবং উন্মুক্ত। এখানে কয়েকটি নালা বিভিন্ন দিক থেকে এসে মিলিত হওয়ায় পানির আধিক্যের কারণে শহর-উপত্যকা বেশ সবুজ ও সৌন্দর্যমণ্ডিত।

শহরের দু'টি অংশ; পুরনো মদীনা ও নতুন মদীনা। দু'টি অংশই পরস্পরের থেকে আলাদা দৃষ্টিগোচর হয়। পুরনো শহরের কয়েকটি ফটক বিভিন্ন রাস্তার নিরাপত্তা বিধান করে।

বাব আল-শামী

শামী দরজা ওহোদ পাহাড়ের রাস্তার মাথায় অবস্থিত।

বাব আল-জুম্বা

এখান থেকে নজদের প্রধান শাহী সড়ক শুরু হয়েছে। এটা পূর্ব দিকে অবস্থিত।

বাব আল-কা'বা

এটা দক্ষিণ দিকে । এখান থেকে কা'বা শরীফের দিকে রাস্তা চলে গেছে ।

বাব আল-আম্বুয়া

এটা পশ্চিম দিকে অবস্থিত । এখান থেকে মামবুর দিকে রাস্তা গেছে । যে সব কাফেলা পদব্রজে কিংবা ট্রেনযোগে আগমন করে তারা এই দরজা অতিক্রম করে আল-মুনাঙ্কা নামক প্রান্তরে অবস্থান করে । যাদের ঘর ভাড়া নেয়ার সামর্থ্য নেই তারা হজ্জ মওসুমে এই এলাকায় তাঁবু খাটিয়ে অবস্থান করে । এই ময়দান থেকেই অতঃপর বাব আল-মিসরে প্রবেশ করে ।

শহর এলাকা খুবই সবুজ ও শ্যামল । এখানে ১৫০ প্রকারের খেজুর উৎপন্ন হয় । পানির রয়েছে প্রচুর । কতিপয় কুয়ার পানি লবণাক্ত এবং কোথাও কোথাও যমীনও লবণাক্ত । এখানে দুনিয়াত্তর মুসলিম মিল্লাত্তর লোকজন এসে বসতি গেড়েছে এবং এখানে বিয়েশাদীও করেছে, সেজন্য লোকজনের রক্তে নানা জাতি ও বর্ণের রক্তের সংমিশ্রণ ঘটেছে বেশী । শুধুমাত্র ভাষাগত দিক দিয়েই একমাত্র তাদের আরব বলা যেতে পারে । কিন্তু আশে-পাশের খেজুর বাগান এলাকার লোকদের ভেতর, বিশেষ করে বেদুঈনদের ভেতর বাইরের রক্তের মিশ্রণ ঘটেছে খুবই কম । জীবিকার সাধারণ মাধ্যম কৃষিকাজ ও বাবসা-বাণিজ্য ।

তায়মা

হোষ্ট্র একটি খেজুর বাগান সমৃদ্ধ জনপদ । মানভুমির নিম্ন অংশে অবস্থিত । এই ময়দানের উর্বর মাটির উপর বর্ষিত বৃষ্টির পানি প্রবাহিত হয়ে নিম্নভূমিতে পতিত হয় এবং সেখানে সারের কাজ দেয় । এখানে খেজুরের একটি বড় বাগান আছে, আর এর আশেপাশে অন্যান্য

ছোট ছোট খেজুর বাগানও রয়েছে। আবহাওয়া স্বাস্থ্যের পক্ষে খুবই উপকারী। ঘরবাড়ী যদিও কাঁচা কিন্তু বেশ প্রশস্ত ও হাওয়া-ভরপুর এবং বাগ-বাগিচার কারণে বাড়ীঘর স্বল্প দূরত্বে নির্মিত। যমীন উর্বর হওয়ায় খেজুর ভিন্ন গম, যব ও জোয়ারেরও চাষাবাদ করা হয়ে থাকে। আনারস, আলু, পেয়ারা, লেবু, নারঙ্গী, আঙ্গুর ইত্যাদিও উৎপন্ন হয়। বসতির অধিকাংশই বেদুঈন। এদেরকে দেখলে মিশ্র জাতি (শংকর) বলে মনে হয়। হাবশী রক্তের মিশ্রণ প্রকটভাবে ধরা পড়ে।

খায়বার

খেজুর বাগান সমৃদ্ধ এই জনপদটি ছোট ছোট বস্তীর সংমিশ্রণ। এটি হাররা প্রান্তরে সমুদ্র পৃষ্ঠ থেকে ২০০০ ফুট উচ্চতার উপর অগ্ন্যাৎপাতকারী পাহাড়ের গভীর প্রস্তরময় নিম্নভূমিতে অবস্থিত। উৎক্লিষ্ট লাভা প্রস্তরের রঙ কোথাও সবুজ—কোথাও খাকী রঙের আধিক্যসহ সবুজ। ইসলামের ইতিহাসে এর একটি সবিশেষ গুরুত্ব রয়েছে। ইসলামের আবির্ভাবের পূর্বে এখানে বড় বড় ধনবান ও মালদার য়াহূদী বাস করত। তাদের পেশা ছিল ব্যবসা-বাণিজ্য ও টাকা-পয়সার লেন-দেন। আরব গোত্রগুলোর পরস্পরের ভেতর লড়াই-ঝগড়া বাঁধিয়ে দিয়ে তারা নিজেরা নিরাপদ শান্তি ও স্বস্তির জীবন-যাপন করত এবং তাদের উপর নিজেদের নিয়ন্ত্রণ কায়ম রাখতো। বহু মঘবুত দুর্গ তারা এখানে নির্মাণ করেছিল। আর এসব কেন্দ্রের কারণে খায়বারকে দুর্ভেদ্য ও অজেয় বলে মনে করা হ'ত এবং আরব গোত্রগুলি এদের উপর হামলা পরিচালনা করতে ইতস্তত করত।

খায়বার কংকরময় ভূমির যে নিম্নভাগে অবস্থিত তা বাকী পাহাড় থেকে আলাদা যায়দিয়া নামক উপত্যকার মধ্যবর্তী স্থানে অবস্থিত। এটা সেখানকার অন্যান্য উপত্যকা থেকে সর্ববৃহৎ। কংকরময় ভূমির উপরিভাগ সমতল ময়দান। এর দৈর্ঘ্য প্রায় চারশো গজ এবং প্রস্থ দু'শো গজ। এখানে প্রাচীর বেষ্টিত একটি কুয়া রয়েছে। বিপদ মুহূর্তে কুয়াটি খুবই উপকারী এবং কার্যকর প্রমাণিত হয়ে থাকে। সঞ্চিত পানি

প্রচুর। প্রস্তর নিমিত প্রাচীর এবং মসবুত দরজার কারণে জামগাটি খুবই নিরাপদ। ঝরণার পানি ঈষদুষ্ণ এবং গন্ধকযুক্ত, কিন্তু লবণাক্ত নয়। যমীন বেশ লবণাক্ত। যদি পর্যায়ক্রমিক চাষ-বাসের ব্যবস্থা করা যায় তাহলে অল্প দিনেই এ অবস্থার উন্নতি ঘটবে। কৃষিকর্মের জন্য বলদ ব্যবহার করা হয়। একমাত্র দুভিক্ষের সময় ছাড়া যখন বেদুঈন গোত্রগুলো এই এলাকায় এসে চাষবাস করতে থাকে—উট খুবই কম ব্যবহৃত হয়। আবহাওয়া খারাপ। জ্বরের প্রকোপ অত্যন্ত ব্যাপক ও সাধারণ ব্যাপার। এজন্য জমির আরব মালিকগণ মদীনা মুনাওয়ারায় বসবাস করেন এবং চাষ-বাস হাবশী গোত্রগুলো করে। আর তাদেরকে আরবের কৃষক নামে অভিহিত করা হয়। এই এলাকায় আরব বেদুঈনদের অধিকারকেও স্বীকার করে নেয়া হয়েছে। তারা এখানকার চারণ ক্ষেত্রে নিজেদের পশু-পাল চরাতে পারে। দুভিক্ষের সময় হাবশী কৃষকেরা আনন্দের সঙ্গে নিজেদের যমীনের অর্ধেক অংশ তাদেরকে কৃষির জন্য দিয়ে দেয়। কিন্তু মরু প্রান্তরে যখন ফসলের চারা গজায় তখন বেদুঈন গোত্রগুলো ফিরে যায় এবং খেজুরের যে নতুন গাছ লাগায় অথবা যে ফসল বপন করে তার মূল্য টাকা-পয়সা কিংবা ফসলের একটা অংশের বিনিময়ে নিয়ে নেয়। কয়েক হাজার হাবশীর এখানে বসতি রয়েছে। তারা খেজুর ও খাদ্য-শস্যের আবাদ করে। ভূমির মালিক শুধুমাত্র আরব গোত্রগুলো। অন্যেরা ভূমি ক্রয় করে এর মালিক হতে পারে না।

পাশ্চাতী জনপদগুলোতে বিশেষ করে পশ্চিম দিকে কিছু ভূখণ্ড রয়েছে; সেখানে হাবশীরা নিজেদের বসতি স্থাপন করেছে। এসবের মালিক হাবশীরাই যারা এখানে ক্ষেত-খামারের কাজ করে।

এখানে বিশেষভাবে খেজুরের ব্যবসা চলে থাকে। কিন্তু খেজুরের মান খুব উন্নত নয়। কৃষিজাত দ্রব্যাদির মধ্যে রয়েছে জোয়ার, ভুট্টা যব ইত্যাদি। বেদুঈন গোত্রগুলো এসব খরিদ করে নিয়ে যায়। বসন্ত মওসুমে এখানে একটি মেলা বসে। কয়েক দিন পর্যন্ত এ মেলা চলে। এতে দূর-দূরান্তরের বণিকেরা কেনা-বেচার জন্য আগমন করে। দারিদ্র্যের ছাপ গোটা এলাকা জুড়ে। হাবশীরা খুবই হাড়-ভাঙা পরিশ্রমে করে নিজেদের জীবিকা উৎপন্ন করে।

দক্ষিণ দিকের এলাকা

এই এলাকা ২৪ ডিগ্রী উত্তর 'আরদুল বানাদ থেকে ২০ ডিগ্রী উত্তর 'আরদুল বানাদ পর্যন্ত বিস্তৃত। এর দক্ষিণ দিকে আসীর এলাকার আরম্ভ যেখানে হেজাজের সেই বিভক্তি, যা আমরা প্রথমেই উল্লেখ করেছি, অর্থাৎ সমুদ্রোপকূলীয় ভাগ, উপকূল বরাবর পাহাড়, মালভূমির প্রান্তরময় এলাকা এবং বড় বড় পাহাড় এখানে বিলকুল আলাদা দৃষ্টিগোচর হয়। অবশ্য সমুদ্র সংলগ্ন গিরিশ্রেণীর উচ্চতা অত্যন্ত স্বল্প হয়ে যায়। বিশেষ করে হাজী কাফেলার রাস্তা রাবুগ (Rabugh) থেকে মদীনা মুনাওয়ারা পর্যন্ত অত্যন্ত ধূলিময়। এর উচ্চতা দু' হাজার ফুটের অধিক নয়। কিন্তু এটা যখন জাবাল-ই-সা'দিয়া (Jebel-e-Sa'diyah) পর্যন্ত পৌঁছয়, যা জেদা থেকে মস্কার পথে দক্ষিণ দিকে কিছু দূরে অবস্থিত, তখন এর উচ্চতা আবার বেড়ে যায়। উপকূলের উত্তর ভাগ কৃষি যোগ্য। জেদা এবং এর উত্তর থেকে রাবুগ পর্যন্ত ভূমি উর্বর হবার কারণে কতকগুলি ছোট ছোট বসতি এবং খেজুর বাগান রয়েছে। দক্ষিণ দিকে মালভূমি। মালভূমি প্রান্তর ধুলো-বালিতে ভরপুর। অবশ্য ওয়াদী-ই-ফাতিমা (Wadi-e-Fatima)-এর যে ভূখণ্ড মস্কার উত্তর থেকে বের হয়ে জেদার দক্ষিণ দিকে সম্প্রসারিত—তা অত্যন্ত উর্বর। এই ভূখণ্ডে কয়েকটি খেজুর বাগান রয়েছে এবং এর একটা বিরাট উল্লেখযোগ্য অংশই চমের অধীন। মদীনা থেকে প্রায় এক শো মাইল পর্যন্ত পাহাড়ী এলাকায় কয়েকটি আবাদযোগ্য উর্বর স্থান রয়েছে। এটা যতই মস্কার দিকে আসতে থাকে ততই বিরান, অনুর্বর ও অনাবাদী হতে থাকে। কিন্তু জাবাল-ই-কোরা (Jebel-e-Qura) থেকে শ্যামল-সবুজের রাজত্ব শুরু হয়। আর তায়েফে তো এই এলাকা শাস্ত্রত বেহেশ্বরূপে ধরা দেয়। তায়েফের দক্ষিণ দিককার সমীণও বেশ উর্বর। এই ভূ-খণ্ডের সূপ্রসিদ্ধ শহর ও জনপদের বিবরণ এখানে দেওয়া গেল।

মস্কা মু আজ্জমা

এ সম্পর্কে সংক্ষিপ্ত বর্ণনা পূর্বে করা হয়েছে। মস্কা ইসলামী বিশ্বের স্বমীয় ও রূহানী কেন্দ্র। এটি একটি গভীর উপত্যকায় অবস্থিত য'র

চতুদিকে কয়েক শ' ফুট উঁচু পাহাড় প্রহরীরূপে দণ্ডায়মান। এজন্যই সম্ভবত কোন যুগেই এর হেফাজতের জন্য চারিদিকে দেয়াল ঘেরা প্রাচীর নির্মাণ করা হয়নি। উপত্যকার তিন দিকের রাস্তা রুখবার জন্য প্রাচীন যুগে প্রাচীর ছিল বটে, কিন্তু এখন আর তা দৃষ্টিগোচর হয় না। অবশ্য এর তিনটি দরজার নাম আজও লোকমুখে প্রচলিত রয়েছে।

মদীনার রাস্তা এবং জেদ্দা থেকে দক্ষিণ দিকের রাস্তা দু'টোই জাবাল-ই-হিন্দী (Jabal-e-Hindi)-এর ছত্রছায়ায় মিলে বাব আল-'উমরাহ (Bab Al-'Umrah) অর্থাৎ পশ্চিম দিক দিয়ে শহরে পৌঁছয়। স্নামনের রাস্তা দক্ষিণ দরজা দিয়ে। মিনা ও 'আরাফাতের রাস্তা উত্তর দরজা বাব আল মু'আল্লা (Bab-El-Mu'alla) এবং শহরের উঁচু অংশ থেকে এসেছে। মস্কার চতুদিকে কয়েকটি নতুন বসতি রয়েছে। যেমন, বেদুঈনদের মারকায (কেন্দ্র), মিসরীয় ক্যাম্প, সিরীয় হাজীদের ছাউনী ইত্যাদি।

শহরের দৈর্ঘ্য প্রায় তিন মাইল আর প্রস্থ হবে প্রায় দু' মাইলের মত। পবিত্র স্থানসমূহ যেমন, কা'বা শরীফ ও মাদরাসা—ইত্যাদি শহরের দক্ষিণ অংশে পড়েছে। ছোট্ট কাটা খালের সাহায্যে আরাফাত পর্বত থেকে পানি এসে থাকে যা শহরের মধ্য দিয়ে অতিক্রম করে। পানির পরিমাণ যথেষ্ট এবং সুপেয়ও বটে। যমযম কূপ এখানেই অবস্থিত। এর গভীরতা প্রায় চল্লিশ ফুট। এর পানি প্রতি বছর লক্ষ লক্ষ হাজী দুনিয়ার বিভিন্ন প্রান্তে নিয়ে যায়।

মস্কার পার্শ্ববর্তী এলাকার জমি একেবারেই অনুর্বর। এ জন্য কৃষি কাজ খুব কম হয়ে থাকে। খেজুর বাগানও হাতে গোনা কয়েকটি। শহরের প্রয়োজনীয় সব ধরনের খাদ্য-দ্রব্য বাইরে থেকে আসে। কোন শিল্প নেই। জনগণের জীবিকা হজ্জ ও 'উমরাহ উদযাপন উপলক্ষে আগত মুসাফির ও পর্যটকদের খেদমত, পথ-প্রদর্শন ও তাদের মাল-মাল্লা বহনের মাধ্যমে হয়ে থাকে। যিয়ারতকারী মুসাফির সারা বছর ধরেই দুনিয়ার বিভিন্ন প্রান্ত থেকে এসে থাকে। হজ্জের মৌসুমে তো কয়েক লক্ষ লোকের সমাগম হয়। শহরের অধিবাসী এক লক্ষের মত হবে।

মক্কা মু'আজ্জমার আবহাওয়া যদিও খুব শুষ্ক ও গরম, কিন্তু স্বাস্থ্যের দিক দিয়ে বেশ ভালো। সুউচ্চ পাহাড়-পর্বত ঘেরা হবার কারণে বাতাস খুব কম। ধূসর ও রুক্ষ পাহাড়ের কারণে প্রচণ্ড গরম পড়ে। রাত্রিকাল থাকে অধিকাংশই ঠাণ্ডা। সারা বছরে দু'একবার বৃষ্টিপাত হয়ে থাকে। কিন্তু বৃষ্টির পরিমাণ অধিক হলেই কয়েক ফুট পর্যন্ত পানি জমে যায়। অতঃপর শহরের দক্ষিণ দরজা দিয়ে তা ময়দানের দিকে চলে যায়। আর সেই সঙ্গে বয়ে নিয়ে যায় শহরে যত আবর্জনা।

হেজ্রাযের অধিবাসী

গত অধ্যায়ে হেজ্রায ভূখণ্ডের প্রাকৃতিক অবস্থা কিছুটা বিস্তারিত ভাবেই তুলে ধরা হয়েছে। এজন্যই তা করা হয়েছে যেন যে সমস্ত ব্যক্তি হেজ্রাযের ভৌগোলিক অবস্থা সম্পর্কে ওয়াকিফহাল নন, কিংবা ইংরেজী ভাষা জানেন না—তারা এর থেকে দরকারী তথ্য পেতে পারেন। সামনের অধ্যায়ে আরববাসীদের ধর্ম, সংস্কৃতি, জীবিকার উপায়-উপকরণ, জাতীয় বৈশিষ্ট্য—ইত্যাদি বর্ণনা করা হবে।

সাংস্কৃতিক ও বংশগত অবস্থা

ইসলামের আবির্ভাবের পূর্বে আরববাসীদের জাতীয় ঐক্য ও সংহতি ছিল শতধা-বিচ্ছিন্ন। তারা বিভিন্ন খান্দান, গোত্র ও দলে ছিল বিভক্ত। সামগ্রিক কোন ব্যবস্থাপনা তাদের ছিল না। প্রতিষ্ঠিত কোন রাষ্ট্রও ছিলনা। প্রতিবেশী শক্তিশালী রাষ্ট্রগুলোর ভয়ে তারা সদা-সন্ত্রস্ত থাকত। তাদের জীবন-যাপন চলতো বহু কষ্টে। উট ও ভেড়া-বকরীর দুধ এবং খেজুর ব্যতীত আর কোন প্রকার খাদ্য সহজলভ্য ছিল না। যবের রুটী ধনবান লোকের পক্ষেও মিলানো কষ্টকর ছিল। 'জোর যার-মুল্লুক তার' এই ছিল তাদের একমাত্র আইন। গোত্রগুলো ছিল পরস্পর-মুখ্যমান। যদিও আরবী ভাষা-ভাষী লোক সে যুগেও

এশিয়া ও আফ্রিকার একটা বিরাট অংশে বসবাস করত, কিন্তু বিশৃংখলা, অনৈক্য ও গৃহযুদ্ধের কারণে তাদের বেশন রাষ্ট্রনৈতিক শৃংখলা ও শাসনতান্ত্রিক ব্যবস্থাপনা ছিল না। বিভিন্ন ধর্ম আরবী ভাষা-ভাষীদেরকে আলাদা গোত্র ও জাতি-সম্প্রদায়ে বিভক্ত করে রেখেছিল। যে সময় হযূর আকরামসা আবির্ভূত হন—আরবের অধিবাসীরা তখন অত্যন্ত দীন-হীন ও অধঃপতিত অবস্থায় জীবন-যাপন করছিল। আর এই হীনতা ও অধঃপতিত অবস্থা তাদের ব্যক্তি ও সামাজিক জীবনকে আশেট-পৃষ্ঠে বেঁধে রেখেছিল। তিনি তাদেরকে এই অধঃপতন থেকে উন্নতি ও সৌভাগ্যের চরম মার্গে নিয়েই পৌঁছান নি বরং ভ্রাতৃত্ব, সাম্য ও সংহতির ইসলামী সম্পর্ক সম্পৃক্ত করে তাদেরকে এমনিভাবে দুনিয়ার বুকে চিঃঞ্জীব রেখে গেলেন যে, আজ দুনিয়ার বুকে তাঁর নাম নেবার মত লক্ষ নয়, কোটি কোটি জনসমষ্টি বিদ্যমান।

সাধারণত ধারণা করা হয় যে, আরবের সকল অধিবাসীই আরব। এ ধারণা ঠিক তেমনিই যে, ইউরোপের সমস্ত লোকই বৃষ্টি ইংরেজ। তেমনি আরবের সমস্ত অধিবাসীকেই আরব মনে করা হয়ে থাকে। অথচ ইউরোপেও বিভিন্ন জাতি-গোষ্ঠীর আবাস রয়েছে। আরবদের ভেতর যদিও এধরনের আলাদা জাতি-সত্তা নেই,—তবুও তাদের ভেতর বিভিন্ন জাতি-গোষ্ঠীর লোক বেশ উল্লেখযোগ্য সংখ্যায় বর্তমান রয়েছে, ঠিক যেমন বর্তমান রয়েছে এই উপমহাদেশে। যেমন, যে সমস্ত আরব মক্কা মু'আজ্জমার মত শহরের অধিবাসী,—তারা কোন এক যুগে খাঁটি আরব বংশোদ্ভূত ছিল। কিন্তু আজ তারা সেই সমস্ত জাতি-গোষ্ঠীর ভেতর মিশ্রিত হয়ে গেছে যারা ইসলামের পূর্বে ও পরে হজ্জ পালনের উদ্দেশ্যে এখানে আগমন করত এবং যাদের মধ্যে অনেক লোকই বিয়ে-শাদী করে এখানে স্থায়ীভাবে থেকে যেত। কিন্তু সে সমস্ত অধিবাসী যারা দেশের অভ্যন্তরভাগে বাস করত, যারা বাইরের লোকদের থেকে ছিল সম্পূর্ণ সম্পর্কমুক্ত, তাদের একটা উল্লেখযোগ্য সংখ্যকই ছিল এই মিশ্রণের বাইরে। উল্লেখযোগ্য সংখ্যক এই কারণে যে, সেখানকার অধিকাংশ অধিবাসীর শিরা-উপশিরায় একটা দীর্ঘকাল ধরে হাবশী রক্ত মিশ্রিত হচ্ছিল।

আরব জাতিগুলোর নিকট তাদের বংশ-তালিকা অত্যন্ত প্রিয় বিষয়। তারা সগৌরবে নিজেদের পূর্ব-পুরুষদের আলোচনা করে থাকে।

মূলের দিক দিয়ে আরবের সকল কবিলা (গোত্র)কে তিনটি প্রধান কবিলার শাখা মনে করা হয়। কবিলা তিনটি হ'ল :

বনী কাহ্তান

এই কবিলা সর্বদা যামনে বসবাস করত। এই শাখার মূল কবিলা-ই-আরিবা যারা নির্ভেজাল ও অবিমিশ্র আরব বলে দাবী করে। বণিত আছে যে, কাহ্তান—যিনি নুহ (আ)-এর পৌত্র সামের পুত্র, 'আরবী ভাষার জনক।

বনী 'আদনান

এরা হযরত ইসমা'ঈল (আ) এর বংশধর। এদেরকে মিশ্রিত বংশ বলা হয়। কেননা এরা যখন মক্কায় আসে তখন তাদের ভেতর কতক লোক যামনের মহিলাদের সঙ্গে বৈবাহিক সম্পর্ক স্থাপন করে। এ জন্য তাদের বংশধরদেরকে 'মূতা'আরিবাঃ' (শংকর বা মিশ্রিত) নামে ডাকা হতে থাকে।

বনী খুযা'আ

এরা হযরত ইসমা'ঈল (আ)-এর দ্রাতা ফারওয়াহর বংশধর বলে মনে করা হয়। বাবসা-বাগিজ ই ছিল এদের পেশা। এই কবিলার লোকেরা ইরান প্রভৃতি দেশের মহিলাদের সঙ্গে বৈবাহিক সম্পর্ক স্থাপন করেছিল। এ জন্য আরববাসীরা এদের শাখাকে 'আজমী' বলে এবং এদেরকে বিশ্বাসের অযোগ্য এবং বাগড়াটে দাঙ্গাবাজ মনে করে।

তাদেরকে সম্মানের চোখেও দেখা হয় না। যামনের আরবদের সম্পর্কে তাদের অভিযোগ এই যে, তারা ইরানী ভাষার শব্দ-ভাণ্ডার শামিল করে আরবী ভাষাকে ভেজান বানিয়ে ফেলেছে।

আরব জাতি-গোষ্ঠীর ভেতর এই কবিলাগুলো মূল ও বুনিয়াদ হিসেবে মর্যাদার দাবীদার এবং এদেরই শাখা-প্রশাখা সারা দেশ জুড়ে ছড়িয়ে-ছিটিয়ে রয়েছে।

মশহুর কবিলাসমূহ

এখন সে সব কবিলার আলোচনা করা হচ্ছে যারা হযুর আকরাম (আ)-এর সহযোগী ও বিরুদ্ধবাদী হিসাবে বিভিন্ন যুদ্ধে অংশ নিয়েছিল।

আরব কবিলাগুলোর ভেতর বিশিষ্ট আসন ও সর্বাধিক মর্যাদার অধিকারী কুরায়শ বংশীয়েরা। মক্কার ব্যবস্থাপনা এবং কা'বার খেদমত ও তত্ত্বাবধানের দায়িত্ব এদেরই হাতে ন্যস্ত ছিল। কুরায়শদের বিভিন্ন পরিবার ও গোষ্ঠী বিভিন্ন খেদমত আজাম দিত। আরববাসীদের যদি কোন আশ্রয়স্থল ও কেন্দ্র থেকে থাকে তবে তা এই কা'বা এবং এটি যে শহরে অবস্থিত তার নাম মক্কা। আর এটার আশ্রয়স্থল ও কেন্দ্র হিসাবে প্রাপ্ত মর্যাদা ও সম্মানের কারণেই কুরায়শরা তামাম আরব কবিলার ভেতর সম্মান ও মর্যাদার অধিকারী হিসাবে গণ্য হ'ত এবং এরই কারণে মক্কার বাণিজ্যিক গুরুত্ব ছিল এত বেশী প্রতিষ্ঠিত। কুরায়শদের মশহুর খান্দানগুলো হচ্ছে :

বনী হাশিম, বনী উমায়্যা, বনী নওফল, বনী 'আবদুদ্দার, বনী আসাদ, বনী 'আদী, বনী মাখযুম, বনী তাইম, বনী জামাহ, বনী সাহম। এদের মধ্যে নিম্নলিখিত পদগুলি ছিল মৌরসী যার অধিকার খান্দানের সর্বাধিকারী বয়ঃজ্যেষ্ঠের উপর ন্যস্ত হ'ত।

বনী হাশিম

বনী হাশিমের নিকট কা'বা ঘরের চাবি রক্ষিত হ'ত। এর সর্দার কা'বার তত্ত্বাবধান ও হেফাজতের যিম্মাদার হতেন এবং তারাই

বায়তুল্লাহর দ্বার খুলে ঘিয়ারতকারীদের ভেতরে প্রবেশের অনুমতি দিতেন। এদের দায়িত্বে নাস্ত অপরাপর গুরুত্বপূর্ণ খেদমত ছিল ঘিয়ারতকারী ও মুসাফিরদের পানি পান করানো। যে যুগে পানির ছিল ঘাটতি, সেজন্য এই খেদমত ছিল অত্যন্ত গুরুত্বপূর্ণ।

বনী উমায়্যা

বনী উমায়্যা যুদ্ধকালে কুরায়শদের পতাকা বহন করত। এই পতাকায় থাকতো ঈগল পাখীর প্রতীক। এটা যখন যুদ্ধের ময়দানে নামান হ'ত তখন এটারই যেন কার্যকর ঘোষণা হ'ত যে, কবিলার প্রতিটি শত্রু-সামর্থ, সুস্থ ও সঠিক স্বাস্থ্যের অধিকারী এর পতাকাতলে একত্রিত হওয়া দরকার। খান্দানের মিনি সর্দার তিনিই হতেন যুদ্ধের সিপাহসালার এবং তেজারতী কাফেলার নেতা।

বনী 'আবদুদ্দার

এরা হতেন দারুশ-শুরা বা পরামর্শ কেন্দ্রের মুহাফিজ বা রক্ষক। এর অপর নাম ছিল দার-উন-নদওয়া। এতে চক্লিশোর্ধ্ব বয়সের লোকেরা নিজেদের সামাজিক সমস্যাদির ব্যাপারে জরুরী সলা-পরামর্শ করার জন্য একত্রিত হতেন। এতস্তিন্ন এখানে বিয়ের অনুষ্ঠানাদিও সুসম্পন্ন করা হ'ত। মেয়েদের সাবালকত্বের বয়স চূড়ান্তভাবে বাছাই করার সময় সাবালকত্বের পোশাক পরিধান করান হ'ত। এখানেই যুদ্ধের এলানও করা হ'ত। যুদ্ধের ময়দানে রওয়ানা হবার প্রাক্কালে গোত্রের পতাকা উন্মেচিত করা হ'ত এবং এখান থেকেই সৈন্যবাহিনী একত্রিত হয়ে দুশমনের মুকাবিলার উদ্দেশ্যে রওয়ানা হ'ত।

বনী নওফল

তারা দান-খয়রাতের অর্থ জমা করত এবং তা দ্বারা অভাবী ও বৃঃস্থ লোকদের সাহায্য করা হ'ত। একে 'ইফাদাঃ' (পরোপকার) বলা

হ'ত। ফসলের মওসুমে প্রতিটি ব্যক্তি তাদের আয়-আমদানীর একটি নির্দিষ্ট অংশ বনী নওফলের সর্দারকে দিয়ে দিত।

বনী তাইম

এরা রক্তপণ ও জরিমানার অর্থ আদায় করত। এ জাতীয় যিম্মাদারী ছিল বিরাট গুরুত্বপূর্ণ। কেননা সে যুগে লড়াই-ঝগড়া সংঘটিত হ'ত প্রায়শই।

বনী জুমাহ

এই কবিলা সফর ও যুদ্ধে রওয়ানা হবার প্রাক্কালে এস্তেখারা করত। কতক সময় গুরুত্বপূর্ণ ব্যাপারেও এস্তেখারা করা হ'ত। বিশেষ ধরনের তীরের দ্বারা লটারী বা ভাগ্য-পরীক্ষা করা হ'ত। অধিকাংশ সময় এস্তেখারার ভিত্তিতে লড়াই পরিচালনা করা হ'ত কিংবা মূলতবী করে দেওয়া হ'ত।

বনী সাহম

বিভিন্ন দেব-দেবীর মূতিকে গহনাপত্র বা নগদ অর্থ-কড়ি যাই কিছু দেয়া হ'ত, এরা সে সবের হিসাব রক্ষা ও দেখাশোনা করত।

ব্যক্তিগত যিম্মাদারী ছাড়াও এসব খান্দান এব্যাপারেও যিম্মাদার হ'ত যে, কোন ব্যক্তি কা'বা ঘরে লড়াই-ঝগড়া, গালি-গালাজ এবং শোরগোল করে যেন একে অসম্মান না করতে পারে। যদি কোন কবিলা অথবা খান্দানের ভেতর কোন অভ্যন্তরীণ ঝগড়া-ফাসাদ হয়ে যেত তাহলে বাকী খান্দানগুলোর সর্দার আপোষে মিলমিশে তা দূর করতে কোশেশ করত এবং বিবদমান পক্ষ তাদের হস্তক্ষেপ ও প্রদত্ত ফয়সালার প্রতি সম্মান প্রদর্শন করত।

জীবন ও জীবিকা

ব্যবসা-বাণিজ্য ছাড়াও এসব খান্দানের জীবিকার উপকরণ ছিল ভেড়া-বকরী চরানো। উট এব' ভেড়া-বকরীর পাল চরানোর উদ্দেশ্যে একজায়গা থেকে অন্য জায়গায় নিয়ে যেত। দুধ, পনীর, খেজুর এবং মিলে গেলে যবের রুটির উপর দিন গুজরান করত। পস্তুর গোশত ছিল তাদের বিশেষ খাদ্য। রাহাজানী, লুটমার এবং ফেতনা-ফাসাদকে তারা খুব বেশী খারাপ মনে করত না। প্রতিশোধ-স্পৃহা এবং ঈর্ষাপরায়ণতা ছিল তাদের অভ্যাস। মেয়েদেরকে সাধারণত তাদের জন্মের সঙ্গে সঙ্গেই মেরে ফেলা হ'ত অথবা জীবিত দাফন করে ফেলত। বেশ্যাবৃত্তি ছিল উন্নতির চরম মার্গে। গৃহযুদ্ধ ছিল জীবনের একটা মামুলী ব্যাপার। কামজ প্রবৃত্তি-পূজা নৈপুণ্য ও শরা-ফতীর অপরিহার্য অঙ্গ হয়ে গিয়েছিল। মেয়েদের ভেড়া-বকরীর ন্যায় মনে করা হ'ত। মদ্যপান ছিল সাধারণ ব্যাপার এবং এর থেকেও বিস্ময়কর ব্যাপার হ'ল এ সবকে দৃষনীয় মনে করা হ'ত না; বরং নোকে এসব ব্যাপারে একে অন্যের প্রতিযোগিতায় বাজী ধরতো এবং নিজের কুকর্মগুলিকে অত্যন্ত গর্বের সঙ্গে উল্লেখ করত। কিন্তু এর সঙ্গে খেলাধুলার প্রতিও তাদের শখ ছিল প্রবল। ঘোড়দৌড়, তীরন্দাষী, নেমাবাজী ও কুস্তি লড়াইয়ের প্রতিযোগিতা হ'ত। প্রত্যেক কবিলার আলাদা আলাদা প্রতিমা ছিল। ধর্ম ও রসম-রেওয়াজের অনুসরণ করা হ'ত কঠোরভাবে। একারণেই অন্য ধর্মাবলম্বীদের সঙ্গে তাদের আলাদা ধর্মবিশ্বাসের কারণে লড়াই-ঝগড়া চলতো। কবিলার সর্দারকে মনে করা হ'ত শ্রদ্ধার পাত্র। তার অনুসরণ ও আনুগত্য ছিল বাধ্যতা-মূলক এবং তার প্রভাব ও কর্তৃত্ব তার ব্যক্তিগত যোগ্যতার উপর নির্ভর-শীল হ'ত। জনসাধারণ কোনরূপ সংবিধান কিংবা আইন-কানূনের নামও শোনে নি কোন দিন। শক্তিশালী ও যবরদস্ত ক্ষমতাস্বরের প্রতিটি কথাই ছিল অনুমোদিত। মক্কার বাইরে হজ্জ মওসুমে প্রতি বছর একটি বিরাট মেলা বসতো। এতে আরবের প্রত্যন্ত এলাকা থেকে লোক এসে জমায়েত হ'ত। নিজ নিজ দেব-মুতি পূজা করত এবং মেলায় কেনাবেচা করত। এর ফলে মক্কার রওনক যেত অনেক বেড়ে এবং তাদের ব্যবসা-বাণিজ্যেরও ঘটত প্রসার।

গ্রামের লোকদের রসম-রেওয়াজ, আচার-অভ্যাস ও চাল-চলন শহরের লোকদের থেকে ছিল স্বতন্ত্র। তাদের আশ্রয়ী ছিল সাংস্কৃতিক বন্ধন থেকে অপরিচিত, জীবনের টানা-পোড়েনের কারণে অত্যন্ত পাষণ-হৃদয় এবং কঠোর পরিশ্রমী, কষ্ট-সহিষ্ণু, স্বল্প আহ্বার্যের উপর বেঁচে থাকায়, দুঃখ-কষ্ট ও বিপদ-মুসীবতে অভ্যস্ত। আহ্বার্য দ্রব্যের ন্যায় পোশাক-আশাকের ব্যাপারেও তারা অত্যন্ত সাধা-সিধে প্রকৃতির ছিল।

য়াছরিব (মদীনা)

এর পার্শ্ববর্তী এলাকায় প্রাচীনকাল থেকে যাহুদীরা বসবাস করছিল। তারা সিরিয়ার খৃস্টানদের জুলুম ও শক্তি প্রয়োগের কারণে এখানে পালিয়ে এসেছিল। এদের তিনটি গ্রুপ ছিল। উন্মধ্যে একটি ছিল বনী নাযীর গোত্র। তারা খায়বার উপত্যকায় বসবাস করত। তিনটি গোত্রই ছিল পেশায় কৃষিজীবী। তারা সুদের কারবার করত। তাদের বহু জমাজমি ও বাগান ছিল। এদের ছাড়া আরো কতিপয় ক্ষুদ্র যাহুদী গোত্রের বসতি ছিল। কিছু কাল পর আরব কবিলা বনী কাহতানের আওস ও খায়রাজ গোত্র যাহুরিবে আগমন করে। যাহুদীরা ছিল আন্লাহর প্রত্যাশিষ্ট কিতাবের অধিকারী। প্রথম দিকে যাহুদীরা বোৎপরস্ত দু'টি খান্দানের সঙ্গে মিলেমিশেই বসবাস করে আসছিল। কিন্তু পরবর্তীতে মযহাবী (ধর্মীয়) বিভিন্নতা ও পার্থক্যের কারণে একে অপরের দৃশমনে পরিণত হয়। যাহুদীরা নিজেদের ঐক্য ও সংহতি এবং সম্পদ ও প্রাচুর্যের কারণে তাদের উপর জয়যুক্ত হয়। যাহুদীদের জুলুম সিতম ও অশান্তি সৃষ্টি যখন সীমা ছাড়িয়ে গেল তখন আওস ও খায়রাজ গোত্র নিজেদের বিবাদ ভুলে গিয়ে পরস্পরে একতার বন্ধনে আবদ্ধ হয় ও সংঘবদ্ধভাবে তাদের মুকাবিলা করে এবং তাদের পরাজয় বরণে বাধ্য করে। কিন্তু তাদের এ বিজয় চূড়ান্ত ছিলনা। সুতরাং উভয় পক্ষ বরাবরের মতই যুদ্ধে লিপ্ত থাকে। এই কাহতান বংশের লোকরাই মক্কার বাৎসরিক মেলায় সুযোগে হযুর আকরাম (সা)-এর ঘিয়ারত লাভের সৌভাগ্য হাসিল করে যাহুরিব বাসীদের ভেতর সর্বাগ্রে ঈমান এনেছিল। এভাবেই ইসলামের বিপ্লবী

পয়গাম য়াহরিব পর্যন্ত পৌঁছে এবং এরাই রাসূলুল্লাহ (সা)-কে য়াহরিব আগমনের দাওয়াত জানিয়েছিল ।

বেদুঈনদের জাতীয় বৈশিষ্ট্য

এখন আরবের মরুবাসীদের বিশেষ জাতীয় বৈশিষ্ট্যের বর্ণনা করা হচ্ছে । আর তা যে কোন জাতির জীবনে অপরিহার্য অঙ্গ, তাদের ধ্যান-ধারণা, আবেগ-উদ্দীপনা ও উত্থান-পতনের সঙ্গে গভীরভাবে সম্পর্কিত । তা থেকে তাদের মসহাব, জীবন-দর্শন ও জীবন-সাধনার বিভিন্ন প্রকাশ ও সোপান থেকে এ কথা পরিমাপ করা যেতে পারে তারা উন্নতি কিংবা অবনতির কোন স্তরে অবস্থান করছে ।

মানুষের অভ্যন্তরীণ ও বাহ্যিক জীবনের সকল সংযোগ সূত্র কতিপয় প্রাকৃতিক স্বভাব এবং এমন সব উপলব্ধিহীন গুণাবলী দ্বারা সম্পৃক্ত যা তার জন্মগতভাবে উত্তরাধিকার সূত্রে মিলে থাকে । একেই প্রকৃতি বা স্বভাব বলা হয় এবং এই স্বভাব তথা প্রকৃতিই তাকে আবেগ-অনুভূতি, ক্রিয়া-কলাপ ও কার্যাবলীর গোটা সীমারেখা নির্দিষ্ট করে । যেভাবে ব্যক্তির প্রকৃতি ও স্বভাব এবং তার মেজাজ বিভিন্ন হয়ে থাকে এবং সেই প্রকৃতি তথা স্বভাবে ও মেজাজের সংযোগ সাধনে যেখানে অন্যান্য বিষয়বস্তু শামিল হয়ে থাকে সেখানে পরিবেশ ও পারিপার্শ্বিকতা উত্তরাধিকার সূত্রে লম্ব প্রভাবসমূহের কার্যকারিতাও বিরাট ভূমিকা রাখে ।

এর একটি উজ্জ্বল দৃষ্টান্ত হ'ল এই যে, দুনিয়ার যে অংশই সবুজ শ্যামলিমায় এবং আন্লাহ্-প্রদত্ত প্রাকৃতিক সম্পদে ভরপুর, যেখানে জীবিকা অর্জন অপেক্ষাকৃত সহজ, সেখানকার লোকেরা স্বাভাবিকভাবেই আরাম-প্রিয় ও দুর্বলমনা হয়ে থাকে । তাদের ভেতর বিপদ-মুসীবত ও কষ্ট-কান্তিন্য বরদাশ্ত করবার মত মৌলিক উপকরণ কম থাকে । জীবন সংগ্রামে তাদেরকে পশ্চাতে পড়ে থাকতে দেখা যায় । এর বিপরীতে দুনিয়ার যে সব অঞ্চল শুষ্ক ও অনুর্বর, প্রয়োজনীয় খাদ্যদ্রব্য যেখানে খুব কম উৎপন্ন হয় এবং জীবনোপায় কঠিন ও

আয়াসসাধ্য—সেখানকার লোকেরা কঠোর পরিশ্রমী, উদ্যমী, সহন-শীল, নিষ্ঠাক, সাহসী, দৃঢ় মনোবলসম্পন্ন ও কন্টসহিষ্ণু হয়ে থাকে এবং তাদের গোটা জীবনটাই টানাটানি ও কঠোর চেণ্টা-সাধনার ভেতর যাপিত হয়ে থাকে।

এমনিতেই তো আরবের সকল অধিবাসীই অন্য যুথ বা দলের সঙ্গে সম্পৃক্ত, কিন্তু মরুবাসী বেদুঈনরা স্বদেশী শহরে অধিবাসীদের থেকেও ভিন্ন প্রকৃতির। শহরে সংস্কৃতির প্রতি তাদের ঘৃণা ও অবজ্ঞা চিরকালের। মুক্ত-আহাদ ও বাধা-বন্ধনহীন মরু জীবনকে সব কিছুর উপর অগ্রাধিকার দিয়েছে তারা সব সময়ই। গ্রহণ ও বর্জন এবং পসন্দ ও অপসন্দের ধারণা তাদের একেবারেই স্বাভাবিক। কিন্তু এ থেকে এটা বোঝাও ঠিক হবে না যে, প্রখর প্রতিভা ও বুদ্ধিবৃত্তিক দিক দিয়ে তাদের ভেতর কোন ব্রুটি আছে কিংবা তারা কোন প্রকার মানবেতর শ্রেণীর মখলুক। এতে সন্দেহ নেই যে, তাদের ব্যক্তিগত ও সামাজিক জীবনের দৈর্ঘ্য-প্রস্থ সাংস্কৃতিক উন্নতির কোন পাল্লায় যদি মাপা হয় তবে তাদের একেবারেই প্রাথমিক স্তরের দৃষ্টিগোচর হবে। আধা-বন্য মরু-জীবন যে সীমাবদ্ধ জীবনের জন্ম দিয়েছে তারা তার বাইরে এক কদম ফেলতেও নারাজ। কিন্তু বুদ্ধিমত্তা ও প্রতিভার দিক দিয়ে তারা দুনিয়ার তামাম রাখাল ও মরুবাসী জাতিগোষ্ঠীর ভেতর অগ্রাধিকার পাবার যোগ্য। তাদের স্বভাব ও চাল-চলন তথা রীতিনীতি বন্য প্রকৃতির, কিন্তু চিন্তা ও কল্পনার জগত বন্যতা ও বর্বরতা থেকে মুক্ত ও পবিত্র। যে অবস্থা ছিল আজ থেকে তিন হাজার বছর পূর্বে আজও তা তেমনিই আছে। একমাত্র মযহাব ভিন্ন আর কোন কিছুরই তাদের সামান্যতম পরিবর্তন হয় নি। সবুজ ও উর্বর ভূখণ্ডে স্থায়ী ধরনের লোক বাস করে এবং ক্ষেত-খামার ও কৃষিকর্মের দ্বারা রুটি-রান্না উৎপন্ন করে থাকে। কিন্তু শুষ্ক অনূর্বর ও বালুকাময় মরু প্রান্তরে শুধুমাত্র বেদুঈনরাই থাকে। তারা ভিন্ন আর কেউ থাকেও না, থাকতে পারেও না। বেদুঈন জীবনের পেশা দু'টি। এক, পরস্পরে লড়াই-ঝগড়া করা; দুই, ভেড়া-বকরী ইত্যাদি পালন। লড়াইয়ের ক্ষেত্রে তারা অত্যন্ত নিষ্ঠাক, সাহসী ও রক্ত-পিপাসু। যতক্ষণ পর্যন্ত না ক্ষতিপূরণ কিংবা রক্তপণ আদায়ের মাধ্যমে তার নিষ্পত্তি

ঘটে—তারা লড়াই বন্ধ করে না। কিন্তু যেখানে তারা যুদ্ধবাজ ও রক্ত-পিপাসু, সেখানে তারা আনুগত্য পোষণে ও হুকুম-বরদারীতেও অনন্য। যদি তারা খেয়ালী ও সন্দেহপরায়ণ হয়ে থাকে—তবে সঙ্গে সঙ্গে তারা গবিতও বটে। প্রকৃতি নেহায়েত সাদামাটা ও নির্মল। ‘আকীদা ও বিশ্বাস অত্যন্ত দুর্বল এবং শিশুদের মতই নেহায়েত কৌতূ-হলী। কিন্তু যখন কোন খেয়াল কিংবা ‘আকীদা-বিশ্বাস তাদের অন্তরে বদ্ধমূল হয়ে যায় তখন কোন বিরাট থেকে বিরাটতর বাধাকেও তারা গ্রাহ্যের মধ্যে আনে না। ওয়াদা রক্ষায় ও সংকল্পে অটল এবং বিরাট থেকে বিরাটতর কর্মের জন্যও তৈয়ার। এক দিকে মুক্ত-আযাদ, দানশীল ও উদার হৃদয়, অপরদিকে ক্রোধের বেলায় দিগ্বিদিক জ্ঞানহীন, তিরিকি মেজাজ, হস্তপদ ও অঙ্গ-প্রত্যঙ্গাদি চোস্ত ও সুস্থ। সাহসিকতা ও আবেগ-উদ্দীপনার ক্ষেত্রে বৃদ্ধেরাও যুবকদের সম-গোত্রীয়। কোন বুদ্ধ বেদুঈন কখন রেকাবে পা রেখে ঘোড়ায় সওয়ার হয় না। প্রত্যেকেই লাফ দিয়ে সওয়ার হয়ে থাকে। সহিষ্ণুতার ক্ষেত্রে তারা নজীরবিহীন। দুঃখ-কষ্ট ও তকলীফ-মুসীবতে অভ্যস্ত। প্রতি-শোধ গ্রহণের বেলায় এতটাই নির্দয় ও নির্মম যে, ক্ষমা ও দয়া-ধর্মের নামও যেন তারা শোনে নি। কিন্তু দানশীলতা ও মেহমানদারীর ক্ষেত্রে আবার এতখানি আশুয়ান যে, দুশমনও যদি আশ্রয় গ্রহণে এগিয়ে আসে তবে যে কোন মূল্যে তাকে হেফাজত করবে, প্রতিপালন করবে। দেশের শান্তি ও নিরাপত্তা এবং চিন্তার ঐক্য-নজরে মান-‘ইশ্যতের একটি বিশেষ মানদণ্ড কান্নেম করে দিয়েছে। শরাফত, ভদ্রতা ও ‘ইশ্যত আবরুর মাধ্যম ছিল তলোয়ার ও মেহমানদারী। যদি এ সবকে পরস্পর বিরোধী বিষয়ের সমাবেশ বলা হয় তাহলে ভুল বলা হবে না। দান-শীলতা ও মেহমানদারীর প্রেরণা ও আবেগের সঙ্গে লুটতরাজ, হত্যা ও ধ্বংস, নির্দয়তা ও খুন-খারাবীর সঙ্গে আত্মীয়তা ও প্রশস্ত হৃদয়; পরস্পর বিরোধিতার এর থেকে বড় নজীর আর কী হতে পারে! কিন্তু যদি পরিবেশ ও পারিপার্শ্বিকতার কার্যকারণ সামনে রেখে আত্ম-বিশ্লেষণ করা হয় তবে কোন কিছুই আশ্চর্য ও অদ্ভুত মনে হবে না। দেশের প্রাকৃতিক অবস্থা ও রক্ষণতা, উৎপাদনের স্বল্পতা, জীবন উপ-করণের ঘাটতি, রাষ্ট্রনৈতিক ব্যবস্থাপনা ও শৃংখলার অভাব একত্রে

মিলে জোর-যবরদস্তি এবং গ্রহণ ও বর্জনের এমন একটি বাধ্যতামূলক ও অনিবার্য ভুলের জন্ম দিয়েছে যে, অস্তিত্ব রক্ষার সংগ্রামে যা ন্যায়-অন্যায়, জায়েয ও নাজায়েয, ঠিক ও বে-ঠিক এবং হালাল ও হারামের সকল সীমারেখাই একে অন্যের সঙ্গে ঘুলিয়ে গেছে। যদি এভাবে ঘুলিয়ে না যেত তাহলে আরবদের ভেতর কেবল হয়তো মন্দেরই প্রকাশ ঘটত কিংবা ঘটত শুধুই ভাল ও উত্তমের প্রতিফলন। কিন্তু পরিবেশের প্রভাব উভয় ক্ষেত্রে ধ্বংসাত্মক ও উন্মাদক হ'ত বিধায় এরা পরস্পর-বিরোধী দোষ-গুণের সমাহারে পরিণত হয়েছে এবং বিবেকের স্বাভাবিক দাবী মন্দগুলোকে ভালো দিয়ে পরিমাপ করার অবকাশ সৃষ্টি করে বীরত্ব ও মেহমানদারী এবং দানশীলতা ও প্রশস্ত হৃদয় ইত্যাদি গুণাবলীকে জীবিত রেখেছে।

বেদুঈনদের সর্বাপেক্ষা মূল্যবান সম্পদ তাদের আযাদী। তারা শহরে ও গ্রামের অধিবাসীদেরকে ঘৃণা ও অবজ্ঞার চোখে দেখে থাকে। কোন বৈদেশিক রাষ্ট্র তাদেরকে পরাভূত ও বণ্যতা স্বীকারে বাধ্য করতে পারে নি। আরবরা অবশ্য পরাজিত হয়েছে, কিন্তু তাদের দেশ গোলামে পরিণত হয়ে থাকে নি। তারা তাদের ব্যক্তি-সত্তাকে প্রতিটি যুগে এবং সর্বাবস্থায় বজায় রেখেছে। তাদের তমদ্দুন, তাদের ভাষা ও তাদের জীবন-যাপন পদ্ধতি সকল বিদেশী প্রভাব থেকে মুক্ত রয়েছে।

ইসলামের প্রভাব

ইসলামের বিপ্লবী ঝাণ্ডার নীচে একত্র হয়ে যে সব আরব যে উল্লেখযোগ্য কার্যাবলী সম্পাদন করেছে যেরূপ দ্রুততার সঙ্গে একটি বিশ্বকে অভিভূত ও পরাভূত করেছে—তার পেছনে যেমন ছিল ইসলামের জেগে ও জয়বা এবং ঈমানী কুণ্ডল—তেমনি কার্যকর ছিল তাদের আত্মস্বার্থের কারণে লড়াই করে মরবার জয়বা যা তাদের মধ্যে শতাব্দীর পর শতাব্দী ধরে উত্তরাধিকার সূত্রে চলে আসছিল। নিষ্ঠাকতা, সাহসিকতা এবং বীরত্ব ও বাহাদুরী তো ছিলই। ইসলাম তার উপর শান দিয়ে এবং ইহলৌকিক ও পারলৌকিক জীবনে প্রতিদান ও

পুরস্কারের কথা ঘোষণা করে তাকে জিহাদ ও অগ্রগামী হবার প্রেরণায় পরিবর্তিত করে। বদান্যতা ও প্রশস্ত হৃদয় থেকে সৈনিকসুলভ বীরত্বের মহামূল্যবান সম্পদ উজ্জ্বলভাবে প্রতিভাত হয়। আর ইউরোপ ও আমেরিকার জাতিগোষ্ঠী তাকে অনুসরণীয় ও অনুকরণীয় হিসাবে গ্রহণ করে। কিন্তু মনগড়া কল্পনা, সন্দেহ ও হিংসা-বিদ্বেষের কারণে বেশী দিন তারা ভারসাম্যের সংকীর্ণ পথের উপর টিকে থাকতে পারে নি। শুরু হ'ল গৃহযুদ্ধ। কিন্তু বিভিন্ন রাষ্ট্রে ভ্রমণ ও অবস্থাদির বিস্তারিত পর্যালোচনার পর এই সিদ্ধান্তে পৌঁছা সহজ যে, আরবরা বিশ্বের শরীফ ও মর্যাদাবান জাতিগোষ্ঠীর ভেতর সর্বাপেক্ষা শরীফ কণ্ডম। আধুনিক গবেষণা ও পর্যালোচনার দ্বারা প্রাচীন ধংসাবশেষের ধুলোমাটি থেকে খনন করে বের-করা তমদ্দুন ও সংস্কৃতি সম্বন্ধে ইতি-হাস যেমন নীরব, তেমনি সে আরবের প্রাচীন সভ্যতা-সংস্কৃতি সম্পর্কেও নীরব। বস্তুত এই তমদ্দুন ছিল হযরত রাসুল করীম (সা)-এর যুগ থেকে দূরতম অতীতের তমদ্দুন। হযুর আকরাম (সা)-এর যুগে আরববাসী উন্নত শ্রেণীর ভাষাকাব্য ও সাহিত্য সম্পদের গালিক ছিল। কিন্তু ভাষা ও সাহিত্যের এই ভাণ্ডার অল্পদিনেই একেবারে হঠাৎ করে সৃষ্টি হয়ে যায় নি, তাদের সাংস্কৃতিক চেতনা শতাব্দীর পর শতাব্দীর দীর্ঘ পথ-পরিক্রমা তাকে এমন পর্যায়ে পৌঁছিয়েছিল যে, তারা প্রায় দু'হাজার বছর থেকে ব্যবসা-বাণিজ্যের লেনদেনের কারণে পৃথিবীর সর্বাপেক্ষা সংস্কৃতিবান জাতিগোষ্ঠীর সঙ্গে যোগাযোগ রাখত। এ ধরনের যোগাযোগ সব সময়ই জাতীয় উন্নতি ও অগ্রগতির সহায়ক হয়ে থাকে। কিন্তু আরবের লোকেরা নিজেদের অজিত যোগ্যতা দ্বারা জাতীয় সম্পদের ফুলবাগিচায় এমনই কর্মণ করেন যে, আত্মস্বার্থ ও বাস্তব কর্মের জগতে উন্নত শ্রেণীর ব্যক্তিসত্তার অধিকারী হয় এবং ব্যক্তিসত্তা ব্যক্তি ও সমাজ উভয় জীবনের বিশেষ কৃতিত্বের স্বাক্ষর হিসাবে বিরাজমান থাকে।

সমর-কৌশল

আরববাসীরা জন্মগতভাবেই যুদ্ধবাজ। কিন্তু জীবনের অন্য পদ্ধতিগুলোর উপর যেমন পরিবেশের ছাপ রয়েছে ঠিক তেমনি তাদের

যুদ্ধপদ্ধতিও দেশের প্রাকৃতিক অবস্থা এবং তাদের স্বাভাবিক চাহিদার সঙ্গে সঙ্গতিপূর্ণ। তারা কখনো এক স্থানে স্থির থেকে লড়াই করত না, সব সময়ই পশ্চাদপসরণের রণকৌশলে তারা যুদ্ধ করত—আজকাল যাকে গেরিলা যুদ্ধ বলা হয়। প্রাচীনকালে মিসর ও সিরিয়ার মধ্যে অনেকগুলো যুদ্ধ সংঘটিত হয়। এতে আরবের লোকেরা কখনো সিরিয়া আবার কখনো বা মিসরীয়দের পক্ষে যুদ্ধে অংশ গ্রহণ করে। জীবনের জন্য প্রয়োজনীয় উপকরণের স্বল্পতার কারণে যেহেতু তারা লুটতরাজ করত এবং এতদুদ্দেশ্যে দূরদরাজ এলাকার উদ্দেশ্যে বেরিয়ে পড়ত; সেজন্য সতর্কতামূলকভাবে রোমান সম্রাট কয়েকবার তাদের বিরুদ্ধে সৈন্যচালনা করেন। কিন্তু তাদের যুদ্ধ-পদ্ধতি ছিল একইরূপ যা অদ্যাবধি চলে আসছে অর্থাৎ সেই পশ্চাদপসরণ এবং সেই দুশমনকে আকস্মিক ও অতকিত হামলা করে পেরেশান করে তাদের ক্লান্ত ও শ্রান্ত করে দেওয়ার রণকৌশল অথবা পরাজয়ের আশংকা দেখামাত্রই মরু-ভূমির অভ্যন্তরভাগে গিয়ে আশ্রয় নেওয়া। সেজন্য যখনই কোন নিয়মিত ফৌজ হামলা করতে অগ্রসর হ'ত তখনই আরবীরা সাধারণত তাদের রসদপত্রের বাহন কিংবা ক্ষুদ্র ক্ষুদ্র অংশের উপর রাত্রিকালীন অতকিত অভিযান চালাত। উড়োজাহাজ আবিষ্কারের পূর্বে বেদুঈনরা ছিল ভয়াবহ দুশমন এবং কোন নিয়মিত বাহিনীকে নিজেদের উপর হামলার সুযোগ তারা কখনই দিত না। উটের উপর সওয়ার হয়ে খুবই স্বল্প আহাৰ্য ও পানীয়ের উপর নির্ভর করে দীর্ঘ দূরত্ব অত্যন্ত দ্রুততার সঙ্গে অতিক্রম করত এবং যুদ্ধের ময়দানে অনুকূপ দ্রুততার সঙ্গে ছড়িয়ে পড়ার পর চকিতেই নিদিষ্ট জায়গায় পুনরায় একত্রিত হবার মতো গুণের কারণে তারা একটি জগতকে অধীনতাপাশে আবদ্ধ করেছিল। উট্টারোহীদের রসদ পরিবহনের জন্য যেমন আলাদা বাহনের দরকার পড়ত না—তেমনি রসদের ব্যাপারেও তাদের কোন প্রকার উৎকণ্ঠা ছিল না। প্রতিটি উট্টারোহী স্বীয় উষ্ট্রের উপর ছয় সপ্তাহের সামান রাখতো যার ভেতর থাকত খেজুর এবং আধা-বস্তা আটা। আরবের উট প্রচণ্ড গরম মওসুমেও পানি পান ব্যতিরেকেই ১৫০ মাইলের দূরত্ব তিন দিনে অতিক্রম করে। এর অর্থ এ নয় যে, উট কিংবা ঘোড়াই অস্বাভাবিক গুরুত্বের অধিকারী—বরং এটাই বলা উদ্দেশ্য যে, অপরাপর

ফৌজের মুকাবিলায় একজন আরব সওয়ার কত দীর্ঘ দূরত্ব কত দ্রুততা ও ব্রহ্মতার সঙ্গে অতিক্রম করে থাকে ! চলাচলের ক্ষেত্রে এই দ্রুততা ফৌজের জন্য খুবই উপকারী ও প্রয়োজনীয় হয়ে থাকে ।

ব্যবসা-বাণিজ্য

প্রাচীনকালে আরববাসী ছিল এশিয়ার সর্ববৃহৎ বণিক সম্প্রদায় । তাদের তেজারতী কারবার দূরপ্রাচ্যের দ্বীপপুঞ্জ থেকে ইউরোপ ও আফ্রিকার রাষ্ট্রগুলো পর্যন্ত ছড়িয়ে ছিল এবং এরই ভিত্তিতে এশিয়া-বাসীদের কমবেশী সম্পর্ক ইউরোপ আফ্রিকার দেশগুলোর সঙ্গে কায়েম ছিল । আরবে খেজুর ভিন্ন এমন কোন বস্তু নেই যা তারা অন্য দেশের বাজারে পেশ করতে পারে । এজন্য তারা এশিয়ার মাল সিরিয়া, রোম, এবং ইউরোপ-আফ্রিকার দেশগুলোতে নিয়ে যেত এবং সেখানকার তেজারতী সামান্য এশিয়াতে নিয়ে আসতো । এই সব সামানের ভেতর সুগন্ধ মসলা, সুবাসিত 'আতর', হীরা-জওয়াহেরাত, বিলাস-সামগ্রী এবং গোলাম-বাদীও অন্তর্ভুক্ত থাকতো । এই ব্যবসা-বাণিজ্য এবং সংস্কৃতি-বান জাতিগোষ্ঠীর সঙ্গে সম্পর্ক ও যোগাযোগ থাকার ফলে শহরে আরববাসী আরাম-আয়েশী জীবন সম্পর্কে ছিল খুবই ওয়াকিফহাল এবং এর সামগ্রিক উপাদানের ছিল অধিকারী । দীর্ঘকাল যাবত ইউরোপীয়দের একটা ধারণা ছিল যে, আরবেই মসলার উৎপাদন হয় আর এজন্যই আরবের লোকেরাই কেবল এর ব্যবসা করতে পারে । প্রকৃতপক্ষে এসব পণ্য তাদের সামুদ্রিক জাহাজ পূর্ব-ভারতীয় দ্বীপপুঞ্জ চীন, শ্রী-লংকা প্রভৃতি স্থান থেকে নিয়ে আসতো এবং স্থল পথের কাফেলা এগুলো সিরিয়া, মিসর, রোম প্রভৃতি স্থানে পৌঁছে দিত ।

ধর্ম ও 'আকীদা-বিশ্বাস

ইসলামের আবির্ভাবের পূর্বে আরবদের ধর্ম ও 'আকীদা-বিশ্বাসে অনেক কিছু বিভিন্নতা ছিল । অধিকাংশ লোক সূর্য ও নক্ষত্রের পূজা

করত। কেউ কেউ এই বিরাট সৃষ্টিজগতে কয়েকজন খোদা শরীক বলে মনে করত এবং তাদের নামে আলাদা আলাদা মূর্তি নির্মাণ করে সে সব পূজা করত। কিতাবধারীদের মধ্যে ছিল যাহুদী ও ঈসায়ী সম্প্রদায়। যাহুদীরা নিজেদের সর্বাধিক মনোনীত এবং শ্রেষ্ঠতর মখলুক (সৃষ্টি) হিসাবে মনে করত। তারা তরাতের রদবদল করে একেবারে বিকৃত করে দিয়েছিল। 'ঈসায়ীরা প্রায়শ্চিত্তের মতবাদে এবং পিতা-পুত্র ও পবিত্রাত্মার ত্রিভূবাদে ছিল বিশ্বাসী। মুশরিক ও পুতুল-পূজারীদের সর্বাপেক্ষা বড় উপাসনালয় ও আশ্রয়কেন্দ্র ছিল কা'বা এবং এতে ৩৬০টি মূর্তি স্থান পেয়েছিল। এসবের পূজা ও যিয়ারতের জন্য আরববাসীরা প্রতি বছর দেশের দূরদরাজ ও প্রত্যন্ত এলাকা থেকে আগমন করত। মূর্তির গঠনাকৃতি হ'ত প্রতিটি গোত্রের 'আকীদা-বিশ্বাস মতাবিক। 'হোবল' ছিল বিখ্যাত দেবমূর্তির নাম। এ দেব-মূর্তিটি ছিল বনী শায়বানের। এর আকৃতি ছিল বৃক্ষের ন্যায়। পাথর-খোদাই করা কয়েকটি দেবমূর্তি কা'বার বাইরে কিছুটা দূরত্বে স্থাপিত ছিল। এগুলোকে 'আনসাব' (প্রতিষ্ঠিত মূর্তি বলা হ'ত। এই দেবতা-গুলোর ভক্ত-অনুরক্তরা এসবের উদ্দেশ্যে উট কুরবানী করে উৎসর্গ করত। মাদী উট যেহেতু দ্রুতগামী হয়ে থাকে সেজন্য তা মূল্যবান মনে করা হ'তে থাকে। মাদী বাচ্চা পয়দা হলে মালিক খুব খুশী হ'ত এবং একে দেবতার দান মনে করত। কোন উটনীর পর্যায়ক্রমিক মাদী বাচ্চা পয়দা হ'লে তাকে তখন দেবতার নামে উৎসর্গ করা হ'ত। আর একে বলা হ'ত 'সায়েবা'। সায়েবা অবস্থায় পু-রায় মাদী বাচ্চা পয়দা হলে এই বাচ্চাকে 'বহীরা' বলা হ'ত। তার কান ছিদ্র করে দেবতার নামে তাকে উৎসর্গ করে দেওয়া হ'ত। 'সায়েবা' ও 'বহীরা'-র চুল ও পশম কাটা, গোশত খাওয়া, সওয়ার হওয়া এবং তার পৃষ্ঠে বোঝা বহন করা নিষিদ্ধ ছিল। 'সায়েবা'র দুধ পান করা ছিল নিষিদ্ধ। অবশ্য মেহমানদের সামনে বরকতস্বরূপ তা পেশ করা যেত।

কুরায়শরা যখন পুত্র-সন্তানের খতনা করত কিংবা বিয়ে দিতে চাইত অথবা মূর্দাকে দাফন করত অথবা কারও নসবনামায় সন্দেহ হ'ত এবং সে সম্পর্কে সঠিক তথ্য অবগত হতে চাইত তখন তারা

‘হোবল’ দেবতার নামে এক শত দিরহাম নজরানা পেশ করত, পেশ করা হ’ত কুরবানীর জানোয়ার। এরপর পাশা নিষ্ক্ষেপকারী সেই ব্যক্তিকে যাব জন্ম কোন নির্দেশ অথবা অনুমতি লাভের দরকার পড়ত,— হোবল ঠাকুরের সম্মুখে তাকে বসিয়ে এভাবে আরজী পেশ করত, ‘হে প্রভু প্রতিপালক ! এই ব্যক্তি অমুকের বেটা অমুক। আমরা তার সঙ্গে এরূপ ব্যবহার করতে চাই। আপনি প্রকৃত সত্য প্রকাশ করে দিন।’ এরপর পাশা নিষ্ক্ষেপকারী ব্যক্তি পাশা নিষ্ক্ষেপ করত। পাশার ফলাফল যদি এরূপ বের হ’ত : এ তোমাদেরই অন্তর্গত, তাহলে তাকে অত্যন্ত শরীফ ও অভিজাত মনে করা হ’ত। আর যদি ফলাফল বের হ’ত সে অন্য—তবে তাকে মিত্র মনে করা হ’ত, আর যদি সংকর তথা মিশ্রিত ফলাফল বের হ’ত তবে তার বংশে ‘সন্দেহ’ থেকে যেত। ঠিক এমনি অন্যান্য কাজেও সঠিক ‘নির্দেশ’ ও ‘সত্য’ এবং সঠিক জানার ক্ষেত্রে যদি ফলাফল বের হ’ত ‘হী’ তবে সে কাজ অবণ্যই করা হত, আর ‘না’ হলে এক বছর পর্যন্ত তা করত না। পরবর্তী বছরে পুনরায় পাশা নিষ্ক্ষেপ করা হ’ত।

হিন্দুদের মত কয়েকটি গোত্র জন্মান্তরবাদে বিশ্বাসী ছিল। তারা বিশ্বাস করত যে, মানুষের ক্লাহ তার ভাল ও মন্দ কর্মের ফলাফল মূর্তাবিক মানুষ কিংবা পশুর আকৃতিতে পুনরায় এই দুনিয়ায় আগমন করে থাকে। নিহতের হত্যার প্রতিশোধ সম্পর্কে বিশ্বাস ছিল যে, যতক্ষণ পর্যন্ত না হত্যার বদলা নেওয়া হয় নিহতের আত্মা পেচক আকৃতিতে প্রতিশোধ কামনায় ‘খুন চাই, ‘খুন চাই’ বলে চীৎকার করে ফেরে।

জুয়া খেলা ও শরাব পান ছিল অতি সাধারণ ব্যাপার। ব্যক্তিচারকে দৃশ্যীয় মনে করা হ’ত না। ছেলেরা মাতাদের উত্তরাধিকার সুগ্রে প্রাপ্ত সম্পদ হিসাবে লাভ করত। নারীর মর্যাদা গবাদি পশুর চেয়ে বেশী কিছু ছিল না। পুরুষের এরূপ এখতিয়ার ছিল, যেভাবে সে চাইবে নারীর থেকে ফায়দা লুটতে পারবে। কন্যা-সন্তানের ভূমিষ্ঠ হওয়াকে তারা অশুভ মনে করত। যে কবিলার নিকট যত বেশী উট, ঘোড়া, পশুপাল এবং ভেড়া-বকরী থাকত সে কবিলাকে তত বেশী সম্মানীয় মনে করা হ’ত। উটের গোশত কুরবানী ও যিয়াক্তের

ক্ষেত্রে কাজে লাগত। পশম দিয়ে তাঁবু ও পরিধেয় বস্তাদি প্রস্তুত হ'ত। উটনীর দুধ ছিল প্রধান খাদ্য। উটের চামড়া দিয়ে তাঁবু, পানির মশক, চাল প্রভৃতি তৈরী করা হ'ত। উটের মল শুকিয়ে জ্বালানী হিসাবে ব্যবহার করা হ'ত। পশু-চারণ ভূমি এবং পানির ঝরনার উপর নিয়ন্ত্রণ লাভের উদ্দেশ্যে অধিকাংশ লড়াই পরিচালিত হ'ত। বছরের পর বছর ধরে তা চলত। উদাহরণস্বরূপ, লবুস যুদ্ধ একাদিক্রমে চল্লিশ বছর ধরে চলেছিল এই সূত্র ধরে যে, বনী বকর গোত্রের এক ব্যক্তি ঘোষণা করেছিলঃ অমুক পশু-চারণ ক্ষেত্র আমার গোত্রের। এতে অপর গোত্রের কোন মানুষ তার পশু চরাতে পারবে না। বনী সা'লাবের এক ব্যক্তি অন্য কোন কবিলার মেহমান হয়েছিল। হঠাৎ করে তার একটি উটনী উল্লিখিত চারণভূমিতে চলে যায়। বনী বকরের যে মহিলা এই চারণভূমির রক্ষিকা ছিল—সে এই উটনীর পালান কেটে তাড়িয়ে দেয়। এর ফলে ৪৯৪ 'ঈসায়ীতে যে যুদ্ধ ছড়িয়ে পড়ে তা ৫৩৪ 'ঈসায়ী পর্যন্ত চলেছিল এবং আরবের বহু কবিলাই এতে যোগ দিয়েছিল। যখন এক কবিলা অপর কবিলার সমর্থনে এগিয়ে যেত, তখন দু'টি কবিলার সর্দার একত্রিত হয়ে পরস্পর পরস্পরকে সাহায্য করবার কসম খেত। এই প্রথাকে “মুহালিফা” (পারস্পরিক হলফ বা শপথ) এবং পারস্পরিক সাহায্যের শপথ বাক্য উচ্চারণকারীকে 'হালীফ' বা মিত্র বলা হ'ত।

ওয়াকে'আয়ে ফীল বা হাতীর ঘটনা

আ'-হযরত (সা)-এর জন্মের এক বছর পূর্বে ৫৭০ 'ঈসায়ীতে হাব্শ (আবিসিনিয়া)-র 'ঈসায়ী বাদশাহ স্বীয় সেনাপতি আবরাহাকে পাঠিয়ে যামন জয় করে নেন এবং সেখানে একটি আলীশান গির্জা নির্মাণ করে সাধারণ লোকজনকে হুকুম দেন যেন তারা খৃস্ট ধর্ম গ্রহণ করে গির্জায় গিয়ে উপাসনা করে। এই হুকুম তামিল করাতে আবরাহা অনেকখানি সফল হয়েছিল এবং যামন ছাড়া আশেপাশের শ্লোকও 'ঈসায়ী হয়ে গিয়েছিল। আবরাহা চাইত যে, সমগ্র আরবই

‘ঈসায়ী ধর্ম গ্রহণ করুক। কিন্তু সে যখন দেখতে পেল যে, আরবের প্রায় সমস্ত কবিলাই কা’বাকে তাদের ধর্মীয় কেন্দ্র হিসাবে মান্য করে থাকে এবং সেখানে গিয়ে পুতুল পূজা করে থাকে, তখন সে এর কেন্দ্রীয় মর্যাদা খতম করে দেবার উপায় সম্পর্কে চিন্তা-ভাবনা করে। অতঃপর বিজিত এলাকার যে সব অধিবাসী তখনও পর্যন্ত ‘ঈসায়ী মযহাব কবুল করে নি,—তাদের প্রতি নির্দেশ প্রদান করে তারা যেন কা’বা যিয়ারতে আর গমন না করে। এই নির্দেশের ফলে পুতুল-পূজারী আরবদের মধ্যে অসন্তোষ ছড়িয়ে পড়ে এবং এদের মধ্যকার কিছু লোক ক্রোধোদ্দীপ্ত হয়ে গির্জার অসম্মান করে। এর ফলে আবরাহা মূর্তি-পূজকদের শাস্তি প্রদান এবং কা’বা ঘরকে ভেঙে-চুরে মিসমার করে দেবার একটা বাহানা পেয়ে যায়। অতঃপর সে এক বিরাট সৈন্যবাহিনী নিয়ে মক্কার দিকে যাত্রা করে। এই বাহিনীর সঙ্গে অনেকগুলো হাতীও ছিল। আজকাল যুদ্ধের ময়দানে ট্যাংকের সাহায্যে কাজ করা হয় কিংবা বিরাট বিরাট বৃক্ষ উপড়ে ফেলা ও বড় দালান-কোঠা ভেঙে ফেলার জন্য বুল ডোজার ব্যবহার করা হয়। কিন্তু সে যুগে এসব করা হ’ত হাতীর সাহায্য। আবরাহা’র ধারণা ছিল যে, কা’বা মিসমার এবং মূর্তি-পূজকদের কেন্দ্র খতম করে দিলে খৃস্ট ধর্ম বিস্তারের পথে সর্বাঙ্গেক্ষা বড় অন্তরায় দূর হয়ে যাবে। মক্কাবাসীরা আবরাহা ও তার সৈন্যবাহিনীর আগমন সংবাদ শোনামাত্রই ঘর-বাড়ী ছেড়ে আশেপাশের পাহাড়ে গিয়ে আত্মগোপন করে। সে সময় কুরায়শ এবং মক্কাবাসীদের সর্দার ছিলেন আবদুল মুত্তালিব। ইনি বেশ প্রবীণ ও শ্রদ্ধেয় ব্যক্তি ছিলেন। আবরাহা প্রথমে পৌঁছেই মক্কাবাসীদের সমস্ত পশুপাল আটকে ফেলে যাতে করে তারা মজবুর ও অনন্যোপায় হয়ে প্রতিরোধ সৃষ্টিতে এগিয়ে না আসে। এর ভেতর আবদুল মুত্তালিবের পশুপালও ছিল। আবদুল মুত্তালিব পশুপাল ছড়িয়ে আনতে আবরাহা’র নিকট গেলে আবরাহা তাঁকে বলে : তোমার চিন্তা তোমার পশুপাল নিয়ে, কিন্তু যে কা’বা মিসমার করতে আমি এসেছি—সে সম্পর্কে কোন চিন্তা নেই? আবদুল মুত্তালিব জবাব দেন : পশুপাল আমার, এজন্যই তা আমি ছাড়িয়ে নিতে এসেছি। কা’বা আল্লাহ’র ঘর, তা রক্ষা করার চিন্তাও তাই

তাঁরই। একথা শোনার পর আবরাহা নিশ্চুপ হলে যায় এবং আবদুল মুত্তালিবের পশুপাল ছেড়ে দেয়। মক্কাবাসীদের ভেতর ভয় ও সন্ত্রাস ও নিশ্চুপতা লক্ষ্য করে সে মনে করে যে, তারা কা'বা ধ্বংসে কোন-রূপ প্রতিরোধে এগিয়ে আসবে না। অতঃপর পরদিন হস্তিবাহিনী নিয়ে কা'বার দিকে চলল সে। বাহিনীর সমুখের সবচেয়ে ভাল হাতীটার উপর সে নিজেই সওয়ার ছিল। উদ্দেশ্য ছিল নিজের হাতীটার সাহায্যে যেন সে ধ্বংসের কাজ শুরু করতে পারে। কিন্তু কিছু দূর যাবার পর তার হাতী গেল থেমে। সমুখের দিকে আর অগ্রসর হতে চাইল না। এটা দেখে সে মাহতদের আক্রমণ করার নির্দেশ দিল। এমন সময় আসমানে দেখা দিল আবাবীল পাখির ঝাঁক। তারা তাদের চঞ্চু থেকে ক্ষুদ্র ক্ষুদ্র কংকর নিক্ষেপ করে। আবরাহা হস্তিবাহিনী উর্ধ্বাঙ্গে বেদিশা পলায়ন করে। এই অস্বাভাবিক ঘটনায় কা'বার মর্যাদা ও পবিত্রতার প্রভাব অসামান্যভাবে প্রতিষ্ঠা লাভ করে আর মূর্তিপূজকদের নিজেদের দেবতাদের প্রতি ভক্তি ও শ্রদ্ধা বেড়ে যায়। যে বছর এই ঘটনা সংঘটিত হয় মক্কাবাসীরা সেই বছর থেকে নতুন বছর গণনা শুরু করে এবং উক্ত বছরের নাম রাখে 'আম আল-ফীল' বা হাতীর বছর।

এখানে এ ঘটনার বর্ণনা এজন্য করা হ'ল যেন মূর্তির প্রতি মক্কাবাসীদের ভক্তি-শ্রদ্ধা ও প্রীতি এবং হযূর আকরাম (সা)-এর তবলীগী ক্ষেত্রে প্রচণ্ড বাধার পরিমাপ করা যায়। সঙ্গে সঙ্গে যেন এও জানা যায় যে, যেখানে একজন যবরদস্ত বাদশাহ মক্কার মুশরিক ও মূর্তিপূজকদের শিরক ও মূর্তিপূজার বিরুদ্ধে তার সকল শক্তি ও প্রভাব খাটানো সত্ত্বেও বিজয় লাভ করতে পারেনি—বরং হাতীর ঘটনা তাকে আরও পাকাপোক্ত ও দৃঢ়তা দান করে—সেখানে একজন দীনহীন এতীম একাকী সফল হলেন এবং এ পথে সকল বাধা ও প্রতিবন্ধকতা দূর করে বিজয় লাভে ধন্য হন।

হেজাযের আশেপাশের দুনিয়া

যে সময় ইসলামের প্রভাব-সূর্য তার বলমলে রূপ নিয়ে উদ্ভিত হয়, হেজাযের পান্থ'বর্তী দুনিয়া তখন কয়েকটি বড় সাম্রাজ্যে বিভক্ত ছিল।

উত্তর-প্রাচ্যে ইরানীদের প্রাধান্য প্রতিষ্ঠিত আর উত্তর-পশ্চিমে রোমান-দের। ইরানী সিংহাসনে তখন ন্যায়-বিচারক বাদশাহ নওশেরওয়ান সমাসীন এবং রোমের শাসন-কর্তৃৎ তখন হেরাক্লিয়াসের বজ্র মুঠিতে। কোন এক যুগে এসব সাম্রাজ্য উন্নতি ও অগ্রগতির শীর্ষে ছিল। রোম সাম্রাজ্যের সীমারেখা উত্তর আফ্রিকার পশ্চিম উপকূলে আটলান্টিক মহাসাগর পর্যন্ত বিস্তৃত ছিল। এশিয়া মাইনর, সিরিয়া, মিসর সবই ছিল এর অধীন। তারা ব্যাবিলনের দক্ষিণে ফোরাতে নদীর তীরে হীরা নামক শহর পত্তন করেছিল। এর দালান কোঠা, বাগ-বাগিচা ও ধন-দৌলতের খ্যাতি সারা দুনিয়ায় পরিব্যাপ্ত ছিল। ইরানী সাম্রাজ্যে তখন অগ্নি-পূজকদের ধুমধাম চরম শিখরে। রাজনৈতিক কর্তৃৎ সামরিক শক্তি ও বিলাস উপকরণে প্রাচুর্যের বদৌলতে বিশ্বের সর্বাপেক্ষা অভিজাত সম্প্রদায় মনে করা হ'ত। কিন্তু ইরানী ও রোমানদের পারস্পরিক বিরোধ ও দ্বন্দ্ব এবং ধারাবাহিক যুদ্ধ-বিগ্রহ উভয়কেই ব্যাঝরা করে ফেলেছিল।

ইউরোপের উত্তর ও পশ্চিম অংশ ছিল বন্য ও বর্বর সম্প্রদায়ের লুটপাটের কেন্দ্রভূমি। মিসর এবং আফ্রিকার উত্তরাংশ যদিও রোমান-দের অধীন ছিল কিন্তু তাদের কর্তৃৎ ছিল শিথিল ও মামুলী ধরনের। তাদের জুলুম-নিপীড়নের কারণে লোকজন ছিল বিরূপ। গথ জাতির হাতে ছিল স্পেন। এই আধা-সত্য ও আধা-বন্য সম্প্রদায় একে জয় তো করেছিল বটে, কিন্তু শান্তি ও নিরাপত্তার কোন এত্তেজাম তারা কাম্যে রাখতে পারে নি। তারা রোমান সাম্রাজ্যের সাহায্য গ্রহণ করে। কিন্তু কিছুদিন বাদেই মতভেদ দেখা দেয় এবং শেষ পর্যন্ত গথদের সেখান থেকে বিতাড়িত ও বহিস্কৃত হতে হয়।

ভারতবর্ষে তখন ব্রাহ্মণদের উত্থান যুগ। কিন্তু 'ঈসায়ী পঞ্চম শতাব্দীতে ইরানীরা ভারতবর্ষের বিখ্যাত রাজা চন্দ্রগুপ্তের খান্দান খতম করে হন জাতির হকুমতের বুনয়াদ পত্তন করে। এ জাতির সর্দারের নাম ছিল তুরান। ৭২ বছর পর্যন্ত এই বংশ রাজত্ব করে। এর পর হিন্দু রাজন্যবর্গ বিদ্রোহ করে তাদের দেশ থেকে বিতাড়িত করে দেয়। 'ঈসায়ী পঞ্চম শতাব্দীতে সিন্ধুর হিন্দু রাজা ছিল অত্যন্ত শক্তিশালী। সিন্ধু নদের কিনারে এর রাজধানী আনোর ছিল খুবই সুন্দর এবং আলো

বলমলে শহর। ঐতিহাসিকরা একে আদ-দৌর এবং আসরোর নামে অভিহিত করেছেন। তার সাম্রাজ্যের সীমারেখা কাশ্মীর থেকে ইরানের মাকরান প্রদেশ পর্যন্ত বিস্তৃত ছিল। এর উত্তরে পাহাড়ী এলাকা কিরমান শহর এবং দক্ষিণে আরব সাগর। ব্যবস্থাপনা ও শাসনশৃংখলা বেশ ভালই ছিল। 'ঈসায়ী ষষ্ঠ শতাব্দীতে সাসানী সম্রাট মাকরানের রাস্তা ধরে হামলা করে সিন্ধু রাজাকে পরাজিত করেন। কিন্তু তিনি তাঁর নিয়ন্ত্রণ অব্যাহত রাখেন নি—বরং লুট-তরাজ করে ফিরে যান। ফলে এই এলাকা হিন্দু রাজাদের নিয়ন্ত্রণেই থেকে যায়। সে যুগে এখানকার সংস্কৃতি ছিল আশ্চর্য সর্ব রসম-রেওয়াজের সমাহার। হিন্দু পূজা ও বিলাসিতার রাজত্ব চলছিল চরমে। একই মহিলা একই সময়ে কয়েকজন স্বামীর স্ত্রী হতে পারত। নৈতিক ও চারিত্রিক অবস্থা অবনতির দিকে চলছিল আর দারিদ্র্য ও মূর্খতার চলছিল ব্যাপক রাজত্ব।

কিন্তু আশেপাশের দুনিয়ার অবস্থার বিবিধ চিত্র থেকে আরববাসী ছিল নিরাপদ ও মুক্ত। গ্রীক, রোমান ও ইরানীদের রাজত্বের নেশা জগতকে তছনছ করেছে। আবিসিনিয়াধিপতির ক্ষমতার সীমারেখা ইয়ামন পর্যন্ত প্রসারিত হয়েছে। কিন্তু হেজায এদের তুর্কী তাজীর দাপট থেকে বেঁচে ছিল, কেউ তাকে পদানত করতে পারে নি। হেজাযবাসীদের এই গর্ব অত্যন্ত সঙ্গত যে, তারা অন্য কোন ধর্ম ও মমহাব অপর কোন জাতিগোষ্ঠীর গোলামী থেকে হামেশাই আযাদ ছিল।

এখন আশেপাশের তৎকালীন দুনিয়ার ধর্মীয় অবস্থার প্রতি দৃষ্টিপাত করা যাক। রোম সাম্রাজ্য ছিল খৃস্টীয় মতবাদের লালন-ভূমি আর ইরান ছিল অগ্নি-পূজকদের লালনভূমি। সিরিয়ার রাজধানী দামেশক খৃস্টীয় মতবাদের ধর্মীয় ও রাজনৈতিক কেন্দ্র ছিল। খৃস্টানদের সবচেয়ে বড় ধর্মীয় নেতা আল-নিভাস এখানেই থাকতেন। তিনি খৃস্টান মতবাদের ভেতর একটি নতুন মমহাবের দীক্ষা দেন। বিস্মে-শাদীকে মন্দ ও খারাপ বলে অভিহিত করেন। দ্বিতীয় বিবাহকে তিনি ব্যভিচার আখ্যায়িত করেন। মজুসীরা আগুন পূজা করত। তারা পাপ ও পুণ্যের তথা নেকী ও বদীর দুই খোদা মানত।

আসমানী বস্তুনিচয়কে বিশ্ব-কারখানার উপর শক্তিমান মনে করত। মূর্তি-পূজা ছিল সর্বত্রই একটা সাধারণ ব্যাপার। জ্ঞান-বুদ্ধি ও বিবেক উপলব্ধির সমস্ত পুঁজিই কোন না কোন মূর্তির প্রতি উৎসর্গীত ছিল। সম্মান ও মর্যাদা ছিল মানবীয় বোধের উর্ধ্বতর কোন বস্তু। সাধারণ এবং অনুভূত মূর্তির খোদাই থেকে যদি কিছু বেঁচে থাকত তবে তা বংশ, রঙ ও রক্তের মূর্তি খোদাইয়ের জন্য ওয়াকফ ছিল।

এটাই ছিল সেই অবস্থা যার মধ্যে তৎকালীন দুনিয়া নিপতিত ছিল। শুধুমাত্র হেজাযই অভ্যন্তরীণ দিক দিয়ে ধর্মীয় ও আধ্যাত্মিক, কার্যত নৈতিক তথা চারিত্রিক এবং রাজনৈতিক ও সামাজিক স্বীকৃতি-পদ্ধতিহীন অবস্থায় ছিল না, তার পার্শ্ববর্তী গোটা দুনিয়ার উপর ঘনঘটা ঘোর অন্ধকারে ছেয়েছিল। কিন্তু মক্কার একজন নিরক্ষর ব্যক্তি দুনিয়ার এই অন্ধকার ও গোমরাহীকে দূর করবার জন্য একাকীই সকল মুসাবতের মুকাবিলা করে খ্রীয় সন্ত্রাসজাত সাথীদেরকে এ থেকে বের করে দুনিয়ার রাহবার ও নেতৃপদে অধিষ্ঠিত করেন। মানব জাতির জন্য চিরন্তন কল্যাণ ও সৌভাগ্যের রাস্তা খুলে দেন। আল্লাহর রহমত ও শান্তি তাঁর উপর বর্ষিত হোক।

ইসলামের প্রতিষ্ঠাতার শৈশব ও যৌবন

ফ্রান্সের মশহর প্রতিরক্ষা বিশেষজ্ঞ জোমিনী (Jomini) বলেছেন, যে ব্যক্তি সমর নীতি ও যুদ্ধের কলাকৌশল এবং এতদসংক্রান্ত রাজনীতি বুঝতে চায় তার জন্য বাধ্যতামূলক যে, যুদ্ধের আসল দলীল-দস্তাবেজ-গুলো যেন সে মন দিয়ে অধ্যয়ন করে এবং এরই সঙ্গে যুদ্ধের মূলনীতি যেন যুদ্ধের ময়দানে গিয়ে বুঝে নেয়। কেননা সমরশাস্ত্র শুধুমাত্র একটি বিজ্ঞানই নয় বরং এটি একটি ভয়াবহ ও বিপজ্জনক নাটক যেখানে রক্ত দিয়ে হোলী খেলা হয়। এ কারণেই দূর অতীতের যুদ্ধ-গুলোর অধ্যয়ন থেকে আমরা একটা সীমা পর্যন্ত শুধুমাত্র এটা পরিমাপ করতে পারি 'যুদ্ধ দ্বারা আমাদের দাবি কি আর আমরাই বা কী বুঝি এ থেকে।' কিন্তু প্রশ্ন এই যে, এখন কি সৈনিক হবার জন্য আমরা শাস্ত্রের কোন অংশের অধ্যয়ন ফলপ্রসূ ও উপকারী? শুধুমাত্র এতটুকু

পড়ে নেওয়া যে, কোন যুদ্ধ কি কি মূলনীতির উপর ভিত্তি করে চলেছিল অথবা সে যুদ্ধের ইতিহাস কী,—খুব বেশী উপকারী নয়। লড়াই যখন একইভাবে, একই স্থানে এবং একই নমুনায় আজ পর্যন্ত কখনই সংঘটিত হয়নি—তখন কি দরকার যে, আমরা দূর অতীতের লড়াইয়ের ইতিহাস অধ্যয়ন করব।

মানুষই যুদ্ধের রক্তাক্ত নাটকের অভিনেতা এবং যুদ্ধ সম্পর্কিত সকল কার্যই মানবীয় চিন্তা-ভাবনা ও দৃষ্টিভঙ্গির উপর আমল করতে গিয়েই জন্মলাভ করে থাকে। এজন্য আমাদের মতে, কোন ব্যক্তি যদি কোন যুদ্ধকে সঠিকভাবে বুঝতে চায় তবে তার উচিত প্রথমে সেই মানুসটিকে বুঝতে চেষ্টা করা যিনি সেই সফল যুদ্ধ পরিচালনার নায়ক এবং যার যুদ্ধ-সংক্রান্ত কৃতিত্ব ও কার্যাবলী আমাদের সামনে নমুনা ও দৃষ্টান্তস্বরূপ এসেছে। উদ্দেশ্য এই যে, প্রথমে আমাদের সেই ব্যক্তি অর্থাৎ সেই জেনারেলের জীবনেতিহাস গভীর দৃষ্টিতে পাঠ করা উচিত। কেননা উক্ত লড়াইয়ের ইতিহাস উল্লিখিত জেনারেলের জীবনেতিহাসেরই একটি অংশ। এভাবেই আমরা উক্ত জেনারেলকে মানুষ হিসাবেও বুঝে নেব এবং আমাদের এও জানা হয়ে যাবে যে, তাঁর ভেতর এমন কোন বৈশিষ্ট্য ছিল যার কারণে তিনি এত বড় বিজয়ী বীর হয়েছিলেন; তাঁর দিল ও দিমাগের সামর্থ্য ও যোগ্যতার অবস্থা কি ছিল, তাঁর ভেতর কখন এবং কিভাবে এই উচ্চাকাঙ্ক্ষা ও দুঃসাহস সৃষ্টি হল। এটা প্রকৃতিগত ও আল্লাহর প্রদত্ত না কি ইতিহাসের ঘটনা প্রবাহের সৃষ্টি? ব্যক্তিগত গুণাবলী এবং ব্যক্তিত্বের অধ্যয়ন থেকে একটি উপকারী ও ফলপ্রসূ শিক্ষাই শুধু আমাদের মিলবে না বরং এটাও জানা যাবে যে, তার নিজস্ব লালন-পালন ও বর্ধিত হবার ভেতরে তিনি কি কি পর্যায় অতিক্রম করেছেন এবং কিভাবে করেছেন। তাঁর উচ্চাকাঙ্ক্ষা ও দুঃসাহস, উন্নত মনোবলের গুণসমূহ এই পর্যায়ে কিভাবে পৌঁছেছে। অধ্যয়নের পদ্ধতি এবং তাঁর লক্ষ্য যদি এই না হয় তবে তা একদম বেকার ও অর্থহীন। তা থেকে হিম্মত ও দৃঢ় মনোবলের ক্ষেত্রে উন্নতি এবং উন্নত চিন্তাভাবনা ও দৃষ্টিভঙ্গির প্রসারতা কিছুতেই সৃষ্টি হতে পারে না।

হযরত মুহাম্মাদ (সা)-এর জীবন-চরিত এবং তাঁর যুদ্ধ-সংক্রান্ত সফলতা ও কৃতিত্বের নজীর দুনিয়ার ইতিহাসে আর দ্বিতীয় নেই। ইনিই সেই ব্যক্তিত্ব যিনি যুদ্ধের পর পরাভূত জাতিগোষ্ঠীকে সঠিক অর্থেই শান্তি ও নিরাপত্তার অমূল্য সম্পদ দানে ধন্য করেছেন। তাঁর জীবন-চরিত শুধু প্রত্নরক্ষার ক্ষেত্রেই নয়, জীবনের প্রতিটি বিভাগে, যুগের প্রতিটি সন্ধিক্ষেপে পরিপূর্ণ পথ-প্রদর্শক হিসাবে বিবেচিত হবার দাবী রাখে। আর তাই তার অধ্যয়ন কোন একটি অংশ কিংবা একটি দিক দিয়ে নয় বরং প্রথম থেকে শেষ পর্যন্ত সম্পূর্ণ করা উচিত। সামনের পৃষ্ঠাগুলোতে পাঠকের সামনে তারই একটি পরিপূর্ণ সংক্ষিপ্ত-সার পেশ করা হবে।

খান্দান ও পিতৃপুত্রস্ব

হযর আকরাম (সা) ছিলেন কুরায়শ বংশের সর্দার 'আবদুল মুত্তালিবের পৌত্র এবং 'আবদুল্লাহ বিন 'আবদুল মুত্তালিবের পুত্র। কুরায়শ ছিল কেনানা বংশের একটি শাখা। হযরত ইসম'ঈল যবীহুল্লাহ্ (জা)-এর সন্তান-সন্ততি থেকে এই বংশের উৎপত্তি। ব্যক্তিগত ও বংশগত আভিজাত্য ও মর্যাদার কারণে 'আবদুল মুত্তালিব কা'বা ঘরের মুতাওয়াল্লী ছিলেন। আরবের গোত্রগুলো তাঁকে অত্যন্ত সম্মান ও শ্রদ্ধা করত। হাতীর ঘটনা তাঁরই মুতাওয়াল্লী থাকা কালীন সংঘটিত হয়। সন্তান-সন্ততি ছিল অনেক। তেরোজন পুত্র-সন্তান এবং কন্যা-সন্তান ছয়জন। আবু তালিব, যুবায়র এবং 'আবদুল্লাহ্ এক স্ত্রীর গর্ভে এবং হামযা, 'আব্বাস, আবু নাহাব প্রমুখ অন্য বিবিদের গর্ভে জন্মগ্রহণ করেন। 'আবদুল্লাহ্ জ্ঞান, প্রথর বুদ্ধিমত্তা, ধর্মশীলতা, সহিষ্ণুতা, মিষ্টি ব্যবহার, উন্নত চরিত্র ও সৌন্দর্যে ছিলেন বিশিষ্ট ও সবার অগ্রগামী এবং তিনি 'আবদুল মুত্তালিবের অত্যন্ত প্রিয় ছিলেন। মক্কাবাসীরাও তাঁর পসন্দনীয় স্বভাব ও উত্তম চরিত্র ব্যবহারে মুগ্ধ ছিল।

'আবদুল মুত্তালিবের মাতৃকুল ছিলেন মাহরিনবের অধিবাসী। সেখানে তিনি জন্মগ্রহণ করেন এবং সেখানেই তিনি তাঁর শৈশবকাল

কাটান। চাচা মুত্তালিব বিন 'আবদ মনাফ হাজীদের মেহমানদারীর দায়িত্বে অধিষ্ঠিত ছিলেন। তাঁর ইন্তেকালের পর তিনি এই দায়িত্ব পান। হযরত ইসমাঈল যবীহুল্লাহ্ (আ)-এর বিখ্যাত কুয়া যমযম তিনি পরিষ্কার করান এবং কুয়া থেকে যে সমস্ত লুক্কায়িত ধন-সম্পদ পাওয়া যায় তার সোনা-দানাগুলো পান্নাকারে কা'বার দরজায় লটকান হয়। এই সব কাজের জন্য মক্কাবাসী ও আরব গোত্রগুলো 'আবদুল মুত্তালিবের প্রতি অত্যন্ত সম্মত হয় এবং তাঁকে অস্বাভাবিক সম্মান ও শ্রদ্ধা প্রদর্শন করতে থাকে।

'আবদুল মুত্তালিব স্বীয় পুত্র 'আবদুল্লাহ্'র বিশ্বে দেন মক্কার অভিজাত কবিলা বনী যুহরার নেতা ওয়াহাব বিন মনাফের কন্যা আমিনার সঙ্গে। আমিনা উভয় দিক দিয়েই অভিজাত বংশের হওয়া ছাড়াও ব্যক্তিগত শরাফতী, প্রখর মেধা, উত্তম চরিত্র ও সৌন্দর্য-কৃতির দিক দিয়ে সমগ্র মক্কার মেয়েদের ভেতর একটি বিশিষ্ট আসনের অধিকারিণী ছিলেন। বিবাহের কয়েকদিন পর 'আবদুল মুত্তালিব 'আবদুল্লাহ্'কে একটি তেজারতী কাফেলার সঙ্গে সিরিয়ায় পাঠান এবং ফিরতি পথে য়াহরিব থেকে খেজুর আনার ফরমায়েশ দেন। এই সফর থেকে প্রত্যাবর্তনকালে 'আবদুল্লাহ্' য়াহরিবে ইন্তেকাল করেন। প্রত্যাবর্তনে অহেতুক বিলম্ব হওয়ায় 'আবদুল মুত্তালিব পুত্র হারিসকে খবর সংগ্রহের জন্য পাঠান এবং সেখানে তাঁর ইন্তেকালের খবর পান। 'আবদুল মুত্তালিব এ সংবাদে অত্যন্ত আঘাত পান। এ ঘটনা হযরত (সা)-এর জন্মের দু'মাস আগের ঘটনা' অর্থাৎ এতীম অবস্থায় তিনি দুনিয়ার বুকে তশরীফ রাখেন।

জন্ম ও পরবর্তী ঘটনা

আ'-হযরত (সা)-এর জন্ম সন ছিল ৫৭১ সনের ২২শে এপ্রিল।— দিনটি ছিলো সোমবার। যে মুহূর্ত 'আবদুল মুত্তালিব পৌত্রের জন্মের খবর পান সে সময় তিনি কা'বা শরীফে ছিলেন। সংবাদ পেয়ে তিনি

১. অধিকাংশ ঐতিহাসিকের মতে, হযরতের জন্মের ছয় মাস পূর্বে পিতা 'আবদুল্লাহ্' মারা যান। — অনুবাদক

অত্যন্ত খুশী হন। তিনি বর্ণনা করেন : ঘরে ফিরে আমি আঁতুড় ঘরে পুত্রবধূকে আওয়াজ দিয়ে বললাম : আমাকে বাচ্চা দেখাও। আমিলা বললেন : আমাকে অদৃশ্য থেকে হেদায়েত দেওয়া হয়েছে যে, তিন দিন পর্যন্ত শিশুকে যেন কাউকে না দেখাই। কিন্তু তাঁর দেয়া উত্তরের প্রতি পরওয়া না করেই আমি অগ্রসর হলাম এবং বাচ্চাকে দেখতে চাইলাম। এমন সময় একটি ভয়ংকর আকৃতি আমাকে থামিয়ে দিল এবং বলল : তাঁকে তিন দিন পর্যন্ত দেখো না। তিন দিন পর পৌত্রকে কোলে উঠিয়ে কা'বা ঘরে নিয়ে গেলাম। তাঁর জন্য আমার প্রভু-প্রতিপালকের বরকত হাসিল করলাম এবং নাম রাখলাম—‘মুহাম্মাদ’ (সা)।

আরব নেতৃবর্গের দস্তুর মূতাবিক তাঁকে দ্বিতীয় মাসেই দুধ পান করানোর জন্য হালিমা সা'দীয়া'কে সোপর্দ করা হয়।

হালিমা সা'দীয়ার বর্ণনা : শিশু ছিল অত্যন্ত সুশীল ও শিষ্ট— পুশংসনীয় স্বভাববিশিষ্ট এবং ধৈর্যশীল। নিজে একদিকের স্তন থেকে দুধ পান করতেন এবং অপর দিকের স্তনের দুধ আমার শিশু-স্তান 'আবদুল্লাহ'র জন্য রেখে দিতেন। নয় মাসে কথা বলতে আরম্ভ করেন এবং দ্বিতীয় বছরেই দুধ পান ছেড়ে দেন। এরপর আমি তাঁকে বিবি আমিনার নিকট নিয়ে আসি। আপন স্তনকে দেখে তিনি অত্যন্ত খুশী হন এবং আমার বারংবার অনুরোধে পুনরায় তাঁকে আমার সঙ্গে নিয়ে যাবার অনুমতি দেন।

আ'-হযরত (সা)-এর বয়স যখন পাঁচ বছর— তখন থেকে তিনি মা'র সঙ্গে থাকতে শুরু করেন। বিবি আমিনার দাসী উম্মে আয়মান বলেন : হযরত (সা) খুব শান্ত শিষ্ট, সাদা-সিধে, খোলামেলা স্বভাব এবং মাজিত আচরণের শিশু ছিলেন। বিছানায় কখনো তিনি পেশাব কিংবা পায়খানা করেন নি। পিপাসা লাগলে নিজে থেকেই পানি নিয়ে পান করতেন। কখনো জিদ করতেন না। যা পেতেন তাই খেতেন, নিজ থেকে কিছু চাইতেন না। হযরতের বয়স যখন ছয় বছর তখন বিবি আমিনা আমাকে সাথে করে স্বীয় আত্মীয়-পরিজনের সঙ্গে দেখা করার উদ্দেশ্যে^১ রওয়ানা হন। এক বছর অবস্থানের পর মক্কায়

১. অধিকাংশ ঐতিহাসিকের মতে মা আমিনা স্বামী 'আবদুল্লাহ'র কবর 'শায়রতের উদ্দেশ্যে' রওয়ানা হন। এক বছর অবস্থানের পর মক্কায়

আসার পথে আবওয়া নামক স্থানে তিনি ইন্তেকাল করেন এবং আমি হযরত মুহাম্মাদ (স)-কে নিয়ে তাঁর দাদা আবদুল মুত্তালিবের নিকটে আসি। পুত্রবধূর ইন্তেকালে আবদুল মুত্তালিব অত্যন্ত আঘাত পান এবং হযরতের লালন-পালন ভার নিজ দায়িত্বে উঠিয়ে নেন। কিন্তু তাঁরও সময় ঘনিমে এসেছিল। হযরতের আট বছর বয়সে তিনি পরপারের ডাকে সাড়া দিলেন, কিন্তু মুত্তার পূর্বে আপন পুত্র হযরতের চাচা আবু তালিবকে ডেকে তাঁর লালন-পালন ও দেখাশোনা সহ সার্বিক দায়িত্বভার সোপর্দ করেন। আবু তালিব তাঁকে আপন সন্তানাধিক মুহুরত ও স্নেহে লালন করেন। সর্বদাই তিনি তাঁর খেয়াল রাখতেন। যখনই বাচ্চাদের নিয়ে কোন কথা উঠতো তিনি ভাতিজা হযরত মুহাম্মাদ (স)-এর প্রশংসনীয় গুণাবলীর বর্ণনা অত্যন্ত খুশী মনে করতেন এবং তাঁর আদব-আখলাক, সত্য-ভাষণ ও পাক-পবিত্রতার সীমাহীন তারীফ করতেন।

‘আবদুল মুত্তালিবের পর আবু তালিব কুরায়শ সর্দার এবং কাবার মুতাওয়াল্লী নিযুক্ত হন। তাঁর নেতৃত্ব ও শ্রদ্ধায় আসনকে সবাই স্বীকৃতি দিত। যে দিনগুলোতে মক্কায় এসব ঘটনার প্রকাশ ঘটেছিল আরব প্রতিবেশী ইরান ও রোম সাম্রাজ্যে তখন কতিপয় গুরুত্বপূর্ণ পরিবর্তন সংঘটিত হয়। ৫৭০-ঈসায়ীতে ইরান সম্রাট নওশেরওয়ার ইন্তেকাল এবং তদস্থলে তৎপুত্র হরমুয (৪র্থ) সিংহাসনে আরোহণ করেন। নতুন সম্রাট ছিলেন উচ্ছংখল, জালিম এবং বিলাসী লম্পট। ফলে পূজা-সাধারণ বিদ্রোহ ঘোষণা করে। রোম সম্রাট সুযোগের পুতীক্ষায় ছিলেন। তিনি ইরানের উপর হামলা করেন। এদিকে হরমুয যখন রোমানদের সঙ্গে যুদ্ধে লিপ্ত, অপরদিকে উত্তরদিক দিয়ে তখন তাতার বাহিনী এসে চড়াও হয়। চারদিকে তখন রক্তারক্তি, খুন-যশম ও রাহাযানির রাজত্ব চলছে। জেনারেল বাহরাম যিনি রোমান ও তাতার বাহিনীকে পরাজিত করেছিলেন হরমুযের বিরুদ্ধে ষড়যন্ত্র করে তাকে সিংহাসনচ্যুত করেন এবং পুজারন্দ তৎপুত্র পারভেযকে তখতে সমাসীন করলে জেনারেল বাহরাম তারও বিরোধিতা করেন। পারভেয কনফটানটিনোপলে পালিয়ে যান এবং মরিসের সাহায্য সিংহাসন পুনরুদ্ধারে সফল হন। এরপর দু’টি সাম্রাজ্যের ভেতর শান্তি ও সৌহার্দমূলক সম্পর্ক স্থাপিত হয়।

সিরিয়া সফট

সে সময়ে আবু তালিব বাগিজোপলক্ষে সিরিয়া গমনের প্রস্তুতি নিচ্ছিলেন। হযরতের বয়স তখন দশ বছর।^১ তাঁরও যাবার প্রবল আগ্রহ সৃষ্টি হ'ল। তিনি জিদ ধরে আবু তালিবের সঙ্গে রওয়ানা হন। কাফেলা সিরিয়ার বসরার পাহাড়ী এলাকা সাঈদ-এর প্রান্তদেশে পৌঁছে সেখানে তাঁবু ফেলা হয়। এলাকাটি ছিল চিরসবুজ ও শ্যামল-সুন্দর। দূর-দূরান্তের কাফেলা এখানে এসে থাকত। এতদ্ভিন্ন সেখানকার শাসন কর্তৃপক্ষও ছিল ন্যায়পরায়ণ। সেজন্য বিভিন্ন ধর্মের লোক রোমানদের জুলুম-নির্যাতনে অতিষ্ঠ হয়ে সেখানে এসে বসবাস শুরু করেছিল। এদের ভেতর বহীরা নামক একজন সৈন্যী পাদরীও ছিলেন। তিনি সেখানে বেশ প্রভাব-প্রতিপত্তি লাভ করেছিলেন। মেহমানদারীর জন্য তিনি ছিলেন বেশ মশহূর। তিনি একটা বিরাট মুসাফিরখানা বানিয়েছিলেন যেখানে সাধারণভাবে মুসাফির অবস্থান করত। আবু তালিবের কাফেলা উক্ত সর্দারের গির্জার নিকট এসে থামে। যে মুহূর্তে কাফেলার লোকেরা নিজ নিজ উঠের পিঠের হাওদা খুলছিল সে সময় রাহেব বা পাদরী তাদের নিকট আসেন। আবু তালিব এর আগেও গির্জার নিকট থেমেছিলেন, কিন্তু এর আগে রাহেবের কখনো আগমন ঘটে নি কিংবা কোনরূপ দুকপাতও করেন নি। এবার কিন্তু তিনি কাফেলার লোকজনের সঙ্গে খুব মেলা-মেশা করেন এবং প্রত্যেককেই খুব গভীরভাবে নিরীক্ষণ করেন, আর তাদের সঙ্গে কথাবার্তাও বলেন। কিন্তু অ'া-হযরত (সা)-এর নিকট এসে তাঁকে দেখা মাত্রই তিনি চমকে ওঠেন এবং বহুক্ষণ ধরে গভীর-ভাবে নিরীক্ষণ করতে থাকেন। অতঃপর আবু তালিবকে জিজ্ঞেস করেন : এ কে? আবু তালিব : এ আমার পুত্র। এই বলেই ভাতিজার গুণাবলী বর্ণনা করেন। তিনি আরও বলেন, যিনিই একে দেখেন—পসন্দ করেন। বৃদ্ধ রাহেব বললেন : এই বালকের ভেতর বিশেষ একটা দীপ্তি আমার দৃষ্টিতে ধরা পড়েছে। তোমাদের কাফেলা যখন আসছিল তখন ছিল প্রচণ্ড রৌদ্র। আমি বাতায়ন-সথে দেখতে পেলাম, খোলা আসমানে একখণ্ড মেঘ আগাগোড়া তাঁর

১. অনেকের মতে হযরতের বয়স তখন বার বছর ছিল। —অনুবাদক

মাথায় ছায়া প্রদান করে আসছিল। এরপর হযরত (সা)-কে জিজ্ঞেস করেন : তোমার মাযহাব কী ? তিনি জওয়াব দেন : আমার পূর্বপুরুষ তো মৃতি-পূজক, কিন্তু আমি যাঁর সন্মানে আছি তা কোথাও দৃষ্টিগোচর হচ্ছে না এবং এখন পর্যন্তও তা কোথাও মেলেনি। আমার দিল মৃতিকে সিজদা করতে চায় না। এজন্য আমি আজও সেগুলোর সামনে মাথা নত করিনি।

একথা শোনার পর রাহেব অত্যন্ত খুশী হন এবং ইচ্ছে করেই বলেন : মনে হচ্ছে তুমি য়াহুদীদের আসমানী কিতাব পড়েছ। জবাবে তিনি বলেন : আমি নিরক্ষর। জানি না কিতাবে কি লেখা আছে। তবে আমার অন্তর সাক্ষ্য দেয় যে, আপনারা সবাই ভুল পথে আছেন এবং এ কারণেই আমি মৃতি পূজাকে গোমরাহী মনে করি। এর বেশী কিছু আমার জানা নেই। এই বলে অ'া-হযরত (সা) উট চরাতে চলে গেলেন।

এরূপ কথাবার্তা ও আলাপ-আলোচনার পর রাহেব গির্জায় প্রত্যাবর্তন করেন এবং বহুবিধ খাদ্যদ্রব্য রান্না করে কাফেলার লোকদের নিকট ফিরে যান। এর পর তাদেরকে সেই বালককে ডেকে দেবার জন্য আবেদন জানান। তিনি এলে রাহেব আবু তালিবকে বললেন : আপনি তো বলেছিলেন যে, এ আমার পুত্র, কিন্তু এর তো এতীম হবার কথা! আবু তালিব বললেন : অবশ্য ঠিকই বলেছেন। এ এতীম এবং আমার ভ্রাতৃপুত্র। মাতৃগর্ভে থাকতেই সে এতীম হয়ে যায়। এর পর রাহেব আবু তালিবের অনুমতিক্রমে অ'া-হযরত (সা)-এর পৃষ্ঠদেশে খুলে দেখেন এবং তাদের ধর্মীয় কেতাব লিখিত বর্ণনা মুতাবিক যা তিনি পড়েছিলেন—মোহরে নবুওতের চিহ্ন দেখতে পান। এটি দেখে রাহেব বলেন : এই বালককে ঘরে ফিরিয়ে নিয়ে যান এবং য়াহুদীদের হাত থেকে একে পূর্ণ হেফাজতের ব্যবস্থা করুন। তারা যেন এর আলামত ও নিশানা না দেখতে পায়! অন্যথায় তাঁকে ক্ষতিগ্রস্ত করতে প্রয়াস চালাবে। ইনি অত্যন্ত বিখ্যাত পুরুষ হবেন। য়াহুদীরা এঁর দুশমন। তাই সিরিয়ায় তাঁর অবস্থান সমীচীন নয়।

মুখতার রাজত্ব

এখানে সংক্ষেপে একথা বলে দেওয়া আবশ্যিক যে, যেখানে আরবের মূর্খ জাহেলরা মূর্তিপূজা ইত্যাদিতে লিপ্ত ছিল এবং গোমরাহীর নিশ্চিন্দ্র অন্ধকার তাদেরকে চতুর্দিক দিয়ে ঘিরে ফেলেছিল সেখানে য়াহুদী ও নাসারাগণও তাদের ধর্ম ও মাযহাবের মৌলিকত্ব থেকে বহু দূরে ছিটকে পড়েছিল। তাদের ধর্মীয় কিতাবসমূহ বিকৃতি (তাহরীফ) ও অবৈধ হস্তক্ষেপ দ্বারা ধ্বস্ত-বিধ্বস্ত হয়ে মনগড়া ও কল্প-কাহিনীর সংকলনে পরিণত হয়েছিল। রাহেব ও পাদরিগগ নিজেদের 'আকীদা তথা ধ্যান-ধারণার প্রচার করছিল। উদাহরণত সিরিয়ার রাজধানী দামেশকে লেনুস-এর নেতৃত্ব কায়েম ছিল। মুসিল-এ ইস্কাফ জেরুম স্বীয় মাযহাবের প্রচার ও প্রসারে ছিল ব্যস্ত। আমুরিয়ান গিটার্সের আলাদা গির্জা ছিল। বসরায় ছিল রাহেব বহীরার ধর্মীয় কর্তৃত্ব। এভাবেই 'ঈসায়ী মাযহাব রাহেব ও পাদরীদের ব্যক্তিগত আকীদা-বিশ্বাসের ভেতর বিভক্ত হয়ে পড়েছিল। জনসাধারণ তাওহীদ-এর অর্থ বুঝতে ছিল অক্ষম ও অপারগ। রাজনৈতিক দিক দিয়ে আরবের উত্তরাংশ এবং সিরিয়ার উপর রোম সম্রাটের নিয়ন্ত্রণ ছিল প্রতিষ্ঠিত। লোহিত সাগরের উপকূল বরাবর মস্কার দক্ষিণে সমদ্রোপকূল পর্যন্ত হাব্শ সম্রাটের কর্তৃত্ব ছিল। এই সম্রাট ছিলেন 'ঈসায়ী। ফোরাতে ও দজলা নদীর উপত্যকাগুলোতে ইরানীদের পতাকা ছিল উড়ুডীন। এরা ছিল অগ্নিপূজক।

সিরিয়া থেকে প্রত্যাবর্তনের পর অ'-হযরত (সা) পাঁচ বছর পর্যন্ত আবু তালিবের প্রতিপালনাধীন থাকেন। সে সময় কুরায়শ বংশের দু'টি শাখা কানানা ও হাওয়ামিন কবিলার ভেতর চারবার লড়াই সংঘটিত হয়। আর তা হরব-এ-ফুজ্জার বা অন্যান্যকারীদের যুদ্ধ নামে খ্যাত। এসব লড়াইয়ের শেষ ও চূড়ান্ত লড়াইয়ে হযুর আকরাম (সা) আপন চাচা আবু তালিবের সঙ্গে শরীক হন। কিন্তু এতে তিনি কারোর উপর আক্রমণোদ্যত হন নি, কাউকে ক্ষতিগ্রস্তও করেন নি। এ যুদ্ধে হাওয়ামিন পরাজিত হয়। আরববাসী এই ঘটনাকে 'স্নাওমে শার্ব' নামে স্মরণ করে থাকে।

জীবিকার সংগ্রাম

আবু তালিবের সম্ভান-সম্মতি ছিল অনেক। মস্কার জীবিকার কোন উপকরণ কিংবা রপ্তি-রাজি উপার্জনের কোন মাধ্যম ছিল না। হযরতের বয়স তখন পনের বছর। একদিন তাঁর চাচা হযরতের নিকট নিজের আর্থিক দৈন্য-দশার ও তজ্জনিত বিব্রতকর অবস্থার কথা বর্ণন করলেন এবং এও বললেন : যদি তুমি তৈরী থাক তবে কোথাও তৌমার চাকুরীর চেষ্টা করি। তিনি বললেন : চাচাজান! আমি এর জন্য সম্পূর্ণ প্রস্তুত। আবু তালিব হযরতকে নিয়ে খাদীজা বিনতে খুওয়াইলিদের নিকট যান। খাদীজা ছিলেন মস্কার বিখ্যাত ধনবতী ব্যবসায়ী। যৌবনের প্রারম্ভেই তিনি বিধবা হন। পিতাও বহু ধন-দৌলত রেখে মারা যান। খাদীজা ছিলেন সে সব সম্পদের একচ্ছত্র মালিক। তেজারতী কারবার ছাড়াও উট, গাভী, ভেড়া, বকরীও ছিল অগণিত। স্বামীর মৃত্যুর পর মস্কার নেতৃবৃন্দের অনেকেই তাঁর নিকট শাদীর পয়গাম পাঠিয়েছিল। কিন্তু তিনি তা কবুল করেন নি। আবু তালিব পরিচয় করিয়ে দেবার পর হযরত খাদীজা (রা) যিনি হযরতের বিশ্বস্ততা ও শরাফতীর খ্যাতি ইতিপূর্বেই শুনেছিলেন, হযরত (স)-কে তাঁর বাণিজ্য কাফেলার ব্যবস্থাপক নিযুক্ত করেন। খাদীজার তেজারতী কাফেলার কয়েকজন ব্যবস্থাপক ছিল। তাদের সবার নেতৃত্বে ছিলেন মায়সারা নামের আযাদকৃত একজন গোলাম। যেহেতু তিনি (খাদীজা) হযরতের মেহনত, আমানতদারী ও বিশ্বস্ততার প্রভূত পরিমাণে প্রভাবিতা ছিলেন সেজন্য মায়সারাকে তিনি বিশেষ-ভাবে তাকীদ করে দেন যেন সে মুহাম্মাদ (স)-এর প্রতি বিশেষ খেয়াল রাখে এবং কাফেলার প্রত্যাবর্তনের পর তাঁর সম্পর্কে পুরো রিপোর্ট পেশ করে।

কাফেলা সিরিয়ায় পৌঁছলে সেখানে এক মনখিলে নসতুরা নামের এক স্নায়ী রাহেবের গিজার নিকট যাত্রা বিরতি করে। আ-হযরত একটা গাছের নীচে বসে ছিলেন। উক্ত রাহেব হযরতকে দেখা মাত্র ছুটে আসেন এবং বলেন : গাছের তলদেশে যে নওজোয়ান বসে আছেন তিনি কে? মায়সারা জবাব দেয় : ইনি কুরায়শ সদায়ের পত্র এবং এ কাফেলার সদায়ও বটেন! রাহেব বললেন : ইনি শুধু কাফেলার

নয়, কোন এক সময়ে ইনি সারা দুনিয়ার সর্দারও হবেন। এ কথা শুনে মায়ীসারা অত্যন্ত আশ্চর্যান্বিত হয় এবং এর কারণ জানতে চায়। রাহেব বলেন : এই রফিকের নীচে আজ পর্যন্ত নবী ভিন্ন অপর কেউ উপবেশন করে নি। তাঁর চোখে এবং অপসারণ আলামত পরিচকার বলছে, ইনি আমাদের কিতাবের লিখিত বর্ণনা মূতাবিক আধেরী ধমানার নবী হবেন। আফসোস, সে সময় আমি জীবিত থাকিবো না। হায়! আমি যদি তাঁর খেদমত করে নাজাত লাভ করিতে পারতাম। এরপর রাহেব মায়ীসারাকে তাঁর উপর খেয়াল রাখতে এবং তাঁকে একাকী না ছেড়ে দিতে বিশেষভাবে তাকীদ করেন।

কাফেলার মাল-সামান কয়েক দিনের ভেতরই হাতে হাতে কয়েক গুণ মুনাফায় বিক্রি হয়ে যায়। এ সফরে এমন কয়েকটি ঘটনা ঘটে যদ্বারা কাফেলার সকলেই অ'-হযরত (সা)-এর ভক্তে পরিণত হয় এবং তাঁর সত্যবাদিতা ও বিশ্বস্ততার গুণগ্রাহী হয়ে ওঠে। ফেরার পথে মক্কার অল্প দূর বাকী থাকতেই কাফেলার লোকেরা সিদ্ধান্ত নেয় যে, মুহাম্মাদ (সা) স্বীয় সওয়ার হাঁকিয়ে সামনে অগ্রসর হবেন এবং সবার আগে গিয়ে খাদীজাকে এই বিপুল মুনাফার তথ্য অবহিত করবেন। বণিত আছে যে, সে সময় খাদীজা স্বীয় প্রাসাদের ছাদে দাঁড়িয়েছিলেন। তিনি দেখতে পান যে, একজন নওজোয়ান ছুটে আসছেন দ্রুত উট হাঁকিয়ে এবং এক টুকরো মেঘ আগাগোড়া তাঁর মস্তকে ছায়া প্রদান করে আসছে। তিনি তাঁর দ্বার-রক্ষককে পাঠিয়ে দেন জেনে আসতে যে, আসলে লোকটা কে এবং কোথা থেকে আসছে। সে যখন হযরতের কাছে পৌঁছল তখন তিনি পরিচয় দিয়ে বলেন : আমি তো তাঁরই কাফেলার সর্দার। কাফেলার লোকদের সিদ্ধান্তক্রমে খাদীজাকে এবারের অজিত বিপুল মুনাফার সুসংবাদ শোনিবার জন্য সবাগ্রে চলেছি। কাফেলার অবশিষ্ট লোকেরাও ইতি-মধ্যে এসে পড়ে। খাদীজা মায়ীসারা ও অন্যান্য দলপতিকে হযরতের সম্পর্কে জিজ্ঞাসাবাদ করেন। সবাই তাঁর ভূয়সী প্রশংসা করে এবং মায়ীসারা 'ঈসায়ী রাহেব বণিত সকল কথাই খুলে বলে। রাহেবের কথাও প্রদত্ত উপদেশ খাদীজার অন্তরে দারুণ রেখাপাত করে। অতঃপর এ ছাড়াও ফেরার পথে এক টুকরো মেঘকে হযরতের মাথায় ছায়া

প্রদান করতে তিনি নিজেই দেখেছিলেন। ফলে অ'ই-হযরত (সা) সম্পর্কে তাঁর ধ্যান-ধারণায় তখন একটা নতুন জগত জনম নিতে শুরু করে। কিছু দিন তিনি তাঁর ধ্যান-ধারণাকে গোপন ও প্রচ্ছন্ন রাখেন। এরপর এমন একটি সময় এসে উপস্থিত হয় যখন তিনি নিয়ম মাসিক হযরত (সা)-কে শাদীর পয়গাম পাঠান। হযরত (সা) জানানঃ এ ব্যাপারে আমার চাচা আবু তালিবের মতামত ও অনুমতি গ্রহণ আবশ্যিক। সুতরাং খাদীজা (রা) আপন চাচাতো ভাই ওল্লারাকা বিন নওফলের হাতে আবু তালিবকে পয়গাম পৌঁছবার সঙ্গে মূল্যবান তোহফাও পাঠিয়ে দেন। আবু তালিব উভয়ের বয়সের ব্যবধান থাকার কারণে ইতস্ততঃ করছিলেন। কেননা অ'ই-হযরত (সা)-এর বয়স তখন পঁচিশ বছর আর বিবি খাদীজার বয়স চল্লিশ। কিন্তু আবু তালিবের স্ত্রীর পরামর্শক্রমে সম্বন্ধ স্থিরীকৃত হয়। আবু তালিব আত্মীয়-বান্ধবসহ হযরত (সা)-কে সঙ্গে নিয়ে খাদিজার ঘরে গিয়ে ওঠেন। এখানেই বিয়ে হয় এবং আবু তালিব খুতবা প্রদান করেন।

এই হচ্ছে হযরত (সা)-এর পঁচিশ বছরের পবিত্র জীবনের একটি সংক্ষিপ্ত খসড়া চিত্র। কিন্তু এর উপর কোনরূপ পর্যালোচনা করার পূর্বে এটা দেখা দরকার যে দশ বছর বয়স থেকে পঁচিশ বছর বয়ঃক্রম পর্যন্ত তাঁর জীবন-বৃত্তান্ত ও ঘটনার গুরুত্ব কি? তাঁর ভবিষ্যত জীবনের এবং সে জীবনের মিশনের উপর তার কী প্রভাব পড়েছে এবং সে সমস্কার অজিত অভিজ্ঞতার সাহায্যে ভবিষ্যতে তিনি কী কর্ম সম্পাদন করেছেন? সংক্ষেপে তা এভাবে বর্ণনা করা যেতে পারেঃ

১. দশ বছর বয়ঃক্রমকালে তিনি সেই ভূখণ্ড প্রথম চাক্ষুষ প্রত্যক্ষ করেন যার উপর তাঁকে ভবিষ্যতে অগ্রসর হয়ে চূড়ান্ত লড়াই লড়তে হয়। এরপর দ্বিতীয় দফা সে সময় দেখেন যখন তিনি উপলব্ধি ও সাবালকত্বের বয়সে গিয়ে উপনীত হয়েছেন। এর সমস্ত রাস্তা, মনষিল, পাহাড় ও মরুভূমির সঙ্গে সাক্ষাত পরিচয় লাভ করেন এবং প্রয়োজনীয় ও বিস্তারিত তথ্য অবগত হন। প্রতিরক্ষার ক্ষেত্রে এ ধরনের অভিজ্ঞতা এবং প্রাকৃতিক ভূমি—অবস্থার এ ধরনের অবহিত ছিল অত্যন্ত জরুরী ও ফলপ্রসূ।

২. পনের বছর বয়সে ফুজ্জার যুদ্ধে শরীক হয়ে যুদ্ধের পস্থা ও মূলনীতিসূহের বাস্তব অভিজ্ঞতা লাভ করেন। একজন স্বচ্ছ চিন্তার অধিকারী, তীক্ষ্ণ মস্তিষ্ক, দৃঢ় মনোবল, প্রখর মেধা ও প্রজ্ঞাসম্পন্ন দূর-দর্শী ও সতর্ক যুবকের পক্ষে এ অভিজ্ঞতা অত্যন্ত ফলপ্রসূ ও উপকারী প্রমাণিত হয়ে ছ।

৩. এই বয়সে তিনি আরবের তপ্ত মরুভূমিতে পর পর কয়েক বছর পর্যন্ত কঠোর মেহনত ও কষ্টসাধ্য জীবন যাপন করে ধৈর্য, সহিষ্ণুতা এবং অল্পে তুষ্টি লাভের প্রশিক্ষণ লাভ করেন। জীব-জানোয়ারের রক্ষণাবেক্ষণ ও পশুপাল চরানোর গুরুত্ব সঠিকভাবে উপলব্ধি করেন। প্রান্তর ও ময়দানের যিনি সর্দার তাঁর জন্য এ প্রশিক্ষণ নেহায়েত জরুরী ও ফলপ্রসূ।

৪. কাফেলার সর্দারীর অভিজ্ঞতা লাভ করে সেনাবাহিনীর নেতৃত্বের গুরুত্বপূর্ণ মূলনীতি শেখেন। তিনি কাফেলার ব্যবস্থাপনা ও শৃংখলা রক্ষা এবং প্রয়োজনীয় দ্রব্যাদি সম্পর্কে পুরো ওয়াকিফহাল হয়ে যান। এভাবেই বিভিন্ন জাতের ও বিভিন্ন শ্রেণীর মানুষের নেতৃত্ব করে সিপাহসালারের হিম্মাদারী সম্পূর্ণরূপে বুঝে নেন।

৫. তাঁর সত্যবাদিতা, ঈমানদারী, সহমতিতা, কঠোর পরিশ্রম ও সাহসিকতার স্থায়ী ছাপ নিকট ও দূরের লোকজনের উপর স্থায়ীভাবে পড়েছিল। একজন সিপাহসালারের জন্য এসব গুণাবলী অপরিহার্য। অতীত ও বর্তমানের বড় বড় সব সামরিক পর্যবেক্ষক এবং প্রতিরক্ষা বিশেষজ্ঞ এ ব্যাপারে একমত যে, সেনাধ্যক্ষের ভেতর এসব গুণাবলী থাকা অপরিহার্য। অ'ই-হযরত (সা) এই বয়সেই জ্ঞান ও অভিজ্ঞতা এবং নিজস্ব প্রশংসনীয় গুণাবলীর দিক দিয়ে সৈন্যবাহিনীর অধিনায়ক-সুলভ উন্নততর ও উত্তম বৈশিষ্ট্যের অধিকারী ছিলেন এবং তাঁর তীক্ষ্ণ ও সজাগ মস্তিষ্ক, দূরদর্শিতা এই জ্ঞান ও অভিজ্ঞতাকে তাঁর বিরাট সাহায্যকারী ও সহযোগী বানিয়ে দিয়েছিল।

বিয়ে-শাদীর পর

অ'ই-হযরত (সা)-এর বিবাহাধীনে আসার পর হযরত খাদীজা (রা) নিজের সকল গহনাপত্র, নগদ অর্থ-কড়ি, সমস্ত স্থাবর ও অস্থাবর

সম্পত্তি স্বীয় আত্মীয়-স্বজন ও শ্রদ্ধেয় অভিভাবকদের জানিয়ে হযরতের হাওয়ালার করে দেন। অ'-হযরত (স) স্বীয় স্ত্রী হযরত খাদীজা (রা)-এর সম্মতিক্রমে সে সব গরীব ও অভাবী লোকদের ভেতর বন্টন করে দেন। যত গোলাম-বাদী ছিল—সবাইকে আযাদ করে দেন এবং হযুর আকরাম (স) স্বীয় সম্মানিতা স্ত্রীর সঙ্গে দরবেশী জীবন যাপন করতে থাকেন।

কা'বা ঘর নির্মাণ

৩০০ 'ঈসায়ীতে মক্কায় অত্যধিক পরিমাণে রুষ্টিপাত হয়। এর দরুন কা'বা ঘরের বুনিন্মাদে ফাটল সৃষ্টি হয়। ফলে সকল কবিলা সম্মিলিতভাবে তা পুনঃনির্মাণের সিদ্ধান্ত গ্রহণ করে। লোহিত সাগরে একটি জাহাজ ধ্বংস হয়ে গিয়েছিল। কুরায়শরা তার কাঠগুলো খরিদ করে তন্দ্বারা কা'বার ছাদ বানাবার সামান যোগাড় করে। কা'বায় একটি অন্ধকূপ ছিল যেখানে লোকেরা তাদের নজরানা নিষ্ক্ষেপ করে যেত। সে সব টাকা-কড়ি বের করে তা দিয়ে নির্মাণের আবশ্যকীয় কার্য সম্পূর্ণ করার ফয়সালা করা হয়। কিন্তু যখনই কোন সময় নির্মাণ কাজ শুরু করার ইচ্ছা করা হয়েছে—তখন কোন না কোন ঘটনা এমনভাবে এসে দেখা দিয়েছে যাকে কুলক্ষণ মনে করে সব কিছু মুলতবী করে দেওয়া হয়েছে। শেষ পর্যন্ত যখন নির্মাণের সময় আসলো তখন এর কাজের সব কিছু সকল কবিলার ভেতর ভাগ করে দেওয়া হ'ল। এই কর্মবন্টনকে সবাই মেনে নেয়। কিন্তু হাজরে আস-ওল্লাদ সরানো এবং পূর্বের স্থানে পুনঃস্থাপনের প্রশ্নে ঝগড়া হয়ে যায়। প্রতিটি কবিলাই নিজেদের শ্রেষ্ঠত্ব ও অপ্রাধিকারের দাবীতে এই গৌরবজনক কাজ সম্পাদন করে গবিত হতে চাচ্ছিল। ফলে ঝগড়া উত্তরোত্তর বৃদ্ধি পেতে থাকে এবং সকল কবিলাই লড়াই করার জন্য প্রস্তুত হয়। শেষ অবধি মক্কার একজন বয়োবৃদ্ধ ব্যক্তির পরামর্শের ভিত্তিতে সিদ্ধান্ত হয় যে, কাল ভোরে যে ব্যক্তি বনী শায়বা দরজা দিয়ে সর্বপ্রথম কা'বা ঘরে প্রবেশ করবে তাঁকে সালিশী মানা হবে এবং তিনি যে ফয়সালা দেবেন তাঁর উপর আমল করা হবে। ঘটনা-

ক্রমে পরদিন ভোরে উল্লিখিত দরজা দিয়ে প্রবেশ করেন হযরত রসুলে করীম (সা)। তিনি তখন 'আল-আমীন' উপাধিতে যশস্বরূপে হয়ে আছেন। তাঁর সত্যবাদিতা ও আমানতদারী সর্বজনস্বীকৃত ছিল। তাঁকে দেখে সকলেরই মুখ শূণীতে উজ্জ্বল হয়ে ওঠে। সবাই বলতে থাকে : 'আল-আমীন' এসে গেছেন। তিনি যে ক্ষয়সাল্লা দেবেন তা যেন নিতে আমরা সবাই রাশী আছি। তিনি এ ঝগড়া এমনই বুদ্ধিমত্তা ও সুন্দরতম পন্থায় মিট্টিয়ে দেন যে, সব কবিলাই এতে তুষ্ট হয়। তিনি প্রথম একটি চাদর বিছান। অতঃপর স্বহস্তে হাজরে আসওয়াদ উত্তিয়ে তার উপর রাখেন। এরপর কবিলায় প্রতিিনিধিদের ডেকে বলেন চাদর ধরে হাজরে আসওয়াদ উত্তিয়ে নিতে। সবাই উত্তিয়ে নেয় এবং স্থাপনের জায়গায় এটাকে নিয়ে পৌঁছলে তিনি স্বহস্তে পুনরায় তা উত্তিয়ে সেখানে রেখে দেন। আর এভাবেই একটি বিরাট ঝগড়ার অবসান ঘটে।

ধ্যান-সাধনা

আ-হযরত (সা)-এর বয়স তখন পঁয়ত্রিশ বছর। বেশীর ভাগ সময় তাঁর ধ্যান-সাধনার ভেতর কাটত। শহরের বাইরে হেরা গুহায় পরপর কয়েকদিন পর্যন্ত তিনি অবস্থান করতেন এবং সেই সত্যের রাখত। সন্ধ্যানে মগ্ন থাকতেন যার বাসনা তাঁর দিনকে সর্বদাই বেকারার এভাবেই মাস ও বছর হ'ল অতিবাহিত। অবশেষে 'ঈসাবী ৬১১ সনে ২৭শে রমযান হযরতের চল্লিশ বছর বয়সে জিবরাঈল (আ) হেরা গুহায় তাঁর নিকট আগমন করেন এবং বলেন : পড়ুন হযরত জবাব দিলেন : আমি উম্মী, — পড়তে জানি না। এতে হযরত জিবরাঈল (আ) নবী করীম (সা)-কে আপন বুক জড়িয়ে এত জোরে চাপ দেন যে, ভয়ে ও কণ্ঠে তিনি হাবড়ে যান। এরপর জিবরাঈল (আ) পুনরায় রাসূল করীম (সা)-কে পড়তে বলেন। তিনি ভীতভাবে পড়লেন, **إِراءِ باسمِ رَبِّكَ الَّذِي خَلَقَ الْخ** অর্থাৎ 'পড় তোমার রব-এর নামে যিনি সৃষ্টি করেছেন।' এরপর জিবরাঈল (আ) চলে যান। এ ঘটনায় হযরত (সা) ভীত-সঙ্কস্ত হয়ে পড়েন। তিনি সেখান থেকে সরাসরি ঘরে

তশরীফ নেন এবং হযরত খাদীজা (রা)-কে বলেন : আমাকে কশ্বলারূত কর। তিনি কশ্বলারূত করেন এবং অবস্থা সম্পর্কে জিজ্ঞাসাবাদ করেন। হযরত (সা) দ্বিধাজড়িত কণ্ঠে ভীত হবার কারণ বর্ণনা করেন এবং বলেন : আমি আশ্চর্য ধরনের ঘটনায় পড়েছি। হযরত খাদীজা বলেন : আল্লাহ্ পাক আপনাকে সব ধরনের বিপদাপদ থেকে নিরাপদ রাখবেন ও হেজাজত করবেন। আপনি সত্যবাদী, বিশ্বস্ত ও রহম-দিল ; আপনি অপরের বিপদ-মুসীবতে কাজে লাগেন, মিসকীন ও অভাবী লোকের সাহায্য করেন ; অতএব আল্লাহ্ পাক আপনাকে কখনই একাকী পরিত্যাগ করবেন না। আমার একান্ত বিশ্বাস—আপনি নবী হবেন। এরপর হযরতকে সঙ্গে নিয়ে চাচাতো ভাই ওয়ারাকা বিন নওফলের কাছে যান এবং সব কিছু খুলে বলেন। ওয়ারাকা ছিলেন ‘ঈসায়ী এবং স্বীয় মাঘহাবের একজন বিরাট ‘আলিম। হযরত খাদীজা (রা)-এর বর্ণনা শুনে তিনি বললেন : খাদীজা ! ঘটনা যদি এ ধরনেরই ঘটে থাকে হার বর্ণনা তুমি দিলে—তবে কসম সেই পবিত্র সত্তার যাঁর কলজায় আমার জীবন, ইনিই সেই ফেরেশতা জিবরাঈল যিনি হযরত মুসা (আ)-এর নিকট এসেছিলেন। আমার জ্ঞান আমাকে নিশ্চয়তা দিচ্ছে যে, ইনিই উম্মতের নবী হবেন। কিন্তু রিসালতের প্রকাশ এবং সত্যের প্রতি দাওয়াত জানাবার কারণে তাঁকে শক্ত রকমের তকলীফ স্বীকার করতে হবে, কণ্ঠের সম্মুখীন হতে হবে।

ইসলামের সূচনা

إبراء باسم ريك ওয়াহীর মাধ্যমে তাঁকে নবুয়ত দান করা হয় এবং آیها العذر আয়াত দ্বারা রিসালত প্রদান করা হয়। বর্ণিত আছে যে, একদিন আঁ-হযরত (সা) আরাম করছিলেন। ইতিমধ্যে হযরত জিবরাঈল (আ) আগমন করেন এবং আওয়াজ দেন : ওঠ, কাপড় পবিত্র রাখ, অপবিত্র ও নাপাক বস্তু থেকে দূরে অবস্থান কর ; মানুষকে আল্লাহ্ র ‘আযাব সম্পর্কে ভীতি প্রদর্শন কর এবং আপন ‘রব-এর মাহাস্ব্য বর্ণনা কর। জিবরাঈল (আ) হযরতকে গুঁ ক করতে শেখান এবং সালাত

আদায় করান। অতঃপর তিনি ঘরে ফেরেন, হযরত খাদীজা (রা)-কে ওয়ু করতে শেখান এবং সালাত আদায় করান। এভাবে হযরত খাদীজা (রা) সকলের আগে ইসলাম কবুল করেন। এরপর হযরতের চাচাতো ভাই 'আলী (রা) ঈমান আনয়ন করেন এবং একত্রে সালাত আদায় করেন।

ইসলামের দাওয়াত এখন থেকেই শুরু হলে গেল। আ' হযরত (সা) লোকদের আল্লাহ'র পয়গাম শুনিয়ে ইসলামের দিকে আহ্বান জানাতে থাকেন। প্রাথমিক যুগে যখন সালাতের ওয়াজ্ঞ এসে যেত হযরত তখন স্বীয় নও-মুসলিম বন্ধুদের নিয়ে মস্কার বিভিন্ন গিরিপথে চলে যেতেন এবং মুশরিকদের বিরোধিতার ভয়ে লুকিয়ে সালাত আদায় করতেন। লোকেরা কিন্তু সত্বরই এ খবর জানতে পারে। তাওহীদের আওয়াজে মুশরিক ও কাফিররা ছিল পেরেশান। তারা হযরতের বিরুদ্ধে শত্রুতা শুরু করে। কতক লোক আফসোস করত এবং বলত যে, বড় সৎকর্মশীল, সত্যবাদী আর আমানতদার মানুষ ছিল মুহাম্মাদ। কিন্তু গুহায় রিয়াযত (কঠোর আধ্যাত্মিক সাধনা)-এর ফলে এখন আর মাথা ঠিক নেই। আরবের লোকেরা ছিল হয় মুশরিক ও মূর্তিপূজক নতুবা কাফির ও বে-দীন। তাদের নিকট তাওহীদ ও রিসালতের আওয়াজ খুব আশ্চর্যজনক ও অদ্ভুত মনে হয়। উত্তরাধিকার সূত্রে প্রাপ্ত 'আকীদা-বিশ্বাস, আচার-অভ্যাস ও চাল-চলনের বিরোধিতার যা প্রতিক্রিয়া হওয়া উচিত স্বাভাবিকভাবেই তা-ই হ'ল। যতদিন এ দাওয়াত একটা নির্দিষ্ট গণ্ডির ভিতর ছিল আবদ্ধ ততদিন মুশরিক ও কাফিররা বিরোধিতার ব্যাপারে ততটা কঠোরতা অবলম্বন করেনি। কিন্তু আল্লাহ্ রান্বুল 'আলামীনের ফরমান মুতাবিক যখন প্রকাশ্যভাবে তাবলীগ শুরু হ'ল তখন এ বিরোধিতাও সকল গণ্ডি ও সীমারেখা উল্লঙ্ঘন করে। শত্রুতা সাধন, গালি-গালাজ ও শোরগোল সৃষ্টির ক্ষেত্রে কোন অপচেষ্টাই আর বাদ রইল না। কিন্তু আবু তালিব ছিলেন কুরায়শ সর্দার এবং কা'বা ঘরের মুহাফিজ ও মুতাওয়াল্লী আর মস্কার সমস্ত লোকই তাঁকে সম্মান ও সমীহ করত, সেজন্য রাসূলে করীম (সা)-কে কেউ ক্ষতি সাধন করতে সাহসী হয়নি। অবশ্য ইসলামের প্রকাশ্য তাবলীগের সঙ্গে শিরক ও মূর্তি পূজার বিরোধিতা

যে পরিমাণে হ'ত কাফিররাও সে পরিমাণ ক্রোধান্বিত হ'ত। সুতরাং তারা আবু তালিবের নিকট অভিযোগ দায়ের করে : আপনি আপনার ভ্রাতৃত্বকে কা'বার উপাস্য দেবীদের খেলাফ কথা বলতে ও বক্তৃতা দিতে বারণ করুন। কিন্তু এ অভিযোগে কোন ফল হ'ল না। আ'হযরত (সা) বরাবরের মতই তবলীগের কাজ চালিয়ে যেতে লাগলেন। কাফিররা সত্যের এই আওয়াজকে রুখতে কোনভাবেই সফল ও কামিয়ার হতে পারল না। তিন বছর গেল এভাবেই। হযূর আক-রাম (সা) খুশীর মাহ্ ফিলে কিংবা বিষাদের দরবারে, বাজারের অলি-গ্রন্থিতে কিংবা মস্কার রাৎসরিক মেলায়, মোট কথা প্রতিটি স্থানে সমস্ত সুযোগ ও মওকা মিলতেই লোকদেরকে আল্লাহ'র পয়গাম শোনাতেন আর কাফের ও মুগরিকেরা তাঁর উপর ঠাট্টা ও বিশৃপ-বাণ ছুঁড়ে মারত, নিষ্কেপ করত বিন্মাজ্ রাক্য-বাণ। তারা তাঁকে পাগল ঠাওরাত, পথ চলতে শোরগোল করত। 'ঈসান্নী ৬১৩ সনে সাফা পর্বতে আরোহণ করে তিনি মস্কার কুরায়শদের একত্রিত করেন। সবাই তাঁর সততা ও বিশ্বস্ততার স্বীকৃতি দেয়। তাওহীদের আওয়াজ কানে যেতেই তারা ছত্রভঙ্গ হয়ে চলে যায়। একদিকে ছিল এই বিরোধিতা যা আস্তে আস্তে শত্রুতায় পর্যবসিত হচ্ছিল, অপর দিকে মুসলমানদের সংখ্যা দিন দিন বেড়ে চলছিল। কাফিরকুল আবু তালিবের কারণে আ'হযরত (সা)-কে কোনরূপ ক্ষতি সাধন করতে সমর্থ হচ্ছিল না। কিন্তু যে মুসল-মানের উপরই একটু কতৃ'ত চলত তাকেই ভীষণ যন্ত্রণা দিত। বিরো-ধিতা ও শত্রুতার এই ক্রমবর্ধমান তুফানে আবু তালিবের মর্যাদা ছিল অত্যন্ত ন্যূন। তিনি তাঁর নিজ সম্প্রদায়ের বিরুদ্ধেও যেমন যেতে পারছিলেন না—আবার আ'হযরত (সা)-এর বিচ্ছেদ-যন্ত্রণাও সহিতে পারছিলেন না। হযরতের সঙ্গে তাঁর শুধু স্নেহ-প্রীতির সম্পর্কই ছিল না তিনি তাঁকে তাঁর উত্তম স্বভাব-বৈশিষ্ট্য ও গুণাবলীর কারণে সম্মান ও শ্রদ্ধাও করতেন। লোকেরা দেখল, তাঁর নিকট অভিযোগ পেশের কোন আছরই হচ্ছে না, তখন কবিলার সর্দাররুদ্দ মিলিত সিদ্ধান্ত গ্রহণ করল, মুসলমানদের কঠিন শাস্তি দিতে হবে। প্রথম থেকেই মুসলমানদের উপর জুলুম-নিপীড়ন চলছিল। এই ফয়সালার পর শাস্তি, স্বস্তি, ও মির-াপত্তার আর কোন আশাই রইল না। তখন আ'হযরত (সা) তাদের আশ্বিনিয়ায় চলে যাবার পরামর্শ দিলেন। এরই প্রেক্ষিতে মুসলমানদের

একটি ছোট্ট কাফেলা লুকিয়ে আবিসিনিয়ায় গমন করে। এই অবস্থা দেখে তারা সেখানেও মুসলমানদের পিছু নেয় এবং আবিসিনিয়ার সম্রাট নাজ্জাশীর দরবারে নিজেদের লোক পাঠিয়ে দাবী জানায়, এসব লোকেরা কলহপ্রিয় ও পাপী সম্প্রদায়। তাদেরকে আমাদের হাতে সোপর্দ করুন। তাদের সে অভিযান শেষ পর্যন্ত ব্যর্থতায় পর্যবসিত হয়।

এ ব্যর্থতায় তাদের ভেতর প্রতিশোধ-স্পৃহা শত গুণ বর্ধিত হয়। তারা মুসলমানদের বয়কট করতে শুরু করে এবং আঁ-হযরত (সা)-এর মাথা কেটে আনবার জন্য একটা বিরাট অংকের পুরস্কার ঘোষণা করে। এজন্য মহাবীর ওমর তৈরী হয়। কিন্তু হযরতকে কতল করার পরিবর্তে সে নিজেই মুসলমান হয়ে যায়। এ অস্ত্রও যখন ব্যর্থ হ'ল—তখন কাফেররা লোভ দেখাতে শুরু করল এবং বলে পাঠাল যে, মুহাম্মাদ (সা)-এর যদি খাহেশ হয় তাহলে আমরা তাঁর জন্য সোনা-সানা ও টাকা-কড়ির জুপ বানিয়ে দেব। যদি ক্ষমতার অভিলাম্বী হন তবে তাঁকে নেতৃপদে বরণ করব; আর কোন বড় ঘরের শ্রেষ্ঠা সুন্দরীকে শাদী করতে চাইলে তাও দিতে পারি। কিন্তু আঁ-হযরত (সা)-এর সঙ্গে এ সবেদর কী সম্পর্ক! তিনি এসব প্রস্তাব প্রত্যাখ্যান করেন। আবু তালিব কুরায়শদের শত্রুতার পরিমাপ করে বনী হাশিম গোষ্ঠীর সাহায্য চাইলেন। বনী হাশিম সাহায্যের জন্য তৈরী হলে কুরায়শরা তাদেরকেও বয়কট করে। এ ঘটনা 'ঈসায়ী ৬১৬ সনের। শেষাবধি অবস্থা অভ্যন্ত নাযুক হয়ে দেখা দিলে এবং কুরায়শদের কঠোর শৃঙ্খলের হাত থেকে বাঁচার আর কোন সম্ভাবনা ও উপায়ান্তর না দেখে আঁ-হযরত (সা)-এর হেফাজতের জন্য আবু তালিব তাঁর পুরো খান্দান-সহ পাহাড়ের একটি ঘাটিতে চলে যান। এই ঘাটি পরে 'শা'বে আবু তালিব' বা আবু তালিব গিরিসংকট নামে মশহূর হয়। এই ঘাটিতে হযুর আকরাম (সা), আবু তালিব এবং তাঁদের গোটা খান্দান তিন বছর অবর্ণনীয় দুঃখ-কষ্ট, আর্থিক অনটন ও সংকটের ভেতর কাটান। কুরায়শরা খানাপিনার সামগ্রী পর্যন্ত বন্ধ করে দিয়েছিল। খাবার মতো কোন কিছুই যখন আর অবশিষ্ট রইল না, তখন রুক্ষের লতাপাতা, ছাল ও শুকনো চামড়া চিবিয়ে চিবিয়ে কাল কাটিয়েছেন। কিন্তু

আঁ-হযরত (সা)-এর তবলীগের ধারা অব্যাহতই রইল। যে গোত্রই কা'বা মিনারতের উদ্দেশ্যে আগমন করত কিংবা মেলা অথবা বাজারে একত্রিত হ'ত—তিনি তাদের নিকট গমন করতেন, আল্লাহ্ তা'আলার পয়গাম পৌঁছে দিতেন; শির্ক ও মূর্তিপূজা পরিত্যাগ করে তওহীদবাদী ও মুসলমান হবার জন্য উৎসাহিত করতেন। তিন বছর পর নবী করীম (সা)-কে আল্লাহ্ তা'আলা অবহিত করেন যে, কুরায়শরা অন্যান্য গোত্র ও কবিলার সঙ্গে বয়কটের যে অঙ্গীকার করেছিল তার লিখিত ঘোষণাপত্রটি আল্লাহ্ কর্তৃক মনোনীত না হওয়ায় তা কীটদণ্ড হয়ে গেছে। আঁ-হযরত (সা) বিময়টি নিয়ে আবু তালিবের সঙ্গে আলোচনা করেন। আবু তালিব অঙ্গীকারের ঘোষণা-পত্রটি চেয়ে পাঠান। দেখা গেল তা আর পাঠযোগ্য নেই। ঠিক সে মুহূর্তেই ঘোষণা-পত্রটি ছিড়ে টুকরো টুকরো করে দেওয়া হ'ল। আর ঘাটি থেকে নিষ্ক্রান্ত হ'ল বনী হাশিম।

আবু তালিব গিরিবর্ষের মসীবতের যুগে আঁ-হযরত (সা)-এর সহধর্মিণী হযরত খাদীজা (রা) ইহুদাম ত্যাগ করেন। এরপর বয়কটের কঠিন দিনগুলো থেকেও অব্যাহতি মিলল। হযরত আকরাম (সা) সকল খান্দান সমেত মক্কায় প্রত্যাবর্তন করলেন। তার কিছু দিন পর চাচা আবু তালিবেরও ইন্তেকাল হ'ল। তাঁর ইন্তেকালে মুশরিকদের উৎসাহ গেল আরও বেড়ে। তারা রাসূল করীম (সা)-কে নানাভাবে কষ্ট দিতে লাগল।

মক্কায় কষ্ট ও নির্যাতনের অব্যাহত ধারা চলছিল। সত্যের পয়গাম তান্নেফবাসীদের কানে পৌঁছবার উদ্দেশ্যে তিনি তান্নেফ গমন করেন। কাফেররা তাঁর পেছনে কতিপয় প্রভাবশালী ব্যক্তিকে পাঠিয়ে দেয়। তাদের কুৎসায় তান্নেফবাসীরা হযরতের সঙ্গে শুধু ঠাট্টা-বিদ্রুপ করেই সন্তুষ্ট থাকে নি, তাঁকে মিথ্যা প্রতিপন্ন করে এবং কোনরূপ আশ্রয় দিতে অস্বীকার করে। শুধু তাই নয় তারা অত্যন্ত বদ আচরণ করে। যখন তিনি ফিরে আসছিলেন তখন অসভ্য ও উচ্ছৃঙ্খল লোকেরা হযরতকে এত পাথর মেরেছিল যে, তিনি একেবারে রক্তাক্ত হয়ে গিয়েছিলেন। নবুওতের একাদশ বছরে মক্কায় মে'রাজের ঘটনা

সংঘটিত হয়। তিনি আসমানের উপর তশরীফ নেন এবং আল্লাহ্ পাকের সঙ্গে কথাবার্তা বিনিময় করেন।

ইসলামের তবলীগ তথা প্রচার ও প্রসার ছিল তাঁর জীবনের একমাত্র লক্ষ্য। কাফের ও মুশরিকদের শয়তানী অপচেষ্টার বিরুদ্ধে আবু তালিবের ব্যক্তিসত্তা পৃথিবীতে রসূলে করীম (সাঃ)-এর হেফাজতের একটি বড় মাধ্যম ছিল। তাঁর ইন্তেকালে আর কোন প্রতিবন্ধকতা রইল না। ফলে ইসলামের দূশমনেরা তাদের ঘৃণিত ইচ্ছার ক্ষেত্রে অত্যন্ত দুঃসাহসী হয়ে ওঠে। কিন্তু তথাপিও আঁ-হযরত (সাঃ)-এর দৃঢ়তায় ও শৈশ্বে এতটুকু চিড় ধরে নি। তবলীগের অব্যাহত ধারায় একদিন তিনি য়াহরীবের আওস ও খায়রাজ গোত্রের কিছু লোকের নিকট তিনি গমন করেন। তারা মক্কার উপকন্ঠে 'আকাবা নামক উপত্যকায় অবস্থান করছিলেন। তারা কা'বা যিম্মারত করতে এসেছিলেন। তিনি তাদেরকে আল্লাহ্র পয়গাম পৌঁছান এবং ইসলামের সৌন্দর্য তাদের সামনে তুলে ধরেন, তারা মুসলমান হন। পরের বছর য়াহরীব থেকে আর কিছু লোক মক্কায় আসেন। তিনি তাদের মধ্যেও ইসলামের মাহাত্ম্য প্রচার করেন। তারাও ইসলাম ধর্ম গ্রহণ করেন। তারা শুধু মুসলমানই হননি, হযরতকে য়াহরীবের যাওয়ার দাওয়াত দেন, ঘোষণা করেন সত্যের হেফাজত ও সহায়তা প্রদানের। আঁ-হযরত (সা) তাদের দাওয়াত কবুল করেন। এই নও-মুসলিমেরা য়াহরীব প্রত্যাগমন ক'রে সেখানকার লোকদের ভেতর ইসলামের ব্যাপক চর্চা ও আলোচনা শুরু করেন। তারা হযরতের প্রশংসনীয় গুণাবলী ও অনুপম চরিত্রের বর্ণনা দেন। এর ফলে য়াহরীবের অন্যান্য লোকজনের অন্তরে ও ইসলামের সৌন্দর্য বাসা বাঁধতে শুরু করে এবং ইসলাম গ্রহণকারীদের সংখ্যা দিন দিন বাড়তে থাকে।

মক্কাবাসী যখন য়াহরীবের ইসলামের উন্নতি ও প্রসারের খবর পেল তখন তারা ইসলামকে জড়ে মূলে উৎখাত করার দৃঢ় ফয়সালা গ্রহণ করে এবং নেতৃস্থানীয় লোকেরা মিলিত হয়ে সিদ্ধান্ত নেয় যে, আঁ-হযরত (সা)-কে কতল করা হোক। শুধু কতল করাই নয়, কতলের পুরো পরিকল্পনা তৈরী করে তাকে কার্যকরী করার উদ্দেশ্যে লোকও নির্বাচন করে ফেলে। এর সঙ্গে সঙ্গে যেসব লোক

ঈমান এনেছিল তাদেরকেও সম্ভাব্য সকল উপায়ে আক্রমণের শিকারে পরিণত করতে শুরু করে। মুসলমানদের পক্ষে মক্কায় অবস্থান অসহনীয় ও অসম্ভব হয়ে উঠল। আঁ-হযরত তাদের হিজরত করে য়াহরীব চলে যাবার জন্য হেদায়েত দেন। এতে ক্রমান্বয়ে এক শতের মত পরিবার য়াহরীব গমন করে। কাফের কুরায়শ-কুল যখন খবর পেল যে, একমাত্র নবী করীম (সা), 'আলী ও আবু বকর ছাড়া আর সব মুসলমান য়াহরীব পৌঁছে গেছে তখন তারা তাদের পরিকল্পনাকে সত্ত্বর কার্যকর করার ব্যাপারে চূড়ান্ত ফয়সালা গ্রহণ করে। একদিন রাতের বেলা এই কাজে নিযুক্ত কাফেররা হযরতের ঘর ঘেরাও করে এবং তরবারি হাতে দাঁড়িয়ে পড়ে। সবার অনলক্ষ্যে আঁ-হযরত (সা) এই ঘেরাও থেকে বেরিয়ে হযরত আবু বকর (রা)-কে সঙ্গে নিয়ে তিন দিন যাবত ছুঁওর গিরিগুহায় আত্মগোপন করে থাকেন। কাফেরদের এই ব্যর্থতা অত্যন্ত দুঃসহ মনে হয়। তারা হযরত নবী করীম (সা)-কে গ্রেফতার করার জন্য জনতার মাঝে বিরাট অংকের পুরস্কার ঘোষণা করে সবাইকে লোভাতুর করে তোলে, সঙ্গে সঙ্গে চতুর্দিকে গুপ্তচর প্রেরণ করে, কিন্তু ব্যর্থতা ছাড়া তাদের আর কিছু জোটে নি। আঁ-হযরত (সা) দেখলেন বিপদ অনেকটা কেটে গেছে। তিন দিন পর তিনি দূরতিক্রম্য ও দুষ্টর মরুপথ অতিক্রম করে 'ঈসায়ী ৬২২ সনের ২রা জুলাই য়াহরীব পৌঁছেন।

য়াহরীববাসীদের উপর হযরতের আগমন দারুণ রেখাপাত করে। তারা তাঁর সত্যবাদিতা, সাদাসিধে জীবন, ঈমানদারী, ন্যায়পরায়ণতা, দৃঢ় ও উন্নত মনোবল, বিশ্বস্ততা, প্রতিজ্ঞাপালন ও সৃষ্টির প্রতি সহমমিতাবোধ, একদম নিকট থেকে দেখার এবং তাঁর মাহাত্ম্য ও উচ্চ মর্যাদার সঠিক পরিমাপ করার সুযোগ লাভ করেন। তাঁর পবিত্র সীরত ও কর্মের উত্তম সৌন্দর্য যেই অবলোকন করত সেই মুগ্ধ ভক্তে পরিণত হত, ঈমান আনয়ন করত। ফলে ইসলামের অনুসারীদের রক্ত ক্রমেই প্রসারিত হতে থাকে। বছ দিনের লালিত গোষ্ঠীয় বিদ্বেষ দূরীভূত হয়ে যায়। মুহাজির ও আনসার ভাই ভাই-এ পরিণত হয়—রক্তের স্বাতন্ত্র্য যায় মছে।

তাদের গোটা জীবনটাই আগাগোড়া রহমতে পরিণত হয়। স্নাছরিব এতদিন পর্যন্ত স্নাছরিব নামেই পরিচিত ছিল। নবী করীম (সা)-এর আগমনের পর থেকেই তা মদীনাতে নবী বা নবীর শহর নামে নতুন পরিচিত লাভ করে যা অদ্যাবধি মদীনা নামে সারা বিশ্বে মশহুর।

অন্যদের দৃষ্টিতে হযরত মুহাম্মাদ (সা)

কোন এক কবি বলেছেন, “প্রিয়তমের কথা অন্যদের মুখে শুনেতে সবচাইতে ভাল লাগে।” এই দৃষ্টিকোণ থেকে আঁ-হযরত সম্পর্কে ভিন্ন ধর্মীদের কিছু বক্তব্য এই অধ্যায়ে উল্লেখ করা যায়।

প্রখ্যাত ফরাসী প্রাচ্যবিদ ডক্টর গুস্তাভ লী মান তাঁর “আরব তমদ্দুন” নামক গ্রন্থে হযরত মুহাম্মাদ (সা) সম্পর্কে একটি রিপোর্ট লিখেছেন। এখানে একথা ফরমণ রাখা দরকার যে, ফ্রান্স ধর্মীয় দিক দিয়ে অত্যন্ত গৌড়া প্রাচীন-পন্থী। সেখানে আজ পর্যন্তও রোমান ক্যাথলিক ধর্ম প্রচলিত এবং এটাই সেই দেশ যেখান থেকে ক্রুসেড যুদ্ধের প্রচণ্ড দামামা বেজে উঠেছিল এবং শেষ পর্যন্ত সে যুদ্ধের ধর্মীয় ও রাজনৈতিক কেন্দ্ররূপে ছিল। তিনি লিখেছেন :

এখন আরব ঐতিহাসিকদের সংবাদগুলো সামনে রেখে হযরতের ব্যক্তিগত জীবন, আচার-আচরণ ও স্বভাবের চিত্র পেশ করতে কৌশল করব। আবুল ফিদা তাঁর সমসাময়িকদের বর্ণনার ভিত্তিতে লিখেছেন :

হযরত ‘আলী (রা) রসূল করীম (সা)-এর প্রাথমিক অনুসারী। তিনি তাঁর হলিয়া এভাবে বর্ণনা করছেন, ‘হযরত ছিলেন মধ্যমাকৃতির। মাথা ছিল বড় এবং দাঁড়ি মূবারক ছিল বেশ ঘন। শরীর ছিল সুঠাম, সুদৃঢ়, ময়বুত ও বলিষ্ঠ। চেহারা মূবারক ছিল পরিপূর্ণ ও ভরা এবং শরীরের রঙ লাল ও সাদায় মিশ্রিত। রূহানী ভিত্তিতে তিনি তামাম দুনিয়া জাহানের ভেতর অগ্রগামী ছিলেন। অত্যধিক ‘ইবাদত-বন্দেগী তাঁকে বাজে ও অনর্থক বাক্য ব্যয়ের প্রতি ঘৃণা সৃষ্টি করে দিয়েছিল। অধিকাংশ সময় তিনি নীরব থাকতেন। চেহারা থেকে উন্নত শ্রেণীর পুণ্য ঝরে পড়ত। স্বভাব ছিল অত্যন্ত অমানসিক ও ন্যায়পরায়ণ। পরিচিত

ও অপরিচিত, সবল ও দুর্বল সবার প্রতি ছিল তাঁর একইরূপ দৃষ্টি। গরীব ও মিসকীনদের প্রতি ছিল তাঁর গভীর প্রেম ও দরদভরা ভালবাসা। গরীবদের তাদের দারিদ্র্যের কারণে যেকোনো ধরনের অবজ্ঞা মনে করতেন না, তদ্রূপ আমীর-উমারা ও ধনাঢ্য ব্যক্তিদেরও তাদের ক্ষমতা ও ধন-সম্পদের কারণে সম্মান করতেন না। সাহাবা এবং সাক্ষাৎ-প্রার্থীদের এতখানি খাতির-যত্নের সঙ্গে গ্রহণ করতেন যে, সাহাবাদের কখনো শক্ত জবাব দিতেন না এবং সাক্ষাৎ-প্রার্থীদের কথাও অত্যন্ত ধৈর্য ও সহিষ্ণুতার সঙ্গে শুনতেন— আর যতক্ষণ না তারা উঠত নিজে উঠবার ইচ্ছাও করতেন না। একইভাবে কেউ করমর্দন করলে তিনি নিজের হাত কখনই প্রথমে টেনে নিতেন না। যখন কোন ব্যক্তি কোন ব্যাপারে আলাপ-আলোচনা করত তখনও তাঁর এই অভ্যাস ছিল যে, তিনি নিজে আগে-ভাগে আলাদা হতেন না। অধিকাংশ সময় স্বীয় সাহাবাদের সঙ্গে মিলিত হওয়ার জন্য নিজেই গমন করতেন এবং তাঁদের খোঁজ-খবর নিতেন। নিজের বকরীগুলোর দুধ নিজেই দোহাতেন। নিজের কাপড় নিজেই সেলাই করে পরিধান করতেন। মিসকীনদের জায়গা দিতেন। এঁরা আহ্লে সুফফাঃ নামে ইতিহাসে খ্যাত। এঁরা ছিলেন নিঃশব্দ গৃহহীন আরব যাদের নিজের বলতে কিছুই ছিল না। রাতের বেলায় মসজিদে নববীতে শয়ন করত এবং দিনের বেলাও সেখানেই ওঠা-বসা করত। মসজিদের খোলা প্রাঙ্গণ ছিল তাঁদের ওঠা-বসার স্থান। তিনি খাবার খাওয়ার সময় তাঁদের দু'একজনকে সঙ্গে নিয়ে খেতেন এবং বাকীজনদের সাহাবাদের ভিতর বন্টন করে দিতেন যেন সেখান থেকে তাঁদেরও রিযিক মেলে।

আবু হুরায়রা বর্ণনা করেন যে, হযরত (সা) এই নখর দুনিয়া থেকে এভাবে বিদায় নেন যে, একবারও পেট ভরে যবের রুটি খাননি। অধিকাংশ সময় এমন হ'ত যে, দু' দুই মাস চুলো জ্বলত না এবং এ-সময়কার খাবার ছিল শুধু পানি এবং খোরমা। কখনও কোন সময় ক্ষুধার জ্বালা পেটে পাথর বেঁধে সহ্যে হতো।

এই বর্ণনায় অপরাপর আরব ঐতিহাসিকদের বর্ণনা থেকে এতটুকু আরও বর্ধিত হওয়ার দরকার যে, হযরতের নিজের নফসের উপর

অসীম নিম্নস্তর ছিল। তিনি ছিলেন অত্যন্ত উন্নত চিন্তাবিদ। খুবই স্বল্প ও সংযত বাক এবং সুদৃঢ় ইচ্ছাশক্তির অধিকারী ছিলেন তিনি। অনাড়ম্বরতা ছিল আশ্চর্য ধরনের। শরীর মূবারক অত্যন্ত পাক সফ রাখতেন। যখন তিনি বিপুল বিত্ত-সম্পদের অধিকারী তখনও কারও দ্বারা নিজের ব্যক্তিগত কাজ করান নি। কঠোর মেহনত ও পরিশ্রমের ক্ষমতা ছিল অসাধারণ। যে পরিমাণে কার্যক্ষম ছিলেন, সেই পরিমাণে ধৈর্যশীল ও শোকরঙহারও ছিলেন। আঠার বছর যাবত খেদমতে নিয়োজিত ছিল যে গোলাম, তার বর্ণনা হ'ল, 'এই সময়ের ভেতর অ'ই-হযরত (সা) কখনো তার উপর একবারও রাগ করেন নি।' যুদ্ধে ছিলেন সাহসী ও নিষ্ঠুর। বিপদ থেকে কখনও পিছু হটেন নি, আবার বিনা কারণে নিজেকে বিপদের মুখেও নিষ্কপ করতেন না। অতিমাত্রায় বীরত্ব ও সাহসিকতা মানুষকে অপরিণাম-দশী করে তোলে। তিনি কিন্তু তা ছিলেন না, বরং ছিলেন অতি মাত্রায় দুরদশী।

অ'ই-হযরত (সা)-এর সারা জীবনের চেষ্টা ও সাধনার ফলশ্রুতি এই ছিল যে, তাঁর ওফাতের পর সমগ্র আরব জাতি ছিল ঐক্য-বদ্ধ ও সংহত; তারা একই ধর্মের উপর প্রতিষ্ঠিত ছিল এবং একই খলীফার অনুগত ও ফরমাবরদার ছিল। অ'ই-হযরত (সা) যা হাসিল করতে চেয়েছিলেন এসব কি তারই ফলশ্রুতি ছিল?—এরূপ কিছু প্রমাণের প্রয়াস একেবারেই বাহ্যল্য। প্রকৃতপক্ষে যেসব কার্য-কারণ থেকে মানব ইতিহাসের বিভিন্ন ঘটনা সংঘটিত হয়েছে সে সব সম্পর্কে আমাদের জ্ঞান খুবই কম। ফলে সাধারণ ঐতিহাসিকরা এটাই ধরে নিয়েছেন যে, মহান ব্যক্তিদের চেষ্টা ও সাধনায় যে যোগফল অর্জিত হয়েছে—তা সবই তাদের দৃষ্টির আওতাধীন। কিন্তু এটা সহজেই প্রমাণ করা যায় যে, এই সাধারণ নিয়ম একেবারেই গলদ ও ভ্রান্তিপূর্ণ।

যা-ই হোক, এ ব্যাপারে তো কারো কোন সন্দেহের অবকাশ নেই যে, অ'ই-হযরত (সা) আরবের বৃক্কে যে শুভ ফলাফল ও পরিণতি সৃষ্টি করেছিলেন ইসলামের পূর্বে অপর কোন ধর্ম ও মযহাব (যার ভেতর য়াহুদী ও নাসারাও শামিল) তা সৃষ্টি করতে পারে নি। হযরত (সা)

আরববাসীর সঙ্গে সেই বাবহার ও আচরণ করেছিলেন যার পরিমাপ নিশ্চিন্ত জবাব থেকে খুব ভালভাবেই করা যেতে পারে যা হযরত ওমর (রা)-এর দূত ইরান সম্রাটের সম্মুখে আ'-হযরত (সা)-এর মহানুভবতা ও বদান্যতা সম্পর্কে দিয়েছিলেন। তিনি বলেছিলেন :

‘হে বাদশাহ! আমরা এমন হয়ে অবস্থায় ছিলাম যে, আমাদের ভেতর কতক তাদের পেট পোকা-মাকড় ও সাপ-বিচ্ছু খেয়ে ভরত। কতক লোক নিজেদের কন্যা সন্তানকে এ কারণে মেরে ফেলতো যেন তাদেরকে খানাপিনায় শরীক করতে না হয়। অজ্ঞতা, মূর্খতা ও মূর্তি-পূজার অন্ধকারে ফেঁসে বিনা আইন-কানুন ও লাগামহীন অবস্থায় সর্বদাই একে অপরের দূশমনীতে কোমর বেঁধে প্রস্তুত থাকতো। লুট-মার এবং পরস্পরে একে অন্যকে ধ্বংস সাধন আমাদের নিত্যকার কর্ম ছিল। এটি ছিল আমাদের প্রথম দিককার চিত্র। কিন্তু এখন আমরা একটি নতুন জাতি। আল্লাহ্ পাক আমাদের মধ্যে এমন একজনকে সৃষ্টি করেন যিনি বংশীয় আভিজাত্য, মর্যাদাবোধ ও উপলব্ধি শক্তিতে সমগ্র আরবের ভেতর ছিলেন অগ্রগামী। আল্লাহ্ তাঁকে স্বীয় নবী ও রসূল মনোনীত করেন এবং তাঁর মাধ্যমে আমাদেরকে জানিয়ে দেন,—‘আমি আল্লাহ্ একমাত্র ইলাহ্, পরমুখাপেক্ষীহীন, সমগ্র দুনিয়া ও আখেরাতের স্রষ্টা। আমার করুণা-সিদ্ধি তোমাদের জন্য একজন পথ-প্রদর্শক পাঠিয়েছেন তোমাদেরকে সঠিক ও সরলপথে আনয়ন করার জন্য। যে রাস্তায় তিনি হেদায়েত করেন—তা তোমাদেরকে সেই ‘আযাব থেকে বাঁচাবে যা আখেরাতে কাফের ও গোনাহ্-গারদের জন্য নির্ধারণ করা হয়েছে এবং তোমাদেরকে আমার ‘আরশের সামনে আরাম-আয়েশের স্থান পর্যন্ত পৌঁছে দেবে।’ এ শিক্ষা আমাদের অন্তরে পর্যায়ক্রমে প্রভাব ফেলে এবং আমরা আমাদের পয়গম্বরের হেদায়েত কবুল করি। আমরা মানি যে, আমাদের পয়গম্বরের মুখ-নিঃসৃত বাণী আল্লাহ্‌র কালাম এবং তৎকর্তৃক প্রদত্ত হুকুম-আহকাম আল্লাহ্‌রই আহকাম ও বিধান; যে মসহাব ও ধর্মের তা‘লিম তিনি দিয়েছেন তাই সত্য মসহাব ও সাক্ষা ধর্ম। তিনি আমাদের বিবেককে আলোকিত করেন এবং আমাদের জন্য আল্লাহ্-প্রদত্ত উপলব্ধি থেকে কানুন নির্ধারণ করেন।

ব্যক্তির সম্মান ও মর্যাদার পরিমাপ যদি তার কর্মের দ্বারা করা যায় তবে আমরা বলব যে, হযরত মানুষের ইতিহাসে বিরাট বড় ব্যক্তিত্ব হিসাবে অতিক্রান্ত হয়েছেন। প্রাচীন ঐতিহাসিকদের ধর্মীয় পক্ষপাতিত্বের কারণে তাঁর সকল কর্মের প্রতি পূর্ণ সুবিচার তারা করেন নি। কিন্তু আধুনিককালের ঐতিহাসিকগণ ন্যায়বিচারে আগ্রহভরে এগিয়ে এসেছেন। মৌসিয়ে বার্দ খলেমী সেন্ট হিলিয়ার—যিনি এ যুগের একজন খ্যাতনামা ঐতিহাসিক, অ'—হযরত সম্পর্কে লিখেছেন :

“হযরত মুহাম্মাদ স্বীয় যুগের আরবদের ভেতর সর্বাধিক বোধ-শক্তিসম্পন্ন, সর্বাধিক আল্লাহ্‌ওয়ালা এবং সবচেয়ে বেশী রহমদিল মানুষ ছিলেন। তিনি যা কিছু ক্ষমতা লাভ করেন—নিজস্ব ফযীলতের ভিত্তিতে করেন এবং তিনি যে ধর্ম ও মসহাব প্রচার করেন তা সে সব জাতিগোষ্ঠীর জন্য যারা এটাকে মনেপ্রাণে কবুল করেছে—একটি মহানেশ্বামতে পরিণত হয়েছে।”

এসব গুণ যা অন্যেরাও স্বীকার করেছেন—প্রতিটি শব্দসহ উদ্ধৃত করে দেওয়া হ'ল এজন্য যেন তার তুলনা করা যায় সেসব গুণ ও আচার-আচরণ দ্বারা যা দুনিয়ার বড় বড় সামরিক পর্যবেক্ষকের মতে—একজন জেনারেলের ভেতর থাকা উচিত। অ'—হযরত (সা)-এর প্রশংসনীয় গুণাবলীর আরও অধিক বর্ণনা সামনে অগ্রসর হয়ে করা হবে। কেননা এতদ্বিধ তাঁর পরিচালিত যুদ্ধসমূহের গুরুত্ব এবং তাঁর ব্যক্তিত্বের মর্যাদা ও শ্রেষ্ঠত্ব সঠিকভাবে মূল্যায়ন করা যাবে না, আত্মস্থ করা যাবে না।

অ'—হযরত (সা) একজন পগয়ম্বর হিসাবে যে মসহাবের প্রচার করেন তা অত্যন্ত সাদাসিধে ও আড়ম্বরহীন,—কিন্তু অত্যন্ত শানদার মসহাব এবং তা দু'টি ছোট্ট বাক্যে বলা যায় যা সামগ্রিকতা ও ব্যাপকতার দিক দিয়ে অর্থের একটি বিশাল দুনিয়ার সমাহার অর্থাৎ لا إله إلا الله محمد رسول الله (আল্লাহ্‌ ভিন্ন কোন ইলাহ্‌ নেই, মুহাম্মাদ আল্লাহ্‌র রাসূল)। এটাই সংক্ষিপ্ত ও সহজ সরলভাবে ইসলামের প্রাণস্বরূপ এবং একত্ববাদের নিশানা। এটাই ইসলাম ও মুসলমানদের শক্তি ও শ্রেষ্ঠত্বের উৎস। এ থেকে সাংস্কৃতিক কল্যাণের

যে স্রোতধারা প্রবাহিত হয় তা মানব জীবনের গোটা জগতকে প্লাবিত ও সবুজ শ্যামল করতে করতে পথ চলে।

তকদীর

কর্ম ও উপযুপরি কর্মের নাম হচ্ছে জীবন। আর ইসলাম এর সর্বোত্তম বিধান পেশ করে। কিন্তু স্বল্পবুদ্ধি, সংকীর্ণতা এবং ভুল দর্শনের আবেগ ও উৎসাহে তকদীর সংক্রান্ত 'আকীদাকে খুস্টানদের আঙ্গিকে পেশ করা হয়ে থাকে। এ কথার বৈধতায় প্রমাণ হিসাবে আমরা প্রথমে মশহূর 'ঈসায়ী রাহেব ও সংস্কারক লুথারের গ্রন্থ 'ঈসায়ী ময়হাবের সংস্কার'-এর একটি উদ্ধৃতি পেশ করছি। তিনি লিখেছেন :

'দুনিয়ার সমগ্র জাতিগোষ্ঠীর সকল ময়হাবী গ্রন্থে তকদীরের বিধান রয়েছে। প্রাচীন রোমান ও গ্রীকরা এর নাম রেখেছিল কিসমত বা ভাগ্য। এর ক্ষমতা এত বেশী বলে তারা ধরে নিয়েছিল যে, এ হচ্ছে সমগ্র দুনিয়ার শাহী মুকুট যার অনুসরণ মানুষ ও দেবতা উভয়ের জন্য বাধাতামূলক ছিল। যে সব ঘটনাকে কিসমত ঠিক করে দিত তা হামেশাই সংঘটিত হতো। ইসলাম ধর্ম তকদীরকে এর চেয়ে অধিক সম্মান দেয়নি যা সে অন্য ধর্মে পেয়েছে। আমি বরং এভাবে বলি যে, ইসলাম এতটুকু সম্মানও দেয়নি যতখানি আজ-কাল অন্য জ্ঞানী-পণ্ডিতমণ্ডলীর ধর্ম দিয়ে রেখেছে।'

লুথারের এই সমালোচনামূলক বিশ্লেষণ উল্লিখিত অভিযোগের একটা সীমা পর্যন্ত জবাব অবশ্যই বলা যেতে পারে। কিন্তু এর দ্বারা ইসলামের 'আকীদা এবং তকদীরের ব্যাখ্যা-বিশ্লেষণ হয় না।

লুথারের কথায়, তকদীর অথবা কিসমত-এর আকীদা দুনিয়ার সমস্ত ময়হাবেই বিদ্যমান এবং একে স্থবিরতা, অসহায়তা এবং নিষ্ক্রিয়তার সাফাই বানিয়ে পেশ করা হয়। কিন্তু ইসলামে এমত ধারণা ও এই আকীদার কোন সুযোগ বা অবকাশ নেই। সে গোড়া থেকেই একে অস্বীকার করে ঘোষণা করে *ليس للانسان الا ماسعى* "মানুষের ভাগ্যে তাই মিলে থাকে যার জন্য সে চেষ্টা করে।" সমর্থন ও

সম্মতির শর্তসাপেক্ষ সাধনা ও কর্ম ইসলামের সকল শিক্ষার মূল কথা। ব্যক্তি থেকে নিয়ে সমষ্টি পর্যন্ত সব কিছুর উপর একই কানুন ক্রিয়াজীবী ও ব্যাপ্ত। যদি স্থবিরতা ও নিষ্ক্রিয়তা হয় তার আদর্শ তবে তার নতীজাও হবে সেই মুতাবিক; আর যদি চেষ্টি-সাধনা ও সক্রিয়তা হয় তার আদর্শ—তবে তাঁর পরিণতিও সেই মুতাবিক হবে। এটা হতে পারে না যে, চেষ্টি ও সাধনা করা হবে না, অথচ অবস্থা ও ফলাফল ইচ্ছামাফিক বাস্তবায়িত হবে অথবা নিজের অবস্থা বদলাবার কিংবা উন্নতির শীর্ষে পৌঁছবার জন্য নিজে চেষ্টি করবে না, বিপদ ও সমস্যা-সংকটের পথ থেকে ভয়ে নিরাপদ অবস্থানে গিয়ে বসে থাকবে আর আমাদের অবস্থা বদলে যাবে। ইসলাম বলে, আল্লাহ্‌ সে জাতির অবস্থার পরিবর্তন করেন না যতক্ষণ পর্যন্ত না তারা নিজেদের অবস্থা নিজেরাই পরিবর্তন করে। অতঃপর এখানেই শেষ নয়। নিরাশ হওয়া, হিম্মত হারিয়ে বসে থাকা—তার মতে কুফরী। ব্যর্থতা, দুঃখ-কষ্ট ও বিপদ-আপদের পাহাড়ই নেমে আসুক না কেন সর্বাবস্থায় সে শোকরওয়ার ও ধৈর্যশীল থাকতে উপদেশ দেয়। আল্লাহ্‌র রহমত থেকে নিরাশ হতে সে বারণ করে এবং বলে **لَا تَقْطُرُوا مِنْ رَحْمَةِ اللَّهِ** (আল্লাহ্‌র রহমত থেকে নিরাশ হ'য়ো না)। যদি তকদীরের অর্থ তাই হয় যা সাধারণভাবে মনে করা হয়ে থাকে—অথবা ভুল দর্শনের আবেগে পেশ করা হয়ে থাকে তাহলে অ'-হযরত (সা)-এর জীবনে তার নমুনা মেলা উচিত ছিল। কেননা রসূল করীম (সা)-ই ইসলামের প্রাণ-প্রতিষ্ঠাতা, আইন-রচয়িতা এবং এর সর্বাঙ্গ বড় জ্ঞানী ও আদর্শ পুরুষ ছিলেন। প্রতিটি লোক তাঁর পবিত্র জীবনের বড় বড় ঘটনাবলীর উপর সাধারণ দৃষ্টি নিষ্ক্ষেপ করেও দেখে নিতে পারে যে, তাঁকে কেমন সব কঠিন কঠোর বিপদ-সমুদ্র পাড়ি দিতে হয়েছে—কেমন সব দুষমনের মুকাবিলা করতে হয়েছে। ইসলামের প্রচার ও প্রসারের পথে কি ধরনের বাধা ও প্রতিবন্ধকতা এসে সামনে দেখা দিয়েছে, অতঃপর তিনি কি কি উপায়ে সে সবার উপর কামিয়াবী হাসিল করেছেন, করেছেন সাফল্য অর্জন; কীরূপ ধৈর্য, শৈর্ষ ও সহিষ্ণুতার সঙ্গে কাজ করেছেন এবং কেমন সব কঠিন অবস্থা কাটিয়ে আল্লাহ্‌র কলেমাকে বুলন্দ করেছেন। যদি

তকদীরের মর্ম তাই হ'ত যা পেশ করা হয়ে থাকে তাহলে আঁ-হযরত (সা)-এর কী প্রয়োজন ছিল সে সব মুসীবত ও কঠিন অবস্থা বরদাশ্ত করবার, আত্মীয়-অনাত্মীয়ের, পরিচিত ও অপরিচিতের শত্রুতা ক্রয়ের? জীবনকে বিপদের মুখে নিষ্ক্ষেপেরই বা কী প্রয়োজন ছিল? অনিবার্য তকদীর মুতাবিক যা হবার তা তো হ'তই! আর যদি জরুরত দেখা দিত তবে পয়গম্বর হিসেবে, রাসূল হিসেবে তিনি আল্লাহ্ পাক থেকে 'তকদীর' বদলিয়ে নিতেন, কষ্টকাকীর্ণ তকলীফ বহন করতে হ'ত না তাঁকে, দূশমন হ'ত না কেউ, প্রয়োজন পড়ত না হিজরতের এবং পরিণতিও যুদ্ধ ও জিহাদ পর্যন্ত গড়াত না।

কিন্তু এর অর্থ এও নয় যে, চেষ্টা-সাধনা ও তদবীরই সকল কর্মের একমাত্র নিয়ণ্ডা এবং সকল কামিয়াবী ও সাফল্যের অপরিহার্য অঙ্গ। যেই চেষ্টা করবে, হাত-পা নাড়া-চাড়া করবে, চেষ্টা ও সাধনাকে কর্মে রূপান্তরিত করবে,—সেই হবে কামিয়াব এবং পৌঁছবে স্বীয় অভীষ্ট লক্ষ্যে। ইসলামে চেষ্টা ও সাধনা এবং বিশুদ্ধ কর্মের শিক্ষা সমর্থন ও সম্মতি (তসলীম ও রেযা)-র সঙ্গে শর্তযুক্ত। প্রয়াস ও আমল (কর্ম)-এর মূল উৎস মানুষের হাতেই রাখা হয়েছে এবং ফলাফল রাখা হয়েছে আল্লাহ্‌র হাতে। ইসলাম বলে: তোমরা পরিশ্রম করো, চেষ্টা ও সাধনা চালিয়ে যাও আর ফলাফলের ভার আল্লাহ্‌র উপর সোপর্দ কর। এরই নাম 'তসলীম ও রেযা' বা সমর্থন ও সম্মতি এবং একেই আল্লাহ্‌র ইচ্ছা হিসাবে ব্যাখ্যা করা হয়। তোমরা কার্যকারণ বিশ্বে রয়েছো। তাকে দিয়ে কাজ নেওয়া এবং চেষ্টা তদবীর করা তোমাদেরই কাজ। তাকে ফলিত রূপ দেওয়া ও ফলাফল দান আল্লাহ্‌র কাজ। তাকে আল্লাহ্‌র উপরই ছেড়ে দাও। এটা জীবনের সৌন্দর্য ও কর্মদর্শনের কত বড় গোপন রহস্য! যদি পরিশ্রম ও কর্মেরই নাম হয় জীবন তবে ইসলাম তাকে উত্তম ও উৎকৃষ্ট বানাবার কেমন সূক্ষ্ম রহস্য শিখিয়েছে এবং তার তিঙ্কতা ও ব্যর্থতার বোঝা হালকা করে তাকে কত সুন্দর বানিয়েছে! যদি এ না হ'ত তাহলে হযরত আকরাম (সা) যুদ্ধের ময়দানে সমরশাস্ত্র ও রণকৌশলের অভিজ্ঞ ও নিপুণ কলা-কৌশল অবলম্বন করার পরও শেষে আল্লাহ্‌র দরবারে সিঁজদাবনত হয়ে দু'আ করতেন না এবং

তাঁর সাহায্য ও সহযোগিতা কামনা করে প্রার্থনা জানাতেন না। এরপর মুসলমানরা যখন ঘাবড়িয়ে গিয়ে বলা শুরু করল **اللَّهُمَّ نَصْرُكَ** “আল্লাহর সাহায্য কখন আসবে”—তখন সান্ত্বনাসূচক আল্লাহর ফরমান আসতো না **وَأَنْتُمْ الْأَعْلَوْنَ إِنْ كُنْتُمْ مُؤْمِنِينَ** “তোমরাই বিজয়ী হবে যদি তোমরা মু’মিন হও।”

গ্রন্থের উদ্দেশ্য ও লক্ষ্যের দিক দিয়ে তকদীরের এই ব্যাখ্যা-বিশ্লেষণ সম্ভবত যথেষ্ট হবে এবং এটুকুও আমরা এজন্য জরুরী মনে করেছি যে, আঁ-হযরত (সা) ও তাঁর খলীফা চতুর্দশের স্বাভাবিকতার উর্ধ্বের কামিয়াবী ও সাফল্য এবং বিভিন্ন যুদ্ধে মুষ্টিমেয় মুসলমানের পক্ষে বিপুল সংখ্যক কাফের ও মুশরিকদের উপর বিজয়লাভ ও প্রাধান্য প্রতিষ্ঠাকে আজও বহু লোক তকদীরের কারসাজি ভেবে থাকে এবং মুসলিম মিল্লাতের অবনতি ও পশ্চাদপদতাকে তকদীরের পূন্য আঁচলের সঙ্গে জুড়ে দেয়। অথচ আঁ-হযরত (সা) ও তাঁর খলীফা-গণের পবিত্র গোটা জিন্দেগীই ছিল আপাদমস্তক কর্মমুখর এবং চিন্তা ও কর্মের গোটা অবয়ব ছিল দৃঢ় ও মযবুত, তাঁর দিল ছিল নিষ্ঠা ও আল্লাহর প্রতি সমর্পিত-চিন্তিতা দ্বারা ভরপুর। এজন্য আল্লাহ তা‘আলার সাহায্যও তাঁদের কর্মের অন্তর্ভুক্তী ছিল। দেশ জয় করেছে রাসুলের পদাংক অনুসারীরাই এবং তারাই করেছে যারা ছিলেন বোধ-শক্তি ও দূরদর্শিতা, কৌশল ও জ্ঞানবত্তা, দূরদৃষ্টি ও আত্মদর্শিতা, মিষ্টি ব্যবহার ও অনাড়ম্বরতা, সহমতিতা ও ন্যায়পরায়ণতা, দ্রাতৃত্ব ও সৌজন্যবোধ, ধৈর্য ও সহনশীলতা প্রভৃতি গুণে গুণান্বিত এবং যারা যুদ্ধের মঞ্চদানে রণকুশলতা, রাষ্ট্রনীতি, সুযোগ-সন্ধানী প্রভৃতি অব্যর্থ অস্ত্রের সাহায্য নিয়েছেন। আল্লাহর কানুন ও বিধান সর্বদাই একইরূপ আর কখনোই তা বদলায় না। অগ্রবর্তীদের জন্য যেমন বদলায় নি, তেমনি পশ্চাদ্বর্তীদের জন্যও বদলাবে না। তিনি তাঁর পরিপূর্ণ রহমত দ্বারা আঁ-হযরত (সা)-এর জীবনোপকরণ, তাঁর কর্ম এবং তাঁর সাফল্যের সর্বোত্তম নমুনা পেশ করে দেখিয়ে দিয়েছেন। তাঁর তকদীর তথা অনুকরণ, জীবনের সর্বস্তরে সকল শাখায় তাঁর পদাংক অনুসরণ এবং দিল ও দিমাগ—দু’টোরই চোখ খুলে করা—আমাদের কাজ।

নিজের যুগেরই দৃষ্টান্ত নিন না। অতীতের কোন বড় ও বিখ্যাত ব্যক্তির জীবনচরিতের উপর দৃষ্টি নিক্ষেপ করুন। তাদের খ্যাতি, নাম ও মাহাত্ম্যের কারণ কি? কেন তারা অন্যদের থেকে বিশিষ্ট হয়ে রইলেন? কেন অন্যেরা তাঁকে তাদের অনুসরণযোগ্য ও নেতা বানাল? এজন্য যে, তিনি নিজের ভেতর কতিপয় গুণ সৃষ্টি করে তার উন্নতি ঘটিয়েছেন, দিল-দিমাগের যোগ্যতাগুলোকে সঠিক-ভাবে কাজে লাগিয়েছেন; আর এজন্যই তিনি অন্যদের তুলনায় সম্মতি লাভ করেছেন। লোকেরা তাঁর কথা মেনে নিয়েছে। যদি না মেনেছে, তবে আপন শক্তির সাহায্যে মানিয়েছেন। সকল কিছুই একচ্ছত্র মালিক হয়ে বসেছেন। সম্মান ও মর্যাদা হাতজোড় করে তাঁর সামনে দাঁড়িয়ে গেছে, উত্থান ও ক্ষমতার মসনদ পদতলে এসেছে এবং সব কিছুই যা হবার হয়ে গেছে। কায়েদে আজম, লেনিন, হিটলার, মুসোলিনী, গান্ধী প্রমুখ ব্যক্তিত্ব এবং তাঁদের কর্মধারা এই তো সেদিন শেষ হ'ল। তাঁরা তাঁদের তকদীর নিজ হাতে গড়েছেন এবং জাতির পরোপকারী বন্ধু ও অনুসরণীয় ইমাম বনে গেছেন। উত্থানের চরম শীর্ষে পৌঁছে জগৎ সমগ্র নিজেদের স্থায়ী ছাপ রেখেছেন। তাঁদের হৃদয় আকরাম (সা)-এর সঙ্গে এতটুকু সম্পর্কও নেই যতটুকু আছে আসমানের সঙ্গে যমীনের। আল্লাহ্ তা'আলা তাঁকে সমগ্র মানব জাতির জন্য রহমতস্বরূপ পাঠিয়েছিলেন। তাঁর পবিত্র জীবন প্রথম থেকে শেষ পর্যন্ত একটি আদর্শ নমুনা ও সবকস্বরূপ। তাঁর হেদায়েতের ফয়েয ও তরবিয়ত থেকে আরবের মরু সিংহাসন দুনিয়ার জন্য রহমত ও বরকতে পরিণত হয়; বুদ্ধিমত্তা ও দূরদর্শিতা এবং 'ইলম ও 'আমলের এমনই ঝর্ণাধারা উৎসারিত হয় যে, সমগ্র দুনিয়া প্লাবিত হয়ে যায়। কিন্তু মিল্লাতের কাফেলা এখন হারিয়ে যাওয়ার পথে এবং মঙ্গল ও কল্যাণের একমাত্র রাস্তা পরিত্যাগ করে পথভ্রষ্ট হয়ে এদিক ওদিক ঘুরে বেড়াচ্ছে। হায়! এ কাফেলা যদি তার মূলের দিকে প্রত্যাবর্তন করতো। হায়! সকল রাস্তা থেকে মুখ ফিরিয়ে নিলে এবং দুনিয়ার নেতৃত্বের সঙ্গে সম্পর্ক ছিন্ন করে পুনরায় সেই করুণা-সিন্দুর গুণাবলী থেকে যদি ফয়েয হাসিল করতো যার ফয়েয থেকে মানবতা নিরাপত্তা পেয়েছে, মুসলিম কওম নেতৃত্বের আসনে সমাসীন হয়েছে; দেশজয়

তাদের মীরাছ হয় আর সম্মান ও প্রভাব-প্রতিপত্তি হয় তাদের সম্মানসূচক উপাধি।

হিজরত : প্রতিরক্ষার দৃষ্টিকোণ থেকে

গত অধ্যায়ে অ'ই-হযরত (সা)-এর জন্ম সন থেকে হিজরত পর্যন্ত ঘটনাবলী বিভিন্ন ইতিহাস ও সীরত গ্রন্থ থেকে গ্রহণ করে সংক্ষিপ্তভাবে পেশ করা হয়েছে। এখন তাঁর পবিত্র জীবনের সেই অংশের উপর আলোকপাত করা হচ্ছে যা সাধারণত অন্ধকারে থেকেছে। যদিও আমাদের অবস্থা স্বর্ণকারের দোকানের ছাইয়ের মত যা এজন্য পরিষ্কার করা হয় যে, তার ভেতর থেকে স্বর্ণ-রৌপ্যের সামান্য কিছু হলেও পাওয়া যেতে পারে। এতে কখনো সে সফল হয়, আবার কখনো ব্যর্থতাও স্বীকার করতে হয়। ঠিক এভাবেই অবস্থা ও ঘটনাবলীর স্তূপের মধ্য থেকে আমরাও কাজের মণিমুক্তা বের করবার কোশেশ করেছি। কিন্তু আসল কাজ এই যে, বাজে, বেহুদা ও বাহন্য বিষয়বলী এবং কল্প-কাহিনী থেকে পবিত্র করে সেগুলোকে কার্য-কারণের যৌক্তিক সম্বন্ধের সাথে পেশ করা যেন হযর আকরাম (সা)-এর জীবনের সেই দিক সামগ্রিকভাবে সামনে এসে যায় যা ব্যক্তি-বিশেষ ও সর্বসাধারণ সবার নজরেই লুকায়িত রয়ে গেছে এবং যার উপর চিন্তা ও গবেষণা করা এবং যাকে দিবালোকে নিয়ে আসার ব্যাপারে সম্ভবত কেউই চেষ্টা করে নি।

গয়ওয়া এবং সাধারণ যুদ্ধের ভেতর অর্থগত কোন পার্থক্য নেই— শুধুমাত্র পারিভাষিক পার্থক্য রয়েছে। গয়ওয়া সেই যুদ্ধকে বলা হয় যে যুদ্ধে নবী করীম (সা) অংশ গ্রহণ করেছেন এবং যে যুদ্ধে স্বয়ং তিনি নেতা ও সৈন্যবাহিনীর অধিনায়ক হিসেবে শরীক হয়েছেন। এতদ্বিল্প আরও একটি পার্থক্য প্রভাব ও ফলাফলের দিক দিয়েও রয়েছে এবং তা এই যে, গয়ওয়ার পর লোকজনের জীবনে শান্তি ও নিরাপত্তা, আরাম ও প্রশান্তি এবং খোশহাল ও প্রাচুর্য নেমে এসেছে। আর সাধারণ লড়াই সর্বদাই ধ্বংস ও বদহাল, নৈতিক ও চারিত্রিক অধঃপতন এবং দারিদ্র্য ও পেরেশানী এনে থাকে।

অনন্তর গয়ওয়ান আর একটি বৈশিষ্ট্য এটাও যে, এতে আঁ-হযরত (সা)-এর হামেশাই জয়লাভ ঘটেছে এবং কাফের ও মুশরিকদের ঘটেছে পরাজয়। এদিকে সৈন্যাধিক্য, সমরোপকরণ ও আঘাত হানার মত অস্ত্রের প্লাবন এবং ধন-দৌলতের প্রাচুর্য, আর ওদিকে সৈন্যের সংখ্যালভা, ফৌজ ও জরুরী সাজ-সামানের ঘাটতি : শুধুমাত্র আল্লাহর উপর তাওয়াক্কুল। অধিকাংশ রসদপত্রই নেহাত মা'মুলী ধরনের। দশমন ডংকা বাজাচ্ছে, বছরের পর বছর ধরে প্রস্তুতি চালাচ্ছে, বড় বড় সমাবেশ করছে, কিন্তু ক্ষতিগ্রস্ত হচ্ছে এবং ব্যর্থতা বরণ করছে। এখন প্রশ্ন হচ্ছে যে পরিণতি ও ফলাফলের এই যে পার্থক্য ও বৈপরীত্য—তা কোনরূপ গুরুত্ব রাখে কিনা। রূপকথা ও গল্প-কাহিনীর মত সেগুলোও কি পাঠ করে উপেক্ষা করতে হবে? ইসলামের প্রচার ও প্রসার পথের প্রতিবন্ধকতাসমূহ দূরীভূত করা এবং দশমনের আক্রমণাত্মক অভিসন্ধির মুকাবিলা করার জন্য যুদ্ধবিগ্রহের এই সংগ্রামগুলো রাসূলুল্লাহ (সা)-এর মিশনে কি মাইলস্টোনের মর্যাদা রাখে না? এসব যুদ্ধে অস্বাভাবিক সাফল্য তাঁর বীরত্ব, দৃঢ় মনোবল, কৌশলী রাষ্ট্রনীতি ও সমরশাস্ত্রে অভিজ্ঞতার কি দলীল নয়? কিন্তু ঠিকই বলুন অথবা গাফলতি, অসাবধানতা কিংবা উপলব্ধিহীনতাই বলুন যে, অন্যেরা দূরের কথা, খোদ মুসলিম ঐতিহাসিক ও জীবন চরিতকারগণও হযরতের পবিত্র জীবনের এই দিকটিকে রূপকথা ও গল্প-কাহিনী বানিয়ে এভাবে পয়গম্বরসুলভ অধিকার ও অনৌকিকতা বলে অভিহিত করেছেন যে, এর উপর গভীর চিন্তা-ভাবনা ও মনোনিবেশ করার কখনো প্রয়োজনই অনুভব করা হয়নি। এমনিতে তো তাঁর প্রতিটি কথা ও কাজকে অবশ্যই পালনীয় বলা হবে, কিন্তু হিজরত পরবর্তী গোটা জীবন এবং সে জীবনের চেষ্টা-সাধনার খণ্ড খণ্ড দিকগুলো, তাঁর দূরদর্শিতার ব্যাপারগুলো দেখুন—দেখতে পাবেন ময়দান সাফ, সেখানে পরিপূর্ণ নিস্তব্ধতা ও বেখবর অবস্থা বিরাজ করছে। এগুলো না হাদীছের মধ্যে শামিল করা হয়, আর না করা হয় ওয়াজ-নসীহত কিংবা হেকমতের মধ্যে শামিল। এমন কি সীরত ও ইতিহাসের পৃষ্ঠাগুলোও খালি দৃষ্টিগোচর হয়। এটাই কারণ যে, কারুরই খেয়াল নেই যে, হযুর আকরাম (সা)-এর

জীবনের এই শেষ ও গুরুত্বপূর্ণ 'আমল যা কাফির ও মুশরিক এবং ইসলামের দুশমনদের ষড়যন্ত্র ও শত্রুতামূলক কার্যকলাপের মুকাবিলা করা, রাষ্ট্রীয় কার্যাদির ব্যবস্থাপনা ও নির্বাহকরণ এবং যুদ্ধের ময়দানে কাফির সৈন্যবাহিনীকে পশুদস্ত করতেই অতিবাহিত হয়েছে তা হেকমত, রাষ্ট্রনীতি ও সমরশাস্ত্রে অভিজ্ঞ নেতৃত্বের দিক দিয়ে এতটা গুরুত্বপূর্ণ যতটা গুরুত্বপূর্ণ তাঁর পবিত্র বাণী ও কর্মের অন্যান্য সমষ্টি ধর্মীয় ও জাগতিক কল্যাণের জন্য। এর থেকে যেমন উত্তম কোন বিধান নেই, ঠিক তেমনি দুনিয়ার ইতিহাসে এর দ্বিতীয় কোন নজীরও নেই। এই গাফিলতি ও অসতর্কতা প্রকাশের উদ্দেশ্য সমালোচনা কিংবা খুঁত ধরা নয়। আমার নিজের অযোগ্যতা অদূর-দর্শিতা সম্পর্কে আমি পুরোপুরি ওস্নাকিবহাল এবং এও জানি যে, নতুন কোন বস্তু আমি পেশ করছি না। কিন্তু আপনি যদি আঁ-হযরত (সা)-কে হাদীয়ে বরহক ও সাধারণের অনুসরণীয় মনে করেন তাহলে নবী জীবনের একটি বড় বরং সর্বাপেক্ষা বৃহৎ কর্মবহুল দিককে বিস্মৃত হয়ে ভক্তি ও আনুগত্যের দাবী করতে পারেন না। নবী জীবনের এই দিকটি আগাগোড়া কর্ম ও সাধনার দিক। এতে মূলনীতি থেকে খুঁটিনাটি পর্যন্ত প্রতিটি জিনিষ স্ব-স্থানে পরিপূর্ণ ও আপন মহিমায় প্রতিষ্ঠিত ও বিদ্যমান রয়েছে। আপনার কোন দিক দেখবার এবং কারো নেতৃত্ব ও অভিজ্ঞতার খাঞ্চা থেকে কিছু খুঁজে নেবার দরকার নেই। হযুর আকরাম (সা)-এর ব্যক্তিসত্তা ও প্রশংসনীয় গুণাবলী ভিন্ন দুনিয়ার কোথাও সঠিক ও বিশুদ্ধ নেতৃত্ব এবং নিপুণতা মিলবে না, মিলতে পারে না। এখানে আপনি প্রতারিত হবেন না। মূলনীতি, কর্ম-পদ্ধতি এবং খুঁটিনাটি কর্মকাণ্ড সব তাই আছে যা প্রথমেও ছিল। শুধুমাত্র উপকরণ, শব্দরাজি ও নাম বদলে গেছে।

হিজরতের ঘটনা ও ঐতিহাসিকদের নীরবতা

অবস্থা যা-ই হোক এ পর্যায়ে আমরা হিজরতের এই দিকটি সম্পর্কে আলোচনা কররা চেষ্টা করব। এতে ভুল-ভ্রান্তি, অসতর্কতা-

হুটি-বিচুতি হওয়া অবাস্তব কিছু নয়। বহু ঘটনা এমনও হতে পারে যা আমাদের পর্যন্ত পৌঁছেনি। কিন্তু এই প্রচেষ্টা দ্বারা এটা সম্ভব যে, বিশ্লেষণ ও অনুসন্ধানের আগ্রহ সৃষ্টি হবে এবং সৌভাগ্য যুগের ঘটনা-বলীর মণি-মুক্তাগুলো এক একটি করে সাধারণের দর্শনীয় স্থানে এসে যাবে। মুসলিম ঐতিহাসিকদের এই অসাধারণতার অভিযোগ অধ্যাপক কে. হিট্রিও করেছেন। তিনি লিখেছেন,

‘হযরতের প্রাথমিক বয়স, সাবালকত্ব লাভ এবং ইসলামের দাওয়াত জানাবার ক্ষেত্রে চেষ্টাও সাধনার বিস্তারিত ও সুগৃহীত ইতিহাস পাওয়া যায় না। যদিও কুরআন মজীদে বিভিন্ন ঘটনা বিদ্যমান রয়েছে, কিন্তু এর উপর মুসলিম ঐতিহাসিকবৃন্দের পর্যালোচনা থেকে আমরা মাহরুস। আজও আমাদের সামনে এ প্রশ্ন উপস্থাপিত যে, হযরত মুহাম্মাদ (সা)-এর মত দৃঢ় মনোবলসম্পন্ন মানুষ—যাঁকে আল্লাহ্ পাক নবুওত দ্বারা ধন্য করেছেন—মক্কা থেকে মদীনা কেন গেলেন।’

অধ্যাপক মহোদয়ের শব্দসমষ্টি অত্যন্ত মাজিত এবং তা থেকে সন্দেহ ও খটকার সেই ব্যাখ্যার সন্ধান মেলে যা কোন ন্যায্যপরামর্শ ও উদ্র অমুসলিমের অন্তরে সৃষ্টি হতে পারে। অন্যথায় প্রতিপক্ষের বিদ্রূপ তো এমন হবে যে, হযরত সাহস ও হিম্মত হারিয়ে চলে যান এবং একে প্রকাশ্যভাবে বলতে গেলে Flight অর্থাৎ ফেরার হওয়া বা পালিয়ে যাওয়া বলে। এই অভিযোগ কি ঠিক? এ পর্যন্ত এর যে জবাব দেওয়া হয়েছে তা হ’ল এটা ফেরার নয় বরং হিজরত যা আল্লাহ্ তা’আলার নির্দেশ মূতাবিক হয়েছে এবং তার সুফল ও উপকারিতা সাধিত হয়েছে অনেক। কিন্তু প্রতিপক্ষ এর জবাব ঈমান ও আকীদা-বিশ্বাস দ্বারা কিংবা হিজরত পরবর্তী অবস্থা দ্বারা নয়, বরং হিজরতের পূর্বকার পরিচকার ঘটনাবলী ও যুক্তিপূর্ণ দলীল-প্রমাণ দ্বারা এর জবাব চায়। যদিও কতক অমুসলিম ঐতিহাসিক সুবিচারের পথ প্রশস্ত করাতে, পক্ষপাতিত্ব ও শত্রুতার উর্ধ্বে উঠবার চেষ্টা করেছেন, কিন্তু তাদের থেকে কোন সঠিক ওকালতী কিংবা যুক্তিপূর্ণ দলীল-প্রমাণ আশা করা যায় না। সূতরাং অধ্যাপক হিট্রিও সামনে অগ্রসর হয়ে লিখেছেন যে, হিজরতের পরিকল্পনা শুধু মক্কা থেকে পালিয়ে যাবার উদ্দেশ্যে ছিল না, বরং দু’বছর

যাবত অবিরাম চিন্তা-ভাবনারই ফলশ্রুতি ছিল। মহানুভব অধ্যাপক এর চাইতে সামনে অগ্রসর হলে কিছু লিখতেও পারেন না। এজন্য আমরা তাকে কোন প্রকার দোষও দিই না। আমাদের অভিযোগ হচ্ছে মুসলিম ঐতিহাসিকদের বিরুদ্ধে। তারা এ ব্যাপারে একেবারে নীরব। তাঁদের মধ্যে একজনও এর উপর ইতিহাস ও ঘটনাবলীর সঠিক দৃষ্টিকোণ থেকে বিষয়টি পর্যালোচনা করবার প্রয়োজন অনুভব করেন নি।

হিজরতের কারণ

হিজরতের কারণসমূহ বোঝবার জন্য রসূল করীম (সা)-এর জীবনের উদ্দেশ্য ও লক্ষ্য সামনে রাখা প্রয়োজন। তাঁর জীবনের লক্ষ্য একটি, সুফ একটিই ছিল আর তা হ'ল 'কলেমায়ে হক'-এর সমুন্নতি এবং ইসলামের দাওয়াত।

এই কাজে প্রথম প্রথম যে সব কঠিন ও শক্ত বাধা-বিপত্তি সামনে এসে দেখা দেয় এবং দিন দিন যে গতিতে তা বর্ধিত হতে থাকে তার সংক্ষিপ্ত অবস্থা আপনারা বিগত অধ্যায়ে পড়েছেন। এখানে আমরা বলতে চাচ্ছি যে, কাফির ও মুশরিকগণ তাঁর বিরোধিতায় যে এতটা কঠোরতা অবলম্বন করেছিল, তার প্রকৃত ও মূল কারণ কি ছিল এবং কেন একজন মাত্র মানুষের মুকাবিলায় গোটা জাতি কোমর বেঁধে খাড়া হয়ে গেল। আর যতই তাঁর আওয়াজ বুলন্দ হতে থাকল তাদের পেরেশানী বাড়তে থাকল। এমন কি তারা শক্তি প্রয়োগ ও প্রভাব-প্রতিপত্তির যাবতীয় উপায়-উপকরণ কাজে লাগিয়ে হযরতের জীবন দুবিষহ করে তুললো।

এর জবাবের জন্য যদি আপনি ইসলামের ভাসাভাসা তারিফ অতিক্রম করে একটু গভীরতার দিকে অবতরণ করতে চেষ্টা করেন তবে আপনি জানতে পারবেন যে, ইসলাম এসেছিল মানব জীবনের প্রতিটি দিকের আমূল পরিবর্তন করে তারা অগ্রগতি সাধনের জন্য। ধানাপিনা, ওঠা-বসা, কথাবার্তা, লেন-দেন, জায়েয-না-জায়েয, হারাম

ও হালাল, মোট কথা সাংস্কৃতিক ও সামাজিক, নৈতিক ও ব্যবহারিক জীবন থেকে শুরু করে 'ইবাদত পর্যন্ত প্রতিটি বস্তুতে ইসলাম তাকে পরিপূর্ণতার সর্বোচ্চ চূড়ায় পৌঁছাতে চায়। সে তার সহজাত প্ররক্তিকে ভারসাম্যের হাঁচে ঢালাই করে মর্যাদা ও শ্রেষ্ঠত্বের উচ্চ শিখরে প্রতিষ্ঠিত করতে এসেছে যাতে করে আব্বাছাহর ইচ্ছা ও মজি তার জীবনের প্রতিটি ক্ষেত্রে প্রচলিত ও প্রবাহিত হয়। তার অস্তিত্ব ও অস্তিত্বের সকল আকর্ষণ যেন আব্বাছাহ তা'আলার আদেশ ও নিষেধ-সমূহের অনুসরণে নিবেদিত হয়। অনাভাবে বলা যায়, ইসলামী শিক্ষার উদ্দেশ্যসমূহ নিম্নরূপ :

১. মানুষ পশু থেকে ইনসান হয়েছে।
২. ইনসান থেকে চরিত্রবান ইনসান হয়েছে।
৩. চরিত্রবান ইনসান থেকে আব্বাছাহ ওয়ালা ইনসান হয়েছে।

কিন্তু এসব লক্ষ্য ছিল আরববাসীদের জীবনের রীতি-পদ্ধতি, উত্তরাধিকার সূত্রে প্রাপ্ত রসম-রেওয়াজের একদম বিপরীত। আরব-বাসীরা এটা মেনে নিতে প্রস্তুত ছিল না যে, তারা বিনা আপত্তিতে ও কোনরূপ টু শব্দটিও না করে তা পরিত্যাগ করবে। তারা তাদের প্ররক্তিজাত কামনা-বাসনাকে দুনিয়ার সমস্ত নৈতিক বাধ্য-বাধকতার উপর অগ্রাধিকার দিত। এতে যে সব বাধা ও প্রতিবন্ধকতা দেখা দিত সেগুলোকে তারা কট্টর বিরোধী হিসাবে চিহ্নিত করতো। প্ররক্তিজাত কামনা-বাসনার বাস্তবায়ন ছিল তাদের নিকট জীবন-মরণের প্রম্ন।

আযাদী ছিল আরবদের জীবনের সব চাইতে মূল্যবান সম্পদ। নিজেদেরই কোন লোকের আহবানে সাড়া দেওয়া এবং উত্তরাধিকার সূত্রে প্রাপ্ত 'আকীদা-বিশ্বাস ও উপাস্য দেবতাসমূহকে পরিত্যাগ করে তাঁকে ধর্মীয় ও মাহহাবী নেতা ও জাগতিক কর্তা-ব্যক্তি মেনে নেওয়া ছিল তাদের নিকট সম্পূর্ণ অসম্ভব ব্যাপার। সর্দার হতেন বংশের বয়ো-জ্যেষ্ঠ ব্যক্তি আর উপাস্য ও পূজনীয় হ'ত কাঠ কিংবা পাথরের মূর্তি। বন্দিয়ান লোক ছাড়া কোন অল্পবয়স্ক বালককে নেতৃত্বের আসনে সমাসীন করা ছিল যেমন অসম্ভব, আর মূর্তিপূজা পরিত্যাগ করাও ছিল তেমনি অসম্ভব ব্যাপার। আর তাই ইসলামের দাওয়াত এমন

একটি ব্যাপার হিসাবে পরিগণিত হয় যার বিরোধিতা করা বংশীয় সর্দার এবং বয়োজ্যেষ্ঠদের জন্যও ছিল অপরিহার্য।

অতঃপর এই দাওয়াত প্রাচীন প্রথা-পদ্ধতি এবং মাযহাব ও 'আকীদার উপরই হামলা ছিল না,—নৈতিক সংস্কৃতি ও তমদ্বুনের গোটা উত্তরাধিকারের জন্য চ্যালেঞ্জও ছিল। অথচ এটা ছিল আরবদের সর্বাপেক্ষা গর্বের ধন। মাযহাব ও 'আকীদা-বিশ্বাস এবং সাংস্কৃতিক উত্তরাধিকার সুলে তাদের সম্মান ও প্রভাব প্রতিসত্তিই শুধু কায়েম ছিল না, জীবিকার উপায়-উপকরণও এর সঙ্গে ছিল জড়িত। মস্কার পূজামণ্ডপ এবং সে সব পূজামণ্ডপের প্রথা-পদ্ধতি শুধু মস্কাবাসীদের বিভিন্ন বংশ ও খান্দানের সম্মান ও মর্যাদার মাধ্যমই ছিল না, জীবিকার আয়-আমদানীরও উৎস ছিল। যে সব যিয়ারতের উদ্দেশ্যে লোকজন দেশের দূর-দরাজ এলাকা থেকে আগমন করতো আর তাদের মেহমানদারী, দেখাশোনা ও খাতির-যত্নের বিনিময়ে মস্কাবাসী বিপুল টাকা-পয়সা উপার্জন করতো। বাষিক যিয়ারত উপলক্ষে মস্কায় একটি বড় মেলা বসতো যা থেকে মস্কাবাসীদের ব্যবসা-বাণিজ্যের শ্রীর্দ্ধিই শুধু ঘটতো না, ঘরে বসেই খাওয়া পরার সকল সাজ-সামানও মিলে যেত। মস্কায় না ছিল ক্ষেত-খামার, না ছিল কোন শিল্প। মৃত্তি-ঘরের খ্যাতি ও তার কেন্দ্রীয় মর্যাদা হবার কারণে এশিয়ার দেশগুলোর বণিকেরা দূর-দরাজ দেশ থেকে মালমত্তা নিয়ে আসতো এবং মস্কার ব্যবসায়ীরা সেগুলো খরিদ করে ইউরোপ ও আফ্রিকার দেশগুলোতে নিয়ে যেত। এটাই ছিল প্রধান রহস্য যাকে মস্কাবাসীরা অত্যন্ত হুশিয়ারীর সঙ্গে নিরাপদ রেখেছিল। ইউরোপ ও আফ্রিকাবাসী দীর্ঘ দিন ধরে এটাই মনে করে আসছিল যে, গরম মসলা, হাতীর দাঁত ও চা ইত্যাদি খাস আরবের উৎপন্নজাত দ্রব্য। এ রহস্য সেই সময় পর্যন্তও রহস্য ছিল যতদিন পর্যন্ত ইউরোপীয়রা সমুদ্র পার হয়ে হিন্দুস্তান, চীন প্রভৃতি দেশে না পৌঁছতে পেরেছে।

মস্কার বণিকদের বিশ্বাস ছিল যে, এই নতুন মাযহাব দ্বারা কা'বার পূজা-মণ্ডপের কেন্দ্রীয় মর্যাদা ও গুরুত্ব বিপদের সম্মুখীন হবে এবং তার অস্তিত্ব বিপন্ন হলে তাদের ব্যবসা-বাণিজ্যের ক্ষতি হবে। এর সঙ্গে কুরায়শদের সর্দারী ও মান-মর্যাদাও যাবে খতম হয়ে। ব্যবসা-বাণিজ্য

গেলে শুধু ধন-দৌলতের মুখ দেখাই বন্ধ হয়ে যাবে না, তাদের আহ্বাৰ্য এবং খোৱাৰুও সহজে মেলা মুশকিল হয়ে পড়বে।

ফলে মক্কাবাসীদের অবস্থা একেবারে উল্টে যাবার আশংকা ছিল এবং এই বিপ্লবের ভেতর তাদের আপাদমস্তক ক্ষতি ও ধ্বংসই কেবল দৃষ্টিগোচর হচ্ছিল। তারা মনে করছিল যে, এর দ্বারা শুধু সাংস্কৃতিক, নৈতিক ও মাযহাবী ভিত্তিই কেবল অন্তঃসারশূন্যে পরিণত হবে না, বংশীয় ও খান্দানী অধিকার এবং মর্যাদা, বংশীয় শ্রেষ্ঠত্ব ও বৈশিষ্ট্যও যাবে নিঃশেষ হয়ে। বংশীয় গৌরব ছিল তাদের জাতীয় বৈশিষ্ট্য, দ্রাতৃত্ব ও সাম্য ছিল তাদের নিকট অর্থহীন শব্দ সমষ্টিমাগ্ন। উচ্চ ও নীচের পার্থক্য বিলুপ্ত হওয়া অবমাননাকর মৃত্যুর সমার্থক ছিল। মক্কাবাসীদের জীবিকার্জনের একমাত্র ভিত্তি ছিল পুতুলঘরের তথা পূজোমণ্ডপের সেবায়োগিরি অথবা ব্যবসা-বাণিজ্য কিংবা সুদী কারবারের উপর। অথচ এদিকে ইসলাম সুদকে হারাম ঘোষণা করেছিল। এর ফলে তাদের অনাহারে ও ক্ষুধায় মারা যাবার এবং জীবিকার্জনের ক্ষেত্রে বিপর্যয় ও ধ্বংস নেমে আসার আশংকা ছিল। ইসলাম নারীদের অধিকার প্রদান করছিল, অথচ তারা ভেবে হয়রান হচ্ছিল এ পন্থা অবলম্বন করে অর্থনৈতিক ব্যবস্থাপনা এবং খান্দানের জীবিকা সংক্রান্ত মেরুদণ্ড কিভাবে কায়েম রাখা যাবে। বেশ্যারূত্তির অবসান এবং গোলাম-বাদীর অধিকার স্বীকার করে নেওয়া মানে নিজের পায়ে নিজে কুড়াল মারা। বিশ্বস্ততা ও আমানতদারী আরবদের মত গরীব ও দরিদ্র এলাকার জন্য আশ্চর্য ও অদ্ভুত মনে হচ্ছিল, যদিও তারা ইসলামের সকল বিধি-বিধান সম্পর্কে ওয়াকিফহান ছিল না। কিন্তু আঁহযরত (সা)-এর জীবন, তাঁর পবিত্র ব্যবহার ও আচার-অভ্যাস, তাঁর সত্যপ্রীতি ও আমানতদারী, তাঁর স্নেহ-মমতা ও আন্তরিকতা, নিষ্ঠা ও সন্ধ্যবহার তাদের নিজেদের উত্তরাধিকার সূত্রে প্রাপ্ত আচার-অভ্যাস ও চাল-চলন এবং নৈতিক ও চারিত্রিক রীতি-পদ্ধতির একেবারে বিপরীত দৃষ্টিগোচর হচ্ছিল।

মোটকথা এ ধরনের আরো অনেক আশংকা ছিল তাদের যার কারণে মক্কাবাসীরা আঁহযরত (সা)-এর ভীষণ বিরোধী ও দৃশ্যমনে পরিণত হয়। নবী করীম (সা) এই বিরোধিতার জবাব দেন ধৈর্য ও

দৃঢ়তার দ্বারা। তিনি এবং তাঁর সঙ্গী-সাথী ও উৎসগিত-প্রাণ কর্মী-বৃন্দ মানসিক ও আধ্যাত্মিক কষ্ট-তকলীফ সহ্য করেন—শারীরিক নিপীড়ন ও কষ্ট বরদাশত করেন। গালি-গালাজ ও ঠাট্টা-বিদ্বেষের শাসিত অস্ত্রের তীব্র আঘাত বরদাশত করেন। বয়স্কটের মুসীবত মাথা পেতে নেন। কিন্তু এত সব সত্ত্বেও তিনি মনোবল ভেঙে পড়তে দেননি। মক্কায় অবস্থান যখন অসম্ভব হয়ে উঠল এবং কাফিররা তাঁকে হত্যা করবার আর মুসলমানদের জড়ে-মূলে উৎখাত করার ফয়সালা করল, তখন তিনি পুরো চিন্তাভাবনার পর মক্কা থেকে হিজরত করে য়াহরিব গমনের কর্মসূচী তৈরী করেন। প্রথমে তিনি সাহাবাদের হিজরতের নির্দেশ প্রদান করেন যেন তাদের মাধ্যমে ইসলামের বিপ্লবী পয়গাম বহির্জগতে পৌঁছে। কিন্তু তিনি স্বয়ং তশরীফ নেবার ফয়সালা করেন নি। কিন্তু এতে যখন সাফল্য দৃষ্টি-গোচর হ'ল না, তখন বাধ্য হয়েই আখেরী কদম উঠাবার সিদ্ধান্ত নিতে হয়। এ ব্যাপারে তিনি দীর্ঘকাল থেকেই গভীরভাবে চিন্তা-ভাবনা করে আসছিলেন, কিন্তু একে কার্যকর করার ব্যাপারটা মূলতবী করতে থাকেন যতক্ষণ পর্যন্ত না তিনি আল্লাহ্‌র তরফ থেকে অনুমতি প্রাপ্ত হন। গোটা কর্মকেন্দ্র মক্কা থেকে মদীনায় সরিয়ে নেওয়াই ছিল আ'-হযরত (সা)-এর উদ্দেশ্য। আর এরই নাম রাখা হয়েছিল হিজরত। শব্দটি যদিও সাদাসিধে ধরনের, কিন্তু প্রতিরক্ষা কৌশলের দিক দিয়ে অত্যন্ত গুরুত্ববহ। ভেবে দেখুন, দৃঢ় মনোবলের অধিকারী একজন পন্নগছর যাঁর পেছনে রয়েছে আল্লাহ্‌র মদদ, যাঁকে সত্যের দাওয়াত দেবার জন্যই নির্দেশ পাঠানো হয়েছে, তিনি কি ঐশী আদেশ থেকে মুখ ফিরিয়ে এবং ময়দান দুশমনের হাতে তুলে দিয়ে পালাবার পথ এখতিয়ার করতে পারেন? জ্ঞান-বুদ্ধি তা মেনে নেয় না। তাহলে কি করে হিজরতের অর্থ ফেরার হওয়া ও পরাজয় বরণ হতে পারে? আর কাফিরদের আপত্তি ও প্রশ্নগুলোই বা কী? এটাই যে, হযরত যে কাজ নিজ দায়িত্বে গ্রহণ করেছিলেন, নিজেকে তার যোগ্য না পেয়ে ময়দান দুশমনের হাতে সোপর্দ করে চলে যান অথবা তিনি যখন নবুওত লাভে ধন্য ও গৌরবান্বিত তখন তিনি কা বা ঘরকে মূর্তিপূজকদের কব্জায় ছেড়ে যাওয়াকে কিভাবে মেনে নিতে পারলেন আর কেন মেনে নিলেন এবং আল্লাহ্‌ তা'আলা তাঁকে কেন এ ব্যাপারে

সাহায্য করেন নি? এটা এবং এ ধরনের আরও বহু প্রশ্ন রয়েছে যা প্রতিটি মানুষ তার উপলব্ধি মার্কিন চিন্তা করে দেখার অধিকার রাখে। এজন্য যদি কাফিররা বিদ্রূপ করতে চায় কিংবা বিরুদ্ধবাদীরা যদি হিজরতের ঘটনা বুঝতে সক্ষম না হয় তবে তাদের বোঝানো আমাদের জন্ম ফরয এবং এর সঙ্গে এটাও ফরয যে, তাদের সঙ্গে এমন কথা-বার্তা যেন না বলি যা বুঝতে তারা অসমর্থ অথবা যা বিশ্বাস করতে তারা চেষ্টা করে না। কেননা যদি করতো অথবা করতে পারতো তবে এটা নিশ্চিত ছিল যে, অতঃপর সন্দেহ ও সংশয়ের কোন অবকাশই থাকত না। তারা আমাদের চিন্তা ও ধ্যান-ধারণায় বিশ্বাসী হ'ত। এজন্য আমাদের উচিত যে, জ্ঞান-বুদ্ধি ও বর্ণনার আলোকের সঙ্গে সেই কার্যকারণ পেশ করা যা তাদের উপলব্ধিতে এসে যায়। এভাবেই চিত্রের অপরদিক তারা নিজেরাই দেখতে পারবে।

প্রতিরক্ষার গুরুত্ব

প্রথমে আমরা হিজরতের প্রতিরক্ষার গুরুত্বের উপর আলোক-পাত করব। জার্মানীর প্রথিতযশা বিশেষজ্ঞ জেনারেল ক্লজ ওয়েজ এবং লিউডাগুর্ফ-এর উক্তি, 'লাথির ভৃত কথায় যায় না, সেজন্য জাতিকে স্বীয় স্বার্থ অথবা স্বীয় দৃষ্টিভঙ্গী যুদ্ধ করে মানাতে হয়।' সমরশাস্ত্রের ফরাসী নায়ক নেপোলিয়ন, ইংরেজ বিশেষজ্ঞ লিডল হার্ট এবং জেনারেল ফুলার, ফরাসী জেনারেল নওয়াদির ডেগোর এবং আমেরিকান বিশেষজ্ঞ জেনারেল আইজেন হাওয়ার প্রমুখ সবাই এ ব্যাপারে একমত পোষণ করেন। আমেরিকার জেনারেল পীটন ১৯৩৯—৪৫ 'ঈসায়ীর যুদ্ধে অত্যন্ত দর্শনীয় ভূমিকা পালন করেন। যখন তিনি যুদ্ধের ব্যাপারে আমেরিকা থেকে আফ্রিকা আসেন এবং আমেরিকা থেকে ফ্রান্সে লড়াই করতে যান তখন তিনি যুদ্ধ বিষয়ক গ্রন্থাদির সঙ্গে কুরআনও অধ্যয়ন করতেন এবং বলতেন যে, এই অধ্যয়ন অত্যন্ত উপকারী ও শিক্ষাপ্রদ। আঁ-হযরত (সা) কুরআন মজীদের শিক্ষক ছিলেন যা তাঁরই উপর নাযিল হয়েছিল। আন্লাহ্ পাকের পবিত্র সত্তা ব্যতিরেকে

তঁার থেকে কুরআন মজীদের উত্তম সমঝদার আর কেউ হতে পারে না। আব্বালাহ্‌র পয়গাম পৌঁছানো তঁার দায়িত্ব এবং এর উপর 'আমল' করে দুনিয়ার সামনে দৃষ্টান্ত স্থাপন করা তঁার কর্তব্য ছিল। তিনি মক্কাকে স্থায়ী আবাস বানিয়ে ইসলামের রৌশনী ছড়িয়ে দিতে চেষ্টার কোন কসুর করেন নি। ধৈর্য ও সহিষ্ণুতা, শৈশ্ব ও দৃঢ়তার এমন প্রমাণ পেশ করেন যে, হতবুদ্ধি হয়ে পড়তে হয়। তিনি মানসিক, আধ্যাত্মিক ও শারীরিক সর্ব প্রকারের চূড়ান্ত কন্ট ও তকলীফ সহ্য করেন। কাফিরদের নির্যাতন আবিষ্কারের হাত থেকে এক লহমার জন্যও তঁার নিষ্কৃতি মেলে নি। কিন্তু যখন আসল উদ্দেশ্য ও লক্ষ্যের সাফল্যের তঁার কোন পথই দৃষ্টিগোচর হল না তখন তিনি স্থায়ী আবাসভূমি পরিবর্তন করে ইসলামের প্রচার ও প্রসারের পথে বাঁধা-বিঘ্ন দূর করারও ফয়সালা করেন।

প্রতিরক্ষা কেন্দ্র

বিভিন্ন জাতি ও সরকার যখন তাদের কুকর্মের ক্ষেত্রে সীমা ছাড়িয়ে যায় এবং জুলুম ও নির্যাতন তাদের অভ্যাসে পরিণত হয়, তখন তাদের সঠিক পথে আনবারে জন্য প্রতিরক্ষা কৌশলের সাহায্য গ্রহণ করা হয়ে থাকে। অন্য কথায় তাদের বিরুদ্ধে যুদ্ধ ঘোষণা করতে হয়। কিন্তু মজলুম জাতি কিংবা মজলুম নেতা প্রতিরক্ষা কৌশলের সাহায্য নেবার পূর্বে অনেক কথাই চিন্তা করেন এবং এসবের ভেতর সবচেয়ে বেশী গুরুত্বপূর্ণ প্রশ্ন হয়ে থাকে একটি সুদৃঢ় ও মজবুত প্রতিরক্ষা কেন্দ্রের। প্রতিরক্ষা কেন্দ্রের গুরুত্বের পরিমাপ ব্রিটিশ জেনারেল টুকার-এর পর্যালোচনা থেকে কর্তন যা তিনি তঁার 'প্যাটার্ন অব ওয়ার' নামক গ্রন্থে ক্রুসেড যুদ্ধের উপর করেছেন। তিনি লিখেছেন :

'যদি ক্রুসেডের নাইটগন দামেশকের প্রতিরক্ষা গুরুত্বকে বুঝে নিতে এবং উক্ত শহরকে প্রতিরক্ষা কেন্দ্র বানিয়ে সালাহউদ্দীন গাযীকে একে ব্যবহার করা থেকে মাহরুম করে দিত তবে নিশ্চিতভাবেই বলা যায় যে, সালাহউদ্দীন ক্রুসেড বাহিনীকে ধ্বংস ও বরবাদ করে দিতে

পারতেন না এবং এভাবে দুনিয়ার বুকে ইসলামের নাম-নিশানাও আর অবশিষ্ট থাকত না। দুর্ভাগ্য যে, ক্রুসেড বাহিনীর অধিনায়কগণ দামেশকের গুরুত্ব বুঝতে পারেনি। এ কারণেই ইসলামী বাণী পুনরায় দুনিয়ার দেশে দেশে পত্ পত্ শব্দ উড়তে শুরু করেছে। রুটেনের মশহুর প্রতিরক্ষা বিশেষজ্ঞ জেনারেল হ্যামলে এবং জেনারেল কীগেল (Kiggell) স্বীয় 'অপারেশন অব ওয়ার' নামক গ্রন্থে প্রতিরক্ষা কেন্দ্রের গুরুত্ব এভাবে বর্ণনা করেছেন :

'যদিও সুশৃংখল, সুসংগতিত ও প্রশিক্ষণপ্রাপ্ত সেনাবাহিনী শত্রুর উপর সাফল্য লাভের জন্য খুবই জরুরী হাতিয়ার, কিন্তু শক্তিশালী ফৌজ সেই ইঞ্জিন কিংবা মেশিনের মত যাকে সাফল্যের সঙ্গে চালাবার জন্য কয়েকটি মূলনীতির উপর সক্রিয়ভাবে আমল করতে হয়। দৃষ্টান্তস্বরূপ দূশমনের সঙ্গে লড়াইতে অগ্রসর হ'তে, হামলা করতে, কোন শহর জয় করতে অথবা আত্মরক্ষামূলক লড়াই লড়ার জন্য জরুরী হ'ল—ফৌজ একত্রিত হয়ে কিংবা সংঘবদ্ধভাবে যেন লড়াইতে পারে অর্থাৎ সৈন্যবাহিনীর বিভিন্ন অংশ একই উদ্দেশ্য ও লক্ষ্য হাসিলের জন্য একইরূপ পরিকল্পনার অধীনে লড়াইবে। এজন্য তাঁর নিকট সব ধরনের রসদ-সম্ভার অর্থাৎ অস্ত্রশস্ত্র ও পরিবহনের উপকরণ-গুলো সব সময়েই মজুদ থাকা জরুরী এবং যেমনি যেমনই সামান্য ব্যয় হতে থাকবে—সঙ্গে সঙ্গে তাৎক্ষণিকভাবে ঘাটতি পূরণ হতে থাকবে। এর জন্য প্রথম থেকেই এমন প্রতিরক্ষা কেন্দ্র নির্বাচন করা অপরিহার্য যেখান থেকে এসব সামান্য প্রয়োজন মুহূর্তে লাভ করা যেতে পারে। এই কেন্দ্র এমনই সুরক্ষিত ও নিরাপদ হবে যে, দূশমন কোন প্রকারেই যেন তার ক্ষতি সাধন না করতে পারে। এমনিভাবে একজন যোগ্য জেনারেল এটাও গভীরভাবে ভেবে নেন যে, তাঁর প্রতিপক্ষ ও প্রতিদ্বন্দ্বী জেনারেল এ ধরনের সামান্য কোথা থেকে হাসিল করবেন এবং কিভাবে করবেন। ইতিহাস সাধারণত এ জাতীয় অবস্থার উপর পর্যালোচনা পেশ করে না, কিন্তু এটা খুবই গুরুত্বপূর্ণ এবং জরুরী দিক।'

উপরিউক্ত উদ্ধৃতি নেহাত গুরুত্বপূর্ণ এবং গভীরভাবে ভেবে দেখার মত। এটা বোঝার পরই হিজরতের পরিকল্পনার সঠিক গুরুত্ব অনুভূত

হতে পারে। এ পর্যায়ে আরো কতিপয় উদ্ধৃতি পেশ করা যাচ্ছে। মশহুর ব্রিটিশ জেনারেল বার্ড তাঁর 'Direction of War' নামক গ্রন্থে প্রতিরক্ষা কৌশলের উপর পর্যালোচনা করতে গিয়ে লিখছেন

‘যে জাতি স্বাধীনভাবে জীবন যাপন করতে চায় তাকে স্বীয় প্রতি-রক্ষা ও হেফাজতের জন্য সব সময় প্রতি মুহূর্তে লড়াইয়ের জন্য প্রস্তুত থাকা দরকার। যদি সে প্রস্তুত না থাকে তবে স্বাধীনভাবে জীবন যাপন সে করতে পারে না। সত্ত্বরই তাকে গোলামীর জিজীর পরিধান করতে হবে। প্রকৃত সত্য এই যে, এমন জাতির বেঁচে থাকার কোন অধিকারই নেই।—

আজকাল রাজনৈতিক আযাদী এবং সাংস্কৃতিক ও সামাজিক জীবনের ভিত্তি শুধু এর উপর যে, জাতির নিকট যথেষ্ট সংখ্যক মযবুত সুশৃংখল ও প্রশিক্ষণপ্রাপ্ত এবং আধুনিক অস্ত্রশস্ত্রে সজ্জিত সেনা-বাহিনী মওজুদ আছে কি নেই—।’

তিনি অন্যত্র লিখেছেন :

‘দুশমনের বিরুদ্ধে যুদ্ধ করার উদ্দেশ্যে নিম্নরূপ হতে পারে :

১. তাকে পর্যদুস্ত করে শোচনীয়ভাবে পরাজিত করা।
২. এ ব্যাপারে তাদেরকে বাধ্য করা যেন দুশমন নিজেদের দাবী-দাওয়া ও অধিকার তার প্রতিপক্ষের অনুকূলে পরিত্যাগ করে।
৩. জাতীয় প্রতিরক্ষা কিংবা জাতীয় স্বার্থের সংরক্ষণ।
৪. অথবা অন্য কোন রাষ্ট্রের সাহায্য।
৫. নিজের দেশ অথবা তার কোন অঞ্চলের হেফাজত।

যে সব অবস্থায় শত্রুকে পরাজিত করার প্রভাবে সে দেশের অধিবাসীদের উপর বিস্তার লাভ করে। তাতে শত্রুপক্ষ ইচ্ছাম হোক কিংবা অনিচ্ছায় হোক সমঝোতা করতে বাধ্য হয়। কিন্তু সে সন্ধির শর্তাবলী সেই মুহূর্তে মেনে নেয় যখন—

(ক) তার ফৌজ ধ্বংস ও বরবাদ হয়ে যায়।

(খ) তার বাণিজ্যিক অবস্থা খারাপ ও বিধ্বস্ত হয়ে পড়ে।

(গ) অথবা তার জাতীয় জীবনের অতি প্রয়োজনীয় জিনিসগুলো, যেমন শিল্পের জন্য প্রয়োজনীয় কাঁচামাল, রসদ, সামান ও অন্যান্য দ্রব্য সরবরাহ বন্ধ হয়ে যায়।

‘এজন্য দূশমনের সমর শক্তি খতম করে দেওয়া আবশ্যিক, যাতে করে দূশমনকে নিজের দেশের অভ্যন্তর ভাগে লড়াই করতে বাধ্য করা যায়। এর ফলে শত্রুরাষ্ট্রের বাসিন্দাদের উপর দ্বিগুণ বোঝার চাপ পড়বে অর্থাৎ প্রথমত, নিজেদের সৈন্যবাহিনীর জন্য সমস্ত অত্যা-বশ্যকীয় সামান যোগান দেওয়া, দ্বিতীয়ত আমাদের সৈন্যবাহিনীর প্রয়োজনীয় দ্রব্যাদির যোগান, কেননা আমাদের সৈন্যবাহিনী বিজিত এলাকা থেকে অনেক সাজ-সামানই নিতে পারবে।’

এরপর আরও অগ্রসর হয়ে লিখছেন :

‘শান্তির সময় প্রতিরক্ষা কৌশলের পরিকল্পনার উদ্দেশ্য এই হয়ে থাকে যে, যখন আমরা শত্রুর সঙ্গে যুদ্ধ করব তখন যতদূর সম্ভব যুদ্ধে আমাদের বিজয় হবে সুনিশ্চিত। এতদুদ্দেশ্যে সমরোপকরণ, রসদ এবং এক স্থান থেকে অন্য স্থানে পরিবহনের প্রয়োজনীয় ব্যবস্থাপনা অত্যন্ত জরুরী। অতঃপর এসব উপকরণ এমন একটি স্থানে জমা করতে হবে যেখানে দূশমন সেগুলোর কোন ক্ষতি না করতে পারে এবং সেগুলো যেন দখলও না করে নিতে পারে। এ জায়গা কিংবা প্রতিরক্ষা কেন্দ্র এমন একটি স্থান হওয়া উচিত যেখান থেকে লড়াই করে দূশমনকে চূড়ান্তভাবে ঘায়েল ও পর্যুদস্ত করা যাবে। অন্য কথায়, প্রতিরক্ষা কেন্দ্র দ্বারা আমরা যেমন স্থান কিংবা স্থানসমূহ বুঝে থাকি যেখান থেকে লড়াই করার জন্য সমরোপকরণ সরবরাহ করা যেতে পারে। এই স্থানগুলো নিজ দেশের যেকোন অংশে অথবা সাহায্যকারী দেশেও হতে পারে। দু’টি বিশ্বযুদ্ধেই ব্রিটিশ দ্বীপপুঞ্জ ইউরোপে মিত্রশক্তির প্রতিরক্ষা কেন্দ্র ছিল। কিন্তু এ কেন্দ্রের প্রয়োজনীয় রসদ ও উপকরণ আসতো দুনিয়ার বিভিন্ন কোণ থেকে। এজন্য মিত্রবাহিনীর পক্ষে তার হেফাজতও ছিল অপরিহার্য। বিশেষ করে সেই জায়গা ও জায়গাসমূহ নির্ধারিত হয়ে থাকে যা যুদ্ধক্ষেত্র থেকে নিকটবর্তী এবং সেখানে সকল প্রকারের সমরোপকরণ জমা করে লড়াই ক্ষেত্রে সৈন্যদের পাঠানো যায়। উদাহরণত, জাপানের বিরুদ্ধে যুদ্ধে মিত্র-বাহিনীর

প্রথম প্রতিরক্ষা কেন্দ্র ছিল সিঙ্গাপুর। অতঃপর বার্মা এবং আরও পরে ভারতবর্ষ। এরপর জাপানের পরাজয় ঘটে এবং জাপানের পশ্চাদ-পসরণের সঙ্গে সঙ্গে প্রতিরক্ষাকেন্দ্রও ক্রমাগত সামনে বাড়তে থাকে যাতে করে যুদ্ধক্ষেত্র সৈন্যবাহিনীর নিকটবর্তী থাকে।

এই কেন্দ্র থেকে রসদ-সম্ভার ও যুদ্ধাস্ত্র পরিবহনের উপকরণ ও মাধ্যমগুলো ব্যতিরেকেও সৈন্যবাহিনীর প্লাটুন ও কোম্পানীর শক্তি বৃদ্ধিতে সাহায্যকারী সৈন্য পাঠানো যায়; তাতে করে এদের দ্বারা আহত ও নিহত জওয়ানদের ঘাটি পূরণ করা যায়।

যাছরিবের প্রতিরক্ষাগত গুরুত্ব

এখন গভীরভাবে ভেবে দেখুন যে, যাছরিবে (মদীনায়) এ ধরনের প্রতিরক্ষাগত বৈশিষ্ট্য ছিল কিনা? এর বিস্তারিত জবাব হেজাজ ভূখণ্ডের ভৌগোলিক পর্যালোচনার অধ্যায়ে রয়েছে। এখানে আমরা সংক্ষিপ্তাকারে সেগুলো এভাবে বর্ণনা করতে পারি :

১. সে যুগে কাফেলার সর্বাপেক্ষা মশহূর ও রুহৎ রাস্তা ছিল তিনটি। এদের ভেতর একটি এসেছে ভূমধ্যসাগর থেকে; দ্বিতীয়টি সিরিয়া থেকে এবং তৃতীয়টি মিসর থেকে। এভাবে একটি রাস্তা সিরিয়া থেকে দাওমাতুল জাম্দাল এবং সেখান থেকে ইরাক যায়। দ্বিতীয়টি দাওমাতুল জাম্দাল থেকে যাছরিব হয়ে মক্কা যেত এবং তৃতীয়টি দাওমাতুল জাম্দাল থেকে 'স্বামবু এবং সেখান থেকে সমুদ্রোপকূল বরাবর মক্কা গেছে। মক্কা থেকে পুনরায় এই রাস্তা ইরাক ও পারস্যোপসাগরের দিকে গেছে অথবা চলে গেছে লোহিত সাগরের উপকূলীয় সমভূমি পর্যন্ত। এসব রাস্তা দিয়ে এশিয়া, ইউরোপ এবং মিসরের তেজারতী কাফেলা যাতায়াত করত। দেশের বাকী অংশ ছিল বিরান ও দুরতিক্রম্য। এ সবার ভেতর বিস্তৃত মরু প্রান্তর এবং গভীর উপত্যকাগুলো ছিল আড়াল হয়ে। পানির নাম-নিশানাও ছিল না। মানুষ ও জীবজন্তু উভয়ের জন্যই খোরাক ও আহার্যদ্রব্য ছিল কল্পনার সামগ্রী। অধিকন্তু এর উপর ছিল সাইমূমের গম্ববসদৃশ

লু হাওয়া আর বালির ঝড়। এজন্য কাফেলা নির্ধারিত রাস্তা ধরে চলত এবং নির্দিষ্ট মনষিলে গিয়ে ডেরা ফেলত। এসব রাস্তার আশেপাশের এলাকাগুলোর বেদুঈনদের দিন গুজরান হত কাফেলার যাতায়াতের মাধ্যমে। এরা তাদের হেফাজত ও মাল পরিবহন ইত্যাদি খেদমত আনজাম দিত এবং পশম, চামড়া, উট ও ভেড়া-বকরী বিক্রি করে জীবন যাপন করত। এটা ছিল শাহরিবের ভৌগোলিক, সামাজিক ও রাজনৈতিক গুরুত্ব।

২. শাহরিবে পানির প্রাচুর্য ছিল। রৌদ্র তাপ থেকে বাঁচার জন্য ছিল খেজুর বাগানের ছায়া। আবহাওয়ার দিক দিয়ে সর্বোত্তম স্থান। কাফেলা দুরতিক্রম্য রাস্তা দিয়ে সপ্তাহ ও মাসাধিক কালের কণ্ট-তকলীফ ও সফরের যন্ত্রণা বহন করে যখন সেখানে পৌঁছত এস্থান তখন তাদের নিকট দুনিয়ার বেহেশত মনে হত। শামবু' থেকে উপকূলবর্তী রাস্তা ছিল দুস্তর পারাবার। এজন্য কাফেলা সে রাস্তায় খুব কমই গমন করতো। যে সমস্ত লোক মিসর থেকে নৌকার সাহায্যে আসতো তারাও শাহরিব হলেই মক্কায় যেত। রোমান হুকুমত হযরত 'ঈসা মসীহ (আ)-এর জন্মের ২৪ বছর পূর্বে উক্ত রাস্তাগুলোর উপর নিয়ন্ত্রণ প্রতিষ্ঠা করবার জন্য আপ্রাণ প্রয়াস চালায়। কিন্তু তারা সফল হয় নি এবং আরব জন্মে সফল হতে পারেনি।

৩. শাহরিব উপরিউক্ত খাদ্যদ্রব্য স্থানীয় অধিবাসীদের পক্ষেই শুধু যথেষ্ট ছিল না, বরং কাফেলার লোকেরাও এখান থেকে নিজেদের জন্য খেজুর, আটা ও অন্যান্য দ্রব্য রাস্তার সম্বল হিসাবে নিয়ে যেতে।

৪. মক্কার অদূরে 'আকাবা নামক স্থানে শাহরিবের কবিলা আওস ও খায়রাজের নেতৃস্থানীয় লোকেরাও 'আ-হযরত (সা)-এর হাতে বায়'আত করে তাঁকে শাহরিবে তশরীফ নেবার জন্য দাওয়াত দিয়েছিল। তিনিও এ দাওয়াত কবুল করেছিলেন। যখন এ সমস্ত লোক মক্কা থেকে রওয়ানা হতে থাকে—তখন মক্কার মূশরিকরা তাদের ঈমান আনয়ন এবং রসূল করীম (সা)-কে শাহরিবে দাওয়াত জানাবার কারণে ভীষণ ক্রুদ্ধ হয় এবং তাদের ভেতরকার কিছু লোক

এই চিন্তা করে তাদের (স্বাহরিববাসীদের) ডেরার দিকে গমন করে যেন তাদেরকে ইসলাম থেকে পুনরায় নিজেদের মাযহাবে ফিরিয়ে আনা যায়। সেখানে গিয়ে তারা জানতে পারে যে, কাফেলা চলে গেছে। তারা যথাসম্ভব সত্বর একটি বাহিনী প্রস্তুত করে যেন স্বাহরিব পৌঁছবার পূর্বেই তাদেরকে থামিয়ে দিয়ে তাদের মাযহাব (ধর্ম) পরিবর্তনের বাধ্য করা যায়। আর তাতে যদি এসব লোক স্বীকৃত না হয় তবে শক্তি প্রয়োগে তাদেরকে নিজেদের ধর্মে ফিরিয়ে আনবে। অতঃপর এই বাহিনী অত্যন্ত দ্রুতগতিতে এক একটি মনযিল অতিক্রম করে সম্মুখে অগ্রসর হয় এবং স্বাহরিব পৌঁছবার পূর্বেই তাদেরকে রাস্তায় ধরে ফেলে। স্বাহরিববাসীরা সংখ্যায় ছিল অল্প। এজন্য তারা সংঘবদ্ধ ও দৃঢ়ভাবে লড়াই করেনি। তারা স্বাহরিবের দিকে পালিয়ে যায়। মস্কাবাসীরা ইচ্ছাকৃতভাবেই তাদের পশ্চাদ্ধাবন করেনি যাতে স্বাহরিববাসীদের সঙ্গে যুদ্ধে জড়িয়ে না পড়ে।

মস্কাবাসীদের এই কার্যকলাপে মদীনার কতিপয় বড় গোত্র কুরায়শদের বিরোধী হয়ে যায়। নবী করীম (সা)-এর জন্য এটা ছিল সর্বোত্তম মওকা। তিনি এসব গোত্রকে যুদ্ধে কুরায়শদের বিরুদ্ধে ব্যবহার করতে পারতেন। ঐসব গোত্র আরবের প্রাচীন রেওয়াজ মূতাবিক বদলা নেবার প্রতিজ্ঞা গ্রহণ করেছিল। আ'-হযরত (সা) আরববাসীদের উত্তরাধিকার-সূত্রে প্রাপ্ত দুর্বলতা ও কমযোরীকে উপেক্ষা করেন নি। এটা ছিল হিজরতের রাজনৈতিক দিক।

৫. স্বাহরিবের বড় কবিলা ছিল আওস ও খায়রাজ। বহুদিন থেকে এদের মধ্যে শত্রুতা চলে আসছিল এবং কয়েকবার তা খুনোখুনিতে পর্যন্ত গড়ায়। সিরিয়া থেকে যে সমস্ত স্বাহ্দী এসে এখানে বসতি স্থাপন করেছিল তারা এদের পারস্পরিক দুষগনী থেকে ফায়দা লুটতো এবং আর্থিক প্রাধান্যের জাল বিস্তার করে তাদের লড়াই লাগিয়ে দিত আর নিজেদের অস্তিত্ব নিরাপদ ও সুদৃঢ় করত। যদিও এরা নিজেদের মধ্যে লড়াই-ঝগড়া করে ক্লান্ত ও অবসন্ন হয়ে গিয়েছিল, কিন্তু তথাপি একে অপরের প্রাধান্য ও নেতৃত্ব কবুল করার জন্য আদৌ প্রস্তুত ছিল না। তিনি শৈশবে ও যৌবনের প্রারম্ভে যে সফরগুলো করেছিলেন তা থেকে স্থানীয় সকল অবস্থা তাঁর নিকট দিবালোকের ন্যায় পরিষ্কার

হয়ে গিয়েছিল। এসব ঝগড়া-বিবাদের একটা বড় চিকিৎসা ছিল এই যে, কোন যোগ্য ও সামর্থ্যবান পুরুষ এসে দেখা দেবেন যিনি ঝাছরিবের কেউ হবেন না এবং তারা তাঁর নেতৃত্বে একমত হবেন। অঁ-হযরত (সাঁ) তাঁর বিরুদ্ধবাদীদের ভেতরও সত্যবাদী ও বিশ্বস্ত হিসাবে মশহূর ছিলেন। অতএব তাঁর জন্য এই মর্যাদা সকল দিক দিয়েই সমীচীন ছিল। অতঃপর এমতাবস্থায় যখন দু'টো কবিলার বারটি খান্দানের সর্দাররুন্দ তাঁর হাতে বাইয়াত করে তাঁকে নিজেদের জন্য অনুসরণীয় ইমাম মেনে নিয়েছে তখন কোনরূপ মতভেদের আশংকা ছিল না। হিজরতের মত পদক্ষেপ গ্রহণেও এটি ছিল একটি রাজনৈতিক দিক।

৬. মাতামহীর দিক দিয়ে ঝাছরিববাসীদের সঙ্গে অঁ-হযরত (সাঁ)-এর আত্মীয়তা ছিল। সে কারণে স্বীয় পরিকল্পনার সাফল্য সম্পর্কে তিনি আশাবাদী ছিলেন।

৭. ঝাছরিবের ঝাহুদীরা বাকী কবিলাগুলোর বিরোধী ছিল এবং তাদের মধ্যে পূর্ব থেকেই গৃহযুদ্ধ চলে আসছিল। প্রথম দিকে ঝাহুদীরাই জয়ী হয়েছিল। কিন্তু এখন তাদের অবস্থা ছিল বিজিতের ন্যায়ই। এজন্য তারা যখন হযূর আকরাম (সাঁ)-এর তাওহীদের দাওয়াতের অবস্থা সম্পর্কে শুনলো তখন তাদের আশা হ'ল তিনি কিতাবধারীদের পক্ষাবলম্বন করবেন এবং মূর্তিপূজকদের বিরুদ্ধে আমাদের সহযোগী ও মদদগার হবেন। সেজন্য তারা অঁ-হযরত (সাঁ)-এর সমর্থনে উৎসাহিত হয়। তাদের বড় বড় খান্দান ঝাছরিবের পার্শ্ববর্তী, যেমন খায়বার প্রভৃতি স্থানে থাকত। ঝাছরিবের ঝাহুদীদের সঙ্গে পারস্পরিক একটা বোঝাপড়া ও সমঝোতা হবার পর কমপক্ষে ঐ সব খান্দানের নিরপেক্ষতা অনিবার্যরূপেই নিশ্চিত ছিল।

৮. এসব সুবিধা ছাড়াও ঝাছরিবকে কেন্দ্র বানানোর ফলে শত্রু-পক্ষের নিশ্চিন্ত ক্রম হতে পারত :

(ক) মস্কাবাসীদের ব্যবসা-বাণিজ্যের জন্য অপর কোন দীর্ঘ রাস্তা অবলম্বন করতে হবে, খোরাক ও পানির স্বল্পতাও সম্মুখীন হতে হবে। চলাচলের ক্ষেত্রে বিবিধ অসুবিধা বৃদ্ধি পাবে।

(খ) মস্কাবাসীদের স্নাছরিবের খেজুর ও খাদ্যাশস্য মিলবে না। আর এসব জিনিসের মূল্য স্নাছরিবের তুলনায় অন্য জায়গায় অনেক বেশী ছিল।

(গ) কুরায়শরা যদি স্নাছরিববাসীদের সঙ্গে শত্রুতায় লিপ্ত হয় তাহলে তাদের দুস্তর ও দুরাহ রাস্তা দিয়ে আসতে হবে এবং রসদ-সস্তার, পানি ও পরিবহনের উপায়-উপকরণ প্রভৃতি সঙ্গে আনতে হবে। এমতাবস্থায় তারা স্নাছরিবের উপর আকস্মিক হামলা করতে পারে না। তাদের যথেষ্ট প্রস্তুতি গ্রহণ করতে হবে এবং এতে টাকাকড়ি ব্যয়ের পরিমাণও হবে অধিক। আর ব্যবসায়ী সম্প্রদায় অর্থের পূজারী হয়ে থাকে। সেজন্য মস্কাবাসীদের বেশ যথেষ্ট অসুবিধার মুকাবিলা করতে হবে।

(ঘ) পরাজিত হবার ক্ষেত্রে তাদের ফৌজ ধ্বংস ও বরবাদ হয়ে যাবে, কুরায়শ যাবে চিরদিনের জন্য খতম হয়ে এবং তাদের জিদ ও বিদ্বেষের উপর কায়ম থাকা অসম্ভব হয়ে দাঁড়াবে।

আমাদের উদ্দেশ্যের স্বপক্ষে এই কারণগুলোই যথেষ্ট। এগুলো আমরা এ কথার দলীল হিসাবে পেশ করছি যে, আ'-হযরত (সা) স্বীয় প্রতিরক্ষা পরিকল্পনার নাম 'হিজরত' রেখেছিলেন এবং এর পশ্চাতে এই সুবিধা ছিল যে, শত্রুপক্ষ এতে বিভ্রান্তির শিকার হবে। তারা মনে করবে, হযরত ময়দান ছেড়ে দিয়ে চলে গেছেন। হ'লও তাই। সাহাবায়ে কিরাম (রা) এটা জানতেন। এটাই কারণ যে, তাঁরা ইসলামী বর্ষপঞ্জীকে হিজরতের ঘটনা থেকে শুরু করে এর গুরুত্ব ঘোষণা করেন। দুনিয়ার কোন জাতি-গোষ্ঠী আজ পর্যন্ত তাদের পর্যুদন্ত হওয়া ও কমযোরীকে চিরন্তন স্মৃতি হিসাবে প্রতিষ্ঠিত করে নি। এটা মানবীয় প্রকৃতির খেলাফ ও পরিপন্থী। দ্বিতীয় মহাযুদ্ধের জীবন্ত উদাহরণ নিন। হিটলারের ব্যক্তিগত কমযোরী ও দুর্বলতার কারণে পরাজিত ও বন্দী মিড্রবাহিনী ডেনমার্ক থেকে জানে বেঁচে ইংলণ্ডে পৌঁছতে সক্ষম হয়েছিল। বৃটিশ সরকার তাদের এই সাফল্যের প্রশংসাও করেন। কিন্তু উষীরে আজম মিঃ চাচিলকে যখন ডেনমার্কের সেই স্মরণীয় ঘটনাকে জীবন্ত করে রাখবার জন্য 'তমঘা'

(পদক) দানের জন্য বলা হয়, তখন তিনি তা পরিষ্কার অস্বীকার করেন। যদি মুনাফিকদের হাতে আমাদের ইতিহাস অনেকাংশে বরবাদ না হলে যেত তবে এটা নিশ্চিত ছিল যে, হিজরতের ঘটনা সম্পর্কে আ'-হযরত (সা)-এর পরিকল্পনার কোন সাক্ষ্য অবশ্যই মিলতো।

যা-ই হোক, আমরা আমাদের বর্ণনার সমর্থনে আধুনিক কালের প্রতিরক্ষা বিশেষজ্ঞদের চিন্তাধারা ও মতামত পেশ করেছি যেন তা সম্মুখে রেখে রসূল আকরাম (সা)-এর যোগ্যতার আন্দায করা যায় এবং এটাও অবগত হওয়া যায় যে, আ'-হযরত (সা) প্রতিরক্ষা-নীতি ও কৌশলের ক্ষেত্রে কত বড় অভিজ্ঞ ও নিপুণ কুশলী ছিলেন। হিজরত প্রকৃতপক্ষে মক্কা অবরোধ করার জন্য। আজকালকার পরিভাষায় তাকে Blocked বা ঘেরাও বলা হয়। এর সমর্থন হিজরতের পর মদীনা জিন্দেগীর একটি ঘটনা থেকে পাওয়া যায় এবং এই সমগ্র ঘটনাবলী এর সুস্পষ্ট দলীল যে, হিজরতের পরিকল্পনা অত্যন্ত সতর্কতা ও গভীর চিন্তা-ভাবনার পর তৈরী করা হয়েছিল। যেহেতু তার পর তিনি কাফের ও মুশরিকদের সঙ্গে প্রতিরক্ষা সংগ্রামে অবতীর্ণ হয়েছিলেন, সেজন্য এই প্রস্তুতি ও পরিকল্পনার নাম প্রতিরক্ষা কৌশল বা প্রতিরক্ষা নীতি রাখা হয়েছে।

প্রতিরক্ষা নীতি ও কৌশল যে সব অংশ ও মৌলিক উপাদান সম্বন্ধে প্রণীত হয় তার কিছু অবস্থা বর্তমান যুগের প্রতিরক্ষা বিশেষজ্ঞদের উল্লেখযোগ্য গ্রন্থসমূহের উদ্ধৃতি দিয়ে পেশ করা হয়েছে। আরও একটি উদ্ধৃতি দেখুন : অতঃপর কর্ম (আমল) ও পরিণতি তথা ফলাফলের দিক দিয়ে সেগুলো ঐ সব অবস্থা ও ঘটনাবলীর উপর সামঞ্জস্য বিধান করে লক্ষ্য করুন যা হিজরত-পরবর্তীতে সংঘটিত হয়েছে। জেনারেল বার্ড "Direction of War" নামক গ্রন্থে লিখেন,

"যখন কোন সরকার যুদ্ধ করার ফয়সালা করে তখন তার উচিত আর্থিক ও সামাজিক অবস্থার রীতি-পদ্ধতি এমনভাবে কাম্বোয় করা যেন স্বীয় রাষ্ট্রের জীবিকা-সংক্রান্ত ব্যবস্থাপনা খুবই উত্তম ও সুষ্ঠুভাবে অব্যাহত থাকে, কিন্তু দূশমনের রাজনৈতিক মর্ষাদাকে কমষোর এবং বাণিজ্যিক ক্ষমতাকে খতম করে দেবে।"

হিজরত-পরবর্তী কতিপয় ঘটনা জ্ঞানীদের জন্য ক্ষুদ্র নমুনা হিসেবে এখানে দেওয়া গেল।

অভ্যন্তরীণ দৃঢ়তা ও মসবুতী

স্বাহরিব তশরীফ নেবার পর অ'া-হযরত মসজিদে নববী নির্মাণ করেন যেন সমস্ত মুসলমান এক জায়গায় একত্রিত হয়ে প্রকাশ্যভাবে সালাত আদায় করতে পারে, পরস্পরের মাঝে চিন্তা-ভাবনা ও ধ্যান-ধারণার আদান-প্রদান করতে পারে এবং হযরত আকরাম (সা)-এর ওয়াজ-নসীহত দ্বারা উপকৃত হতে পারে। বস্তুত মসজিদে নববীর এই সব ওয়াজ-নসীহত ও শোৎবার মাধ্যমেই অ'া-হযরত (সা) স্বাধীনভাবে খোলাখুলি ওয়াহদানিলাত (আল্লাহর একত্ববাদ) ও রেসালতের ঘোষণা দেন, আল্লাহ ও তাঁর রসূল (সা)-এর আনুগত্য ও অনুসরণকে ফরম্ব হিসেবে অভিহিত করেন। মুসলমানদেরকে তাদের অধিকার, দায়িত্ব ও কর্তব্য সম্পর্কে সচেতন করা হয় এবং সামাজিক জীবনের ভিত্তি পূর্ণরূপে সুসংহত করা হয়।

২. তিনি আনসার ও মুহাজিরদের ভেতর দ্বাত্ব ও সাম্য কাম্বেন করেন, মুহাজিরদের পুরোপুরি পুনর্বাসিত করেন এবং মিলে-মিশে থাকার মূলনীতি ও বিধান প্রণয়ন করেন।

৩. তিনি নিজের এবং নিজের সকল অনুসারীদের অধিকার, দায়িত্ব ও কর্তব্য সুনির্দিষ্ট করতে সেগুলো লিপিবদ্ধাকারে রূপদান করেন যেন পথভ্রষ্টতা ও গোমরাহীর কোন আশংকা না থাকে।

৪. হিজরতের দ্বিতীয় বছরে শা'বান মাসে বায়তুল মুকাদ্দাসের পরিবর্তে কা'বাকে কেবলা নির্ধারণ করেন। বস্তুত এটা এ কথারই ঘোষণা ছিল যে, ইসলামের মারকাশ (কেন্দ্র) কা'বা ঘর। মস্কা থেকে যে উদ্দেশ্য নিয়ে তিনি এখানে তশরীফ এনেছিলেন তা সেই সমস্ত প্রকাশ করলেন প্রতিরক্ষা কেন্দ্র মখন মসবুত ও সুদৃঢ় হ'ল। কেননা এখন তিনি তাঁর উপর আরোপিত শিষ্টমাদারী সম্পূর্ণ করার যোগ্য হয়ে গিয়েছিলেন।

হারাম শরীফ

আ'-হযরত (সা)-এর প্রতিরক্ষা পরিকল্পনার গুরুত্বের পরিমাণ এর থেকেও করা যায় যে, তিনি মদীনা (মাদিনা)-এর সীমারেখা কায়েম করে তাকে হারাম (পবিত্র) ঘোষণা দেন। আজকালকার পরিভাষায় একে উন্মুক্ত শহর (Open city) বলা হয়। এর দ্বারা বোঝান হয় যে, এই শহরের অভ্যন্তরে এবং আশেপাশে শহরবাসীরা বিরুদ্ধবাদীদের সঙ্গে যুদ্ধ করতে চায় না। দৃষ্টান্তস্বরূপ, প্রথম বিশ্বযুদ্ধে তুরস্ক ও বৃটেন সরকার বায়তুল মুকাদ্দাসকে “উন্মুক্ত শহর” তথা হারাম ঘোষণা দিয়েছিল। অবশ্য ১৯৩৯-৪৫ ইসরায়েলি বিশ্বযুদ্ধে যুদ্ধের আন্তর্জাতিক মূলনীতি ও নিয়ম-বিধিকে তাকে উঠিয়ে রেখে দেওয়া হয়েছিল। শুধুমাত্র একবার এমন হয়েছিল যে, দুশমন (জার্মানী) ফ্রান্সের অনুরোধে ও আবেদনক্রমে তার রাজধানী ও কেন্দ্রীয় শহর প্যারিসের উপর গোলাবর্ষণ করেনি।

‘হারাম’-এর মূলনীতি ইসলাম পূর্ব যুগেও প্রচলিত ছিল এবং তা শুধু আরবেই নয় বরং খ্রীস্ ভারতবর্ষ প্রভৃতি স্থানেও এর উপর আনয়ন করা হ’ত। এ মূলনীতি ছিল আধা-ধর্মীয় ও আধা-রাজনৈতিক। ধর্মীয় এজন্য যে, ঐ সমস্ত স্থান থেকে পবিত্রতা ও ভক্তি-শ্রদ্ধার কোন কথা বা বিষয় প্রকাশ পেয়েছে। ফলে সেখানকার প্রতিটি বস্তুকে পবিত্র মনে করা হ’ত। বৃক্ষ ছেদন ও কর্তন থেকে সে স্থান নিরাপদ ও মূক্ত থাকত। জীব-জানোয়ারকে কষ্ট দেওয়া এবং শিকার নিষিদ্ধ হতো। প্রতিটি লোকের জন্য তা হতো নিরাপদ আশ্রয়স্থল। এখানে আগমন ও বহিঃগমনকারী ব্যক্তি হেফাজত, নিরাপত্তা ও আশ্রয়ের ভেতর থাকত—তা সে যত বড় পাপী ও অপরাধীই হোক না কেন। যুদ্ধ ও রক্তপাত হ’ত না। এমতাবস্থায় হারাম-এর রাজনৈতিক গুরুত্ব কোনরূপ ব্যাখ্যা-বিশ্লেষণের মুখাপেক্ষী নয়। ‘হারাম’ আপন সীমারেখার ভেতর যেন একটি রাজত্ব যার প্রথা-পদ্ধতি ও বিধান ছিল একান্তভাবেই নিজস্ব। বর্তমান যুগে এর উদাহরণ রোম শহর যা রোমের পোপের শাসনাধীন ‘হারাম’-এর মর্যাদা রাখে। আজকের রোমের যে মর্যাদা ও অবস্থান সেই মর্যাদা ছিল মক্কার এবং এর উপর

নিয়ন্ত্রণ ছিল কুরায়শদের। কুরায়শরাই এর পবিত্রতা ও ভক্তি-শ্রদ্ধার রাজনৈতিক ফায়দা লুটত। অ'-হযরত (সা) মক্কায় হারাম-শরীফের সমপর্ষায় মদীনা'কেও হারাম ঘোষণা করে মদীনাবাসীদেরও সেই মর্ষাদা দিয়ে দেন যা ছিল এতদিন মক্কাবাসীদের। ফলে মদীনা-বাসীরাও নিজেদেরকে সমস্ত আপদ-বিপদ থেকে নিরাপদ ভাবে থাকে যেমন এতদিন নিরাপদ ভাবে মক্কাবাসীরা। অন্য কথায় এর মর্মার্থ ছিল এই যে, যদি মক্কাবাসীরা মদীনার 'হারাম'-এর পবিত্রতা, সম্মান ও শ্রদ্ধার বিরোধিতা করে তবে মদীনাবাসীরাও মক্কার 'হারাম'-এর সম্মান ও শ্রদ্ধার বাধ্যবাধকতা থেকে আশাদ হবে। মক্কাবাসীরা যদি মদীনার উপর হামলা করে তবে মদীনাবাসীরাও মক্কার উপর হামলা করতে পারবে। এটা এমনই দূরদর্শিতা ও বুদ্ধিমত্তাপূর্ণ কাজ ছিল যে, তা ঘটনার গতিকে পরিবর্তন করে মুসলমানদের এবং তাদের ছোট্ট রাষ্ট্র মদীনা'কে মক্কার সমপর্ষায় এনে দাঁড় করিয়ে দেয়। হযরত রসূল করীম (সা) যদি এমন বুদ্ধিমত্তাপূর্ণ পন্থায় কাজ না করতেন তাহলে নিম্নবর্ণিত অসুবিধা ও প্রতিবন্ধকতার সম্মুখীন তাঁকে হ'তে হ'ত :

প্রথমত, অ'-হযরত (সা)-কে মদীনার হেফাজতের জন্য যথেষ্ট সংখ্যক ফৌজ রাখতে হ'ত। এহাড়া তিনি দুশমনের মুকাবিলা করার জন্য বাইরে যেতে পারতেন না। এজন্য প্রতিরক্ষা শক্তি কমযোর হ'ত আর অসুবিধার বৃদ্ধি ঘটতো অনুরূপ হারেই।

দ্বিতীয়ত, মক্কা'কে কোনকালেই এবং কোন সময়ই জয় করা যেত না। কেননা 'হারাম' হবার কারণে তা থাকতো মাহফুজ ও নিরাপদ। আর তা করা হ'লে তামাম আরব কবিলা তাঁর বিরোধী হয়ে যেত এবং নিরপেক্ষতার অঙ্গীকার ভেঙে ফেলত। মদীনা'কে 'হারাম' ঘোষণা করে অ'-হযরত (সা) মক্কাবাসীদের অত্যন্ত কমযোর করে দেন। হিজরতের প্রথম দিককার ইতিহাসের অধ্যায় চিরকালের জন্য বন্ধ হয়ে গেল। কুরায়শদের সেই আশাদী ও নির্ভীকতা যশ্ধারা সে মুসল-মানদের এবং অ'-হযরত (সা)-এর উপর জুলুম-নির্ধাতনের পাহাড় টেনে নামাত, হঠাৎ করেই গেল বন্ধ হয়ে। এখন যদি মক্কাবাসীরা মদীনার চতুঃসীমার ভেতর তার 'হযরত' (পবিত্রতা) নষ্ট করে, তবে

তিনিও তার জবাবে যে কোন কার্যক্রম গ্রহণের ব্যাপারে স্বাধীন হবেন। তিনি 'হারাম'-এর পরিষ্কার সীমারেখা নির্ধারণ করেন যার চিহ্ন অদ্যাবধি বিদ্যমান।

আঁ-হযরত (সা)-এর এই প্রচেষ্টার একটা বড় ফল এই হ'ল যে, সিরিয়াগামী কাফেলার জন্য তাঁর অনুমতি গ্রহণ করা জরুরী হয়ে দেখা দিল। 'হারাম'-এর সীমারেখা নির্ধারণের পর কোন কাফেলাই হযরতের অনুমতি ভিন্ন মদীনা হলে যেতে পারতো না। এই বিধিনিষেধ কাফের ও মুশরিকদের কাফেলার পক্ষে বিরাট মর্মপীড়ার কারণ ছিল। এজন্য তারা অন্য পথ অবলম্বন করে। তাদের রুখবার জন্য তিনি বিভিন্ন সময়ে বিভিন্ন ক্ষুদ্র সেনা-প্লাটুন প্রেরণ করেন এবং এ ধরনের অভিযানে তিনি নিজেও গমন করেন। এ পর্যায়ে তাঁর প্রেরিত একটি প্লাটুনের সঙ্গে কাফেরদের ছোট-খাটো একটা সংঘর্ষও ঘটে ;

অভিজ্ঞতা ও পর্যবেক্ষণ

এখন এটা দেখুন যে, প্রতিরক্ষা নীতি ও প্রতিরক্ষা কৌশলের জগতে এই সকল কার্যকলাপের গুরুত্ব কি এবং অতীত ও বর্তমানের বড় বড় প্রতিরক্ষা বিশেষজ্ঞ নিজেদের চিন্তা-ভাবনা ও অভিজ্ঞতার ভিত্তিতে এ বিষয়ে কি মতামত পোষণ করেন।

রুড উইজ ও মলটিকে জার্মানীর সর্বজনস্বীকৃত ও প্রথিতযশা প্রতিরক্ষা পর্যালোচক। তাদের শ্রেষ্ঠত্বের স্বীকৃতি গোটা দুনিয়া-ব্যাপী। রুড উইজ লিখেছেন,

“দুশমনের সঙ্গে যুদ্ধ ও মুকাবিলার উদ্দেশ্য—লড়াইয়ের উদ্দেশ্য ও লক্ষ্য হাসিল করা। প্রতিরক্ষা নীতি ও কৌশল বিভিন্ন লড়াইয়ের পরিকল্পনা তৈরী করে। এসব লড়াইয়ের ময়দানও সখাসম্ভব এই দৃষ্টি-কোণ থেকে নির্বাচিত হয়ে থাকে যেন বিভিন্ন লড়াই থেকে প্রতিরক্ষার উদ্দেশ্য হাসিল হতে পারে। অন্য কথায়, এ লড়াইগুলো যেন একই শেকলের বিভিন্ন কড়া।”

মলটিকে বলেন,

“প্রতিরক্ষা কৌশল-পরিকল্পনার লক্ষ্য এই হয়ে থাকে যে, সিপাহ-সালার সে সব উপকরণ যা তার সরকার তাকে সোপর্দ করে থাকেন সরকারের প্রতিরক্ষা উদ্দেশ্যে হাসিজের জন্য তা কার্যকর করে থাকেন।”

ভেলিসনের মতে,

“প্রতিরক্ষা নীতির অর্থ দুশমনের সম্পদ উপকরণ, তাদের চলাচল ও গতিবিধি সঠিক ও গভীরভাবে নিরীক্ষণ করা।”

নেপোলিয়ন এই দৃষ্টিভঙ্গীকেই অন্যভাবে পেশ করেছেন। এক্ষেত্রে তাঁর বক্তব্য হ'ল, “প্রতিরক্ষা নীতিতে সাফল্যের রহস্য এই যে, সিপাহসালার বিপক্ষীয় ফৌজের গতিবিধি এবং তার উপকরণ ও মাধ্যমগুলো কব্জা করে তাকে বেকার করে দেবে।”

মদীনাকে ‘হারাম’ বানিয়ে মক্কাবাসীদের বাণিজ্যিক পথগুলো কব্জা আনা এবং তাদের কাফেলাগুলোর সঙ্গে প্রতিদ্বন্দ্বিতা করা আঁ-হযরত (সা)-এর প্রতিরক্ষা কৌশলের সবচেয়ে গুরুত্বপূর্ণ অংশ ছিল। এর দ্বারা তিনি মক্কাবাসীদের জীবনোপায়ের উপর নিয়ন্ত্রণ লাভ করেন। বস্তুত ব্যবসা-বাণিজ্য এবং যাতায়াতের ধারা ধ্বংস ও বর-বাদ করা যেন তাদেরই বরবাদ করা।

প্রতিরক্ষা কৌশল ও রাজনীতির একটি স্বীকৃত মূলনীতি হ'ল এই যে, দুশমনকে কখনই খাটো ও অসহায় মনে না করা। এর সঙ্গে এটাও জরুরী যে, তার জীবনের মূলনীতি এবং চিন্তা-ভাবনা ও ধ্যান-ধারণাকে সঠিকভাবে উপলব্ধি করে তাকে এমনভাবে পরীক্ষা করে নিতে হবে যে, সময়ে তার নিষ্কিন্ত মড়ষজ্ঞ যেন যথাযথভাবে ব্যর্থ করে দেওয়া যায়। নিজীবতা ও অসহায়তা থেকে হতাশা সৃষ্টি হয়ে থাকে এবং হতাশা, মন-ভাঙা জাতি-গোষ্ঠী দুর্বল মনোবলের কারণে সত্বর হাতিয়ার ফেলে দেয়। সত্য বলতে কি, যুদ্ধের ফয়সালা জীবনহানির আধিক্য কিংবা স্বল্পতায় খুব কমই হয়ে থাকে। সাধারণত হতাশা এবং নিরা-শাই জাতিকে পরমুদস্ত করে। এই বাস্তবতাকে হিজরতের প্রতিরক্ষা পরিকল্পনার সাথে মিলিয়ে দেখুন, জানতে পাবেন যে, হিজরতের তিন

বছরের ভেতরেই উত্তুঙ্গ গর্দান মস্কার উপর মজবুরী, অসহায়তা ও ভগ্ন হাদয়ের প্রভাব ফেলতে শুরু হয়ে গেছে এবং তাদের সংহতিতে বিপর্যয় ও দুর্বলতার চিহ্ন পরিস্ফুট হতে শুরু হয়েছে।

তিনটি নেয়ামত

এই কার্যক্রম গ্রহণের ফলে ঈমানদারগণ একদিকে হয়ে যান এবং কাফের ও সত্যদ্রোহী অপর দিকে। মুসলমানদের মধ্যে কোনরূপ পার্থক্য কিংবা কোন প্রকার আলাদা বৈশিষ্ট্য ছিল না। সবাই এক, ভাই ভাই এবং সবাই একই বরাবর,—আর সবার লাভ-ক্ষতিও এক হয়ে যায়। সকলের চিন্তা ও কর্মের রীতি-পদ্ধতিও এক হয়ে যায়। ঐক্যবদ্ধ, সংঘবদ্ধ এবং সুসংহত হবার ফলে তাদের ভেতর শক্তির সঞ্চার হ'ল আর শক্তি খুলে দিল কর্মের রাস্তা। এখন মুসলমানেরা আলাদা ক'ওম এবং কাফের ও মূশরিকগণও আলাদা। রক্ত, গোত্র এবং বংশের সকল সম্পর্ক ছিন্ন হয়ে যায়। অবস্থা যে গতিতে সম্মুখের দিকে অগ্রসর হচ্ছিল তাতে করে তাদের ভেতর সংঘর্ষ ছিল অনিবার্য। কাফেররা মুসলমানদের আযাদী ও উন্নতি খামুশ হয়ে দেখতে পারে না। তাদের অন্তরে প্রতিশোধের আশ্বন দাউ দাউ করে জ্বলছিল। অতএব সামনে আগত অবস্থার মুকাবিলা করার জন্য আ'-হযরত (সা) হিজরতের প্রথম বছরেই “Nations at War”-এর সেই মূলনীতির বাস্তব শিক্ষা দেন যার হেকমত ও ফলপ্রসূতা ইউরোপের সামনে প্রথমবার ১৯১৪-১৮ 'ঈসায়ীর যুদ্ধে প্রকাশিত হয়। Nations at War এবং জিহাদ একই মূলনীতি এবং একই উদ্দেশ্য ও লক্ষ্যের দু'টি ভিন্ন নাম।

যা-ই হোক সে সময় মুসলমানদের তিনটি বড় নেয়ামত অর্জিত হয়েছিল। (১) কুরআন মজীদ অর্থাৎ ইসলামী তা'লীম যা পার-লৌকিক জীবন ছাড়াও দুনিয়ার সকল সাফল্য ও সৌভাগ্য লাভের ছিল একমাত্র নিয়ামক; (২) ব্রাতৃত্ব ও সাম্য; (৩) জিহাদ (Nations at War)।

প্রস্তুতি এবং যুদ্ধের মূলনীতি

এই তিনটি নেয়ামতের বরকতে মদীনার ছোট্ট রাষ্ট্রটি সকল দিক দিল্লৈ পরিপূর্ণ ও সুসংহত হয়ে গেল। তখন অ'ই-হযরত (সা) মদীনার পার্শ্ববর্তী গোত্রগুলোর দিকে মনোনিবেশ করেন এবং তাদেরকে পরীক্ষা করতে শুরু করেন। এরপর মুজাহিদদের সামরিক প্রশিক্ষণও দিতে থাকেন। একটি অভিনব ও সভ্য জাতীয়তার প্রতিষ্ঠা বাস্তবে রূপ দেবার পর তাকে মুজাহিদ কণ্ঠম বানাতে শুরু করেন। আরবরা পশুত্ব থেকে মনুষ্যত্বে এবং নৈতিক ও চরিত্রবান মানুষে পরিণত হ'য়েছিল। এখন তিনি তাদের আল্লাহ-ওয়াল্লা মানুষ বানাচ্ছিলেন। কুরআনুল করীম তাদের জন্য যে সমরনীতি প্রণয়ন করেছে মুসলমানেরা সবদা গর্বের সঙ্গে তা সভ্য দুনিয়ার সামনে পেশ করতে পারে। যুদ্ধের অনুমতি রয়েছে ঐশী নির্দেশের অধীন, আর তা হ'ল, সে সমস্ত লোকের যুদ্ধের অনুমতি দেওয়া হ'ল। কেননা তাদের উপর জুলুম করা হয়েছে (কুরআন) অর্থাৎ যুদ্ধ নিজেদের হেফাজত এবং জুলুম প্রতিরোধ ও অবসানের জন্য করে যেন জালিমের জুলুম বৃদ্ধি না পেতে পারে এবং অপর কোন কণ্ঠমকে জুলুমের মাধ্যমে তাদের অস্তিত্ব বিলুপ্ত না করে দিতে পারে। মুসলমানদের জন্য যুদ্ধ করা শুধু মজলুম মানুষের সাহায্য ও সমর্থনে সমীচীন বলে অভিহিত করা হয়েছে।

কিন্তু সঙ্গে সঙ্গে এও নির্দেশ এসেছে যে, অপরাপর ধর্ম ও মতবাদের ইবাদতখানা ও উপাসনালয় যেন ক্ষতিগ্রস্ত না হয়। এমনিভাবে অন্য ধর্মের বৃহুর্গ ও নেতৃস্থানীয় ব্যক্তিদের সম্মান ও ভক্তি প্রদর্শনের জন্যও তাকীদ এসেছে যাতে করে মুজাহিদ বাহিনী জুলুম অবসানের জ্ঞোশে সীমা অতিক্রম না করে।

মালে গনীমত তথা যুদ্ধলব্ধ সম্পদ সম্পর্কে নির্দেশ এসেছে : হে নবী! লোকেরা আপনাকে মালে গনীমত সম্পর্কে প্রশ্ন করছে। আপনি বলে দিন, তা আল্লাহ্ এবং তাঁর রসুলের। তোমাদের প্রবৃত্তির কোন অধিকার সেখানে নেই। তোমাদের কাজ শুধু আল্লাহ্কে ভয় করা, পরস্পরে সদ্ভাবহার করা ও তাঁর রসুলের হুকুম-আহকাম তামিল করা।

যুদ্ধে সাহস ও মনোবল অটুট রাখার তাকীদ দেওয়া হয়েছে :

“যখন তোমরা যুদ্ধের ময়দানে কাফেরদের মুকাবিলা করবে তখন পৃষ্ঠ প্রদর্শন করবে না। যে কেউ লড়াইয়ের ময়দানে পৃষ্ঠ প্রদর্শন করবে তাঁর উপর আল্লাহ্‌র গম্ব পতিত হবে আর তার ঠিকানা হবে জাহান্নাম।”

জুলুম প্রতিরোধ ও অবসানের লক্ষ্যে লড়াইকে অর্থাৎ জিহাদ করাকে জীবন বলা হয়েছে এবং তার গুরুত্ব এভাবে বিশ্লেষণ করা হয়েছে :

“হে মুমিনগণ! আল্লাহ্‌ এবং রসূলের হুকুম মেনে চলো, যে সময় তোমাদের সেই কর্মের দিকে আহ্বান জানানো হয় যার ভেতর রয়েছে তোমাদের জীবন।”

বিজয় ও সাফল্যের জন্য আল্লাহ্‌র ইচ্ছা ও মজিকে অপরিহার্য বলে ঘোষণা দেওয়া হয়েছে। ইরশাদ হচ্ছে :

“যদি তোমরা আল্লাহ্‌কে ভয় করতে থাক তবে আল্লাহ্‌ পাক তোমাদের ফয়সালার বস্তু প্রদান করবেন এবং তোমাদের পাপরাশি দূরীভূত করবেন আর দেবেন মার্ফ করে।”

জিহাদ কতদিন পর্যন্ত করা হবে সে সম্পর্কে নির্দেশ হ'ল :

“আর তোমরা সেই সময়-সীমা পর্যন্ত লড়তে থাকো যতদিন প্রাধান্য লুপ্ত না হয়, শিরক্ ও ফেৎনা-ফাসাদের এবং সমপ্র দীন একমাত্র আল্লাহ্‌র জন্যই না হয়ে যায়।”

গনীমত বন্টন সম্পর্কে হেদায়েত প্রদান করা হ'ল : “তার এক পঞ্চমাংশ আল্লাহ্‌ এবং তাঁর রসূলের, বাকী অংশ আত্মীয়-স্বজন, এতিম, মিসকীন ও মুসাফিরদের জন্য।” এমনিভাবে প্রতিরক্ষা ব্যবস্থার জন্য সুরা আনফালে নিম্নোক্ত আহকাম নাযিল হয়েছে :

“আল্লাহ্‌ ও রসূলের নির্দেশ মান্য করো, পরস্পরে ঝগড়া-বিবাদ করো না, অন্যথায় তোমরা দুর্বল হয়ে পড়বে আর তোমাদের প্রভাব-প্রতিপত্তি যাবে বিনষ্ট হয়ে।”

অন্যত্র ইরশাদ হচ্ছে :

“শত্রুর সঙ্গে লড়াই করবার জন্য যথাসাধ্য সমরাস্ত্র ও সিপাহী-সুলভ শক্তি সদা-সর্বদা প্রস্তুত রেখে যেন দূশমনের উপর তোমাদের ভীতিকর প্রস্তাব কায়েম থাকে।”

জিহাদের উদ্দেশ্য শুধু জুলুমের অবসান। এক্ষেত্রে সীমান্তিক্রম করা কড়াকড়িভাবে নিষিদ্ধ হয়েছে। ইসলাম শান্তি ও নিরাপত্তার পয়গামবাহী এবং সমগ্র বিশ্বের জন্য আপাদমস্তক রহমতস্বরূপ। কুরআনুল করীম হেদায়েত প্রদান করছে :

“যদি দূশমন সন্ধির প্রস্তাব করে তবে তোমরা তাতে সাড়া দেবে এবং আল্লাহর উপর তাওয়াক্কুল করবে। এমনটি যেন না হয় যে, তোমরা শত্রুর মোহে সীমা অতিক্রম করো এবং দূশমনের আগ্রহ সত্ত্বেও তোমরা সন্ধি স্থাপনে এগিয়ে না যাও।”

এগুলো কুরআনুল করীমের সরাসরি ও প্রকাশ্য আহকাম, মর্ম উদ্ধারের জন্য শাব্দিক অনুবাদের অনুসরণ করা হয়নি। বস্তুত এটাই হ'ল মূল বুনিয়াদ যার উপর ইসলাম প্রতিরক্ষা ব্যবস্থা গড়ে তুলতে চায় এবং যার ভেতর জায়েয ও না-জায়েয, নিষিদ্ধ ও উত্তমের সীমারেখা পরিষ্কাররূপে নির্ধারণ করে দিয়েছে। অ'ই-হযরত (সা) এই প্রতিরক্ষা বিধানের সঙ্গে মুজাহিদ বাহিনীকে প্রশিক্ষণ দেন। এই প্রশিক্ষণই মুষ্টিমেয় মরুচারী আরবদের শক্তি ও শ্রেষ্ঠত্ব প্রদান করে এবং অপরাপর সকল শক্তি ও শ্রেষ্ঠত্ব নিশ্চিহ্ন হয়ে যায়। আল্লাহর রাস্তায় নিবেদিতপ্রাণ একেকজন মুজাহিদ আল্লাহ ও তাঁর রসূল (সা)-এর অগণিত দূশমনের বিরুদ্ধে অধিকতর কঠিন হয়ে দাঁড়ায়।

যুদ্ধরত বাহিনীর জন্য সমরোপকরণ ও মারণাস্ত্র নিঃসন্দেহে অত্যন্ত জরুরী। এ সব ছাড়া যুদ্ধের কল্পনা শুবই হাস্যকর। কিন্তু উত্তম কর্ম এবং চারিত্রিক সৌন্দর্য ব্যতিরেকে সমরোপকরণের আধিক্যও ফলপ্রসূ হয় না। যুদ্ধের এই নিয়ম-বিধি, আল্লাহর সাহায্যের এই সুস্পষ্ট খোশ-খবর এবং রসূল আকরাম (সা)-এর কমান্ড, সত্যের বিজয় ও উন্নত মস্তক হওয়া এবং বাতিলপন্থীদের ক্ষতি ও ব্যর্থতার এর থেকে বড় দলীল-প্রমাণ আর কী হতে পারে? অতএব দুনিয়া

তার বিস্ময়কর প্রদর্শনী দেখলো এবং শুধু নবী যুগেই দেখেনি বরং মুসলমানরা তাদের আসল ও মৌলিকত্বের দিকে যখনই প্রত্যাবর্তন করেছে এবং কিতাব ও সুন্নতকে যখনই কর্ম-নির্দেশিকা বানিয়েছে, ফলাফল তখন এমনি বিস্ময়কর হয়েছে।

সিপাহসালার হিসাবে রসূলে করীম (সা)

আপনারা দেখেছেন বাস্তবতা কখনোও বদলায় না। যুদ্ধ ও সংঘর্ষ মানব সৃষ্টির পর থেকেই বরাবর চলে আসছে। এর থেকে কোন যুগ এবং সময়ের কোন আবর্তনই মুক্ত ছিল না। যুদ্ধ-বিগ্রহ তার সহজাত প্রকৃতির একটি বৈশিষ্ট্য। বরং যদি বলা হয় যে, মানবেতিহাস এই যুদ্ধ-বিগ্রহ ও সংগ্রাম-সাধনার ধারাবাহিক কাহিনীর নাম— তাহলে সম্ভবত অত্যাক্তি করা হবে না। ইসলাম তার ফিতরতের এই বৈশিষ্ট্যকে উপেক্ষা করে এক গণ্ডে চপেটামাত করলে অপর গণ্ডিও সামনে এগিয়ে দেবার শিক্ষা দেয়নি। বরং তার পরিপূর্ণ তাহযীব এবং তার এক্তিয়ারসমূহকে সীমাবদ্ধ করে ‘কল্লার পল্লিবর্তে কল্লা’ নেওয়ার মত পাল্টা জবাব দেবার অনুমতি প্রদান করেছে এবং এই অনুমতির কুরআনী বিধান এই অধ্যায়ের প্রথম অংশে পেশ করা হয়েছে। যুদ্ধ ও সংঘর্ষের এটাই নিয়ম-বিধি যার থেকে উৎকৃষ্ট ও বিশুদ্ধতর এবং যার থেকে অধিক উপকারী ও ফলপ্রসূ নিয়ম-বিধান দুনিয়ার সামনে কখনো আসেনি এবং কখনো আসতে পারে না।

এর সঙ্গে সমরশাস্ত্র এবং প্রতিরক্ষা কৌশলের শীর্ষস্থানীয় বিশেষজ্ঞ ও পর্যালোচকদের চিন্তা-ভাবনা ও মতামতও বণিত হয়েছে। তাতে কামিয়াবীর প্রয়োজনীয় উপকরণ থেকে শুরু করে বাহিনীর অধিনায়কের ব্যক্তিগত গুণাবলী ও বৈশিষ্ট্যাবলীর উপর আলোকপাত করা হয়েছে। এ পর্যায়েই অ’-হযরত (সা) প্রশংসনীয় আচার-অভ্যাস তাঁর প্রবীর ধী-শক্তি ও মেধা, দূরদর্শিতা, কুশল, আত্মদর্শন, ধৈর্য ও দৃঢ়তা, স্বৈর্ষ ও সহিষ্ণুতা, সংকর্মশীলতা ও ন্যায়পরায়ণতা, স্নেহ-মমতা ও নিষ্ঠা এবং মানবীয় প্রেম ও সহানুভূতির উন্নত গুণাবলীর উত্তম ও

পরিপূর্ণতার বর্ণনাও এসে গেছে। এখন এটা বলা আবশ্যিক যে, জাঁ-হয়রত মুজাহিদদের কতখানি উন্নত পর্যায়ে ট্রেনিং দিয়েছিলেন এবং তাঁর ব্যক্তিগত গুণাবলী মুসলমানদের এই ট্রেনিং কেমন রাসায়নিক ক্রিমার ন্যায় প্রমাণিত হয়েছিল। কিন্তু এর পূর্বে সমীচীন মনে হচ্ছে, সেই বর্ণনার সমর্থনে বিশ্বের কতিপয় শীর্ষস্থানীয় প্রতিরক্ষা বিশেষজ্ঞের অত্যাবশ্যকীয় পর্যালোচনার সংক্ষিপ্তসার পেশ করা যাক। তাতে এটা জানা যাবে যে, দুনিয়া শত শত বর্ষব্যাপী সঞ্চিত অভিজ্ঞতা লাভের পর প্রতিরক্ষা প্রস্তুতির যে মূলনীতি প্রণয়ন করেছে তা কি এবং ইউরোপ ও আমেরিকা, যারা নিজেদেরকে উন্নতির চরম শীর্ষে অধিষ্ঠিত মনে করেন, নিজেদের ফৌজের প্রশিক্ষণ কোন্ মূলনীতির উপর দিয়ে থাকেন। তার সংক্ষিপ্তসার নিম্নরূপ :

১. ফৌজের সামরিক যোগ্যতা কতিপয় নেহায়েত প্রয়োজনীয় বিষয়ের উপর নির্ভরশীল এবং তা এই যে, “সিপাহসালারকে উন্নত স্বভাব বৈশিষ্ট্যের অধিকারী, ব্যক্তিগতভাবে শ্রদ্ধেয় এবং সরকারী যোগ্যতার মালিক হওয়া উচিত। দিল ও দেমাগ, সুদৃঢ় ইচ্ছা শক্তি ও বিশ্বাস, জ্ঞান ও বুদ্ধিমত্তা, স্বৈর্ষ ও শান্তি-কামিতা, ন্যায়পরায়ণতা এবং সাম্য-প্রিয়তার ন্যায় গুণাবলী তাঁর মধ্যে থাকতে হবে। তাঁকে তাজা দিল, পরিশ্রমী, নিভীক এবং সাহসী হতে হবে। এমনিভাবে বিপদ মুসীবতের মুকাবিলায় দৃঢ়পদ থাকা গভীর চিন্তা-ভাবনায় অধ্যস্ত এবং মানুষ চিনবার মত ক্ষমতাসম্পন্ন হওয়া আবশ্যিক যেন তিনি আপন-পর ও দোস্ত-দুশমন সঠিকভাবে বুঝে নিতে পারেন।

২. সৈন্যবাহিনীর প্রশিক্ষণ উন্নতমানের হওয়া দরকার। ফৌজী প্রশিক্ষণের উদ্দেশ্য শুধুই এক এবং তা এই যে, ফৌজ যোগ্যতা ও দক্ষতার সঙ্গে যেন লড়তে পারে। এই প্রশিক্ষণ সিপাহসালার থেকে সাধারণ সিপাইটি পর্যন্ত সবার জন্যই বাধ্যতামূলক যেন শান্তিকালীন সময়ে অফিসার অধীনস্থদের শেখাতে পারেন এবং যুদ্ধের সময়ে সিপাহসালারী করতে পারেন, আর সিপাই তাঁর নির্দেশাবলী খুবই সহজভাবে বুঝতে পারে।

ফৌজী প্রশিক্ষণের প্রাথমিক ও বাধ্যতামূলক মূলনীতি হ'ল শৃংখলা। এর সঙ্গেই শারীরিক ও মানসিক প্রশিক্ষণ দেওয়া হয়ে থাকে।

শারীরিক প্রশিক্ষণের ফলে সিপাহী কঠোরপ্রাণা হয়ে থাকে এবং মানসিক প্রশিক্ষণের ফলে প্রদত্ত নির্দেশাবলী পালন বুদ্ধিমত্তার সঙ্গে করতে পারে। এভাবে তার ভেতর আত্মবিশ্বাস সৃষ্টি হয়। শৃংখলা ব্যতিরেকে ফৌজ ভেঙার পালের মত।

৩. শৃংখলা ও প্রশিক্ষণের ফলে ফৌজ উন্নত শ্রেণীর হাতিয়ারে পরিণত হয় যা সিপাহসালার দূশমনের বিরুদ্ধে সফলতার সঙ্গে ব্যবহার করতে পারেন। বিন্যস্ত করার জর্থ ফৌজকে ক্ষুদ্র প্লাটুনে বিভক্ত করা এবং বিভিন্ন প্লাটুনের বিভিন্ন দায়িত্ব নির্ধারিত করে তাদেরকে বুঝিয়ে ও শিখিয়ে দেওয়া। উদাহরণস্বরূপ অশ্বারোহী বাহিনীকে তাদের যিহাদদারী সম্পর্কে পুরোপুরি সজাগ ও সতর্ক করা এবং তাদের সক্রিয় করে তোলা, পদাতিক বাহিনীকে তাদের লড়াই করবার পদ্ধতি শেখানো এবং পরিবহন প্লাটুনকে তাদের দায়িত্ব ও কর্তব্যে অনুপ্ত করা ইত্যাদি। অতঃপর সবাইকে সংহত ও সমন্বিত করে পারস্পরিক সহযোগিতার ভিত্তিতে যুদ্ধ করা।

৪. সমরাস্ত্র উন্নতমানের হওয়া এবং সেগুলোর সঠিক ব্যবহার। সফল যুদ্ধের জন্য জরুরী হ'ল ফৌজের নিকট যুগ মাফিক আধুনিক ধরনের অস্ত্রশস্ত্র থাকবে এবং সে সব অস্ত্রশস্ত্রের রক্ষণাবেক্ষণ সঠিক পদ্ধতি করা হবে।

এ পর্যায়ে জেনারেল বার্ড-এর পর্যালোচনা প্রণিধানযোগ্য। তিনি বলেন :

“যে দেশ—যে জাতি ও যে সরকার নিজ স্বার্থের হেফাজত যুদ্ধের মাধ্যমে করতে চায় তাকে এ বিষয়ের প্রতি বিশেষ খেয়াল রাখতে হবে যে, কোন কার্যক্রম প্রতিবেশী সরকারগুলোর চিন্তাধারার পরিপন্থী না হয় যার দরুন তারা ঝামাখা নারাজ হয়ে শত্রুর পক্ষে যুদ্ধ করার জন্য প্রস্তুত হয়। এই বহিঃসংক্রান্ত কৌশল তিনটি বিষয়ের উপর নির্ভরশীল :

ক. স্বীয় রাষ্ট্রের ভৌগোলিক অবস্থান,

খ. আপন জাতীয় স্বার্থ,

গ. নিজেদের অধিকার ও স্বার্থের হেফাজতে জাতির সুদৃঢ় ইচ্ছা-শক্তি।

প্রথম দুইটি বিষয় নির্ধারণ করে যে, কোন্ কোন্ রাষ্ট্রের সাথে কি ধরনের সম্পর্ক ও আচরণ হওয়া উচিত। তৃতীয়টি মূর্তাবিক দৃশ্যমনের বিরুদ্ধে নিজের নরম-গরম, কঠোর ও বেপরোয়া ভূমিকা অথবা আপোষ ও সমঝোতামূলক কর্মপন্থার নির্ধারণ হয়। আর সামগ্রিকভাবে এই তিনটি বিষয়ের নিরিখে ফৌজ মসবুত অথবা কমষোর হবে।

অতএব মুছ প্রস্তুতি তিন রকমের হয়ে থাকে :

১. রাজনৈতিক

রাজনৈতিক প্রস্তুতির সময় সরকারের উপর রাষ্ট্রের অধিবাসীদের পূর্ণ আস্থা থাকা আবশ্যিক। অনুরূপ এটাও আবশ্যিক যে, প্রতিবেশী সরকারগুলোর সাথে বন্ধুত্ব সহযোগিতা ও পারস্পরিক আস্থামূলক সম্পর্ক থাকবে যাতে করে পরিষ্কার ধারণা থাকে যে, বিপদের ঘোষণা কোন দিক থেকে হবে এবং তার মুকাবিলা করার জন্য কি কি ব্যবস্থা গ্রহণ করা যেতে পারে।

২. নৈতিক ও বস্তুগত

রাষ্ট্রের নৈতিক অবস্থা যখন সুদৃঢ় হয় আইন-শৃঙ্খলা ও প্রশাসনিক ব্যবস্থা উন্নত হয় তখন সফলতা লাভ স্থির নিশ্চিত হয়। নেপোলিয়নের অভিজ্ঞত হলে, নৈতিক শক্তি দৈহিক শক্তির তুলনায় কমপক্ষে তিন গুণ অধিক গুরুত্ববহ। সৈন্যবাহিনী সাবিকভাবে নিজ দেশ ও জাতির পতাকাবাহী হয়ে থাকে। সুতরাং যে সৈন্যবাহিনীতে সত্যবাদিতা, ধৈর্য ও সহনশীলতা, ত্যাগ ও আত্মোৎসর্গ, যোগ্যতা ও দক্ষতার উত্তম দিক এবং বিলাসিতার পরিবর্তে আত্মত্যাগের গুণাবলী থাকবে তারা প্রতিটি সংগ্রামে কামিয়ার হবে।

৩. সমরাস্ত্র

সৈন্যবাহিনীর আধুনিক সমরাস্ত্রে সজ্জিত হওয়া আবশ্যিক। ফলে আপন সেন্যবাহিনীর উপর নিজ দেশের বাসিন্দাদের আস্থা বৃদ্ধি পায়। এই আস্থার ফলে ব্যবসা-বাণিজ্যের শ্রীবৃদ্ধি ঘটে। অপরূপ জাতি-সমষ্টি এই বিরাট বাহিনীর কারণে সেই রাষ্ট্রের অধিকার ও স্বার্থ, তার সরকার ও তার ব্যবসা-বাণিজ্যকে সম্মান করে। সরকারের

পক্ষে ফরম যে, যুদ্ধ ঘোষণার সময় সে রাষ্ট্রীয় স্বার্থকে সশ্রমে রেখে সেনাবাহিনীকে নিজেদের প্রতিরক্ষার উদ্দেশ্যে ও লক্ষ্য পরিষ্কার ও খোলাখুলিভাবে জানিয়ে দেবে।”

এবার চিত্রের অপর দিকের প্রতি দৃষ্টিপাত করুন।

জেনারেল হ্যামলে এবং জেনারেল কীগেল তাঁদের “Operation of War” নামক গ্রন্থে লিখেছেন :

“যুদ্ধ শুরু করার পূর্বে এটা জেনে নেওয়া আবশ্যিক যে, লড়াই কোন্ কোন্ অবস্থায় এবং কোন্ কোন্ প্রভাব বলয়ের অধীনে লড়াই হবে, সমরক্ষেত্র কী ধরনের।”

সেনাবাহিনীর হাতিয়ার যা-ই হোক না কেন পরিবর্তিত হতে থাকবে। সমরক্ষেত্রে সফলতা লাভের দৃঢ় ইচ্ছা ও নৈতিক মনোবল, শৃঙ্খলা ও নিয়ন্ত্রণ, জ্ঞান ও উপলব্ধি, দৈহিক শক্তি এবং বিপদ-মুসীবত সহ্য করার মত সহনশীলতা শক্তি থাকা অপরিহার্য। লড়াইয়ের ময়দানে নৈতিক ও চারিত্রিক শক্তির বিশেষ পরীক্ষা হয়ে থাকে। কামিলাবীর জন্য যুদ্ধের সূচনা ভাল হতে হবে এবং সূচনা সে সময়ই ভাল হতে পারে যখন যুদ্ধের সূচনা পর্বের পূর্বে শান্তির সময়ে লড়াইয়ের পূর্ণ প্রস্তুতি সম্পন্ন করা হবে। কিন্তু এ প্রস্তুতিও বেকার ও অর্থহীন হবে যদি না সৈন্যবাহিনীকে সে সময়ে উত্তম প্রশিক্ষণ দিয়ে কঠোরমনা বানিয়ে দেওয়া হয়। বস্তুত মুসীবতকে হাসি মুখে বরদাশত করাটা দৈহিক শক্তির চাইতে নৈতিক ও চারিত্রিক শক্তির উপর অধিক নির্ভর করে। আর তাই সিপাহসালারের জন্য অপরিহার্য হ’ল, তিনি ফৌজের নৈতিক ও চারিত্রিক শিক্ষার ব্যাপারে খুব বেশী খেয়াল রাখবেন। কেননা প্রতিরক্ষা পরিকল্পনার সাফল্যের ভিত্তি নৈতিক ও চারিত্রিক অবস্থা ভাল কিংবা মন্দ্রের উপর নির্ভরশীল।

মূলনীতি ও চিন্তাধারার দুনিয়া থেকে এখন কর্ম ও অভিজ্ঞতার দুনিয়ায় আসুন। আর এ সবেবর বিপুলতা ও যথার্থতাকে ঘটনাবলী ও পর্যবেক্ষণের সাথে মিলিয়ে পরীক্ষা করুন। অধিকাংশ প্রতিরক্ষা পর্যালোচকের অভিমত হ’ল, ১৯৩৯-৪৫ দ্বিসায়ীর মহাযুদ্ধে ফ্রান্স শুধুমাত্র এজন্য এত সত্বর পরাজিত হয়েছিল যে, ফরাসী সৈন্য অারাম-

প্রিয়, বিলাসপরায়ণ ও হীন মনোবলের ছিল এবং আত্মবিশ্বাসের মহামূল্য রত্ন থেকে ছিল শত সহস্র মাইল দূরে। মুসোলিনী যদিও ইটালীয়দের দৈহিক এবং শিক্ষাগত দিক দিয়ে সমৃদ্ধ করেছিলেন, কিন্তু তাদের নৈতিক ও চারিত্রিক মন্বত্তির দিকে কোনরূপ মনোনিবেশ করা হয়নি। এজন্য তারাও খুব দ্রুত যুদ্ধের ময়দানে হাল ছেড়ে দিয়ে বসে। ক্রুসেডগুলোতে সালাহুদ্দীন আইয়ুবীর মুকাবিলায় ক্রুসেডের হামলাকারীদের অবস্থাও হয়েছিল তদ্রূপ। এই যুদ্ধবাজদের যেসব গলদ ও ভ্রান্তি জেনারেল টুকার স্বীয় গ্রন্থে উল্লেখ করেছেন, সেসব ছাড়াও আমাদের মতে ক্রুসেডীয় লুটেরাদের সব চাইতে বড় কমহোরী ছিল তাদের নৈতিক ও চারিত্রিক অধঃপতন। এর সমর্থনে টি. এ. আর্চার এবং চার্লস লিভার্জ কিংসফোর্ড তাঁদের ‘জাতিসমষ্টির ইতিহাসে ক্রুসেড’ শীর্ষক গ্রন্থে লিখেছেন :

“প্রথম ক্রুসেডের সূচনাকারীদের সম্মুখে দু’টি উদ্দেশ্য ছিল। প্রথমটি, সম্ভবত এটিই ছিল সবচাইতে গুরুত্বপূর্ণ, আর তা হ’ল পবিত্র স্থানসমূহের উপর ‘ঈসায়ী সরকারগুলোর দখল কায়েম করা এবং দ্বিতীয়টি এই যে, পূর্ব ইউরোপকে তুর্কীদের হামলা থেকে বাঁচতে হবে।

“প্রথম উদ্দেশ্য প্রায় হাসিল হয়ে গিয়েছিল। এমন সময় ক্রুসেড বাহিনীতে অধঃপতন দেখা দেয়। তাতে করে অজিত উদ্দেশ্যও হস্তচ্যুত হয়ে যায়। এর বহু কারণ ছিল। তন্মধ্যে কতিপয় এই :

“প্রথমত, বিস্তৃতির দিক দিয়ে বিজিত এলাকা খুবই কম ছিল। ফলে তার সীমান্ত ছিল বিপদের সম্মুখীন। দ্বিতীয়ত, ফৌজের ভেতর ঈর্ষা ও বিদ্বেষের কারণে পরস্পরের মধ্যে তিক্ততা বিরাজমান ছিল। তৃতীয়ত, ক্রুসেডীয় ‘ঈসায়ী এবং সিরীয় খৃস্টানদের মধ্যে পারস্পরিক বিশ্বাস ও আস্থা ছিল না। চতুর্থত, কর্মকর্তারা একে অপরের প্রতি ছিল মারমুখে। যে সব ফৌজ পূর্বে এসে অবস্থান নিয়েছিল তারা বিশৃঙ্খল, আরাম ও বিলাসিতার শিকার হয়ে যায় এবং পশ্চিমা অধিবাসীদের আবেগ ও উৎসাহ যায় ঠাণ্ডা হয়ে।

“দ্বিতীয় উদ্দেশ্যটির ব্যাপারে দু’টো চিন্তাধারা বিরাজ করছিল। প্রথমত, পূর্ব ইউরোপের ‘ঈসায়ী রাষ্ট্রগুলো তুর্কীদের কারণে ভীতসন্ত্রস্ত

ছিল এবং নিজেদের নিরাপত্তা কামনা করছিল। ক্রুসেড সে সব রাষ্ট্রের ধ্বংস অবশ্যই ঠেকিয়ে রাখে। কিন্তু আমরা এ কথা না বলে পারছি না যে, সেসব রাষ্ট্রের কমযোরীর পরিণতিতে ধ্বংসের কারণও ক্রুসেড বাহিনীই হয়। কেননা তুর্কীদের ফিরিয়ে রাখার ক্ষেত্রে প্রথম ক্রুসেডের যে ফলপ্রসূ প্রভাব সৃষ্টি হয়েছিল—চতুর্থ মুদ্র তা শ্লান করে দেয় এবং এরপর পূর্ব যুরোপে ইসলামী ফৌজকে রুখবার জন্য আর কোন শক্তিই থাকলো না। এসব ক্রুসেডের কারণে প্রাচ্য দুনিয়া এবং পশ্চিমা রাষ্ট্রগুলোর মধ্যে ধর্মীয় ও রাজনৈতিক বিভেদ খুবই গভীর হয়ে পড়ে এবং 'ঈসাম্বী হকুমতগুলোর শক্তিও অত্যন্ত দুর্বল হয়ে যায়।”

দ্বিতীয় উদ্দেশ্য ছিল যুরোপে ইসলামের প্রচার ও প্রসারকে স্তবধ করে দেওয়া।

এর পর তিনি লিখছেন :

“যুরোপ সীমান্তের বাইরে কদম রাখার পর ক্রুসেড নাইটগন রাজনৈতিক বিবাহ করেন, যার নজীর অথো ২য় (OTHO) ব্যতীত আর কোথাও মেলে না। শুধু তাই নয়, সম্রাট এডওয়ার্ড ১মকে অত্যন্ত আস্থার সঙ্গে এই পরামর্শ দেওয়া হয়েছিল যে, যুরোপের সুন্দরী শাহযাদীদেরকে প্রাচ্য ভাষায় জ্ঞান দান করে প্রেরণ করা হোক যাতে তাদের তুর্কী ও আরব রাষ্ট্রগুলোর শাসনকর্তাদের সঙ্গে বিয়ে দেওয়া যায়। তারা খোদার কৃপায় ও নিজেদের সৌন্দর্যের কমনীয় আকর্ষণে তাদের স্বামীদের ঈসাম্বী মাসহাবে নিয়ে আসতে পারবে।”

নৈতিক ও চারিত্রিক দুর্বলতা এবং কৃতকর্মের অধঃপতন যুদ্ধের ময়দানেই শুধু পরাজয় ও ব্যর্থতার কারণ হয়নি বরং চিন্তা ও কর্মের গোটা দুনিয়ার উপরও মাস্তলরূপ বিরাজ করছিল। অতএব সে সবার পরিণাম ফলও তেমনি ক্ষতিগ্রস্ত ও ধ্বংসরূপে দেখা দেয়।

এসব উদ্ধৃতি ও দৃষ্টান্ত বেশ দীর্ঘ হয়ে গেল। এযার সত্রেটিসের ধ্যান-ধারণা আরও একটু প্রত্যক্ষ করুন। প্রাচীনকালে জ্ঞানী ও দার্শনিকমণ্ডলীর মধ্যে তিনি অত্যন্ত উঁচু মর্যাদার অধিকারী ছিলেন। এমন একটি যুগের সঙ্গে তিনি সংশ্লিষ্ট ছিলেন এবং এমন একটি সভ্যতার

সৃষ্টি ও প্রতিনিধি ছিলেন, যাকে মানদণ্ড ও মরতবার দিক দিয়ে সব সময় সম্মান ও ভক্তির চোখে দেখা হয়। সিপাহসালারের গুণাবলী ও বৈশিষ্ট্য বর্ণনা করতে গিয়ে তিনি বলেন :

“সৈন্যবাহিনীর সর্বাধিনায়কের জন্য অপরিহার্য হ’ল, তাকে এ ব্যাপারে পুরো জ্ঞান ও সান্ত্বনা থাকতে হবে যে, তার ফৌজের রসদ-সস্তার এবং অন্যান্য মাল-সামান কোথেকে মিলবে যেন ফৌজের কোন সময় ঘাটতি অনুভূত না হয়। তার ভেতর এ সামর্থ্য থাকতে হবে যেন তিনি প্রতিরক্ষা পরিকল্পনা প্রস্তুত করতে পারেন। শুধু প্রস্তুত করতে পারবেন তাই নয় বরং তা কর্মক্ষেত্রে প্রয়োগের দৃঢ় ইচ্ছা-শক্তি ও সামর্থ্যও তার থাকতে হবে। তাকে সুক্লদর্শী, খোলা মন, মেহনতী ও পরিশ্রমী, কখনো নরম দিল, আবার কখনো রক্ত পিয়াসী হতে হবে। কখনো চৌকিদারের মত হুঁশিয়ার—আবার কখনো চোরের মত সুযোগ সন্ধানী, কখনো দাতা ও দানশীল ; কখনো কৃপণ ও বখীল, কখনো নির্ভীক আবার কখনো সংযত-বাক ও কখনো দৃঢ়চিত্ত ও সহনশীল, আবার কখনো তাকে ধূর্ত ও চালাক হতে হবে। এসব এমন বৈশিষ্ট্য যার ভেতর কতকগুলো জন্মগতভাবে প্রাপ্ত, আবার কতকগুলো অভিজ্ঞতাজাত এবং চিন্তা-ভাবনা থেকেও অর্জিত হতে পারে। এতদ্বিধি সিপাহসালারকে সমরশাস্ত্র এবং প্রতিরক্ষা কৌশল সম্পর্কে অভিজ্ঞ হওয়াও অপরিহার্য। ফৌজের জন্য শৃংখলা ও নিয়ন্ত্রণ জরুরী। শৃংখলা ব্যতিরেকে ফৌজ শুধুমাত্র মানুষের সমাবেশ ছাড়া আর কিছু নয়। যেমন ইট, চুনা, বালি এবং অন্যান্য সামগ্রী-সস্তারকে ইমারত বলা যায় না, তদ্রূপ এই সমাবেশকেও ফৌজ বলা যায় না।”

এই বর্ণনার ভেতর সর্বাধিক চিন্তাকর্ষক ও শিক্ষাপ্রদ অংশ হ’ল তাতে সিপাহসালারের গুণাবলী বর্ণনা করা হয়েছে। এতে সিপাহসালারের সর্বাঙ্গের বড় শিক্ষাদারী এই বলা হয়েছে যে, “তার রসদ-সস্তার ও সমরোপকরণের বিদ্যমানতা এবং উপকরণ যোগানোর জ্ঞান ও পূর্ণ পরিতৃপ্তি থাকবে।” নেপোলিয়ন এরই একটা অংশকে বর্ণনা করেছেন এভাবে—“ফৌজ খালি পেটে লড়াই করতে পারে না।”

শৃংখলা ও নিয়ন্ত্রণ দ্বারা সেক্রেটিস সর্ব প্রকারের ফৌজী-শৃংখলার কথাই বুঝিয়েছেন। কেননা শৃংখলা দ্বারাই ফৌজ ফৌজ হয় এবং

সঠিক পন্থায় চলাচল করতে পারে এবং সঠিক চলাচল ও গতিবিধির উপরই প্রতিরক্ষা কৌশল ও সমরশাস্ত্র নির্ভরশীল। সাধারণভাবে দেখা গেছে যে, আজকাল কতক তরুণ ফৌজী অফিসার সমরশাস্ত্রের মূলনীতি বুঝে নেওয়াটাই সমরশাস্ত্রের কামালিন্নাত হাশিল মনে করেন। অথচ এটা ভুল। দুনিয়ার বড় বড় প্রতিরক্ষা বিশেষজ্ঞগণ অত্যন্ত তাগিদ দিয়ে বারবার বলে আসছেন যে, মোটর গাড়ীর ইঞ্জিন দুরস্ত হওয়া নিশ্চিতই জরুরী, কিন্তু এভাবে হতে হবে মেন গাড়ীর একটি চাকায়ও কোন গ্রুটি না থাকে। যদি একটিও গ্রুটি থাকে তবে ইঞ্জিন চলতে থাকলেও গাড়ী নড়াচড়া করতে পারবে না।

যা-ই হোক, সক্রটিসের মতামতও প্রায় তাই, যা আপনি বর্তমান ও নিকট অতীতের অপরাপর প্রতিরক্ষা বিশেষজ্ঞদের পর্যালোচনায় পড়েছেন। কিন্তু সক্রটিস কিছু পয়েন্ট ও গুণাবলী বিস্মৃত হয়ে গেছেন। এগুলো আমাদের আঁ-হযরত সাব্বান্লাহ 'আলায়হি ওয়া সাব্বামের নেতৃত্বে ও অধিনায়কত্বে পূর্ণভাবে উজ্জ্বলতরুপে দৃষ্টিগোচর হয়। সেগুলো হ'ল ও সহ্য শক্তি, দৃঢ়তা, আত্মত্যাগ, শরীরকে আরামপ্রিয়তার হাত থেকে দূরে রাখা। বস্তুত সিপাহসালারকে কঠোরমনা, পরিশ্রমী এবং স্থীর মস্তিষ্কের হতে হবে। গত দু'টি বিশ্বযুদ্ধে বহু বড় ফুন্টে শুধুমাত্র এ কারণেই ব্যর্থতা বরণ করতে হয়েছে যে, জেনারেলদের ইচ্ছা শক্তি ছিল দোদুল্যমান এবং তাঁদের ধৈর্য ও স্থৈর্যের মাত্রা নিঃশেষ হয়ে গিয়েছিল। অন্যথায় তাঁদের সৈন্যদের লড়াই করবার মত মনোবল তখনও বাকী ছিল।

ইসলামী সেনাবাহিনীর প্রশিক্ষণ

এখন আসুন এবং দেখুন যে, আঁ-হযরত (সা) মুসলিম সৈন্য-বাহিনীর প্রশিক্ষণ কেমনভাবে দিয়েছিলেন এবং পরিপূর্ণতার অপরিহার্য অঙ্গনে কি কি বিষয় অন্তর্ভুক্ত করেছিলেন।

রসূল আকরাম (সা) জীবনের শুরু থেকেই এই বাস্তবতা সম্পর্কে পুরোপুরি ওয়াকিফহাল ছিলেন যে, মুছ একটি উন্নয়নক প্রতিযোগিতা

এবং এই প্রতিযোগিতামূলক বাজীতে খেলোয়াড়কে ক্ষুধা, তৃষ্ণা, বিপদা-
পদ মুসীবতের মুকাবিলার জন্য দৃঢ় ইচ্ছা শক্তি ও মনোবল ছাড়াও
কঠিনতর প্রশিক্ষণের প্রয়োজন হয়। অক্ষম ও অল্প-বয়স্কদের ছেড়ে
দিলে মুসলমানরা কোনরূপ পার্থক্য ও বৈষম্য নিবিশেষে ইসলামের
এক একজন সিপাহী। সূতরাং তারা ছাড়া এই প্রশিক্ষণের হাত থেকে
কেউ মুক্ত হতে পারে না। অ'ই-হযরত (সা) সিয়াম পালনের নির্দেশ
দিলেন যেন মুসলিম মুজাহিদ ক্ষুধা-তৃষ্ণার কষ্ট অত্যন্ত সহজভাবে
বরদাশ্ত করতে পারে এবং এতে সে অভ্যস্ত হয়। তিনি জানতেন যে,
অধিনায়ককে তার বাহিনীর জীবনের বাজী ধরতে হয়। এটাও বিরাট
শিষ্টমাদারী এবং এটা সে সময় পর্যন্ত পুরোপুরি ও সুচারুরূপে পালন
করা সম্ভব হতে পারে না যতক্ষণ পর্যন্ত না আনুগত্য ও নির্দেশ পালনের
আলোড়নকারী বিষয় অত্যন্ত শক্তিশালী হয়, ফৌজ ও তার অধিনায়কের
ভেতর সুনির্দিষ্ট লক্ষ্য একাত্মতা এবং ঘনিষ্ঠ সম্পর্ক ও যোগসূত্র স্থাপিত
হয়, আস্থা ও আনুগত্যের আবেগের ভেতর জীবন হয় এবং ফৌজ এ
ব্যাপারে পূর্ণ তৃপ্ত না হয় যে, সেনাপতির বাস্তবিক আচরণ ও উদ্দেশ্য
এমন কি প্রতিটি বস্তু চিন্তাকর্ষক ও উন্নতমানের যা অপরকে অনুপ্রাণিত
করে এবং যা সম্মান ও অনুকরণযোগ্য। এখানে এটা বলা দরকার
নেই যে, অ'ই-হযরত (সা)-এর অভ্যাস ও চালচলন এবং কার্যাবলী ও
কর্মকাণ্ডের প্রভাব মুমিনদের উপর কতখানি ছিল এবং কর্ম-নৈপুণ্যের
দিক দিয়ে কাফির ও মুশরিকেরাও তাঁকে কী পরিমাণ সম্মান ও
মর্যাদার দৃষ্টিতে দেখতো! সেরূপ যে সব উত্তম বিষয় যা একজন
উন্নত মানের ও শ্রেণীর অধিনায়কের ভেতর থাকা উচিত অ'ই-হযরত (সা)
ভেতর তা সব এবং পরিপূর্ণরূপেই বিদ্যমান ছিল, মুসলমানদের
নৈতিক ও চারিত্রিক প্রশিক্ষণের নমুনাও দৃষ্টান্তরূপ ছিল।

থাকলো শৃংখলা ও নিয়ন্ত্রণের ব্যাপার। এটাও ছিল দৃষ্টান্তরূপ।
বিশ্বাসী সম্প্রদায় ছিল অ'ই-হযরত (সা)-এর জন্য জীবন উৎসর্গীকৃত।
তাদের জীবন ও মরণ সবই ছিল আল্লাহর জন্যেই। রক্তগত, খান্দানী,
বংশীয়, ঐতিহাসিক, অর্থনৈতিক ও সম্পদের দিক দিয়ে শাবতীয় অসাম্য
পুরোপুরি দূর হয়ে গিয়েছিল। সাধ্য ও ভ্রাতৃত্বও এমন ছিল যে, দুনিয়া
ও আসমান এর নজীর দেখে নি। জীবন বাজী ও আত্মোৎসর্গের আবেগ

ও উৎসাহে প্রতিটি মুজাহিদ ছিল বিহ্বল। অধিনায়কত্ব ও নেতৃত্ব ছিল আব্দুল্লাহ রসুল (সা)-এর আনুগত্যের ক্ষেত্রে অগ্রগামী হবার জন্যে, অধীনতা ও অনুসরণ ছিল শাহাদতের উদগ্র কামনা চরিতার্থ করার জন্যে। প্রভাব-প্রতিপত্তিশালীদের উপর গোলাম ও গোলামপুত্রদের নেতা ও রাহবর নিযুক্ত করা হচ্ছে আর সবাই খুশী মনে তার হুকুম তা'মিল করছে। তাকওয়া ও পরহেযগারি ছিল মর্ঘাদার একমাত্র মাপকাঠি। আর রসুল (সা)-এর আনুগত্য ছিল গর্বের বিষয় ও কল্যাণ লাভের ওসীলা।

এত সব সত্ত্বেও আ'-হযরত (সা) সব ক'টি যুদ্ধই অত্যন্ত সতর্কতা, বুদ্ধিমত্তা ও সমর-নৈপুণ্যের সঙ্গে লড়েছেন। তাতে মুসলিম বাহিনীর জীবন হানি সব সময়ই খুব কম হয়েছে। এটি একটি অনুপম বৈশিষ্ট্য যা প্রতিরক্ষা কৌশল পরিচালনায় গুরুত্বপূর্ণ পদ্ধতি হিসেবে উপস্থাপিত করা যেতে পারে। সার কথা এই যে, আ'-হযরত (সা) স্বীয় নৈতিক ও চারিত্রিক শক্তি এবং মুজাহিদসুলভ প্রশিক্ষণ দ্বারা আরবদের বিশ্ব বিজয়ী বানিয়েছেন। আর এই প্রশিক্ষণের ফলেই অত্যন্ত শক্তিশালী ও দীর্ঘস্থায়ী হয়। তাঁর ওফাতের পরও কাফিরদের সুদৃক ও সাহসী ফৌজ মুজাহিদদের সামনে আসতে ভয়ে কেঁপে উঠতো।

জিহাদের ইতিহাসের একটি ঘটনা দলিল হিসেবে প্রধানযোগ্য। পেছনের কোন এক অধ্যায়ে এটা বর্ণনা করা হয়েছে যে, রোমের সাল-তানাত আরব ভূ-খণ্ডের উত্তর ও উত্তর-পশ্চিমে বিস্তৃত ছিল। তার শক্তি ও প্রভাব-প্রতিপত্তির খ্যাতি সমগ্র দুনিয়ায় পরিব্যাপ্ত ছিল। স্থানীয় সাকল্যের পর যখন ইসলামী শাসনের পরিধি বর্ধিত হয়, তখন রোমীয়রা নিজেদের অসীম ক্ষমতা ও শক্তির দাপট প্রদর্শন দ্বারা মুজাহিদদের ভীত ও সঙ্কুচিত এবং তাদের অগ্রগতির পথ চিরতরে রুদ্ধ করে দিতে চাইল। রোম সালতানাত ছিল অত্যন্ত শক্তিশালী সাম্রাজ্য এবং তার দুর্ধর্ষ বাহিনীর খ্যাতি দুনিয়াভর প্রতিষ্ঠিত ছিল। উভয় পক্ষের মুকাবিলা হ'ল। রোমানদের বিশ্বাস ছিল যে, তাদের ফৌজ নিরস্ত আরবদের পর্যুদস্ত করে মরু প্রান্তরে ঠেলে দেবে, যেখানে তারা রসদ-সভারের ঘাটতি স্বল্পতার কারণে শোচনীয়ভাবে খতম হয়ে যাবে। কিন্তু যখন পরপর কয়েকটি যুদ্ধে পরাজিত হওয়া ছাড়া আর কোন লাভ হ'ল না

তখন সম্রাট হেরাক্লিয়াস দ্বীয় সমর ও প্রতিরক্ষা বিশেষজ্ঞদের ডেকে ব্যর্থতার কারণ জিজ্ঞাসা করেন। তিনি বলেন : আরব সৈন্য সংখ্যায় কম। তাদের হাতিয়ার তোমাদের হাতিয়ার ও সমরাস্ত্রের মুকাবিলায় অত্যন্ত নিরুষ্ণ, ত্রুটিপূর্ণ এবং সেকেলে ধরনের। এর পর কি কারণ যে, আমাদের বিশাল বাহিনী তাদের মুকাবিলায় তিষ্ঠিতে পারছে না। সবাই চূপ করে ভাবতে থাকে। কারণ মুখে কোন উত্তর জোগাল না। অবশেষে কিছুক্ষণ পর একজন বসীমান বাহাদুর সিপাহী উঠে দাঁড়ান এবং সম্রাটকে সম্বোধন করে বলেন : আলীজাহ্! আরবদের বিজয়ের রহস্য তাদের নৈতিক ও চারিত্রিক শক্তির মধ্যে নিহিত। তারা রাষ্ট্রের কিছু অংশ আফ্লাহ্‌র ইবাদত বন্দেগীতে অতিবাহিত করে। দিনের বেলায় প্রয়োজন মাফিক সিয়াম পালন করে! কোন মানুষের উপর জুলুম করে না। পারস্পরিক দ্রাতৃত্ব ও সাম্যের ভেতর বাস করে। এ সব কারণেই তারা এত সাহসী ও নিষ্ঠুর এবং এজন্যই তারা শত্রুর উপর জয়ী হয়। তাদের সুদৃঢ় ইচ্ছা শক্তি পাহাড়ের মত অটল ও ময়বুত। কিন্তু সলজ্জভাবে বলছি, রোমের সিপাহীরা অত্যন্ত অহংকারী, বিভিন্ন রকমের অন্যায় ও কুকর্মে লিপ্ত। তারা প্রতিজ্ঞা ভঙ্গকারী এবং গরীব ও অসহায় ব্যক্তিদের উপর জুলুম ও নিষ্ঠাতন করে থাকে। এরই কারণে আরবীয়দের তুলনায় সাহসিকতায় ও জানবায়ীতে রোমীয়রা দুর্বলতর।

একটি ভ্রান্তি

আমরা অ'ই-হযরত (সা)-এর "শৈশব ও যৌবন" অধ্যায়ে "তকদী" শীর্ষক অনুচ্ছেদে লিখেছি, কোন কোন মুসলমানের এ ধারণা সঠিক নয় যে, অ'ই-হযরত (সা)-এর সফলতার তামামতর কারণ এই যে, তিনি আফ্লাহ্‌র নবী ও রসুল ছিলেন এবং আফ্লাহ্ তা'আলার সাহায্য ও সহায়তা তিনি লাভ করেছিলেন। এর উপর কোনরূপ মতামত পেশ করা এবং এর সঙ্গে চোঁটা-তদবীর ও কৌশল উদ্ভাবনকে যুক্ত ও অংশী করা ঠিক নয়। নবুওতের মহান মর্যাদা এবং আফ্লাহ্ তা'আলার

সাহায্য ও সহায়তাকে অস্বীকারের প্রয়োগই ওঠে না। আমাদের এ ব্যাপারেও অটুট শ্রদ্ধা রয়েছে যে, হযরতের স্বভাবজাত যোগ্যতা এবং খোদাদাদ শক্তি ছিল অমন্যসাধারণ। কোন মানুষকে তাঁর মুকাবিলায় দাঁড় করাবার ধৃষ্টতা করা চলে না, কিন্তু কর্মক্ষেত্রে তিনি যা কিছু করেছেন তা একজন মানুষ হিসেবেই করেছেন। আর তা বিশ্বচরাচরের পরিবেশগত নিয়ম-কানুন ও কার্য-কারণের প্রভাবমুক্ত হতে পারে না। নবুওত লাভের পর তিনি অত্যন্ত মুসীবত ও কঠিন অবস্থার মুকাবিলা করেন। কিন্তু তা করেন হিম্মত, ধৈর্য ও দৃঢ়তার সঙ্গে। আর এর ফলশ্রুতি হ'ল এই যে, সং স্বভাব ও খীর-স্থির প্রকৃতির লোকেরা তাঁর পয়গামকে কবুল করে। বস্তুত যেখানে হক ও বাতিলের মধ্যে সুস্পষ্ট পার্থক্য রয়েছে, সেখানে এ কথাও ঘোষণা রয়েছে যে, হক-এর পশ্চাতে আন্লাহ্ পাকের সাহায্য অবশ্যই থাকে। অধিকন্তু সংগ্রাম ও সাধনা, সবার ও দৃঢ়তা সফলতা লাভের বিশেষ অপরিহার্য অঙ্গ। আন্লাহ্ তা'আলার জলীলুদ কদর পয়গম্বরেরকেও জীবন-যজ্ঞপাদানকারী অবস্থা অতিক্রম করতে হয়েছে এবং কৌশল ও উপায় মাধ্যমের সাহায্য গ্রহণ করতে হয়েছে। এরপর কোন মনষিলে মকসুদে তাঁরা পৌঁছেছেন। বস্তুতঃ বাস্তব সত্য এটাই, এটা কারও অস্বীকার করারও উপায় নেই। এবং এর সঙ্গেই পয়গম্বরের প্রতিটি উক্তি, কোন 'আমলকে উত্তম আদর্শ অভিহিত করে তাঁর অনুকরণের তাকীদ করা হয়েছে। সুতরাং উক্ত সম্মান ও নিরাপত্তার আসনে উপবেশন করে তকদীরের অস্বীকৃতি এবং অনৈসলামী দর্শন পেশ করা কখনো শোভনীয় হতে পারে না।

মক্কী জীবনের বিপদাপদ ও মুসীবত এবং কষ্টকর অভিজ্ঞতার পর হিজরতের মনষিল, এর পর দারুল ইসলামের প্রতিষ্ঠা এবং সেখানে অভিজ্ঞ নেতৃত্ব, রাষ্ট্রীয় ব্যবস্থাপনা, বিভিন্ন গোত্রের সঙ্গে সম্পাদিত চুক্তি এবং এ ধরনের অন্যান্য সব কর্ম এভাবেই কি আজাম দেওয়া হয়নি, যেভাবে একজন মানুষকে আজাম দেওয়া দরকার এবং সেগুলোর পরিপূর্ণতায় হযরত (সা)-কে সেই সব অবস্থা ও ঘটনার সম্পৃকিত হতে হয়নি, যার সম্পৃকিত হতে হয় অন্য মানুষকে? অতঃপর এসব ঘটনা ও অবস্থা, তদুপরি আ'-হযরত (সা)-এর সমগ্র জীবন মুসলমানদের

জন্য কি অনুকরণযোগ্য নমুনা নয়? হাদীছ, সীরাতে ও ইতিহাসের কোন কোন গ্রন্থে হযরত আবুলকাসিম (স)-এর দুইটি সত্তা নির্ধারণ করা হয়েছে একটি অপরটি থেকে পৃথক করে মানবীয় ও অতি মানবীয় এই দুই ভাগে কি বিভক্ত করা হয়েছে?

এখন আমরা অ'-হযরত (স)-এর জীবনের একটি দিকের আলোচনা করব। আর এটাই তাঁর জীবনের সর্বাপেক্ষা গুরুত্বপূর্ণ দিক অর্থাৎ মুজাহিদ বাহিনীর অধিনায়ক ও রাষ্ট্রের আমীর হিসাবে তাঁর অবস্থান। আমরা স্বীকার করি যে, অ'-হযরত (স)-কে আল্লাহ-তাআলা প্রকৃতিগতভাবে প্রথম ধী-শক্তি ও মেধাসম্পন্ন, সদা-সতর্ক, যোগ্য ও উৎকৃষ্টতম করে পাঠিয়েছিলেন; কিন্তু তিনি কি এসব প্রকৃতিগত যোগ্যতাকে কাজে লাগিয়ে নিজের ভেতর ফৌজের অধিনায়কের সর্বোচ্চ ও সর্বোত্তম গুণাবলী ও যোগ্যতা সৃষ্টি করেন নি? মেহনত ও কঠোর পরিশ্রমের সে সব স্তরকে কি অতিক্রম করেন নি যা তাঁর পরিপূর্ণতা সাধনের জন্য আবশ্যিক? মরুভূমির কঠিন ও কষ্টকর জীবনে তিনি আবাস ও সফর, ব্যবসা-বাণিজ্য ও কায়দারবার, যুদ্ধ ও সন্ধি সব কিছুই অভিজ্ঞতা সঞ্চয় করেছেন। প্রকৃতিদত্ত যোগ্যতা ও অভিজ্ঞতার এটাই ছিল সম্ভব যে, তিনি দুনিয়ার সব চেয়ে বড় ও সর্বাধিক সফল জেনারেল এবং সর্বোত্তম শাসক প্রমাণিত হন। প্রতিরক্ষা রাজনীতিতে তিনি যে সব কৌশলের মাধ্যমে কাজ করেছেন এবং কর্মক্ষেত্রে তিনি যে রণনৈপুণ্যের প্রমাণ দেন সাড়ে তেরো শতাব্দী কালের সকল উন্নতি ও অগ্রগতি সত্ত্বেও দুনিয়া এর চেয়ে আগে বাড়তে পারেনি। এ সম্পর্কে সম্মুখে আলোকপাত করা হবে।

সৈন্য সমাবেশ ও আক্রমণ পরিচালনা

অ'-হযরত (স) যুদ্ধের প্রাক্কালে ও যুদ্ধের সময়ে বিভিন্ন সাহাবার নেতৃত্বে মুজাহিদ বাহিনীর ছোট ছোট প্লাটুন ও কোম্পানী বিভিন্ন স্থানে পাঠাতেন। এ সবকে সান্নিধ্য বলা হয়েছে। এ সব অভিজ্ঞান:

কেন পাঠানো হতো, এ ধরনের হামলা ও সৈন্যদলের গুরুত্বই বা কি এবং তাদের প্রশিক্ষণই বা কিভাবে হতো সেটা পুরোপুরি উপলব্ধি ও অনুভব করানোর জন্যে আমরা নিম্নে পাশ্চাত্যের প্রতিরক্ষা বিশেষজ্ঞদের মতামত পেশ করছি :

যখন কোন সৈন্যবাহিনীর সর্বাধিনায়ক এটা ফয়সালা করবেন যে, তার ফৌজ দূশমনের উপর হামলা চালাবে তখন তাকে এ বাস্তব সত্য স্বরণ রাখতে হবে যে, বিজয় সেই ফৌজের পদচুম্বন করে, যারা নিজেরাই অগ্রসর হয়ে স্বয়ং হামলা পরিচালনা করে। সৈন্য দলের আগে বেড়ে আক্রমণ থেকেই তার গুরুত্ব প্রকাশ পেয়ে থাকে। এর দ্বারাই সিপাহসালার দূশমনের উপর প্রাধান্য হাসিল করতে পারেন। আর দূশমনের উপর একবার যখন আগে আগে আক্রমণের মাধ্যমে প্রাধান্য প্রতিষ্ঠিত হয়ে যায়, তখন তা আর হাত ছাড়া করা ঠিক হবে না। কেননা এর দ্বারাই দূশমনকে পর্যুদস্ত করে তাকে অনুকূল শর্ত মেনে নিতে বাধ্য করা যেতে পারে। শত্রুর উপর হামলা পরিচালনা করে তাকে পরাজিত করবার দৃঢ় ইচ্ছা ফৌজের প্রতিটি সদস্যের অন্তর মনসে বদ্ধমূল হয়ে যাওয়া দরকার, যাতে করে অধীনস্থ অফিসার মওকা মাক্কিক শত্রুর উপর হামলা করে স্বয়ং সম্মুখে অগ্রসর হতে পারেন এবং তাদেরকে সাহসিকতায় উদ্বুদ্ধ করার প্রয়োজন অনুভূত না হয়। সাধারণ সেপাই থেকে শুরু করে সিপাহসালার পর্যন্ত এই বাস্তব সত্য সবার মন-মগজেই গেঁথে রাখা উচিত যে, হাল ছেড়ে দিয়ে বসে থাকা, বিশেষ করে যুদ্ধের ময়দানে, মারাত্মক অপরাধ। বিপদ-আপদ ও মুদীবতে ঘাবড়িয়ে যাওয়া কিংবা তাকে উপেক্ষা করা বা এড়িয়ে যাওয়া কাপুরুষতার লক্ষণ আর কাপুরুষতা ফৌজের জন্যে পরাজয় এবং জাতির জন্যে লজ্জা ও কলংকের কারণ হয়ে থাকে। সফলতা লাভের জন্যে হামলাকারী ফৌজকে ঐ সব বনিয়াদী মূলনীতি মেনে চলা উচিত।

১. আকস্মিক হামলা

এটা এত বড় সাংঘাতিক অস্ত্র যে, হামলাকারী একে কাজে লাগিয়ে লড়াইয়ের অত্যন্ত নাসুক পর্যায়ে দূশমনকে ভীত-সন্ত্রস্ত করে তুলতে

পারে। আক্রমণকারী হবার জন্যে কতিপয় জরুরী বিষয়ের প্রতি রক্ষা রাখা আবশ্যিক। আকস্মিক হামলার উদ্দেশ্য থাকে দূশমনকে বিব্রত ও হতবুদ্ধিকর অবস্থার মধ্যে নিষ্ক্ষেপ করা। সেজন্যে প্রথমেই এমন প্রভাব সৃষ্টি করা দরকার যদ্বারা শত্রু বাহিনীর অধিনায়কের মন-মগজ প্রভাবিত হয়। দৃষ্টান্তস্বরূপ, যদি তার মনে স্বীয় বাহিনীর শক্তি সম্পর্কে অহেতুক অহংকার সৃষ্টি করে দেওয়া যায় এবং শ্রেষ্ঠত্বের মোহ ও গর্বে অভিভূত করে তোলা যায়, তবে সে হামলাকারীদের আসল অভিপ্রায় সম্পর্কে অনবধান থাকবে এবং সে জানতেও পারবে না যে, তার বিরুদ্ধে কোথায় এবং কি ধরনের হামলা হতে পারে। যেহেতু আচানক হামলার মওকা মাঝে মাঝে পাওয়া যায় আর এ থেকে যদি তাৎক্ষণিকভাবে কোন ফায়দা না লাভ করা যায় তবে আর কখনোই সে মওকা ফিরে আসে না। অতএব হামলাকারীর জন্যে এটা অত্যন্ত জরুরী যে, তিনি এটাকে কাজে লাগাবার জন্যে নির্ধারিত সময়ের পূর্বেই পূর্ণ সতর্কতার সঙ্গে পরিকল্পনা তৈরী করবেন এবং তাকে কার্যকর করার জন্যে পুরোপুরি সজাগ ও তৈরী থাকবেন। অধিকন্তু এ বিষয়ের প্রতি খেয়াল রাখবেন যে, যদি কোন কারণে এই হামলা কামিয়ার না হয়, যেমন শত্রু পক্ষ পরিকল্পনার গোপন রহস্য জেনে গেছে, তখন যেন এর তদারক করা যেতে পারে। পরিকল্পনা গোপন রাখাও লেহায়েত জরুরী। বিশেষ করে যে মুহূর্তে পরিকল্পনাটি বাস্তবায়নের প্রস্তুতি জোরেশোরে চলতে থাকে, তখন আসল রহস্য কারও কাছে প্রকাশ করা যাবে না। আর যদি আশংকা দেখা দেয় যে, এসব প্রস্তুতিতে শত্রু হামলার ধরন পরিমাপ করে ফেলবে তাহলে এমতাবস্থায় তাকে গোপন রাখার উপায়ও পূর্বেই চিন্তা করে নেওয়া উচিত। আচানক হামলার পরিকল্পনা কয়েকজন লোককেই বলা উচিত যেন গোপনীয়তা ফাঁস না হয়।

এইরূপে একটি বিষয় উল্লেখযোগ্য যে, আচানক হামলার পরিকল্পনার গুরুত্বপূর্ণ দিকগুলো খুব কম সংখ্যক অধীনস্থের জানা থাকবে। গত মহাযুদ্ধে (১৯৩৯ - ৪৫ 'ঈসায়ী) যখনই কখনো আচানক হামলার গুপ্ত খবর ফাঁস হত্নে গেছে, তখনই ভীষণ রকম সম্পদ ও জীবন হানি হয়েছে। দৃষ্টান্তস্বরূপ বলা যায়, ব্রিটিশ সরকার বর্মার উপর হামলা পরিচালনা করে একটি গুরুত্বপূর্ণ বন্দর দখল করতে চেয়েছিল।

সর্বপ্রকার সতর্কতা এতে অবলম্বন করা হয় এবং শেষ পর্যন্ত অভি-
যানের আয়োজন সম্পূর্ণ হয়। এই সঙ্গে একজন যুবক পাদ্রী স্বাস্থিগেন।
পাদ্রী এ সংবাদে এত বেশী খুশী হয়েছিলেন যে, আনন্দের আতিশয্যে
ট্রেট ইস্টার্ন হোটেলে খানা খেতে যান এবং প্রচুর পরিমাণে শরাব পান
করেন। শরাবের নেশায় তিনি বুদ্ধি হারা হয়ে পড়েন। তিনি নেশার ঘোরে
খ্রীষ্ট বন্ধুদের বলেন : আমার অত্যন্ত খোশ-নসীব যে, বিলেত থেকে
আসার পরপরই আমার ফৌজের সঙ্গে যাবার মওকা মিলে গেল,
যারা জাপানীদের উপর সমুদ্রের দিক দিয়ে শীঘ্রই হামলা করতে যাচ্ছে।
পরদিন ভোর না হতেই সৈন্যদল উল্লিখিত অভিযানে বেরিয়ে পড়ে।
কিন্তু যখন উক্ত বন্দরে (আকিমাব) পৌঁছল, তখন দেখতে পেল দূশমনরা
লড়বার জন্য পুরোপুরি প্রস্তুত - যার জন্য এ সৈন্যদল ভীষণভাবে ক্ষতি
স্বীকার করে পশ্চাদপসরণ করতে বাধ্য হয়। পরে কারণ, অনুসন্ধান
করতে গিয়ে দেখা গেল, এই বিরাট ক্ষতি স্বীকারের কারণ হামলার
গোপনীয়তা ফাঁস হয়ে গিয়েছিল। একজন গুপ্তচর সেই হোটেল থেকে
জাপানীদেরকে উক্ত অভিযানের তথ্য প্রদান করেছিল। অতএব তারা
লড়বার জন্য পুরোপুরি প্রস্তুত হয়ে যায়।

সম্মুখে অগ্রসর হয়ে এটাই দেখান হবে যে, আঁ-হযরত (সা) এ
সব মূলনীতির উপর কিভাবে 'আমল করেছিলেন এবং কোন্ কোন্
ধরনের সতর্কতা অবলম্বন করেছিলেন।

যা-ই হোক এটা স্বীকৃত সত্য যে, আকস্মিক হামলা যুদ্ধের নেহা-
য়েত কার্যকর অস্ত্র। কিন্তু সকল প্রকার সতর্কতা ও প্রস্তুতির সঙ্গে এর
সাফল্যের জন্যে প্রয়োজন হ'ল আচানক হামলার প্রভাব, নতুন
আবিষ্কৃত অস্ত্র, সময়শাস্ত্রের অভিনব ও নিত্য-নতুন তরীকা-পদ্ধতি
এবং আক্রমণের পরিকল্পনাকে অত্যন্ত গোপন রাখতে হবে। কেবলমাত্র
এই পথেই কামিয়ারী হাসিল করা যেতে পারে। কিন্তু আকস্মিক
কিংবা আচানক হামলা সহজ কাজ নয়। এতে যে পরিমাণ সতর্কতা,
প্রস্তুতি ও গোপনীয়তা অবলম্বন করা হয়, শত্রু পক্ষও তিক সে পরিমাণ
সতর্কতা, প্রস্তুতি এবং গোপনীয়তার সঙ্গে সর্বপ্রকার চালবাজী ও চেষ্টা
তদবীরের গভীর অভিনিবেশ সহকারে অধ্যয়ন ও সে সব তদারকের
পথ করতে থাকে। এজন্য আচানক হামলা অত্যন্ত কঠিন ও দুঃসাধ

হয়ে থাকে। ঠিক তেমনি তার প্রস্তুতিকে গোপনীয়তার সঙ্গে বাস্তবায়নের জন্যে নেহায়েত জরুরী হ'ল, সকল অধীনস্থ অফিসার এবং অন্যান্য সৈন্য তাদের সিপাহসালারকে পূর্ণ সহযোগিতা দান করবে।

২. দূশমনের উপর বিজয় লাভের জন্যে জরুরী হ'ল—প্রতিরক্ষা পরিকল্পনা প্রণয়নে এবং একে কার্যকরী করতে সময় নষ্ট না করা। প্রতিটি কাজ অত্যন্ত যোগ্যতার সঙ্গে এবং কোনরূপ সময় নষ্ট ব্যতিরেকে সম্পন্ন করা। কিন্তু এর অর্থ এই নয় যে, খামাখা ঘাবড়িয়ে গিয়ে ও তাড়াহড়ো করে তা করা হবে। শত্রুর উপর অপ্রাতিমানের এখতিয়ার যখন হাতের মুঠোয় এসে যাবে তখন মওকা হেলায় হারানো আদৌ ঠিক হবে না। এ কাজকে পরিপূর্ণ রূপ দান ও দায়িত্বশীলতার সঙ্গে সম্পাদনের জন্যে জরুরী হ'ল—সিপাহসালার মোক্ষম মুহর্তে পরিষ্কার নির্দেশ জারী করবেন যাতে কারো কোনরূপ সন্দেহ থাকবে না এবং অধীনস্থ অফিসার অত্যন্ত চটপট নির্দেশ তামিল করবেন। যদি এ ধরণের গুরুত্বপূর্ণ কাজে দায়িত্বশীলতার ট্রেনিং শান্তি ও নিরাপদকালীন অতি উত্তম উপায়ে দেওয়া হয়, তাহলে যুদ্ধকালীন লড়াইয়ের হাঙ্গামা সত্ত্বেও সকল কাজই অত্যন্ত সুন্দর ও সুচরুরূপে এবং নিয়মতান্ত্রিকতার মধ্য দিয়ে পরিপূর্ণতায় পৌঁছুতে পারে।

এর সঙ্গে অপরায়িত জরুরী কথা হ'ল এই যে, অধীনস্থ অফিসার ও সৈন্যদের মাঝে আত্মবিশ্বাস এবং শত্রুর উপর হামলা করার মত জোশ ও আবেগ ক্রিয়ামূলক থাকবে যেন তারা বুঝেবুঝে প্রদত্ত নির্দেশ পূর্ণ বিশ্বাসের সঙ্গে পালন করতে থাকে, বিলকুল তেমনি যেমনি কোন মেশিন চালু অবস্থায় তার প্রতিটি যন্ত্রাংশ নিজ নিজ ভূমিকা পালন করতে থাকে। এরূপ সুবিন্যস্ত ও নিয়মতান্ত্রিকতার সব চেয়ে বড় ফায়দা হ'ল এই যে, এতে অধিনায়ক দূশমনের কুটী চাল বুঝতে পারেন এবং স্বীয় পরিকল্পনার উপর আরও অধিক চিন্তা-ভাবনা ও মনো-নিবেশের সুযোগ পেয়ে থাকেন এবং অন্য কোন বিষয় এ সব বিষয়ের ভেতর বিশৃঙ্খলা সৃষ্টি করতে পারে না।

অনন্তর যেভাবে এটা প্রয়োজন যে, নির্দেশ সময়মত জারী করতে হবে—ঠিক তেমনি এটাও জরুরী যে, ফৌজের সকল সদস্য সেগুলো

সময়মত এবং তাৎক্ষণিকভাবে তামিল করবে। যখন সুদূর ও অটুট ইচ্ছাশক্তির সঙ্গে নির্দেশ পালনেও বিদ্যুতগতি শামিল হয়, তখন দুশমনের পদস্থলন ঘটে। আর পদস্থলন যখন ঘটে যায় তখন দূর ইচ্ছা ও মনোবল নিয়ে বিদ্যুতবেগে শেষ হামলা করে তাদেরকে পরাজিত করা যেতে পারে।

৩. তৃতীয় মূলনীতি হ'ল অনাড়ম্বর ও সহজ-সরলতা। যদি যুদ্ধে বিবদমান পক্ষদ্বয়ের প্রতিরক্ষা-পরিকল্পনা দু'পক্ষের খোয়াল মাফিক চলে তা হলে এতে কারও জয় ঘেমন নিশ্চিত হবে না, তেমনি পরাজয়ও নির্ধারিত হবে না। লড়াইয়ে কিন্তু অবস্থার সতত পরিবর্তন ঘটে। সেজন্যে খুব কমই এমন ঘটে থাকে যে, সিপাহসালার স্বীয় প্রতিরক্ষা পরিকল্পনার উপর পুরোপুরি কাজ করতে পারেন। এজন্যই জরুরী যে, প্রতিরক্ষা পরিকল্পনা এমন সাদা-সিধে ও সহজ-সরল খাড়া করতে হবে, যার ভেতর প্রয়োজনবোধে পরিবর্তন সাধন করতে ঘেমন বেগ পেতে না হয়। জটিলতাবিহীন সহজ-সরল পরিকল্পনাকে সিপাহসালার পরিবর্তিত অবস্থার দাবী ও চাহিদা স্মৃতাবিক আসানীর সঙ্গে বিন্যস্ত করতে পারেন।

কিন্তু পরিকল্পনা সহজ-সরলতার অর্থ এই নয় যে, প্রতিরক্ষা পরিকল্পনা তৈরীতে অলসতার আশ্রয় গ্রহণ করা হবে অথবা যেহেতু এর পরিবর্তনের সম্ভাবনা রয়েছে, সেহেতু তাকে পরিপূর্ণতা লাভের মুখাপেক্ষী করে রাখা হবে। পক্ষান্তরে এর অর্থ এই যে, প্রতিটি দিকের উপর পুরোপুরি সতর্কতা এবং গভীর মনোযোগের সাথে চিন্তা-ভাবনা করে অনুকূল ও প্রতিকূল সকল অবস্থাকে সামনে রেখে সূক্ষ্ম দৃষ্টিতে তৈরী করা হবে। কেননা লড়াইয়ের হাঙ্গামায় সূক্ষ্মদর্শিতার সঙ্গে কাজ নেবার সুযোগ-সুবিধা ও মওকা খুব কমই মিলে থাকে।

৪. সমাবেশের মূলনীতি : এ পর্যায়ে সর্বাগ্রে একথা স্মরণ রাখা দরকার যে, আক্রমণকারী বাহিনীর সিপাহসালার আক্রান্ত ও আত্মরক্ষাকারী বাহিনীর অধিনায়কের উপর প্রাধান্য লাভ করে থাকেন। কারণ আত্মরক্ষার দাঙ্গিছে নিয়োজিত বাহিনীর অধিনায়ক শেষ মুহূর্ত পর্যন্ত জানতে পারেন না যে, আক্রমণকারী বাহিনী তার ফৌজের উপর কখন কিভাবে এবং কোথায় হামলা করবে। অতএব আত্মরক্ষায় নিয়োজিত

অধিনায়ক স্বীয় বাহিনীকে একই জায়গায় একত্রিত করতে পারেন না। তাকে বিভিন্ন ফ্রন্টের হেফাজতের জন্যে স্বীয় বাহিনীকে এদিকে ওদিকে বিভক্ত করে রাখতে হয়। অপর দিকে আক্রমণকারী বাহিনীর অধিনায়ক তার বাহিনীর বিরাট বিরাট অংশকে এক স্থানে একত্রিত করে দুশমনের বিরুদ্ধে লড়াইতে পারেন। অবশ্য এটা ঠিক যে, যখন হামলা হয় তখন আত্মরক্ষায় নিয়োজিত বাহিনীর অধিনায়ক নতুন অবস্থা মুতাবিক স্বীয় বাহিনীকে সুবিন্যস্ত করতে পারেন। এজন্যে অপরিহার্য হ'ল, আক্রমণকারী ফৌজের অধিনায়ককে স্বীয় পরিকল্পনার পূর্ণতা সাধনে সত্বর ও দ্রুততার সঙ্গে কাজ করতে হবে। তাতে করে আক্রমণকারী হিসেবে তার যে প্রাধান্য থাকার কথা তা থেকে তিনি পুরোপুরি ফায়দা গ্রহণ করতে পারেন। অতএব সমাবেশের নীতি দ্বারা এটাই বোঝা যায় যে, আক্রমণকারী বাহিনীর সকল উপাদান নিজে মন-মস্তিষ্ক, শারীরিক ও বস্তুগত চেষ্টা সাধনাকে এভাবে একই রঙ ও একই তালের সঙ্গে কেন্দ্রীভূত ও একত্রিত করবেন যেন পরিপূর্ণ একাগ্রতা ও সংহতি সৃষ্টি হয়। কিন্তু এরূপ দৃশ্য সে সময়ই সৃষ্টি হতে পারে, যখন আক্রমণকারী বাহিনীর অধিনায়ক স্বীয় উদ্দেশ্য ও লক্ষ্যের প্রকাশ বিস্তারিত ও খোলাখুলিভাবে করে দেন এবং তা হাসিলের জন্যে পূর্ণ একাগ্রতা দ্বারা নিজেদের শক্তিকে কাজে লাগান। তাকে কার্যকর করার সময় শুরু থেকে শেষ পর্যন্ত ফৌজের কোন অংশের মনেই যেন কোন প্রকারের সন্দেহ ও সংশয় সৃষ্টি না হয়।

সঠিক রকমের সমাবেশ তখনই বুঝতে পারা যায়, যখন বিভিন্ন ধরনের ফৌজী দল বিভিন্ন প্রকারের অস্ত্রসস্ত্র ও যন্ত্রপাতিকে সঠিক জায়গায় এবং সঠিক মুহূর্তে যোগ্যতা ও দক্ষতার সঙ্গে ব্যবহার করে থাকে। অন্য কথায়, সঠিক সমাবেশ সে সময় হয়ে থাকে, যখন পদাতিক বাহিনীর ওপর তেমন কাজের ভার অপিত হয় যার জন্যে তারা উপযুক্ত; গোলন্দাজ বাহিনীকে সেই কাজ করতে দেওয়া যে কাজ তারা করতে পারে। আধুনিক সৈন্যবাহিনীর ট্যাংক ও গোলন্দাজ ইউনিটের যিশ্মায় সেইরূপ দায়িত্ব অপিত হয় যেজন্যে তাদের গঠন ও প্রশিক্ষণ দেওয়া হয়েছে।

৫. যুদ্ধে ফৌজ ও হাতিয়ারের শক্তিই কেবল পরীক্ষার সঙ্গমুখীন হয় না, এর থেকেও অধিকতর বিভিন্ন সেনানায়কের দৃঢ় ইচ্ছাশক্তি ও স্বৈর্য, সজাগ ও স্থির মস্তিষ্ক-প্রসূত যোগ্যতারও মুকাবিলা হয়ে থাকে। যে সিপাহসালার প্রতিপক্ষের উপর স্বীয় ব্যক্তিত্বের ভীতিকর প্রভাব ফেলায় কামিলাব হন তিনি এর ভিত্তিতে অগ্রাভিযান করতে পারেন। এর পরিণতিতে প্রতিদ্বন্দ্বীকে বাধ্য হয়ে তার পরিকল্পনা মূতাবিক স্বীয় প্রতিরক্ষা পরিকল্পনায় রদবদল করতে হয়। বরং জয়-পরাজয়ের অনেকটা নির্ভর করে আক্রমণকারী বাহিনীর অধিনায়কের ব্যক্তিত্ব ও যোগ্যতার উপর। কেননা তাঁর ব্যক্তিত্ব ও যোগ্যতার প্রভাব তাঁর অধিনস্থ বাহিনী ও শত্রুপক্ষের উপর সমানভাবে দেখা দিয়ে থাকে।

এরপর লড়াইয়ের পরিণতি ও ফলাফল নির্ভর করে সিপাহসালারের পরিকল্পনা প্রণয়নের উপর। কেননা উক্ত পরিকল্পনায় তিনিই সিদ্ধান্ত নেন যুদ্ধ কোন প্রতিরক্ষা নীতির অধীনে চালিয়ে যাওয়া হবে এবং তার জন্য কত কৌজ দরকার পড়বে, সমরশাস্ত্রের কোন মূলনীতি কর্মক্ষেত্রে প্রয়োগ করার সম্ভাবনা রয়েছে এবং পরিকল্পনার পূর্ণতা সাধনে কি কি প্রস্তুতির দরকার। প্রতিরক্ষা প্রস্তুতির জন্য সময়ের প্রয়োজন। আর তাই সিপাহসালারকে পূর্ণ দৃঢ়তা, অধ্যবসায় ও সতর্কতার সঙ্গে চিন্তা করতে হয় যে, তাকে এই হামলার প্রস্তুতির জন্য কত সময়ের দরকার হবে। এই সময় তিনি পেতে পারেন কিনা? এমন তো হবে না যে, এদিকে প্রস্তুতি সম্পন্ন হ'ল আর ওদিক দিয়ে মওকা গেল চিরদিনের জন্য হারিয়ে। ইতিহাসে এ ধরনের অসর্তকতা, কর্তব্যকর্মে অবহেলা এবং ভুল-ভ্রান্তির বহু দৃষ্টান্তই মিলবে। দৃষ্টান্ত-স্বরূপ, দ্বিতীয় মহাযুদ্ধে ইটালীয় ফৌজের কমান্ডার ইংরেজ বাহিনীর উপর হামলা করার প্রস্তুতিতে এত বেশী মগ্ন ও ব্যস্ত থাকেন যে, ব্রিটিশ ফৌজের কমান্ডার জেনারেল ওয়াভেল তার উপর আচানক হামলা করে তাদের সকল সিদ্ধান্ত ও প্রস্তুতিকে ধুলোয় মিশিয়ে দেন। শুধু তাই নয়, ইটালীয় ফৌজকে এভাবে ধ্বংস ও বরবাদ করে দেন যে, পুরো যুদ্ধকালীন সময় তারা মনোবল হারিয়ে ভীত শৃগালের ন্যায় হয়ে পড়ে। ইটালীয় জেনারেল ব্রিটিশ জেনারেল ওয়াভেলের ভয়ে এত বেশী ভীত

থাকতেন এবং এ ব্যাপারে পীড়াপীড়ি করতেন যে, প্রতিপক্ষের উপর হামলা করতে আরও অধিক পরিমাণে অস্ত্রশস্ত্রের এবং অধিকতর সাহায্যকারী বাহিনীর দরকার। গমওয়া বা মহানবী (সা)-এর আমলের যুদ্ধগুলোতেও এ শিক্ষাই মিলে থাকে। এ ধরনের বহু প্রতিরক্ষা কৌশল অ'ইয়রত (সা) কাফিরদের বড় বড় সশস্ত্র লশকরের বিরুদ্ধে অবলম্বন করে তাদেরকে পর্যুদস্ত করেছিলেন। তিনি অল্প সংখ্যক সাজ-সরঞ্জামহীন সৈন্য নিয়েও বিস্ময়কর বিজয় লাভ করে উম্মতের জন্য প্রতিরক্ষা বিষয়ক নীতিমালা রেখে গেছেন।

অ'ইয়রত (সা)-এর প্রতিরক্ষা প্রস্তুতি

অ'ইয়রত (সা) মুসলমানদের নৈতিক, চারিত্রিক এবং সামরিক সংগঠন ও প্রশিক্ষণ থেকে পরিপূর্ণ নিশ্চিত হয়ে যাওয়ার পর তিনি নিজেই মুজাহিদদের একটি ক্ষুদ্র বাহিনীসহ তবলীগের উদ্দেশ্যে বাইরে বেরিয়ে পড়েন। এ অভিযানের উদ্দেশ্য ছিল তবলীগ ও ইশা'আতের সাথে সাথে এও অবগত হওয়া যে, মদীনার পাস্ব'বতী এলাকায় যে সব গোত্রের বসতি রয়েছে তাদের মধ্যে কারা মুসলমানদের বিরোধী, কাদের নিকট থেকে সাহায্য-সহায়তা লাভের আশা করা যায় এবং কারা এ ব্যাপারে নিরপেক্ষ থাকবে।

এই পর্যায়ে সর্বাঙ্গে অ'ইয়রত (সা) দাওয়ান পৌঁছেন। দাওয়ান মক্কা যাবার পথে আবওয়া থেকে সাত মাইল দূরে অবস্থিত। সেখানে কবিলা বনী হামসা বিন বকর বিন 'আবদে মনাফ বিন কিনানা কুরায়শ বংশোদ্ভূত ছিল। তিনি তাদের সঙ্গে মিলিত হয়ে একটি চুক্তি স্বাক্ষর করেন যে, তারা যুদ্ধের ব্যাপারে সম্পূর্ণ নিরপেক্ষ থাকবে। চুক্তির বিস্তারিত শর্তগুলো ছিল নিম্নরূপ :

১. উক্ত গোত্র কুরায়শদের কোনরূপ সাহায্য-সহায়তা প্রদান করবে না এবং লড়াই শুরু হলে গলে নিরপেক্ষ থাকবে।

২. স্বীয় এলাকায় শান্তি ও নিরাপত্তা ব্যবস্থা কয়েম রাখবে।

৩. ভবিষ্যতে কোন ঝগড়া-বিবাদে তারা কুরায়শ কাফিরদের সহযোগী যেমন হবে না তেমনি হবে না মুসলমানদের সহযোগীও।

ফৌজী প্লাটুন প্রেরণ

এরপর অ'া-হযরত (সা) স্বয়ং মদীনায তশরীফ আনেন এবং দু'জন সেনানায়কের অধীনে স্ত্রত পতাকাসহ বাহিনী প্রেরণ করেন। এদের ভেতর একটিকে 'উবায়দ বিন হারিছ বিন 'আব্দুল মুত্তালিবের অধীনে পাঠান। এরা সবাই ছিলেন মুহাজির। আনসারদের কেউ তাতে ছিলেন না। বাহিনীর সদস্য সংখ্যা ছিল সত্তর থেকে আশি জনের মত। তারা যখন হযাফার দিকে অবস্থিত তীনাতুল মাররাহ পৌছেন, সেখানে এহ'য়া নামক বর্ণার ধারে তাদের মুশরিকদের সম্মুখীন হতে হয়। কিন্তু কোন প্রকার লড়াই সংঘটিত হয় নি। উভয় বাহিনীই নিজ নিজ বাহ বাঁচিয়ে বেরিয়ে যায়।

এ অভিযানের উদ্দেশ্য ছিল শুধুমাত্র কুরায়শ কাফেলাগুলোর অন্তরে ভীতি সঞ্চার করা।

এরূপে দ্বিতীয় প্লাটুন সা'দ বিন আবী ওয়াল্লাস-এর নেতৃত্বে প্রেরণ করেন। এর সংখ্যা ছিল বিশ বাইশ জনের মতো। বাহিনীর পতাকাবাহী ছিলেন মিকদাদ বিন 'উমরাহ আর পতাকার রঙ ছিল শুভ্র। এই প্লাটুনেরও অধিকাংশই ছিলেন মুহাজির। এদের প্রতি অ'া হযরত (সা)-এর নির্দেশ ছিল যে, তারা খাররাৎ পর্যন্ত পায়দল চলবে। দিনের বেলায় কোথাও আত্মগোপন করে থাকবে। রাতের বেলায় পথ চলবে এবং এভাবেই সেখানকার সকল অবস্থা জেনে নিয়ে মদীনা প্রত্যাবর্তন করবে। এই প্লাটুন পঁচ রাত্রে সফর সমাপ্ত করে ফিরে আসবার পর অ'া-হযরত (সা)-কে অবহিত করেন যে, খাররাৎ পৌছবার একদিন পূর্বেই কুরায়শদের কাফেলা মক্কা রওয়ানা হয়ে গিয়েছিল।

মুহাজিরদের আরও একটি প্লাটুন যার ভেতর প্রায় তিনজন ঘোড়-সওয়ার শামিল ছিল—হামযা বিন 'আব্দুল মুত্তালিবের নেতৃত্বে সায়ফুল বাহর্-এর দিকে পাঠিয়ে দেন। তাদের পতাকাও ছিল শুভ্র। তাদের নির্দেশ প্রদান করা হয়েছিল যে, ঈসের দিক দিয়ে যাবে এবং জুহায়না নামক এলাকায় পৌঁছে সেখানকার অবস্থা অবহিত হবে। এই প্লাটুন উপকূল বরাবর যাবার সময় আবু জেহেল বিন হিশাম

(মক্কা)-এর বাহিনীর সম্পূর্ণ হস্ত। কিন্তু লড়াই এ কারণে হয়নি যে, মাজ্জেদী বিন 'আমর আল জুহানী উভয় পক্ষের মধ্যে সন্ধিও সমঝোতা স্থাপন করিয়ে দেন এবং উভয় প্রাটুনই ফিরে যায়। মুশরিক বাহিনীর সদস্য সংখ্যা ছিল প্রায় তিরিশ-চল্লিশ জনের মতো।

অ'আ-হযরত (সা)-এর যাত্রা

এরপর অ'আ-হযরত (সা) মুহাজির ও আনসারদের একটি বিরাট বাহিনী নিয়ে রওয়ানা হন। কোহে রিজভী হলে তিনি আবওয়াত নামক স্থানে পৌঁছেন। এ সফরে প্রায় এক মাস কাল অতিবাহিত হয় এবং কোনরূপ যুদ্ধ ও সংঘর্ষ ছাড়াই মদীনায় ফিরে আসেন। এরূপ অভিযানের উদ্দেশ্য ছিল কুরায়শ কাফেলাগুলোর অন্তরে ভয় ও হ্রাস সৃষ্টি করা। কেননা সে সময়েই একটি কাফেলা উমায়্যা বিন খলফের নেতৃত্বে—যার সঙ্গে ছিল কুরায়শদের এক শত বোড়সওয়ার এবং দু'হাজার পাঁচশত উট, এদিক দিয়ে অতিক্রম করার কথা ছিল এ সময় মুজাহিদ বাহিনীর পতাকাবাহী ছিলেন সাদ বিন ওয়া'ক্বাস (রা)। সা'দ বিন মা'আয (রা)কে অ'আ-হযরত (সা) মদীনায় বৃক্রে স্বীয় প্রতিনিধি নিযুক্ত করে গিয়েছিলেন।

মদীনায় কয়েকদিন অবস্থানের পর তিনি পুনরায় একটি বাহিনী নিয়ে রওয়ানা হন এবং বনী দীনার বিন আল হায়ার-এর সড়ঙ্গ অতিক্রম করে ফিকা আল-খিন্নার হয়ে ষাত উস-সাক নামক স্থানে পৌঁছেন। সেখানে তিনি একটি গাছের তলায় অবস্থান করেন। এই স্থানে 'উশায়রাব নামে পানির একটি ঝর্ণা ছিল। উক্ত গাছের জায়গায় এখন একটি মসজিদ গড়ে উঠেছে যা আজও স্মরণ করিয়ে দিচ্ছে যে, অ'আ-হযরত (সা) এখানে অবস্থান করেছিলেন এবং এই ঝর্ণা থেকে পানি পান করেছিলেন। এখানে স্বল্পকালীন অবস্থান শেষে তিনি (অ'আ-হযরত) পুনরায় রওয়ানা হন এবং খালায়েক নামক স্থান বাম দিকে রেখে 'মাশ'আবা "আবদুল্লাহ" নামীয়-গিরি পথে এগিয়ে যান। এই গিরিপথ আজ পর্যন্ত এ নামেই মশহুর।

এখান থেকে তিনি বাম দিক দিয়ে ইম্মালীন উপত্যকায় প্রবেশ করেন এবং সামনে অগ্রসর হয়ে আল-কুর'আ উপত্যকায় ইত্তিসাল নামক স্থানে একটি কুয়ার নিকট অবস্থান গ্রহণ করেন। এ ভাবেই তিনি স্বীয় ফৌজ নিয়ে এসব কষ্টকর ও দুর্গম রাস্তা অতিক্রম করতে থাকেন যা কাফেলার লোকেরা ব্যবহার করত না। এটা ছিল যেন মুজাহিদ বাহিনীর সামরিক গতিবিধির একটা অনূশীলন। করশে মিলাল থেকে তিনি সগীরাত আল-য়ামাম-এর নিকটবর্তী যখন এলেন তখন কাফেলাবাসীদের সাধারণ রাস্তা এদে গেছে। এখন তিনি তার উপর দিয়ে চলতে শুরু করেন এবং বত্ন-ই-য়ামবু-এর যিল-'আশারাহ নামক স্থানে তশরীফ রাখেন। এইখানে তিনি বনী মুদলিজ ও তাদের মিত্র বনী হাময়ার সঙ্গে নিরপেক্ষ থাকার চুক্তি স্বাক্ষর করেন এবং কয়েকদিন অবস্থান করে মদীনায় প্রত্যাবর্তন করেন।

মদীনায় আসার দশ দিনও হয় নি, অ'আ-হযরত (সা) সংবাদ পান যে, কুরায়শদের এক ব্যক্তি কুর্য বিন জাবির আল-ফিহরী আপন দলবলসহ গোপনে এসে মদীনার বাইরে চারণভূমিতে মদীনা-বাসীদের যে সব পশুপাল ছিল সেগুলো পাকড়াও করে নিয়ে গেছে। সংবাদ পেতেই তিনি সাফওয়ান উপত্যকা পর্যন্ত তাদের পশ্চাত্তাবন করেন। কিন্তু ইতোমধ্যে তারা নাগালের বাইরে অনেক দূর চলে গেছে। তিনি মদীনায় ফিরে আসেন। সাফওয়ান বদর এলাকায় অবস্থিত। কোন কোন ঐতিহাসিক এ ঘটনাকে বদরের প্রথম যুদ্ধ বলে অভিহিত করেন।

নাখ্‌লার অভিযান

রজব মাসে অ'আ-হযরত (সা) 'আবদুল্লাহ বিন জাহাশকে কতিপয় মুসলমানের সঙ্গে নাখ্‌লা প্রেরণ করেন। নাখ্‌লা মক্কা থেকে এক মনযিল দূরে সবুজ-শ্যামল উর্বর ভূমি। 'আবদুল্লাহ বিন জাহাশের ক্ষুদ্র দলে আটটি বিভিন্ন খান্দানের মুহাজির শামিল ছিল। রওয়ানা

হবার সময় আঁ-হযরত (সা) প্লাটুন কমান্ডারকে একটি চিঠি দিয়ে নির্দেশ দেন যে, বত্নন নামক স্থানে পৌঁছবার পূর্বে (অর্থাৎ যতক্ষণ পর্যন্ত না তারা দু'দিনের পথ অতিক্রম করছে) এটা যেন খুলে পড়া না হয়। এর পর পড়ে লিখিত নির্দেশ মূতাবিক আমল করবে। বত্নন-এ পৌঁছে চিঠি খুলে পড়ে দেখা গেল তাতে লেখা রয়েছে : এই প্লাটুন সোজা নাখলা যাবে এবং জাহাশ কুরায়শদের অবস্থাদি অবগত হয়ে মদীনায় এসে সে তথ্য পৌঁছাবে যাতে করে আঁ-হযরত (সা) কুরায়শদের গতিবিধি ও অন্যান্য পরিকল্পনা সম্পর্কে অবহিত হবার সুযোগ পান। অধিকন্তু মস্কার কাফেলার কোন লোক যদি খুশী মনে তোমাদের সঙ্গে আসতে চায় তবে তাকে নিয়ে আসবে। আর খবরদার ! কারও উপর জোর-যবরদস্তি করবে না।

জাহাশ স্বীয় সঙ্গী-সাথীদের আঁ-হযরত (সা)-এর নির্দেশ শুনিয়ে জিজ্ঞেস করলেন যে, কে আঁছেন যিনি তাঁর সঙ্গে যেতে ইচ্ছুক এবং কে ফিরে যেতে চান। সকলেই সামনে অগ্রসর হবার দৃঢ় ইচ্ছা ব্যক্ত করেন। এরা ফারা' নামক স্থানের নিকটবর্তী হ'লে সা'দ বিন ওয়াক্কাস এবং উতবাহ বিন গযওয়ান (রা)-এর উট হারিয়ে যায়। তারা হারান উটের তালাশে বের হন। আবদুল্লাহ্ বিন জাহাশ তাদের অপেক্ষা করেন। কিন্তু তারা ফিরে না আসায় প্লাটুন সম্মুখে অগ্রসর হয়। এখানে হঠাৎ তারা কুরায়শদের একটি কাফেলা দেখতে পায়। তারা তায়েফ থেকে ফলমূল উঠের পিঠে করে নিয়ে আসছিল। কাফেলা দেখতেই তাদের কুর্ষ বিন জাবিরের পশুপাল চুরির ঘটনা মনে পড়ে। দিনটি ছিল রজব মাসের শেষ দিন। তারা সিদ্ধান্ত নিল যে, পবিত্র মাস শুরু হবার পূর্বে এই রাতেই ওদের উপর হামলা করে মালআসবাব লুটে নেওয়া হোক। সে মতেই কাজ করা হ'ল। ওয়াকিদ বিন 'আব্দুল্লাহ্ কাফেলার সর্দার 'উমর বিন আল-হাদরামীকে তীরের লক্ষ্য বস্তুতে পরিণত করেন এবং প্লাটুনের লোকেরা তার দু'জন বাহাদুর সঙ্গী 'উসমান বিন 'আবদুল্লাহ্ এবং হাকাম বিন কীসানকে গ্রেফতার করে মদীনা নিয়ে আসে।

আঁ-হযরত (সা) তাদের আগমনের সংবাদ শুনেই সেখানেই তাদের খামিয়ে দেন। গনীমতের মালও বন্টন করতে দিলেন না।

মক্কাবাসীরা প্রেক্ষভারকৃত লোকদের ছাড়িয়ে নেওয়ার জন্য মুক্তিপন নিয়ে পৌঁছলে হযরত তাদেরও খামিয়ে দেন এবং আবদুল্লাহ বিন জাহাশ ও তার সঙ্গী-সাথীদের কঠোরভাবে সতর্ক করে বলেন : তোমাদের লড়াই করার অনুমতি দেওয়া হয়নি। ইতিমধ্যে সা'দ বিন আবী ওয়াহ্বাস ও 'আবদুল্লাহ বিন গমওয়ান (রা) উটের সন্ধানে বাহরান্ পৌঁছেন। সেখান থেকে তারা মদীনা ফিরলে অ'া-হযরত (সা) নিজের থেকে কুরান্নশ কাফেলার সর্দার 'উমর বিন আল-হাদরামীর রক্তপণ আদায় করেন এবং দু'জন বন্দীকেই মুক্ত করে দেন।

এই অভিযান থেকে এটা ভালোভাবে পরিষ্কার হয়ে যায় যে, মুজাহিদ বাহিনী কি পরিমাণ ফরম্বা বরদার, প্রশিক্ষণপ্রাপ্ত ও সাহসী হয়ে গিয়েছিল এবং জিহাদী জোশ কিভাবে তাঁদের বক্ষমূলে শিকড় গেড়ে বসেছিল।

ফৌজ রওয়ানা করা এবং অ'া-হযরত (সা)-এর স্বয়ং এ ধরনের অভিযানে গমন করার পর কতিপয় ঘটনার বর্ণনা এজন্যই করা হ'ল যাতে এটা বোঝা যায় যে, রসূলে আকরাম (সা) স্বীয় সৈন্যবাহিনীর সংগঠন ও প্রশিক্ষণ কেন্ মূলনীতির উপর করেছিলেন এবং এই মূলনীতি সাড়ে তেরো শত বছর অতিক্রান্ত হওয়া সত্ত্বেও আজও তা বিলকুল নতুন ও অভিনব রয়েছে কিনা। সমরশাস্ত্রে এবং আধুনিক সমর বিশেষজ্ঞ ও সমালোচকদের নিকট এর চেয়ে বেশী আর কী আছে? আর যে সব মূলনীতি যুদ্ধ প্রয়োগে নতুন কিংবা আধুনিকতার ছাঁচে ঢালাইকৃত বলে মনে করা হয় সেগুলোতে আসলে আধুনিকতার কোন সামান্যতম মিশ্রণ কিংবা সংস্কারের কোনও দিক কী রয়েছে? এ অধ্যায়ের প্রথম এবং দ্বিতীয় অংশে পাশ্চাত্য সমর ও প্রতিরক্ষা বিশেষজ্ঞদের চিন্তাধারা ও মতামতের দীর্ঘ উদ্ধৃতি পেশ করা হয়েছে। সেগুলো সামনে রাখুন এবং দেখুন অ'া-হযরত (সা)-এর সামরিক সংগঠন ও প্রশিক্ষণ, তাঁর সূনিপূর্ণ রণনীতি ও রণকৌশল এবং চিন্তা ও দৃষ্টিভঙ্গির কোন অংশে কোন দিক থেকে অসম্পূর্ণ বলে মনে হয় কিনা। যখন অ'া-হযরত (সা)-এর মূলনীতি অটল ও অনড়, সাড়ে তেরো শত বছরের অধিককালের অভিজ্ঞতা ও পর্যবেক্ষণ যখন এর ভেতর একটি বিন্দু পরিমাণও বখিত করতে পারেনি, তখন কী কারণ

রয়েছে যে, অ'ই-হযরত (স)।-এর প্রতিরক্ষা নীতিকে পেছনে ঠেলে দিয়ে সে সব লোকের প্রতিরক্ষা কৌশলকে আসমানের চাঁদ-সেতারার মত দুর্লভ ও মূল্যবান মনে করা হবে যারা হতাশা আর ব্যর্থতা বরণ করে মারা গেছেন, যাদের ব্যক্তিগত কৃতিত্ব সামান্যতম গুরুত্বও বহন করে না। এ ব্যাপারে অ'ই-হযরত (স)।-এর সমগ্র উম্মতেরই এক অবস্থা। এখানে ছোট বড়, 'আলেম ও জাহেল এবং ক্ষমতাহীন ও ক্ষমতাবান সবাই একই কাতারে শামিল। নেপোলিয়নের নাম সর্বাগ্রে তাদের মনের পর্দায় ভেসে ওঠে; ওয়াভেল, হিগেনবুর্গ, ক্লজউইজ, আইজেনহাওয়ার এবং এ ধরনের জীবিত ও মৃত অনেক পাশ্চাত্যবাসীর নাম তাদের মুখস্থ রয়েছে। তাদের অনেক অবাস্তব ও কাল্পনিক কীতিকাহিনী সম্পর্কে তারা ওয়াকিফহাল, কিন্তু অ'ই-হযরত (স)।-এর গৌরবময় কর্মকাণ্ড, তাঁর উদ্ভাবিত নীতিমালা, তাঁর সাংগঠনিক ও প্রশিক্ষণের অভিজ্ঞতা ও নৈপুণ্য এবং তাঁর অস্বাভাবিক ও অসাধারণ সামরিক নেতৃত্ব সম্পর্কে একেবারেই অজ্ঞ। শুধু অজ্ঞই নয়, তাদের ধারণা ও কল্পনার প্রান্ত-সীমায় অ'ই-হযরত (স)।-এর নবুওত ও রিসালতের যে চিত্র ভেসে ওঠে তার ভেতর হযরত-এর সামরিক যোগাতা ও প্রতিরক্ষা কৌশলের একটা ছালাকা রেখাও দেখা যায় না। প্রতিরক্ষা সংগঠন ও কৌশল এবং যুদ্ধ ও আঘাত হানার পাশ্চাত্য বিশেষজ্ঞদের জ্ঞান ও অভিজ্ঞতার গুরুত্ব স্বীকৃত বিষয়। কিন্তু অ'ই-হযরত (স)।-এর প্রতিরক্ষা সংগঠন ও নীতি প্রাথমিক গুরুত্বের বিষয় হওয়া উচিত। তাঁর মহান ব্যক্তিত্বের এই সর্বাধিক গুরুত্বপূর্ণ দিককে অন্য দিকগুলো থেকে বিচ্ছিন্ন করা যেতে পারে না। যখন মাদানী যিন্দেগীর বিস্ময়কর সাফল্যসমূহ এবং ইসলাম ও মুসলমানদের অগ্রগতি ও সমৃদ্ধির সকল গৌরবময় কৃতিত্বের মূল উৎস হচ্ছে প্রতিরক্ষা নীতি, তখন এই বিষয়টি বিস্মৃতির অতলে ডুবিয়ে দিয়ে জাতীয় কল্যাণ ও সংস্কারের ব্যাখ্যা কিতাবে হতে পারে! তাদের মু'মিন ও মুসলিম জাতিগোষ্ঠীর নেতৃত্বের আসনে কিভাবে অধিষ্ঠিত করা যেতে পারে?

যা-ই হোক, অ'ই-হযরত (স)।-এর সে সব প্রতিরক্ষা নীতির উপর একটু দ্রুত নজর বুলানো যাচ্ছে যা তিনি হিজরতের প্রথম দু'বছরে অবলম্বন করেছিলেন এবং উম্মতের জন্য প্রতিরক্ষা নীতি হিসাবে রেখে গেছেন।

১. ব্যক্তিগত চরিত্র ও কৃতিত্বের যে সব গুণ ও সৌন্দর্য একজন সিপাহসালারের মধ্যে বিদ্যমান থাকা জরুরী এবং যেগুলোকে আধুনিক যুগের প্রতিরক্ষা বিশেষজ্ঞগণ তার ব্যক্তিত্বের মানসিক পরিপূর্ণতার সর্বশেষ পর্যায় মনে করেন—অ'হযরত (সা)-এর ব্যক্তি সত্তায় সেগুলো পরিপূর্ণরূপেই সন্নিবেশিত ছিল।

২. অ'হযরত (সা) স্বল্পতম সময়ের মধ্যে মুসলমানদের ভেতর উন্নত শ্রেণীর সামরিক নিয়ম শৃংখলা, সর্বোত্তম মানের সমর যোগ্যতা, সুদৃঢ় ইচ্ছাশক্তি ও মনোবল, নিঃস্বার্থপরতা ও আত্মবিশ্বাস, পরিশ্রমী ও আত্মোৎসর্গের প্রেরণা, আনুগত্য ও ফরমাবরদারী এবং দ্রাতৃহ ও সাম্যের নজীরবিহীন শ্রেষ্ঠ গুণরাজি সৃষ্টি করে তাদের সুশৃংখল, সুগঠিত ও সুবিন্যস্ত সেনাবাহিনীতে পরিণত করেছিলেন।

৩. অ'হযরত (সা) অনাগত ভবিষ্যতের সকল অবস্থা পরিমাপ করে মদীনা থেকে য়ামবু' এবং য়ামবু' থেকে মক্কা পর্যন্ত সেনাবাহিনী চলাচল করিয়ে মুজাহিদদের এই পথের প্রতিটি উঁচু-নীচু পর্যবেক্ষণ করান যেন তারা এর দুর্গমতা, পায়ে হাঁটার পথ, ঝর্ণা এবং গুহা-গহবর ইত্যাদি সম্পর্কে ভালভাবে অবহিত হয়ে যায় এবং লড়াইয়ের মুহূর্ত এসে গেলে তাদের চলাচলে কোনরূপ অসুবিধা যেন না হয়।

ফিল্ড মার্শাল ফন হিগেনবুর্গ (জার্মানী) এবং জেনারেল শেরম্যানের (আমেরিকা) কৃতিত্বপূর্ণ কার্যাবলী প্রতিটি লোকের মুখে উচ্চারিত হচ্ছে। তার কারণ শুধুমাত্র এই যে, তারা তাদের সৈন্যবিভাগে চাকুরী কালে এলাকার আনাচে-কানাচে গভীরভাবে ঘুরে ফিরে দেখেন যেসব এলাকায় তাদের যুদ্ধ করতে হয়েছে, সেসব দৃষ্টান্তস্বরূপ হিগেনবুর্গ টিমবার্গের জলাভূমি এবং সে এলাকার পথ-ঘাট বিস্তারিতভাবে পর্যবেক্ষণ করেন। অতঃপর রুশ বাহিনীর সঙ্গে যখন মুকাবিলা হ'ল তখন সোভিয়েট সৈন্যদের সেখানে টেনে এনে এমনভাবে ফাসিয়ে দেন যে, সমগ্র ফোজ সেখানেই খতম হয়ে যায়। অনুরূপ জেনারেল শেরম্যান প্রতিপক্ষের সমরক্ষেত্র অতি উত্তমভাবে জানার কারণে অল্প সংখ্যক সৈন্য দ্বারা শত্রুপক্ষকে ভীত সন্ত্রস্ত করে তোলেন যে, তারা অল্পসংবরণ করে।

আঁ-হযরত (সা)-এর ফৌজী গতিবিধির এই অবস্থা আমাদের পর্যন্ত অস্পষ্ট ও সংক্ষিপ্তভাবেই পৌঁছেছে। হায়! যদি এগুলো বিস্তারিতভাবে জানা যেত এবং ঐতিহাসিকরা যদি সেগুলোর ঐতিহাসিক গুরুত্বের পরিমাপ করতেন তবে কতই না ভাল হ'ত!

৪. আঁ-হযরত (সা) মুজাহিদদেরকে অস্ত্রশস্ত্র ও হাতিয়ার ব্যবহারে পারদর্শী করে তোলেন। তাদেরকে বিনা ক্লাস্তি ও অবসাদে রাতের বেলায় কিংবা দিনে মন্ঘিলে মকসুদে পৌঁছবার অভ্যাস গড়ে তোলেন এবং তাদের ভেতর ফৌজী গোপনীয়তা গোপন রাখবার মত যোগ্যতা সৃষ্টি করেন।

৫. সৈন্যবাহিনীকে পতাকা প্রদান করে তিনি সমগ্র আরবে স্বীয় প্রতিরক্ষা বিষয়ক শ্রেষ্ঠত্ব ও মর্যাদার ঘোষণা দেন। রাজনৈতিক-ভাবে মুনাফিকদের উপর এটা ছিল একটা কার্যকর আঘাত। ফৌজীদের ভেতর কাতারবন্দী এবং অভিযানে রওয়ানা হবার প্রাক্কালে তাদের পরিদর্শন করা তাঁর অত্যন্ত গুরুত্বপূর্ণ কাজ ছিল যা রাজনৈতিক ও ফৌজী শৃংখলা ও স্থায়িত্ব রক্ষার্থে সহায়ক হয়।

৬. মক্কায় তিনি সংবাদদাতা নিযুক্ত করেন। তারা আঁ-হযরত (সা)-কে গোপনে সেখানকার সকল অবস্থা সম্পর্কে অবহিত করতো। এক দিকে তিনি ফৌজী প্লাটুন এবং গুপ্তচরের মাধ্যমে অবস্থাদি ওয়াকিফ হতেন, অপরদিকে সংবাদ আদান-প্রদানের এই ব্যবস্থপনা করে রেখেছিলেন।

৭. এর সঙ্গে স্বীয় শহরের বাসিন্দা এবং ফৌজী লোকদের নিজের চলাচল ও গতিবিধির গোপনীয়তা রক্ষার প্রতি অনুগত করে তোলেন। ফৌজী প্লাটুন নির্দিষ্ট সময়ের পূর্বে কখনো জানতে পারত না যে, কতদিনের জন্য এবং কোথায় তারা যাচ্ছে।

৮. ফৌজের পরিপূর্ণতা ও প্রশিক্ষণের সঙ্গে তিনি রাজনৈতিক দিক-গুলোর পরিপূর্ণতারও পুরো বন্দোবস্ত করেন। মদীনার নাগরিকদের সুসংহত ও সুশৃংখলভাবে সংগঠিত করেন। যেসব গোত্র একে অপরের দুষমন ও খুন পিয়াসী ছিল এবং ধর্মীয় ও মযহাবী মতভেদ, ব্যক্তিগত শত্রুতা ও হিংসা-বিদ্বেষের কারণে ছোট ছোট গ্রুপ ও দলে বিভক্ত হয়ে গিয়েছিল, আঁ-হযরত (সা) তাদের সবাইকে একত্রিত করেন এবং শান্তি-

কালীন সময়ের জন্য তাদের মধ্যে পারস্পরিক আত্মবিশ্বাসের সম্পর্কই শুধু কান্নেম করেন নি, যুদ্ধকালীন সময়ের জন্যও অঙ্গীকার ও প্রতিশ্রুতিতে আবদ্ধ করান। তাতে ওমদুন ও সামাজিকতার মানদণ্ড যায় বদলে। অধিকার, দায়িত্ব ও কর্তব্যের এমনি বিধান রচনা করেন যে, একতা ও সম্প্রীতির রাজত্ব শুরু হয়ে যায়। নিরাপত্তা ও বিশ্বাসের আবহাওয়ার কারণে বাণিজ্যেরও শ্রীবৃদ্ধি ঘটে, অর্থনৈতিক ব্যবস্থাপনা উন্নত হয়। আভ্যন্তরীণ মতভেদ ও বৈষম্য দূরীভূত করার পর তিনি আন্তর্জাতিক রাজনীতির প্রতি মনোনিবেশ করেন। তবলীগের জন্য প্রথমে পার্শ্ববর্তী এলাকায়, অতঃপর হেজাজের দূর-দূরান্তর এলাকার বিভিন্ন গোত্রের নিকট গমন করেন। তাদেরকে এমনই উত্তম উপায়ে স্থায়ী মিশনের উদ্দেশ্যে বুলিয়ে দেন যে, তারাও সহমর্মী বনে যান এবং মুসলমান না হ'লেও নিরপেক্ষতা অবলম্বন করে। তবলীগের ক্ষেত্রে সকল প্রতিকূলতা এতে দূরীভূত হয়ে অনুকূল অবস্থা ও পরিবেশের সৃষ্টি হয়। এর উপর তাঁর মহান চরিত্রে অনেক বেশী প্রভাব পড়ে। মদীনার ভেতর এত উত্তম ব্যবস্থাপনা কান্নেম হয়ে যায় যে, তাঁর এবং সৈন্যবাহিনীর অনুপস্থিতিতেও পরিপূর্ণ শান্তি ও নিরাপত্তাপূর্ণ অবস্থা বিরাজ করতো এবং সমস্ত লোক তাঁর প্রতিনিধির নির্দেশাদি মেনে চলতো।

৯. সামাজিক ও নাগরিক ব্যবস্থাপনার পূর্ণতা সাধনের পর তিনি আন্তর্জাতিক রাষ্ট্রনীতির অস্ত্র প্রয়োগ করেন এবং মক্কাবাসীদের তেজস্বীকরণে শতম করার উপায়-উপকরণ কাজে লাগান। প্রথমদিকে কুরায়শরা এই বিপদ থেকে নিরাপদ থাকবার জন্য উপকূলের সমান্তরাল রাস্তা অবলম্বন করে। কিন্তু এর উপর চলতে গিয়ে তাদের মূনাফার পরিমাণ বহুত কমে যায় এবং আহার্য-দ্রব্য অত্যন্ত কষ্টে ও উচ্চ মূল্যে মিলতে থাকে। অবশেষে এজন্য যুদ্ধের সিদ্ধান্ত নেয় এবং এভাবে আঁ-হযরত (সা) তাদেরকে এমন একটি স্থানে লড়বার জন্য উৎসাহিত করেন যা সমরশাস্ত্র ও সৈনিক বিদ্যার দিক দিয়ে মুশরিকদের সৈন্যসামন্তের চলাচলের জন্য অনুকূল ছিল না। আর এটাই ছিল সেই কারণ যার ভিত্তিতে তিনি কাফের ও মুশরিকদের কয়েক গুণ বড় বাহিনীকে পরাজিত ও পরমুদস্ত করেন। মুশরিকদেরও

যুদ্ধে বার বার এগিয়ে যেতে হয় এবং প্রতিবারই পরাজয় বরণ করে অস্ত্র সংবরণ করতে হয়।

এক্সট্রে এই মূলনীতি ও কার্যপদ্ধতি সংক্ষেপে বর্ণনা করা হ'ল। এর বিস্তারিত আপনারা গাযওয়ান অধ্যায়গুলোতে পাবেন।

বিভিন্ন যুদ্ধ

বদর ও তার পার্শ্ববর্তী এলাকা

'হেজাযের প্রাকৃতিক অবস্থা' শিরোনামে ইতিপূর্বে লেখা হয়েছে যে, এর পশ্চিম এলাকায় প'হাড়-পর্বতের কারণে ষাতায়াতের রাস্তা খুবই কম এবং যা-ও আছে তা বিভিন্ন উপত্যকা অর্থাৎ বর্ষাকালীন নানাগুলোর নিম্নভূমিতে রয়েছে, আর সাধারণত সেই সব নিম্নভূমি কাফেলার লোকেরা ব্যবহার করে থাকে। উপকূল বরাবর রাস্তা-বালির আধিক্যে এবং পানির স্বল্পতার কারণে দূরতিক্রম্য। সবগুলো রাস্তার মধ্যে সর্বোত্তম রাস্তা হ'ল যেটি দুমাতুল জন্দল থেকে মদীনা হয়ে মক্কা চলে গেছে এবং কাফেলার অবস্থানগুলোতে পানিরও কোন ঘাটতি নেই। তুকীরা তাদের শাসনাধীনে নবী যুগের রাস্তার বড় অংশে ষাতায়াত বন্ধ করে দেয়। সামুদ্রিক সফর সহজ হওয়ার দরুন মিসরের অধিকাংশ হাজী জাহাজযোগে আসত। উপকূলের যে সব স্থানে বদর নিমিত হতে পারে তাদের জাহাজ সেখানে এসে নোঙর ফেলতো এবং সেখান থেকে হাজিগণ উপত্যকাগুলোর ভেতর দিয়ে মদীনা পৌঁছত অথবা মক্কা মু'আজ্জমার পথ ধরত। তুকীরা তাদের যুগে 'সুলতানী' রাস্তা নামে একটি আলাদা ও স্বতন্ত্র রাস্তা তৈরী করেছিল। এই রাস্তার কিছু অংশে রেল লাইন বসানো হয়েছিল। অধুনা উক্ত লাইনকে উন্নত করার প্রয়াস চালানো হচ্ছে।

বদর এবং মদীনার মাঝে কোথাও কোথাও বড় খেজুর বাগান আছে। অতএব এই রাস্তা বেশ শ্যামল সবুজ। বদর এবং হামরার মাঝখানটা জঙ্গলাকীর্ণ। এই পথের কোন কোন স্থানে মিঠে পনিও

পাওয়া যায়। উট, ভেড়া ও বকরীর চারণক্ষেত্র আছে। বদরের নিকট-বর্তী যেখানে মুক্ত সংঘটিত হয়েছিল সেখানে কোথাও কোথাও গিরিপথও রয়েছে এবং তার নিম্নভূমিতে নদী থেকে খাল খনন করে পানি সরবরাহ করা হয়। বেশ কিছু খেজুর বাগান রয়েছে। কিন্তু উক্ত পাহাড়ের পাদদেশের বালি অত্যন্ত চিকন এবং কয়েকটি জায়গায় বালি কর্দমাক্ত থাকে ইংরেজীতে Qicksand বলা হয়। লড়াইয়ে এই কাদা বড় ভয়ংকর ও বিপদজনক হয়ে থাকে। ঘোড়া এরকম স্থানে আদৌ চলাচল করতে পারে না। অবশ্য মানুষ এবং উট কণ্ঠে চলাফেরা করতে পারে। কিন্তু আধা মাইলও যদি চলতে হয় তবে ক্লান্ত হয়ে থেমে পড়তে হয় এবং তার হিম্মত ও দৃঢ়তা জবাব দিয়ে বসে।

বদরে মুক্তকালীন সময় অ'ই-হযরত (সা) যেখানে খেজুর পাতার নিমিত্ত ঝুপড়িতে অবস্থান করেছিলেন সে স্থানে একটি মসজিদ নিমিত্ত হয়েছে। আরিশ ছোট একটি পাহাড়ের উপর অবস্থিত। এখন থেকে বদরের পুরো ময়দানটাই দৃষ্টিগোচর হয়। আজকাল ঘরবাড়ী এবং বাগিচার কারণে কিছুটা প্রতিবন্ধকতার সৃষ্টি হয়েছে। এখানে একটি ঝর্ণা রয়েছে যেটাকে খাল কেটে ময়দান পর্যন্ত নিয়ে যাওয়া হয়েছে। সমস্ত বাগ-বাগিচা এর পানি দ্বারাই প্লাবিত। অতঃপর আরও অনেকগুলো ছোট ছোট খাল এর থেকে কেটে বের করা হয়েছে। এসব খাল হযর আকরাম (সা)-এর যামানা থেকেই আছে। বদর যুদ্ধের সময়ও উক্ত ঝর্ণা ও খালগুলোর পানি এখানকার খেজুর বাগানগুলোতে পৌঁছত। অ'ই-হযরত (সা) আরিশে পৌঁছে ঝর্ণা মুখে পুকুর খনন করে কাফেরদের নিকট পানি যাওয়া বন্ধ করে দেন।

ইসলামের পূর্বে বদর ময়দানে বাৎসরিক মেলা বসতো। এই মেলায় শরীক হবার জন্য দূর-দূরান্তর থেকে লোক আসত। এখানে একটি বিরাট বড় মূর্তিঘরও ছিল। এটি ছিল মূর্তিপূজক ও মূর্শরিকদের প্রত্যাভর্তনস্থল ও কেন্দ্র। কিন্তু মেলার কারণেই এর গুরুত্ব ছিল বেশী। মানুষ তেজারতী পণ্য নিয়ে আসত এবং ভেড়া ও বকরীর পশমে নির্মিত বিছানা ও কাপড় ইত্যাদির বিনিময়ে আহাৰ্শ-সামগ্রী ও জীবন ধারণের জন্য অন্যান্য জরুরী সামান্য-আসবাব নিয়ে যেত। এ সব কারণে এ মেলা বড়ই জমজমাট ও জৌলুসপূর্ণ হয়ে উঠত।

বদর প্রান্তর চতুর্দিক দিয়ে পাহাড় ঘেরা। দৈর্ঘ্য সাড়ে পাঁচ মাইল এবং প্রস্থও প্রায় ততখানি হবে। অধিকাংশ স্থানই বালুকাময় এবং বাকী অংশ বালুকাময় ও প্রস্তরাকীর্ণ। উপকূলের দিকে পাহাড়ের পশ্চাতে প্রায় দশ মাইল দূরে লোহিত সাগর উত্তাল তরঙ্গে আছড়ে পড়ছে। কোথাও এর দূরত্ব আরো কম এবং কোথাও এর থেকেও বেশী। এই উপকূলীয় পরিধিতে কাফেলার রাস্তা। কিন্তু সে যুগের কাফেলাগুলোর জন্য এটা বলা যে, তারা শুধুমাত্র একটি রাস্তাই ব্যবহার করতো—ঠিক নয়। জঙ্গল এবং পাহাড়গুলোতে বহু সংখ্যক পায়ের হাঁটা পথ ছিল—সেগুলোরও ব্যবহার হত। প্রান্তরের রাস্তা মরু সাইমূমের কারণে প্রায়ই পরিবর্তিত হ'ত। সাইমূম বালির টিলা-গুলোকে এক জায়গা থেকে উঠিয়ে অন্য জায়গায় নিয়ে যেত। ফলে রাস্তাও অল্প-বিস্তর পাটটাত। তথাপিও এর গতি একইরূপ থাকত।

এজন্য মানচিত্রে যে প্রান্তর রাস্তা ও পায়ের চলার পথ দেখা যায়, বাস্তবে তা প্রায়ই ভিন্নতর পরিলক্ষিত হয়। যেহেতু পায়ের চলার পথ সংখ্যায় বেশী হয়ে থাকে সেহেতু উটের কাফেলা সেগুলোর কোন একটিকে ইচ্ছা মাস্কিক ব্যবহার করতে পারে। তাদের একেবারে খামিয়ে দেওয়া হেজাজের মত দেশে অত্যন্ত কঠিন। অবশ্য সাধারণের ব্যবহৃত বড় রাস্তা বন্ধ করা যায়। অতএব অ'ই-হযরত (সা)-ও সেই ব্যবস্থাই গ্রহণ করেছিলেন অর্থাৎ তিনি কুরায়শদের চলাফেরার বড় রাস্তাটি বন্ধ করে দেন। হাওয়া মুসলমানদের অনুকূলে বইতে শুরু করেছিল আর কুরায়শদের ব্যবসা-বাণিজ্য তখন বিপদজনক অবস্থার সম্মুখীন। এরূপ পরিস্থিতিতে সংঘর্ষের আশংকাও উত্তরোত্তর বৃদ্ধি হতে লাগল। দু'বছর'ও অতিক্রান্ত হয়নি কুরায়শ ছিল বিজয়ী শক্তি এবং পরাক্রমশালী। তারা রসূল আকরাম (সা) এবং ঈমানদারদের মুসীবত ও কষ্টকর অবস্থায় নিক্ষিপ্ত করে রেখেছিল। তারা অ'ই-হযরত (সা)-এর বাসভবন ঘেরাও করে রেখেছিল। তাদের কারণেই মক্কায় সকল মুসলমানের জীবন ছিল দু'বিষহ। তারা হাতে গোনা কয়েকজন মুহাজিরকে আভিসিনিয়া পর্যন্ত পিছু ধাওয়া করেছিল। দিবারাত্রির একটি মুহূর্তও এমন অতিক্রান্ত হয়নি যখন মুসলমানদের শান্তি দেবার মানসে নিত্য-নতুন কৌশল ও উপায় অবলম্বন করা হত না। এসব কারণে

নিভান্ত বাধ্য হয়েছে আঁ-হযরত (সা)-কে হিজরতের পরিকল্পনা কার্য-করী করতে হয়েছিল। 'বাধ্য হয়ে' লিখতে হ'ল এজন্য যে, বিভিন্ন ঘটনা ও অবস্থার গতি-প্রকৃতি থেকে পরিস্কার প্রতিভাত যে, যতদূর সম্ভব আঁ-হযরত (সা) এই পরিকল্পনাকে মূলতবী করে রেখেছিলেন। আল্লাহ্ তা'আলার নির্দেশ না পাওয়া পর্যন্ত তিনি একে বাস্তব রূপদান করেন নি। এটা এ কথার স্পষ্ট দলীল যে, ইসলাম তলোয়ারের শক্তিতে বিশ্বাস লাভ করেনি বরং নেহায়েত মজবুর অবস্থায় তাকে তলোয়ার বের করতে হয়েছিল। এরপর অবস্থা পাল্টে যায়। কুরায়শরা ব্যবসা-বাণিজ্যের জন্য মদীনার পথ ধরতে পারছে না। লুকিয়ে দূর-দরাজ এলাকা দিয়ে বহু রাস্তা ঘুরে যেতে হয় অথবা আঁ-হযরত (সা) থেকে সফরের জন্য অনুমতি নিতে বাধ্য হয়। কায়-কারবার, ব্যবসা-বাণিজ্য, চলাফেরার স্বাধীনতা এবং অর্থনৈতিক নিরাপত্তা ও সুখী জীবন সব বিপদের সম্মুখীন। মুনাফা কমে গেছে, ক্ষতিগ্রস্ত হবার পছা বেড়ে গেছে, সফর হয়েছে দীর্ঘ, কাফেলা লুট হবার আশংকা দেখা দিয়েছে, আহায্য প্রবোর সংগ্রহ কষ্টকর হয়ে পড়েছে, কুরায়শদের মর্যাদা ও প্রভাব এবং নিরাপত্তা গেছে খতম হয়ে। আর এ সব তাঁরই বদৌলতে যিনি সেদিন পর্যন্ত ছিলেন উৎসাহ ও ক্রোধের পাত্র। অতএব যুদ্ধ ও সংঘর্ষ ব্যতিরেকে কোন গত্যন্তর ছিল না। কুরায়শদের আশংকা ছিল, যদি যুদ্ধ না করা হয়, আর এই উঠতি বিপদকে প্রতিরোধ না করা যায় তাহলে ছিটেকোঁটা স্বাধীনতা যেটুকু আছে তাও হাত ছাড়া হয়ে যেতে পারে, আঁ-হযরত (সা) প্রতিশোধ গ্রহণে এগিয়ে আসতে পারেন। তাঁর প্রভাব প্রতিপত্তি ও ক্ষমতার গণ্ডী মদীনা থেকে স্নামবু' ও নাখলা পর্যন্ত বিস্তৃত হয়ে গেছে। আশেপাশের সকল গোত্র তাঁর মিত্র বনে গেছে। যদি আরও অবকাশ মিলে তবে পানি মাথা ডিঙিয়ে যাবে, কুফর ও শিরক-এর কোন আশ্রয় মিলবে না। অতএব আর কাল বিলম্ব না করে মুসলমানদের অস্তিত্ব ভূপৃষ্ঠ থেকে মিটিয়ে দেওয়া হোক। কুরায়শদের নিকট ধন-দৌলতের কোন কমতি নেই। সমরোপকরণ ও মারণাস্ত্রেরও স্বল্পতা নেই, কুফর ও শিরক-এর সাহায্যকারী মদদগারও কম নয়। এমতাবস্থায় মুসলমানদের অধিকতর শক্তি অর্জনের মওকা কেন দেওয়া হবে এবং জেনে শুনে নিজেদের ধ্বংস ও বরবাদির পথ কেন প্রশস্ত করা হবে?

আঁ-হযরত (সা) কুরায়শদের সব আবেগ, প্রেরণা ও প্রস্তুতি বেশ ভালভাবেই জানতেন। কিন্তু সাধারণ কল্যাণ চিন্তায় কিংবা অতিরিক্ত সতর্কতা ও সাবধানতার কারণে তিনি নিজ সৈন্যবাহিনীকে লড়াইয়ের ময়দানে অগ্রভিষানের অনুমতি দেন নাই। তিনি যতগুলো অভিযান প্রেরণ করেন কিংবা যে সব সৈন্যবাহিনীর সঙ্গে স্বয়ং নিজেই গমন করেন সে সবে একটাই উদ্দেশ্য ছিল আর তা হ'ল—প্রতিরক্ষা পরিকল্পনার পূর্ণতা সাধন। আঁ-হযরত (সা) যুদ্ধ ও সংঘর্ষে অগ্রগামী হতে চাইতেন না। কিন্তু এই সঙ্গে সামরিক প্রশিক্ষণ এবং যুদ্ধ প্রস্তুতির কোন দিক অসম্পূর্ণ ও রাখতে চাইতেন না।

এই বিজ্ঞ কৌশলের একটি রাজনৈতিক দিক সম্ভবত এও ছিল যে, মদীনা আগমনের পূর্বে এবং পরে তিনি মদীনার কবিলাগুলোর সঙ্গে যে সব চুক্তি সম্পাদন করেছিলেন সে সবে প্রেক্ষিতে কাফেরদের হামলার অবস্থায় তাঁর উপর তাদের হেফাজত ফরয ছিল অতএব নৈতিক দিক দিয়ে তিনি মুশরিকদের উপর হামলা করবার হুকুম দিতে পারেন না। সম্ভবত এ কারণেই তিনি প্রথম দিকে যে সব অভিযান প্রেরণ করেছিলেন সে সবে একমাত্র মুহাজিরদের শামিল করেছিলেন। পরে যখন মুহাজির ও আনসারদের মিলিত বাহিনী মদীনার বাইরে গেল তখন তার অধিনায়কত্ব তিনি নিজেই গ্রহণ করেন। কিন্তু আনসারদের অশুভুক্তির স্বল্পতা বদর যুদ্ধের পূর্বেই পুরো হয়ে গিয়েছিল এবং এর কারণ ছিল এই যে, আনসারগণ আঁ-হযরত (সা)-এর নিকট নিজেরাই জিহাদে শরীক হবার দরখাস্ত পেশ করেছিল। এই অনুমতি প্রার্থনা এবং আঁ-হযরত(সা)-এর মজুরী রাজনৈতিক দিক দিয়ে ছিল অত্যন্ত গুরুত্বপূর্ণ।

বদর যুদ্ধের কারণ

বদর যুদ্ধের সাধারণ কারণগুলোর সমস্তই ছিল অর্থনৈতিক। এ সবে বিশেষণ পেছনের পৃষ্ঠাগুলোতে করা হয়েছে। কিন্তু তাৎক্ষণিক

এবং বিশেষ কারণসমূহ ছিল নিম্নরূপ :

১. 'আবদুল্লাহ বিন জাহাশ-এর প্রাচীন নাথলায় কুরায়শদের তেজারতী কাফেলা লুটমার করে তাদের নেতা ইবন আল-হাদরামীকে নিহত করে। মক্কাবাসীরা এতে বেশ ক্ষিপ্ত হয়। কেননা এতে তাদের প্রভাব-প্রতিপত্তি ও মর্যাদায় প্রচণ্ড আঘাত লাগে। মদীনাবাসীরা মক্কার নিকটে এসে তাদের কাফেলার নেতাকেও মেরে গেল, আবার মালে গনীমতসহ দু'জন কয়েদীকেও নিজেদের সঙ্গে নিয়ে যায়।

২. এ ঘটনার সংবাদ মক্কাবাসীদের নিকট সর্বত্র পৌঁছে যায়। আবু সুফিয়ান বিন হরব সে সময় সিরিয়া থেকে বহু সাজ-সামান নিয়ে মক্কা ফিরছিল। তার কাফেলায় প্রায় এক হাজার উট ছিল যার উপর তেজারতী পণ্য ছাড়াও নগদ টাকা-পয়সাও ছিল বিস্তর। কোন কোন ঐতিহাসিক যাদের মধ্যে ফিলিপ, কে. হিট্রিও অন্তর্ভুক্ত—কাফেলার সব পণ্যের মূল্য সাকুল্যে ২০ হাজার পাউণ্ড বলেছেন। নাথলার হামলার খবর শুনতেই আবু সুফিয়ান সাধারণ রাস্তা ছেড়ে উপকূলীয় রাস্তা ধরেন এবং এই সঙ্গে দমদম বিন 'আমরকে গাযা (সিরিয়া) থেকে মক্কা পাঠিয়ে দিলে সাহায্য প্রার্থনা করেন। তিনি এও বলে পাঠান যে, তারা যেন বদরের নিকটে তার সঙ্গে মিলিত হয়। অন্যথায় মুহাম্মাদ তাদের মালমত্তা সব লুটে নেবে। তিনি তার সঙ্গী-সাথীদের নিয়ে মদীনা থেকে রওয়ানা হয়ে গেছেন। কুর্খ্ বিন জাবির পশ্চাদ্ধাবন থেকে প্রত্যাবর্তনের পর কয়েক দিনই মাত্র হয়েছিল হযুর আকরাম (সা) সিরিয়া থেকে উল্লিখিত কাফেলার ফিরে আসার খবর জানতে পান। এ খবরও পৌঁছে যে, আবু জেহেল সাড়ে ন'শো মুদ্ববাজ কুরায়শ ও একশত অশ্বসহকারে মক্কা থেকে মদীনা রওয়ানা হয়ে গেছে। মুশরিকদের চড়াও হবার খবর শুনতেই অ'া-হযরত (সা) আব্দুল্লাহ তা'লার দরবারে আরম্ভ করেন, "আল্লাহ আব্দুল্লাহ পাক! যদি ছোট্ট এ দলটি ধ্বংস হয় যায় তা হলে সমগ্র দুনিয়া জাহানে তোমার 'ইবাদত-কারী আর কেউ অবশিষ্ট থাকবে না।" এরপর মুসলমানদের তিনি প্রস্তুতি গ্রহণের নির্দেশ দেন। ক'য়স বিন সা'সা'কে বনী নাযিল আল-নজ্জার-এর সঙ্গে যার সম্পর্ক ছিল হযুর নিজ স্থলে তাকে নিযুক্ত করেন। ওরা রমযান তিনশো তের জনের একটি বাহিনী নিয়ে যাদের

মধ্যে ৭০ জন ছিলেন মুহাজির এবং বাকী আনসার—বদরের দিকে রওজানা হন। বাসবাস বিন 'আমর আল-জুহানী বনী সায়্যেদার মিব্র এবং 'আদী বিন আবী আযযাগা আল-জুহানী বনী নাজ্জারের মিব্রকে সফরার পান্থ'বতী এলাকা থেকে তাড়াতাড়ি বদরে প্রেরণ করেন যেন তারা হযুরকে কুরায়শদের কাফেলা সম্পর্কে দরকারী খবর দিতে পারেন। সফরা মুসলাহ্ ও দুযা নামক পাহাড়ের মাঝখানে অবস্থিত একটি গ্রাম। সে যুগে এখানে বনু আননার এবং বনু হিরাক বিন গিফার নামক দু'টি খান্দানের বাস ছিল। তাদের সঙ্গে রসূল আক্ৰাম (স)-এর কোন চুক্তি হয়নি। সেজন্য তিনি উক্ত গ্রামের পাশ দিয়ে যাওয়া সমীচীন মনে করেন নি। উক্ত রাস্তা পরিত্যাগ করে সফরা-কে বামে রেখে জাফরান নামক উপত্যকা হয়ে সম্মুখে অগ্রসর হতে শুরু করেন। উক্ত এলাকার একটা অংশ সামনে থাকতেই তিনি রাহি যাপনের জন্য সেখানে অবস্থান নিলেন। এখানে পৌঁছেই তিনি খবর পেলেন যে, কুরায়শরা আবু সুফিয়ানের কাফেলার প্রতিরক্ষার জন্য নিকটেই এসে গেছে। তিনি তখন সাহাবাদের ডেকে পরামর্শ চাইলেন যেন আনসারদের ইচ্ছা ও অভিপ্রায় সম্পর্কে খোলাখুলি জানতে পারেন। কেননা বাহিনীতে তারাই ছিলেন বেশী। তিনি এ ব্যাপারে নিশ্চিত হতে চাইছিলেন যে, এখন মদীনার উপর হামলার আশংকা পুরোপুরি বিদ্যমান; এমত অবস্থায় আনসাররা সাহায্য-সহায়তা অপরিহার্য মনে করে কিনা। অ'ী-হযরত (স) যখন সাহাবাদের সঙ্গে পরামর্শ শেষ করলেন তখন সা'দ বিন মা'আয পরামর্শের গুরুত্ব উপলব্ধি করে আনসারদের পক্ষ থেকে বললেন : হযরতের ইচ্ছা আমাদের মতামত অবহিত হওয়া। আমাদের মতামত এই,

"আমরা আপনার উপর ঈমান এনেছি। আপনার রিসালতকে আমরা সত্য জেনেছি এবং দৃঢ়চিত্তে আপনার অনুসরণ ও আনুগত্যের প্রতিশ্রুতি দিয়েছি। অতএব আপনি আপনার অভিপ্রায় বাস্তবায়িত করুন। আমরা সেই মহান সত্তার কসম খেয়ে বলছি যিনি আপনাকে নবীয়ে বরহক করে পাঠিয়েছেন, আপনি যদি আমাদের সমুদ্রের উত্তাল তরংগের মাঝে লাফিয়ে পড়তে বলেন তবে আমরা খুশী মনে লাফিয়ে পড়ব। লড়াইয়ের ময়দানে আমরা দৃঢ়পন থাকব,

কদম আমাদের কখনো পিছু হটবে না। আমাদের সর্বাপেক্ষা বড়
খাহেশ হ'ল, আমরা যেন এমন কোন কাজ করতে পারি যম্ভারা
আপনার সন্তুষ্টি লাভ করা যায়।”

মুহাজিরদের পক্ষে হযরত আবু বকর (রা) বিশ্বস্ততা ও আশ্বোৎ-
সর্গের নিশ্চয়তা প্রদান করলেন।

হযরত মা'আয (রা) এবং হযরত আবু বকর সিদ্দীক (রা)-এর
ভাষন শুনে অ'আ-হযরত বললেন, “আল্লাহ্ তা'আলার সাহায্য নিয়ে
দুশমনের মুকাবিলা করুন। ইনশাআল্লাহ্ জয় আমাদেরই হবে।

জাফরান থেকে রওয়ানা হয়ে তিনি আসাফির নামক গিরিপথ
ধরেন। সেখানে দুবা নামক কসবায় অবতরণ করেন। অতঃপর
হাফান নামীয় বাজির বিরাট টিলা বাম দিক দিয়ে অতিক্রম করে
বদরের নিকট পৌঁছলেন। এখানে অ'আ-হযরতের বাহিনী ছাউনী
ফেলে। এরপর অ'আ-হযরত (সা) একজন সাহাবী সঙ্গে নিয়ে অবস্থা কি
জানবার জন্য এক শেখের নিকট উপস্থিত হন এবং তাকে প্রশ্ন করেন,
“তুমি কি জান যে, মুহাম্মাদ এবং তাঁর সাথীরা কোথায়?” শেখ
পাল্টা প্রশ্নে জানতে চায়, “তারা কে?” অতঃপর অনুরূপ কথাবার্তা
বিনিময়ের পর সে বলল, “আমার নিকট তথ্য আছে যে, মুহাম্মাদ
(সা) ও তাঁর সাথীরা অমুক দিন মদীনা থেকে রওয়ানা হয়েছিল।
অতএব সেই হিসাবে তার কাফেলা অমুক জায়গায় থাকা উচিত।
শেখ আন্দায় করে যে স্থান বলেছিল তা ছিল বিনকুল সঠিক ও
অভ্রান্ত। কেননা অ'আ-হযরতের ডেরা সেদিন সেইখানেই ছিল।
পুনরায় তাকে জিজ্ঞাসা করা হ'ল : কুরায়শদের কাফেলা কোথায় হতে
পারে? তখন উক্ত শেখ তার নিজস্ব হিসাবে তাদের অবস্থান বলে
দেয়। এ জওয়াবও সঠিক ছিল। এরপর তিনি সেখান থেকে
অন্যত্র তাশরীফ নিয়ে যান। মজার ব্যাপার হ'ল শেখ জানতেও পারেনি
লোক দু'জন কে!

শিবিরে পৌঁছে তিনি শেখ বর্ণিত খেজুর বাগানের দিকে শত্রুর
খবর সংগ্রহের জন্য একটি প্লাটুন পাঠান। এখানে ঝর্ণার নিকট
কুরায়শদের উট এবং তাদের ভিত্তি দৃষ্টিগোচর হয়। মুসলমানদের

দেখা মাত্রই কয়েকজন ভিত্তি গালিয়ে যায়। কিন্তু দু'জন লোক এবং কতকগুলো পশু মুসলমানরা পাকড়াও করে নিজেদের শিবিরে নিয়ে আসে।

সাহাবাদের জিত্তাসাবাদে তারা জানায় : আমরা কুরায়শদের ভিত্তি ছিলাম। তাদেরকে তেজারতী কাফেলা সম্পর্কে প্রশ্ন করা হলে তারা অজ্ঞতা জাহির করে। অবশ্য সৈন্যবাহিনীর ঠিকানা বাতলে দেয়। ইসলামী বাহিনীর কেউ কেউ মনে করে যে, ভিত্তি ওয়ালারা জেনে শুনেই কাফেলার সন্ধান দিচ্ছে না। সে মুহূর্তে তারা পৌঁছে, রাসূলুল্লাহ্ (সা) তখন সালাতে মশগুল ছিলেন। সালাত শেষ করে তিনি তাদের নিকট বিস্তারিত জানতে চাইলেন। এর পর সাহাবাদের বললেন : ভিত্তিওয়ালারা ঠিকই বলছে। কাফেরদের লোক-লশকর 'আকানকাল নামীয় বালুকাময় পাহাড়ের পশ্চাদভূমিতে রয়েছে। আ'-হযরত (সা)-এর এই বর্ণনায় ভিত্তিওয়ালাদের উপর গভীর প্রভাব পড়ে। তিনি তাদের কাছে ডেকে নিয়ে অত্যন্ত মোলায়েম স্বরে জিজ্ঞেস করেন : আচ্ছা, বলত কুরায়শ বাহিনীর সংখ্যা কত? প্রত্যুত্তরে তারা জানায় : সংখ্যাতো আমাদের জানা নেই, তবে সংখ্যা যে বেশী হবে তাতে সন্দেহ নেই। তিনি আবার জিজ্ঞেস করলেন : আচ্ছা, বলত দৈনিক কত উট খাবারের জন্য যবেহ করা হয়? তারা জানাল : একদিন নয় উট, পরদিন দশ উট যবেহ করে। তিনি তখন একটা পরিমাপ করলেন যে, তাদের সংখ্যা ন'শো থেকে হাজারের কাছাকাছি হবে।

এরপর তিনি তাদের আবারও জিজ্ঞেস করলেন : কুরায়শ বাহিনীতে কোন্ কোন্ সর্দার আছে? তারা বলল : 'উৎবা বিন রবী'য়া, শায়বা বিন রবী'য়া, আবুল বখতারী বিন হিশাম, হাকীম বিন হিশাম, নওফেল, বিন খুওয়ালিদ, হারিছ বিন 'আরিফ বিন নওফেল, 'আদী বিন নওফেল, নসর বিন আল-হারিছ বিন কালদাহ্, যম'আ বিন আল-আসওয়াদ, আবু জেহেল বিন হিশাম, উমান্নায়া বিন খল্ফ, বিন হর বিন আল-হাজ্জাজ, সুহায়ল বিন 'আমর এবং 'আমর বিন 'আবদুদ। আমাদের মাত্র এই নামগুলিই স্মরণ আছে। এর উপর আ'-হযরত (সা) সাহাবাদের বললেন : মক্কা তোমাদের সামনে নিজের হাৎপিণ্ড এনে দিয়েছে।

বাসবাস বিন ওমর এবং 'আদী বিন আবী আহম্মিগার বদরের ঝর্ণা থেকে নিজেদের মশক ভরে উটগুলোকে টিলার নিকট বসিয়ে গেল। সেখানে তারা দু'টি বালিকাকে এই বলতে শোনে যে, কাল অথবা পরশু কুরায়শ কাফেলা এই ঝর্ণার নিকট ডেরা ফেলবে। দু'জনেই কাফেলাবাসীদের খাতির-স্বত্বের ব্যাপারে পরস্পরে তর্ক-বিতর্ক করছিল। মাজেদী বিন 'আমরও তাদের সঙ্গে কথা বলছিল। সে বালিকাদ্বয়কে বলল : ইন্তেজাম যদি ঠিকঠাক ও ভালমত হয় তবে তার বিনিময়ে তোমাদের বহুত ইনাম মিলবে। ওমর ও 'আদী তৎক্ষণাৎ এ সংবাদ রসূল আকরাম (সা)-কে পৌঁছিয়ে দেন।

এদিকে কুরায়শ কাফেলার দলপতি আবু সুফিয়ান কাফেলাকে উপকূলের রাস্তায় নিয়ে গিয়ে স্বয়ং নিজে বদরের দিকে রওয়ানা হয়ে গিয়েছিল যাতে ইসলামী লশকরের গতিবিধি সম্পর্কে কিছুটা অবগত হতে পারে। সে বদরের ঝর্ণাধারার নিকট পৌঁছে মাজেদী বিন 'আমরকে দুঃমন সম্পর্কে প্রশ্ন করে। মাজেদী বলল : আমি শুধু দু'জন সন্দেহজনক উষ্ট্রারোহীকে দূর থেকে দেখেছি। মাত্র তারাই টিলার উপর উট বসিয়ে নিজেদের মশকে পানি ভাঙি করে চলে গেছে। একথা শুনে আবু সুফিয়ান সে স্থানে যায়, যেখানে উট বসেছিল। সেখানে সে উটের মল ভেঙে দেখে এবং বলে : এর থেকে খেজুরের অঁটি বের হয়েছে। অতএব এটা নিশ্চিত যে, এরা মুসলিম ফৌজের উষ্ট্রারোহী। কেননা শুধু মদীনাবাসীরাই একমাত্র তাদের উটকে এ ধরনের খাবার খেতে দিতে পারে। সেখান থেকে সে অত্যন্ত দ্রুতগতিতে নিজের সঙ্গী সাথীদের নিকট ফিরে আসে এবং স্বীয় কাফেলাকে অত্যন্ত দ্রুত চলার তাগিদ দেয়।

এই কাফেলা হযফা গিয়ে পৌঁছুলে সে নিশ্চিত হয় যে, সে কাফেলাকে বিপদ থেকে রক্ষা করেছে। আর ভয়ের কোন কারণ নেই। অতএব সে কুরায়শ বাহিনীর নিকট দ্রুত পাঠিয়ে বলে পাঠায় যে, যে মালমত্তা এবং যে সব আত্মীয়-বান্ধবের নিরাপত্তার জন্য আপনারা মুসলমানদের সঙ্গে লড়াইয়ের উদ্দেশ্যে আসছিলেন, এখন তারা নিরাপদ হেফাজতে রয়েছে। অতএব আপনারা সবাই মক্কায় ফিরে যান।

আবু জেহেল কিন্তু এই পরামর্শ গ্রহণ করল না। সে বলল, “আমরা বদরে কিছুদিন অবস্থানের পর ফিরে যাব যেন বদরের মেলাও দেখতে পারি এবং পূজামণ্ডপে কিছু পণ্ড নযরানাস্বরূপ উৎসর্গ করে উৎসবও পালন করতে পারি।” তার ধারণা ছিল যে, এর ফলে এই এলাকার আরব কবিলাগুলো তাদের শক্তি ও শান-শওকতের বহর দেখে মুসলমানদের বিরুদ্ধে তাদের মিত্রে পরিণত হবে। সে কুরায়শ বাহিনীকে সামনে অগ্রসর হবার হুকুম দেয়।

হযরাত কুরায়শদের মিত্র বনী যুহুরা ও বনী ‘আদী বিন কা’ব-এর খান্দানের যে সব লোক তাদের সাহায্যার্থে এসেছিল তারা আখনাস বিন শরীক বিন ‘আমর বিন ওহাবের কথায় নিজেদের বাড়ী-ঘরে ফিরে যায়। তারা বলল, “আমরা যে কাজের জন্য এসেছিলাম তা পূর্ণ হয়ে গেছে। এজন্য আবু জেহেলের কথায় কান দেওয়া বেকার।” এভাবে কুরায়শ বাহিনী একাকীই বদরের পানে রওযানা হয় এবং উপত্যকার অপর পাশে ‘আকানকালের পেছনে তাঁবু স্থাপন করে।

বদর য়ালীল উপত্যকাও ‘আকানকাল নামক উপত্যকার মাঝ-খানে অবস্থিত এবং বদরের কুয়া বতনে য়ালীলে মদীনার দিকের কিনারের নিকটে ছিল। যে রাতে কুরায়শ বাহিনী ‘আকানকালের টিলার পেছনে তাঁবু স্থাপন করে সে রাতে কিছু রুষ্টিপাত হয়। এজন্য উপত্যকা অত্যন্ত কদমাত্ত হয়ে পড়ে। এতে কুরায়শদের সামনে অগ্রসর হবার পথে ভীষণ অসুবিধারও সৃষ্টি হয়। ফলে তারা আঁ-হযরতের বাহিনীর পূর্বে পৌঁছে ঝর্ণার উপর নিয়ন্ত্রণ লাভ করতে পারেনি। মুসলিম বাহিনী তার নিয়ন্ত্রণ প্রতিষ্ঠা করতে সক্ষম হয়। মুজাহিদ বাহিনী ঝর্ণার মুখে পৌঁছে আঁ-হযরত (সা)-এর হকুমে ছোট-খাট খালগুলো বন্ধ করে দেয় এবং ঝর্ণার উৎসমুখের সন্নিকটে পুকুর বানিয়ে কুরায়শদের নিকট পানি পৌছা বন্ধ করে ফেলে। আঁ-হযরত (সা)-এর বাহিনী যেহেতু উঁচুতে অবস্থান করছিল এবং সেখান-কার যমীন ছিল কংকরময়। সেজন্য রুষ্টির কারণে তাদের চলাফেরায় কোনরূপ অসুবিধার সৃষ্টি হয়নি।

পাহাড়ী এলাকার যুদ্ধ

পাহাড়ী এলাকাতে যুদ্ধের অনুপম মূলনীতি হ'ল নিশ্চরূপ এবং এর উপর গোটা দুনিয়ার প্রতিরক্ষা বিশেষজ্ঞগণ একমত যে, সেনা-বাহিনীর কখনো উপত্যকাজুড়ি ও নালায় ছাউনী ফেলা উচিত নয়। কেননা এরূপ স্থানে যদি হঠাৎ করে প্রবল ও মুসলধারায় বর্ষণ শুরু হয়ে যায় তাহলে সব সন্ন্যাস হয়ে যায়। এর ফলে জানমাল উভয়েরই প্রচুর ক্ষতি হয়। আর যদি মামুলি বৃষ্টি হয় তাহলে খুব খারাপ রকমের কর্দমাক্ত অবস্থার সৃষ্টি হয় যা পার হওয়া মানুষ ও জীব-জানোয়ার উভয়ের জন্যই মুশকিল হয়। মোটের গাড়ী যায় ফেঁসে এবং ট্যাংকও খুব কষ্টেই এ থেকে বের হতে পারে। দৃষ্টান্তস্বরূপ ওয়াশিংটনে বৃষ্টি ফৌজের অভিযানের কথাই ধরা যাক। ১৯৩৭ 'সৈয়্যীতে বৃষ্টি ফৌজ ইপি. ফকীরের বিরুদ্ধে ব্যটিকা আক্রমণে অগ্রসর হ'লে গিয়ে গিরিয়াওম পর্যন্ত পৌঁছে যায় যা শাম ময়দানে অবস্থিত এই ময়দান প্রকৃতপক্ষে শাম নালায় ভাটি ভূমিতে ছিল। মে মাস, কারুর খেয়ালেও ছিল না যে, এ সময় বৃষ্টি হতে পারে। আমি নিজেই উক্ত ফৌজের সঙ্গে ছিলাম। ফৌজ ছাউনী ফেলার জন্য এই জায়গাটিকে কয়েকটি বিষয় বিবেচনা করে নির্বাচন করেছিল। প্রথমত, এখানে ফৌজের জন্য যথেষ্ট জায়গা ছিল। এই অভিযানের পূর্বে উপজাতীয়দের বিরুদ্ধে এত বড় সৈন্য সমাবেশ আর কখনও ঘটানো হয়নি। অতএব বিস্তৃত ও প্রশস্ত জায়গার প্রয়োজন ছিল এবং নালায় অবস্থান না করার নীতিকে একেবারে গোড়াতেই উপেক্ষা করা হয়েছিল। কারণ এ এলাকাতে বর্ষা মৌসুম সাধারণতই জুলাইয়ের শেষ সপ্তাহে কিংবা আগস্ট মাস থেকে শুরু হয়। এর পূর্বে বৃষ্টি হয় না। ফলে বিপদের কোন আশংকাই ছিল না। দ্বিতীয়ত, সেখানে উপজাতীয়দের রাষ্ট্রিকালীন অতিক্রমিত হামলা থেকে আত্মরক্ষা সহজ ও নিরাপদ ছিল।

ছাউনী ফেলার পর ফৌজের বৃষ্টি কমান্ডার ভারত সরকারের রাজনৈতিক প্রতিনিধিকে ইপি. ফকীরের নিকট এই পয়গাম দিয়ে পাঠান। এখনও সুযোগ আছে, তুমি অস্ত্র সমর্পণ কর। নইলে

তোমার পাহাড়ী গুহার বাসস্থান পাসাল (Pasal) ধ্বংস ও বরবাদ করে দেওয়া হবে। ইপি. ফকীরকে সাহায্য করছিল মস'উদ কওমের একটি বাহিনী যার সংখ্যা ছিল চারশোর কম। আর ওদিকে ব্রিটিশ সরকারের বাহিনী ছিল চল্লিশ হাজারেরও বেশী এবং সর্ব প্রকারের আধুনিক অস্ত্রশস্ত্রে সজ্জিত। মস'উদ কওমের কাছে মাত্র একটি করে রাইফেল ছিল। এছাড়া আর কিছু ছিল না।

ফকীর ব্রিটিশ-ফৌজের কমান্ডারকে বলে পাঠান : আমার মদদগার একমাত্র আল্লাহ্ তা'আলা। শেষ নিঃশ্বাস থাকা পর্যন্ত আমি মুকাবিলা করব। আক্রমণের নির্দেশ শোনার জন্য আয়োজিত সামরিক অফিসারদের সম্মেলনে রাজনৈতিক প্রতিনিধি ইপি. ফকীরের জওয়াব পড়ে শোনালেন। সবাই সমস্তরে স্বতঃস্ফূর্তভাবে হাসতে লাগল। সম্মেলনে যোগাদানকারী প্রতিনিধিবৃন্দ যখন দরকারী নির্দেশ লাভ করে নিজ নিজ তাঁবুতে ফিরছিলেন তখন আসমানের কোণে অকস্মাৎ একখণ্ড মেঘ দেখা দেয়। এর পর যখন মেঘের গর্জন শোনা যেতে লাগল তখন সবাই এই ভেবে খুশী হ'ল যে, যাক! গরমের প্রচণ্ডতা এখন কমে যাবে আর মৌসুমও হয়ে উঠবে আনন্দায়ক। দেখতে না দেখতেই গিল পড়তে থাকলো। লোকজন সেগুলো উঠাবার জন্য দৌড়ে অগ্রসর হ'ল যেন তা দিয়ে গলা মুখ ভেজাতে পারে। এমনি সময়ে শুরু হ'ল প্রচণ্ড শিলা-বৃষ্টি এবং অল্পক্ষণের ভেতরেই সমস্ত পাহাড় সাদা চাদরে ঢেকে গেল। অতঃপর এর বৃষ্টি এবং এমনি প্রবল বর্ষণ শুরু হ'ল যে, সমস্ত শিলা রাশি প্রবাহিত হয়ে একটি টিলার আকারে আমাদের ক্যাম্পের দিকে অগ্রসর হ'ল এবং যে সব তাঁবু নিশ্চিন্তমিতে ছিল সেগুলো স্রোতের তোড় এসে ভাসিয়ে নিয়ে গেল। মোট কথা, এই শিলা-বৃষ্টি ও প্রবল বর্ষণে এমনি ভীষণ ক্ষতি হ'ল যে, ব্রিটিশ কমান্ডারকে বাধ্য হয়ে আক্রমণ পরিচালনা মূলতবী করে দিতে হয়। শুধু তাই নয়, এই তুফান ও সয়লাবে ফৌজেরই ক্ষতি হয়েছিল এবং সমর ও মারণাস্ত্র থেকে শুরু করে রসদ-সস্তার পর্যন্ত বিনষ্ট হয়েছিল। বহু সামান্য হয়ে ইপি. ফকীরের ক্যাম্পের দিকে চলে যায়। ফকীরের ক্যাম্পটি নদীর ভাটিতে ছিল। পরিশেষে তা উপজাতীয়দের হাতে গিয়ে পড়ে।

এ ধরনের অসুবিধাই কুরায়শদের সামনে দেখা দেয়। তাদের বোঝা বহনকারী উটগুলো কাদায় আটকে পড়ে। চলাচল হয়ে পড়ে ভীষণ কষ্টকর। ফলে তারা দ্রুত চলাফেরা করতে পারে নি। এর বিপরীতে আঁ-হযরত (সা) এর ছাউনী ছিল নিরাপদ ও সুদৃঢ়রূপে মঘবৃত। এজন্য বৃষ্টিতে তাঁর কোন ক্ষতি হয় নি। এর ফলে তাঁর স্ফৌজী মোর্চাগুলো অধিকতর মঘবৃত বানাবার সুযোগ মিলে গেল। সেখানেই রসূল করীম (সা) এর জন্য খেজুরের ডালপালা সহযোগে একটি ঝুপড়ী বানানো হ'ল যেন তিনি গরমের তাপ থেকে নিরাপদ হতে পারেন। ঝুপড়ীর আড়ালে তাঁর সওয়ারীর জন্য জায়গা ছিল এবং এটা এমন সুবিধাজনক স্থানে যে, যুদ্ধের তামাম মোর্চাগুলো তিনি অনায়াসেই দেখতে পাচ্ছিলেন।

দ্বিতীয় দিন কুরায়শ বাহিনী উপত্যকার কর্দমাক্ত ভূমি থেকে বের হয়ে বালুকাময় এলাকায় আসে। একটি ছোট্ট খেজুর বাগানে এসে তারা অবস্থান নেয়। এই বালুকাময় এলাকা ছিল প্রকৃতপক্ষে বালির পাক যার পৃষ্ঠদেশ বৃষ্টির পানিতে জমে গিয়েছিল। কুরায়শরা এটা জানত না। বাহিনী যখন ছাউনী ফেলল তখন উৎবা বিন রবী'য়া পুনরায় এ ব্যাপারে চেষ্টা ও দৌড়বাপ শুরু করল যাতে করে কুরায়শরা যুদ্ধ ব্যতিরেকে শান্তি ও নিরাপত্তার সাথে ফিরে যেতে পারে। কিন্তু কামিফাব হতে পারল না। এর পূর্বে সে কুরায়শদের ফিরে যাবার পরামর্শ দিয়েছিল যখন মুসলমানদের একটি প্লাটন কলীব নামক স্থানে কুরায়শদের দু'জন ভিস্তিওয়ালাকে এবং একটি উট পাকড়াও করেছিল। উৎবা যুদ্ধের মুকাবিলায় সন্ধির উপর প্রাধান্য দিচ্ছিল আর আবু জেহেল দিচ্ছিল যুদ্ধের উপর। সে 'উৎবাকে বুয়দিল বা কাপুরুষ বলছিল। আসলে ঘটনা ছিল এই যে, নাখলায় আব্দুল্লাহ্ বিন জাহাশের হামলা এবং কলীব-এ দু'জন ভিস্তিওয়ালার ও উট ধৃত হবার ফলে কাফেরদের অন্তরে মুসলমানদের বীরত্ব ও বাহাদুরীর উন্মাদহ আতংক ছেয়ে গিয়েছিল এবং আঁ-হযরত (সা) যুদ্ধের প্রথমেই শত্রুর উপর আপন স্ফৌজের নৈতিক শ্রেষ্ঠত্বেরও প্রভাব কাম্বৈম করে দিয়েছিল। এর স্পষ্টতর প্রমাণ এই যে, যখন কুরায়শরা উমায়র বিন ওহাবকে ইসলামী বাহিনীর সংখ্যা ও

অন্যান্য অবস্থাদি সম্পর্কে তথ্য সংগ্রহের জন্য পাঠায় তখন সে এসে জবাব দেয় : মুসলমানদের সংখ্যা কম-বেশী তিনশোর মত। আর আমি যতদূর দেখতে পেরেছি অন্য কোন সাহায্যকারী বাহিনী আশে পাশে নেই। কিন্তু তাদের মধ্যে আত্মোৎসর্গের প্রেরণা সীমিতরিজ্ঞ। তাদের মনে মরণ সম্পর্কে ভয়-ভীতির লেশমাত্রও নেই। তারা তোমাদের শত্রু রকমের এবং ভীষণভাবে মুকাবিলা করবে, আর তাদের মুকাবিলায় আমাদের ক্ষতির পরিমাণ অনেক বেশী হবে। এমতাবস্থায় আমরা যদি জয়যুক্তও হই তবুও বেশী লাভ হবে না। কেননা তার প্রভাব ও প্রতিক্রিয়া আমাদের লোকদের এবং অন্যান্য কবিলার উপর খুব ভাল হবে না। অতএব যুদ্ধ শুরু করার পূর্বে এ কথাগুলো গভীরভাবে ভেবে নেওয়া প্রয়োজন।

'উমায়্যরের এই বর্ণনা শুনে হাকীম বিন হিযাম 'উৎবা বিন রবী'য়ার নিকট যায়। সে ছিল কুরায়শ সর্দারদের মধ্যে অন্যতম শীর্ষস্থানীয়। হাকীম বিন হিযাম তাকে পরামর্শ দেন যে, তিনি যেন কুরায়শদের বৃষ্টিয়ে সুজিয়ে ফিরে যেতে উৎসাহিত করেন এবং 'আমর বিন আল-হাদরামী'র খনের বদলা নিতে বাধা দেয়। এতে সে বলে : আমি তো রাযী আছি। পারলে তুমি আবু জেহেলকে বৃষ্টিয়ে রাযী করাও।

এরপর হাকীম বিন হিযাম মারওয়ান বিন হাকামের নিকট আসে এবং বলে : হৃষফা থেকে কুরায়শদের একজন বড় মিত্র আমাদের ছেড়ে চলে গেছে। আমি 'উৎবার সঙ্গে 'আমর বিন আলহাদরামী'র খনের বদলা নিতে বাহানা করে এড়িয়ে যেতে পরামর্শ দিয়েছি। সে এ ব্যাপারে রাযী আছে এবং আমার সঙ্গে এ ব্যাপারে একমতও বটে যে, মহাম্মাদ-এর সঙ্গে যুদ্ধ না করাই ভাল। অতএব আমি এজন্য এসেছি যে, তুমি আবু জেহেলকে যুদ্ধ থেকে বিরত থাকার সৎপরামর্শ দিয়ে গোটা কওমকে নিজের প্রতি কৃতজ্ঞ ও সদয় বানিয়ে নেবে। মারওয়ানও রাযী হ'ল। কিন্তু আবু জেহেল এর কড়া জবাব দেয়। এবং বলে : তুমি 'উৎবার মত কাপুরুষের বার্তাবহ কেন হ'লে? এরপর 'উৎবা আবু জেহেলের নিকট আসে। সে সমস্ত আবু জেহেল

আয়ম্মা বিন রুখসত আলগিফারীর সঙ্গে কথাবার্তা বলছিল। আয়ম্মা স্বীয় মিত্র কুরায়শদের খাবার জন্য দশটি উটও সঙ্গে এনেছিল। সে আবু জেহেলকে নিজের উটের সঙ্গে তার পিতার পক্ষ থেকে এ পয়গামও পেশ করে যে, যদি অস্ত্রশস্ত্র কিংবা সেপাই-সৈন্যের দরকার দেখা দেয় তবে আবু জেহেল তাও লাভ করতে পারেন। আবু জেহেল এর প্রত্যুত্তরে বলে : আত্মীয় সম্পর্কের হক যতখানি ছিল তা তো তুমি আদায় করেছে, আমার কোন সাহায্যের দরকার নেই। কেননা আমাদের শক্তি বড়—বিরাট। এরপর উৎবাকে লক্ষ্য করে বলল এবং বেশ মিঠে-কড়া ভাষায় বলে তার ঘোড়ার পেটে তলোয়ারের আঘাত হানল যার অর্থ ছিল—তুমি বড় বুযদিল ও ভীক কাপুরুষ। ভালো চাও তো মানে মানে এখান থেকে কেটে পড়। অতঃপর সে 'আমর বিন-আল-হাদরামীর ভাই 'আমের বিন আল-হাদরামীকে খুনের बदলা নেবার জন্য উত্তেজিত করে তোলে। সে আবু জেহেলের বাগাড়ম্বরে ফে'সে স্বায় এবং 'উৎবার প্রভাব কেটে যায় যার জন্য সে স্বীয় লোক-লশকর নিয়ে কুরায়শদের থেকে আত্মদা হতে পারে নি। ফলে নিতান্ত বাধ্য হয়েই সে লড়াইয়ের ব্যাপারে সম্মতি প্রদান করে। যেহেতু হাকীম এবং 'উৎবার সমঝোতামূলক উদ্যোগে সাধারণ লোকজনের প্রভাবিত হবার আশংকা দেখা দিয়েছিল সেজন্য আবু জেহেল বেশী বিলম্ব করা আর সমীচীন মনে করেনি এবং তাৎক্ষণিকভাবে লড়াই শুরু করে দেয়।

যুদ্ধের সূচনা

দ্বন্দ্ব যুদ্ধের জন্য আবু জেহেল সর্বাঙ্গে 'উৎবা, তৎপুত্র ওয়ালীদ এবং তার ভাই শায়বাকে পাঠায়। এদের জবাবে আনসারদের পক্ষ থেকে তিন জন যুবক এগিয়ে আসে এদের দু'জন হারিস পুত্র 'আওয এবং ম'আওন্নায এবং তৃতীয় জন 'আবদুল্লাহ্ বিন রওন্নাহা। কুরায়শরা এদের সঙ্গে লড়তে অস্বীকার করে এবং বলে : আমাদের মুকাবিলায় আমাদের সমগোত্রীয়দের পাঠাও এর পর হামম্বা (রা) বিন আবদুল

মুত্তালিব, 'উবায়দা (রা) বিন আল-হারিছ এবং 'আলী (রা) বিন আবু তালিব এগিয়ে আসেন। মুকাবিলা হ'ল এবং তিনজন মুশরিক চির-শস্যায় শাসিত হ'ল। মুসলমানদের মধ্যে উবায়দা (রা) ভীষণ রকমে আহত হন। হামযা (রা) এবং আলী (রা) বিন আবু তালিব তাঁকে ময়দান থেকে উত্তিয়ে নিজেদের শিবিরে নিয়ে আসেন। সেখানে তিনি শাহাদাত লাভ করেন। তিন জন মুশরিকেরই এই পতন দেখে আবু জেহেলের বাহিনী একযোগে হামলা করে বসে। অ'ই-হযরত (স) এ ধরনের হামলার আশংকার প্রেক্ষিতে স্ত্রী বাহিনীকে হুকুম দিয়ে রেখেছিলেন যে, যদি কাফেরগণ একযোগে আক্রমণ করে বসে তবে তাদের সামনে অগ্রসর হতে দেবে এবং দ্রুততার সঙ্গে সঠিক লক্ষ্যে ও নিশানায় তীর বর্ষণ করবে। মুজাহিদ বাহিনীর কাতারবন্দী এভাবে করেছিলেন যে, মুজাহিদ বাহিনী ইস্পাত কস্তিন দুর্ভেদ্য প্রাচীরে রূপ নেয়। সেখানে এমন কোন ফাঁক কিংবা ফাটল ছিল না যে, দূশমন ভেতরে ঢুকতে পারে অথবা পারে ব্যুহ ভেদ করতে। এতদ্বিন্ন শ্রুত একটি দল হামলার জন্য সদা প্রস্তুত ছিল।

অ'ই-হযরত (স) যুদ্ধের পূর্ব রাতেই মুসলিম বাহিনীকে কয়েকটি কাতারে ভাগ করে যথা নিয়মে লাইন বন্দী করেন। এরপর তার তদারকী করেন এবং যেখানেই কাউকে অগ্রপশ্চাৎ দেখতে পেয়েছেন তাকে ছড়ির ইশারায় ঠিক করে দিয়েছেন। এই সাথেই তিনি ফৌজের বিভিন্ন অংশের উপর একজন করে (অফিসার) সেনানায়ক নিযুক্ত করে দেন এবং তাদের জন্য আলাদা আলাদা পতাকাবাহীও নির্ধারণ করেন। অতঃপর ফৌজের প্রতি নির্দেশমালা জারী করেন যে, যতক্ষণ পর্যন্ত অনুমতি দেওয়া না হচ্ছে ততক্ষণ পর্যন্ত কাতার ভাঙবে না, লড়াইয়ের সূচনা করবে না। দূশমন যদি দূরে হয় তবে তীর চালিয়ে তা বিনষ্ট করবে না। আওতায় এলে তীর বর্ষণ করবে আর নিকটবর্তী হলে পাথর ছুঁড়ে মারবে, অধিকতর নিকটবর্তী হলে বল্লমের সাহায্যে প্রতিরোধ করবে এবং সবশেষেই কেবল তলোয়ার ব্যবহার করবে।

মুহাদ্দিস ঐতিহাসিকদের বর্ণনা মূতাবিক অ'ই-হযরত (স) বিশিষ্ট সাহাবাদের সমভিব্যাহারে যুদ্ধের ময়দান পরিদর্শন করেন

এবং স্থানে স্থানে বসতে যান যে, শত্রুপক্ষের অমুক অফিসার অমুক জায়গায় হবে। অ'া-হযরত (সা)-এর কঠিনতম বিপদের মুহূর্তেও এমনিভাবে নিরুদ্বেগ প্রশান্তির প্রকাশে সৈন্যদের মধ্যে কি পরিমাণ উদ্যম ও আত্মবিশ্বাসের সৃষ্টি হতে পারে তার পরিমাপ করা দুঃসাধ্য নয়।

অ'া-হযরত (সা) তাঁর ছোট জামাতটির জন্য স্বেচ্ছাসেবী মহিলা দলও নিযুক্ত করেছিলেন। বৃথারী শরীফের বর্ণনা মতাবিক তারা আহতদের ব্যাগেজ ও পট্টি বাঁধতো, সেপাইদের পানি পান করাতো এবং ময়দান থেকে শত্রুর নিষ্কিন্ত তীর কুড়িয়ে এনে মুসলিম তীরন্দাষদের হাতে তুলে দিত।

সৈন্যদল পরিদর্শন শেষে তিনি প্রয়োজনীয় হেদায়েত (নির্দেশ) জারী করেন এবং অতঃপর কয়েকজন সাহাবা (রা)-কে সঙ্গে নিয়ে সেই পাহাড়ের উপর তশরীফ রাখেন যেখানে তাঁর জন্য খেজুরের ডালপালা সহযোগে ঝুপড়ী নির্মাণ করা হয়েছিল। এখান থেকে যুদ্ধের ময়দান পরিচকার দৃষ্টিগোচর হ'ত। এখানে কতিপয় দ্রুতগামী উল্টী রাখা হয়েছিল যেন ফৌজীদের জরুরী হেদায়েত পৌঁছানো যায়। অধিকন্তু হেফাজতের জন্য একটি রক্ষীদল নিযুক্ত করা হয়েছিল।

শত্রুর হামলা দেখে আসমানের দিকে তিনি দৃষ্টিপাত করেন এবং এক মুঠো মাটি উঠিয়ে দূশমনের দিকে নিক্ষেপ করেন। এর প্রতিক্রিয়া দেখে তিনি আশ্চর্যের দরবারে শুকরিয়া আদায় করেন। এর পর মুহূর্তে পাহাড়ের দিক থেকে বাতাসের একটা প্রবল আলোড়ন উথিত হয় যার ফলশ্রুতিতে কুরায়শদের দিকে বালির তুফান অগ্রসর হয় এবং তাদের ক্যাম্পে বিশৃংখলা ও বিপর্যস্ত অবস্থা ছড়িয়ে পড়ে। একদিকে মুসলমানদের রুষ্টিধারার মতো অজস্র তীর বর্ষণ, অপর দিকে বালির তুফান এবং তৃতীয় দিকে অ'া-হযরত (সা) হামলাকারী বাহিনীকে দূশমনের ডান পাশের উপর আক্রমণের নির্দেশ দেন। এই বাহিনীতে হযরত 'আলী (রা) হামযা (রা) ও আবু দুজানা (রা) প্রমুখের ন্যায় নামকরা বীর যোদ্ধাগণ ছিলেন। কুরায়শদের ঘোড় সওয়ার ও উল্টারোহী সৈন্যদল দলে দলে বালিতে আটকে গিয়ে

কাহিল হয়ে গিয়েছিল। ফলে শত্রুর বুদ্ধি ও বীরত্বে ভাটা পড়তে থাকে। আবু জেহেল পূর্ণ শক্তিতে হামলা করে। কিন্তু ফলোদয় হ'ল না কিছুই। এমন কি নিজেও সে এই হামলায় মারা পড়ল এবং অন্যান্য সঙ্গী সাথীও একই পথের যাত্রী হ'ল। কুরায়শদের পদস্থলন ঘটল এবং বিশৃঙ্খল অবস্থায় পালাতে লাগল। সত্তর জন গ্রেফতার এবং অনুরূপ সংখ্যায় মারা পড়ল। দুশমনকে পালাতে দেখে আঁ-হযরত (সা) একটি প্লাটুনকে তাদের পশ্চাৎদিক এবং তাদের গতি-বিধির উপর নজর রাখবার জন্য নির্দেশ দেন। আব্লাহ্ না করুন তারা ফিরে আসার অভ্যর্থনা নিক অথবা অন্য কোন রাস্তা একত্মিতার কর্তৃক তাৎক্ষণিকভাবে যেন তাঁকে অবহিত করা হয়।

যুদ্ধের পর আঁ-হযরত (সা) বদর প্রান্তরে তিন দিন অবস্থান করেন। এরপর বদরের শহীদবর্গের দাফনের ব্যবস্থা করেন এবং মুশরিকদের লাশ মাটির আড়ালে ঢেকে দেন। এরপর সফরা উপত্যকায় তাসরীফ নেন। সেখানে তিনি মালে গনীমত বন্টন করেন, কিন্তু কয়েকদীদের নিজের কাছেই রেখে দেন। তাদের সঙ্গে অত্যন্ত কোমল ব্যবহার করেন। যাদের কাছে পরিধেয় বস্ত্র ছিল না তাদের তিনি কাপড় দেন। সবাইকে ভাল খাবার খাওয়ান। শেষে হযরত আবু-বকর (রা)-এর পরামর্শক্রমে কুরায়শদের থেকে মুক্তিপণ নিয়ে সবাইকে মুক্ত করে দেন।

এখানে আমরা সেই প্রতিরক্ষা নীতির দিকে অধিক মনোযোগ দেওয়া জরুরী মনে করি যার আওতায় তিনি কুরায়শ বাহিনীর মুকা-বিলা মদীনার নিকটবর্তী স্থানে না করে বরং মদীনা থেকে কয়েক মনমিল দূরে বদর প্রান্তরে করেন। প্রতিরক্ষা পরিকল্পনার সর্বোত্তম দিক হ'ল, দুশমন আমাদের গতিবিধি ও চলাচলের উদ্দেশ্য সম্পর্কে কিছু জানবে না বরং সব সময় এই সন্দেহের দোলায় ঘুরপাক খেতে থাকবে যে, আব্লাহ্ই জানেন, আমরা কি করতে যাচ্ছি। অতঃপর ফৌজকে এমনভাবে সুবিন্যস্ত করা হবে যেন দুশমনের চাল-বাজী রুখবার জন্য ন্যূনতম সময়ের মধ্যে অধিকতর সংখ্যক দলকে বিপদের জালগায় খুব স্বল্পায়াসে সমাবেশ ঘটানো যায়। আঁ-হযরত (সা) দুশমনের শক্তিকে ধ্বংস করতে চাইতেন। এইজন্য বদর

নামক স্থানটি ছিল সর্বাংশে উপযুক্ত ও উত্তম। মুরোপের একজন মশহুর প্রতিরক্ষা পর্যবেক্ষকের উক্তি, যেই সিপাহসালার সর্বত্রই মশবুত ও সুদৃঢ় থাকতে চান এবং একই সময় কয়েকটি উদ্দেশ্য ও লক্ষ্য হাসিল করতে চান তিনি সর্বত্রই ব্যর্থতার শিকার হন এবং সকল স্থানেই তিনি পরাজয় বরণে বাধ্য হন। আ-হমরত (সা) স্বীয় উপলব্ধি ও দুরদৃষ্টির দ্বারা বদর স্থানটি নির্বাচিত করে নিজের ছোট্ট ফৌজের সাহায্যে দুশমনকে পরাস্ত করে স্বীয় অভীষ্ট লাভ করেন।

সিপাহসালারের জন্য জরুরী হ'ল, প্রতিরক্ষা ও আক্রমণাত্মক পরিকল্পনা যতই উত্তম হোক না কেন ফৌজের একটি অংশ দরকারী মুহূর্তের কাজের জন্য সব সময় নিরাপদে রেখে দেবে। এর ফলে আচানক ও আকস্মিক হামলাগুলো প্রতিরোধ করা যায়। কখনো দুশমন ময়দান ছেড়ে পলাতে শুরু করলে তাদের পশ্চাদ্ধাবনও করা যায়। সেভাবে হযুর আকরাম (সা)-ও মুহূর্তে তাদেরকে হামলার নির্দেশ দিয়ে দুশমনের মনোবল ভেঙ্গে দেন।

ফৌজের সকল অংশের জন্যই অপরিহার্য যে তারা লড়াইয়ের হাল-হকিকত ও অবস্থাদি সম্পর্কে যাবতীয় সংবাদ সিপাহসালারকে পৌঁছাতে থাকবে যেন তিনি সঠিক সিদ্ধান্ত নিতে পারেন। তিনি 'আরীশ নামক ভিলা থেকে যুদ্ধের যাবতীয় অবস্থা শুধু নিজ চোখেই দেখেন নি—বরং সেখান থেকে যাবতীয় নির্দেশও পাঠাতে থাকেন। এভাবে তিনি যুদ্ধের পূর্বে তেজারতী কাফেলা এবং কুরানশ বাহিনীর খবরাখবর নিতে থাকেন। যুদ্ধকালীন খবর সংগ্রহের এই ব্যবস্থাপনা সেই মুহূর্তেই কেবল ফলপ্রসূ হতে পারে যখন রিজার্ভ ফৌজের অবস্থান এমন জায়গায় রাখা হবে যা খুব সামনেও হবে না এবং বেশী পেছনেও হবে না। আ-হমরত (সা) স্বীয় অবস্থান এবং রিজার্ভ ফৌজের জায়গা এমন স্থানে রেখেছিলেন যা আক্রমণ-সীমার আওতায় ছিল না এবং খুব পেছনেও ছিল না। গোটা যুদ্ধটাই তিনি নিজের চোখের সামনে সংঘটিত হতে দেখেন এবং যখন রিজার্ভ ফোর্স ব্যবহারের সময় আসলো তখন তাদেরকে শত্রুর দুর্বলতম স্থানে আঘাত হানার হুকুম দিয়ে পর্যদস্ত করে দেন।

এই পরাজয়ের ফলে কুরায়শদের গর্বে ও অহমিকায় প্রচণ্ড আঘাত লাগে। কিন্তু তথাপি তারা ধৈর্য অবলম্বনকেই শ্রেয় মনে করে। তাদের যে সব লোক নিহত হয়েছিল তাদের জন্য তারা আহাজারী কিংবা কান্নাকাটি করেনি এই ভেবে যে, এতে মুসলমানেরা খুশী হবে এবং অন্যান্য কবিজার উপর এর প্রতিক্রিয়া হবে। কিন্তু প্রতিশোধের আশ্বাস তাদের অন্তরে গভীর আলোড়ন সৃষ্টি করে এবং ধিকি ধিকি জ্বলতে থাকে।

যুদ্ধের এ সব ঘটনা আমরা বিভিন্ন ইতিহাস থেকে গ্রহণ করে লিপিবদ্ধ করেছি। এখন সেগুলো প্রতিরক্ষার দৃষ্টিকোণ থেকে দেখলে কতিপয় প্রশ্নের উদয় হয়। প্রথমত এই যে, আবু সুফিয়ানের কাফেলার সঙ্গে কোনরূপ মুকাবিলার চেষ্টা আঁ-হযরত (সা) কেন করেন নি? কাফেলা রওয়ানা হবার সংবাদ যখন তিনি জানতেন যদি তিনি অগ্রসর হয়ে কাফেলাকে পাকড়াও করতেন তা হলে অশেষ মাল-মাল্লা ও টাকা-পয়সা তাঁর হাতে আসত। অতঃপর কাফেলা যখন হাত থেকে ফসকে গেল তখন তিনি বদরে কেন অবস্থান গ্রহণ করলেন? কেনই বা তৎক্ষণাৎ মদীনা প্রত্যাবর্তন করলেন না?

দ্বিতীয়ত, বদরের সন্নিকট তিনি এতদিন কেন অবস্থান করলেন? তাৎক্ষণিকভাবে কেন সে ছাউনীর স্থান দখল করলেন না যেখানে শেষ অবধি তাড়াহুড়ো করে শত্রুর কিছু আগেই যেতে হ'ল?

তৃতীয়ত, দুশমনের পরাজয় বরণ ও পর্যুদস্ত হবার পর তিনি তাদের পশ্চাচ্ছাবন কেন করলেন না?

চতুর্থত, বিজয় লাভের পর বদরে কেন তিনি অবস্থান করলেন যার কারণে মদীনাবাসীদের ভেতরে একটা আতংক ও দৃশ্চিন্তা বিরাজ করছিল।

পঞ্চমত, যুদ্ধবন্দীদের থেকে প্রতিশোধ কেন গ্রহণ করলেন না এবং তাদের সঙ্গে কোমল ব্যবহার করে এবং মুক্তিপণ না নিয়ে কেন তাদেরকে ছেড়ে দিলেন?

কোন কোন ঐতিহাসিক কয়েদীদের ভাষায় লিখেছেন যে, মুসলিম ফৌজ নিজেরা পায়দল চলেছে আর বদরের যুদ্ধবন্দীদের তারা উটের

পিঠে চড়িয়েছে। নিজেরা খোরমামাত্র খেয়ে দিন কাটিয়ে দিয়েছে, আর আমাদেরকে রুটি খেতে দিয়েছে। এই অমান্বিক ব্যবহারের পেছনে কোন্ কল্যাণ নিহিত ছিল ?

ষষ্ঠত, বদর প্রান্তরের ছোট্ট এ লড়াইটি প্রতিরক্ষার দৃষ্টিকোণ থেকে কতখানি গুরুত্বপূর্ণ এবং এ থেকে কোন্ কোন্ মূলনীতি বের করা যেতে পারে ?

কাফেলা হাত ছাড়া হবার পর আঁ-হযরত (সা) তাৎক্ষণিকভাবে মদীনায় কেন প্রত্যাবর্তন করলেন না এবং সপ্তাহকাল যাবত বদরের আশেপাশে থেকে দূর-দুরান্তর এলাকায় সমূহ বিপদের মুকাবিলা তিনি কেন করলেন ? সেই প্রশ্নের জবাব প্রতিরক্ষা কৌশলের ভাষায় এই যে, যোগ্য সিপাহসালার স্বীয় ফৌজী অভিযানকে এমন একটা মোড় দেন যে, কোন না কোন উপায়ে তার প্রতিরক্ষাগত উদ্দেশ্য হাসিল হয়ে যায়। এর ফলে দূশমন সংশয় ও দ্বিধা-দ্বন্দ্ব নিপতিত হয় এবং সে জানতে পারে না যে, তার প্রতিদ্বন্দ্বী ও প্রতিপক্ষের অভিপ্রায় কি এবং তারা কোন্ পরিকল্পনার ভিত্তিতে অগ্রসর হচ্ছে। দূশমনকে এ ধরনের দ্বিধা-দ্বন্দ্ব ও সন্দেহ-সংশয়ের ভিতর নিষ্ক্রেপ করে যোগ্য অধিনায়ক তাদের উপর এমন জাম্বগাম্ব হামলা করেন যেখানে তার সাফল্য ও কামিন্ধাবী নিশ্চিত হয় অর্থাৎ এই মোড় এমন হয় যে, সেখানে তিনি ন্যূনতম ক্ষতি স্বীকার করে স্বীয় প্রতিরক্ষাগত উদ্দেশ্য পূরণ করতে পারেন। যেহেতু প্রতিরক্ষা কৌশলের উদ্দেশ্য হ'ল—শত্রু বাহিনীকে পরাভূত করে তাকে ধ্বংস করে দেওয়া। অতএব আঁ-হযরত (সা)-এর উদ্দেশ্য ছিল মক্কাবাসীদের শক্তিকে খর্ব ও পরাভূত করে দেওয়া। শুধুমাত্র ধনসম্পদ লুট করা তাঁর উদ্দেশ্য ছিল না। উভয়টির ভেতর ফারাক বিস্তর এবং যতখানি ফারাক উভয়টির ভেতর তিক ততখানি ফারাকই তার গুরুত্বের ভেতরও।

আঁ-হযরত (সা) জানতেন যে, কুরায়শরা তাদের ব্যবসা-বাণিজ্য ধ্বংস হওয়ার আগেই তাঁর হেফাজত করার জন্য বের হবে। অতএব তাদের এমন একটি স্থানে লড়তে বাধ্য করা যেতে পারে যা তাদের জন্য কোন কল্যাণ বসে আনবে না। যদি আঁ-হযরত (সা) কাফেলার

উপর হামলা করে বসতেন ; তবে পুরোপুরি সম্ভব ছিল যে, ঠিক সেই সময় যখন তিনি এতে মশগুল হয়ে পড়তেন কুরায়শরা সে সুযোগের পুরো ফায়দা লুটতো। প্রথমত, নিজেদের বাহিনীকে দুটো অংশে ভাগ করে একটি দ্বারা লুটের সময় মুসলমানদের পেছন থেকে হামলা করাতো এবং অপর অংশ দ্বারা মদীনার উপর চড়াও হয়ে তাদের পরিবার-পরিজনকে তলোয়ারের মুখে নিষ্ক্রেপ করত। এমতাবস্থায় সামরিক দৃষ্টিকোণ থেকে কুরায়শদের শক্তি দ্বিগুণ হ'ত, যে শক্তির মুকাবিলা মুসলমানদের বদর প্রান্তরে করতে হয়েছিল।

যেহেতু কুরায়শ বাহিনীর সংখ্যা মুসলমানদের তুলনায় অনেক বেশী ছিল, সেজন্য তাদেরকে দ্বিধা-দ্বন্দ্বের ভেতর নিষ্ক্রেপ করে যুদ্ধের ময়দানে এনেই ধ্বংস ও নাস্তানাবুদ করা দরকার ছিল। দুশমনের উপর কার্যকর হামলা তখনই শুরু করা যায় যখন তারা অজ্ঞতার ভেতর হাবুডুবু খায় অথবা প্রতিপক্ষের প্রতিরক্ষা পরিকল্পনা সম্পর্কে অববহিত থাকার কারণে নিজেই নিজেকে প্রতাপক্ষের শিকারে পরিণত করে। এমতাবস্থায় তাদের থেকে যখনই কোন গ্রুটি প্রকাশ পাবে ঠিক তক্ষুণি সকল শক্তি সহযোগে আঘাত হানতে হবে। প্রতিরক্ষা পরিকল্পনায় এমত মওকা এমন একটা চাল যা দুশমনকে—

(ক) এ বিষয়ে নিজেদের ফ্রন্টের দিক পরিবর্তনে বাধ্য করবে এবং এর ফলে তার বাহিনীর শৃংখলা খারাপ হয়ে পড়ে।

(খ) শত্রু ফৌজের বিভিন্ন ইউনিট একে অপরের সঙ্গে এমনভাবে বিচ্ছিন্ন হয়ে পড়বে যে, কেউ কাউকে কোনরূপ সাহায্য করতে পারবে না।

(গ) তাদের রসদ ও খোরাকের ব্যবস্থাপনায় বাধা সৃষ্টি হবে।

(ঘ) পরাজয়ের ক্ষেত্রে হেড কোয়ার্টারের দিকে পশ্চাদাপসরণের রাস্তা বিচ্ছিন্ন দেখতে পাবে।

শত্রুর অন্তরে এ ধরনের ভয় কিংবা সকল ধরনের বিপদাপদের আশংকা একই সঙ্গে সৃষ্টি হতে পারে এবং যখন সৃষ্টি হয়ে যায় তখন তা ভয়-ভীতি ও অস্থিরতার কারণ হয়ে দাঁড়ায়। একটা আশংকা থেকে আর একটা আশংকা এবং একটা বিপদ থেকে আর একটা বিপদ

পয়সা হতে থাকে। বদর যুদ্ধের পূর্বে বিলকুল এটাই হয়েছিল। অ'হমরত (স)-এর আক্রমণের পরিকল্পনা কাফেলাবাসী ও কুরায়শ বাহিনী উভয়কেই এই ভয়ে ভীত ও আচ্ছন্ন করে রেখেছিল যে, না জানি মুসলমানরা কী করে বসে! সন্দেহ-সংশয় এবং অনিশ্চয়তার কারণে তাদের প্রতিরক্ষা পরিকল্পনা হ্রুটিগুস্ত হতে পারেনি। তাদের রসদবহনকারী অংশের উপর মুসলমানদের অত্যন্ত হামলা, যেটুকু সাহস-ভরসা অবশিষ্ট ছিল, সেটুকুও নিঃশেষ করে দেয়। তারা যুদ্ধের ব্যাপারে দ্বিধা-দ্বন্দ্বের শিকার হয় এবং অ'হমরতের প্রতিরক্ষা কৌশল ৫ চাল মাফিক নিজেদের মোর্চা পরিবর্তন করতে থাকে। এমন কি তাদের অধিনায়ক আবু জেহেল তাদেরকে এমন একটি জ্বাল-গায় এনে খাড়া করে যখানে না ছিল পানি—আর না ছিল পশুপল্লীর জন্য ঘাস। সূর্য ছিল মুখের দিকে এবং ব্যতাস ছিল প্রতিকূল। যমীন ছিল বালুকাময় এবং কর্দমাস্ত। ফলে ঘোড়গোয়ার ও উষ্ট্রারোহী বেকার হয়ে পড়ে। তারা যখন মাটিতে নেমে পায়দল লড়তে শুরু করল, মুসলিম তীরন্দাযরা রসূল (সা)-এর নির্দেশে তাদের উপর মুঘলধারে তীর বর্ষণ করে ব্যতিবাস্ত করে তুলল। বালুকাময় এবং কর্দমাস্ত যমীন হবার কারণে কুরায়শদের চলাচল করতে কষ্ট হচ্ছিল, সে জন্য মুসলমানদের অজম্ব তীর বর্ষণের শিকার হয়ে তারা লুটিয়ে পড়ছিল। অতঃপর যখন মুসলিম বাহিনীর সঙ্গে হাতাহাতি লড়াইয়ের নিকটবর্তী হ'ল ততক্ষণে তারা ক্লাস্তি ও অবসাদে এতখানি ভেঙে পড়েছে এবং তৃষ্ণা ও পিপাসায় এতখানি কাতর হয়ে পড়েছে যে, তারা নিজেরাই আর নিজেদেরকে সামলাতে পারে নি। ফলে তাদের ব্যাপক জীবন হানির সম্মুখীন হতে হয়।

মুদ্রার যেমন দু'টো পিঠ থাকে তেমনি লড়াইয়ের প্রতিটি মূল-নীতিরও দু'টো দিক থাকে। এক হাতে তলোয়ারের সাহায্যে আঘাত হানা হয়, অপর হাতে প্রতিরক্ষার জন্য ঢাল ব্যবহার করা হয়। কখনো তরবারি দ্বারা দূশমনকে ঠাণ্ডা করা হয়; আবার এ কাজে চাতুর্যও ব্যবহার করা হয়। কিন্তু দু'টোর উদ্দেশ্যই এই যে দূশমনকে তার শরীরের এমন অংশ দেখাতে মজবুর করা হবে যেখানে কার্যকর আঘাত হানা যেতে পারে, দূশমনকে এ ব্যাপারে মজবুর করা হবে।

যেন সে স্বীয় ফৌজকে ঋণে বিভণ্ড করে ফেলে। আর নিজের ফৌজকে একত্রে একই স্থানে সমবেত করে রাখবে যেন হামলার স্বার্থ সক্ষিষ্ণে মন্ববৃত্ত ও সুদৃঢ়তর থাকে। অঁ-হযরত (সা) এ ব্যাপারে নেহায়েত উত্তম ও সুচারুরূপে দান্নিত্ব আন্জাম দেন। কাফেরদের কিছু ফৌজ তো কাফেলার হেফাজতের কারণে বদর যুদ্ধে অংশ নিতে পারেনি অতঃপর রাজনৈতিক চালের কারণে কিছু গোল্ল তাদের থেকে আলাদা হয়ে যায়। তারা যখন এ অবস্থা দেখলো যে, কাফেলা বিপদের আওতা থেকে বের হয়ে গেছে তখন তারা পৃথক হয়ে নিজের নিজের ঘর-বাড়ীতে ফিরে যায়। তারা আবু জেহেলের কথায় বিন্দুমাত্রও কর্ণপাত্ত করেনি। অতঃপর যখন কুরায়শদের বড় অংশ যুদ্ধক্ষেত্রে পৌঁছুলো তখন তাদের দ্বিতীয় অংশ প্রথম অংশের মদদ না পাবার কারণে বেকার হয়ে পড়ে অর্থাৎ অনারোহী ও উল্টারোহী বাহিনী পদাতিক বাহিনীর কোন কাজে লাগেনি। অনন্তর অঁ-হযরত (সা)-এর অগ্রাভিমান কুরায়শ বাহিনীর মনে ভীতির সৃষ্টি করে। ফৌজের কয়েকজন সর্দারের আবু জেহেলের নেতৃত্বের প্রতি কোন আস্থা ছিল না। তারা খোলাখুলিভাবে লড়াইয়ের বিরোধিতা করছিল। এজন্য যুদ্ধের ময়দান উত্তপ্ত হবার পূর্বেই তারা নৈতিক ও মানসিক দিক দিয়ে পরাজয় বরণ করে নিয়েছিল। এটা সর্বজনস্বীকৃত এবং এ ব্যাপারে অতীত ও বর্তমান সমস্ত প্রতিরক্ষা বিশেষজ্ঞের ঐক্যমত রয়েছে যে, নৈতিক ও মানসিক পরাজয় বিরাট থেকে বিরাটতর বাহিনীকেও বেকার ও নিষ্ক্রিয় বানিয়ে দেয়।

এসব অবস্থা ভালভাবে বুঝে নিয়ে এবং সামরিক অভিজ্ঞতার সহযোগিতায় অঁ-হযরত (সা) যখন দূশমনের এক পার্শ্ব থেকে হামলা করেন তখন তা এমনই সফল প্রমাণিত হয় যে, দূশমনের মেরুদণ্ড ভেঙ্গে যায়। তিনি স্বীয় ছাউনীর অবস্থান এবং আসমানী ও মৌসুমী অবস্থা থেকে পুরোপুরি ফায়দা লাভ করেন।

প্রতিরক্ষা দৃষ্টিকোণ থেকে আমরা এ যুদ্ধ থেকে নিম্নোক্ত ফলাফল গ্রহণ করতে পারি :

১. প্রতিরক্ষা পরিকল্পনা এমন হওয়া দরকার যেন তার উপর অতি সহজে আমল করা যায় অর্থাৎ পরিকল্পনা শত্ৰুশক্তির সঠিক

পরিমাপ করে এমনভাবে প্রণয়ন করতে হবে যেন অবস্থা মৃত্যুবিক্রম তাতে রূপবদল করা যায়। এটা তখনই সম্ভব যখন পরিকল্পনা মূদ্রার মত দু'ধারি করে প্রণয়ন করা যায়, যেমনটি আঁ-হযরত (স) করে রেখেছিলেন যে, দূশমন জানতেও পারেনি—তিনি কাফেলার উপর হামলা করতে চান, না কুরআন বাহিনীর উপর। এ থেকে শত্রুর মন-মানসে দোটানা ও দ্যোদ্যুলামানতার সৃষ্টি হয় এবং সে স্বীয় পরিকল্পনায় সুদৃঢ় মনোবল ও পূর্ণ একাগ্রতা ও সংহতি শক্তি সহকারে কাজ করতে পারে না। প্রতিরক্ষার দিক দিয়ে এটা সর্বাপেক্ষা গুরুত্বপূর্ণ হয়ে থাকে এবং এতে শত্রুর উপর কার্যকর আঘাত হানার কোন না কোন দিক মিলেই যায়।

কিন্তু সেখানে যমীনের উঁচু-নীচু এবং প্রাকৃতিক বাধা উভয় বাহিনীর সর্বাধিনায়কের সামনেই থাকে। সমরশাস্ত্রে বিশেষজ্ঞগণ খুব সহজভাবে এমন কোন পরিকল্পনা তৈরী করতে পারেন না যা দিয়ে দূশমন এমন চাল ও কুট কৌশলের অনুসরণে রাষী হয়ে যায় যে, নিশ্চিতরূপেই তাকে মৃত্যুর মুখে ঠেলে দেওয়া যায়। অবশ্য এটা একেবারে অসম্ভবও নয়। বদর প্রান্তে এমনটিই হয়েছিল। টিম-বুর্গ ফ্রন্টে ফিল্ড মার্শাল হিগেনবুর্গ রাশিয়ানদের এমন ফাঁদেই ফেলে মেরেছিলেন। ১৯৪০ 'ঈসায়ীতে হিটলারও মিত্র বাহিনীকে এমনই নাচ নাচিয়েছিলেন যে, তাদেরকে ডেনমার্ক ছেড়ে পালাতে হয়েছিল। সামরিক দৃষ্টিকোণ থেকে যুদ্ধক্ষেত্রের সর্বোত্তম মূলনীতি এ এই মনে করা হয়ে থাকে যে, দূশমন যেখানেই কোন ভুল চাল চালবে তাকে তাৎক্ষণিকভাবে তার সাজা দিয়ে দিতে হবে যাতে করে সে সাহস হারিয়ে ফেলে। সমর পরিকল্পনা ফলবান রুদ্ধের মত যাতে কল্পকটি শাখা-প্রশাখা হ'লে ফল ধরে। শাখা-প্রশাখা ভিন্ন ফল আসে না। এমনটি হ'লে তাকে পত্র-পুতপ-পল্লবহীন ও শ্রীহীন রুদ্ধই বলা হয়।

বদর যুদ্ধে রসূল আকরাম (স) সেই প্রতিরক্ষা কৌশলের সাহায্য নিয়েছিলেন। তার মূদ্রার মতই দু'টো পিঠ ছিল এবং এর দ্বারা তিনি আমাদের জন্য এই শিক্ষাই রেখে গিয়েছেন যে, প্রতিরক্ষা পরিকল্পনার দু'টো দিক রাখাটাই উপকারী হয়ে থাকে যেন মওকা মত তার মধ্য থেকে যার দ্বারাই ইচ্ছা স্বীয় উদ্দেশ্য হাসিল করতে পারি। এরূপ দূর-

দশিতার সঙ্গে যুদ্ধের ময়দানে যেখানে অহরহ অবস্থার পরিবর্তন ঘটে এবং যুদ্ধের গতির সঠিক পরিমাপ করা মুশকিল হয়ে পড়ে, প্রতিরক্ষা-গত উদ্দেশ্য হাসিল একেবারে নিশ্চিত হয়ে পড়ে।

ব্রিটিশ প্রতিরক্ষা পর্যবেক্ষক জেনারেল বার্ডউড লিখেছেন, “যখন কোন সরকার যুদ্ধের ইচ্ছা করে তখন তার উচিত এ ব্যাপারে পূর্ণ নিশ্চিন্ততা লাভ করা, রাষ্ট্রের ভেতর সামাজিক ও অর্থনৈতিক দিক দিগ্নে অধিবাসীদের বিভিন্ন গ্রুপ ও সম্প্রদায়ের মধ্যে ঐক্য ও সংহতি কতখানি বিদ্যমান আছে। এরপর শত্রুর অর্থনৈতিক উপকরণকে কমায়ের ও দুর্বল করে তার গুরুত্বকে হ্রাস করার পরিকল্পনা তৈরী করা উচিত।”

“অধিকন্তু এমন কোন পরিকল্পনা গ্রহণ করা উচিত নয় যা বাহ্যিক ফলাফলের দিক দিগ্নে তাদের জন্য উপকারী হবে, কিন্তু ভবিষ্যতে দূশমন তা থেকে শক্তি ও প্রেরণা পাবে। দৃষ্টান্তস্বরূপ প্রথম বিশ্ব-যুদ্ধে যখন জার্মানীর ইউবোটগুলো শত্রু মিত্র কোনরূপ বাহু বিচার না করেই বাণিজ্য পোতগুলো ডুবিয়ে দিতে শুরু করলো তখন শেষাবধি আমেরিকা ইংরেজের সঙ্গে মিলিত হয়ে জার্মানীর বিরুদ্ধে যুদ্ধে ঝাঁপিয়ে পড়ল। ফলে জার্মানীর মুকাবিলায় মিত্র বাহিনীর শক্তি বহু গুণে বেড়ে গেল।”

বলা হয় যে, পয়েলিংটনকে যখন প্রহ্ন করা হয়েছিল : আপনার বিজয় লাভের অশুনিহিত রহস্য কি? জবাবে তিনি বলেছিলেন : আমি দূশমনের পরিমাপ ও ধারণা থেকে সাধারণত পনের মিনিট পূর্বেই নির্ধারিত স্থানে পৌঁছে যাই। এর অর্থ এই যে, তিনি শত্রুর উপর সাধারণত অতিক্রমে হামলা করতেন অর্থাৎ দূশমন যে সময় হামলার আশংকা করে তার পবেই এমনি চলাচল ও গতিবিধি থেকে শত্রু সেনা-পতি ভাবাচ্যাকা খেয়ে যায়—হয়ে যায় পেরেশান। তার ফৌজের মনোবল দুর্বল হয়ে পড়ে—মানসিক ভারসাম্য হারিয়ে ফেলে। আর অবস্থা যখন এই হয় তখন ভুলের আধিক্য ঘটা বিচিত্র কিছু নয়, এবং সেটাই স্বাভাবিক। অনেক সময় সিপাহসালারদের এক ধরণের ভুল যে কোন সরকারের বিপর্যয় ডেকে আনে। এমন কি তার

নিকট শত্রুর মুকাবিলায় অধিক ফৌজ ও অস্ত্রশস্ত্র থাকলেও কিছু করা সম্ভব নয়। সে সন্তোষভাবে তা ব্যবহার করতে পারে না। এজন্য ফৌজ ও অস্ত্রশস্ত্রের এই সংখ্যাভিত্তিক প্রাধান্য বিনকুল বেকার প্রমাণিত হয়। এর বিপরীতে শত্রু সেনাপতির মানসিক ভারসাম্য যদি থাকে তাহলে তিনি প্রতিপক্ষের কুটচাল ও কুট কৌশলের জবাব সাফল্যের সঙ্গে দিতে পারেন। প্রতিরক্ষা কৌশলের দ্বিতীয় মূলনীতি যা আঁ-হযরত (সা) শিক্ষা দিয়েছেন তা হ'ল আকস্মিক হামলা। তিনি যখন মদীনা থেকে বের হন তখন দূশমনের গুপ্তচরেরা মনে করে যে, তিনি কাফেলা লুট করতে চলেছেন। সফরের প্রাথমিক পর্যায়ে গতিও সেদিকেই ছিল; কিন্তু এরপর তিনি এমন জটিল ও দুরতিক্রম্য রাস্তা এখতিয়ার করেন যে, দূশমন তার চলাফেরা ও গতিবিধির উদ্দেশ্য বুঝতে পারে না। আঁ-হযরত (সা)-এর দূরদশিতা আঁচ করে নিয়েছিল যে, দূশমন স্বীয় কাফেলার হেফাজত ও নিরাপত্তা বিধানে সৈন্যদল নিয়ে আসবে। এজন্য তাদের শক্তি হেজে দিতে এবং তাদের অহমিকা খর্ব করার জন্য ফৌজী চাল ও সামরিক কৌশল দ্বারা তাদের বাহিনীকে এমন এক জায়গায় নিয়ে আসেন যেখানে সকল শক্তি সহযোগে আঘাত হানা সহজ ছিল। রসূল করীম (সা)-এর ফৌজী চাল সম্পর্কে দূশমন আদৌ জানতে পারেনি যে, তাঁর আসল উদ্দেশ্যটা কি। শত্রু কে এমনি ধোকা ও প্যাঁচ এবং অজ্ঞতাবস্থার ভেতর নিষ্ক্ষেপ করাকে ফৌজী পরিভাষায় "সামরিক উদ্যোগ" (military initiative) বলে। এর অর্থ এই হয়ে থাকে যে, দূশমন অজ্ঞতাবশত মজবুর অবস্থায় এমন চাল চালে যার কারণে শেষ পর্যন্ত তারা নিজেরাই মৃত্যুর মুখে উপনীত হয়। কিন্তু সামরিক উদ্যোগ ও অগ্রাভিযানের এই মওকা সেই সিপাহসালারের ভাগ্যেই জোটে যিনি প্রতিরক্ষা পরিকল্পনা অত্যন্ত সর্তকতা ও নেহায়েত হিশিয়ারীর সঙ্গে তৈরী করেন এবং তাকে সফল করে তুলবার জন্য দূরদশিতা, সুদৃঢ় ইচ্ছা শক্তি ও দৃঢ় মনোবলের সাহায্যে কাজ করে থাকেন। অন্য কথায় বলা যায় যে, যুদ্ধারম্ভের সময় উদ্যোগ গ্রহণ ও অগ্রাভিযান শুধু সেই অধিনায়কই করতে পারেন যিনি যুদ্ধের জন্য সবপ্রকার প্রস্তুতি সম্পন্ন করে নিয়েছেন এবং বিজয় সেই ভাগ্যবানেরে কদমবুসী করে

যিনি যুদ্ধে দৃঢ়তা ও সাহসিকতার সঙ্গে স্বীয় পরিকল্পনা মাফিক কাজ করতে পারেন। তিনি শুধু সামরিক উদ্যোগ ও অগ্রাভিযানের দ্বারা অঞ্জিত প্রাধান্য হস্তচ্যুত হতে দেন না তাই নয়, এ থেকে পুরোপুরি ফায়দাও হাসিল করেন।

সামরিক উদ্যোগ ও অগ্রাভিযান (initiative) এমনই একটা অস্ত্র যা দ্বারা সিপাহসালার শক্তির উপর মর্জি মাফিক হামলা করতে পারেন এবং তাদেরকে বিপ্রান্তির শিকার বানাতে পারেন। প্রতিদ্বন্দ্বী বা প্রতিপক্ষ এই দ্যোদ্যমানতার মধ্যে দুলাতে থাকে যে, আল্লাহ্ জানেন আক্রমণ কখন কোন দিক দিয়ে আসবে এবং কিরূপ শক্তিতে তা দেখা দেবে। ফলে তারা প্রতিরোধের পূর্ণ প্রস্তুতি নিতে পারে না। তারা যে অবস্থায় থাকুক না কেন তাদের হামলাও মুকাবিলা করতে হয় এবং যে পর্যন্ত সাহায্যকারী বাহিনী গিয়ে পৌঁছে ততক্ষণে সাধারণত যুদ্ধের ফয়সালা হয়ে যায়। কিন্তু এর অর্থ এই নয় যে, সামরিক উদ্যোগ ও অগ্রাভিযান নীতি অবলম্বনকারী অনিবার্যভাবেই সফল হয়ে থাকেন যদি তিনি তার প্রয়োজন মাফিক যথাযথভাবে পরিকল্পনাকে বাস্তবায়িত করতে না পারেন তবে প্রতিপক্ষ তার উপর কার্যকর হামলা করতে পারে। কেননা এমতাবস্থায় তারা জেনে ফেলে যে, শত্রু সেনাপতির ফৌজী চাল ও কূট কৌশল কী।

অ'-হযরত (সা)-এর কামিন্গাভী ও সাফল্যের একটি বড় কারণ এও ছিল যে, তিনি শত্রু বাহিনীকে এমন একটি ময়দানে নিয়ে আসেন, সমরশাস্ত্রের দিক দিয়ে যা তাদের সামরিক প্রশিক্ষণ মাফিক ছিল না। তাদের সওয়ার বাহিনী একেবারে বেকার হয়ে পড়ে যার কারণে তাদের শক্তি যায় কমে। পানি না পাওয়ায় অ'-হযরত (সা)-এর ফৌজী চাল মৃত্যুবিক দূশমন বাধ্য হয়ে নিজেরাই মুসলিম বাহিনীর উপর হামলা করে। তারা সাহায্যের জন্যে ফৌজের কোন অংশই আলাদা রাখে নি। ফলে অ'-হযরত (সা)-এর নির্দেশে যখন মুসলিম বাহিনী আক্রমণ করল তখন কুরায়শদের পদমূল উপড়ে যায় এবং মৃত ও আহতদের ময়দানে ফেলে পালিয়ে যায়।

যদি যুদ্ধে শত্রুর পরাজয় ঘটে তবে সেক্ষেত্রে একটি গুরুত্বপূর্ণ মূলনীতি হ'ল এই যে, পরাজয়কে পরিপূর্ণতা দানের জন্যে শত্রুর

পশ্চাদ্ধাবন করা হবে যেন তাদের অবশিষ্ট শক্তিটুকুও নিঃশেষ হয়ে যায়। কিন্তু অ'হযরত (সা) এই মূলনীতির উপর আমল করেন নি। প্রথম উঠতে পারে যে, কেন তিনি তা করলেন না। তিনি বদরে তিন দিন পর্যন্ত অবস্থান করলেন এবং ছোট্ট একটা প্লাটুন দুশমনের পশ্চাতে রওয়ানা করলেন। কিন্তু তাও শুধু এজন্য যে, যদি তারা পুনরায় ফিরে আসে কিংবা অন্য কোন রাস্তা এখতিয়ার করে তাহলে সে সম্পর্ক তারা অ'হযরত (সা)-কে অবহিত করবে। তা হলে দেখা যাচ্ছে যে, শত্রুকে পশ্চাদ্ধাবন করে তার শক্তি একেবারে খতম করে দেওয়া এবং তাদের উপর আক্রমণ পরিচালনার জন্য তিনি ফৌজ পাঠান নি। এর জবাব এতদিন আর কিছুই হতে পারে না যে, তার নিকট সওয়ারতখা আরোহী ফৌজ মাত্র কয়েকজনই ছিল। উট এতই কম ছিল যে, বদর পর্যন্ত পৌঁছবার জন্য কয়েকজনের ভাগ্যে একটা করে উট মাত্র পড়ে ছিল। যদি তিনি পদাতিক দলকে পাঠিয়ে দিতেন তবে এর খুবই আশংকা ছিল যে, পরাজিত ও পর্যুদস্ত কুরায়শ বাহিনী পাল্টা আঘাত হানত এবং তাদের ধ্বংস ও বরবাদ করে দিত। অতএব অ'হযরত (সা) অত্যন্ত বুদ্ধিমত্তার সঙ্গে কাজ করেন। তিনি শত্রুর পশ্চাদ্ধাবন করে তাদের উপর হামলা করেন নি বরং নিজের শক্তিকে সংহত রাখেন। ইতিহাসে এর জুরি জুরি নজীর মেলে। উদাহরণত সালাহ্ উদ্দীন আইয়ুবীর আরোহী বাহিনীর হাতে ক্রুসেড নাইটদের ভয়াবহ পরিণতি দেখুন। সালাহ্ উদ্দীন আইয়ুবীর সওয়ার বাহিনী ক্রুসেড নাইটদের বহু দূরে টেনে নিয়ে যায়। আরোহীরাও ছিল হালকা পাতলা, আর ক্রুসেড নাইটগণ আপদমস্তক লৌহ বর্মের আচ্ছাদিত থাকায় তারা ছিল বেশী ভারী। অতএব মওকা মিলতেই মুসলিম আরোহী বাহিনী তাদের উপর পাল্টা আঘাত হানে। ক্রুসেডের পদাতিক বাহিনীর অবস্থা তখন অত্যন্ত ন্যূন। খুব সহজ ও হালকাভাবে চলাফেরা করতে পারছিল না তারা। মুসলিম সওয়ার বাহিনী প্রথমে তাদেরকে তীরের লক্ষ্যে পরিণত করে। অতঃপর বল্লম নিয়ে ঝাঁপিয়ে পড়ে এবং তাদের খতম করে দেয়। অবশিষ্ট ক্রুসেডারগণ যখন ফিরে আসলো তখন তারা পরাজিত এবং মুসলিম বাহিনী বিজয়ী। ওরা আসতেই তারা ক্রুসেডারদের হাতে হাতে সাক্ষ করে দেয় এবং এভাবেই

ত্রিভুবাদীদের এই বিরাট লোক-লশ্কার হাতীম নামক স্থানে কচুকাটা করে ইসলামী রাষ্ট্রকে পাক ও পবিত্র করা হয়।

যুদ্ধের পর বদরে অবস্থানের উপকারিতা পরিষ্কার হয়ে যাবার পর এ প্রশ্ন থেকে যাচ্ছে যে, অ'া-হযরত (সা) মুশরিক কফেদীদের সঙ্গে স্নেহপূর্ণ ও কোমল ব্যবহার কেন করলেন। এর জবাব স্বাভাবিকভাবেই এই হবে যে, তিনি উত্তম ও আদর্শ চরিত্রের নমুনা ছিলেন।

যুদ্ধবন্দীদের সঙ্গে রহমদিল ও ভদ্রতাপূর্ণ আচরণের বুনিয়াদ তিনিই রাখেন। এটাও তাঁর সর্বোত্তম একটি বৈশিষ্ট্য ছিল। গোটা বিশ্ব সাবিক উন্নতি ও অগ্রগতির পরেও আজও এ ব্যাপারে সংকীর্ণ দৃষ্টি, পক্ষপাত ও অজ্ঞতার সেই গভীর অ'াধারেই আছে যেখানে ছিল কয়েক শতাব্দীকাল পূর্বে। ইসলাম এবং ইসলামের প্রাণপুরুষ (সা) একে দূরীভূত করার জন্যই এসেছিলেন, তাকে চিরদিনের তরে স্থায়ী ও প্রতিষ্ঠিত করার জন্য আসেন নি।

যদি সিপাহীদের নিশ্চিত বিশ্বাস জন্মে যে, দূশমন তাকে জীবিত ছেড়ে দেবে না, তাহলে তারা জীবনের শেষ নিঃশ্বাসটুকু অবশিষ্ট থাকা পর্যন্ত লড়তে বাধ্য হয় যাতে দূশমনের হাতে কতল হবার আগে কাউকে মেরে মরতে পারে। যদি কোন ফৌজের ভেতর আত্মোৎসর্গের প্রেরণা কম থাকে অথবা শৃঙ্খলাবোধ দুর্বল থাকে এবং তারা যদি জানতে পারে যে, দূশমন তাদের সঙ্গে জোর যবরদস্তি নয়, নরম ও কোমলতাপূর্ণ ব্যবহার করবে, তবে তারা দৃঢ় ইচ্ছা শক্তি নিয়ে লড়ে না। উদাহরণস্বরূপ বলা যায়, কয়েকজন ইটালীয় সৈন্য লড়াই বাতিরেকেই মিত্র বাহিনীর সামনে হাতিয়ার ফেলে দিয়ে যুদ্ধবন্দী হিসাবে ধরা দেয়; তাদের উক্তি ছিল—জীবনে বাঁচলে সব কিছু পাওয়া যাবে। নিজেদের নিরাপত্তাই ছিল তাদের নিকট প্রিয়তম।

যা-ই হোক বদর যুদ্ধের সকল ঘটনা ও নিদর্শন এ কথার অকাটা প্রমাণ দেয় যে, যুদ্ধের সাফল্য ও কামিয়ারী নির্ভর করে আক্রমণকারীদের পঞ্জিনের উপর। এর অর্থ এই যে, প্রতিরক্ষার সর্বোত্তম ও সঠিক তরীকা হ'ল যুদ্ধে প্রথমে শত্রুর উপর অগ্রবর্তিতা অর্জন

করতে হবে। অতঃপর এর থেকে পরিপূর্ণ ফায়দা হাসিল করে তাদের উপর ব্যাপক ও সাবিক আঘাত হানতে হবে, তারা যেন আর তা সামলে না উঠতে পারে। যুদ্ধক্ষেত্রে এই অগ্রবর্তিতা ও অতর্কিত হামলা তখনই সম্ভব হতে পারে যখন প্রতিরক্ষা কৌশলের পরিকল্পনায় সমরশাস্ত্রের মূলনীতিকে সম্মুখে রেখে কাজ করা যায়। প্রতিরক্ষা পরিকল্পনা তৈরীর সময় সর্বাপেক্ষা জরুরী কাজ হ'ল, দেশের সকল সম্পদ ও উপকরণ প্রতিরক্ষার উদ্দেশ্যে ওয়াকফ করতে হবে। অতঃপর এটা দেখতে হবে যে, তা বাস্তবায়িত করতে গিয়ে কত সৈন্যের প্রয়োজন হবে, কি পরিমাণ সৈন্য যুদ্ধক্ষেত্রে সিপাহসালারের হাতে থাকবে আর কি পরিমাণ দেশের ভিতরে রাখা নিরাপদ হবে, কোন সমরক্ষেত্র নিজেদের অবস্থা মাহিক হবে এবং স্বীয় ফৌজের সমর ও মারণাস্ত্র এবং আহাৰ্য দ্রব্যের কিভাবে সংস্থান করা হবে। অনুরূপ সিপাহসালারের স্বীয় শক্তির সঠিক পরিমাপ করারও মওকা থাকা দরকার। অপর দিকে এটাও দেখা দরকার যে, দূশমনের শক্তি ও উপায়-উপকরণ কী আছে। এসব অবস্থা সম্পর্কে তার সঠিকভাবে ওয়াকিবহাল থাকা আবশ্যিক। অ'ই-হযরত (সা) যুদ্ধের পূর্বে বদর নামক স্থানটি কয়েকবার দেখেছিলেন এবং মুসলিম বাহিনী সেখানে চলাফেরাও করেছিল।

এ থেকে পরিশ্কারভাবে বোঝা যায় যে, প্রতিরক্ষা পরিকল্পনায় উল্লিখিত বিষয়সমূহের গুরুত্ব কত বিরাট এবং তার পরিপূর্ণতা সাধন ও আঞ্জাম দেওয়া লক্ষ্য হাসিলের জন্য কী পরিমাণ জরুরী।

এসব ছাড়াও প্রতিরক্ষা পরিকল্পনায় যতগুলো বিষয় বিবেচনা করে দেখা হয় সেগুলো এই যে, প্রতিপক্ষ ও প্রতিদ্বন্দ্বী কতটি বিষয়ে আমাদের তুলনায় এগিয়ে আছে, কতটি বিষয়ে অধিকতর শ্রেষ্ঠত্বের অধিকারী এবং আমরা সে সবেব কীভাবে এবং কোন্ পন্থায় মুকাবিলা করতে পারি। আমাদের প্রাধান্য ও শ্রেষ্ঠত্ব কোন্ ব্যাপারে এবং তা কীভাবে সন্ধ্যাহার করা যেতে পারে ?

কিন্তু এতসব সত্ত্বেও পরিকল্পনা সহজ হওয়া আবশ্যিক যেন তা অবস্থার চাহিদা অনুযায়ী অধিকতর কল্যাণকর ও ফলপ্রসূ করা যায়।

বদর যুদ্ধের পর

কায়নুকা'র লড়াই

যে দিনগুলোতে মুসলিম বাহিনী বদরের লড়াইয়ে লিপ্ত ছিল, মদীনার স্নাহুদীরা সে সময় নিজেদের ঘণ্য স্বভাবের পরাকাষ্ঠা প্রদর্শন করছিল। তাদের খারণা ছিল, মুসলমানদের তুলনায় আবু জেহেলের বাহিনী বিশাল। অতএব তারাই কামিন্নাব হবে। সেজন্য মুসলমানদের সঙ্গে মুনাফিকী এবং কুরায়শদের খয়ের খাঁগিরির জয়বায় তারা অত্যন্ত ধ্বংসাত্মক কর্মপদ্ধতি অবলম্বন করে, যদ্বারা মুশরিকদের বিজয় লাভের ক্ষেত্রে তারা যেন বলতে পারে : আমরা তো তোমাদের হিতাকাঙ্ক্ষী। মুসলমানদের সঙ্গে হাদ্যতা এবং আশ্রয় ও নিরাপত্তার চুক্তি শৃঙ্খ অতিনয় বৈ কিছু নয়।

অতএব তারা অ'আ-হযরত (সা) এবং মুসলিম বাহিনীর অনুপস্থিতিতে ঐকিক জিহাদের মুহুর্তে অলিগলি ও বাজারে একাকী ও নিঃসঙ্গ চলাচলকারী মুসলিম মহিলাদের উত্যক্ত করা শুরু করে এমনকি একজন স্নাহুদী কোন এক মহিলার প্রতি হাত বাড়াবারও প্রয়াস পায়। তাতে মুসলমানেরা অত্যন্ত উত্তেজিত হয়ে পড়ে এবং তারা তাকে হত্যা করে। এর ফলে মুসলমান এবং স্নাহুদীদের মধ্যে ক্ষোভ ও উত্তেজনার সৃষ্টি হয়।

অ'আ-হযরত (সা) বদর থেকে প্রত্যাবর্তন করে স্নাহুদীদের নিকট চুক্তি ভঙ্গের জন্য কৈফিয়ত তলব করেন। কিন্তু বনী কায়নুকা' দৃষ্ট বুদ্ধিতে যারা ছিল সব সময় অগ্রগামী, অত্যন্ত অভ্যোচিত জবাব দেয় এই বলে : মক্কাবাসীদের উপর জয়লাভ করে আপনি অহংকার করছেন। আমাদের সঙ্গে লাগলে বুঝতে পারবেন, যুদ্ধ কাকে বলে। এ কথা বলার সঙ্গে সঙ্গেই তারা চুক্তিপত্র রসূলুল্লাহ (সা)-এর সম্মুখেই ছিঁড়ে টুকরো টুকরো করে ফেলে।

অ'আ-হযরত (সা) এই বিদ্রোহীদের বিরুদ্ধে তাৎক্ষণিক ব্যবস্থা গ্রহণের হুকুম দেন। তাদের ঘেরাও করা হয়। পনের রাত্রি অব-

রোধের পর মজবুর হয়ে অবশেষে তারা সন্ধির দরখাস্ত পেশ করে। অ'ই-হযরত (সা) এই শর্তের উপর সন্ধি করেন যে, বনী কায়নুকা মদীনা থেকে বেরিয়ে যাবে এবং অস্ত্রশস্ত্র ও কৃষি যন্ত্রপাতি মুসলমানদের নিকট হস্তান্তর করবে। অতঃপর অবরোধ উঠিয়ে নেওয়া হয়। বনী কায়নুকা মদীনা থেকে বেরিয়ে খায়বরে চলে যায়। এই লড়াইয়ে যে মালে গনীমত হস্তগত হয় তার মধ্যে থেকে প্রথমবার রসূল (সা) নিজে অংশ নেন। এটাই তাঁর গৃহীত সর্ব প্রথম এক-পঞ্চমাংশ মালে গনীমত (যুদ্ধলব্ধ সম্পত্তি)।

আবু সুফিয়ানের পশ্চাৎপন

বদর যুদ্ধে কুরায়শ বাহিনীকে যে অবমাননাকর পরাজয়ের সম্মুখীন হতে হয় তা কুরায়শ নেতৃবর্গের শক্তি ও প্রভাব বহল পরিমাণে ক্ষুণ্ণ করে এবং এই কারণে তারা বদরের নিহতদের জন্য শোক পালন করতে নিষেধ করে দেয়। আবু সুফিয়ান মক্কা ফিরে এসে নিজেদের নিহত আত্মীয় স্বজনের শোক পালন করতে নিষেধাজ্ঞা জ্ঞাপন করে। সে কথা ঘোষণা করে : ষতদিন পর্যন্ত নিজেদের ভাইদের বদলা নিতে না পারব, নিশ্চেষ্ট হয়ে বসে থাকব না এবং আরাম ও বিলাসিতার সকল বস্তুই আমার জন্য নিষিদ্ধ থাকবে।

এই শপথ বাস্তবায়িত করবার জন্য সে দু'শ উষ্টারোহী নিয়ে মুসলিম এলাকায় লুটতরাজ করার উদ্দেশ্যে রওয়ানা হয়। তার ধারণা ছিল মুসলমানদের পর্যাপ্ত সংখ্যক সওয়ার ফৌজ নেই। তাই তারা লুটমার এবং হত্যা ও ধ্বংসযজ্ঞ চালিয়ে ফিয়ে আসতে পারবে।

অতঃপর সাধারণ ও স্বেচ্ছিত নিয়মের খেলাফ সে নজদ-এর রাস্তা ধরে মদীনা থেকে আনুমানিক এক মন্ডিল দূরে অবস্থিত কোহে তিব্বতের উপর কানাত নামক শৃঙ্গে পৌঁছে উষ্টারোহিগণসহ অবস্থান নেয় এবং রাতের বেলায় গোপনে মদীনায় যায়। সেখানে দুইজন গোত্র-সরদারের সাথে সাক্ষাত করে এবং অবস্থা অবহিত হয়ে শিবিরে ফিয়ে আসে। এরপর সে কয়েকটি কবিলাকে অ'ই-হযরত (সা)-এর

বিরুদ্ধে ক্ষেপিলে দেবার প্রয়াস চালায়। কিন্তু এতে সে কামিয়ার হইনি।

দ্বিতীয় দিন সে কয়েকজন লোককে মদীনার দিকে পাঠিয়ে দেয়। মদীনা থেকে আনুমানিক তিন মাইল দূরে দু'জন মুসলমান কৃষিকাজ করছিল। তারা তাদের হত্যা করে এবং তাদের খেজুর বাগানে আগুন লাগিয়ে পালিয়ে যায়।

আ'-হযরত (সা) এ ঘটনার খবর পেয়েই দূশমনের পশ্চাৎকাবনে বেরিয়ে পড়েন এবং কারকারাহ আল্-কদর পর্যন্ত আসেন। কিন্তু আবু সুফিয়ান পালিয়ে যায় এবং তড়িঘড়ি পাল্লাতে গিয়ে ছাতুর বস্তা ফেলে যেতে বাধ্য হয়।

কারকারাহ আল্-কদর মদীনা থেকে আট মাইল দূরে অবস্থিত— এখানে যাহুদীরা বসবাস করত। আ'-হযরত (সা)-এর লোক-লশ্কার আসায় তারা কিছুটা অসম্পূর্ণ হয়। কিন্তু ফৌজের শক্তি দেখে চুপ থাকে। আ'-হযরত (সা) এরপর মদীনায় তশরীফ নিয়ে আসেন।

নজ্দের রাস্তা অবরোধ

আবু সুফিয়ানের পশ্চাৎকাবনের কিছু দিন পর রবি'উল আওয়াল মাসে নজ্-এর পাহারাবতী কবীলা বনী ছা'লাবা শয়তানী শুরু করে এবং মদীনায় লুটতরাজ করে সেখানকার সকল ব্যবস্থাপনা ভেঙে-চুরে তছনছ করে দেওয়ার ষড়যন্ত্র করে।

আ'-হযরত (সা) এ খবর পেয়ে সাড়ে চার শ' মুজাহিদ নিয়ে তাদের উপর আকস্মিক হামলা করেন। অত্যন্ত হামলায় তারা অত্যন্ত ব্যাকুল ও স্তম্ভিত হয়ে পড়ে এবং নিজেদের এলাকা ছেড়ে পালিয়ে যায়। কিন্তু তাদের সর্দার আগুর লুকিয়ে থাকে। সেদিন বৃষ্টি হইছিল। মুজাহিদ বাহিনীর নিজেদের পরিধেয় কাপড়-চোপড় শুকাচ্ছিলেন। আগুর আ'-হযরত (সা)-কে কতল করার মানসে বের হয়। এ সময় আ'-হযরত (সা) বিশ্রাম করছিলেন। তিনি জেগে

ওঠেন। তাঁর যবানীর ধ্বনিতে দূশমনের হাত থেকে তলোয়ার পড়ে যায়। আশুর জীবনে বাঁচবার জন্য সে সময় ইসলাম গ্রহণের ভান করে। পরে সে সেখান থেকে পালিয়ে যায়। ঐদিন গুলোতেই বনী গৎফান শয়তানী ও বিশৃংখল অবস্থা সৃষ্টির চেষ্টা চালায়। কিন্তু অ'া-হযরত (সা) পৌঁছতেই সন্ধি করে নীরব হয়ে যায়। এসব অভি-
 যানে তিনি নজদ থেকে আসার রাস্তাসমূহ এবং তার আশেপাশের এলাকাগুলো বেশ ভাল করে দেখেন এবং এই সঙ্গে এও পরিমাপ করেন যে, (ক) কতগুলো গোত্র যুদ্ধ-মুহূতে মিলিত অথবা প্রতিপক্ষ হতে পারে। (খ) এলাকার প্রাকৃতিক অবস্থা হামলাকারীদের অনুকূল, না প্রতিকূল। (গ) আক্রমণকারীদের কোন্ জায়গায় প্রতিরোধ করা উচিত ইত্যাদি।

বস্তুত তিনি অধিনায়ক হিসেবে নজদের পান্থবর্তী এলাকালো ব্যাপকভাবে ঘুরে ফিরে দেখেন। এ দিকে আবু সুফিয়ান এবং মক্কা-বাসীরা উপকূল ও বদরের পুরোনো রাস্তা পরিত্যাগ করে ইরাক ও নজদ হলে সিরিয়া যাওয়া শুরু করে। অ'া-হযরত (সা) আগে থেকে জানতেন যে, তারা মুসলমানদের প্রতিরোধের ভয়ে এ রাস্তাই এখতিয়ার করবে। অতএব তিনি এখন এ রাস্তা অবরোধের ব্যবস্থা করেন।

তিনি যায়দ ইবনে হারিছার অধীনে একটি অভিযান প্রেরণ করেন। আবু সুফিয়ানের বাণিজ্য পণ্যবাহী কাফেলা লুট করার জন্য হযরত যায়দকে নির্দেশ প্রদান করেন। আবু সুফিয়ান স্বয়ং উক্ত কাফেলার সঙ্গেই ছিল। সে উক্ত এলাকার সর্দার বকর বিন ওয়াইলের নিমুজ্জ পথ-প্রদর্শক ফুরাত বিন হাইয়ানকে পথ প্রদর্শন ও হেফাজতের জন্য সঙ্গে নিয়েছিল। মক্কাবাসী উল্লিখিত কবিলার এই খেদমতের প্রতি দানে একটি বিরাট অংকের অর্থ দেবার ওয়াদা করেছিল। আবু-সুফিয়ানের ধারণা ছিল যে, শীত মৌসুমে এই দুরতিক্রম্য রাস্তা পানির স্বল্পতা সত্ত্বেও অতিক্রম করা যেতে পারে।

ফুরাত বিন হাইয়ান কাফেলাকে ইরাকের পথে গামরাহ নামক স্থানে নিয়ে উপনীত হয়। কাফেলা 'কারওয়া নামক ঝর্ণাধারার নিকট পৌঁছলে মুজাহিদ বাহিনী তাদেরকে ঘিরে ফেলে। হাইয়ান কবিলার বহু লোক পালিয়ে যায়। আবু সুফিয়ানও ফেরার এবং পলাতক হয়। কিন্তু ফুরাত বিন হাইয়ান গ্রেফতার হয়। মুসলমানদের হাতে মালে

গনীমত হিসাবে এক লাখ দিরহাম মূল্যের রৌপ্য আসে। ফুরাত বিন হাইয়ান ঈমান আনয়ন করে। ফলে তাকে আশ্বাদ করে দেওয়া হয়।

এই ঘটনার ফলে মক্কাবাসীদের জীতি সীমাহীনভাবে বেড়ে যায়। তারা পরিচকার দেখতে পাচ্ছিল যে, তাদের ব্যবসা-বাণিজ্য খণ্ডম হয়ে গেছে। এমতাবস্থায় তাদের সামনে দু'টোই বিকল্প কেবল খোলা ছিল। হয় তারা পরাজয় স্বীকার করে নেবে নতুবা অ'ই-হযরত (সা)-এর সঙ্গে যুদ্ধের মাধ্যমে নিজেদের আধিপত্য কায়েম করবে।

পরাজয় স্বীকার করা ছিল অসম্ভব। কেননা ধনদৌলত, প্রভাব-প্রতিপত্তি এবং শক্তির অহমিকা তাদের বিদ্যমান ছিল। অতএব যাহূদীদের পরামর্শক্রমে বিরোধিতার সহজ পরিকল্পনা তৈরী করে অ'ই-হযরত (সা)-এর বিরুদ্ধে প্রচার প্রোপাগান্ডা জোরদার করা হয় যতক্ষণ পর্যন্ত না বাকায়দা যুদ্ধের পরিণতি আসে মিথ্যাচার ও পঙ্কিল ষড়যন্ত্র এবং কুৎসা অপবাদ ছড়ানোর মাধ্যমে তাঁর সম্মান ও মর্যাদা খর্ব করা এবং কোনভাবে সম্ভব হলে অ'ই-হযরত (সা)-কে হত্যা করার ষড়যন্ত্র করা হয়।

প্রথমোল্লিখিত পরিকল্পনার বাস্তবায়নে কুরায়শরা বিশিষ্ট কবিদের সমর্থন পারিশ্রমিকের মাধ্যমে হাসিল করে যাতে কাব্যের সাহায্যে মানুষের মন অ'ই-হযরত (সা)-এর বিরুদ্ধে ক্ষিপ্ত করে তোলা যায়। কবিদের মধ্যে কাব বিন আশরাফ উল্লেখযোগ্য। মদীনার পার্শ্ববর্তী এলাকায় সে থাকতো। প্রথমে সে মক্কা গমন করে এবং মুত্তালিব বিন উবাইয়ের এখানে মেহমান হয়। মুত্তালিব তাকে বেশ খাতির যত্ন করে। সেখানে সে বিভিন্ন শিরোনামে কবিতা পড়ে মক্কাবাসীদের একবারে ক্ষেপিয়ে তোলে। উদাহরণস্বরূপ বলা যায়। কখনো সে বদরের নিহতদের স্মরণে মর্সিয়া গাইত, আবার কখনো অ'ই-হযরত (সা)-এর উপর নিন্দা ও অপবাদ প্রয়োগ এবং কুৎসা ও গালাগালি করতো। মুসলমানেরা তার এই ঘণ্য অপকর্মের কারণে অত্যন্ত ক্ষুব্ধ ছিল। সে এ ধরনের কবিতা মদীনায় এসেও আবৃত্তি করে। অন্তর-মন আহত ও বেদনাহতের এ সিলসিলা খতম করতে এবং অ'ই-হযরত (সা)-এর পবিত্র সত্তাকে এ-জাতীয় নাপাক হামলা

থেকে নিরাপদ ও মুক্ত রাখার স্বার্থে মুহাম্মাদ বিন মাসলামা (রা) এবং অপরাপর সাহাবীরা রসূল (সা)-এর নিকট তাকে হত্যার অনুমতি প্রার্থনা করেন। তিনি তাদের অনুমতি প্রদান করেন। তাদের সঙ্গে আবু নায়েলাত ছিলেন। একদিন তারা রাতের বেলায় কা'বের সঙ্গে সাক্ষাত করতে যান এবং তার দুর্গে আগমনী সংবাদ (দস্তক) প্রদান করেন। আবু নায়েলার আওয়াজ শুনে কা'ব নীচে নেমে আসে। দু'জনেই উপবেশন করে এবং একে অপরকে কবিতা শোনাতে থাকে। এরপর আবু নায়েলা তার সঙ্গে কথাবার্তা বলতে বলতে তাকে দুর্গ থেকে বেগে স্থানিকটা দূরে নিয়ে আসে যেখানে মুহাম্মাদ বিন মাসলামা ও অন্য সব মুসলমান অপেক্ষা করছিলেন। তারা কা'বকে দেখামাত্রই শেষ করে দেন।

স্বাহুদী আবু রাফে'ও সে সমস্ত লোকের অন্তর্গত ছিল যারা কটু-ভাষী হওয়া ভিন্ন মালদার আদমীও ছিল। অ'ঁ-হযরত (সা)-এর বিরুদ্ধে ঘৃণা ছড়ানো এবং জনগণকে গোমরাহ করতে সে অগ্রগামী থাকতো। সাধারণভাবে তার পদ্ধতি ছিল এই যে, সে লোকজনকে রাতের বেলায় নিজের দুর্গে জড়ো করতো এবং মনগড়া কিসসা-কাহিনী ফেঁদে অ'ঁ-হযরত (সা)-এর বিরুদ্ধে বিষোদ্যার করতো।

তাকে খতম করার উদ্দেশ্যে আবদুল্লাহ্ বিন 'উকবা ও কতিপয় আনসার সংকল্প নেন। একদিন সবাই মিলে অন্য লোকজনের সঙ্গে মিশে আবু রাফে'-এর বাড়ীতে প্রবেশ করেন এবং সেখানে পৌঁছে তাকে হত্যা করে ফেলেন।

সালাম বিন আবিদ হাকীকও দূশমনের উক্ত গুণের সঙ্গে জড়িত ছিল। তাকে কতল করার অনুমতি খায়রাজ গোত্রের আনসার মুজাহিদরা হাসিল করেন। তার ব্যাপারটার নিশ্চিন্তিও বেশ সুন্দর-ভাবেই ঘটে।

এভাবে কুরায়শদের এই পরিকল্পনা এবং পরিকল্পনাকে বাস্তব রূপ-দানকারী ব্যক্তি-বর্গকে খতম করে দেওয়া হয় এবং এমনি উপায়ে খতম করা হয় যার পরিপূর্ণ রূপদান প্রণয়নের যাবতীয় কৃতিত্ব বিংশ-শতাব্দীর জানী, শুনী ও প্রতিরক্ষা বিশেষজ্ঞদের মাথায় তুলে দেওয়া

হয়। আমাদের এ কথার অর্থ জানবায় প্লাটুন (Commando), গুপ্তচরবৃত্তি বা গোয়েন্দা সার্ভিস (Intelligence Service), পঞ্চম বাহিনী (fifth Column) ইত্যাদি। আমরা এ সবকে এ যুগের বরং দ্বিতীয় বিশ্বযুদ্ধের আবিষ্কার মনে করি। অথচ এসব নতুন কিছু নয়। আঁ-হযরত (সা) এ সবেই সাহায্য নিয়েছিলেন এবং মুজাহি-দীনে ইসলামকে এগুলোর মধ্যকার সব ক'টি বিষয়েরই প্রশিক্ষণ দান করেছিলেন। উদাহরণস্বরূপ এখানে এতটুকু বলা জরুরী যে, যদি ১৯৩৯—৪৫ সনের যুদ্ধে উভয় পক্ষ এসব রণ-কৌশলের প্রয়োগ না ঘটাতো তবে যুদ্ধের ফলাফল ও প্রভাব-প্রতিক্রিয়া অন্য কিছু হ'ত। এগুলোই জাতিসংঘ ফৌজকে কোরিয়ায় যুদ্ধে লিপ্ত রেখেছিল। এরই সাহায্যে মাও-সে-তুং চীনকে আত্মদ বানিয়েছেন এবং এগুলো ব্যবহারের মধ্যেই অন্যদের কল্যাণ ও সাফল্যের গোপন রহস্য লুক্কায়িত। অবশ্য এ পদ্ধতি কার্যকরভাবে প্রয়োগ করার মধ্যে আত্মত্যাগ ও আত্মোৎসর্গের প্রেরণা ও আবেগ সর্বাপেক্ষা বেশী প্রয়োজন হয়। ইহ'যত ও আযাদীকে যে সব রাষ্ট্র সবচেয়ে বেশী ভালবাসে তাদেরকে এ সব ত্যাগ স্বীকার করতে হয়। যে হকুমত জনসাধারণের প্রতিনিধিত্ব করে থাকে এবং যেখানে পারস্পরিক আস্থা ও নির্ভরশীলতা, খেদমত ও একনিষ্ঠতার সম্পর্ক কালোম থাকে সেখানে একদিকে হকুমত শান্তিকালীন সময়ে পরিকল্পনা তৈরী করে স্বীয় সক্ষম লোকদের প্রশিক্ষণ দিয়ে থাকে, অপর দিকে জনসাধারণকে আস্থাজীল বানিয়ে রাষ্ট্রীয় আযাদী ও সার্বভৌমত্বের সংরক্ষণের নিমিত্ত বিভিন্ন স্থানে অস্ত্রশস্ত্র ইত্যাদির গোপন ভাণ্ডার গড়ে তোলে যেন যুদ্ধের সময়ে উক্ত পরিকল্পনাকে সুন্দর ও সুচারুরূপে বাস্তবায়িত করা যায়। জার্মানী ১৯৪০ ঈসাব্দীতে এই অস্ত্রকে তৈরীকৃত পরিকল্পনা মূতাবিক অত্যন্ত বুদ্ধিমত্তার সঙ্গে ব্যবহার করেছিল এবং ফ্রান্সকে দেখতে না দেখতে মিত্রবাহিনী-মুক্ত করেছিল।

রাশিয়া এ অস্ত্রকেই জার্মানীর বিরুদ্ধে নতুন পদ্ধতি ও পছন্দ ব্যবহার করে। তারা শুধু মস্কো ও স্টালিনগ্রাড থেকেই জার্মানদের বের করে দেয়নি, বরং তাদের শক্তিকেও একেবারে নিঃশেষ করে দিয়েছিল। মিত্র বাহিনীও জার্মানীর বিরুদ্ধে মুরোপে এই অস্ত্রই

ব্যবহার করেছিল এবং নাজীবাদের মূলোৎপাটন করে বিজয় লাভ করেছিল। একেই মাও-সে-তুও চীনে নবতরভাবে জন্ম দিয়ে প্রথমে চীন থেকে আমেরিকার দখল ও প্লাভাব খতম করেন এবং এখন কোরিয়া একেই নতুন ঢঙে ও অবরণে ঢেলে সাজিয়ে সম্মিলিত বাহিনীর বিরুদ্ধে দীর্ঘস্থায়ী রূপ দিচ্ছে।^১ তার কেউ বলতেও পারে না স্রোত কার অনুকূলে প্রবাহিত হবে।

এই সব ঘটনা থেকে জানা যায় যে, রাশিয়া ও চীনের গেরিলা ফৌজ যাদের 'গণবাহিনী' বলা হয় তাদের সূচনা কিভাবে হয়। প্রথমে কমাণ্ডো বাহিনী এবং গোয়েন্দা বাহিনীকে কাজে লাগানো হয়। অ'-হযরত (স) এই দুইটি বাহিনীকেই পুরোপুরি কাজে লাগান। তাতারী নেতা চেঙ্গী খান তাতে কিছুটা রদবদল করেন এবং সম্ভবত এজন্য যে, যুদ্ধ ছিল বিশ্বব্যাপী ধরনের। চেঙ্গী ইরান প্রভৃতি জয় করার জন্য মুহাম্মদ শাহর দেশের সমরখন্দ ও বোখারা প্রভৃতি বড় বড় শহরে পঞ্চম বাহিনী প্রেরণ করেন যারা কমাণ্ডো ও গোয়েন্দা বাহিনীর অতিরিক্ত ছিল। জার্মানী পঞ্চম বাহিনীর ব্যাপক ব্যবহার করে। রাশিয়া দেশের প্রতিরক্ষার জন্য গণবাহিনী গঠন করে। এই অস্ত্রকে বর্তমানে অনেক দেশ স্বাধীনতা সংগ্রামে প্রয়োগ করছে। সুতরাং প্রতিরক্ষার দৃষ্টিকোণ থেকে অ'-হযরত (স)-এর কর্মাদর্শ অত্যন্ত গুরুত্বপূর্ণ। সুতরাং ইসলামী রাষ্ট্রগুলোতে কিভাবে এর সদ্ব্যবহার করা যায়, এই দৃষ্টিকোণ থেকে বিষয়টি বিচার-বিবেচনা করা দরকার।

ওহুদ যুদ্ধ

মদীনার অভ্যন্তরীণ অবস্থা ও জনবসতি

নবী করীম (স)-এর যুগে মদীনার আবাদী বা জনবসতি বর্তমান

১, গ্রন্থকার যে সময় এই গ্রন্থ রচনা করেন তখন কোরিয়াম যুদ্ধ চলছিল। আর যুদ্ধের অবশ্যাব্যী ফলাফল উত্তর কোরিয়া ও দক্ষিণ কোরিয়া নামে কোরিয়ার দ্বিধা বিভক্তি। —অনুবাদক।

কালের আবাদী অপেক্ষা একেবারে ভিন্নতর ছিল ; সে সময় আলীশান ঘর-বাড়ী যেমন ছিল না, তেমনি ছিল না ঘনবসতিপূর্ণ মহল্লাও । বিভিন্ন মহাব ও ধর্মের লোকজন একে অপরের থেকে এক দুই ফার্লং দূরত্বে ছোট ছোট বস্তিতে বসবাস করত । মদীনা ছিল কতকগুলো জনবসতির সমষ্টি যার ভেতর মূর্তিপূজক, যাহুদী ও মুসলমান সবাই বসবাস করতো এবং যা মদীনার প্রায় দশ সাড়ে দশ মাইল লম্বা এবং দশ মাইল চওড়া ময়দানে বিস্তৃত ছিল । এ ময়দান ছিল চতুর্দিক দিয়ে পাহাড়-পর্বতবেষ্টিত । এর উত্তর চূড়াকে 'জাবালে ছওর' বা ছওর পর্বত বলা হয় । দক্ষিণে 'জাবালে আয়র' বা আয়র পর্বত । মদীনার গোটা আবাদী জাবালে ছওর থেকে জাবালে আয়র পর্যন্ত ছড়িয়ে রয়েছে ।

আ'-হযরত (সা) মদীনা আগমনের পূর্বে পাহাড়-ঘেরা দৈর্ঘ্য প্রস্থ এই ময়দানকে 'জওফ মদীনা' বা মদীনার উদর বলা হ'ত । হিজরতের পর তিনি একে হারাম ঘোষণা করেন এবং তার পর থেকে তাকে 'হারাম-ই-মদীনা' বলা হতে থাকে । ময়দানের চতুর্দিকে পরস্পর সংলগ্ন বুলন্দ পর্বত শ্রেণী বহুদূর পর্যন্ত চলে গেছে যার কারণে আগমন-নির্গমনের রাস্তা সংকীর্ণ উপত্যকার মধ্য দিয়ে অতিক্রম করে ।

হারাম-ই-মদীনার ময়দানও সমতল নয় । বরং সেখানেও জায়গায় জায়গায় ছোট ছোট পাহাড় আছে ; যুদ্ধের বেলায় আক্রমণ ও প্রতিরক্ষার দিক দিয়ে সে সব অত্যন্ত গুরুত্বপূর্ণ । কবিলাগুলোর বস্তিতে কাটা খালের সাহায্যে পানি সরবরাহ করা হয় অথবা নিকটস্থ উপত্যকাগুলোয় কুয়া খনন করা হয় । প্রতিটি বস্তিতে এক অথবা দু'টি পাথরের ঘর নির্মিত হয়েছিল । এ সব ঘরে যুদ্ধকালীন মুহূর্তে মহিলা ও শিশুরা আশ্রয় নিতে পারতো । এ ধরনের আশ্রয় কেন্দ্রের রেওয়াজ আরব থেকে নিয়ে পাকিস্তানের সীমান্ত প্রদেশ পর্যন্ত ছিল । সীমান্তের পঠানদের মধ্যে এখনো তার প্রচলন রয়েছে । এগুলো অনেকটা মিনারসদৃশ হ'ত । এ সবের উপর চড়ে শত্রুর উপর গুলোলের সাহায্যে পাথর ইত্যাদি নিক্ষেপ করা হ'ত । আরবে এ সব নিরাপদ স্থানকে 'আতাম' বলা হ'ত । যে কবিলার বস্তিতে আতাম-এর সংখ্যা যত বেশী হ'ত তাদেরকে অধিক শক্তিশালী ও সমৃদ্ধ গণ্য

করা হ'ত। 'আতাম'গুলো সাধারণত দোতলা নিমিত হ'ত। আবার কোন কোন কবিলো তিনতলা চারতলাও নির্মাণ করতো। মদীনার আশেপাশে লাভার কালো পাথর অধিক পরিমাণেই পাওয়া যেত সেজন্য আতামের নীচ তলা সাধারণত কালো পাথরের নিমিত হ'ত। পাথর-নিমিত হবার কারণে দূশমন এতে আগুন লাগাতে পারে না। কবিলার বস্তিগুলো সাধারণভাবে উপত্যকার নিকটবর্তী হ'ত। এজন্য সহজেই পানি মিলে যেত। এই কারণেই বস্তির চতুষ্পার্শেই বাগান হ'ত। আর এ সবেবর হেফাজতের জন্য পাথরের চার দেয়াল থাকতো।

হিজরতের পর অ'-হযরত (সা) যে বস্তিতে অবস্থান গ্রহণ করে-ছিলেন তা ঐ সব বস্তিগুলোর মাঝখানে ছিল। নাম ছিল য়াহরিব এবং এ নামের কারণেই বস্তিগুলোকে সামগ্রিকভাবে য়াহরিব বলা হ'ত। বাগিচা ও ঘনবসতিপূর্ণ আবাদী এর পশ্চিমে, দক্ষিণে এবং উত্তর-পূর্বে অবস্থিত ছিল। পূর্ব দিক কোবা থেকে ওহদের নিকট পর্যন্ত এবং উত্তর ও দক্ষিণ দিক দিয়ে অধিকাংশই য়াহুদী বসবাস করত। তাদের মহল্লা ঘন এবং দূর অবধি ধারাবাহিকভাবে চলে গিয়েছিল।

য়াহরিবের উত্তর-পশ্চিমে 'বীর-ই-রুমা' পর্যন্ত আল-আকীক উপত্যকার কিনারে বহু বাগিচা ছিল। বীর-ই-রুমার এই এলাকাও ছিল য়াহুদীদের অধিকারে। এলাকাটি ছিল খুবই উর্বর। এখানে সর্ব-প্রকার ফলমূল ও তরিতরকারী অধিক পরিমাণে উৎপন্ন হ'ত।

উত্তর এলাকা ছিল উন্মুক্ত। কিন্তু উক্ত ময়দানের যমীন লবণাক্ত হবার কারণে সেখানে কৃষিকাজ করা সম্ভব হ'ত না। মক্কার মুশরিকরা মুসলমানদের উপর উক্ত রাস্তা দিয়ে হামলা চালাবার সিদ্ধান্ত নেয়। দক্ষিণ দিকের রাস্তা অত্যন্ত দুর্গম গিরিপথের মাঝ দিয়ে চলে গেছে। তারা তা ব্যবহার করে নি। সেখানে লাভার উৎক্লিপ্ত প্রস্তর এভাবে প্রতিবন্ধকতা সৃষ্টি করে রেখেছে যে, কাফেলার লোকেরাও তা ব্যবহার করতো না। পানির দুষ্প্রাপ্যতা এবং পাথর উৎপত্ত হবার কারণে গরম অসহনীয় হয়ে ওঠে। প্রাচীনকালে কাফেলা জ্বালে 'আয়র-এর পশ্চিম থেকে আল-আকীক-এর বালুকাময় রাস্তা বীর-ই-রুমার উত্তরে গাবার নিকটবর্তী দক্ষিণ দিকে মোড় নিয়ে কানাত

উপত্যকায় আসতো। সেখান থেকে বাতহা উপত্যকার বালুকাপূর্ণ নালা হয়ে মদীনায় প্রবেশ করতো যাতে উটের পা জখম না হয়।

ইতিপূর্বে উল্লেখ করা হয়েছে, ওহদ পর্বত মদীনার উত্তরে-পূর্ব ও পশ্চিমে কয়েক মাইল অবধি বিস্তৃত এবং কানাত উপত্যকা তার পাদদেশে অবস্থিত। এই পাহাড় থেকে একটি মাত্র দূরত্বক্রমে পায়ে হাঁটার পথ যা জুতার আকৃতির উপত্যকা হয়ে এর সমুন্নত শৃঙ্গ পর্যন্ত চলে গেছে। এই উপত্যকা একটি সমতল ও সুউচ্চ ময়দান যেখানে দু'টি বর্ণাধারা প্রবহমান। এই উপত্যকায় একটি ছোট্ট পাহাড়ী টিলা আছে যাকে সম্ভবত উক্ত বর্ণাধারার কারণে 'জাবাল-ই-আন্নানায়ন' বলে। অ'-হযরত (সা) এখানে তীরন্দায় বাহিনী মোতায়েন করেছিলেন।

ওহদ যুদ্ধের কারণ

বিগত অধ্যায়গুলোতে লেখা হয়েছে যে, হিজরতের পর অ'-হযরত (সা)-এর প্রতিরক্ষা কৌশল মক্কার কুরায়শদের গুরুতর সমস্যা ও সংকটের আবের্তে নিষ্কপ করেছিল। একদিকে অর্থনৈতিক সংকট ও বাণিজ্যিক মন্দাভাব সৃষ্টি হচ্ছিল এবং চলাচলের রাস্তা হচ্ছিল বিপদজনক; অপরদিকে শ্রেষ্ঠত্ব ও মর্যাদার অহমিকা ধলোয় মিশে যাচ্ছিল। বদর প্রান্তরে মুসলমানদের সঙ্গে শক্তি দেখাতে গিয়ে উল্টো নিজেরাই পরাজিত হ'ল। দেখা গেল—সংঘর্ষ ও মুকাবিলার ক্ষেত্রেও তারা অপদস্ত ও লাঞ্চিত হ'ল। ফলে তাদের মধ্যে প্রতিশোধ স্পৃহা আরো দাউ দাউ করে জ্বলে উঠল। তাদের অর্থ-সম্পদের অভাব ছিল না। তাৎক্ষণিকভাবেই আড়াই লক্ষ দিরহাম যুদ্ধ তহবিলে সংগৃহীত হ'ল এবং অনুরূপ অংকের দিরহাম সহযোগে বদর যুদ্ধের বন্দীদের ছাড়িয়ে নেওয়া হয়। মক্কায়ে স্বৈচ্ছাসেবক বাহিনী তৈরী ছাড়াও কুরায়শ সর্দারগণ নিজেদের নকীব ও প্রতিনিধি বিভিন্ন কবিলায় পাঠিয়ে তাদেরকেও মদীনার উপর হামলা করতে আহ্বান জানায়। এভাবে ইবনে হিশামের বর্ণনা মূতাবিক এক বছরের ভেতর

তিন হাজার ফৌজের একটি দুর্ধর্ষ অমিততেজা বাহিনী খাড়া করা হয় যার মধ্যে সাত শত নৌহবর্মধারী এবং দু'শো অশ্বারোহী शामिल ছিল। মক্কাবাসীরা ইতিপূর্বে কোনদিন এত বড় বাহিনী চোখে দেখে নি। কুরায়শরা তাদের ক্রীতদাসদের এই লোভ দেখিয়ে সৈন্য-বাহিনীতে অন্তর্ভুক্ত করেছিল যে, যদি তারা বীরত্ব ও সাহসিকতার সঙ্গে লড়াইতে পারে তবে বিনিময়ে তাদেরকে আশাদ করে দেওয়া হবে। এসব ক্রীতদাসের ভেতর একজনের নাম ছিল ওয়াহশী। বর্শা নিষ্ক্ষেপে সে ছিল উস্তাদ।

আঁ-হযরত (সা) কাফিরদের এই রণ-প্রস্তুতির ব্যাপারে একেবারে গাফিল ছিলেন না। তাঁর গুপ্তচরেরা তাঁকে আগাগোড়া কাফেরদের এই প্রস্তুতি সম্পর্কে সংবাদ মাধ্যমে অবহিত করে আসছিল। মুসল-মানদের অবস্থা আল্লাহর ফযলে এবং আঁ-হযরত (সা)-এর দূরদর্শিতার ও বুদ্ধিমত্তার কারণে বেশ ভাল হয়ে গিয়েছিল। কুরায়শ বাহিনীর সার্বিক প্রস্তুতি সম্পন্ন হবার পর বদর যুদ্ধের নিহতদের বিধবা স্ত্রী ও নিকট আত্মীয়দের নিয়ে অধিকন্তু বড় বড় সর্দারের স্ত্রীদের নিয়ে তারা রওয়ানা হয় যেন তারা উত্তেজনা কর রণসংগীত গেয়ে যোদ্ধাদের মরণপণ সংগ্রামে ও শৌর্য-বীর্য প্রদর্শনে উদ্বুদ্ধ করতে পারে। কুরায়শ বাহিনী এ সফর বারো দিনে অতিক্রম করে এবং কস্তিন ও বিপদ-সংকুল পথ পাড়ি দিয়ে জঙ্গলের নিকটে ছাউনী স্থাপন করে। উদ্দেশ্য, ঘাস-পানি খেয়ে উট ও ঘোড়াগুলো যেন সজীব ও প্রাণবন্ত হয়ে উঠতে পারে। এখানে ঘাস-পানি অধিক পরিমাণে পাওয়া যেত। এখান থেকে রওয়ানা হয়ে কাফের বাহিনী রুমাত পাহাড়ের নিকট গিয়ে শিবির স্থাপন করে।

আঁ-হযরত (সা)-এর গুপ্তচর বাহিনী কুরায়শ সৈন্যদলের চলাচল ও গতিবিধি সম্পর্কে বরাবর তাঁকে সংবাদ দিচ্ছিল। এসব সংবাদের ভিত্তিতে তিনি প্রতিরোধের সার্বিক প্রস্তুতি গ্রহণ করেন। সৈন্যদল যখন যুল-হলাফা নামক স্থানে পৌঁছে সে সময় জানবায মুসলিম প্লাটুন গোয়েন্দাগিরির উদ্দেশ্যে তাদের মধ্যে মিশে যায়। আঁ-হযরত (সা)-কে জরুরী ও প্রয়োজনীয় সংবাদ সময়মত পৌঁছানই ছিল তাদের লক্ষ্য ও উদ্দেশ্য।

কাফির বাহিনী ওহদ পাহাড়ের নিকটে এসে হামির হলে আঁ-হযরত (সা) সাহাবাদের সঙ্গে পরামর্শ বৈঠকে বসেন। ‘আব্দুল্লাহ বিন উবায় ইবনে সলুল রসূল করীম (সা)-কে মুজাহিদ বাহিনীসহ মদীনার বাইরে লড়াই করার পরামর্শ দেয় এবং শত্রুর সংখ্যাধিক্যকে এর স্বপক্ষে যুক্তি হিসাবে পেশ করে। আঁ-হযরত (সা) স্বীয় মতামত প্রকাশে বিরত থাকেন, অবশ্য যুদ্ধের জন্য প্রস্তুত হবার হুকুম তিনি দিয়ে দেন। তাঁর এই নীরবতায় কিছু লোক বিস্মিত হয়। তারা তাদের এই ধারণা প্রকাশও করে। কিন্তু পর মুহূর্তে তারা তাদের এই বিস্ময়ের জন্য লজ্জিত হয়। মদীনা থেকে আঁ-হযরতের নেতৃত্বে এক হাজার মুজাহিদ রওয়ানা হন। ইসলামী বাহিনী শওয়্যাত নামক স্থানে পৌঁছলে আবদুল্লাহ বিন উবায় সলুল, যে দৃশ্যত মুসলমান হলেও ভেতরে মুনাফিক ছিল, স্বীয় স্বপবুদ্ধি অথবা মুনাফিকীর কারণে আঁ-হযরত (সা)-এর গতিবিধি আদৌ বুঝতে পারেনি, বলতে শুরু করে : আমাদের কোথায় নিয়ে যাওয়া হচ্ছে? আমরা এমন জায়গায় লড়বো না। তার এসব কথায় কেউ যখন তেমন আমল দিল না তখন সে বিদ্রোহী হয়ে যায় এবং স্বীয় তিন শ’ অনুচরসহ মদীনা ফিরে আসে। আবু জাবির আস-সালমা স্বীয় বন্ধু ‘আবদুল্লাহ বিন উবায়কে ফিরিয়ে আনবার জন্য রওয়ানা হয়। কিন্তু ‘আবদুল্লাহ বাহিনী তাকে পাকড়াও করে এবং নিজেদের সঙ্গে তাকেও মদীনায় নিয়ে যায়। বনু সালমা ও বনু হারিছাও ‘আবদুল্লাহর অনুগমনের রাস্তা এখতিয়ার করতে প্রস্তুত হয়। কিন্তু পরবর্তীতে তারা তাদের এ ইচ্ছা পরিবর্তন করে। আঁ-হযরত (সা) অবশিষ্ট লোক-লশ্কার নিয়ে শায়খ-খায়ন নামক স্থানে তশরীফ নেন এবং ফৌজ পরিদর্শন করেন। এখানে তিনি কিছু সংখ্যক লোককে যুদ্ধে শরীক হবার এজায়ত দেন নি। তাদেরকে পৃথক করে তিনি বনু হারিছা পল্লীতে পৌঁছেন। সেখান থেকে তিনি একজন যোগ্য ও অভিজ্ঞ পথপ্রদর্শককে সঙ্গে নেন যেন সে ইসলামী সৈন্যদলকে এমন একটি গোপন পথ দেখিয়ে নিজে পেরে যাতে দৃশমন কোনরূপ অবহিত হবার সুযোগ না পায়, তিনি কাফিরদের পশ্চাতে গিয়ে ওহদ পর্বতের গিরি পথে পৌঁছতে পারেন। আবু হাশমা আল-হারিছী এই দুরাহ কর্ম সম্পাদনের দায়িত্ব নেন।

তিনি ইসলামী বাহিনীকে বনু হারিছার প্রস্তরসংকুল ময়দান হাফে মুরাব্বা বিন কায়নাতীর মালিকানাধীন ক্ষেত্রে এনে উপস্থিত করে । এই লোকটি ছিল অন্ধ । বাহিনীর সাড়া মিলতেই সে জোরেশোরে চোঁচামেচি শুরু করে । এতে কিছু মুজাহিদ তাকে কতল করতে অগ্রসর হয় । কিন্তু অ'আ-হযরত (সা) তাদেরকে খামিয়ে দেন । মুজাহিদ বাহিনী তাকে অবশ্য এতটুকু আহত করে যাতে সে শত্রু ক্যাম্পে গিয়ে তাদের খবর দিতে না পারে । এমনি করে অ'আ-হযরত (সা)-এর ফৌজ জাবালে 'আয়নায়ন-এর ঝর্ণার নিকট গিয়ে উপনীত হয় । এ স্থানে ওহদ পর্বত ফৌজের পেছনে এবং জাবাল-ই-'আয়নায়ন সম্মুখে ছিল । এখানে পৌঁছে তিনি হুকুম দেন যতক্ষণ পর্যন্ত অনুমতি দেওয়া না হবে লড়াইয়ের সূচনা যেন না কর হয় ।

মোর্চা ও কাতার বন্দী

কাফিরকুল সৈন্যবাহিনীর কাতার বন্দী এভাবে করে যে, অস্থারোহী বাহিনীর একাংশের নেতৃত্ব খালিদ বিন ওয়ালীদকে নিযুক্ত করে ডান দিকের পশ্চাতে মোতায়েন করে এবং আকরামা বিন আবু জেহেলের নেতৃত্বে অবশিষ্ট বাহিনী বামে নিযুক্ত করে ।

অ'আ-হযরত (সা) আযর বিন আওফ গোত্রের সর্দার 'আবদুল্লাহ্ বিন জুবায়রকে একদল সুদক্ষ তীরন্দাযের নেতা নিযুক্ত করে জাবাল-ই-'আয়নায়ন-এর নিকটবর্তী স্থানে মোতায়েন করেন । মুস-'আব বিন 'উমায়রকে পতাকা প্রদান করা হয় । ঘোড়সওয়ারদের যে ক্ষুদ্র প্লাটুন ছিল তা যুবায়রের নেতৃত্বে নিয়োগ করা হয় এবং তাদের হেফাজতের জন্যও কিছু সংখ্যক তীরন্দায নিযুক্ত করেন । অধিকন্তু তীরন্দাযদের প্রতি অত্যন্ত গুরুত্ব সহকারে নির্দেশ প্রদান করা হয় যে, যুদ্ধের অবস্থা অনুকূল প্রতিকূল যা-ই হোক না কেন কোন অবস্থাতেই তারা যেন নিজেদের অবস্থান ত্যাগ না করে । তাদের এও বলা হয় : তোমাদের এখানে এইজন্যই নিযুক্ত করা হ'ল যেন শত্রুর কোন কোম্পানী আমাদের বাহিনীর পেছন দিক দিয়ে এসে হামলা না

করতে পারে। কাফির সৈন্যরা গিরিপথ থেকে বের হয়ে যেন ইসলামী ফৌজের উপর হামলা করতে না পারে এবং কোন লোক যুদ্ধের মম্বদান ছেড়ে পালাতে চাইলে তাকে পাকড়াও করতে পারে। ক্ষুদ্র একটি প্লাটুন আঁ-হযরত (সা) ওহদ পর্বতের পশ্চাতে মোতায়েন করেন।

যুদ্ধের সূচনা

মুশরিকদের তরফ থেকে যুদ্ধের সূচনা হয় এবং খালিদ-বিন ওয়া-লিদ ও আকরামা বিন আবু জেহেল সামনে অগ্রসর হয়। আঁ-হযরত (সা) তৎক্ষণাৎ স্বীয় বাহিনীকে দু'টি অংশে বিভক্ত করেন এবং এক অংশ যুবায়রের নেতৃত্বে স্বীয় অবস্থানে অটল থাকবার নির্দেশ দান করে অপর অংশকে জাবাল-ই-আয়নায়ন-এর দিকে অগ্রসর হবার আদেশ দেন। দূশমন যুদ্ধের এই চাল বুঝতে ব্যর্থ হয়। খালিদ বিন ওয়ালীদ আকরামার অপেক্ষা না করে সম্মুখে অগ্রসর হয়ে যায়। আকরামা সে সময় সম্ভবত মুসলিম বাহিনীর গতিবিধি বিশ্লেষণ ও পর্যবেক্ষণ করছিল। ফলে সে হামলা করার জন্য অগ্রসর হবার পরিবর্তে স্বীয় স্থানেই স্থির থাকে। খালিদ স্বীয় প্লাটুনসহ একাকীই সামনে অগ্রসর হ'লে উভয় পক্ষের তীরন্দায়দের প্রবল তীর বর্ষণে অস্বারোহী বাহিনী হতচকিত হয়ে যায়। ঠিক সে সময় আঁ-হযরত (সা) যুবায়রকে হামলা করার হুকুম দেন। এর সঙ্গেই দ্বিতীয় প্লাটুন গিরিপথের দিক দিয়ে খালিদের বাম পাশে আক্রমণোদাত হয়। অতএব খালিদের কোম্পানী পরাজিত হয়ে পিছু হটে আসে। এর ফলে মুশরিক বাহিনী হিম্মত হারিয়ে বসে। এর প্রতিক্রিয়া সর্বাগ্রে মুশরিক মহিলাদের মধ্যে দেখা যায়। মুসলিম বাহিনী আকরামার কোম্পানীর উপর হামলা করে তাদেরকেও তাড়িয়ে দেয়। যে সব সুদক্ষ তীরন্দায় উঁচুতে মোতায়েন ছিল তারা দূশমনকে কানাত উপত্যকার পেছনের দিকে সরে যেতে বাধ্য করে। এরই সঙ্গে মুসলিম বাহিনী তাদের উপর প্রবল বন্যার বেগে ঝাঁপিয়ে পড়ে। যুদ্ধের প্রচণ্ডতা ও ভয়ানকতা অবশেষে এরূপ উত্তপ্ত হয়ে ওঠে যে, কাফিরদের মহিলারা পালাতে শুরু করে। মুসলমানেরা একেই জয়লাভ মনে করে কোনরূপ অনুমতি

ব্যতিরেকেই লুট-মার শুরু করে দেয়। তীরন্দাযগণ যখন এ দৃশ্য দেখতে পেল তখন তারাও তাদের অবস্থান ছেড়ে মহিলাদের শিবির পানে ধাবিত হয়। তারা উপর থেকে একটি কাফির কোম্পানীকেই পালাতে দেখেনি বরং গোটা বাহিনীকেই পিছু হটতে দেখে। মুসলমানরা তাদের কতল করার পরিবর্তে লুটতরাজে লিপ্ত হয়ে পড়ে।

মুসলমানদের এই ভ্রান্তি ও দুর্বলতা খালিদের তীক্ষ্ণ দৃষ্টির পক্ষে ধরতে বেগ পেতে হয়নি। সে তীরন্দাযদের মোর্চা ছেড়ে আসতে দেখতে পায়। অতএব সে বিদ্যুৎ গতিতে স্বীয় ঘোড়া সওয়ার বাহিনী-সহ ঘুরে দাঁড়ায় এবং সমগ্র শক্তি নিয়ে পাল্টা আক্রমণ চালায়। এর প্রতিক্রিয়ায় মুসলমানেরা বিশৃঙ্খল অবস্থায় ময়দান ছেড়ে পালাতে শুরু করে। হযরত হামযা (রা) কয়েকজনকে নিয়ে পাল্টা হামলা করেন। কিন্তু ওয়াহ্‌শী নামক হাবশী গোলামের নেয়ার আঘাতে তিনি শহীদ হন।

অবশিষ্ট কাফিরেরা খালিদের হামলার সাফল্য দেখে ঘুরে দাঁড়ায়। তাদের আক্রমণ মুসলিম বাহিনীকে আরও বিশৃঙ্খলা অবস্থার মাঝে নিষ্ক্রেপ করে। সে সময় অ'ই-হযরত (সা) নিজের আশেপাশের লোকজন নিয়ে পাহাড়ের উচ্চতার দিকে অগ্রসর হন এবং এক জায়গায় মোর্চা বানিয়ে মুশরিকদের উপর বারিধারার মত পাথর ও তীর বর্ষণ অব্যাহত রেখে তাদের আক্রমণকে প্রতিহত করতে থাকেন। তারা অ'ই-হযরত (সা)-কে কতল করবার নিমিত্তে উপযুপরি হামলা পরিচালনা করে, কিন্তু সফলতা লাভে সক্ষম হয়নি। পাথরের আঘাতে তাঁর দান্দান মুবারক শহীদ হয় এবং তিনি একটি গর্তে পতিত হন। তিনি আহত হতেই মুশরিকেরা জোর হৈ চে শুরু করে দেয় যে, মুহাম্মাদ (সা) নিহত হয়েছেন। এই আওয়াজ শুনতেই মুসলমানদের যেটুকু সাহস-ভরসা অবশিষ্ট ছিল তাও লোপ পায়। যে সমস্ত লোক যুদ্ধের ময়দানে তখনও টিকে ছিল, তারা অতাপ্ত বীরত্বের সঙ্গে বেপরোয়াভাবেই লড়াই চালিয়ে যেতে থাকে। এই ধরনের বাহাদুরী ও বীরত্ব দেখে কাফিররা ভাবল, জয় তো আমাদের হয়েই গেছে; মুহাম্মাদ (সা) মারা গেছেন। কাজেই তাঁর লোকদের সঙ্গে লড়াই করে জীবন হানি করা বেকার ও অর্থহীন। এজন্য আবু সূফিয়ানের

বারংবার আহ্‌বান সত্ত্বেও সাধারণ সৈন্যরা ছোট্ট ছোট্ট দলে বিভক্ত হয়ে সেনা ছাউনীর দিকে ফিরে যেতে শুরু করে।

এদিকে মুজাহিদ বাহিনীর বাহাদুরী ও শৌর্য-বীর্যের সঙ্গে লড়াই করার প্রভাব বিক্লিপ্ত মুসলমানদের উপর পড়ে। তারা পুনরায় একত্র হয়। তারা যখন দেখল যে, মুসলমান স্বেচ্ছাসেবী মহিলা যারা আহত মুজাহিদদের ব্যাণ্ডেজ বাঁধতে ও পানি পান করাতে এসেছিল তারাও কাফিরদের সঙ্গে সিংহের ন্যায় লড়াই করছে, মুসলিম মহিলাদের একটি প্লাটুনও মদীনা থেকে এসে গেছে এবং নিজ আত্মীয়-স্বজনের কাঁধে কাঁধ মিলিয়ে শত্রুর সঙ্গে লড়াই করছে তখন চিত্ত পাশ্চৈতন্যে আসে এবং মুসলমানরা তাদের ক্ষতি পুষিয়ে নিতে গভীরভাবে মগ্ন হয়ে পড়ে।

এই গোটা যুদ্ধে ইসলামী ঝাণ্ডা কোন সময়েই অবনমিত হয় নি। ঝাণ্ডা এবং আঁ-হযরত (সা)-এর জীবন হেফাজতের জন্য ওহদ যুদ্ধে মুজাহিদ বাহিনী যেভাবে জীবন বাজী রেখে লড়েছিল এবং আত্মোৎসর্গের যে দুর্লভ দৃষ্টান্ত রেখেছিল তা চিরদিন অশ্লান থাকবে। নিশ্চিতই এটা হযরত ইসমাঈল (আ)-এর আত্মোৎসর্গের চেয়ে কোন অংশে কম নয় যার স্মরণ আমরা প্রতি বছর কুরবানীর ঈদরূপে পালন করে থাকি। উদাহরণত যে মুহুর্তে কাফির ও মুশরিকরা আঁ-হযরত (সা)-কে তাঁর লক্ষ্য বস্তুতে পরিণত করতে চেয়েছে তখনই তাঁর জীবন উৎসর্গকারী ভক্ত অনুসারীরা নিজেদের শরীরকে ভাল হিসাবে পেতে দিয়েছে। তাতে করে একজন পতাকাবাহী শহীদ হওয়ার সাথে সাথে আর একজন তাঁর স্থলবতী হয়েছেন। আঁ-হযরত (সা) অত্যন্ত ক্লান্ত ও জখমী হওয়া সত্ত্বেও শত্রুর সাথে লড়াই অব্যাহত রাখেন। বর্ষার সাহায্যে লড়াইয়ে তিনি যে নৈপুণ্যের পরিচয় দেন তাতে মুসলমানদের সাহস ও হিম্মত দ্বিগুণ বৃদ্ধি পায়। লুটমারের ক্ষেত্রে জলদী এবং তীরন্দাযদের মোর্চা থেকে সরে যাওয়ার কারণে ইসলামী লশ্কার ভীষণভাবে ক্ষতিগ্রস্ত হয়েছিল, কিন্তু তিনি অত্যন্ত ঠাণ্ডা ও স্থির মস্তিষ্কে অবশিষ্ট লোকদের নিয়ে যুদ্ধ অব্যাহত রাখেন।

‘মুহাম্মাদ (সা) মারা গেছেন’ এই কথা মনে করে কুরায়শ কাফিররা তাদের ধারণায় যুদ্ধে জিতে নিয়েছিল। কিন্তু অবশিষ্ট মুজাহিদ বাহিনীকে জীবন বাজী রেখে লড়াই করে যেতে দেখে আকু সুফিয়ানের মনে কিছুটা সন্দেহের স্টিটি হয়। সে একটি প্লাটুন নিয়ে মুহাম্মাদ (সা) জীবিত কি মৃত এ সম্পর্কে সত্যতা যাচাইয়ের উদ্দেশ্যে পাহাড়ে আরোহণ করে। সেখানে যখন সে জানতে পারল যে, তিনি শুধু জীবিত নন, বরং পাল্টা আক্রমণও পরিচালনা করছেন এবং মুসলমানদের সমাবেশ উত্তরোত্তর বৃদ্ধি পাচ্ছে, তখন সে ময়দান ছেড়ে যাওয়াই সমীচীন মনে করল—যেন সে বলতে পারে যে, যুদ্ধের নিয়ন্ত্রণ ক্ষমতা তাদের হাতেই ছিল এবং তাদের অনুকূলেই যুদ্ধের পরিসমাপ্তি ঘটেছে। যাওয়ার সময় সে পাহাড়ের উপর থেকে উচ্চৈশ্বরে মুসলমানদের লক্ষ্য করে বলে : আগামী বছরে বদর প্রান্তরে আবার তোমাদের সাথে মুকাবিলা হবে। জবাবে মুসলমানরা বলেন : অবশ্যই আমরা তোমাদের সঙ্গে বদর প্রান্তরে লড়াই করব। এমনি করেই ফৌজের অধিনায়ক হিসাবে অ’-হযরত (সা) প্রতিপক্ষের অধিনায়কের কাছ থেকে নিজের সুদৃঢ় মনোবল ও বীরত্বের স্বীকৃতি আদায় করে নেন। তিনি সাহস, বীরত্ব, সুদৃঢ় ও অটুট মনোবল এবং শৈর্ষ ও শৌর্ষবীর্যের জ্যাস্ত উদাহরণ হয়ে সাময়িক ক্ষয়ক্ষতি ও পরাজয়কে পুনরায় বিজয়ে পরিবর্তিত করেন। এটা তাঁর সর্বোত্তম সাফল্য ও কৃতিত্ব। একদিকে কাফিরকুল তাদের লাশ না উঠিয়েই ময়দান ছেড়ে নিজেদের ছাউনীর দিকে পালাচ্ছিল, অপর দিকে ইসলামী লশ্কার তাদের সিপাহসালারের সুদৃঢ় মনোবল ও ইচ্ছা শক্তির বদৌলতে দ্বিতীয়বার ইসলামী ঝান্ডার পাশে সমবেত হচ্ছিল।

শত্রুর প্রতিরোধ যখন নিঃশেষ হয়ে গেল এবং আবু সুফিয়ানও ফিরে গেল, তখন অ’-হযরত (সা) ‘আলী ইবন আবি তালিবকে একটি প্লাটুন সঙ্গে দিয়ে শত্রুর দিকে এই উদ্দেশ্যে পাঠিয়ে দেন, তিনি যেন জানার চেষ্টা করেন এখন তারা কি করতে চায়। কেননা তাদের দ্বারা মদীনার উপর হামলার পূর্ণ আশংকা তখনও বিদ্যমান ছিল।

হযরত ‘আলী (রা) গিয়ে দেখতে পান যে, কাফির ও মুশরিকরা উটের পিঠে আরোহণ করেছে এবং ঘোড়ার পিঠে জিন কষে

ফেলেছে। এর পরিস্কার উর্ধ্ব এই যে, তারা প্রত্যাবর্তনের জন্য দীর্ঘ সফরের প্রস্তুতি সম্পন্ন করেছে যেন ঘোড়াগুলো কণ্টের হাত থেকে বেঁচে যায় এবং নিজেরাও বেশ আরাামের সঙ্গে সফর করতে পারে। তারা যদি মদীনার উপর হামলা করতে চাইতো তাহলে তাদের ব্যাটেলিয়ান ঘোড়ায় সওয়ার হয়ে বিদ্যুতের ন্যায় দ্রুত গতিতে রওয়ানা হয়ে পড়তো।

হযরত 'আলী (রা)-এর এই তথ্য অবগত হয়ে আ'-হযরত (সা) নিহত ও আহতদের একত্র করার আদেশ দেন। মুশরিকেরা যদিও মুসলিম শহীদবর্গের লাশের অসম্মান করেছিল, কিন্তু তিনি তাদের লাশগুলোকে অসম্মান করতে নিষেধ করেন এবং বলেন : মুশরিকদের নাজায়েয ও গহিত কার্যকলাপ আমাদের মার্ফ করে দেওয়া এবং সবর করা উচিত। এর সঙ্গে তিনি তাদের মৃতদেহগুলোকেও সমাধিস্থ করার ব্যবস্থা করেন।

মুসলিম মহিলাদের আত্মত্যাগের প্রেরণা

ইসলামের মহান শহীদবর্গের শাহাদতের ব্যক্তিগত ঘটনাবলী এবং ইসলামের জন্য নিজ সত্তাকে উৎসর্গের জন্য পেশ করার কথা ছেড়ে দিয়ে এখানে মুসলিম মহিলাদের আত্মত্যাগের প্রবল আবেগ ও উৎসাহ এবং ধৈর্য ও স্থৈর্যের একটি উদাহরণ পেশ করা সমীচীন হবে। এতে জানা যাবে যে, ইসলামী লশ্করের ফেদাইনদের জীবন উৎসর্গ ছাড়াও সাধারণ মুসলিম মহিলাদের আবেগ ও প্রেরণার অবস্থা কিরূপ ছিল।

ইসলামী বাহিনীর পরাজয় এবং আ'-হযরত (সা)-এর শাহাদতের খবর মদীনায় পৌঁছতেই অন্যান্য মহিলাদের সঙ্গে আনসারদের ভেতরকার একজন মহিলাও যুদ্ধের ময়দানে এসে উপস্থিত হন। এ মহিলার পিতা, স্বামী ও ভাই তিনজনই শাহাদত বরণ করেন। কিন্তু তিনি এসেই জিজ্ঞেস করতে শুরু করেন, 'রসূলুল্লাহ্ (সা) কেমন আছেন?' তাঁকে বলা হ'ল, 'তোমার পিতা শহীদ হয়ে গেছেন।' মহিলা

বললেন, 'এ ব্যাপারে আমার কোন ভাবনা নেই। কিন্তু রসূলুল্লাহ্ (সা) কেমন আছেন তাই বলো।' কেউ তাঁকে বলল, 'তোমার স্বামী শহীদ হয়ে গেছেন।' মহিলা বললেন, 'এ সম্পর্কেও জানার চিন্তা নেই।' তাঁকে বলা হ'ল, 'তোমার ভাইও শাহাদত বরণ করেছেন।' মহিলার জবাব ছিল, 'আল্লাহ্ র রাস্তায় এটাও খুব বড় কিছু নয়।' তারপর তাঁকে জানানো হ'ল, রসূল (সা) নিরাপদ ও হেফাজতেই আছেন। একথা শুনেই মহি। জবাব দিলেন, 'তিনি যখন বেঁচে আছেন তখন সকল বিপদ মুসিবতহ আমার কাছে তুচ্ছ।'।

এমনিভাবে হযরত হামযা (রা)-এর লাশ দেখবার জন্য তাঁর বোন সফিয়্যা মদীনা থেকে এসে হাযির হন। অ'া-হযরত (সা) হযরত হামযার পুত্রকে বলেন তাঁকে খামিয়ে দিতে। হযরত যুযায়র রসূল করীম (স)-এর ফরমান মুতাবিক তাঁকে খামিয়ে দেন। এতে হযরত (সা) সফিয়্যা (রা) বলেন, 'আমি শুনেছি আমার ভাইকে কেটে বিকৃত করা হয়েছে। আল্লাহ্ র নিকটে তা এমন কিছু গুরুত্বপূর্ণ নয়। আমি রসূল (সা)-এর নির্দেশ মেনে সবর এখতিয়ার করবো।' এতে অ'া-হযরত (সা) দেখার জন্য এজাযত দেন। আবু সুফিয়ানের স্ত্রী হিন্দা হামযা (রা)-এর লাশ বিকৃত করা ছাড়াও পেট চিরে তাঁর কলিজা চিবিয়েছিল। সফিয়্যা (রা)-কে যখন তাঁর ভাইয়ের লাশের নিকট আনা হ'ল তখন হযরু আকরাম (সা) তাঁকে গভীরভাবে নিরীক্ষণ করেন। অতঃপর সফিয়্যা (রা) তাঁর জন্য দু'আ' করেন এবং কোনরূপ কান্নাকাটি থেকে বিরত থাকেন। এরপর লাশ দাফন করা হয়।

মদীনায় প্রত্যাবর্তন ও দুশমনের পশ্চাদ্ধাবন

দ্বিতীয় দিন ১৬ই শা'বান অ'া-হযরত (সা) মদীনায় তশরীফ নেন এবং প্রকাশ্য ঘোষণার মাধ্যমে সমস্ত মুসলমানদের দুশমনের পশ্চাদ্ধাবনের নির্দেশ দেন। অবশ্য যে সমস্ত লোককে যুদ্ধে শরীক হবার অনুমতি দেওয়া হয়নি, মদীনার হেফাজত ও নিরাপত্তা বিধানের দায়িত্বে

তাদেকে নিয়োগ করা হয়েছিল। দেখতে না দেখতেই সমস্ত মুসলমান একত্র হ'ল। এখানে এটা বলে দেওয়া সমীচীন যে, মদীনায় এসেই পশ্চাৎদিকের সিদ্ধান্ত একজন মুসলিম বেদুঈনের একটি খবরের প্রেক্ষিতে করা হয়েছিল। সে বলল, মুশরিককুল ওহদ থেকে বের হয়ে অল্প কিছু দূর গিয়েই থেমে যায়। বস্তুত উৎবা বিন আবু জেহেল ও আবু সফিয়ানের মত ছিলঃ আমরা মদীনার উপর হামলা না করে ভুল করেছি। এখন আমাদের ফিরে গিয়ে মদীনা আক্রমণ করা উচিত। এ ছাড়া মুসলমানদের পরাজয় সম্পূর্ণ হতে পারে না। অতএব আবু সফিয়ান এ মুহূর্তে মদীনার উপর আক্রমণ পরিচালনার জন্য স্বীয় ফৌজ বিন্যস্ত করছে।

এ খবর শুনতেই তিনি (রসূল) সামরিক প্রস্তুতি গ্রহণের কথা ঘোষণা করেন। আহত মুসলিম সেনারা তখনও ব্যাণ্ডেজ ও পট্টির হাত থেকে মুক্ত হতে পারে নি, এমনি সময় অ'ই-হযরত (সা)-এর নির্দেশে ইসলামের এই মুজাহিদ দল পুনরায় একত্র হলেন। তিনি তাঁদের সঙ্গে নিয়ে হামরাউল আসাদ গিয়ে পৌঁছেন। এখানে পৌঁছার পর তিনি বনী খুয'আর সর্দার মা'বাদ আল-খুযায়ঈকে ডেকে পাঠান। এই লোক তাঁর অন্তরঙ্গ সুহাদ ও পরম মিত্র ছিল। এমতিতেই তো বনু খুযাআর ভেতর মুশরিক ও মুসলমান দু'দলই शामिल ছিল। কিন্তু পুরো কবিলাটাই অ'ই-হযরত (সা)-এর পরম মিত্র ছিল। তিনি তাকে মুশরিকদের সেনা ছাউনিতে পাঠান যেন সে তাঁর পরিকল্পনা মূতাবিক কাজ করতে পারে এবং মুশরিকদের অবস্থাদি সম্পর্কে খবরও দিতে পারে।

আবু সফিয়ান তার মুশরিক বাহিনীসহ আসছিল। রাস্তায় তার মা'বাদ-এর সঙ্গে মোলাকাত হয়। আবু সফিয়ান তার কাছ থেকে গোপন কথা জানতে চেষ্টা করে। মা'বাদ বলল, "মুহাম্মাদ (সা)-আপন দলবলসহ মদীনা থেকে কয়েক মাইল বাইরে বেরিয়ে এসেছেন। আমি তাদের মত বিরাট শান-শওকত ও বীর্যবান আর কাউকে দেখিনি। তাদের মনোবল অত্যন্ত উন্নত। তারা তাদের ভুলের জন্য অনুতপ্ত ও লজ্জিত এবং ওহদ যুদ্ধে ইতিপূর্বে যারা শরীক হতে পারেনি, এবার তারাও প্রতিশোধ গ্রহণকারী এই দলের সঙ্গে যোগ

দিয়েছে। মুসলমানদের এ বাহিনী বিরাট ও বিশাল এবং তোমাদের উপর হামলা করার জন্য খুব দ্রুত ছুটে আসছে। তারা তাদের কতিপয় মিত্র বাহিনীর অপেক্ষা করছে মাত্র। আমি তোমাদেরকে খবর দিতে এসেছি এবং আমার ধারণা যে, তারা সত্বরই এখানে এসে পৌঁছচ্ছে।”

আব সুফিয়ান বলে, ‘আমরা তাদের উপর দ্বিতীয় দফা হামলা করার উদ্দেশ্যেই যাচ্ছি। এ ব্যাপারে তোমার মত কি?’ মা’বাদ বললো, ‘মুসলিম বাহিনী প্রতিশোধ নেওয়ার যে সব রণসঙ্গীত তৈরী করেছে সে সবের কয়েকটি শ্লোক আমি তোমাকে শোনাচ্ছি। এ থেকেই তোমরা মুসলিম ফৌজের ইচ্ছা ও অভিপ্ৰায় সম্পর্কে পুরোপুরি ওয়াকিফ হতে পারবে।’ এই বলে সে কয়েকটি শ্লোক শুনিতে বলতে থাকলো, ‘এখনও পাল্টা আক্রমণের স্বপ্ন সাধ। পুনরায় হামলার ব্যাপারে আমি কখনই মত দেব না, বরং ওহদে নিজেদের জয়ের কথা ঢাক-ঢোল পিটিয়ে প্রচার করে আগামী বছরে আরও অধিক প্রস্তুতি নিয়ে মুসলমানদের উপর হামলা করতে এস। এটাই ভাল হবে।’

একদিকে মা’বাদের গোপন পরামর্শ, অপরদিকে পর্যুদস্ত বাহিনীর জওয়াবী হামলা ও প্রতিশোধ গ্রহণের উদ্দেশ্যে তাৎক্ষণিকভাবে মদীনা থেকে রওয়ানা ও পশ্চাদ্ধাবনের এই জোশ ও জয়বা; না গতকালের যুদ্ধের বিপদের কথা স্মরণ আছে, না হতাহত ও ক্ষয়ক্ষতির পরওয়া আছে! এই লোকগুলোর মনোবল ও মানসিকতাই বা কী অদ্ভুত! মুশরিকরা একেবারে হতভম্ব! আবু সুফিয়ান ভেবে দেখল: এখন পর্যন্ত তো আমাদেরই প্রধান্য ও জয়লাভের জোর শোহরত রয়েছে। এবার যদি মুকাবিলা হয়, তবে আর আমাদের কল্যাণ নেই। মুসলিম তীরন্দায ও সেনাবাহিনী যে ভুল গতকাল করেছিল, ভবিষ্যতে তার কোন সম্ভাবনা নেই, বরং আজ তা শোধরাতে চাইবে। এসব চিন্তা করে তারা ফিরে যাবার প্রস্তুতিতে লেগে গেল। এ সময়ে আবু সুফিয়ান খবর পেল যে, মু-‘আবিয়া বিন আল-মুগীরা বিন আবী আস এবং আবু উয্‌যাহ্ আল-জাহমী মুসলমানদের হাতে ধরা পড়েছে। এ খবর পেয়েই আবু সুফিয়ান আরো তাড়াহড়ো শুরু করলো। এ সময় ‘আবদুল কায়্‌স থেকে একটি কাফেলা মুশরিকদের

নিকট দিয়ে অতিক্রম করে মদীনার দিকে আসছিল। আবু সুফিয়ান তাকে বলল, “তুমি আমার পয়গাম মুহাম্মাদ (সা)-কে পৌঁছে দাও যে, আবু সুফিয়ানের বাহিনী মুসলমানদের উপর পুনরায় হামলা করার জন্য তৈয়ার ছিল, কিন্তু এখন সে ইচ্ছা পরিত্যাগ করেছে। ঘোষণা মুতাবিক আগামী বছরেই বদর প্রান্তরে তাদের সঙ্গে মুকাবিলা হবে। এই খবর পৌঁছানোর পর ওকাজের মেলায় এলে এর বিনিময়ে তোমার উটগুলোকে উপহার-উপঢৌকন দিয়ে ভতি করে দেব।”

র্জা-হযরত (সা) এসব বিষয় এবং গুপ্তচরদের প্রেরিত তথ্যের মাধ্যমে নিশ্চিত হন যে, মুশরিকরা মক্কার দিকে ফিরে গেছে। এরপর তিনি তিন দিন পর্যন্ত হামরাউল আসাদে অবস্থানের পর মদীনা প্রত্যাগমন করেন। এভাবেই স্বীয় প্রতিরক্ষা পরিকল্পনার উপর অটুট ইচ্ছাশক্তি ও ধৈর্যের সঙ্গে আমল করে ওহদের জয়কে—যেখানে তীরন্দাযদের ভুলের কারণে পরাজয়ের চিহ্ন ফুটে উঠতে যাচ্ছিল, সদৃঢ় ভিত্তিতে দাঁড় করিয়ে মুসলিম বাহিনীর মনোবল আরও শক্তিশালী ও চাঙ্গা করে তোলেন। ঘোষণা ও প্রস্তুতি সত্ত্বেও মুকাবিলা থেকে কুরায়শদের পলায়ন মুসলমানদের মধ্যে আরো আবেগ-উদ্দীপনা ও আত্মবিশ্বাসের শক্তি জোগাতে সহায়ক হয়।

নির্গত ফলাফল

এখন দেখা দরকার যে, কি সেই ফলাফল যা এই যুদ্ধ থেকে প্রতিরক্ষা নীতি হিসাবে আমাদের পথ প্রদর্শন করতে পারে।

সর্বপ্রথম আমরা যে সবক এর থেকে পাই তা হ'ল এই যে, প্রতিরক্ষা পরিকল্পনা স্বীয় উৎস ও উপায়-উপকরণ মুতাবিক বিন্যস্ত করা দরকার অর্থাৎ অত্যন্ত দূরদশিতা ও অটুট মনোবলের সাথে স্বীয় উপকরণগুলো সম্মুখে রেখে প্রতিরক্ষা পরিকল্পনা এমনভাবে প্রণয়ন করতে হবে যা সাধ্যের বাইরে হবে না। আপন সাধ্যের বাইরে অগ্রসর হওয়া এবং সাধ্যাতীত স্বপ্ন দেখা অধিকাংশ সময়ে বিপদজনক

পরিণতির কারণ হয়। দূরদশিতা ও সর্ভকতার দাবী এই যে, শুধুমাত্র সেই সব উপায়-উপকরণের ভিত্তিতে পরিকল্পনা প্রণয়ন করতে হবে যা আয়ত্বাধীন রয়েছে কিংবা হতে পারে। কাল্পনিক আশাভরসার উপর বাতাসের কেবলা নির্মাণ করা বিজ্ঞতার পরিপন্থী। তকদীরের উপর ভরসা করার অর্থ এ নয় যে, তদবীর পরিত্যাগ করতে হবে। যদি এই ভরসার উপর প্রয়োজনাতিরিক্ত আশার চৌমহলা ইমারত গড়া হয় তবে পরিণতিতে নিরাশা ও বার্থতার মুখ দেখতেই হবে। উপায়-উপকরণ আজকের যান্ত্রিক দুনিয়ার ইঞ্জিনের তেলের ন্যায় এবং তকদীর ও সাধ্যের বাইরে কিছু উপর অধিকতর নির্ভর করাকে ব্যাটারী ও মোটরের পেট্রল বলতে পারেন। যদি আমরা এমন মোটর চালাতে চাই যার ইঞ্জিনের তেলের পরিমাণ নিতান্তই স্বল্প তাহলে মোটর ব্যাটারী ও পেট্রলের কারণে চলতে থাকবে, কিন্তু তার ইঞ্জিন সত্বরই বন্ধ হয়ে যাবে। কেননা তার পিস্টন তেলের স্বল্পতার কারণে জ্বলে যাবে এবং মোটর পেট্রল ও নতুন হওয়া সত্ত্বেও চলবে না। প্রতিরক্ষা পরিকল্পনার মোটরে তেলের মর্যাদা রাখে তার উপায়-উপকরণ, তার অফিসার ও সেপাই-সাজী। যখন এদের ভেতর কোন একটির ঘাটতি দেখা দেয় তখন তার পরিণতি ভাল হয় না এবং পরিকল্পনার মোটরও আর অগ্রসর হয় না।

আঁ-হযরত (সা) এই যুদ্ধে শত্রুকে পরাজিত করাকে স্বীয় প্রতিরক্ষার লক্ষ্য নিরূপণ করেছিলেন। তিনি শত্রুর শক্তি এবং তাদের গোপন পরিকল্পনা সম্পর্কে গুপ্তচর মারফত পূর্বেই অবহিত হয়েছিলেন। অপর দিকে শত্রুপক্ষ আঁ-হযরত (সা)-এর প্রতিরক্ষা পরিকল্পনার সঠিক পরিমাপ করে নি। মুশরিকেরা মনে করত যে, আঁ হযরত (সা) আবদুল্লাহ্ বিন-উবায়্য সলুল মুনাফিকের পরামর্শ মূর্তাবিক চলবেন। এই সংবাদের উপর নির্ভর করে তারা ওহদ পাহাড়ের গিরিপথের দক্ষিণে একত্র হয় যখন মদীনা থেকে মুসলিম সেনাবাহিনী বের হয়ে আসতেই একটি কোম্পানী তাদের উপর ঝাঁপিয়ে পড়ে মুসলমানদের গুলি নিঃশেষ করে দিতে পারে। মনে হয় আঁ-হযরত (সা) গুপ্তচরের সাহায্যে সে সব পরিকল্পনার পূর্ণ তথ্য অবগত হয়েছিলেন। অতএব তিনি রাগ্নি বেলা মদীনা থেকে বের হয়ে অত্যন্ত আঁকা-বাঁকা

ও দুর্গম পথ অবলম্বন করেন অর্থাৎ যে রাস্তায় গমন করা মুশরিকরা অসম্ভব ধরে রেখেছিল সেই রাস্তা ধরেই তিনি অগ্রসর হন। মূনাফিক 'আবদুল্লাহ্ বিন উবায়্য সলুল যখন দেখল যে, তিনি মুশরিকদের পরিকল্পনার খেলাফ অন্য পথ ধরে চলেছেন, যা সে বুঝতে পারেনি এবং জানতেও পারেনি, তখন সে স্বীয় সঙ্গী-সাথীসহ আলাদা হলে যায়। তার উদ্দেশ্য হল, মুশরিকদের সঙ্গে কৃত প্রতিজ্ঞা পালন করতে না পারলেও তাদের বিরুদ্ধে যেন লড়তে না হয়। সেখান থেকে তিনি বনু হারিছার বশিতে তশরীফ নেন। এর দুটি উদ্দেশ্যে হতে পারে। প্রথমত, দুশমনকে নিজেদের চলাফেরা ও গতিবিধি সম্পর্কে অবনয়ন করা; দ্বিতীয়ত, বনু হারিছার কিছু সংখ্যক দুর্বলমনা ও ভীক মনোবলের লোকের মনোবলকে চাঙ্গা করে তোলা এবং ইসলামের শেরদিল শক্তি ও মর্যাদার প্রভাব কায়েম করা। বস্তুত তাই হয়েছিল। এখান থেকে তিনি আরও গোপন রাস্তা ধরেন এবং এমন স্থানে মোর্চা কায়েম করেন যেখানে দুশমনের সওয়ার কোম্পানীর শ্রেষ্ঠত্ব ও আধিপত্য খতম হয়ে যায় এবং স্বীয় তীরন্দাযদের থেকে অত্যন্ত কার্যকর উপায়ে খেদমত নিতে পারেন। তিনি পূর্বেই আঁচ করে নিয়েছিলেন যে, হাওয়া পাহাড়ী উপত্যকার ওদিক দিয়ে ময়দানের দিকে প্রবাহিত হবে। আর তাই সেখানে মুসলিম তীরন্দাযদের তীর বহু দূর পর্যন্ত নিষ্কিপ্ত হবে। অন্যদিকে দুশমন তীরন্দাযদের বায়ুর প্রতিকূলে তীর চালাতে হবে। এতদ্বিধিও তীরন্দাযদের উঁচু স্থানে মোতায়েন করার ফলে তাদের তীরের গতিবেগও দীর্ঘতর ও প্রসারিত হয়। এর পরও তিনি তাদের হেদায়েত দিয়ে দিলেন যে, দুশমনের উপর ৬০ ডিগ্রী গ্র্যাঙ্গেল থেকে তীর নিষ্কিপ করতে হবে যাতে করে শেষ সীমায় লক্ষ্য বস্তুতে ২০ ডিগ্রী গ্র্যাঙ্গেল তা আঘাত হানে। এতে করে যে সব মুশরিক ছোট ছোট টিলার আড়ালে আশ্রয় নিয়েছিল তারাও তীরের আওতায় এসে যায়। বাস্তবপক্ষে এটাই সেই মূলনীতি যার উপর অধুনা ট্রেঞ্চ মটার অর্থাৎ ট্রেঞ্চ ও ব্যাংকারে নিষ্কিপ করার জন্য তোপ তৈরী করা হয়েছে। তিনি তাঁর তীরন্দাযদের হেফাজতের এও নির্দেশ দিয়েছিলেন যে, যুদ্ধের অবস্থা যা-ই হোক না কেন তাদের জায়গা থেকে তারা যেন না হটে।

তীরন্দায়দের হেফাজতের জন্য তিনি একটি প্লাটুন ওহদ পাহাড়ের অপর দিকের গিরিপথে পায়ে হাঁটা ছোট পথে মোতায়েন করেন। এটা যেন আধুনিক যুগের সমর নীতি মূতাবিক এমন মযবুত মোর্চা (Strong Points বা Pivots of Manoeuvre) কাম্বৈম করেন যার উপর ভিত্তি করে অ'ই-হযরত (সা)-এর ফৌজ হামলার সমর নিরাপদে চলাফেরা করতে পারে। আর যদি পরাজয় ঘটে তবে পরাজিত ফৌজ সে সব মোর্চায় একত্র হয়ে দূশমনের উপর পুনরায় পাল্টা আঘাত হেনে তাদেরকে ধ্বংস করে দিতে পারে।

অন্য কথায়, যেখানে অ'ই-হযরত (সা) স্বীয় প্রতিরক্ষা পরিকল্পনায় নিজ সধ্যকে সম্মুখে রেখে দূরদণিতার সঙ্গে কর্ম সম্পাদন করেন, সেখানে মুশরিকরা এর বিপরীতে শক্তির অহমিকায় সমরনীতি পেছনে নিক্ষেপ করে। মুসলিম তীরন্দায়রা যদি তাদের নিজ জায়গা ছেড়ে না যেত তাহলে ওহদের ময়দান মুশরিকদের জন্য ব্দরের চেয়েও অধিকতর খারাপ প্রমাণিত হ'ত।

ওহদে যেহেতু অ'ই-হযরত (সা)-এর ন্যায় যোগ্য জেনারেলের নেতৃত্ব ছিল, সেহেতু তিনি যুদ্ধের পাশা পরিবর্তিত হতে দেখা মাত্রই অত্যন্ত ধীর স্থির মস্তিষ্কে এবং দৃঢ় মনোবলের সঙ্গে প্রতিরক্ষা পরিকল্পনার অপরাংশের উপর আমল করতে শুরু করেন। তিনি সাধরণ অধিনায়কদের মত নিরাপত্তা লাভের জন্য গিরিপথের দিকে অগ্রসর হননি, বরং পাহাড়ের শৃঙ্গের দিকে গতি পরিবর্তন করেন যেন তার ফৌজ খালিদ বিন ওয়ালিদের কোম্পানীর হাত থেকে নিরাপদ হতে পারে এবং মুশরিকদের পদাতিক বাহিনী সেই শৃঙ্গের উচ্চতায় পৌঁছুবার পূর্বেই তিনি যেন সেখানে পৌঁছুতে পারেন। নিজেদের বিশৃঙ্খল ও ইতস্ততঃ বিক্রিপ্ত লোকদের একত্র করবার সুযোগ মিলে যায় এবং তারা নিজেদের মোর্চা সুদৃঢ় ও সংহত করতে পারে। বস্তুত তাই হ'ল এবং তিনি সফল হলেন অর্থাৎ অ'ই-হযরত (সা) পরিবর্তিত অবস্থা মূতাবিক স্বীয় প্রতিরক্ষা পরিকল্পনায় পরিবর্তন সাধন করেন এবং নেহায়েত নাযুক অবস্থাতেও এতে সফল হন, আর এজন্য সফল হন যে, পরিকল্পনা ছিল সাদাসিধে ও সহজবোধ্য। তিনি জানতেন যে, উদ্দেশ্য ও লক্ষ্য হাসিলের পদ্ধতি একাধিক হয়ে থাকে। এর সঙ্গে

সেগুলোর পারম্পরিক ভারসাম্য রক্ষা করে গ্রহণ ও বর্জনের তাৎক্ষণিক ফয়সালা গ্রহণ করেন এবং মুশরিকদের মত এ ভুল করেন নি যে, যা-ই হোক না কেন যুদ্ধ অবশ্যই করব। এমনি করেই মুশরিকরা সেই প্রাধান্য খুইয়ে বসে যা তাদের হাসিল হয়ে গিয়েছিল। যদিও প্রথম দিকে তাদের পরিকল্পনা সঠিক ও অদ্রান্ত ছিল, কিন্তু যখন অ'-হযরত (সা)-এর সামরিক রণ-কৌশল তাদেরকে বিব্রতকর অবস্থার মাঝে নিষ্ক্ষেপ করে তখন তারা ঘাবড়ে যায়। অ'-হযরত (সা) এমন রণ-কৌশল অবলম্বন করেন যা তাদের ধারণা ও কল্পনায়ও স্থান পেত না অর্থাৎ নেপোলিয়ন-এর ভাষায়—‘দুশমনকে প্রতারণা দিয়ে এমনি দ্বিধা-দ্বন্দ্ব ও ঘোর-প্যাঁচের মাঝে লিপ্ত করে দিতে হবে যেন সে বিব্রত অবস্থায় শ্রান্তিপূর্ণ চাল চালে। আর এই ভুল চাল তাদেরকেই ধ্বংসের মাঝে ঠেলে দেবে।’

মনে হয়, দুশমন এমনি একটি যুদ্ধের ময়দানকে বাছাই করেছিল যা আরোহী (অশ্বারোহী কিংবা উল্টারোহী) বাহিনীর জন্য বেশ উপযোগী ছিল (অধুনা ট্যাঙ্ক লড়াইয়ের জন্য উপযোগী মনে করা চলে) অর্থাৎ কাফিররা মনে করেছিল যে, ওহুদ পর্বত মধ্যবর্তী এলাকার অসমতল যমীনে আরোহীদের মুসলমানদের উপর আচানক হামলা করার মওকা মিলে যাবে। এমনি অবস্থায় তাদের সাফল্য ও কামি-য়াবী নিশ্চিত ছিল। বিশেষ করে এজন্য যে, তাদের আরোহী বাহিনীর অধিনায়ক ছিল খালিদ-বিন ওয়ালিদ। অধিকন্তু তাদের আবদুল্লাহ্ বিন উবায়্য সলুল-এর মুনাফিকী ও গান্দারীর উপর পূর্ণ ভরসা ছিল। কিন্তু অ'-হযরত (সা) তাদের সমর বৌদ্ধিকে নিজস্ব প্রতিরক্ষা কৌশল দ্বারা একেবারে মাৎ করে দেন। অতঃপর উপত্যকার পানির ঝর্ণা মুখের উপর নিজের নিয়ন্ত্রণ প্রতিষ্ঠিত করে মুশরিকদের পানি থেকেও মাহরাম করে দেন যার কারণে তাদের নিজেদের জানোয়ারগুলোকে পান করার জন্য কয়েক মাইল দূরে গিয়ে পানি আনতে হ'ত। তিন হাযার ফৌজ, সেই সঙ্গে তাদের বোঝা বহনকারী এবং সওয়ারের পশুগুলোকে যদি একত্র করা যায় তাহলে সেগুলোর সংখ্যা চার-পাঁচ হাযারের কম হবে না। সে সবেইর জন্য প্রত্যহ ঘাস-পানি ষোঁগাড় ছিল একটি বড় রকমের সমস্যা। এটাও

ছিল অ'ী-হযরত (সা)-এর প্রতিরক্ষা পরিকল্পনার আরেকটি সাফল্য । সক্রেটিসের ভাষায়, 'তিনি শত্রু বাহিনীর ফৌজের রসদ-সস্তারের ব্যবস্থাপনা'ক সামনে রেখে এমনি প্রতিরক্ষা পরিকল্পনা তৈরী করেন এবং তাকে এমনিভাবে কার্যকর করেন যে, দূশমনের সংখ্যাধিক্য ধূলোয় মিশে যায় ।'

যুদ্ধের সূচনা-পর্ব থেকেই তিনি শ্রেণী-বিভাগ ও বিন্যাস এমনিভাবে করেন যে, দক্ষিণ ভাগ, বাম পার্শ্ব এবং পশ্চাত্তাগ সবই নিরাপদ হয়ে যায় । যদিও হযূর আকরাম (সা)-এর নিকট সওয়ার কম ছিল, কিন্তু তিনি মৌসুম ও পরিপার্শ্বিক অবস্থাকে বেশ ভালভাবে অনুধাবন করে নিয়েছিলেন । সেজন্য আবহাওয়া থেকে তিনি পুরোপুরি ফায়দা উঠান । পুরো কোম্পানীকে দু'টো অংশে বিভক্ত করে একাংশকে যুবায়রের নেতৃত্বাধীনে ঘাটিতে লুকিয়ে ফেলেন, অপরাংশের মরীচিকাবৎ বিদ্রম সৃষ্টি করে তার থেকে পুরো ফায়দা উঠান । বিদ্রম সৃষ্টির কারণে মুসলমানদের সৈন্য সংখ্যা প্রকৃত সংখ্যার চেয়ে দ্বিগুণ মনে হতে থাকে । এজন্য তিনি তাদের গতিবিধি ও চলাফেরা এভাবে রাখেন যে, দূশমন মনে করে তারা (মুসলমানেরা) তাদের বাম পার্শ্বের দিকে অগ্রসর হচ্ছে । অথচ তারা বর্ষাকালীন নানাগুলোর ভেতর হয়ে দ্বিতীয় প্লাটুনের নিকটবর্তী শত্রুর একপার্শ্বের উপর হামলা করার জন্য তৈরী হচ্ছিল । এর পরিণাম এই হ'ল যে, অ'ী-হযরত (সা) যিনি সমরশাস্ত্রের একজন অভিজ্ঞ ও কুশলী ব্যক্তি ছিলেন তিনি খালিদ বিন ওয়ালীদ ও আকরামা বিন আবু জেহেলকে গোলকর্ধাধার মাঝে নিষ্ক্ষেপে সফল হন । খালিদ বিন ওয়ালীদ ময়দান সাফ মনে করে সঙ্গে সঙ্গে হামলা করে বসে । উদ্দেশ্য ছিল মুসলিম পদাতিক ফৌজের বাম পার্শ্বকে বেকার ও নিষ্ক্রিয় করে দেওয়া । আকরামা মুসলিম সেনাদের গতিবিধি পর্যবেক্ষণ করার জন্য খেমে পড়ে । এটা ছিল তার চরম বোকামী । খালিদ বিন ওয়ালীদেদের কোম্পানী যারা মুসলমানদের বাম পার্শ্বের উপর হামলা করার জন্য অগ্রসর হচ্ছিল, তাদের উপর দু'তরফ থেকেই প্রথম রুষ্টির মত তীর আসতে লাগল । এর পর যুবায়রের সওয়ারগণ খালিদেদের কোম্পানীর উভয় পার্শ্বে, বামে এবং ডানে আচানক হামলা করে বসে । কোম্পানীকে এরূপ সংকটে ফেলে যেতে দেখে খালিদ তার ডুল বুঝতে পারে । ফলে

সে স্বীয় কোম্পানীকে ক্রান্ত উপত্যকার দিকে নিয়ে এসে ফিরে যায়। এই ঘেরাও ভীড়ের মধ্য থেকে বেরিয়ে যাওয়া খালিদের মত বীর-পুরুষেরই কর্ম ছিল এবং সম্ভবত এই যুদ্ধের এসব তৎপরতাই আঁ-হযরত (সা)-কে খালিদের সমর-নৈপুণ্যের প্রশংসাকারীতে পরিণত করে। ইসলাম গ্রহণের পর তাঁকে ইসলামী ফৌজের একটি বিরাট অংশের সিপাহসালার নিযুক্ত করা হয়।

এরপর যুবায়র (রা)-এর সওয়ারগণ আকরামার কোম্পানীর উপর হামলা করে ও তাকে ছিন্ন ভিন্ন করে দেয়। অতঃপর পদাতিক বাহিনীর উপর ঝাঁপিয়ে পড়েন। এ লড়াই ট্যাংক যুদ্ধের সর্বোত্তম নমুনা এইজন্য যে, মুসলিম কোম্পানীর এই হামলা দূশমনের অস্বা-রোহী ও পদাতিক ফৌজের সবার মধোই একটা বিশৃংখল অবস্থার সৃষ্টি করে। মুসলিম পদাতিক বাহিনী যারা নিজেদের আরোহী বাহিনীর পরিকল্পনা সম্পর্কে বেশ ভালো রকম ওয়াকিফহাল ছিল, এর সঙ্গে সঙ্গেই আক্রমণ করে শত্রুকে পর্যুদস্ত করে দেয়।

এ পর্যন্ত তো যুদ্ধ আঁ-হযরত (সা)-এর নির্দেশ ও পরিকল্পনা মুতা-বিক চলছিল। এর পর দু'টো মারাত্মক ভ্রম সংঘটিত হয়। একটি লুটমার, সে সম্পর্কে ইতিপূর্বেই পর্যালোচনা করা হয়েছে। দ্বিতীয়টি দূশমনের পশ্চাদপসরণের মুহূর্তে তাদের পশ্চাদ্ধাবন না করা। লুটতরাজের নেশায় তীরন্দাষণ নিজেদের জায়গা ছেড়ে সরে আসে এবং এভাবেই শত্রুকে মুসলিম বাহিনীর উপর হামলা করার সুযোগ এনে দেয়। আর ওদিকে পদাতিক বাহিনী শত্রুর পশ্চাদ্ধাবন না করে প্রতিরক্ষা কৌশলের একটি গুরুত্বপূর্ণ মূলনীতি লঙ্ঘন করে। বিজয়ী ফৌজের জন্য অপরিহার্য হ'ল, যে মুহূর্তে ময়দান থেকে দূশমনের পদস্খলন ঘটেবে সে মুহূর্তেই পশ্চাদ্ধাবন করে তাদেরকে নিঃশেষ করে দিতে হবে। এতে ক্ষণিকের বিলম্বও সমীচীন নয়। কিন্তু এতে তখনই সাফল্য লাভ ঘটে যখন শত্রুকে অটুট মনোবল, সাহসিকতা ও সুদৃঢ় ইচ্ছাশক্তি সহযোগে পশ্চাদ্ধাবন করা হবে। অন্যথায় বিন্দুমাত্র গাফলতি ও ভুলের কারণে দিশেহারা প্রায় দূশমনেরও সামলে নেবার মওকা মিলে যায়। মুশরিকদেরও এই গলতিই ছিল যে, যুদ্ধের পাশা উল্টে যাওয়ার পর তারা মুসলিম ফৌজের পশ্চাদ্ধাবন করে নি।

শেষাবধি এই গলতিই তাদের ধ্বংসের কারণ হিসাবে দেখা দেয়। দ্বিতীয় মহাযুদ্ধের এই গলতিই হিটলার করেছিল। সে মিত্রবাহিনীকে ডেনকার্ক থেকে বহাল তবিয়তে জান নিয়ে বেরিয়ে যাবার মওকা দিয়েছিল এবং প্রথম বিশ্বযুদ্ধে ঐ একই ভুল মিত্র বাহিনীও করেছিল। ১৯১৮ ইস্যায়তে জার্মান ফৌজকে ত্রিগেনবুর্গ লাইন্স থেকে বের করে দিয়েছিল। যদিও মিত্রবাহিনীর বিজয় অজিত হয়েছিল এবং জার্মানী সন্ধির দরখাস্ত করতেও বাধ্য হয়েছিল, কিন্তু তার ফৌজ বিদ্যমান এবং নিরাপদ ছিল। সে পরাজয় কবুল করেনি এবং এটাই ছিল কারণ যে, জার্মান ফৌজ অত্যন্ত শক্তিশালী করে গড়ে তুলতে হিটলারকে কোন কণ্ঠের সম্মুখীন হতে হয়নি। প্রথম বিশ্বযুদ্ধের পর জার্মান ফৌজের সুদৃঢ় ইচ্ছাশক্তি ও মনোবলে ভাটা পড়েনি—বরং সম্মত ছিল। কেননা সেখানে তারা পরাজয় বরণ করেছিল সেখানেই মিত্রবাহিনীকে পর্যুদস্ত করা হয়েছিল এবং সুলেহনামায় দস্তখতের মুহূর্তে ফ্রান্সের একটা উল্লেখযোগ্য অংশ তাদের নিয়ন্ত্রণে ছিল। মিত্রবাহিনীর কোন সিপাহীর পদচিহ্নও জার্মান ভূখণ্ডে পৌঁছে নি। ঠিক তেমনি ওহদে মুসলিম ফৌজকে সাময়িকভাবে অবশ্য ক্ষতির সম্মুখীন হতে হয়েছিল, কিন্তু আঘাতটা ছিল সমানে সমান। যেখানে মুসলিমদের অন্তরে এই প্রেরণা ক্রিয়াশীল ছিল যে, এই সব মুসলিম পাগলের সঙ্গে লড়াই করে অর্থহীনভাবে জীবন হারাচ্ছি; আর ওদিকে মুজাহিদদের অন্তর-মানস আদেশ লঙ্ঘনের অপরাধে লজ্জিত ও অনুতপ্ত ছিল এবং তারা এই অপরাধ সত্ত্বর স্থালনের জন্য উন্মুখ ছিল বিধায় তারা নিজের জীবন বাজী ধরে সম্মুখে অগ্রসর হচ্ছিল দ্বিধাহীন গতিতে। এমতাবস্থায় ফৌজের জীবন হানির কোন আশংকা কিংবা ভয় আর থাকে না এবং সেজন্যই তারা অত্যন্ত দৃঢ়তা ও সাহসিকতার সঙ্গে লড়তে থাকে।

এমত অবস্থা সম্পর্কে নেপোলিয়নের অভিমত হ'ল এই যে, তার অধীনস্থ সৈন্যেরা যুদ্ধের ভাগ্য কখনো কোন সময় অধিনায়কের চেপ্টা, তদবীর ও কৌশলকে মাৎ করে দেয়। কেননা যে ফৌজের সিপাহীরা মনোবল খুইয়ে বসে তাদের অধিনায়কের সকল কলা-কৌশল ও চেপ্টা-তদবীর বেকার ও অর্থহীন হয়ে পড়ে এবং এভাবে তদবীর তদবীরের উপর প্রভাবশীল হয়ে পড়ে।

এই সব ঘটনা ও সাক্ষ্য-প্রমাণ থেকে পরিশ্কার বোঝা যায় যে, যুদ্ধের ময়দানে সেই ফৌজেরই শুধু বিজয় লাভ ঘটে থাকে, যে সুদৃঢ় মনোবল ও হিম্মতের সঙ্গে হামলা করে এবং কামিয়ার হওয়ার সাথে সাথে বিনা দ্বিধায় এতটুকু বিলম্ব না করে দৃশমনের পশ্চাৎগমন তাকে নিঃশেষ করে দেয়।

আকস্মিক ও অতকিত হামলা যুদ্ধের অত্যন্ত কার্যকর একটি অস্ত্র। যে ফৌজ একে ব্যবহার করে, সাফল্য ও কামিয়ারী তার পদচূষন করে থাকে। অতকিত হামলা থেকে পুরোপুরি ফায়দা উঠাতে চাইলে সুযোগ সন্ধানী হবার প্রয়োজন সবচেয়ে বেশী। আর সুযোগ সন্ধানী কেবল সেই জেনারেলেরই হতে পারেন যিনি যুদ্ধের ময়দানে উপযোগী মুহূর্তে স্বয়ং উপস্থিত থাকেন। অতঃপর অধীনস্থ সেনানায়কদের তাদের প্রধান সেনাপতির উপর পরিপূর্ণ আস্থা দরকার। উদাহরণত আঁ-হযরত (সা)-এর নির্দেশ অমান্য করার ফলে মুসলিম ফৌজের যখন পরাজয় ঘটতে শুরু করল তখন আঁ-হযরত (সা) পাহাড়ের উচ্চতার দিকে অগ্রসর হন। হযরত হামযা (রা) পাল্টা হামলা করেন। হযরত আলী (রা) গিরিপথ দখল করে দৃশমনের প্রবল বেগে তাড়িত সয়লাবকে থামিয়ে দেন এবং এভাবেই পরাজিত মুসলিম ফৌজের ভেতর পুনরায় হিম্মত মনোবল সৃষ্টি হয়ে যায়। অন্য কথায়, সিপাহসালার এবং অধীনস্থগণ নিজেদের প্রতিরক্ষা পরিকল্পনা বেশ ভালোভাবেই বুঝেছিলেন। এমনি নাযুক ও বিপদজনক মুহূর্তে অবস্থা সামলে নেওয়া শুধু এজন্যই সম্ভব হয়েছিল যে, মুসলিম সিপাহসালারের ব্যক্তিত্ব, তাঁর সুদৃঢ় ইচ্ছা শক্তি, অটুট মনোবল, নিপুণ কল-কৌশল ও উদ্ভাবনী শক্তি প্রতিদ্বন্দ্বী ও প্রতিপক্ষ সেনাপতির তুলনায় অনেক উন্নত ছিল আর তিনি এগুলোর সাহায্য পুরোপুরিই গ্রহণ করেছিলেন।

পাশ্চাত্যের প্রতিরক্ষা পর্যবেক্ষক

এখন এ ধরনের সামরিক মোর্চা সম্পর্কে পাশ্চাত্যের প্রতিরক্ষা পর্যবেক্ষকদের ধ্যান-ধারণা ও মতামত পেশ করা যাচ্ছে। এ থেকে

পরিমাপ করা যাবে যে, অর্থাৎ-হযরতের সূক্ষ্ম দৃষ্টি মোর্চা বন্দীর সূক্ষ্মাতিসূক্ষ্ম বিষয়াবলীকে কিভাবে দেখতেন এবং তিনি এতে কতখানি পারদর্শিতা হাসিল করেছিলেন। সে সব ধ্যান-ধারণা ও মতামতের সার কথা হ'ল :

১. দুশমন যখন পাহাড়ের উচ্চতায় আরোহণ করে তখন তাদের হামলার গতি শ্লথ হয়ে থাকে। এজন্য তাদের উপর কার্যকরভাবে গোলা বর্ষণ করা যায়। এমন মোর্চার উপর দুশমন সহজেই আক্রমণ করতে পারে। তাদের ট্যাংক (আরোহী বাহিনী) তার পদাতিক বাহিনীকে সাহায্য করতে পারে না।

২. পাহাড়ী মোর্চার অধিকারী দুশমনের চলাফেরা ও গতিবিধি অত্যন্ত সহজেই দেখতে পারে, আর এজন্য সময়মত প্রতিরোধ প্রচেষ্টা গ্রহণ করা যায়।

৩. পাহাড়ের উপর অধিকাংশ স্থানেই ছোট-বড় নানা ধরনের অনেক গর্ত থাকে যার কারণে দুশমনের গোলা বর্ষণ, সে যুগে তীরন্দায়ী থেকে নিরাপত্তা মিলে। এ ছাড়া সেগুলোকে মন্বন্ত মোর্চারূপান্তরিত করা যায়।

৪. পাহাড়ী মোর্চাসমূহের উপর পাহাড়ের উঁচু নীচু তথা সমতল ও অসমতল, হাওয়ার গতিবেগ ও দিকের কারণে লক্ষ্যবস্তুতে গুলী নিক্ষেপ করা মুশকিলের ব্যাপার। তীরন্দায়ী তো এ অপেক্ষাও কঠিন।

৫. পাহাড়ের উপর মোর্চা স্থাপনকারীদের জন্য আক্রমণ ও পশ্চাদপসরণ দু'টিই সহজ। পাহাড়ী মোর্চা থেকে শত্রুর উপর যমীনের অসমতলের কারণে পাশ্চাত্য আক্রমণ অত্যন্ত সহজেই করা যেতে পারে।

নিম্নলিখিত দিকগুলো অনুপযোগী ও ক্ষতির কারণ :

১. এমন মোর্চা নির্বাচন যেখান থেকে শত্রুর উপর কার্যকরভাবে গুলীবর্ষণ করা যায়—খুব একটা সহজ নয়। সে সব নির্বাচনের ক্ষেত্রে অত্যন্ত সতর্কতা অবলম্বন করা দরকার।

২. পাহাড়ী এলাকায় এমনও নীচু এলাকা থাকে যেখানে আক্রমণকারী দুশমনের গুলীর আওতা থেকে বাঁচতে পারে। সেটাকে

সম্মুখে রেখে দেখলে স্বীকার করতে হয় যে, অ'ই-হযরত (সা)-এর সমস্ত সামরিক কলা-কৌশল এমন ছিল যা আজ অবধি সঠিক ও নির্ভুল এবং সেগুলোর প্রয়োগ আজও ঘটান যায় এবং ভবিষ্যতেও সর্বদাই করা যাবে। শুধুমাত্র সমরোপকরণই পাল্টে গেছে। প্রথমে তীর ও তলে-ঝারের সাহায্যে যুদ্ধ করা হ'ত আর এখন হাওয়াই জাহাজ থেকে বোমা এবং কামান থেকে গোলা নিক্ষেপ করা হয় অথবা রাইফেল ইত্যাদি চালানো হয়ে থাকে। প্রথম যুগে আরোহীদের জন্য রিসালা হ'ত আর এখন ট্যাংক ও লৌহ নির্মিত দুর্ভেদ্য গাড়ী সেই স্থান দখল করেছে এবং আকাশ থেকে ছত্রী-সৈন্য ও অস্ত্রশস্ত্র নামান যায়। কিন্তু তথাপিও এসবের ব্যবহারের মূলনীতি একই।

আধুনিক যুগের প্রতিরক্ষা বিশেষজ্ঞগণ এখন এ বিষয়ে জোর দিচ্ছেন যে, অধীনস্থ সেনানায়কগণকে নিজেদের উপর পূর্ণ আস্থা রেখে যুদ্ধের উপযোগী মওকাগুলোকে ফায়দা হাসিলের জন্য দূশমনের বিরুদ্ধে তাৎক্ষণিকভাবে কাজে লাগাতে হলে যেন পাল্টা আক্রমণের সেই সুযোগ, যা শত্রুর ভুলের কারণে সৃষ্টি হতে পারে, সেগুলো দূরীভূত করা যায়। অ'ই-হযরত (সা)-এর অধীনস্থ অধিনায়কদের জানা ছিল যে, তাঁদের সর্বাধিনায়ক তাঁদের গৃহীত কার্যক্রমকে সমর্থন দেবেন। অতএব তারা নিজেদের দায়িত্ব ও যিৎমাদারীতে দূশমনের উপর হামলা করেছে।

তিনি স্বীয় প্রতিরক্ষা পরিকল্পনার পূর্ণতা সাধন এমন সময়ে এত গোপন পন্থায় করেন যে, তাঁর প্রতিরক্ষার চালের শিকার হওয়া ছাড়া শত্রুর আর কোন উপায় ছিল না। অ'ই-হযরত (সা) সংবাদবাহক ও গুপ্তচর মারফত শত্রুর সমস্ত তথ্য বরাবর পেতে থাকতেন। শত্রুর উপর মুসলিম তীরন্দাযদের হামলা যাকে আজকের যুগের সামরিক পরিভাষায় 'ফায়ার প্লান' (Fire Plan) বলা উচিত, অত্যন্ত সমরোপযোগী ও সঠিক ছিল। তারা শত্রুর আরোহী ও পদাতিক বাহিনীকে ক্লান্ত-শ্রান্ত এবং পেরেশান করে দিয়েছিল। তীরন্দাযদের মোর্চা এমন জায়গায় ছিল যেখান থেকে তারা শত্রুর বিরুদ্ধে গোটা যুদ্ধক্ষেত্রে কার্যকর পন্থায় তীর বর্ষণ করতে পারত এবং আক্রমণের পূর্বে

হামলাকারী এবং এর পরবর্তীতে বিভিন্ন স্থান থেকে প্রয়োজন মাত্র তাতে আক্রমণের লক্ষ্যে পরিণত করতে পারতো। তিনি ফৌজের একটা অংশ রিজার্ভ হিসাবে নিজের নিকট সংরক্ষিত রাখেন যাতে প্রয়োজনের মুহূর্তে এর দ্বারা ঝটিকা অভিমানের কাজ নেওয়া যায়। বস্তুত এই প্লাটুনই হযরত হামযা (রা)-এর নেতৃত্বে পাল্টা হামলা করে পরাজয়ের ক্ষতচিহ্নকে সাফল্যে রূপান্তরিত করেন। এ হামলা ছিল অত্যন্ত আকস্মিক ও অতর্কিত এবং সেই সঙ্গে দুঃসাহসিকও বটে!

তীরন্দাষদের নির্ধারিত স্থান পরিত্যাগে যখন যুদ্ধের পাশা পাল্টাতে থাকল এবং ব্যর্থতার চিহ্ন ফুটে উঠতে লাগল তখন আঁ-হযরত (সা) অবস্থা পরীক্ষা করে তাৎক্ষণিকভাবে প্রতিরক্ষা পরিকল্পনার দ্বিতীয় অংশের উপর আমল করতে শুরু করেন। প্রতিরক্ষার মূলনীতি এই যে, পরাজয় মুহূর্তে ফৌজের প্রতিটি ছোট-বড় অফিসার এমন কি প্রতিটি সৈন্যের উপর এই দায়িত্ব এসে পড়ে যে, তারা যেখানেই মওকা পাবে শত্রুর উপর দ্রুত পাল্টা আক্রমণ চালিয়ে তাদের অগ্রযাত্রাকে থামিয়ে দিতে এবং নিজেদের মোর্চা ময়বুত বানিয়ে স্ব স্ব লোকজনকে একত্র করতে চেষ্টা করবে। এ ছাড়া শান্ত, ক্লান্ত, তবল ও আহত লোকদের মনোবল চাঙ্গা ও সাহসী করে তুলে দশমনের সঙ্গে লড়বে।

পরাজিত ফৌজকে পুনরায় একত্র করে কাতারবন্দী করা বড়ই কঠিন কাজ বিশেষ করে সেই সময় লড়াই যখন পার্বত্য এলাকায় চলতে থাকে। কিন্তু আঁ-হযরত (সা) এতেও যে বিরাট সাফল্য লাভ করেন তা যুদ্ধের ফলাফল থেকে সুস্পষ্ট প্রতিভাত হয়। এই ক্ষেত্রে প্রথমে তিনি স্বীয় ফৌজের মোর্চার জন্য এমন জায়গার পক্ষে মত দেন যেখানে দশমনকে সর্ব প্রকার কাঠিন্যের সম্মুখীন হতে হয়। অতঃপর তিনি তা আরও সুদৃঢ় করে তোলেন এবং এর জন্য যে সময় দরকার ছিল তা তাঁর অধীনস্থ সেনানায়কগণ শত্রুর উপর পাল্টা হামলা করে অর্জন করেন। এ ধরনের জবাবী হামলাকারী দলকে আধুনিক প্রতিরক্ষা কৌশলের পরিভাষায় 'রিয়ার গার্ড' (Rear Guard) বা পশ্চাদরক্ষী দল এবং 'ফ্লাংক গার্ড' (Flank Guard) বা

পাশ্চাত্য দল বলে। এই দল হযরত 'আলী (রা) এবং হযরত হামযা (রা)-এর অধিনায়কত্বে অত্যন্ত বীরত্বের সঙ্গে লড়াই করে।

এ ব্যাপারে প্রতিরক্ষা পর্যবেক্ষকগণের মধ্যে মতভেদ পরিলক্ষিত হয় যে, পরাজিত ফৌজের বিক্ষিপ্ত হয়ে যাওয়া উচিত, না তাৎক্ষণিকভাবে একত্র হয়ে পাল্টা আক্রমণ পরিচালনা করা সমীচীন। কিন্তু সাধারণভাবে এটাই মনে করা হয় যে, পরাজিত ফৌজের বিক্ষিপ্ত হয়ে নিরাপদ জায়গায় চলে যাওয়াই উচিত যেন পুনরায় একত্র হয়ে লড়াইতে পারে। অপর একটি মত হ'ল, পরাজয়ের ক্ষেত্রে ফৌজ যদি ইস্তিক্তাঃ ছড়িয়ে পড়ে তবে দুশমন তাদের বিরত অবস্থার ফায়দা গ্রহণ করে তাদের উপর কাষকর আঘাত হানবার মতকা পায়।

আমাদের মতে, এগুলোর ভেতর কোন একটিকেও সর্বাবস্থায় নীতি ও কমপছা হিসাবে গ্রহণ করা ঠিক নয়। পরাজয় যদি শোচনীয় ধরনের হয় তাহলে এটাই সমীচীন যে, ফৌজের কিছু অংশকে নিজেদের পশ্চাদভাগের নিরাপত্তা-রক্ষী হিসাবে রেখে বাকী ফৌজকে পিছে সরিয়ে আনতে হবে। এতে পশ্চাদরক্ষী বাহিনী কুরবানীর পশুতে অবশ্যই পরিণত হবে, কিন্তু ফৌজের বিরাট অংশই পুনরায় সুসংগঠিত হয়ে দুশমনের বিরুদ্ধে লড়াইতে পারবে। এ ধরনের ঘটনা দ্বিতীয় বিশ্বযুদ্ধে কয়েক দফা সংঘটিত হয়েছে। শোচনীয়রূপে পরাজিত ফৌজের একটি প্রকণ্ট উদাহরণ ডেনমার্কের ঘটনা এভাবেই রুশীয়দের উপর জার্মান আক্রমণকালীন রাশিয়ার অধিনায়কগণ কয়েক হাজার রাশিয়ান ফৌজকে ভেট চড়িয়ে নিজেদের ফৌজের বিরাট অংশকে রক্ষা করে। এর মর্মার্থ শুধু এটুকু যে, সিপাহ-সালারকে হিমমত ও দৃঢ়তার সঙ্গে এবং সময় ও পরিবর্তিত অবস্থাকে সামনে রেখে ফয়সালা করতে হবে।

পরবর্তী ঘটনাবলী এবং নৈতিক শিক্ষা

এখন আমাদের ওহদ যুদ্ধ পরবর্তী ঘটনাবলীর প্রতি দৃষ্টিপাত করা দরকার। মাহুদ যুদ্ধের শেষ পর্যায়ে মুশরিকদের জন্য পরিপূর্ণ

বিজয় লাভ করা ব্যতিরেকেই ময়দান পরিত্যাগ নিঃসন্দেহে মারাত্মক ভুলই ছিল। এর একটা বড় কারণ ছিল সিপাহসালার আবু সুফিয়ানের নৈতিক দুর্বলতা। এই ঘাটতি সম্পর্কে অবশ্যই তার সচেতন অনুভূতি ছিল এবং তার প্রমাণ এই যে, সে পাহাড়ের উপর আঁ-হযরত (সা)-এর শেষ মোর্চায় আগমন করে। কিন্তু তার সকল সাহস ভরসা উবে গিয়েছিল, পেছনে হটবার জন্য সে একটা বাহানা ও অজুহাত খুঁজছিল। তার অধীনস্থ সেনানায়কগণ যে তার হুকুম তা'মীল করবে, এ ব্যাপারে তার দৃঢ় বিশ্বাস ছিল না। সে ফেরবার জন্য রওয়ানা হয়, কিন্তু নিজের সংকীর্ণতা, ও দুর্বলতা সম্পর্কে তার অনুভূতি থেকে যায়। অনন্তর সে যখন প্রথমে শিবিরে পৌঁছে তখন মুসলমানদের এবং যুদ্ধক্ষেত্রের বিপদাপদ থেকে দূরে হবার কারণে নিজের ধ্যান-ধারণা ও কল্পনাকে বাগ মানাতে সমর্থ হয় এবং পস্তাতে থাকেঃ আমি বিরাট ভুল করেছি। অতএব শেষ অস্ত্র হিসাবে পাঁচটা আক্রমণের নির্দেশ প্রদান করে। কিন্তু সাহস সঙ্গী হতে অস্বীকার করে এবং আরও অধিকতর হিলা ও বাহানাবাজীর আশ্রয় নিতে উৎসাহিত করে। তা ছাড়া মা'বাদ আল-খুযাঈর সঙ্গে পশ্চিমধোে সাক্ষাত ঘট। সে হামলা না করার পরামর্শ দেয় এবং আবু সুফিয়ানও এ পরামর্শ কবুল করে মক্কায় ফিরে যায়।

অপর দিকে আঁ-হযরত (সা)-এর গোয়েন্দা দল শত্রুর যাত্রা বিরতি এবং মদীনার উপর আক্রমণ করার প্রস্তুতি গ্রহণের তথ্য প্রদান করে। সংবাদ পেতেই যুদ্ধ ও সফরের ক্লাস্তি এবং আহতদের যত্নকে উপেক্ষা করে তাৎক্ষণিকভাবে তিনি আক্রমণের প্রস্তুতি গ্রহণের নির্দেশ জারী করেন এবং শুধুমাত্র সে সমস্ত লোককেই সঙ্গী হিসাবে নেন যাদের ওহদ যুদ্ধ শরীক হবার অনুমতি প্রদান করা হয়েছিল যেন নতুন লোকেরা বেশী লক্ষ-বাম্প করার ও আত্মগবী হবার সুযোগ না পায়। প্রতিদ্বন্দ্বী দলের অধিনায়ক আবু সুফিয়ানের কমযোরী তিনি বেশ ভালোভাবেই বুঝতে পেরেছিলেন। আবু সুফিয়ান হামলা করবে—এ বিশ্বাস যদিও তাঁর ছিল না তবুও প্রতিদ্বন্দ্বিতার সকল আয়োজন ও কৌশলই তিনি অবলম্বন করেন। অতঃপর তিনি এও জানতেন যে, এই সৈন্য চালনা করার ফলে মুসলমানদের হিম্মত বেড়ে যাবে এবং

কাফিরদের উপর এর গভীর পড়বে। এ পছা অবলম্বনের মাধ্যমেই তিনি কতিপয় লোকের মনের দুর্বলতাও দূরীভূত করে দেন যা ওহদের সংঘটিত ঘটনাবলী কোন না কোনভাবে প্রভাবিত করেছিল। নৈতিক বিজয় যুদ্ধক্ষেত্রের ক্ষয়ক্ষতিকেও জুলিয়ে দেয় এবং নৈতিক ও চারিত্রিক শক্তি শত্রুর মুকাবিলায় সংখ্যা-শক্তির স্বল্পতা ও সাজ-সরঞ্জামের ঘাটতির প্রভাবকে দূরীভূত করে দেয়। নৈতিক ও চারিত্রিক শক্তির এই অভাব এবং হীনমন্যতার এই অনুভূতিই পরিণামে দুনিয়ার কোটি কোটি মুসলমান আজ মজবুর ও অক্ষম হয়ে বসে আছে। অথচ প্রকৃত অবস্থা তো এই যে, এই শক্তিই বদর ও ওহদ যুদ্ধে সহায়-সম্বল ও সজ-সরঞ্জামহীন অল্প সংখ্যক মুসলমানকে শুধু কামিয়াব করেছিল তাই নয়, বরং দুনিয়ার এক বিরাট অংশকে নিয়ন্ত্রণে আনতে সক্ষমও করেছিল। ওহদ যুদ্ধে শ্রেফ আঁ-হযরত (সা)-এর নৈতিক ও চারিত্রিক শক্তিই কেবল পরাজয়কে জয়লাভে রূপান্তরিত করেছিল।

যুদ্ধের ময়দান থেকে যারা দূরে অবস্থান করে তারা অনেক সমস্ত বড় বেশী লক্ষ্য-বাম্প করে। আবু সুফিয়ানও তাই করেছিল। এটা নতুন কিছু নয়। কিন্তু প্রশ্ন এই যে, আমরা কি করছি। ওহদের প্রাথমিক সাফল্যের পর তীরন্দাযদের মত আমরা এখন নিজেদের নৈতিক, চারিত্রিক ও ধর্মীয় মোর্চাকে পরিত্যাগ করেছি এবং নিকৃষ্টতম বৈষয়িক স্বার্থের লুটতরাজের বিনিময়ে যিক্রতী ও অবমাননাকর 'আযাবে গ্রেফতার হয়েছি। নিজেদের এই দ্রাতি এবং ইসলামের প্রতিষ্ঠাতা পুরুষের নির্দেশ লঙ্ঘন সম্পর্ক বিন্দুমাত্র অনুভূতিও কি আমাদের আছে? আমরা আমাদের পরাজয় ও বিশৃঙ্খল অবস্থাকে কামিয়াবী ও সাফল্যে পরিবর্তিত করার কোন প্রস্তুতি কি গ্রহণ করেছি? কোন মোর্চা মনোনীত ও নির্বাচিত করেছি? কোন প্রতিরক্ষা পরিকল্পনা প্রণয়ন করেছি কি? তাকে কার্যকর করার জন্য কোন পছার কথাও কি চিন্তা করেছি? আমাদের কার্যকলাপ ও চরিত্রের মানদণ্ড শুদ্ধ করেছি কি? আর যদি না করে থাকি তবে কবে করবো? আঁ-হযরত (সা)-এর প্রতিরক্ষা নীতির সাহায্য ও সহায়তা কখন গ্রহণ করব হবে আর কখনই বা তাঁর বাস্তব জীবনাদর্শকে জীবিত করা হবে? পরাজয় ও হীনমন্যতার লজ্জা-

জনক মিল্লতীকে কামিয়াবী ও সাফল্যের আনন্দে কখন রূপান্তরিত করা হবে? রসুল আকরাম (সা) চোখের পলকে পরাজয়কে জয় এবং ব্যর্থতাকে সাফল্যে পরিণত করেছেন এবং এভাবে করেন যে, কাফির বাহিনী দিশেহারা অবস্থায় ময়দান ছেড়ে পালায়। বাহিনীর অধিনায়ক মুকাবিলা করার হিম্মত নিয়ে এগিয়ে আসতে চায়, কিন্তু শেষাবধি সাহসে কুলায় না। তাঁর সরল সঠিক পথে চলার দাবীদাররা, নেতৃত্ব ও কর্তৃত্বের বাগডোর যখন তাদেরই হাতে, বাহিনী এবং বাহিনীর অধিনায়ক যখন তাদেরই হাতে হবে, কয়েক শতাব্দীর পরও কি তারা পরাজয়ের লাঞ্ছনাকে জয় ও সাফল্যের মর্যাদায় পরিবর্তিত করার জন্য কোমর বেঁধে সোজা হয়ে দাঁড়াতে পারে না?

উঠ, অন্যথায় আর কখনই হাশর হবে না,

দৌড়াও, চালবাজীরূপী কালের কেয়ামত চলে গেছে।

যা-ই হোক, ওহদের রক্তাক্ত যুদ্ধের পর অ'ই-হযরত (সা) নিজ নিরলস প্রচেষ্টা দ্বারা ব্যক্তিগত উদাহরণ এবং নৈতিক ও চারিত্রিক শক্তি দ্বারা মদীনাকে দূশমনের হামলা থেকে নিরাপদ করেন; মুসলমানদের মধ্যে সুদৃঢ় ইচ্ছাশক্তি, বীরত্ব ও অটুট মনোবলের প্রাণস্পন্দন সৃষ্টি করেন এবং কাফির ও অন্যান্য বাতিল শক্তির অন্তরে তাদের মর্যাদা ও ভীতিকর প্রভাবের স্থায়ী ছাপ ফেলেন।

আমাদের সুদৃঢ় বিশ্বাস যে, অ'ই-হযরত (সা)-এর প্রতিরক্ষা নীতির সম্মুখে দুনিয়ার কোন শ্রেষ্ঠতর প্রতিরক্ষা বিশেষজ্ঞ ও বাহিনী অধিনায়কের অভিজ্ঞতা ও পর্যবেক্ষণ এবং অনৈসলামী সমর ও মারণ-শাস্ত্রের কোন মূল কিংবা শাখা-প্রশাখার কোনই হাকীকত ও গুরুত্ব নেই এবং ইসলামী বিশ্বের জন্য অ'ই-হযরত (সা) ব্যতিরেকে আর কারও নিকট থেকে সমরশাস্ত্রের শিক্ষা নেবার কোন প্রয়োজন নেই। অ'ই-হযরত (সা)-এর ব্যক্তিসত্তা ও তাঁর কর্মনীতি প্রতিটি দিক দিয়েই মহান, উন্নত এবং সর্বোত্তমও বটে। এবং এতখানি উত্তম যে, আধুনিক যুগের আবিষ্কার উদ্ভাবনী সবজ্ঞান ও সর্বদশীর অহমিকা সত্ত্বেও তাঁর নিকট পৌঁছতে অসমর্থ তা সে প্রতিরক্ষা কৌশল ও পন্থা উদ্ভাবনেই হোক কিংবা সামরিক কৌশল ও পরিকল্পনা প্রণয়নেই হোক। কিন্তু

এতদসত্ত্বেও জ্ঞান ও দূরদর্শিতার রেশমী পর্দার উপর ছুঁৎমাগের পোশাক চড়িয়ে বসে থাকার মুসলমানদের পক্ষে অভ্যাস ও নীতি হওয়া উচিত নয়। অপরের অভিজ্ঞতা ও পর্যবেক্ষণ থেকে উপকারিতা লাভ এবং মন ও মস্তিষ্কের চোখ-কান খোলা রাখা এক কথা, আর আত্মভোলা ও অন্ধ আনুগত্য অন্য জিনিষ। যা-ই হোক, হিম্মত, স্বৈর্ঘ্য, পুরুষোচিত দৃঢ়তা ও মনোবল, সূক্ষ্মতা ও দূরদর্শিতা এবং সবর ও সহিষ্ণুতার গুণাবলী তো দূরের কথা, গমওগ্নায়ে ওহদের প্রতিরক্ষা পরিকল্পনার প্রতি দৃষ্টি নিষ্ক্ষেপ করুন—তা কতখানি পূর্ণাঙ্গ ও পরিপূর্ণ ছিল। আবু সুফিয়ানের বাহিনী সংখ্যার দিক দিয়ে ছিল কয়েক গুণ, কিন্তু কি পরিমাণ অসহায় ও মজবুর ছিল! অ'ই-হযরত (সা)-এর প্রতিরক্ষা চালে কিভাবে সাধারণের ন্যায় নাচছিল এবং একের পর এক ভুলের পুনরাবৃত্তি ঘটিয়ে কিভাবে নিজেদেরকে ধ্বংসের মধ্যে নিষ্ক্ষেপ করছিল। শেষ অবধি সে নিজেই ময়দান ছেড়ে পালিয়ে যায়। তার হৃৎ ও অনুভূতি এতখানি বিদ্রান্ত ও বিব্রস্ত ছিল এবং অ'ই-হযরত (সা)-এর সামরিক নৈপুণ্যের ভীতিকর প্রভাবে এতখানি আচ্ছন্ন ছিল যে, একদিকে সে পালিয়ে যাচ্ছিল আর মাথার ভেতর তার সাফল্যের রঙিন খাব ঘুরপাক খাচ্ছিল। একবার খামছে, পাল্টা আক্রমণের অভিজ্ঞতা নিজেই জাহির করছে, আবার পরক্ষণেই হিন্দাবাজীর আশ্রয় গ্রহণ করে ফিরেও যাচ্ছে। তার প্রতিটি বোকামী, অপকৌশল এবং প্রতিটি ভীকৃত্য মুসলমানদের শক্তি, বুদ্ধি, বীরত্ব, তাদের অটুট মনোবল, মর্যাদা ও শ্রেষ্ঠত্বের কারণ হচ্ছে।

রসূল আকরাম (সা) এর মধ্যে মানুষ চেনার এমন একটা ক্ষমতা ছিল যে ফয়সালা করতে কখনো তিনি ভুল করতেন না। প্রতিদ্বন্দ্বী সেনাপতিকে পরখ করে তাকে এমন ভুল করতে বাধ্য করতেন যে, তার হিম্মত ও মনোবলের সমগ্র সম্পদ বরবাদ হয়ে যেত। নতুন ও প্রাচীন সিংহসালারদের মধ্যে নেপোলিয়ন সম্পর্কেও খ্যাতি আছে যে, তিনিও এই বিষয়ে অত্যন্ত পারঙ্গম ছিলেন। কিন্তু মস্কোর উপর আক্রমণ পরিচালনা করে তিনি বিরাট ভুল করেন এবং এইজন্যই মস্কোয় পরাজিত হবার পর তাকে বলতে হয়েছিল যে, বিরাট ও বিপুল বিজয়ের পর সাধারণত পরাজয় ঘটে থাকে। অন্য কথায় এর অর্থ

এই যে, দূরদশিতা এবং সিদ্ধান্ত গ্রহণের ক্ষমতা তার থেকে বিদায় গ্রহণ করে। কিন্তু অ'হযরত (সা)-এর ব্যাপারেও কি এমন কথা ও কর্মের কল্পনা করা যায়? দ্বিতীয় উদাহরণ ফ্রেডারিক দি গ্রেট-এর। কোলিন-এর রণক্ষেত্রে তাঁকেও একই পরিণতির সম্মুখীন হতে হয়েছিল যা নেপোলিয়নের হয়েছিল মস্কোতে এবং তা এই কারণেই যে, তিনি প্রতিপক্ষীয় সেনাপতির যোগাভা ও ক্ষমতার সঠিক পরিমাপ করতে ব্যর্থ হন। নেপোলিয়ন দু'বার ভুল সিদ্ধান্ত গ্রহণ করেন। দ্বিতীয় দফা, তিনি ১৮১৩ ইসায়াতে আন্দাজ করেন যে, জার্মান ফৌজ তাঁর বিরুদ্ধে যুদ্ধের ময়দানে অবতীর্ণ হবে না। কিন্তু কার্যক্ষেত্রে দেখা গেল তাঁর এ ধারণা ভুল এবং এটাই ছিল তাঁর পরাজয়ের কারণ।

আবু সুফিয়ানের ভুল এই ছিল যে, সে ধারণা করেছিল মদীনার পূর্ব ও পশ্চিমের ময়দানে লাভার কংকরে পরিপূর্ণ, আর এজন্য তা সৈন্য চলাচলের অনুপযুক্ত। মুসলিম বাহিনী নিশ্চিতভাবেই উত্তরের ময়দানের দিকে অগ্রসর হবে। কিন্তু অ'হযরত (সা) রাতের আঁধারে চলাচল করে শত্রুকে তাঁর গতিবিধি সম্পর্কে একেবারে বেখবর রাখেন। আবু সুফিয়ান মুসলিম বাহিনীর আগমনের খবর অবহিত হয় যখন রসূল আকরাম (সা) ওহদ গিরিবর্ষে মোর্চাবন্দী সম্পন্ন করে ফেলেছেন।

অ'হযরত (সা)-এর তীক্ষ্ণ দূরদৃষ্টি দেখুন, তিনি অবহিত হলেন যে, খালিদ বিন ওয়ালীদও ওহদের পশ্চাতে (উত্তর) থেকে এসে পাহাড়ের দক্ষিণে মোর্চা লাগাবে। এক্ষেত্রে উপায় একটাই ছিল যে, হয় ওহদ গিরিবর্ষে মোর্চা কায়ম করা হবে অথবা সেটাকে এভাবে রাখা হবে যে, কাফির বাহিনী মুসলিম ফৌজের চলাফেরা ও গতিবিধি সম্পর্কে যেন আদৌ অবহিত না হতে পারে এবং ভুল স্থানে খালিদের সঙ্গে যেন সংঘর্ষ না হয়। এ পর্যায়ে তিনি প্রথমে সঠিক পরিমাপ এই করেন যে, খালিদ বিন ওয়ালীদ-এর ব্যাটালিয়ন দিনের বেলায় সফর করবে, রাতের বেলায় করবে না। অতএব তিনি রাতারাতি সফর করে আপন নির্ধারিত মোর্চায় পৌঁছে যান এবং আবু সুফিয়ান ও খালিদ বিন ওয়ালীদদের ফৌজী চাল ব্যর্থ করে দেন। এছাড়াও দ্বিতীয় গুরুত্বপূর্ণ কথা এই যে, তিনি স্বীয় বাহিনীকে নির্দেশ দেন, তাঁর নির্দেশ ব্যতিরেকে অথবা শত্রুর তরফ থেকে আঘাত না আসা পর্যন্ত যেন হামলা করা না

হয়। এরপর তিনি দুশমনকে হামলা করতে উদ্বুদ্ধ করেন বা হামলা করার মওকা দেন।

এখানে প্রথম হতে পারে যে, তিনি এমনটি কেন করলেন! এর জবাব খুবই সহজ। তিনি এটা চাইতেন না যে, তিনি যে প্লাটুন বিভিন্ন স্থানে মোতায়েন করেছেন তা তাড়াহড়োর ভেতর কোনরূপ চিন্তা-ভাবনা ব্যতিরেকেই দুশমনকে অসতর্ক অবস্থায় পেয়ে হামলা করে বসুক এবং আসল উদ্দেশ্য পণ্ড করে দিক কিংবা কোনরূপ প্রতিবন্ধকতা সৃষ্টির কারণ হোক। উদাহরণত, এটা একেবারে সম্ভব ছিল যে, ওহদের পশ্চাতে যে প্লাটুন নিযুক্ত করা হয়েছিল তারা শত্রুর সেনাবাহের সম্মুখ ভাগকে ক্ষতিগ্রস্ত করে ফেলত। কিন্তু পরবর্তীতে আসল বাহিনী পৌঁছানোর পর নিজেরাই শুধু মারা যেত না, মুসলিম ফৌজের প্রতিরক্ষা কূটকৌশলের সন্ধান জেনে ফেলত। কিন্তু আ'-হযরত (সা) এর ফৌজ যখন তাঁর পরিকল্পনা মতাবিক আপন জায়গায় পৌঁছে গেল তখনই তিনি পরিকল্পনার দ্বিতীয় অংশের উপর আমল করা শুরু করলেন। নেপোলিয়নের উক্তি, “প্রতিরক্ষা স্ট্রাটেজী বা প্রতিরক্ষা কৌশলের মর্ম এই যে, ফৌজের জেনারেল সঠিক স্থানে সঠিক সময়ে পৌঁছুবেন। আমি জায়গার মুকাবিলায় সঠিক সময়ে পৌঁছানোকে অধিক গুরুত্ব দিই। কেননা আমার ধারণায় জায়গা তো শত্রুর সঙ্গে লড়াই করে লাভ করা যেতে পারে, কিন্তু যে সময় একবার চলে গেছে, তা আর কখনই হাতে ফিরে আসবে না।” বাস্তব সত্য এই যে, জায়গা সেই সময় সঠিক হবে যখন সময় সঠিক হবে। সময়কে নেপোলিয়ন এজন্যই গুরুত্ব দিয়েছেন যে, সঠিক অর্থাৎ নির্ধারিত সময়ে সঠিক স্থানে পৌঁছানো খুবই জরুরী যেন অধীনস্থ সেনানায়কগণ এটা না মনে করে যে, জায়গামত কয়েক মিনিট পরে পৌঁছা খুব বেশী একটা অনায়াস নয়।

আ'-হযরত (সা) দূরদর্শিতা ও সূক্ষ্মদর্শিতার ক্ষেত্রেই একক ছিলেন না—বরং স্বীয় প্রতিরক্ষা পরিকল্পনার উপর আমল করার ক্ষেত্রেও নেহায়েত স্থির মেজাজ ও সুদৃঢ় ইচ্ছাশক্তির অধিকারী ছিলেন। যদি তাঁর প্রতিপক্ষ অধিনায়ক আবু সুফিয়ানও এসব গুণে গুণান্বিত হ'ত তাহলে ওহদ যুদ্ধ যেখানে হয়েছিল আ'-হযরত (সা)-কে সেখানে অন্য কোন পরিকল্পনার উপর আমল করতে হ'ত। মশহুর উক্তি, যুদ্ধের ময়দানে

বিজয় সুদৃঢ় ইচ্ছাশক্তিরই সহগামী হয়ে থাকে। আর একেই ইংরেজীতে fortune of war বা যুদ্ধের ভাগ্য বলা হয়।

বদর যুদ্ধে আবু জেহলের এবং ওহদ যুদ্ধে আবু সুফিয়ানের দুর্বলতা দৃষ্টে প্রখ্যাত প্রতিরক্ষা পর্যবেক্ষক জোমিনি (Jomini)-এর উক্তি মনে পড়ে। তিনি বলেন, “যুদ্ধ শুধুমাত্র বিজ্ঞান নয় বরং তা রক্তে ভরপুর নাটক।” অর্থাৎ এই নাটকে মানবীয় ফিতরাত (প্রকৃতি)-এর সমগ্র শক্তির কঠিন পরীক্ষা হয়ে থাকে। আর এজন্যই কোন কোন সময় প্রখ্যাত সিপাহসালারের দিল ও দেমাগ তথা মন মগজও কখনো নিরাশা, কখনো সংশয় ও সন্দেহ এবং কখনো কখনো বিপদের শিকার হয়ে পড়ে। কিন্তু যিনি এই পরীক্ষায় পুরোপুরি উত্তীর্ণ হন এবং সর্বাবস্থায় দৃঢ়চিত্ত থাকেন তিনি চিরন্তন খ্যাতি ও মর্যাদা হাসিল করেন। চিরদিনের জন্য তিনি অমর হয়ে থাকেন। এই দু’প্রকার সিপাহসালারের মধ্যে পার্থক্য শুধু এতটুকু যে, শেষোক্তজন প্রকৃতিগত আবেগ ও সজ্ঞাবনাকে সুদৃঢ় ইচ্ছাশক্তি দ্বারা মুকাবিলা করে এর উপর জয়লাভ করেন এবং সঙ্গে সঙ্গে দূশমনকেও পরাজিত করে থাকেন।

আ'-হযরত (সা)-এর ভেতর প্রকৃতিগত আবেগ ছিল। কেননা পরিপূর্ণ আত্মবিশ্বাস সত্ত্বেও তিনি মদদ ও জয়লাভের জন্য দরবারে ইলাহীতে সিজদাবনত হতেন। তিনি চিন্তান্বিতও হতেন কিন্তু কখনো ভীত-সঙ্কস্ত কিংবা পেরেশান হতেন না। তাঁর মধ্যে এই কামালিয়াত ছিল যে, প্রতিরক্ষা কৌশলের আওতায় আত্মরক্ষামূলক লড়াই লড়া সত্ত্বেও প্রতিরক্ষামূলক অগ্রাভিযানও নিজের তরফ থেকেই করতেন এবং একবার তা লাভ করার পর আর হস্তচ্যুত হতে দিতে চাইতে না। এজন্যই দূশমন তাঁর প্রতিরক্ষা চাল মুতাবিক চলাচল ও গতিবিধি নিয়ন্ত্রণে বাধ্য হ'ত। কতক প্রতিরক্ষা পর্যবেক্ষকের পক্ষে এই বলা সম্ভব যে, আ'-হযরত (সা) বদর ও ওহদের যুদ্ধে শত্রুর পশ্চাদ্ধাবন না করে প্রতিরক্ষার স্বীকৃত মূলনীতির পরিপন্থী কাজ করেছেন। এর জবাব প্রথমত এই যে, আ'-হযরত (সা)-এ ব্যাপারেও ইজতিহাদ ও ইমামতের আসনে সমাসীন। অতঃপর পশ্চাদ্ধাবন না করাটা ও যুক্তিসঙ্গততা ও উপযোগিতা বহির্ভূত ছিল না। যে সমস্ত লোক এই সব যুদ্ধে সংঘটিত ঘটনাবলী ও অবস্থাদি গভীরভাবে ভেবে

দেখবেন, তারা অপরিহার্যভাবেই এই সিদ্ধান্তে উপনীত হবেন যে, শত্রুর পশ্চাদ্ধাবন না করাটাই সঠিক ছিল। এতদ্বিধা সে যুগে সৈন্য-বাহিনীর সংখ্যাগত আধিক্য কতক দিক দিয়ে অত্যন্ত গুরুত্বপূর্ণ হ'ত। আজকাল এর পরিমাপ হাওয়াই জাহাজ, সামুদ্রিক নৌ-বহর এবং আধুনিক যান্ত্রিক সমরাস্ত্র সজ্জিত ফৌজের মুকাবিলায় পুরনো যামানার হাতিয়ার দ্বারা সজ্জিত ফৌজের সঙ্গে করা যেতে পারে। দ্বিতীয় বিশ্বযুদ্ধে জার্মান ফৌজের নিকট আধুনিক যান্ত্রিক অস্ত্রসম্পদ অর্থাৎ হাওয়াই জাহাজ ট্যাংক ইত্যাদি ছিল। এজন্য পোল্যান্ডের বীর সৈন্যরা কয়েক দিনের মধ্যেই মরে নিঃশেষ হয়ে যায়। অ'-হযরত (সা) শত্রুর সংখ্যা এবং খালিদের ব্যাটালিয়নের শক্তির সঠিক পরিমাপ সম্পর্কে অবহিত ছিলেন। তিনি তা ছিন্নভিন্ন করেছিলেন স্বীয় সামরিক কূটনীতির দ্বারা এবং নজীরবিহীন সাফল্য লাভ করেন। ওহদ যুদ্ধ প্রকৃতপক্ষে আজকের প্রতিরক্ষা পর্যবেক্ষকদের জন্য জ্ঞান ও অন্তর্দৃষ্টির উপকরণ সরবরাহ করে এবং এর মাধ্যমে অ'-হযরত (সা) প্রতিরক্ষা কৌশল ও সামরিক কলা কৌশলের ও এমন উন্নত নমুনা রেখে যান যা হামেশা হেদায়েতের উজ্জ্বল আলোক-বতিকারূপে কাজ করবে।

এ সব গমওয়া বা যুদ্ধে আরও একটি গুরুত্বপূর্ণ পয়েন্ট অ'-হযরত (সা)-এর সাফল্যে বিশেষ স্থানের দাবীদার, আর তা হ'ল তাঁর দ্রুতগতি নয়--বরং বিদ্যুতগতিসম্পন্ন চলাচল ও গতিবিধি। অ'-হযরত (সা) স্বীয় পরিকল্পনাধীনে বড় বড় বাহিনীকে অত্যন্ত দ্রুততার সঙ্গে চালনা করতে কৃতিত্বপূর্ণ দক্ষতার অধিকারী ছিলেন, ঠিক বিজলী চমকালে চোখ ধাঁধিয়ে যাবার মতই। দূশমন তাঁর বিদ্যুৎসম চলাচল ও গতি-বিধি দৃষ্টে হররান ও পেরেশান হয়ে যেত। নেপোলিয়ন সম্পর্কে তাঁর সৈন্যরা বলাবলি করত : তিনি প্রতিরক্ষার ক্ষেত্রে একটি নতুন মূলনীতি প্রণয়ন করেন এবং তা এই যে, তিনি আমাদের সঙ্গীনগলোর মুকাবিলায় আমাদের পাগুলো থেকে বেশী কাজ আদায় করেন। মনে হয় নেপোলিয়ন, যিনি ইতিহাসের একনিষ্ঠ ও নিবিষ্টচিত্ত পাঠক ছিলেন, এই মূলনীতি অ'-হযরত (সা) থেকেই শিখে থাকবেন। কেননা অ'-হযরত (সা)-ই একমাত্র সিপাহসালার যিনি একে অব-

লঙ্ঘন করে বিস্ময়কর সাফল্য লাভ করেন এবং এমন স্থানে ও এমন সময়ে করেন যেখানে এ ধরনের দ্রুতগতিসম্পন্ন অগ্রাভিযানের কল্পনাও করা যায় না।

রণাঙ্গনে হুশ-বুদ্ধি ঠিক রাখা অত্যন্ত জরুরী। বেশীর ভাগ জয় পরাজয় এরই উপর নির্ভরশীল হয়ে থাকে। সিপাহসালারের হুশ-বুদ্ধি যখনই খেই হারিয়ে ফেলেছে অমনি ফৌজও খতম হয়ে গেছে, সংখ্যাধিক্য কিংবা সমর ও মারণাস্ত্রের প্রাচুর্য তখন কোনই কাজে আসে না। কিন্তু আঁ-হযরত (সা)-এর প্রশান্তি, শৈশ্ব ও উপস্থিত বুদ্ধি পর্যন্ত দুনিয়ার কোন সিপাহসালার আজও পৌঁছয় নি। তীর-শ্দাযদের ভুলে ওহুদে মুসলমানদের বিরুদ্ধে পাশা উল্টালে কিছু জীবন উৎসর্গকারী সৈন্য চিৎকার করে বলে উঠলঃ আগে রসূলুল্লাহ (সা)-কে বাঁচাও। কিন্তু তিনি অন্তর্দৃষ্টি মেলে দেখতে পেয়েছিলেন খালিদের ব্যাটালিয়নের হাত থেকে তিনি নিরাপদ এবং অবশিষ্ট কাফির বাহিনীকে প্রথম পরাজয়ের ধকল কাটিয়ে উঠতে ও ধাক্কা সামাল দিতে এবং পাল্টা আক্রমণ করতে সময় লাগবে। তিনি এও অনুভব করেছিলেন যে, শত্রুর কয়েকজন সেনানায়ক আবু সুফিয়ানের যোগ্যতা ও দক্ষতার প্রশ্নে সন্দেহান। তিনি আপন স্থানে অটল থাকেন, আর শুধু অটলই থাকেন নি বরং একদিকে তিনি মুসলিম বাহিনী পরিচালনাও করতে থাকেন, আবার অপর দিকে তিনি হাতাহাতি যুদ্ধেও লিপ্ত থাকেন। অবশ্য আল্লাহ রব্বুল 'আলামীনের দরবারে এ দু'আ পেশ করেছিলেন অপরিহার্যভাবেই, “ইলাহী! আমার কওমের দোষ-ত্রুটি তুমি মাফ করে দাও।” আর এটাও তো সেই প্রশান্তি ও শৈশ্বেরই আলামত যার বর্ণনা উপরে দেওয়া হয়েছে। এরপর যখন পাল্টা আঘাত হানা হ'ল, দেখা গেল দুষমন ভাগছে। না তাদের সমাবেশ অক্ষুণ্ণ রইল, না রইল তাদের সুদৃঢ় ইচ্ছাশক্তি কিংবা মনোবল।

এতে কোনই সন্দেহ নেই যে, এই পরিস্থিতির বড় কারণ ছিল আঁ-হযরত (সা)-এর সতর্কতা, বুদ্ধিমত্তা এবং সামরিক নৈপুণ্য। অপর দিকে আবু সুফিয়ানের ভুল-ভ্রান্তিও অন্যতম কারণ ছিল। কিন্তু এই ভুল-ভ্রান্তিও আঁ-হযরত (সা)-এর যোগ্যতার কারণেই সংঘটিত

হয়েছিল। উদাহরণত তার বড় একটা ভ্রান্তি ছিল এই যে, সে স্বীয় বাহিনীর জন্য যথেষ্ট খোরাক ও পানীয়ের যথোপযুক্ত ইন্তেজাম করে নি। অল্প স্বল্প যা কিছু করেছিল তা যুবায়র (রা)-এর অখারোহী কোম্পানী ও মুসলিম বাহিনীর হামলায় ছিন্ন ভিন্ন হয়ে যায়। সম্ভবত এটাই কারণ ছিল যে, মুসলিম বাহিনীর বিশৃংখল অবস্থাদৃষ্টে যখন কয়েকটি প্লাটুন মুসলমানদের পরাজয় নিজেদের কামিয়াবী ও সাফল্যের ধারণায় ক্ষুধা-তৃষ্ণায় কাতর অবস্থায় নিজ নিজ ছাউনীর দিকে ফিরে চলেছিল, তখন একের পর এক অন্যান্য প্লাটুনও সেদিকেই গতি ফেরায়। তারা যুদ্ধের চূড়ান্ত ফলাফলের পরওয়াও করে নি। এটা কোন আশ্চর্যের কথা নয়। ১৯৩৯—৪৫ 'ঈসায়ীর যুদ্ধেও এ ধরনের ঘটনা একাধিক দৃষ্টিগোচর হয়েছে এবং তার পরিণতিও তেমনই ক্ষতিকর প্রমাণিত হয়েছে।

একটি ভুল ধারণা

কতক ঐতিহাসিক আ'-হযরত (সা)-এর প্রতিরক্ষা পরিকল্পনার উপর গভীরভাবে চিন্তা-ভাবনা না করেই লিখে দিয়েছেন যে, আ'-হযরত (সা) মদীনার মধ্যে থেকে লড়াই করতে চাইছিলেন, কিন্তু আবদুল্লাহ বিন উবায়্য ইবনে সলুলের পরামর্শে মদীনার বাইরে বেরিয়ে পড়তে উৎসাহিত হন। এই পরামর্শের বর্ণনা ইতিপূর্বেও হয়েছে এবং এর উপর বিভিন্নরূপ মতামতও প্রকাশ করা হয়েছে। এখন এরূপ বর্ণনার ভ্রান্তি কোথায় তা খোলাখুলি প্রকাশ করাই সমীচীন মনে করছি যেন এর দ্বারা আ'-হযরত (সা)-এর দূরদর্শিতা ও নেতৃত্বসুলভ যোগ্যতার উপর যে আঘাত আসছে তা দূরীভূত হয়ে যায়।

এতে কোন সন্দেহ নেই যে, তিনি প্রতিটি গুরুত্বপূর্ণ ব্যাপারেই সাহাবা ও জানী-গুণী এবং বিজ্ঞ মুসলমানদের সঙ্গে পরামর্শ করে নিতেন। উদাহরণত, বদর যুদ্ধের পূর্বে তিনি যে পরামর্শ করেছিলেন তার একটা বড় উদ্দেশ্য এই ছিল যে, যেন এর ফলে দুর্বল ও কমযোর মনের অধিকারী এবং অস্থিরও চঞ্চলমতি লোকদের খুঁজে বের করা যায়। এরপর তিনি এমন লোকদের দৃশ্যমনের সঙ্গে লড়াই করতে

নিম্নে চলেছিলেন যাদের আত্মীয়স্বজন দুশমনের সঙ্গেই ছিল। তিনি পুরোনো সমরনীতির অনুসরণ করতে চাচ্ছিলেন। তাঁকে মদীনা সনদ-এর বর্ণিত শর্তগুলোও পরিবর্তন করতে হবে এবং মিত্র কবীলাগুলোর হেফাজতের যিশ্বাদারীও পুরো করতে হবে। সংবাদদাতা ও গুপ্ত-চরদের প্রদত্ত তথ্যের যথার্থতা অবগত হওয়া ওহদ যুদ্ধের পূর্বের পরামর্শের উদ্দেশ্য ছিল। পরামর্শে আবদুল্লাহ্ বিন উবায়্ন ইবনে সলুলের অংশগ্রহণ এবং তাঁর থেকে অ'আ-হযরত (সা)-এর ব্যাখ্যা-বিশ্লেষণ বিশেষ গুরুত্বের দাবীদার। 'আবদুল্লাহ্ বিন উবায়্ন বিন সলুল ছিল মুনাফিক এবং তার সঙ্গে তিনশ'র মতো লোক ছিল। সে যে শত্রু পক্ষের লোক অ'আ-হযরত (সা) তা জানতেন এবং এও জানতেন যে, সে মুসলমানদের চোখে খুলো দিতে চায়, তাদের করতে চায় প্রতারণা। কিন্তু তবুও তিনি পরামর্শ করলেন এবং এজন্য করলেন যেন শত্রুর পরিকল্পনা সম্পর্কে অবহিত হওয়া যায়। আর ব্যাপারটা তাই ঘটল। যখন সে বলল, মদীনার বাইরে গিয়ে লড়াই করা উচিত তখনি তিনি মুশরিকদের যুদ্ধের চিত্র সম্পর্কে বেশ ভালোভাবেই পরিমাপ করতে পারলেন। এটা বোঝা যে, অ'আ-হযরত (সা) মদীনার অভ্যন্তরে কেবলা-বন্দী থেকে লড়াই করতে চেয়েছিলেন এবং আবদুল্লাহ্ বিন উবায়্ন বাইরে বেরুলেন, স্পষ্টতই দ্রাস্তিপূর্ণ ও হাস্যকর। যদি এমনটি হ'ত এবং তাঁর যদি নিজস্ব প্রতিরক্ষা পরিকল্পনা প্রণীত না থাকত তবে তিনি মদীনা থেকে বহির্গত হলে 'আবদুল্লাহ্ বিন উবায়্ন-এর মজি-মুতাবিক তিক সেই রাস্তাই এখতিয়ার করতেন এবং সেই স্থানে পৌঁছো-তেন যেখানে মুশরিককুল তার মাধ্যমে অ'আ-হযরত (সা)-কে পৌঁছিয়ে-ফাসাতে চেয়েছিল, অথবা তার ইচ্ছা মাফিক না চলতেন তবে মদীনার অভ্যন্তরে থেকেই লড়তেন, কিন্তু ঘটনা উল্লিখিত দু'টো ধারণা-কেই মিথ্যা প্রতিপন্ন করছে এবং পরিষ্কার ঘোষণা দিচ্ছে যে, অ'আ-হযরত (সা) স্বীয় পরিকল্পনা মুতাবিক মদীনা থেকে বহির্গত হন এবং স্থিরীকৃত পরিকল্পনা মুতাবিক শামখায়ন পৌঁছেন। আবদুল্লাহ্ দেখল যে, তার পরিকল্পনা পূর্ণ হবার সম্ভাবনা দেখা যাচ্ছে না। সে সামনে অগ্রসর হতে অস্বীকার করে বসলো। বিগড়িয়ে গিয়ে সে পৃথক হয়ে-গেল। এর থেকে একথার অধিকতর সমর্থন মিলল যে, এই মুনাফিক-

আঁ-হযরত (সা)-কে ধোকা দিতে চেয়েছিল এবং মনে করছিল যে, সে আঁ-হযরত (সা)-কে স্বীয় জালে ফাঁসিয়ে মুশরিকদের পুরস্কারের হকদার হবে। কিন্তু আঁ-হযরত (সা) এই মুনাক্কিকে স্বীয় চাল চলে এমনভাবে মাত করে দিলেন যে, সে আলাদা হয়ে ‘ধোপার কুত্তা, না ঘরকা - না ঘাটকা’ হয়ে রইল। মুসলমানদের সে যেমন কোন ক্ষতি করতে পারল না, তেমনি পারল না মুশরিকদের কোন ফায়দা পৌঁছাতে। ফলে তার পজিশন দু’দিক দিয়েই অধিকতর খারাপ হয়ে গেল।

এ থেকে এই বাস্তব সত্যও দিবালোকের ন্যায় প্রতিভাত হয়ে যায় যে, আঁ-হযরত(সা) পরামর্শের সময় এর আগে কিংবা পরে স্বীয় প্রতিরক্ষা পরিকল্পনার গোপন রহস্য কারও কাছেই প্রকাশ করেন নি। কোন কোন মুজাহিদীনেরও এতে সন্দেহ সৃষ্টি হয়েছিল যে, আঁ-হযরত (সা) আবদুল্লাহ্‌র বলাতেই বুঝি মদীনার বাইরে গিয়ে লড়াই করতে তৈরী হয়েছেন। যদিও তারা পরে তাদের ভুল বুঝতে পেরেছিল এবং তাদের তওবাহ্ করতে হয়েছিল।

কেউ এটা বলতে পারে যে, আঁ-হযরত (সা) যখন স্বীয় প্রতিরক্ষা পরিকল্পনা তৈরী করে নিয়েছিলেন এবং তাঁর উপরই যখন তাঁকে ‘আমল করতে হবে তখন পরামর্শের আর কি প্রয়োজন ছিল। এ পর্যায়ে প্রথমেই এ কথাটা বুঝে নেওয়া উচিত যে, তাঁর প্রতিটি কর্ম, ‘আমল ও বাণী মুসলমানদের জন্য আদর্শ ও উজ্জ্বল দৃষ্টান্ত হিসাবে বিবেচিত। তিনি মুসলমানদের বলতে চেয়েছিলেন যে, গুরুত্বপূর্ণ সামাজিক ও জাতীয় বিষয়ে পরামর্শ করা অপরিহার্য। বাহাছ-মুবা-হাছা বা আলোচনা-সমালোচনা ও বিভিন্নমুখী মতামত পেশের পর যে ফয়সালা গৃহীত হয় তা উৎকৃষ্ট হয়ে থাকে এবং এর পেছনে থাকে জনসমর্থনের নৈতিক শক্তি। দ্বিতীয়ত, এটাও অকাট্যরূপে নিশ্চিত ও অপরিহার্য হওয়া শর্ত নয় যে, এ ধরনের ফয়সালা নির্ভুল ও সঠিক হবেই। নেতা ও আমীর স্বীয় উপলব্ধি ও অন্তর্দৃষ্টি দ্বারা উৎকৃষ্ট কর্মসূচী বানাতে পারেন এবং তার উপর ‘আমলও করতে পারেন। পরামর্শ গ্রহণের অর্থ অপরিহার্যভাবে তা অনুসরণ করতেই হবে এমন নয়।

এ দিক দিয়ে আঁ-হযরত (সা)-এর ব্যক্তিত্ব দুনিয়ার অপরাপর অধিনায়ক থেকে বিলকুল আলাদা। উদাহরণত, নেপোলিয়ন বলেন, ‘আমি যত লড়াই লড়েছি তা কারও সঙ্গে পরামর্শ ব্যতিরেকেই লড়েছি। যদি আমি পরামর্শ নিতাম তবে কামিয়াব ও সফল জেনারেল হতে পারতাম না।’ অর্থাৎ এ যেন তিনি মত্তভেদ ও মত্ত-বৈষম্যের হাত থেকে বাঁচার সহজ তরীকা এখতিয়ার করছেন; কিন্তু এতদসঙ্গে এটাও স্বীকার করা উচিত ছিল যে, ঐ সব লড়াইকে তিনি ব্যক্তিগত লড়াই বানিয়ে নিয়েছিলেন এবং পরিণতি কিংবা ফলাফলের খেয়াল করেন নি। সামনে এগিয়ে তিনি বলছেন, ‘প্রতিটি লোকের মতামত ভিন্ন হয়ে থাকে। কিন্তু স্বাধীন মত পোষণ করা প্রতিটি নাগরিকের জন্মগত অধিকার। তেমনি প্রতিটি জেনারেল নিজ নিজ তরীকায় লড়াই লড়তে চায়। জেনারেল কেলারম্যানের (Kellermen) অভিজ্ঞতাকে আমি স্বীকৃতি দিই এবং নিঃসন্দেহে তিনি দেশের জন্য আমার চাইতেও উৎকৃষ্ট লড়াই লড়তে পারবেন। কিন্তু আমরা দু’জন মিলে গড়বড় সৃষ্টি করব এবং ফলাফল এই দাঁড়াবে যে, আমরা পরাজিত হব। আমার মতে এটাই ফৌজের জন্য উৎকৃষ্ট নীতি যে, মামুলী যোগ্যতাসম্পন্ন একজন অধিনায়ক দু’জন সুদক্ষ ও সুযোগ্য অধিনায়কের চেয়ে উত্তম। অধিকন্তু একজন বাদশাহ্ ও একজন জেনারেলের কার্যক্রমের মধ্যে পার্থক্য এই যে, বাদশাহ্ দূরদর্শিতার সঙ্গে প্রতিটি বিজয়ের ফলাফল ও পরিণতি নিয়ে গভীরভাবে চিন্তা-ভাবনা করেন (অর্থাৎ যুদ্ধে জয়লাভ তার হুকুমতের জন্য কি পরিণতি বয়ে আনবে), কিন্তু জেনারেল স্বীয় প্রতিরক্ষা উদ্দেশ্যের আওতায় শুধুমাত্র জয়লাভ কামনা করে থাকেন।’

আঁ-হযরত (সা) আব্লাহ তা’আলার মনোনীত নবী, মানব জাতির পথপ্রদর্শক এবং মুসলমানদের নেতা ও শাসক ছিলেন। তাঁকে বাদশাহ্ অপেক্ষা অধিক সূক্ষ্ম দৃষ্টি ও দূরদর্শিতার সঙ্গে কর্ম সম্পাদন করা জরুরী ছিল। তাঁর সামনে শুধুই বিজয় এবং কেবল হুকুমতের কল্যাণ ও সুব্যবস্থাপনার খেয়ালই ছিল না, বরং পথদ্রষ্ট মানবতাকে সিরাতুল মুস্তাকীমে নিয়ে আসা এবং ‘আমল ও আখলাকের একটি পরিপূর্ণ নমুনা কায়ম করাও ছিল জরুরী। অতএব তাঁর জন্য পরামর্শ করা যেমন জরুরী ছিল, তেমনি অপরিহার্য ছিল অতীত

উপযোগী ও সঠিকতার উপর 'আমল করে কল্যাণ ও মঙ্গলের শাহী সড়ক উন্মুক্ত করে দেওয়া, সেহেতু তাঁর প্রতিটি ফয়সালা, প্রতিটি কর্ম এবং প্রতিটি বাণী ও আমল জুল ও ছাতির হাত থেকে পাক-পবিত্র তথা সকল সন্দেহ সংশয়ের উর্ধ্ব,। জীবনের প্রতিটি বিভাগ প্রতিটি পর্যায় ও প্রতিটি মনয়িলে আলোক-বতিকাশ্বরূপ। তাঁর গমওয়া বা যুদ্ধসমূহ প্রতিরক্ষা বিভাগের ছোট-বড় প্রতিটি সদস্যের জন্য নমুনা ও দৃষ্টান্তের মর্যাদা রাখে। আত্মবিশ্বাস সৃষ্টি, উদ্ভাবনী শক্তি, চিন্তা ও গবেষণা, সুযোগ-সন্ধানী ও দৃঢ়তা এবং দূশমনের পরিকল্পনাকে স্থায়ী কর্মকৌশল দ্বারা বানচাল করে দেওয়া যে কোন জেনারেলের জন্যই কেবল নয়—প্রতিটি মানুষের কামিয়াবী ও সাফল্যের জন্যও অপরিহার্য।

এটি একটি সর্বজনস্বীকৃত বিষয় যে, অ'ই-হযরত (সা) নিজ প্রতিরক্ষা পরিকল্পনা অত্যন্ত সাহসিকতার সঙ্গে কার্যকর করেন। তাঁর সামনে ডানে ও বামে ছিল দূশমন। প্রতিরক্ষা কেন্দ্র মদীনা এবং তাঁর ফৌজের মধ্যভাগে ছিল শত্রু বাহিনী। অদম্য ইচ্ছাশক্তি ও স্বৈর্ঘ্যের পরীক্ষার ছিল নেহায়েত নাযুক সময়। কিন্তু এর থেকে পরিষ্কার প্রতিভাত যে, এমন পরিকল্পনা কেবল তেমন একজন অধিনায়কই তৈরী করতে পারেন এবং তার উপর 'আমল করতে পারেন যিনি পাহাড়সম ইচ্ছা-শক্তি, মনোবল ও স্বৈর্ঘ্যের প্রতিমূর্তি হবেন। একটু আগে উল্লেখ করা হয়েছে যে, অ'ই-হযরত (সা) কেবল সিপাহসালারই ছিলেন না, তিনি সম্রাটও ছিলেন; ধর্মীয় ইমাম এবং মহাবীর নেতাও ছিলেন। এজন্য তাঁকে স্থায়ী পরিকল্পনা প্রণয়নের মুহূর্তে কতক প্রতিরক্ষা নীতিকে রাজনৈতিক মূলনীতির আওতায় করতে হয়েছে। অ'ই-হযরত (সা) এমন অবস্থায় নির্দোষ ও সর্বাপেক্ষা সফল প্রতিরক্ষা পরিকল্পনা প্রণয়ন করে দুনিয়ার সামনে প্রমাণ করে দেন যে, এক্ষেত্রেও তিনি একক বৈশিষ্ট্যসম্পন্ন সিপাহসালার।

অ'ই-হযরত (সা)-এর ব্যক্তিসত্তা ও প্রশংসিত গুণাবলী এর থেকে উর্ধ্ব যে, তাঁর প্রশংসার জন্য কোন পাখিব রাজা-বাদশাহর সম্পর্কিত প্রশংসামূলক বর্ণনা ও বিরূতি সমর্থন ও সনদ হিসাবে পেশ করা হাক। তথাপি যেহেতু আমরা প্রতিরক্ষা কৌশল ও সামরিক

নৈপুণ্যের সিলসিলায় পাশ্চাত্যের বর্তমান ও অতীত অধিনায়ক ও প্রতিরক্ষা পর্যবেক্ষকদের চিন্তাধারা ও পর্যবেক্ষণ থেকে উপকার গ্রহণ করে আসছি এবং এজন্য তা করে আসছি যে, তা পেশ করায় দোষের কিছু দেখতে পাই নি। যুরোপের একজন সুযোগ্য প্রতিরক্ষা পর্যবেক্ষক একজন বাদশাহ্‌র প্রশংসা নিম্নলিখিত ভাষায় করেছেন :

“সিপাহসালার হিসাবে তিনি নিজের বহু সমসাময়িক অপেক্ষা উত্তম ও অগ্রগামী ছিলেন। যুদ্ধের ময়দানে বিজয়ী হওয়া এবং শোহরত হাসিল করার জন্য তিনি লালায়িত ছিলেন না। সেসব সিপাহসালারের প্রতিও তাঁর কোন ঈর্ষা ছিল না যারা এক্ষত্রে বিশ্বজেঁড়া খ্যাতির অধিকারী ছিলেন। যুদ্ধ ছিল তাঁর নিকট বিশেষ একটি লক্ষ্য হাসিলের মাধ্যমমাত্র, আর সে লক্ষ্য ছিল শান্তির লক্ষ্য। যুদ্ধের ময়দানে তিনি বহু বিজয় লাভ করেছেন। কিন্তু এমন কয়েকটি অভিযানেও অংশ নেন যেগুলো তিনি অঙ্গীকারনামার দ্বারা জয় করেন এবং এ বিজয় তাঁর নিকট যুদ্ধক্ষেত্রের বিজয় অপেক্ষা অধিকতর গুরুত্বপূর্ণ ছিল। এজন্যই তিনি অন্যান্য সিপাহসালারের চাইতে ব্যতিক্রমী ছিলেন।”

গভীরভাবে ভেবে দেখুন যে, এই অভিনন্দন ও প্রশংসার পাত্র কি অ’-হযরত (সা) হন না? যেহেতু এই রায় এবং এই প্রশংসাকে পাশ্চাত্য দুনিয়াতে দৃষ্টান্তমূলক ব্যক্তিত্বের তা’রীফ মনে করা হয়, এজন্যই আমরা সেটা এখানে পেশ করতে সাহসী হয়েছি। আজকাল পাশ্চাত্যের রায় ও মতামতকে সর্বাধিক গুরুত্বপূর্ণ ও নির্ভরযোগ্য মনে করা হয়। অন্যথায় যেমন আমরা লিখেছি, অ’-হযরত (স)-এর ব্যক্তিসত্তা এত উন্নত ও মহান যে, অপর কাউকে মুকাবিলায় এনে তাঁকে দৃষ্টান্ত হিসাবে খাড়া করা অত্যন্ত গোস্বাখী এবং বেয়াদবী বৈ কিছু নয়। ষা-ই হোক এর অর্থ এই যে, অ’-হযরত (সা) পাশ্চাত্যের প্রতিরক্ষা পর্যবেক্ষকদের দৃষ্টিভঙ্গী ও মাপকাঠিতেও একজন পূর্ণাঙ্গ সিপাহসালার এবং একজন পরিপূর্ণ সম্রাট। বস্তুত নেপোলিয়ন তো এমন প্রতিটি ব্যক্তিকেই শ্রেষ্ঠত্ব ও উন্নত মর্যাদার অধিকারী মনে করেন—“যিনি বিপদ-আপদের মুকাবিলায় সদা প্রস্তুত এবং যিনি এ পরিমাপও করতে পারেন, কোন্ সময় বিপদাপদের মুখোমুখি হওয়া যায়। তাঁর (সিপাহ-সালারের) এই বৈশিষ্ট্য অন্য সব বৈশিষ্ট্য থেকে উত্তম ও শ্রেষ্ঠ।”

কেননা এমনটি করার যোগ্যতা তাঁকে বিরাট থেকে বিরাটতর কৃতিত্বপূর্ণ দানিত্ব আঞ্জামে দক্ষ বানিয়ে তোলে।” অর্থাৎ পূর্বাভাস ও সঠিক ফয়সালায় যোগ্যতা এতখানি গুরুত্ব রাখে যে, নেপোলিয়ন এর অধিকারীকে পরিপূর্ণ সিপাহসালার হিসাবে মেনে নিচ্ছেন।

এখন অ’-হযরত (সা)-এর যোগ্যতা ও বৈশিষ্ট্যগুলো সমরণ করুন এবং তাঁর মহান মর্যাদার সমুন্নতির পরিমাপ করুন, অন্য কোন সিপাহসালার কি তাঁর মর্যাদায় উপনীত হতে পারেন? সে যুগে যুদ্ধের তরীকা-পদ্ধতি এই ছিল যে, বিবদমান ও সংঘর্ষমুখর দু’টো দল একে অপরের সামনে খাড়া হয়ে যেত। কিন্তু অ’-হযরত (সা) সেই তরীকা-পদ্ধতি এখতিয়ার করেন আজকের বিশ্বের প্রথিতযশা সামরিক বিশেষজ্ঞগণ যাকে আধুনিক ও প্রগতিশীল যুদ্ধ-পদ্ধতি বলেন। সবগুলো যুদ্ধে আবার একই পছা ও পদ্ধতি অনুসরণ করা হয়নি, বরং মোর্চাবন্দী পরিকল্পনায় প্রতিবারই নতুনত্ব ছিল। বদরে অ’-হযরত (সা) মুসলিম বাহিনীকে দশমনের এক পাশ্বে (flank) মোতায়েন করেন, ওহুদে শত্রুর পরিকল্পনাকে ব্যর্থ ও বানচাল করার জন্য তাদের প্রতিরক্ষা কেন্দ্র ও তাদের বাহিনীর মধ্যখানে মোর্চাবন্দী করেন। আজকের দুনিয়ায় এমন অভিজ্ঞতাসুলভ সৈন্যাচালনা ও মোর্চাবন্দীর উদাহরণ আমরা জার্মানী, রাশিয়া এবং মিত্রবাহিনীর সেসব ফ্রন্ট পেতে পারি যা তারা ১৯৩৯-৪৫ ইসরাইলি যুদ্ধে কয়েকবার করেছিল। কিন্তু এ ধরনের যুদ্ধ চলাকালে পরাজিতের ক্ষেত্রে প্রতিরক্ষার কোন কল্যাণ অথবা কোন সামরিক মূলনীতির আওতায় ফৌজকে পেছনে সরানো বড় কঠিন হয়ে পড়ে। এজন্য এর উপর কেবল সেই অধিনায়কই আমল করতে পারেন যিনি সমরশাস্ত্রে পরিপূর্ণরূপে অভিজ্ঞ, অদম্য ইচ্ছাশক্তি ও মনোবলের অধিকারী এবং তেজোদৃপ্ত ও নিভীক হবেন।

ওহুদের পর : রাজী’র ঘটনা

ওহুদ যুদ্ধের ফলে আরব কবীলাগুলোর মধ্যে একটা অস্থির ও অস্বস্তিকর অবস্থা ছড়িয়ে পড়ে। তাদের মন-মানসে কুরায়শদের যবরদস্ত বাহিনী দৃষ্টে বিরাট প্রতিক্রিয়া সৃষ্টি হয় এবং অ’-হযরত

(সা)-এর বিরুদ্ধে তাদের হিম্মত দানা বাঁধতে শুরু করে। যাহূদীরা এই সুযোগে ফায়দা উঠাতে চেষ্টা করে এবং মুশরিকদের সঙ্গে মিলিত-ভাবে মুসলমানদের দুর্বল ও কমযোর বানানোর পরিকল্পনা তৈরী করে। মুসলমানদের শক্তি ও সংহতিকে পরাভূত করে খতম করে দেওয়াই ছিল তাদের উদ্দেশ্য।

এই পরিকল্পনার আওতায় 'আযল ও কারা' নামক দু'টি গোত্রের একটি দল আ'-হযরত (সা)-এর খেদমতে এসে হাখির হয় এবং আরম্ভ পেশ করে : আমাদের কওম যদিও ঈমান এনেছে, কিন্তু তাদের ভেতর অনেক লোকই ইসলামের হুকুম-আহকাম সম্পর্কে আদৌ অবহিত নয়। অতএব দীন সম্পর্কে জানে এবং এতদসম্পর্কে যোগ্য ও অভিজ্ঞ কিছু লোক আমাদের সাথে পাঠিয়ে দিন। তারা আমাদেরকে দীনের কথা শেখাবে এবং শরীয়তের হুকুম-আহকাম সম্পর্কে অবহিত করবে। আ'-হযরত (সা) 'আসেম বিন ছাবিত (রা)-এর নেতৃত্বে দশজন সাহাবাকে তাদের সঙ্গে পাঠিয়ে দেন। এ সমস্ত লোক যখন সাহাবাদের এই ক্ষুদ্র দল সঙ্গে নিয়ে রাজী নামক স্থানে পৌঁছুল, এটি ছিল 'উসফান ও মক্কার মধ্যবর্তী হদাত-এর পাদদেশে একটি ঝর্ণা—তখন তারা প্রতিজ্ঞা ভঙ্গ করে বনী লেহ্ ইয়ানকে ইঙ্গিত দেয় এদেরকে শেষ করে দিতে। বনু লেহ্ ইয়ান দু'শো সশস্ত্র লোক, যাদের দেড়শ'ই ছিল তীরন্দায়, সঙ্গে নিয়ে মুসলমানদের ঘেরাও করে এবং তাঁদেরকে আত্মসমর্পণের আহ্বান জানায়। সাহাবাগণ একটি টিলায় গিয়ে আশ্রয় নেন। কাফিররা বলল, 'তোমরা নীচে নেমে এস, আমরা তোমাদেরকে আশ্রয় দিচ্ছি।' সাহাবাগণ উত্তরে জানালেন, "আমরা কাফিরদের আশ্রয় অস্বীকার করছি।" এই বলে তাঁরা আত্মরক্ষার জন্য সামান্য যা কিছু অস্ত্রশস্ত্র সঙ্গে ছিল তাই নিয়ে প্রস্তুত হলেন। প্রথমে তাঁরা তীর বর্ষণ করলেন। তীর ফুরিয়ে যাবার পর নেয়ার সাহায্যে লাড়লেন এবং এভাবে লাড়াই করে আটজন সাহাবাই শাহাদত বরণ করেন। কাফিররা অবশিষ্ট দু'জন সাহাবীকে অন্য় দিল, "আমরা তোমাদের জানে মেরে ফেলব না।" তাঁরা নীচে অবতরণ করলে তাঁদেরকে-কয়েদ করা হয় এবং নিয়ে যাওয়া হয় মক্কায়। এরপর কুরায়শদের হাতে তাঁদেরকে গোলাম হিসেবে বিক্রি করে দেয়। এঁদের মধ্যে এক-

জনের নাম ছিল খুবায়ব বিন 'আদী (রা) আর অপর জনের নাম ছিল যায়দ বিন ওয়াছনা (রা)। হযরত খুবায়ব (রা) ওহদ যুদ্ধে হারিছ বিন আমেরকে কতল করেছিলেন। তাঁকে হারিছের পুত্ররা পিতার প্রতিশোধে হত্যা করার মানসে কিনে নেয়। যায়দকে সাফওয়ান বিন উমায়্যা হত্যার নিয়তে খরিদ করে। এর কয়েক দিন পর কাফিররা এই দুইজন সাহাবীকে মক্কার হারাম শরীফের বাইরে নিয়ে যায় এবং বলে, “যদি ইসলাম পরিত্যাগ করো তবে তোমাদের জীবন ভিক্ষা দেওয়া যেতে পারে।” তাঁরা জবাব দেন, “যদি ইসলামই না থাকল তবে জীবন নিয়ে কি হবে?” খুবায়ব (রা) দু'রাকাত সালাত আদায় করেন। এরপর তিনি নিজেকে শাহাদতের মহান গৌরবের জন্য পেশ করেন। কাফিররা শূলে চড়িয়ে তাঁকে হত্যা করে। যায়দ বিন ওয়াছনা (রা)-এর কতলের দৃশ্য দেখবার জন্য কুরায়শদের বড় বড় সর্দার এসেছিল। তাদের মধ্যে আবু সুফিয়ানও ছিল। ইনি বদর ও ওহদ যুদ্ধে কয়েকজন কুরায়শকে মরণের ওপারে পাঠিয়ে দিয়েছিলেন। এভাবেই অকুতোভয়ে একমাত্র আব্লাহুর জন্যই তিনি নিজের জীবন বিক্রি করে দিলেন।

বীরে মা'উনার ঘটনা

ওহদের যুদ্ধের চার-পাঁচ মাস পরের কথা। সফর মাস। আবু বরা' 'আমের বিন মালিক বিন জা'ফর বনী 'আমেরের রুদস। নেযাবাজীতে সে ছিল অত্যন্ত সুদক্ষ। রসুল আকরাম (সা)-এর পবিত্র খেদমতে হাযির হয়ে বহু হাদিয়া তোহফা পেশ করে। যদিও সে তখনো মুসলমান হয়নি তথাপি সে মুসলমানদের দৃশমনও ছিল না। আ'-হযরত (সা) কিন্তু তার হাদিয়া কবুল করেন নি এবং বলেন, “আমি কখনও কোন মুশরিকের হাদিয়া কবুল করি না।” অনেক পীড়াপীড়ির পর তিনি তাকে ইসলামের দাওয়াত দেন। আবু বরাত 'আমের ইসলামের দাওয়াত ও ঈমানের তালকীন শুনে নিশ্চুপ হয়ে যায়। কিছুক্ষণ পর আরজী পেশ করে, “আপনার দীন খুবই ভালো। কিন্তু আরও ভাল হবে যদি আপনি আপনার কিছু নির্বাচিত সাহাবা(রা)-কে নজদ-এ পাঠিয়ে

দেন। সেখানে গিয়ে তারা নজদবাসীদের ইসলামের দাওয়াত দিতে পারবে। আমি আশা করি সে সব লোক এ দাওয়াত কবুল করবে।’ অ’-হযরত (সা) বলেন, ‘আমার লোকদের তারা কষ্ট দেবে বলে আমি আশংকা করছি।’ আবু বরা’ বললো, ‘আমি তাদের হেফাজতের সার্বিক দায়িত্ব নিজের জিম্মায় গ্রহণ করছি। এই ওয়াদার উপর ভরসা করে অ’-হযরত (সা) চব্বিশ জনের মত সাহাবা (রা)-এর একটি প্রতিনিধি দল গঠন করে মুনিয়র বিন ‘আমর আনসারীর নেতৃত্বে প্রেরণ করেন। তাদেরকে নজদের শাসনকর্তা ‘আমের বিন তোফায়লের নামে একটি চিঠি লিখে দেন যেন অ’-হযরত (সা)-এর তরফ থেকে বন্ধুত্বের নিদর্শন হিসাবে তাকে এটি দেওয়া হয়।

এ কাফেলা মদীনা থেকে চার মনঘিল দূরে বীরে মা’উনা নামক স্থানে পৌঁছলে কাফেলার সর্দার অ’-হযরত (সা)-এর লিপি মুবারক একজন কাসেদ মারফৎ ‘আমের বিন তোফায়লের নিকট পাঠিয়ে দেন এবং নিজে স্বয়ং সেখানেই অবস্থান করেন। কাসেদ হারাম বিন য়ালমান লিপি মুবারক নিয়ে পৌঁছলে নজদের শাসনকর্তা সেটাকে ছিড়ে টুকরো করে ছুড়ে ফেলে দেয় এবং কাসেদকে পাকড়াও করে হত্যা করে ফেলে। সঙ্গে সঙ্গে একটি বাহিনীসহ বীর মা’উনা হানা দেয়। বীর মা’উনা ছিল বনী ‘আমের এবং বনী সলীম-এর প্রস্তরময় এলাকার মধ্যবর্তী স্থানে। নজদের শাসনকর্তা বনী ‘আমেরকেও মুসলমানদের বিরুদ্ধে উত্তেজিত করতে কুরায়শ চেষ্টা করে, কিন্তু যেহেতু আবু বরা’ এই প্রতিনিধি দলকে আশ্রয় দিয়েছে সেজন্য তারা ওয়াদা ভঙ্গ করতে অক্ষমতা প্রকাশ করে; এদের থেকে নিরাশ হয়ে ‘আমের বিন তোফায়ল বনী সলীমের নিকট যায়। তারা ‘আমেরের কথায় সম্মতি প্রকাশ করে। অতঃপর তারা মুসলমানদের উপর নিদ্রিতাবস্থায় হামলা করে। মুসলমানগণ অত্যন্ত বীরত্বের সঙ্গে মুকাবিলা করেন। কিন্তু যেহেতু শত্রুরা সংখ্যায় ছিল অধিক আর হামলাও ছিল একেবারে অতিক্রম ও আকস্মিক, ফলে একজন মুসলমান বাতীরকে আর সবাই শহীদ হন। যিনি বেঁচেছিলেন তিনি আহত হয়ে শহীদবর্গের লাশের নীচে চাপা পড়ায় দূশমনের অগোচরে থেকে যান। মওকা মিলতেই তিনি সেখান থেকে পালিয়ে যান।

সে সময় ঘটনাক্রমে বনী 'আমর বিন 'আত্তফ-এর মুসলমান, যাদের সদাঁর ছিলেন 'আমর বিন উমায়্যা আল-দামিরী এবং তাদের বন্ধু আনসারী বনু সলীম-এর সীমারেখার মধ্যে অবস্থান করছিলেন। তারা বিভিন্ন জাতের পাখী একই স্থানে চক্রাকারে ঘুরতে দেখেন। কারণ অনুসন্ধান করতে গিয়ে দেখতে পান মুসলিম শহীদদের লাশ স্তূপীকৃত অবস্থায় পড়ে আছে। শত্রু বাহিনী সেখানেই বর্তমান ছিল। প্রথমে তারা নিজেদের মধ্যে পরামর্শ করে এবং মদীনায় গিয়ে আ'-হযরত (স)-কে এতদসম্পর্কে অবহিত করার ব্যাপারটা ভেবে দেখে। 'অতঃপর আমরা দুশমনের ভয়ে পালিয়ে এসেছি'— কেউ হয়তো এমন ধারণা করতে পারে ধারণায় প্রথমে তারা তীরের সাহায্যে আক্রমণ চাভান। পরে হাতাহাতি লড়েন। এতে আনসারী শাহাদত বরণ করেন এবং 'আমরকে দুশমন গ্রেফতার করে 'আমের বিন তোফায়লের সামনে পেশ করে।

'আমের বিন তোফায়ল মুসলমানদের থেকে বদলা নেবার সাফল্যে একটি গোলাম আযাদ করার মানত মেনেছিল। অনন্তর সে 'আমরকে মুদার গোত্রের লোক জেনে তাঁর কপালের কিছু চুল কেটে তাঁকে আযাদ করে দেয়।

'আমর বিন উমায়্যা সেখান থেকে রওয়ানা হয়ে কানাত পৌঁছেন। তিনি কারকুরাহ্‌র উচ্চতায় আরোহণ করে একটি গাছের ছায়ায় বসতেই অপর দিক থেকে দু'জন লোক আসতে দেখতে পান। তাদেরকেও বিশ্রাম নিতে দেখা গেল। 'আমর (রা) তাদের পরিচয় জিজ্ঞেস করলেন। জবাবে তারা নিজেদেরকে 'আমের গোত্রের লোক বলে জানায়। এ কথা শ্রবণ মাত্রই তিনি নিশ্চুপ হয়ে যান। কিছুক্ষণ পর লোক দু'জন শুয়ে পড়লে 'আমর (রা) প্রতিশোধের নিমিত্ত তাদের উভয়কেই হত্যা করে ফেলেন।

এরপর মদীনায় পৌঁছে 'আমর (রা) সমস্ত ঘটনা আ'-হযরত (স)-কে বলেন। 'আমের গোত্রের দু'জন লোকের হত্যার খবর শুনে তিনি মন্তব্য করেন, 'আমাকে ঐ দু'জনের হত্যার বিনিময়ে রক্তপণ আদায় করতে হবে।'

এদিকে আবু বরা' বনী 'আমেরের ওয়াদা-খেলাফীর কথা জেনে খুবই দুঃখিত ও মর্মান্বিত হন এবং তার খান্দানের কতিপয় লোক-পাল্টা জবাবে 'আমের বিন তোফায়েলকে হত্যার সিদ্ধান্ত নেয়। 'আমের বিন তোফায়েল আক্রান্ত হয়ে আহত অবস্থায় প্রাণে বেঁচে যায়।

বনু নাযীর

মদীনার দক্ষিণ-পশ্চিম দিকে প্রায় পাঁচ মাইল দূরত্বে বনী নাযীরের বসতি ছিল। বনু নাযীর এবং বনু 'আমেরের মধ্যে ছিল পারস্পরিক মিত্রতা। বনী 'আমেরের দু'জন লোকের হত্যা ঘটনার ভিত্তিতে তিনি হযরত 'আলী (রা), হযরত 'ওমর (রা) এবং হযরত আবু বকর সিদ্দীক (রা)-কে সঙ্গে নিয়ে বনী নাযীর-এর পাড়ায় তশরীফ নেন। নিজেদের আগমনের উদ্দেশ্য ব্যক্ত করতে গিয়ে তিনি বলেন, "আমর বিন উমায়্যা ভুলবশত বনু 'আমেরের দু'জন লোককে কতল করে ফেলেছে। বনী 'আমেরকে আমি নিরাপত্তার আশ্বাস দিয়েছিলাম। এজন্য আমি তাদের রক্তপণ দিতে ইচ্ছুক।" বনু নাযীর সে মুহূর্তে মুখ ফুটে কিছু বলল না বটে, কিন্তু আড়ালে আবড়ালে ফিসফিস চলতে লাগল। অ'-হযরত (সা) সে সময় দেওয়ালে পিঠ লাগিয়ে বসেছিলেন। ফলে তারা অ'-হযরত (সা)-কে উপর থেকে পাথর ফেলে একেবারে সাবাড় করে দেবার ষড়যন্ত্র করে। তিনি এই ষড়যন্ত্র টের পেয়ে যান! অতএব তিনি কোন এক অজুহাতে সেখান থেকে উঠে আসেন এবং অবশিষ্ট সাহাবা সেখানে বসে থাকেন। অনেকক্ষণ অপেক্ষা করার পরও তিনি না আসায় তাদের মনে চিন্তার উদ্রেক হয়। আশেপাশে তাল্লাশ শুরু হ'ল, কিন্তু কোথাও সন্ধান পাওয়া গেল না। তারা মদীনায় ফিরে চললেন। এসে দেখতে পান অ'-হযরত (সা) মসজিদে তশরীফ রেখেছেন। সাহাবারা নিজেদের দৃষ্টিভঙ্গি ও আশংকার কথা ব্যক্ত করলে তিনি বললেন, 'সাহূদীরা আমাদের হত্যার পরিকল্পনা এঁটেছিল। আমি তা জানতে পেরেছিলাম।

অতএব এর ভেতরই মঙ্গল দেখতে পেয়েছিলাম যে, আমিই শুধু তাদের হাত থেকে প্রাণ বাঁচিয়ে আসব না, তোমরাও নিরাপদ থাকবে। এজন্য আমি একাই শুধু উঠে এসেছি। আর যদি সবাই এক সঙ্গে উঠতাম তাহলে পরিকল্পনা ব্যর্থ হতে যাচ্ছে দেখে নিরাশ হলে অবশেষে আমাদের সংখ্যাগরিষ্ঠতা দৃষ্টে অতিক্রমে হামলা করে বসত।'

বণিত আছে, যে মুহূর্তে বনু নাযীর এই পরামর্শ করছিল যে, পাথর নিক্ষেপ করে অ'ই-হযরত (সা)-কে চিরতরে খতম করে দেওয়া হবে তখন সালাম বিন মাশকাম-এর প্রবল বিরোধিতা করে এবং বলে যে, এর ফলে মুসলমানরা তাদের বিরুদ্ধে যুদ্ধ ঘোষণা করে বসবে। কিন্তু যাহুদীরা তা মানে নি। 'আমর বিন জাহাশ যখন পাথর নিক্ষেপের জন্য বাড়ীর ছাদে আরোহণ করছিল অ'ই-হযরত (সা) সেখান থেকে সে মুহূর্তে উঠে চলে গিয়েছিলেন।

এরপর অ'ই-হযরত (সা) মুহাম্মাদ বিন মানলামাকে ডেকে পাঠান এবং বলেন : বনু নাযীরের যাহুদীদের গিয়ে বল তারা কেবল ওয়াদা ভঙ্গই করেনি, দাগাবাজীও করেছে; অতএব তারা যেন অনতিবিলম্বে এ বন্দী ছেড়ে চলে যায় এবং মদীনার ধারে কাছেও না থাকে।

মুহাম্মাদ বিন মানলামা যাহুদীদেরকে অ'ই-হযরত (সা)-এর পয়গাম পৌঁছলে প্রথমে তারা নিজেদের লোকদেরকে আবেগোত্তেজিত করতে সাধ্য মতো চেষ্টা চালায় এবং বলে : কোন ব্যক্তি সম্পর্কে আমাদের এ আশা ছিল না, আর আমরা ভাবতেও পারিনি যে, সে আমাদের পুরনো চুক্তিপত্র ভঙ্গ করবে, আমাদের বাপ-দাদার ভিটে-মাটি ছেড়ে যাবার দাবী জানাবে এবং আওস গোত্র ধর্ম পরিবর্তনের সঙ্গে সঙ্গে এতখানি বদলে যাবে। যা-ই হোক আমরা এ ব্যাপারে চিন্তা-ভাবনা করে দেখব। সম্ভব হলে এ ধরনের শক্ত আদেশ পালন করা কঠিন হলেও বরদাশ্ত করব।

এদিকে 'আবদুল্লাহ বিন উবায় ইবনে সলুল তাদেরকে বলে পাঠায়, "তোমরা কখনই নিজেদের বন্দী পরিত্যাগ করো না। আমার সঙ্গে দু'হাজার আরবের একটি জনসমষ্টি রয়েছে। তোমাদের জনশক্তিও রয়েছে যথেষ্ট। এ ছাড়া বনী কুরায়জাও তোমাদের মদদ দেবার জন্য ঠৈরী আছে।"

বনী কুরায়জা ও অ'ই-হযরত (সা)-এর মধ্যে চুক্তি বলবৎ ছিল এবং কা'ব বিন আসাদ চুক্তিপত্রে বনী কুরায়জার পক্ষে দস্তখত করে-ছিল। সে বলে পাঠায়, “যতক্ষণ পর্যন্ত আমি জীবিত আছি ততক্ষণ আমার কবিলার কোন লোক এই চুক্তিনামার পরিপন্থী কোন কাজ করতে পারে না।” সালাম বিন মাশকাম হই বিন আখতাবকে অ'ই-হযরত (সা)-এর নির্দেশ তা'মিল করতে বলে। কিন্তু সে পরামশ কানে তোলে নি। সে অ'ই-হযরত (সা)-এর খেদমতে জুদী বিন আখতাবের মাধ্যমে বলে পাঠায়, “আমরা আপনার হুকুম পালন করব না। আপনার যা ইচ্ছা করতে পারেন।” এ ছিল যুদ্ধেরই দাওয়াত। তিনি এ দাওয়াত কবুল করেন। অ'ই-হযরত (সা)-এর মুখে যুদ্ধের ঘোষণা শ্রবণ মাত্র জুদী বিন আখতাব ইবনে উবায় ইবনে সলুলের নিকট গেল। সে সমগ্র ইবনে সলুল নিজের কতিপয় বন্ধু-বান্ধব নিয়ে বসে ছিল। আর ওদিকে অ'ই-হযরত (সা)-এর নকীব (ঘোষক) লোকদেরকে যুদ্ধ প্রস্তুতি গ্রহণের সংবাদ দিচ্ছিল।

জুদী দেখল যে, আবদুল্লাহ্ বিন উবাই ইবনে সলুলের পুত্র 'আবদুল্লাহ্ স্বীয় পিতার সামনেই ঘরে প্রবেশ করল এবং হাতিয়ার নিয়ে মুজাহিদদের কাতারে গিয়ে शामिल হ'ল। এই দৃশ্যে জুদী হতাশ অবস্থায় হুইয়ের নিকট পৌঁছল এবং তাকে গোটা ঘটনা খুলে বলল।

অ'ই-হযরত (সা) স্বীয় বাহিনী সমেত বনু নাযীরের পাড়া অবরোধ করেন। পনের দিন অবরোধের পর য়াহুদীরা সন্ধির দরখাস্ত পেশ করে। অ'ই-হযরত (সা) এই শর্ত পেশ করেন যে, যে পরিমাণ সামান-আসবাব উটের পিঠে উঠিয়ে নিয়ে যাওয়া সম্ভব নিয়ে নির্বাসনে চলে যাও, কিন্তু হাতিয়ার নিতে পারবে না। য়াহুদীরা এই শর্ত মেনে নেয় এবং সেখান থেকে চলে যায়।

গাতফান গোত্র

এই অভিযানের পর অ'ই-হযরত (সা) কিছু কাল মদীনায় অতি-বাহিত করেন। কিন্তু নজদ এলাকার অশান্তি ও ক্ষেতনা ক্রমেই বেড়ে

চলেছিল। অতএব তিনি মুজাহিদ বাহিনীসহ নজদের দিকে রওয়ানা হন। বনু নাযীরকে মদীনা থেকে বহিষ্কার করার কারণে সমস্ত যাহুদীর মধ্যে ভীষণ রকমের বে-চইনী ও অস্থির অবস্থা ছড়িয়ে পড়ে। তারা মদীনায় আগমনকারী কাফেলাগুলো দু'মাতুল জাম্পালের আশেপাশে লুটেতে শুরু করে। মদীনার খাদ্যসোর ব্যবসা-বাণিজ্য ক্ষতিগ্রস্ত করাই ছিল তাদের উদ্দেশ্য। এ ছাড়া তারা নজদের বিভিন্ন গোত্রকে আঁ-হয়রত (সাঁ)-এর বিরুদ্ধে উত্তেজিত শুরু করে এবং মদীনাগামী কাফেলাগুলোকে লুটপাটের উদ্দেশ্যে গাতফানের কতিপয় গোত্রকে বিশেষভাবে তৈরী করে তাদেরকে টাকা-পয়সার লোভ দেখায়। ফলে তারাও মুসলমানদের বিরুদ্ধে লেগে যায়।

মুজাহিদ বাহিনী নিয়ে নাখলা নামক স্থানে পৌঁছে তিনি এক দিকে গাতফানের বনু মাহারিব ও বনু ছা'লাবা কবিলার সামরিক প্রস্তুতির খবর পান। অপর দিকে এই সংবাদও এসে যায় যে, কুরায়শদের একটি তেজারতী কাফেলা নজদের রাস্তা হয়ে মক্কার দিকে যাচ্ছে। এ কাফেলা সিরিয়ার দিক থেকে এসেছিল এবং তিনি নাখলা পৌঁছুতে পৌঁছুতে কাফেলা মক্কার দিকে অনেক দূরে অগ্রসর হয়ে গিয়েছিল। অনন্তর তিনি আবু সুফিয়ানের রণ প্রস্তুতির খবরও পেয়েছিলেন। আবু সুফিয়ান একটি বিরাট বাহিনীসহ বদরের দিকে অগ্রসর হতে চাচ্ছিল। অতএব গাতফানের কবিলাগুলোকে প্রভাবিত করবার জন্য কয়েক দিন তিনি নাখলা-এ অবস্থান করেন। এর প্রভাব তাদের উপর পড়ে। এরপর বিদ্যমান সময় ও অবস্থার প্রেক্ষিতে মদীনায় ফিরে যাওয়া এবং তেজারতী কাফেলার পশ্চাদ্ধাবন না করাই তিনি সমীচীন মনে করেন। গাতফানের কবিলাগুলোর তরফ থেকে যখন সম্পূর্ণরূপে নিশ্চিত হয়ে গেলেন এবং তারা শয়তানী আচরণ থেকে বিরত থাকল, তখন তিনি মদীনায় প্রত্যাবর্তন করেন। তারপর জুমাদা আল-উলার শেষ ভাগ থেকে রজব মাস পর্যন্ত তিনি মদীনায় অতিবাহিত করেন।

এখন যেহেতু আবু সুফিয়ানের দিক থেকে বেগী আশংকার কারণ ছিল, সেজন্য আঁ-হয়রত (সাঁ) তার পরিকল্পনাগুলো ছিন্ন ভিন্ন করার

দিকে মনোনিবেশ করেন এবং 'আমর বিন উমায়্যা আল-দামিরী ও একজন আনসারকে এই উদ্দেশ্যেই সেখানে পাঠান যে, তারা সেখানে গিয়ে ভয়-ভীতি ছড়াবে এবং সেখানকার ব্যবস্থাপনার ক্ষেত্রে বিঘ্ন ও দুর্বলতা সৃষ্টি করবে। তাদেরকে এও অনুমতি দেওয়া হয়েছিল যে, সুযোগ পেলে আবু সুফিয়ানকে হত্যা করবে। তারা দু'জনে মক্কার নিকটবর্তী 'বাত্ন' নামক স্থানে পৌঁছে তাদের উট একটি গিরিপথে বেঁধে রেখে নিজেরা মক্কায় প্রবেশ করে। কিন্তু তাদের একটা ভুল এই হয়েছিল যে, কা'বা তাওয়াফ করতে তাদের কেউ যেন চিনে না ফেলে সে ব্যাপারে কোন সতর্কতা তারা অবলম্বন করেন নি। অতঃপর মক্কায় ঘোরাফেরার জন্য সময়ও তারা সঠিক নিরূপণ করেন নি, তেমনি তারা খেয়াল করেন নি আলোর ব্যাপারেও। অনন্তর তারা যখন একটা মজলিসের পাশ দিয়ে অতিক্রম করছিলেন তখন এক ব্যক্তি 'আমর (রা) কে চিনে ফেলে। সে চিৎকার করে উঠলে লোক তাদের পশ্চাদ্ধাবন করে।

'আমর (রা) তাঁর বন্ধুসহ দৌড়ে একটি গিরিগুহায় আশ্রয়গোপন করেন। যে সময় তারা গুহায় লুকিয়ে ছিলেন তখন 'উছমান বিন মালিক বিন-'উবায়দুল্লাহ্ নামের একটি লোক ঘোড়ার পিঠে সওয়ার হয়ে গুহার মুখে এসে দাঁড়িয়ে যায়। এরপর অবতরণ করে বসে পড়ে। 'আমর (রা) অতি নিঃশব্দে বেরিয়ে এসে তার বুকে সুতীক্ষ্ণ খজুর আমূল প্রবেশ করিয়ে দেয়। ইবন মালিক চিৎকার করে পড়ে যায়। মক্কাবাসীরা তার চিৎকারের আওয়াজ শুনে দৌড়ে আসে। 'আমাকে 'আমর-বিন উমায়্যা খজুর মেরেছে' কথা ক'টি বলা মাত্রই সে মারা যায়। লোকেরা তার লাশ উঠিয়ে মক্কায় নিয়ে যায়। এই দু'জন দু'দিন পর্যন্ত গুহায় আশ্রয়গোপন করে থেকে পরে সেখান থেকে তাইয়ান শহরে আসেন। এখানে তারা হযরত খুবায়ব (রা)-এর লাশ শূলদণ্ডে লটকানো দেখতে পান। 'আমর (রা) পাহারাদারদের চোখ এড়িয়ে সামনে অগ্রসর হন এবং লাশ নামিয়ে ও পিঠে উঠিয়ে আনুমানিক ৩০/৪০ গজ যেতেই পাহারাদাররা দেখে ফেলে। তারা এদের পেছনে ধাওয়া করে। 'আমর (রা) লাশ ছেড়ে পালিয়ে যান এবং সফরের পথ ধরেন। সেখান থেকে নিজে পায়দল মদীনা পানে

রওয়ানা হন এবং সমস্ত সংবাদ পৌছানোর জন্য সঙ্গীকে নিজের উটের পিঠে চড়িয়ে আগে পাঠিয়ে দেন।

‘আমর (রা) গালীল হুজ্জান পৌঁছে বনী যায়ল বিন বকরের একজন শক্ত-সমর্থ যুবককে শায়িতাবস্থায় কতল করেন এবং রকুবাঃ রওয়ানা হন। এই যুবক ছিল আবু সুফিয়ানের গুপ্তচর। মুসলমানদের সম্পর্কিত তথ্য ও খবরাখবর তাকে সে সরবরাহ করত। রকুবাঃ থেকে তিনি নকী নামক স্থানে পৌঁছেন। এখানে তিনি মস্কার দু’জন লোকের সাক্ষাত পান। তারা গোয়েন্দাগিরির জন্য মদীনায় গিয়েছিল এবং সেখানকার খবর নিয়ে কুরায়শদের নিকট ফিরে আসছিল। ‘আমর (রা) তাদের চিনে ফেলেন এবং লড়াইয়ে প্ররুত হন এবং তাঁর দ্বারা একজনকে শেষ করে দিয়ে অপরজনকে বন্দী করে মদীনায় নিয়ে আসেন।

সাবীক বা ছাতুর যুদ্ধ

দ্বিতীয় বদর

গযওয়া সাবীক বা ছাতুর যুদ্ধ হিজরী চতুর্থ সনে সংঘটিত হয়। তাবু সুফিয়ান ওহদ থেকে যাবার কালে উচ্চৈশ্বরে ডেকে বলেছিল যে, আগামী বছর বদর প্রান্তরে পুনরায় যুদ্ধ হবে। সে মৃত্যাবিক কুরায়শরা বিরাট এক বাহিনী তৈয়ার করে। দূর-দূরান্তরের কবিলাগুলোকে মিত্র বানিয়ে তাদের থেকে বন্ধুত্ব রক্ষার প্রতিশ্রুতি আদায় করে। প্রসিদ্ধ স্থানগুলো থেকে ভাল ভাল অস্ত্র আনিয়ে নেয়। বহু সংখ্যক কবিলা মক্কায় এসে জমায়েত হয়। রসদ-সত্তারেরও সুব্যবস্থা করা হয়। মোট কথা, হাযার হাযার পদাতিক ও আরোহীরা সমাবেশ ঘটিয়ে আবু সুফিয়ান মক্কা থেকে রওয়ানা হয়ে মার আল-জাহরানের পাশ মুজান্না নামক স্থানে এই উদ্দেশ্যে যাত্রা বিরতি দেয় যে, অপরপর কবিলাগুলো এখানে এসে মিলিত হবে। এখানেই ন’ঈম বিন মাস’উদের সঙ্গে আবু সুফিয়ানের সাক্ষাৎ ঘটে। ন’ঈম

‘উমরাহ করার নিয়তে মদীনা থেকে মক্কা যাচ্ছিল। আবু সুফিয়ান তাকে অ’-হযরত (সা)-এর সমর প্রস্তুতি সম্পর্কে জিজ্ঞাসাবাদ করে। তিনি জবাবে বলেন, অ’-হযরত (সা) সম্পূর্ণ প্রস্তুত। আবু সুফিয়ান এই উত্তরে অত্যন্ত ঘাবড়ে যায় এবং সুহায়ল বিন ‘আমরকে জামিন বানিয়ে ন’ঈম বিন মাস’উদকে বলে, ‘যদি তুমি অ’-হযরত (সা)-কে কোন বাহানায় বদর প্রান্তরের দিকে অগ্রসর হওয়া থেকে বিরত রাখতে পার তাহলে আমি তোমাকে বিরাট অংকের পুরস্কার দেব। খরার বছরের কারণে এত বড় বিরাট বাহিনীর জন্য যথোপযুক্ত ইন্তেজাম আমরা করতে পারি নি। আবার আমরা এও চাচ্ছি না যে, ওয়াদা খেলাফী আমাদের তরফ থেকে হোক।’ ন’ঈম এ প্রস্তাব মেনে নেন এবং মদীনায় এসে মুসলমানদের আড়ালে ডেকে গোপনভাবে বলতে থাকে যে, আবু সুফিয়ান বিরাট বড় বাহিনী নিয়ে আসছে এবং তার সঙ্গে বহু কবিলাও রয়েছে। অতএব অ’-হযরত (সা)-এর পক্ষে বদরে গিয়ে খামাখা বিপদ ডেকে আনা ঠিক হবে না, বরং মদীনায় থেকেই দূশমনের অপেক্ষা করা ভাল। একথা শ্রবণ মাত্রই মুসলমানদের মনে দৃশ্চিন্তা দেখা দেয়। আবদুল্লাহ্ বিন উবায়্য সলুলুও শহরের ভেতর থেকে লড়াই লড়বার পক্ষে অভিমত রাখে। শত্রুর এ ধরনের প্রোপাগান্ডার প্রতিক্রিয়া অনেক মুসলমানের মনেই দেখা দেয়।

অ’-হযরত (সা)-এর খবর মিলতেই জিহাদের এলান করে দেন এবং সঙ্গে সঙ্গে এই ফরমানও জারী করেন যে, সৈন্যবাহিনীর সদস্যরা ব্যবসা-বাণিজ্যের উদ্দেশ্যে সামান-আসবাবও সঙ্গে নেবে যেন বদরের বাজারে গিয়ে দূশমন আসবার আগেই কিংবা তাদেরকে পরাজিত করার পর বিক্রী করে লাভবান হতে পারে। এরপর তিনি মুজাহিদ বাহিনী সঙ্গে করে বদরে পৌঁছেন। বদরে অবস্থানকালীন মাখশা বিন ‘আমর আল-দামক্বী, যে বনী দামরার তরফ থেকে সেখানে অবস্থানকালীন সময়ের জন্য সন্ধি-সমঝোতা করেছিল, অ’-হযরত (সা)-এর খেদমতে হাযির হয়। অ’-হযরত (সা) তার সঙ্গে আলাপ-আলোচনা থেকে জানতে পারেন যে, তারা বদরে মুসলিম বাহিনীর আগমনে খুশী নয়। অ’-হযরত (সা) তাকে বলেন, “যদি

তোমরা সন্ধি-সমঝোতা ভাঙবার উদ্দেশ্যে এসে থাক তবে ভালই। আমি তোমাদের সঙ্গে লড়াবার জন্যও তৈরী আছি।” এতে তারা ভয় পেয়ে যায় এবং আঁ-হযরত (সা)-এর নিকট ওযরখাহী করে চলে যায়। এমনি সময়ে মা'বাদ বিন আবী মা'বাদ আল-খুযা'ঈ এদিক দিয়ে অতিক্রম করে, কিন্তু তারও আঁ-হযরত (সা)-কে কিছু বলতে হিম্মত হয় নি।

আঁ-হযরত (সা) বদন প্রান্তরে আট দিন পর্যন্ত অবস্থান করেন। সে সময় আশেপাণের এলাকাগুলোতে দুর্ভিক্ষ চলছিল। এজন্য মুসলমানদের আনীত সামান দশ গুণ বেশী দামে বিক্রি হয়। তিনি যখন নিশ্চিত জানতে পারলেন যে, আবু সুফিয়ান সামনে অগ্রসর হবার পরিবর্তে পশ্চাদপসরণ করাকেই শ্রেয় মনে করে মক্কা ফিরে গেছে, তখন তিনি মদীনা প্রত্যাবর্তন করেন। মুসলমানদের উৎসাহ ও মনোবল এ ঘটনার পর আরও বেড়ে যায় এবং মূশরিক ও ইসলামের দূশমনদের অন্তরে নানা ধরনের সন্দেহ ও সংশয় সৃষ্টি হতে থাকে।

ফলাফল ও শিক্ষা

যদিও এসব অভিযানে লড়াই সংঘর্ষ হয় নি, কিন্তু আঁ-হযরত (সা)-এর এই সব প্রতিরক্ষামূলক কার্যকলাপ থেকে বহু উপকারী শিক্ষা মেলে।

১. আধুনিক যুগের প্রতিরক্ষা পর্যবেক্ষকদের সশ্মিলিত রায় হ'ল, যখন বিভিন্ন কবিলা ও উপজাতীয় গোত্রের সঙ্গে লড়াই ঝগড়া করতে হয় তখন অপরিহার্যভাবেই দৃঢ় মনোবল ও সাহসিকতার সঙ্গে তা করতে হয়। যদি তারা জানতে পারে যে, তাদের দূশমন মোর্চায় তাদের আগেই পৌঁছে যাবে তবে তাদের সাহস জবাব দিয়ে বসে। আঁ-হযরত (সা)-এর পদক্ষেপগুলো থেকে এই মতের অনুকূলে সমর্থন মেলে।

২. এ ধরনের যুদ্ধ ও অভিযানের জন্য সংবাদ আদান-প্রদানের গোপন চ্যানেল নেহায়েত সুশৃঙ্খল, সুসামঞ্জস ও পরিপূর্ণ হওয়া অপরি-

হার্ষ। তাতে শত্রুর গতিবিধি ও চলচল সম্পর্কিত প্রয়োজনীয় তথ্য সমন্বয়িত পাওয়া যায়।

৩. এরূপ এলাকায় প্রতিদ্বন্দ্বী ও সংঘর্ষমুখর সেনাবাহিনীর সামরিক গুরুত্বের সমস্ত ব্যবস্থাপনার খবর জানা থাকে। অতএব যে ফৌজ অগ্রাভিযানের মাধ্যমে সে সর্বের উপর নিয়ন্ত্রণ জাঁকিয়ে বসে তারা তাদের প্রতিদ্বন্দ্বীকে অসহায় ও কমযোর করে ফেলে। উদাহরণত, পানির ঝরনা ও রসদ-সত্তার সরবরাহের স্থানসমূহ অর্থাৎ খেজুর বৃক্ষপূর্ণ অঞ্চল ইত্যাদি। এ ধরনের যুদ্ধে প্রতিরক্ষাগুলক অগ্রাভিযান অত্যন্ত জরুরী।

৪. শত্রুর উপর সব সময় নজর রাখতে হবে এবং এতদুদ্দেশ্যেই গুপ্তচর, ছোট-খাটো ফৌজী প্লাটুন অথবা বিরাট ফৌজী কোম্পানী যা দরকারী মুহূর্তে শত্রুর মুকাবিলা করতে পারে— পাঠাতে হবে।

অর্থাৎ আজকের প্রতিরক্ষা পর্যবেক্ষকগণ ৩ ও ৪ নম্বরে যা কিছু বলছেন তা পুরোপুরিই আ'-হযরত (সা)-এর সামনে ছিল। নজদের দিকে একটি শক্তিশালী ক্ষুদে বাহিনী নিয়ে তিনি এজন্যই গিয়েছিলেন যেন সেখানকার অবস্থা সম্পর্কে সঠিক অবহিতি লাভ করতে পারেন। কাফেলার পশ্চাদ্ধাবন এবং বনু গাতফানের কবিলাগুলোর সঙ্গে যুদ্ধ না করার এটাই ছিল কারণ। এই অভিযান ছিল শুধুমাত্র শক্তির মহড়া প্রদর্শন এবং সঠিক অবস্থা সম্পর্কে জ্ঞাত হওয়ার জন্য।

৫. শত্রু এলাকায় পঞ্চম বাহিনী ও কমাণ্ডো তথা ঝটিকা বাহিনী পাঠাতে হবে। রসুল করীম (সা)-এরূপ বাহিনী পাঠিয়েছেন এবং এ ধরনের বাহিনী ও প্লাটুন প্রতিরোধের জন্য সুন্দর ইন্তেজাম করেন।

৬. প্রতিজ্ঞাতঙ্গকারী ও শত্রুতা পোষণকারী কবিলাগুলোর সঙ্গে অত্যন্ত কঠোর ব্যবহার আবশ্যিক। কেননা এরা দয়াদ্রতা ও কোমলতা-পূর্ণ ব্যবহারকে দুর্বলতা বলে ভুল বুঝে থাকে। এতে তারা শুধু সাহসীই হয়ে ওঠে না বরং বাকী গোত্রগুলোর সামনেও খারাপ নজীর পেশ করে এবং অশান্তি সৃষ্টি করে থাকে।

আ'-হযরত (সা) বনু নাযীরকে প্রতিজ্ঞা ভঙ্গের কারণে যে শাস্তি দিচ্ছেছিলেন তা এই নীতির আলোকে শুধু সঠিকই ছিল না এবং এর

দ্বারা তার সমর্থনে ও অনুকূলে শুধু স্বীকৃতিই মেলে না, বরং তার অপরিহার্যতা ও আবশ্যিকতাও এর দ্বারা প্রমাণিত হয়।

৭. এই সব ফৌজের প্রশিক্ষণ ও সংগঠন যাদেরকে এ ধরনের গোষ্ঠীয় ও উপজাতীয় দূশমনের সঙ্গে লড়াইতে হবে—নিশ্চিন্দিত পন্থায় তা পরিপূর্ণ হতে হবে। এরূপ প্রশিক্ষণ ও সংগঠন দ্বারাই তারা দূশমনের বিরুদ্ধে কামিয়ারী হাসিল করতে পারে।

(ক) সমস্ত সৈন্য ও অফিসার শারীরিক দিক দিয়ে উন্নত মানের হবে যেন তারা পরিশ্রমী, ধৈর্যশীল, সহিষ্ণু এবং দীর্ঘ সফর করতে পারে, আরামপ্রিয় না হয়ে কঠোর শ্রম ও কঠোর প্রাণের অধিকারী হবে।

(খ) দিন ও রাতের বেলায় সফর করার ক্ষেত্রে একইরূপ অভ্যস্ত হবে।

(গ) প্রতিটি সিপাহী ও অফিসারের অন্তর-মানস শত্রুর উপর আকস্মিক হামলা করতে অনুপ্রাণিত হবে এবং বাহিনীর প্রতিটি সদস্য পাল্টা হামলা প্রতিরোধের জন্য প্রস্তুত থাকবে। এই কাজের পরিপূর্ণতা লাভ ও প্রশিক্ষণের জন্য ফৌজকে ছোট ছোট প্লাটনে ভাগ করে বিভিন্ন অভিযানে পাঠাতে হবে যেন প্রতিটি সিপাহী একা-দোকা শৈর্ষ্য ও দূরদণ্ডিতার মাধ্যমে শত্রুর উপর প্রতিরক্ষামূলক অপ্রাতিস্থান করতে পারে।

(ঘ) দূশমনকে নিজেদের প্রতিরক্ষা পরিকল্পনা এবং চলাফেরা ও গতিবিধি সম্পর্কে জানবহিত ও ধোকার মধ্যে রাখতে হবে।

(ঙ) প্রতিটি সিপাহীকে নিজের এবং শত্রু এলাকায় ঘোরাঘুরি করার উপযোগী ও সক্ষম বানাতে হবে।

(চ) শত্রুর উপর প্রাধান্য বজায় রাখার ব্যাপারে গোটা বাহিনীর মধ্যে প্রচণ্ড আত্মবিশ্বাস থাকতে হবে। প্রাধান্য লাভের জন্য ফৌজের প্রতিটি সদস্যকে নিজস্ব অস্ত্র ব্যবহারে পারদর্শী, শাসন-শৃংখলার অনুসারী এবং সুদৃঢ় ইচ্ছা শক্তির অধিকারী হওয়া অপরিহার্য।

ফেলে আসা পৃষ্ঠাগুলোতে কয়েকবারই পুনরাবৃত্তি ঘটেছে যে, আ'-হযরত (সা) মুজাহিদদের মধ্য থেকে কিছু সংখ্যক ব্যক্তি ও

কয়েকটি দলকে বিভিন্ন স্থানে শত্রুর উপর গোয়েন্দাগিরি, পশ্চাদ্ধাবন ও তাদের মধ্যে এসে গুজব ছড়িয়ে দিতে এবং তাদেরকে মুকাবিলা করার জন্য পাঠান। কখনো কখনো তিনি নিজেও এরূপ বাহিনীর সঙ্গে গমন করেছেন। বাহিনী এমন রাস্তা দিয়ে পাঠিয়েছেন এবং নিজেও গেছেন যা অত্যন্ত দুরতিক্রমা। এক্ষেত্রে দিন কিংবা রাতের কোন বাধাবাধকতা ছিল না। গোপন অভিযানগুলোতে অত্যন্ত গোপনীয়তা রক্ষা করা হয়েছে। অ'-হযরত (সা)-এর প্রশিক্ষণের বরকতে তাঁর ফৌজের সাধারণ সৈন্য থেকে শুরু করে উচ্চ পর্যায়ের মুজাহিদ সবাই আপাদমস্তক ফৌজী ছিল এবং প্রতিটি হেদায়েত নিঃশব্দে ও অবনত মস্তকে এমনভাবে কার্যকর করত যে, তার খুঁটিনাটি বিষয়গুলো পর্যন্ত অপূর্ণ থাকতো না। সাহসিকতা ও জীবনের উপর বাজি রাখার ক্ষেত্রে প্রত্যেকেই ছিলেন একক। এটাই একমাত্র কারণ যে, মুষ্টিমেয় মুজাহিদের মুকাবিলায় কাফির ও মুশরিক অগণিত হওয়া সত্ত্বেও শেষাবধি মুজাহিদদের মস্তকেই বিজয় মুকুট শোভা পেয়েছে। কোনরূপ দাগা কিংবা প্রতারণার কারণে কখনো যদি দূশমনের পাতা ফাঁদে পা আটকেছে তখন বীরত্বের চরম পরাকাষ্ঠা দেখিয়ে শাহাদতের অমর পেয়লা পান করেছে, কিন্তু ঈমান ও 'আম-লের উপর সামান্য অ'চড়টুকুও লাগতে দেয়নি! দুনিয়া থেকে এভাবে বিদায় নিয়েছেন যে, দূশমন ঈর্ষাতুর হয়ে উঠেছে। সাহসিকতা, নিষ্ঠুরতা, ধৈর্য, স্বৈর্য, দৃঢ়তা, বীরত্ব ও আত্মোৎসর্গ, এ সবই ছিল সফল গুণাবলীর প্রতীক। অ'-হযরত (সা)-কে দূশমন কবিলা বা গৌরুগুলো চিনতো। কিন্তু তাঁর শক্তি ও মর্যাদার ভীতি এরূপ ছিল যে, খোলাখুলি সামনে আসার সাহস সঞ্চয় করে উঠতে পারতো না। তারা ইসলামের দাওয়াত যেমন কবুল করেনি, তেমনি তাঁর বধিত ক্ষমতায় ভেসেও যায়নি, তারা বাধ্য হয়ে চূপ করে ছিল। এভাবে তিনি কুরায়শ শক্তি খতম এবং স্বীয় প্রতিরক্ষাগত উদ্দেশ্য হাসিল করেন। আর 'তোমরাই উন্নত' আব্বাহর বাণীর বাস্তব ও কার্যকর প্রমাণ পেশ করে ঈমানদারদের জন্য উজ্জ্বল আলোকবতিকাঙ্কন প্রতিরক্ষা নীতি রেখে যান।

গযওযায়ে খন্দক বা খন্দকের যুদ্ধ

খন্দকের যুদ্ধের কারণ নিয়ে ঐতিহাসিকদের মধ্যে মতভেদ রয়েছে, আগাদের নিকট কিন্তু মতভেদের কোন অবকাশ নেই। সাবীক বা ছাতুর যুদ্ধ মক্কাবাসীদের মনে হতাশার সঙ্গে প্রতিশোধ-স্পৃহা আঙুনই শুধু জ্বালিয়ে দেয়নি—বরং অন্যান্য কবিলাগুলোকেও ভীত-সন্ত্রস্ত করে দিয়েছিল। এদের সবারই আশংকা ছিল যে, যদি মুহাম্মাদ (সা)-কে এখনই প্রতিরোধ না করা যায় তাহলে তাঁর শক্তির সমন্বয় তাদেরকে খড়্-কুটোর মতই ভাসিয়ে নিয়ে যাবে। মুসলিম ফৌজের শাসন-শৃঙ্খলা, তাদের সাহসিকতা ও নিষ্ঠুরতা, দৃঢ় ইচ্ছাশক্তি ও অটুট মনোবল ও আত্মোৎসাহিত মানসিকতার দৃশ্য এমনই ভীতিপ্রদ ছিল যে, তার সামনে কারুরই মাথা উঁচু করে দাঁড়াবার হিম্মত হ'ত না। অতএব তারা তাদের আঘাদী ও শাসন-প্রতিরোধকে কয়েক দিনের মেহমানের ন্যায় ক্ষণস্থায়ী মনে করতে থাকে। যেখানে অন্যান্য কবিলায় সামনে এ ধরনের বিপদ ঘনীভূত—সেখানে গ্লাহুদীদের মনে তাদের ফেতনাপ্রিয় স্বভাব ও প্রতিশ্রুতি ভঙ্গের কারণে জড়-মূলে উৎসর্গে যাবার মৌল আনা আশংকা ছিল বিরাজমান। তারা ভেবে দেখলো এখানেও তাদের সেই হাশরই না হয় যা তাদের শাম-এ হয়েছিল। এজন্যই স্বাভাবিকভাবেই তাদের দৃষ্টি গিয়ে পড়েছিল কুরায়শদের উপর। ওহদের যুদ্ধ তাদের চোখের সামনে আশার এক আলোক-রেখা তুলে ধরেছিল, কিন্তু ছাতুর যুদ্ধ সেটুকুও খতম করে দেয়। হই বিন আখতাব, কিনানা বিন রবী', বনু ফুযারাহ, বনু ওয়াইল এবং বিভিন্ন কবিলায় মধ্যে গাতফান, 'উয়াইনিয়া বিন হাসীন হযায়ফা বিন বদর, হারিছ বিন 'আওফ বিন আবী হারিছা, আল-মাররী বিন বনু মাররাহ, বনু আশজা' প্রভৃতি গোত্র মক্কায় একত্র হয় এবং কুরায়শদেরকে আ'-হযরত (সা)-এর বিরুদ্ধে সমর পরিকল্পনা তৈরী করার দাওয়াত জানিয়ে নিজেদের তরফ থেকে পুরো সহযোগিতা ও মদদ দেবার নিশ্চিত আশ্বাস দেয়।

আ'-হযরত (সা) এ সব সম্পর্কে আগা-গোড়া খবর পেয়ে আস-ছিলেন। কুরায়শরা যদিও প্রতিশোধ গ্রহণের প্রশ্নে অনড় ও অটল,

তথাপি এই সব কবিলার লড়াই-সংঘর্ষ সৃষ্টির আবেগপ্লুত প্রেরণা কতটুকু তার পরীক্ষা নেবার মানসে তারা য়াহুদীদেরকে জিজ্ঞাসা করে, তোমরা কি মতিপূজকদের মুসলমানদের উপর অগ্রাধিকার দিচ্ছ? এমন না হয় যে, তোমরা মুসলমানদের আহলে কিতাব বা আসমানী অধিকারী মনে করে আমাদের প্রতারণিত কর। এর জবাবে য়াহুদীরা তাদের সাহায্য ও সহযোগিতার পূর্ণ আশ্বাস প্রদান করে। ফলে ইহুদীদের সম্পর্কে কুরায়েশদের মনে কোন সংশয় আর বাকী রইল না।

যুদ্ধের বিপদ যখন রইল না। কুরায়শরা নিশ্চিত মনে আক্রমণের প্রস্তুতি সম্পন্ন করে মদীনাভি মুখে রওয়ানা হ'ল। অ'-হযরতও (সা) জিহাদের ঘোষণা দিলেন এবং সমরোপকরণ, মারণাস্ত্র, রসদ-সস্তার ইত্যাদির যথাযথ ব্যবস্থা সেরে সম্মিলিত মুশরিক বাহিনীকে এবার মদীনা থেকেই মুকাবিলা করার সিদ্ধান্ত নিলেন। সালামান ফারসী (রা)-এর পরামর্শক্রমে মুশরিকদের তিনি এমনই একটি নতুন পদ্ধতিতে যুদ্ধ করতে মজবুর করলেন যার যোগ্যতা তাদের একেবারেই ছিলনা। তিনি ছোট ছোট দুর্গে আবদ্ধ হয়ে লড়াই করবার পরিবর্তে মুসলমান ও মিত্র বস্তিবাসীদেরকে একটি খন্দক (পরিখা)-এর আওতায় আনার ফয়সালা করেন। এর ফলে অন্যান্য উপকার ছাড়া আরও একটি উপকার এও হয় যে, সমস্ত মুসলমান ও মিত্র ফৌজ সরাসরি অ'-হযরত (সা)-এর নেতৃত্বাধীনে এসে যায়। অ'-হযরত (সা) নিজেই খন্দকের সীমারেখা তিক করেন এবং চৌহদ্দী নির্দিষ্ট করে প্রতিটি কবিলাকে তাদের সীমা নির্ধারিত অংশটুকু খননের আদেশ দেন। খননের কাজে তিনি নিজেও সশরীরে অংশ গ্রহণ করেন। মুসলিম শিবিরের মুনাফিকরা খন্দক খননের ক্ষেত্রে কোনরূপ অংশ নেয়নি এবং নিজেদের অনুপস্থিতির জন্য নানাবিধ ওমর-আপত্তির আশ্রয় নিতে থাকে। তবে তারা কোনরূপ বিরোধিতাও করেনি।

ওহদ যুদ্ধের অধ্যায়ে লেখা হয়েছে যে, অ'-হযরত (সা)-এর প্রতিরক্ষা দৃষ্টিকোণ থেকে মদীনার উপর হামলার সর্বাধিক আশংকা ছিল উত্তর দিক থেকে। কেননা এ দিকটাই ছিল খোলা ময়দান। অতএব মদীনার চতুষ্পাশ্বে খন্দক খননের ফয়সালা যখন নেওয়া হ'ল

তখন সর্বাগ্রে সেদিক থেকেই খননের কাজ শুরু হয়। আঁ-হযরত (সা) কতিপয় আনসার ও মুহাজির সাহাবা (রা)-কে সঙ্গে নিয়ে এবং ঘোড়ায় সওয়ার হয়ে শহরের চতুর্দিককার এলাকা ঘুরে ফিরে দেখেন। বিভিন্ন ক্ষুদ্র দুর্গে যত মহিলা, শিশু ও পশুপাল রাখার প্রস্তাব গৃহীত হয়েছিল সেই মৃত্যুবিক খোরাকসহ অন্যান্য সামান্য যাতে একত্র করা যায় সেটাই ছিল এই ঘোরাক্ষেরার উদ্দেশ্য। এতস্তিন্ন বিভিন্ন স্থান মুজাহিদ বাহিনীর ছাউনী ফেলার জন্য নির্বাচিত করা হয়। শহরের যে দিকটায় বাগ-বাগিচা এবং তার চতুষ্পাশ্বে ঘেরাও কিংবা দেয়াল ছিল, সেগুলো গভীরভাবে ভেবে-চিন্তে দেখে এবং শত্রু সংখ্যার আশংকা সামনে রেখে নানা ধরনের প্রতিরোধ ও প্রতিবন্ধক সৃষ্টি করা হয়। সংকীর্ণ রাস্তার উপর যেখানে একই সময়ে একটি মাত্র উটই চলতে পারে তৌকী মোতায়ন করা হয় এবং সেগুলো কেবলা-বন্দী করে দেওয়া হয় যেন দুশমন সংকীর্ণ গলি-পথও ব্যবহারে না আনতে পারে। বনী কুরায়জার যাহুদীদের সঙ্গে সম্পর্ক যদিও ভাল ছিল তবু সেদিকেও দৃষ্টি রাখা হয়। এমনিভাবে দক্ষিণ এলাকাকে যেখানে বিভিন্ন কবিলা বাস করত, ময়বুত ও সুদৃঢ় করে চারিদিককার দেওয়ালগুলোকে পরস্পরের সঙ্গে যুক্ত করে দেওয়া হয়।

রসদ-সন্তারের ভেতর সর্বাপেক্ষা গুরুত্বপূর্ণ সমস্যা ছিল পানির। তিনি এরও যথোপযুক্ত ব্যবস্থা করেন। সমস্ত কুয়া ভানোভাবে দেখে শুনে পানির সংরক্ষণ ও সরবরাহের পুরো বন্দোবস্ত এবং যুলাব নামক স্থানে একটি কুয়া খনন করেন।

উত্তরদিকের খন্দক পূর্ব হররাহ থেকে পশ্চিম হররাহ পর্যন্ত এবং সিনা' পর্বতের পশ্চিম প্রান্ত হয়ে অতিক্রম করে পুনরায় বাতহান উপত্যকার সঙ্গে মেলান হয়। অতপর এখান থেকে বাতহান উপত্যকার অভ্যন্তরে মাহদারুর উপত্যকা হয়ে অতিক্রম করে বনু কুরায়জা পল্লী পর্যন্ত আনা হয়। উত্তর দিকের খন্দক ছিল লম্বায় সাড়ে তিন মাইলের অধিক। এটা খনন করতে তিন সপ্তাহ সময় লেগেছিল। এর সঙ্গে সঙ্গেই অপর পাশের খন্দক খননের পরিপূর্ণতা সাধিত হয়। যেহেতু এত প্রাকৃতিক ও দ্বাভাবিক উঁচু-নীচু এবং উপত্যকাগুলো পুরোপুরি কাজে লাগানো হয়েছিল সেজন্য খন্দকের বিরাট অংশই

প্রাকৃতিক বাঁধা-প্রতিবন্ধকতা দ্বারাই সৃষ্টি হয়ে গিয়েছিল। খন্দকের গভীরতাও প্রস্থ এতখানি রাখা হয়েছিল যাতে করে কোন ঘোড়া-সওয়ার লাফিয়ে পার হয়ে ভেতরে না আসতে পারে।

খন্দক খনন শেষ হ'ল তার দরোজাও নির্দিষ্ট করা হয় এবং প্রতিটি দরোজায় প্রত্যেক কবিলার একজন করে লোক পাহারায় রাখা হয়। যুবায়র বিন 'আওয়াম (রাঃ)-কে এদের সবার সর্দার বানিয়ে আঁ-হযরত (সা) হুকুম দেন : যদি লড়াই হ'তে দেখ তবে তোমরাও লড়াই শুরু করে দেবে। এরই সঙ্গে উঁচু উঁচু পাথর এবং দুর্গের উপর তীরন্দায় নিযুক্ত করেন যেন দুশমনকে পার হতে বাঁধা দেয়।

সিলা' পর্বতে আঁ-হযরত (সা) স্বীয় ফৌজী হেড কোয়ার্টার স্থাপন করলেন এবং তাঁর তাঁবু ফেলা হ'ল যুবাব পর্বত ও সিলা' পর্বতের মধ্যবর্তী একটি নিরাপদ স্থানে। তার স্মৃতিকে স্মরণীয় করে রাখার তাগিদে এখন সেখানে একটি মসজিদ নির্মাণ করা হয়েছে। যেখানে যেখানে চারজন সহকারী অধিনায়ক, যথাক্রমে হযরত আবু বকর সিদ্দীক, হযরত উছমান, হযরত সালমান ফারসী এবং হযরত আবুজর (রা)-এর তাঁবু স্থাপিত হয়েছিল সেসব স্থানেও মসজিদ নির্মিত হয়েছে।

মুসলিম বাহিনীর সংখ্যা ছিল প্রায় তিন হাজার। এদের কয়েকটি দলে ভাগ করা হয়। এদের মধ্য থেকে টহল দানের জন্য ছোট প্লাটুন পাঠানো হ'ত। তীরন্দায়েরা তাদের মোর্চায় দৃঢ়ভাবে শত্রুর অপেক্ষায় থাকে। অধীনস্থ অধিনায়কগণের অধীনে বিভিন্ন স্থানে বিভিন্ন প্লাটুন মোতায়েন করা হয়েছিল। কিন্তু ফৌজের বড় অংশই প্রয়োজনের মুহূর্তে যাতে শ্রুত সাহায্যকারী বাহিনী পাঠিয়ে দেওয়া যায় সেজন্য আঁ-হযরত (সা)-এর নেতৃত্বধীনে নিজেদের প্রধান ঘাটিতেই অবস্থান করে।

বনু নাযীর ষেহতু মদীনা থেকে নির্বাসিত হয়ে এবং মাল-পত্র ও সামান-আসবাব সঙ্গে নিয়ে গিয়েছিল সেজন্য তারা বিরুদ্ধ গোল্লাগলো বিশেষ করে সমধর্মী ও একই মতাবাদের মাহাদীদের উত্তেজিত করতে বিশেষ ভূমিকা গ্রহণ করে এবং সবাই মিলে পাতফানের কবীলাগুলোকে

এর বিনিময়ে ক্ষতিপূরণস্বরূপ খায়্বারের সমস্ত খেজুর বাগানের উৎপাদিত একটি মৌসুমের খেজুর প্রদানের ওয়াদা করে।

শত্রুর ফৌজী ছাউনী নিম্নরূপ বিন্যস্ত ছিল :

বনু কুরায়শ, বনু কিনানা এবং বনু হাবিশ বী'র-এ-রুমা থেকে আল-'আকীক উপত্যকা পর্যন্ত বিস্তৃত ছিল।

বনু গাতফান এবং বনু আসাদ মদীনার উত্তর দিক আল-নু'মান উপত্যকার ওহদ পর্বত থেকে বী'র-এ-রুমার পূর্ব পর্যন্ত তাঁবু ফেলেছিল অর্থাৎ যেখানে যেখানে ক্ষেত-খামার ও খেজুর বাগান ছিল সেখানে তাদের বিভিন্ন দল ছাউনী ফেলেছিল।

কুরায়শদের সৈন্য সংখ্যা ছিল দশ হাজার কিংবা একটু বেশী। হেজ্জাবাসী এর পূর্বে এতবড় বিরাট বাহিনী আর কখনো দেখেনি।

যদিও মোর্চাবন্দী হয়েছিল এবং মুছল নাগার আশংকা ছিল প্রতি মুহূর্তে তথাপি মুনাফিকরা নিজেদের জোর তৎপরতা অব্যাহত রাখে। বনু কুরায়শ ছিল আ'-হযরত (সা)-এর মিত্র। অতএব হুই বিন আখতাব তাদের সর্দার কা'ব বিন আসাদের নিকট আসে। উদ্দেশ্য ছিল তাকে প্ররোচিত করে মুসলমানদের থেকে আলাদা করে দেওয়া। প্রথম দিকে সে অবশ্য খুব বেশী সফল হয়নি। সম্ভবত এসব কবিতা সুযোগের অপেক্ষা করছিল এবং দেখছিল যে, ভাগ্য কার দিকে গড়ায়। যেদিক গড়াবে সেদিকেই তারা ভিড়ে পড়বে। অতএব মুশরিকদের সংখ্যা-শক্তি যখন ক্রমেই বাড়তে লাগল এবং পরিণতিতে অবরোধের কঠোরতাও বৃদ্ধি পেতে থাকল, খাদ্য ঘাটতি অনুভূত হতে লাগল, শুদুপরি ব্যবসা-বাণিজ্য বন্ধ হয়ে যাবার কারণে অর্থনৈতিক মন্দাভাবের চিহ্ন পরিস্ফুট হতে আরম্ভ করল, তখন বনু কুরায়শ তাদের সুর পাঠাতে শুরু করলো এবং শেষাবধি হুই বিন আখতাবের সঙ্গে অঙ্গীকারবদ্ধ হয়ে আ'-হযরত (সা)-এর সঙ্গে কৃত মিত্রতা চুক্তি ছিল করে দিল।

আ'-হযরত (সা)-এই খবর পেয়ে এর সত্যতা যাচাইয়ের জন্য আওস গোত্রের রঈস সা'দ বিন মা'আয এবং বনু খাযরাজের রঈস সা'দ বিন 'উবাদাহ্কে কতিপয় সাহাবা (রা)-সহ বনু কুরায়শের নিকট

ধাতিয়ে দেন। তাদের হেদায়েত দিয়ে দেন যে, খবর যদি সত্য হয় তাহলে অত্যন্ত গোপনীয়তার সঙ্গে একান্ত নিভূতে আমাকে এসে বলবে যেন অন্য মিত্রদের মনোবল না ভেঙে পড়ে। আর এ সংবাদ যদি মিথ্যা হয় তবে শিবির সন্ন্যিবেশের স্থানে গিয়ে এর এলান করবে।

এই দলটি সেখানে গিয়ে দেখতে পায় যে, কা'ব বিন আসাদ শুধু বন্ধুত্বমূলক অঙ্গীকারই ভঙ্গ করেনি বরং শত্রুর সঙ্গে মিলিত হয়ে শত্রুতা লাধনে লিপ্ত। মুসলমানদের দেখে সে বলল : আমি মুহাম্মাদের সঙ্গে কখনো কোন চুক্তি করিনি। আমি তো অনেক কাল আগে থেকে এমনি সময়ের অপেক্ষা করছিলাম কখন প্রতিশোধ নেব। আ'হযরত (সা) এ সংবাদ পেতেই সৈন্যবাহিনীকে লক্ষ্য করে বললেন : মুসলমানেরা! সুখবর শোন, আমাদের সামনে এখন কঠিন মুহূর্ত সমুপস্থিত বিধায় আমাদের দায়িত্বও বেড়ে গেছে। তবুও আমাদের কল্যাণ কিন্তু এরই ভেতর নিহিত।

অবস্থা যেহেতু বাহ্যত পরিবর্তিত হচ্ছিল সেজন্য মুনাফিকদের ঘনগড়া কাহিনী রটনা ও ঠাট্টা-মঙ্করা করার সুযোগ মিলেছিল। তারা তাদের মুনাফিকী তৎপরতা পূর্বের তুলনায় বহু গুণ বাড়িয়ে দেয় যেন মুসলমানেরা মনোবল হারিয়ে বসে এবং বিশৃঙ্খল ও হতাশাগ্রস্ত অবস্থায় সব কিছু ছেড়ে-ছুড়ে হাত-পা ছড়িয়ে বসে যায়।

এ সময়েই বনু হারিছার আওস বিন কিবতী আ'হযরত (সা)-এর খেদমতে পৌঁছে আরম্ভ করে : আমি আমার কওমের পক্ষ থেকে এই দরখাস্ত এনেছি যে, যেহেতু আমাদের বস্তী খন্দকের বাইরে আর বন্ধু একেবারে নিকটবর্তী, এজন্য আপনি আমাদের অনুমতি দিন যেন আমরা আমাদের ঘরে ফিরে যেতে পারি। এটা শুনে তিনি তাদেরকে কিছু দিন ধৈর্য ধরার জন্য বলেন।

এরপর অবরোধের প্রায় এক মাস গুযরে গেলেও এর মধ্যে একবারও হাতাহাতি লড়াইয়ের সুযোগ আসেনি। মুশরিক বাহিনী কয়েকবার খন্দক পার হবার নিষ্ফল চেষ্টা চালিয়েছিল বটে, কিন্তু মুজাহিদ বাহিনীর হাশিয়ারী, সদা সতর্কতা ও দৃঢ়তাদৃষ্টে প্রতিবারই নিজেদের অভিপ্রায় পূরণে ব্যর্থ হয়।

খন্দক যুদ্ধের এ সময়টি ছিল মুসলমানদের জন্য অত্যন্ত হতবুদ্ধি-কর ও ধৈর্য-পরীক্ষামূলক। একদিকে তারা শত্রুদের দ্বারা ঘেরাও আর অপর দিকে যুদ্ধের প্রচণ্ডতা এবং খানাপিনার কষ্ট; তৃতীয়ত, মুনাফিকদের গান্দারী ও দাগাবাজী এবং স্নাহুদীদের মন্দ অভিপ্রায়। যদিও ইসলামের জন্য নিবেদিতপ্রাণ ও জীবন উৎসর্গকারী আর দরবারে রেসালতের দীপশিখায় আকৃষ্ট সত্যিকার পতঙ্গগুলোর উপর এসব অবস্থার কোন প্রতিক্রিয়া ছিল না, তথাপিও আঁ-হযরত (সা) তাদের প্রতি পূর্ণ সহানুভূতিসম্পন্ন ও অনুভূতিপ্রবণ ছিলেন। অতএব তিনিও রাজনৈতিক কৌশল অবলম্বনে পরাভ্রমুখ ছিলেন না। তাঁর পক্ষ থেকেও শত্রুকে কমহোর এবং তাদের মনোবল ভেঙে দেবার চেষ্টার কমতি ছিল না, আর এতে তিনি সফলও হয়েছিলেন। কুরায়শের মিত্রদের পরস্পরের মধ্যে তিনি বিভেদ ও ভুল বুঝাবুঝির সৃষ্টি করেন। অন্তর এ সময়েই গাতফান কবিলার সর্দারগণ সুযোগের ফায়দা লুটবার জন্য এই শর্ত পেশ করে যে, মদীনার উৎপন্ন ফসলের এক তৃতীয়াংশ যদি তাদের প্রদান করা হয় তাহ'লে তারা তাদের দলবলসহ ফিরে যাবার জন্য প্রস্তুত। এ ব্যাপারে আঁ-হযরত (সা) সাহাবায়ে কিরাম (রা)-এর সঙ্গে পরামর্শ করেন। সা'দ বিন মা'আয এবং সা'দ বিন 'উবাদাহ (রা) এই প্রস্তাবের তীব্র বিরোধিতা করেন এবং বলেন : আমরা আল্লাহর উপর ভরসা করে যুদ্ধ অব্যাহত রাখব। বনু গাতফান বহু দিন থেকেই মদীনার খেজুর ষাগানগুলো কব্জা করার দিবা-স্বপ্নে বিভোর। আমরা কিন্তু আমাদের অধিকার তলোয়ারের সাহায্যেই হেফাজত করেছি। আর এখন তো আল্লাহ্ এবং আল্লাহ্র রসূল আমাদের সঙ্গে আছেন।

আঁ-হযরত (সা) তাদের প্রস্তাব প্রত্যাখ্যান করেন। দীর্ঘ অবরোধের ফলে মূশরিকেরাও অসহিষ্ণু হয়ে উঠেছিল। অবরোধ যত দীর্ঘস্থায়ী হচ্ছিল তাদের কষ্ট ও যন্ত্রণাও ততই অসহনীয়ভাবে বৃদ্ধি পাচ্ছিল। আরব কবিলাগুলো যারা কুরায়শদের সঙ্গে এসেছিল তাদের ভেতর দৃষ্টিগোচ্য দেখা দিচ্ছিল। তারা মনে করেছিল যে, লড়াই দু'তিন দিনের ভেতরই শেষ হয়ে যাবে। এজন্য তারা কুরায়শদের সঙ্গে পরিত্যাগের জন্য ছিল উদগ্রীব। একদিন আবু সুফিয়ান তার

বাহাদুর সৈনিকদের নিয়ে খন্দকের অভ্যন্তরে অবতরণ করে, কিন্তু পরাজিত হয়ে পালিয়ে যায়। এরপর মক্কার কতিপয় সর্দার ও ঘোড়-সওয়ার, 'আমর বিন 'আবদুদ প্রমুখ খন্দক পার হয়ে ভেতর চলে আসে। হযরত 'আলী (রা) পাগটা হামলা চালিয়ে তাদের অবিকাংশেরই জীবনলীলা সাজ করেন। দু'জন বেরিয়ে পালিয়ে যায়। এদের মধ্যে একজন ঘোড়াসমেত খন্দকের মধ্যে পড়ে যায়। অপরজন খন্দক পেরোতে গিয়ে তীরের আঘাতে আহত হয় এবং অপর পারে গিয়ে মারা যায়। হামলারত মুশরিকদের এই পরিণতি দেখে দৃশমনের অনুভূতিটুকুও লোপ পাবার উপক্রম হয়। এরপর আর কেউ খন্দক পেরোতে কৌশেণ করেনি। মুসলিম বাহিনীর উপর এর বেশ ভাল প্রভাব পড়ে। যুদ্ধের ময়দানে মুসলিম মহিলারা অত্যন্ত বীরত্ব ও দৃঢ়তার সঙ্গে চিকিৎসা সাহায্য, আহতদের দেখাশোনা ও খাবার ইত্যাদি পৌঁছে দেবার কাজ করছিল।

যে সময় অবরোধের কারণে দুঃখ-কষ্ট দিন দিন বৃদ্ধি পাচ্ছিল এবং যুদ্ধের কোন ফয়সালা কোন দিকেই অগ্রসর হচ্ছিল না—সে সময় একটি গুরুত্বপূর্ণ ঘটনা সংঘটিত হয়। অ'ী-হযরত (সা) গাতফান কবিলার পেশকৃত সমঝোতা শর্ত প্রত্যাখ্যান করে দিয়েছিলেন, কিন্তু অবরোধের দীর্ঘসূত্রিতা তাদের ধ্যান-ধারণায় অনেক কিছুই পরিবর্তন সূচিত করেছিল। একদিন গাতফান গোত্রের রঈস ন'ঈম বিন মস উদ বিন 'আমের বিন আনীফ বিন ছা'লাবা বিন কুরজ বিন হেলাল বিন গাতফান অ'ী-হযরত (সা)-এর খেদমতে হাধির হয়ে ইসলাম কবুল ক'রে 'আরয পেশ করেন : যদিও আমি ইসলাম কবুল করে মুসলমান হয়েছি, কিন্তু আমার কণ্ঠ তা জানে না। তথাপি আপনি আমাকে যা হুকুম করবেন অবনত মস্তকে তা আমি পালন করবো।

অ'ী-হযরত (সা) 'তাকে একটু সরিয়ে নিয়ে গিয়ে একটি পত্রিকল্পনার কথা বললেন। ন'ঈম বিষয়টা সম্পূর্ণ বুঝে নিয়ে বনু কুরায়জার নিকট যান। বনু কুরায়জা তাঁকে খুব মান্য করত। আলোচনাকালে তিনি যুদ্ধের ফলাফল প্রসঙ্গে বলতে গিয়ে বলেন : গাতফান এবং কুরায়শ মুহাম্মাদ (সা)-এর সঙ্গে লড়তে এসেছে।

তোমাদের অবস্থা ভাদের থেকে সম্পূর্ণ ভিন্ন। যদি তাদের পরাজয় ঘটে তবে তারা দেশে ফিরে যাবে। অতঃপর মুহাম্মাদ (স)-এর বাহিনীর আওতা থেকেও তারা মুক্ত ও নিরাপদ হয়ে গেল। এখন তোমরা নিজেদের সম্পর্কে কি চিন্তা-ভাবনা করে রেখেছ? তোমাদের মুহাম্মাদ (স)-এর ধারে কাছে বসবাস করতে হবে। দূরদণ্ডিতার দাবী হ'ল, তোমরা গাতফান ও কুরায়শদের থেকে তাদের কয়েকজন সর্দারকে জামিন হিসাবে নিজেদের কাছে রেখে দাও যেন তারা তোমাদের ধোকা দিতে না পারে, না পারে প্রতারণিত করতে এবং শেষ পর্যন্ত মড়তে বাধ্য হয়। যদিও তারা আমার নিকটাত্মীয় তবুও এ ব্যাপারে আমার যা মতামত তা আমি বললাম। এখন তোমরা নিজেরাই বুঝে দেখ কি করবে।

বনু কুরায়জা ন'ঈম-এর এই অভিমত পেশের জন্য খুব শুকরিয়া আদায় করে। এখন তাদের মাথা ঘোরা শুরু হ'ল এবং ভাবতে লাগল, না জানি আমাদের অবস্থাও বনু নাযীরের মতই হয়। তারা ন'ঈম (রা)-এর কথা মনে আচ্ছা করে গেঁথে নিল।

ন'ঈম (রা) বনু কুরায়জার নিকট থেকে উঠে গিয়ে কুরায়শদের কাছে গিয়ে পৌঁছনো। সেখানেও তাঁর খাতির মত্ব হ'ল খুব। খানাপিনা শেষে ন'ঈম (রা) আবু সুফিয়ানকে একটু আড়ালে ডেকে নিয়ে বললেনঃ আমি এমন একটা সংবাদ পেয়েছি যা আপনাকে না বললে বন্ধুত্বের দাবী আদায় করতে বার্থ হ'ব। তারপর পেশাকৃত তথ্য গোপন রাখার ওয়াদা নিয়ে বললেনঃ আমার মনে হচ্ছে যে, যাহুদীরা মুহাম্মাদ (স)-এর সঙ্গে সম্পর্ক ছিন্ন করার জন্য লজ্জিত। এজন্য তারা মুহাম্মাদ (স)-কে খবর পাতিয়েছেঃ আমরা যদি গাতফান কুরায়শদের বিশিষ্ট কয়েকজন সর্দার আপনাকে সোপর্দ করে দিই তাহলে আশা রাখি আপনি আমাদের কসুর মাফ করবেন। আপনার সঙ্গে মিলে মিশে আক্রমণকারীদের বিরুদ্ধে লড়াই করতে পর্যন্ত আমরা প্রস্তুত আছি। আমাদের এই কাজে সাফল্যের সম্ভাবনা খুবই বেশী। আক্রমণকারীদের মন-মানসের উপর তাদের নেতাদের বন্দী হলে যাবার কারণে নিরাশার কালো মেঘ ছেয়ে যাবে। অনন্তর

মুহাম্মাদ (সা) তাদের পরিকল্পনায় সম্ভ্রুট হয়ে সম্মতি প্রকাশ করেছেন।

আবু সুফিয়ান ছিল কমস্বোর মনের মানুষ। সেও এই চালে আটকা পড়ল এবং তার ধান-ধারণাও ঘোলাটে হয়ে গেল।

কুরায়শদের সঙ্গে মিলিত হবার পর না'ঈম বনু গাতফানের নিকট আসলেন এবং আপন কবিলার সর্দারদের গোপনীয়তার প্রতিশ্রুতি নিয়ে বললেন : আমি আপনাদেরই লোক। অতএব শত্রুর কৃট চাল সম্পর্কে আপনাদের অবহিত করাকে আমি আমার দায়িত্ব ও কর্তব্য বলেই মনে করি। বনু কুরায়জা আবু সুফিয়ান ও আমাদের থেকে জামিনস্বরূপ বিশিষ্ট সর্দারদের চেয়ে পাঠাবে। আমার পরামর্শ, তোমরা খেন নিজেদের সর্দারদেরকে বলির পাঠা না বানা'ও এমন কি কুরায়শরা তাদের সর্দারদের পাঠাতে রাযী হয়ে গেলেও না।

আবু সুফিয়ান এবং গাতফানের দায়িত্বশীল লোকেরা ন'ঈমপ্রদত্ত সংবাদ ও পরামর্শ নিয়ে নিজেদের মধ্যে আর কোন আলোচনা করেনি। অবশ্য এতটুকু সিদ্ধান্ত গৃহীত হ'ল যে, আক্রামা বিন আবু জেহেলকে কুরায়শ ও গাতফানের কতিপয় সর্দারের সঙ্গে বনু কুরায়জার নিকট পাঠানো হবে এবং তাদেরকে বলা হবে যে, আগামীকাল ভোরে তারা তাদের অঞ্চলে মুসলমানদের উপর হামলা করার জন্য তৈরী থাকবে এবং আবু সুফিয়ানের নির্দেশ প্রাপ্তির সঙ্গে সঙ্গেই চারদিক থেকে আক্রমণ করে মুসলমানদের খতম করে দেওয়া হবে। এত সত্বর হামলা করার কারণ পেশ করতে গিয়ে বলা হ'ল : যে জায়গায় আমরা ছাউনী ফেলেছি সেখানে এত বিরাট বাহিনীর পক্ষে দীর্ঘদিন অবস্থান করা সম্ভব নয়। পশুপালের ঘাসের ব্যবস্থা করতে গিয়ে আমাদের খুবই কষ্টের সম্মুখীন হতে হচ্ছে। মওসুম তেমন সুবিধের না হওয়ায় বহুসংখ্যক জীব-জানোয়ার আমাদের মারা গেছে। ফলে আমরা তার অধিককাল এখানে অবস্থান করতে পারছি না।

বনু কুরায়জা বলল : কাল তো শনিবার, আর শনিবার দিন আমরা কোন কিছু করি না। যারাই এর ব্যতিক্রম করেছে তারাই কোন না কোন মসীবতে গ্রেফতার হয়েছে। এ ছাড়াও আমরা

ততক্ষণ পর্যন্ত মুহাম্মাদ (সা)-এর সঙ্গে লড়াই করব না কিংবা তাঁর উপর আক্রমণোদাত হ'ব না যতক্ষণ পর্যন্ত আপনাদের কতিপয় বিশিষ্ট সর্দারকে জামিনস্বরূপ আমাদের হাতে আপনারা না তুলে দিচ্ছেন। কেননা আপনাদের কথায় বেশ বোঝা যাচ্ছে আপনারা বিপদে ঘেরাও হয়ে পড়েছেন। যদি আপনাদের পরাজয় ঘটে তবে আপনারা নিজেদের দেশে চলে যাবেন, আর আমাদের মুসলমানদের জুলুম সইবার জন্য ছেড়ে যাবেন। আমরা মুহাম্মাদ (সা)-এর সঙ্গে একাকী তো আর লড়াই করতে পারব না।

বনু কুরায়জার এই জবাবের ফলে আবু সুফিয়ান এবং বনু গাত-ফানের বন্ধমূল বিশ্বাস জন্মে গেলঃ ন'ঈম আমাদের সত্য খবরই দিয়েছে। বনু কুরায়জাকে তারা বলে পাঠালঃ আমরা জামিনস্বরূপ আমাদের একজন লোককেও দেবার জন্য তৈরী নই। তোমরা আমাদের সঙ্গে মিলিত হয়ে লড়াই করবার জন্য নিজেদের অঞ্চল ছেড়ে চলে এস। বনু কুরায়জারও ন'ঈম বিন মাস'উদের কথায় আস্থা হ'ল। ফলে তারা লড়াই করতে সরাসরি অস্বীকার করে বসল এবং বলে পাঠালঃ যতক্ষণ পর্যন্ত যা তোমরা জামিন পাঠাচ্ছ, আমরা যুদ্ধ করব না।

এদিকে আ'-হযরত (সা)-এর রাজনৈতিক কৌশল নিজ গতিতে তার কাজ করে চলেছিল। শত্রুর মাঝে বিচ্ছেদ সৃষ্টি হচ্ছিল, অন্য দিকে আব্বাহর অপার কুদরত তাদের মুসীবত ও দুঃখ-কষ্ট আরও এক ধাপ বাড়িয়ে দিল। প্রচণ্ড ঠাণ্ডা বাতাস ও শৈত্য প্রবাহ মুশরিকদের সুখ-স্বপ্ন হারাম করে দিল। প্রচণ্ড হাওয়ান তীব্রগুলো সব উড়ে গেল আর সাজ-সরঞ্জাম হ'ল ইতস্ততঃ বিক্ষিপ্ত; পানির পাত্রগুলোও গেল উল্টে। মোট কথা, চারদিকেই একটা সাধারণ বিশৃঙ্খলা, অরাজকতা, দুর্যোগঘেরা পেরেশানী এবং বিমর্ষ গুমোট আবহাওয়া ছড়িয়ে পড়ে। কেউ কারো খবর নিতে পারে না। লেখকের এখানকার মৌসুমের কাঠিন্য সম্পর্ক ব্যক্তিগত অভিজ্ঞতা রয়েছে। কেননা লেখক যুদ্ধের সময় এখানে কাটিয়েছেন। এখানকার আবহাওয়ার তীব্রতা অত্যন্ত প্রচণ্ড ও অসহনীয়।

এ সময়েই হুই বিন আখতাব বিশটি উট ভতি যব এবং আরও কতিপয় উট ভতি ভূষি ও খেজুর মুশরিক শিবিরের জন্য পাঠায়। আঁ-হযরত (সা) যথাসময়ে এ বিষয়ে অবহিত হন এবং অতিক্রম হামলা চালিয়ে সেগুলো দখল করে নেন। এ ঘটনার ফলে শত্রু ক্যাম্পে একেবারে হতাশা ও নিরাশার কালো মেঘ ছড়িয়ে পড়ে। তাদের ভেতর পারস্পরিক আস্থাও কমে যায় আর মনোমালিন্যের সুস্পষ্ট চিহ্নও দৃষ্টিগোচর হতে থাকে।

আঁ-হযরত (সা) শত্রু ক্যাম্পের অবস্থা সম্পর্কে অবহিত হবার জন্য হযায়ফা বিন আল-য়ামানকে পাঠিয়ে দেন। হযায়ফা (রা) লুকিয়ে রাতের বেলায় সেখানে পৌঁছেন। সে সময় আবু সুফিয়ানের পরামর্শ অধিবেশন চলছিল। আবু সুফিয়ান বক্তৃতা শুরু করার আগে বলল : প্রত্যেকেই যেন তার পশ্চিম লোকটির পরিচয় জেনে নিয়ে নিশ্চিত হয় যে, তাদের ভেতর কোন অপরিচিত লোক উপস্থিত নেই। এর ফলে কেউ হযায়ফা (রা)-কে কিছু জিজ্ঞাসা করার আগে তিনিই অন্যদের প্রশ্ন করতে শুরু করেন। তখনও সওয়াল জওয়াবের পালানো চলছিল এমন সময় আবু সুফিয়ান বক্তৃতা শুরু করে এবং বলে : আমাদের আহায্য ও খোরাকী আর খুব অল্পই আছে। এ দিকে মওসম খুবই ঠাণ্ডা এবং ভয়াবহও বটে যার কারণে সিপাহী ও জীব-জানোয়ারের খুব ক্ষতি হচ্ছে। শওয়াল ও যী-কা'দাহ মাস একেবারে মাথার পর। এ মাসে কুরায়শরা ধর্মত যুদ্ধ করতে পারে না। এজন্য আমাদের ফিরে যাওয়াই উচিত এবং সবার আগে আমিই অগ্রসর হচ্ছি, আর সবাইকে পরামর্শও দিচ্ছি : চলো, রাতের বেলায়ই বেরিয়ে পড়ি যেন দূশমন আমাদের পিছু ধাওয়া না করতে পারে। এরপর সে তার উটের নিকট গেল এবং তার পিঠে সওয়াল হয়ে রওয়ানা হয়ে পড়ল আর সঙ্গে সঙ্গে তার অনুগমন করল অন্য কুরায়শরাও।

গাউফান ও মিত্র বাহিনী কুরায়শদের চলে যাবার খবর শুনেই মগ্নদান ছেড়ে পালাল। সে সময় তাদের ন'ঈম (রা)-এর সঙ্গে পরামর্শ আরও একবার অনুভূত হ'ল। বনু কুরায়জাও ছিল পরম ভূক্ত, ছিল প্রশংসামুখর এজন্য যে, 'ন'ঈম (রা) বন্ধুত্বের হক পুরো-

পুরিই আদায় করেছে। কিন্তু তাদের অবস্থা কুরায়শ ও বনু গাত-ফানের থেকে ভিন্ন প্রকৃতির ছিল। তারা ছিল পেরেশান ও বিমর্ষ।

ভোর হলে মদীনার চারদিকেই নিঃস্বস্ততা ও নিঃসীম শূন্যতা বিরাজ করছিল। আঁ-হযরত (সা) সংবাদ আনার জন্য একদল আরোহী পাঠিয়ে দিলেন, কাউকে পাঠালেন হামলা করবার জন্য। কিন্তু তাদের প্রতি নির্দেশ রইল,—তাদেরকে শুধু সজ্জস্ত ও পেরেশান করে রাখতে হবে, দৃঢ়পদে একই স্থানে তাদের সঙ্গে লড়াইয়ে লিপ্ত হওয়া যাবে না। আঁ-হযরত (সা) জানতেন যে, বনু কুরায়জা এখনও বর্তমান এবং তাদের নিকট কমবেশী এক হাজার সশস্ত্র নও-জোয়ান রয়ে গে'ছ। এজন্যই তিনি চাচ্ছিলেন না, মদীনার নিরাপত্তা ব্যবস্থা কোন কারণে কমষোর হোক। ভোর বেলায় তিনি এলান করে দিলেন যে, আ'ল্লাহ্ ও তদীয় রসূলের অনুগত প্রতিটি ব্যক্তিকেই 'আসনের সালাত বনু কুরায়জার নিকটস্থ ময়দানে গিয়ে আদায় করতে হবে। কিন্তু হযরত 'আলী (রা)-কে পতাকা প্রদান করে সে মুহূর্তেই রওয়ানা করে দেন।

বনু কুরায়জা যুদ্ধ

আঁ-হযরত (সা) হযরত 'আলী (রা)-কে বনু কুরায়জার কুয়াঁ আন্নার পাড়ে অবস্থান করার হেদায়েত প্রদান করেন। অতঃপর হযরত 'আলী (রা) সেখানে পৌঁছার কিছু পরই তিনিও সেখানে পৌঁছেন। মুসলমানরাও দলে দলে সেখানে জমায়েত হতে শুরু করে।

কুরায়শ ও বনু গাতফানের চলে যবার খবর বনু কুরায়জা কিছু আগে পেয়েছিল। তারা তখনও বেরও হতে পারে নি, মুসলমানদের পশ্চাৎবনকারী দলকে তারা দেখতে পায়। অতঃপর এও দেখতে পায় হযরত 'আলী (রা) ইসলামী ঝাণ্ডা হাতে আগে আগে আসছেন। পরিবর্তিত অবস্থাদৃষ্টে তারা ঘাবড়ে গিয়ে কেবলার দরজা বন্ধ করে দেয়।

কেবলা বন্ধ দেখে ইসলামী ফৌজ তাদেরকে চতুর্দিক থেকেই ঘিরে ফেলে। একুশ দিন ঘাবত তারা ঘেরাও হয়ে থাকে। এরপর তারা

সন্ধির দরখাস্ত পেশ করে এবং বলে যে, তরাও বনু নাযীরের মত নির্বাসনে যাবার জন্য প্রস্তুত আছে। মুসলমানদের পক্ষ থেকে জওয়াব গেল : আগে হাতিয়ার ফেলে দাও, অ' হযরত (সা) যে ফয়সালা চাইবেন করবেন। কিন্তু যেহেতু তারা ছিল অপরাধী, আর অপরাধও ছিল গান্দারী ও বিশ্বাসঘাতকতার, এজন্য বিনা শর্তে অস্ত্র সমর্পণ করতে তারা রাহী হয়নি। বরং অ'-হযরত (সা)-এর খেদমতে আবু লু'বাকে পাঠিয়ে দেবার আবেদন পেশ করে। আবু লু'বাবার কবিলা ছিল তাদের মিল্ল। অ'-হযরত (সা) তাদের দরখাস্ত মঞ্জুর করেন। তারা আবু লু'বাকে জিজ্ঞাসা করে, 'আমরা কি আমাদেব্বকে মুসলমানদের নিকট সোপর্দ করে দিতে পারি। আপনাদের মত কি?' জবাবে আবু লু'বাবা বলেন, 'করো, কিন্তু কৃত অপরাধের শাস্তিস্বরূপ তোমাদেরকে হত্যা করা হবে।' এতে তারা আবারও অস্ত্র সমর্পণ করতে অস্বীকার করে বসল এবং অবরোধও দীর্ঘায়িত হতে থাকল। শেষ পর্যন্ত বনী আওস (আনসার) তাদেরকে নির্বাসনে পাঠিয়ে দেবার পরামর্শ দেয়। আনসারদের এ পরামর্শক্রমে অ'-হযরত (সা) বললেন : যদি তোমরা চাও তবে এর ফয়সালা তোমাদের সর্দার সা'দ বিন মা'আয (রা)-কে সোপর্দ করা যাচ্ছে। এ প্রস্তাব যাহুদী সমেত সবাই সম্মুখি চিত্তে মেনে নেয়।

সা'দ (রা) খন্দক যুদ্ধে আহত হয়েছিলেন। সে সময় তাঁর অবস্থা বেশ ভাল ছিল। অ'-হযরত (সা) ডেকে পাঠাতেই তিনি বনু কুরায়জা এলাকায় পৌঁছেন।

হই বিন আখতাব কুরায়শদের যাবার পর বন্ধুত্বের প্রতিশ্রুতি মূতাবিক বনু কুরায়জার নিকট চলে এসেছিল যেন শেষাবধি তাদের সঙ্গে থাকতে পারে। সে তাদেরকেও বনু নাযীরের মত উক্রানী দেয় এবং বলে : অস্ত্র ত্যাগ করো না বরং তিনটি শর্তের ভেতর যে কোনটি গ্রহণ করে ব্যাপারটা চুকিয়ে ফেল।

প্রথমত, আমরা মুহাম্মাদ (সা)-এর উপর ঈমান আনব এবং তাঁর পূর্ণ অনুসরণ করব। তোমাদের কিতাবে লিখিত আছে যে, তিনি নবী-এ-মুরসাল বা প্রেরিত নবী। এর ফলে তোমাদের এবং তোমাদের

পরিবারবর্গের জীবন বেঁচে যাবে এবং আরাম ও পরিতৃপ্তির সঙ্গে জীবন যাপন করতে পারবে।

দ্বিতীয়ত, বাল-বাচ্চাদের রক্তল করে নাজা তলোয়ার হাতে মুকা-বিলায় দাঁড়িয়ে যাও যেন দুশমন আমাদের বীরত্বের পরিমাপ করতে পারে। যদি জিতে যাই তবে আরও বহু বিবি মিলবে এবং বাল-বাচ্চাও পয়সা হতে থাকবে, সম্পদ ও সৌভাগ্য আমাদের পদচুসন করবে।

তৃতীয়ত, শত্রুর উপর আচানক হামলা করা হোক। আজ শনিবার, শত্রু নিশ্চিত থাকবে যে, আজ আমরা লড়াই করবো না। ফলে তারা অসতর্ক ও বে-খবর থাকবে। এমনভাবেই আমাদের সাফল্য ও কামিন্দাবী নিশ্চিত।

স্নাহূদীরা হই-এর তিনটি প্রস্তাবই প্রত্যাখ্যান করে।

সাদ বনী কুরায়জায় পৌঁছলে অ'ই-হযরত (সা) স্নাহূদীদের ষাদেরকে ঘোষণা দিয়ে ডেকে একত্র করা হয়েছিল, জিজ্ঞাসা করে জানতে চান, সাদ যে ফয়সালা করবে তা কি তারা মেনে নেবে? বনী কুরায়জা জবাবে জানায়, তারা তা মেনে নেবে এবং স'জ সঙ্গে তারাও অ'ই-হযরত (সা)-কে বলে যে, তিনিও কি তার ফয়সালা কবুল করে তার উপর কায়েম থাকবেন?

অ'ই-হযরত (সা) কায়েম থাকার প্রতিশ্রুতি দেন।

সাদ বিন মা'আয (রা) যে ফয়সালা দিলেন অ'ই হযরত (সা) তা মেনে নিলেন এবং স্নাহূদীদেরকেও তা মানতে হয়। এই ফয়সালা মুতাবিক স্নাহূদীদের ঝগামাঙা মুসলমানদের মধ্যে ভাগ বন্টন হয়ে যায়।

এই লড়াইয়ে যে মালে গনীমত হস্তগত হয় তার বন্টন এভাবে করা হয়েছিল যে, এক পঞ্চমাংশ বের করে ছোড় সওয়ারকে তিন ভাগ (একটা অংশ তার নিজের আর দু'অংশ তার ছোড়ার) এবং পদাতিক বাহিনীকে এক ভাগ দেওয়া হয়। এজন্য এটা করা হয় যে, অ'ই-হযরত (সা) স্বীয় ফৌজকে শক্তিশালী করে গড়বার স্বার্থে মুজা-

হিদদের মধ্যে এই আগ্রহ সৃষ্টি করতে চাচ্ছিলেন যেন তারা সবাই ঘোড়া রাখে এবং অধিকতর মর্যাদাবান ও গবিত হয়। যতদিন ফৌজে অস্বারোহী বাহিনী থেকেছে আরোহী ও পদাতিক বাহিনীর মধ্যে বেতনের পার্থক্য সর্বদা ও সর্বস্থানে ছিল। আজও ট্যাংক ফৌজের সিপাহীকে প্রকৌশলগত নৈপুণ্যের কারণে অধিক বেতন দেওয়া হয়। আ'-হযরত (সা)-এর দূরদর্শিতার ফলে মুসলিম বাহিনী সত্তর সর্বোত্তম ও শক্তিশালী বাহিনীতে পরিণত হয়।

বদর যুদ্ধে আ'-হযরত (সা)-এর নিকট কেবল দু'টো ঘোড়া ছিল। ওহুদ যুদ্ধে সেনানায়কদের নিজেদের ছাড়া সিপাহীদের নিকট ৩০টি ঘোড়া এবং খন্দক যুদ্ধে শুধুমাত্র ৩৬ জন ঘোড়সওয়ারের একটি প্লাটুন ছিল। এটা বাড়াবার দরকার ছিল জরুরী ভিত্তিতে এবং সেই মুগে স্বেচ্ছাপ্রণোদনের ভিত্তিতে বাড়ানোর এটা ছিল সর্বোত্তম প্রয়াস।

ফলাফল ও শিক্ষা

আ'-হযরত (সা)-এর প্রতিরক্ষা স্ট্র্যাটেজী (কৌশল) এখন স্পষ্টতর হতে চলেছিল। এই প্রতিরক্ষা কৌশল সমরশাস্ত্রের সেই প্রতিরক্ষা নীতির উপর প্রতিষ্ঠিত ছিল যার ভেতর নিরাপত্তা ও আশ্রয়কে স্বীয় হেফাজতই অভিহিত করা হয় না বরং আসল উদ্দেশ্য তার হয়ে থাকে এই যে, শত্রুর উপর এমন মুহূর্তে এবং এমন জায়গায় হামলা করা হবে যেখানে সে হয় কমঘোর ও দুর্বল। এই মূলনীতির উপর বরাবর সাফল্যের সঙ্গে 'আমল করা হচ্ছিল এবং এখন তার শ্রেষ্ঠত্ব তথা প্রাধান্য ও ফলপ্রসূ প্রকাশ ঘটবার এটা ছিল তৃতীয় মওকা। আ'-হযরত (সা) দুশমনকে স্বীয় প্রতিরক্ষা কৌশলের পরিকল্পনাধীনে সেই নাচ নাচিয়েছিলেন যে, তাদের যেখানে চাইলেন প্রতিরক্ষা চাল চেলে নিয়ে আসলেন এবং এনে একটা কলংকজনক পরাজয়ের তিলক চিহ্ন তাদের কপালে পরিয়ে দিলেন। প্রথমত, দু'টি বাজীতে তাদের উপর মারাত্মক আঘাত হানেন, আর যেহেতু এ জখম ছিল যুদ্ধের ফলে তা দৃশ্যমান হয়ে রইল। তৃতীয় আঘাত এমনই কার্যকরভাবে হানেন যে, তা

মুশরিকদের কোমর ভেঙে দিয়ে সোজা হয়ে দাঁড়াবার ক্ষমতাটুকু চিরদিনের মত ছিনিয়ে নিল।

এই পরিকল্পনা ছিল হুবহু তেমনি যেমনি প্রথমে শিকারী দানা ফেলে জালে শিকারকে আটকায়। উদাহরণত, বদর নামক স্থানে কুরায়শরা শক্তির দণ্ডে মত্ত হয়ে আঁ-হযরত (সা)-এর শক্তি খর্ব করতে এসেছিল। আর অন্য দিকে আঁ-হযরত (সা) নিজের স্বল্প সংখ্যক সঙ্গী-সাথীর সমাবেশ ঘটিয়ে তাদের এমনই এক ময়দানে নিয়ে আসেন যেখানে তাদের আর কোন হুশ-জ্ঞানই রইল না এবং পরাজয় বার্তার গ্লানি ও লজ্জা নিয়ে তাদের পালিয়ে যেতে হ'ল। তিনি তাদের ফেলে যাওয়া অর্থ-বিল্ড দিয়ে নিজের ফৌজকে অধিকতর ময়বুত বানালেন। দ্বিতীয় বার তিনি ওহুদ ময়দানকে নিবাচিত করেন। প্রথমে তিনি তাদেরকে নিজেদের প্রতিরক্ষা পরিকল্পনা বেশ ভালোভাবে প্রকাশ করবার সুযোগ দিলেন। প্রকাশ করবার পর আঁ-হযরত (সা) এমনই প্রতিরক্ষা চাল চাললেন যে, তাদেরকে মদীনার উত্তর দিকের ময়দানে লড়াইয়ের পরিবর্তে তাকে নিজেদের পেছনে ফেলতে হয়। অতঃপর যেহেতু এই পশ্চাদ্দেশ তাদের জন্য ভয়াবহ ও বিপদজনক মনে হ'ল এজন্য কানাত উপত্যকায় জমায়েত হয় এবং এমন মূলনীতির উপর লড়তে হয় যার উপর আঁ-হযরত (সা) তাদেরকে লড়াইয়ে নামাতে চেয়েছিলেন।

তৃতীয়বার ঘটেছিল অবস্থার পরিবর্তন। শত্রু বিরাট বাহিনীর সমাবেশ ঘটিয়েছিল। ফলে এবার তিনিও প্রতিরক্ষার অঙ্গ নতুনভাবে শান দিলেন এবং যুদ্ধের চিত্র এভাবে তৈরী করলেন যে, দূশমন এবারও সে জালে অন্ধভাবে ফেঁসে গেল। এই তৃতীয়বারের লড়াই তাদের জীবনের শেষ লড়াই প্রমাণিত হ'ল। তিনি জানতেন যে, যুদ্ধ কখনো দু'দফা একই ময়দানে একই মূলনীতির উপর সাফল্যের সঙ্গে লড়া যায় না। তাঁর এও জানা ছিল যে, মদীনার উত্তর এলাকা শত্রুর জন্য নেহায়েত উপযোগী এবং এও জানা ছিল যে, দূশমন কর্দমাক্ত ময়দানকে এখন দুরতিক্রম্য হিসাবে মেনে নেবে না। অধিকন্তু তিনি এও বুঝতেন যে, সাহুদীরা দাগাবাজী করবে। এমতাবস্থায় যুদ্ধের নকশা নতুনভাবে প্রণয়ন করা ছিল জরুরী। তিনি এও চাইছিলেন

যে, যেভাবে প্রথম যুদ্ধগুলোতে শত্রুর বাহিনীগুলোকে বেকার ও অর্থহীন করা গিয়েছিল এবারও সেভাবেই করা হবে। ফলে সমস্ত দিকের উপর ভেবে-চিন্তে তিনি এমন শব্দক তৈরী করেন যা মুশরিকদের ঘোড়সওয়ার পেরোতে না পারে। এই সঙ্গে এমন মন্ববৃত্ত মোচা বানান যে, শত্রুর পদাতিক বাহিনীও যেন বিরাট সংখ্যায় একযোগে হামলা করতে না পারে। বরং তাদেরকে সংকীর্ণ রাস্তা ও গলি পথ অতিক্রম করে আসতে হয় যেন দু'দিকের কয়েকজন সৈনিকই মাত্র একে অপরের সঙ্গে হাতাহাতি মুণ্ডাবিলা করতে পারে। অতঃপর তিনি সে সব সংকীর্ণ রাস্তার উপর প্রস্তর নিমিত্ত ছোট খুপড়ীকে কেবলাবন্দী করে সে সবের ভেতর তীরন্দায মোতাম্মেন করেন যেন দূশমনের অপ্রাভিযানের ক্ষেত্রে অধিকতর অসুবিধা সৃষ্টি হয়।

আ'-হযরত (সা) নিজ বাহিনী ছোট ছোট গ্রুপে বিভক্ত করে সমগ্র ফ্রন্টের হেফাজতের জন্য কেবল নির্দেশ দেন নি বরং একটি অংশ সমস্ত মোর্চায় নিযুক্ত করেন এবং বৃহত্তম অংশকে সাহায্যকারী বাহিনী হিসাবে নিজের নিকট রিজার্ভ রাখেন যাতে মুহূর্তের নোটিশে বিপদ-স্থলে পাঠানো যায়। মুশরিকদের অস্বারোহী বাহিনী খালিদ বিন ওসলামীদের মত যোগ্য ও বাহাদুর অধিনায়কের নেতৃত্বাধীনে ছিল, তার মুকাবিলায় তিনি মুসলিম ঘোড়সওয়ারদের অধিনায়ক হিসেবে হযরত আলী (রা)-এর মত নামকরা জেনারেলকে নিযুক্ত করেন। মুশরিক অস্বারোহী বাহিনী যেখান থেকেই শব্দক পার হোক না কেন সেখানেই যেন গকে খতম করা যায়, তাদের একজনও যেন ফিরে যেতে না পারে। কার্যত তাই হয়েছিল। 'আমর বিন 'আবদুদ ও নওফল বিন 'আবদুল্লাহ বিন আল-মুগীরার মতো বিখ্যাত বীরদেরকে মরণের ওপারে পাঠিয়ে দিয়ে শত্রু বাহিনীর মেরুদণ্ড ভেঙ্গে দেওয়া হয়। হযরত 'আলী (রা) এই সুযোগে মুসলিম বাহিনীর নেতৃত্ব হাতে নিয়ে প্রতিরক্ষার ক্ষেত্রে আক্রমণাত্মক অপ্রাভিযানশাস্ত্রে সর্বোত্তম নীতি কাঙ্ক্ষম করেন। আর তা এই যে, যদি কোথাও দূশমন মোর্চা ভেঙে ফেলতে কামিন্দাব হয় তবে তাদের উপর তাৎক্ষণিকভাবে পাল্টা হামলা চালিয়ে তাদেরকে খতম করে দিতে হবে। দ্বিতীয় বিশ্বযুদ্ধে জার্মান অধিনায়ক ফিল্ড মার্শাল রোমেল যুরোপে

দ্বিতীয় দফা হামলার সময় এই নীতির উপর 'আমল করতে চেয়েছিলেন। কিন্তু মিত্রবাহিনী অধিনায়ক তা বার্থ করে দেন। যদি রোমেল মিত্রবাহিনীর সেই সব জীবন উৎসর্গকারী প্লাটুনকে যারা হিটলারের আটলান্টিক মহাসমুদ্রের প্রাচীর গুড়িয়ে দেবার জন্য ফ্রান্সে জুঁজুতে অবতরণ করেছিল— ধংস ও বরবাদ করে দিতে পারতেন তাহলে যুদ্ধের চিত্রই পাল্টে যেত। তেমনি হযরত 'আলী (রা) যদি সে সব আরোহীকে কতল না করতেন তাহলে মদীনার রণক্ষেত্র অন্য-রূপ ধারণ করতো আর মুসলমানদের সম্মুখীন হতে হ'ত খুবই সম্মান ও জয়াবহ অবস্থার। ইসলামী বিপ্ল হযরত 'আলী (রা)-কে যে "হাম্মদার" (সিংহ) উপাধিতে সম্মরণ করে থাকে তা মোটেই অতিশয়োক্তি নয়। এর দ্বারা অ'-হযরত (সা)-এর বীর্যবত্তা, বীরত্ব ও নিষ্ঠাকতাই প্রকাশ পায়।

খন্দক যুদ্ধকে যদি আজকালকার প্রতিরক্ষা নীতির আলোকে দেখা যায় তাহলে দেখা যাবে, অ'-হযরত (সা) গ্র্যান্টিট্যাংক হিসাবে ট্যাংকের হাত থেকে বাঁচবার তাগিদে খন্দক খনন করেছিলেন। ট্যাংক প্রকৃতপক্ষে অস্বারোহী সৈন্যেরই পরবর্তী সংস্করণ। অতএব আজকাল ট্যাংকের হাত থেকে হেফাজতের তাগিদে যে সব খন্দক খনন করা হয়ে থাকে তা নতুন কোন আবিষ্কার নয়। এর উদ্ভাবক ও প্রবর্তক ছিলেন অ'-হযরত (সা)।

এ ব্যাপারে অ'-হযরত (সা)-এর আরও একটি নতুনত্ব রয়েছে আর তা হ'ল, তিনি প্রমাণ করে দেন অস্বারোহী বাহিনীকে প্রতিরক্ষা পরিকল্পনায় কয়েকভাবে ব্যবহার করা যেতে পারে। এর দ্বারা শত্রুর রসদ-সন্টার ও যুদ্ধের সামান্য-আসবাবের কাফেলার উপর অতকিঞ্চি ও ঝটিকা হামলা করার কাজ নেওয়া যেতে পারে। গত মহাযুদ্ধে রাশিয়া জার্মানীর বিরুদ্ধে এই নীতির উপরই 'আমল করেছিল। রাশিয়া জার্মান ফৌজের বিরূপ বাহিনীর জন্য জাল বিছিয়েছিল। জার্মান ফৌজ বিদ্যুৎগতিতে সম্মুখের দিকে এগিয়ে যায়। কিন্তু যতক্ষণ পর্যন্ত তারা মস্কো এবং স্টালিনগ্রাদের সামনে না পৌঁছে রাশিয়া একই স্থানে দৃঢ় ও সংঘবদ্ধ হয়ে লড়াই করে নি। রুশ সৈন্য হামার হামার বন্দী হয়েছে। জার্মান বাহিনী সাফল্যের নেশায় মত্ত

হয়ে কোনরূপ চিন্তা-ভাবনা ব্যতিরেকেই এমন এলাকায় পৌঁছে যায় যেখানকার মৌসুমী অবস্থার মুকাবিলা করা তাদের পক্ষে অত্যন্ত কষ্টকর ও দুঃসাধ্য ছিল। একই ভুল নেপোলিয়নও করেছিলেন এবং হিটলার সেই ভুলেরই পুনরাবৃত্তি করলেন মাত্র। সে সময় এই প্রস্ন ছিল যে, স্টালিন কি লাল ফৌজকে জার্মান ও তার মিত্র বাহিনীর মুকাবিলায় দৃঢ়পদ বাখতে পারবেন। স্টালিনের নিজ জাতি ও ফৌজের উপর পূর্ণ আস্থা ছিল। জার্মানদের মিত্র বাহিনী সে সব মোর্চা জয় করার জন্য বেখড়ক কুরবানী দিয়েছিল। কিন্তু তারা কামিয়াব হতে পারেনি। তথাপিও তারা হিশ্মত হারায় নি। হিটলার নিজের কথায় অনড় থাকেন। কিন্তু যখন গুড়ি গুড়ি বরফপাত ও প্রচণ্ড শৈত্য-প্রবাহ ভয়াবহ রূপ নিয়ে হামির হ'ল তখন সম্পূর্ণ চিত্তই গেল পাশ্চটে। জার্মানরা না যথেষ্ট খোরাক পেল, না পেল শীতের পোষাক, কামানের গোলা যেমন প্রচুর ছিল না, তেমনি ছিল না ট্যাংক, সাজোয়া ও রসদবাহী গাড়ীর পেট্রল। রাশিয়ানরা পাশ্চটা হামলা শুরু করল। অগত্যা জার্মানদের পক্ষে পশ্চাদপসরণ ভিন্ন আর কোন গত্যন্তর রইল না। তারা যখন পিছু হটলো তখন রুমানিয়ার মিত্রবাহিনী স্বদেশের পথ ধরল এবং রাশিয়ানরা তাদের নিকট থেকে বিরাট এলাকা পুনরুদ্ধার করতে সক্ষম হ'ল।

এই সাফল্য ও কামিয়াবীর কারণ ছিল যেখানে মৌসুমের সহযোগিতা, সেখানে অন্যতম কারণ এও ছিল যে, রাশিয়া তাদের ফৌজের একটা বড় অংশই সক্রিয় সাহায্যকারী বাহিনী হিসাবে রিজার্ভ রেখেছিল। উদ্দেশ্য ছিল, জার্মান ফৌজ যেখানে রাশিয়ান ফ্রন্ট লাইন ভেঙে ফেলতে প্রয়াস চালাবে সেখানে এই সাহায্যকারী রিজার্ভ বাহিনী যেন ঝটিকা বেগে পৌঁছে পাশ্চটা আক্রমণ চালাতে পারে। এতদভিন্ন আরও একটি কারণ এও ছিল যে, রাশিয়ানরা তাদের সেনাপতির উপর পূর্ণ আস্থাশীল ছিল, কিন্তু জার্মানীর মিত্রবাহিনীর বেলায় একথা খুব একটা দৃঢ়তা ও জোরের সঙ্গে বলা যায় না। রুশ অধিনায়ক ছিলেন অটুট মনোবলসম্পন্ন আর স্থির-মস্তিষ্ক। কিন্তু তার প্রতিপক্ষীয় জেনারেল শক্তি ও জয়ের নেশায় ছিলেন মত্ত। অতএব মস্কোর উপর

রাশিয়া ও জার্মানীর সংঘটিত বিরাট যুদ্ধে খন্দক যুদ্ধের আধুনিকতম পছা বেশ ভালোভাবেই অধ্যয়ন করা যেতে পারে। খন্দক যুদ্ধ মুশরিকদের মন-মগজে বদ্ধমূল করে দিয়েছিল যে, প্রতিরক্ষা নীতি সেই মুহূর্তে অত্যন্ত কার্যকর হয়ে থাকে যখন আত্মরক্ষা পরিকল্পনার উপর বাস্তব রূপদানকারী সিংহসালার নিজের নিকট বিরাট সংখ্যক সক্রিয় সাহায্যকারী বাহিনী রিজার্ভ রাখেন এবং উক্ত বাহিনী প্রতিটি স্থানে বেশ সহজভাবে পৌঁছানো যায়। এই সক্রিয় সাহায্যকারী বাহিনী যেন যুদ্ধক্ষেত্রের সেই চানের মতই ছিল যা সে দূশমনের আঘাতকে সাফল্যের সঙ্গে রুখতে ব্যবহার করে থাকে। প্রকৃতপক্ষে মস্কো এবং স্টালিনগ্রাদের বিখ্যাত যুদ্ধগুলো দুনিয়ার প্রতিরক্ষা পর্যবেক্ষকদের যেন আর একবার আলস্যের ঘুম থেকে জাগিয়ে দিল এবং বুঝিয়ে দিল যে, সাফল্যের জন্য শুধুমাত্র হামলা ও অগ্রাভিযানই একমাত্র পূর্ব শত নয়, বরং যদি প্রতিরক্ষা পরিকল্পনা প্রণয়নের সময় আক্রমণোদ্যত ও হামলারত দূশমনকে এমন চাল দ্বারা ধোকা দেওয়া যায় যে, সে আত্মরক্ষার মোর্চায় মাথা কুটে কুটে নিজের শক্তিকে নিঃশেষ করে দেবে, তবে এটাই হবে সবচেয়ে বেশী কার্যকর ও অধিক ফলপ্রসূ।

খন্দক যুদ্ধের উপর গভীরভাবে ভাবুন। প্রতিপক্ষ বাহিনীর সংখ্যা-শক্তি একের তুলনায় তিন। এই সংখ্যাধিক্যের প্রতিবিধান তাই ছিল যা অ'ই-হযরত (সা) করেছিলেন অর্থাৎ তিনি এটাকে সামনে রেখেই খন্দক এতখানি দীর্ঘায়িত করলেন যেন অত্যন্ত আসানীর সঙ্গে প্রতিরোধ করা যায়, সাহায্যকারী বাহিনীকে সরাতে-নড়াতে কোন অসুবিধার সম্মুখীন না হতে হয়, যেখানেই দরকার পড়ুক না কেন সঙ্গে সঙ্গে বিনা আয়াসেই যেন সৈন্য পাঠানো যায়। মুসলিম বাহিনী যদি ছোট ছোট দলে বিভক্ত হয়ে প্রস্তর নিমিত্ত ঝুপড়ীতে কেবলা বন্দী হয়ে থাকতো তাহলে মুশরিক বাহিনী কল্পে দিনেই বিজয় লাভে সমর্থ হ'ত। রসদ-সস্তার, পানি ও ঘাসের জোগাড় করা দুঃসাধ্য হয়ে উঠত। সমবেত শক্তি ছোট ছোট মোর্চায় বিছিন্ন হয়ে কমযোর হয়ে যেত। খন্দকের দীর্ঘ মোর্চার কারণে একে তো মুসলিম ফৌজের চলাচলের জন্য প্রচুর জাঙ্গা মিলেছিল, অপর দিকে শত্রুপক্ষকেও বিরাট ফ্লুটের জন্য তার বাহিনীকে ছড়িয়ে দিতে হয়। অ'ই-হযরত

(সি) স্থানীয় অবস্থা পর্যবেক্ষণ করে বেশ ভালোভাবেই পরিমাপ করে নিয়েছিলেন যে, দুশমন তাঁদের চতুর্দিক থেকে সব সময় ঘেরাও করে রাখতে পারে না। কয়েক মাইল লম্বা ও কয়েক মাইল চওড়া কর্দমাস্ত্র ময়দান অবশ্যই অতিক্রমযোগ্য ছিল, কিন্তু অবস্থান-যোগ্য আদৌ ছিল না। এজন্য অ'ই-হযরত (সি) সহজেই পরিমাপ করে নেন যে, দুশমন স্থায়ী শক্তির অধিক সমাবেশ ঘটাবে কোন্ কোন্ জায়গায় এবং পরবর্তী অবস্থা ও ঘটনাবলী এটিকে সঠিক ও নির্ভুল প্রমাণ করেছিল। শত্রু অ'ই-হযরত (সি)-এর এই নবতর অস্ত্র সম্পর্কে বিন্দুমাত্র ধারণাও করতে পারেনি। তাদের নীতি ছিল সেই অতি প্রাচীন কালের যে নীতির উপর আরবে লড়াই হ'ত। অতএব তাদের সামগ্রিক প্রস্তুতিতে সেই নীতিই সক্রিয় ছিল। কিন্তু তারা যখন মদীনায় পৌঁছে অ'ই-হযরত (সি)-এর এই সমর পরিকল্পনা দেখল, দেখে হয়রান ও হতভম্ব হয়ে গেল। তারা তাদের সঙ্গে প্রয়োজনীয় রসদ-সম্ভার এবং মৌসুমী পরিবর্তন মূতাবিক পোশাক-পরিচ্ছদও এনেছিল। তারা ভেবেছিল যে, মুসলিম ফৌজ কয়েক দিনের মধ্যে না হলেও কয়েক সপ্তাহের ভেতরই আত্মসমর্পণ করবে, কিন্তু অবরোধ যখন দীর্ঘায়িত হ'ত চলল তখন তাদের গোটা ব্যবস্থাপনাই ভেঙ্গে পড়ল। এটা তাদের কল্পনায়ও স্থান পায় নি যে, যুদ্ধ পবিত্র মাসসমূহ পর্যন্ত দীর্ঘায়িত হবে এবং তা শেষ হবার কোন লক্ষণই দেখা যাবে না। এ ধরনের ভুল ১৯৪০ সালে মিত্র বাহিনীও গ্রীষ্ম মৌসুমে করেছিল। তাদের ধারণা ছিল যে, আগাদের নতুন প্রতিরক্ষা কৌশল এমনই অভিনব হবে যে, দুশমন সকল অনুভূতি হারিয়ে সজ্জির দরখাস্ত পেশ করতে বাধ্য হবে। তাদের ধারণায় জার্মানীকে তারা সফলতম ও পরিপূর্ণতমভাবে অবরোধ করে রেখেছিল। অতএব তাদের প্রতিরক্ষা পর্যবেক্ষকগণ মিত্রশক্তির সরকারগুলোকে পরামর্শ দিয়েছিল যে, মথাসম্ভব সম্ভব যুদ্ধের পরিসমাপ্তির একটি মাত্রই পছন্দ রয়েছে আর তা হ'ল এই যে, শত্রু-রাষ্ট্রের নাগরিকদেরকে উন্নয়ন কিংবা ধমক দেখিয়ে সজ্জি করতে উৎসাহিত করে তোলা হোক। অনন্তর এই পরিকল্পনাধীনে ১৯৪০ সালের গ্রীষ্ম মৌসুমের সূচনায় জার্মানীর বড় বড় শহরে ২৩ হাজার

টন ওজনের বোমা নিক্ষেপ করে এবং ১৯৪২ ঈসাব্দীতে এর ওজনের পরিমাণ বাড়িয়ে ৩৭ হাজার টন করা হয়। কিন্তু এতেও যখন কোন ঈঙ্গিসত ফল লাভ হ'ল না তখন তাদের দৃঢ় বিশ্বাসের ক্ষেত্রে পরিবর্তন সাধিত হয় যে, তারা যথেষ্ট সংখ্যক বোমা বর্ষণ করেনি। অতএব ১৯৪৩ ঈসাব্দীতে ওজন বাড়িয়ে ১৩৫ হাজার টনে উন্নীত করা হয়। অতএব আমেরিকাও যখন যুরোপের সমর ক্ষেত্রে এসে হাযির হ'ল তখন তার পরিমাণ বাড়িয়ে ১৮০ হাজার টন করা হয়। ১৯৪৪ ঈসাব্দীতে দৈনিক পাঁচ হাজার টন বোমা নিক্ষেপ করা হয়। কিন্তু তাতেও কোন ফল হয় নি। জার্মানী বরাবরের মতই লড়াই চালিয়ে যায়।

এতে কোন সন্দেহ নেই যে, বিমান যুদ্ধে ধ্বংসের বিভীষিকা ছড়িয়ে পড়ে এবং এর প্রতিক্রিয়া প্রতিটি ব্যক্তির উপর কিছু না কিছু অবশ্যই হয়ে থাকে। কিন্তু এটা ততক্ষণ পর্যন্ত চূড়ান্ত রূপ পরিগ্রহ করে না যতক্ষণ না প্রতিদ্বন্দীর মধ্যে মনোবল অটুট থাকে এবং শত্রুর ভেতর পালাটা জবাব দানের শক্তি অবশিষ্ট থাকে।

মস্কার মুশরিকদের স্বীয় ফৌজের সংখ্যা শক্তি, অবরোধের পরিপূর্ণতা এবং বিভিন্ন স্থানে শক্তির মহড়া প্রদর্শন করে মদীনাবাসীদের থেকে পরাজয় স্বীকার করাতে যারপর নাই কোণেশ করে। কিন্তু এতে তাদের হিম্মত হারাবার পরিবর্তে সুদৃঢ় ইচ্ছাশক্তি ও মনোবল বাড়তে থাকে। শেষ পর্যন্ত তারা নিজেরাই অক্ষম ও পেরেশান হয়ে প্রস্থান করে।

আঁ-হযরত (সা)-এর লড়াই করার উদ্দেশ্য ছিল, যুদ্ধের পর শান্তি ফিরে আসবে এবং বিজেতা ও পরাজিত উভয়ে আত্মিক, মানসিক ও সামাজিক প্রশান্তি ও তৃপ্তি লাভ করবে। এই লক্ষ্য সামনে রেখেই যুদ্ধে তিনি ঠিক ততটুকু মাত্র জীবন ও সম্পদ হানি ঘটানোকে জায়েয রেখেছেন যতটুকু যুদ্ধ পরিসমাপ্তি ও শান্তি লাভের জন্য ছিল অপরিহার্য। অন্যথায় তিনি এমন পরিকল্পনা তৈরী করতেন না এবং সামরিক চাল চালতেন না যার ফলে দুষমন বিনা যুদ্ধেই ভীত-সম্ভ্রান্ত ও হতভম্ব হয়ে হিম্মত হারিয়ে বসতো আর অধিক রক্ত ক্ষয়

ব্যতিরেকেই যুদ্ধের উদ্দেশ্য ও লক্ষ্য হাসিল হয়ে যেত। এই সামরিক কলা-কৌশলকেই ব্রিটিশ প্রতিরক্ষা বিশেষজ্ঞ লীডল হার্ট-এর উক্তি মূতাবিক জার্মানীর প্রখ্যাত প্রতিরক্ষা পর্যবেক্ষক নিম্নোক্ত ভাষায় পুনরাবৃত্তি করছেন :

“প্রতিরক্ষা কৌশলের সাহায্যে এমনিভাবে কর্ম সম্পাদন করতে হবে যে, লড়াই ব্যতিরেকে অন্য পন্থায়ও শত্রুর উপর বিজয় সাধিত হয়।”

অর্থাৎ প্রতিরক্ষা পরিকল্পনা এমন হওয়া দরকার যে, উদ্দেশ্যে হাসিল হওয়ার সঙ্গে শান্তি স্থাপনের লক্ষ্যও যেন সম্মুখে থাকে এবং এই শান্তি যেন সাময়িক ও ক্ষণস্থায়ী না হয়, বরং তা যেন স্থায়ী ও চিরন্তন হয়। একথা বর্ণনার উদ্দেশ্য হ'ল এই যে, সমগ্র শক্তি ও উপায়-উপকরণ ব্যবহার করে যদি শত্রুর উপর বিজয় লাভ করা যায় তবে তাকে পারিভাসিক অর্থে বিজয় অবশ্যই বলা যায়। কিন্তু যদি এর কারণে বিজয়ী জাতিগোষ্ঠীর রাজকোষ অর্থশূন্য হয়ে পড়ে তবে তারা নিজেরাই শান্তির ন্যায় অমূল্য সম্পদ খুইয়ে বসবে। কেননা নিজেদের অর্থনৈতিক ও সামাজিক অবস্থা সুস্থ করবার জন্য তারা দূশমন কিংবা বিজিত জাতি বা গোষ্ঠী থেকে শক্তি প্রয়োগে অর্থ-কড়ি ও ধন-সম্পদ জমা করে। এভাবেই তাকে হীনবল, হতাশা ও দারিদ্র্যের শেকলে আবদ্ধ করে মজবুর ও লাচার বানিয়ে ফেলে। এর প্রতিক্রিয়া প্রতিশোধ ও মূণার আকারে প্রকাশ পায় এবং এভাবে দেখতে না দেখতেই অতঃপর আর একটি নতুন যুদ্ধের কানো মেঘে ছেয়ে যায় আসমানের দিগন্ত রেখায়। আর এর ফলে না বিজেতার পক্ষে শান্তি ও স্বস্তি জোটে, আর না জোটে বিজিতের পক্ষে। আর এ ধরনের বিজয় যদি কতিয় জাতি-গোষ্ঠী ও গোত্র ইত্যাদি মিলিত হয়ে হাসিল করে এবং তা হাসিল করতে গিয়ে তারা যদি নিজেদের সকল পন্থা ও উপায়-উপকরণ বেপরোয়া কাজে লাগিয়ে থাকে তা হলে তো শান্তি ও নিরাপত্তা আরও কল্পনার বিষয়ে পরিণত হয়। কেননা বিজয়ের পর এই মিত্রশক্তি যারা আর্থিক ও সহায়-সম্পদের দিক দিয়ে একেবারেই দেউলিয়া হয়ে যায় নিজেদের দেউলিয়াপনা দূর করবার ও রাজকোষ ভর্তি করবার নিমিত্তে শত্রুর নিকট থেকে যুদ্ধের ক্ষতিপূরণ উসুল করে থাকে। এখন যেহেতু মিত্রশক্তির প্রতিটি সদস্যই নিজের

স্বার্থকে অপ্রাধিকার দেবে এবং যুদ্ধজনিত জরুরী আর কোন সাধারণ বিপদাশংকাও আর অবশিষ্ট থাকে না, সেহেতু পারস্পরিক ঐক্য ও সংহতিও আর পূর্বের ন্যায় বজায় থাকে না বরং তা বিদায় নেয়। সে জায়গায় অবিশ্বাস ও মনোমালিন্য সৃষ্টি হয়। সামনে অগ্রসর হয়ে এই মনোমালিন্য ও বিভেদ একটি নবতর যুদ্ধের রূপ পরিগ্রহ করে।

১৯১৪-১৮ এবং ১৯৩৯-৪৫ ঈসাব্দীর মহাযুদ্ধের ফলাফল আমাদের সামনে রয়েছে। প্রথম মহাযুদ্ধ দ্বিতীয় মহাযুদ্ধের জন্ম দেয়, আর দ্বিতীয় মহাযুদ্ধ থেকে তৃতীয় যুদ্ধের বিভীষিকাময় মূর্তি তৈরী হচ্ছে। অতঃপর এই অবিশ্বাস, সন্দেহপরায়ণতা ও মনোমালিন্য শুধু জয়ের মুহূর্তেই সৃষ্টি হয় না, কোন সময় তা এর পূর্বেও সৃষ্টি হয়ে যায় এবং তাদের পরস্পর থেকে আলাদা করে দেয়। এ ধরনের বিচ্ছিন্নতা অধিকাংশ সময় খতরনাক হয়ে থাকে। ইতিহাসে এর ভূরি ভূরি নজীর মিলবে। প্রথম মহাযুদ্ধের মিত্রশক্তি দ্বিতীয় মহাযুদ্ধে একে অপরের প্রতিদ্বন্দ্বী হয়ে গেছে এবং কাঁধে কাঁধ মিলিয়ে লড়াইয়ের পর এক অন্যের জন্য চরম শোণিত পিপাসু ও জ্বালিমে পরিণত হয়েছে।

এখন প্রশ্ন হ'ল, প্রতিরক্ষা কৌশল কোন মূলনীতির উপর স্থাপিত হওয়া উচিত। এর জবাবের পূর্বে আরও একটি সওয়াল পয়দা হয় যে, সে তার নিজ রাষ্ট্রীয় সীমান্তকে বিজয়ের মাধ্যমে বৃদ্ধি ও বিস্তৃত করতে থাকবে অথবা সে তার নিজ অবস্থার উপর কায়ম থাকবে এবং ধৈর্য ধারণ করবে। যদি উদ্দেশ্য ও দৃষ্টিভঙ্গী প্রথম বর্ণিত বিষয় হয় তবে স্বীয় বিরুদ্ধবাদীদের ফৌজকে ধ্বংস এবং তাদেরকে নিজ অধীনে আনাই হবে তার প্রতিটি যুদ্ধের প্রতিরক্ষার উদ্দেশ্য। যেহেতু এ ধরনের রাষ্ট্র অপরাপর রাষ্ট্রকে গ্রাস করতে চায় সেজন্য সে বিকট ও দূরের সকল রাষ্ট্রকে স্বীয় প্রতিপক্ষ বানিয়ে একটি বিরাট ওয়ার ফ্রন্ট কায়ম করে নেয়। নেপোলিয়ন ও হিটলারের দৃষ্টান্ত আমাদের সামনেই রয়েছে। এ ব্যাপারে অধিক টিকা-টিপ্পনী নিম্নপ্রয়োজন।

পক্ষান্তরে সে সব হকুমত যারা—গোটা দুনিয়া থেকে আলাদা হয়ে শুধুমাত্র নিজের ব্যক্তিগত স্বার্থের হেফাজতেই তুষ্ট থাকে তারা

আন্তঃ আন্তঃ ছিনতাইকারী বিজয়ীদের সাম্রাজ্যবাদী লিপ্সার শিকারে পরিণত হয়। নেপোলিয়ন ও হিটলারের প্রাথমিক বিজয়গুলোতে এর সুস্পষ্ট নজীর রয়েছে। অতএব জ্ঞান ও বুদ্ধিমত্তার এবং অভিজ্ঞতা ও গভীর পর্যবেক্ষণের ফয়সালা হ'ল, যা হুকুমত স্বীয় অধিকার ও স্বার্থের হেফাজতের জন্য আক্রমণাত্মক ইচ্ছাশক্তি ও অদম্য মনোবলের পোশাকে আবৃত হয় সে শুধু তার অস্তিত্ব নিয়ে বেঁচেই থাকে না বরং অন্যান্য হুকুমতের নজরেও ইশ্বত ও মর্যাদার মহান আসনও লাভ করে। বর্তমান কালে এর সর্বোত্তম নজীর রুটেন। সে আটশত বছর থেকে যে নীতি অবলম্বন করে রেখেছে, তা এটাই। যুরোপে যখনই কোন হুকুমত কখনো আগ্রাসন ও আক্রমণকারীর ভূমিকায় অবতীর্ণ হয়েছে রুটেন তাৎক্ষণিকভাবেই এই পলিসি দৃঢ়ভাবে অত্যন্ত সফলতার সঙ্গে অনুসরণ করে এসেছে এবং যুরোপে শক্তির ভারসাম্য বজায় রেখেছে। এমনও মুহূর্ত এসেছে যখন সে যুরোপে মিলিত শক্তির হিরো হিসাবে আবির্ভূত হয়েছে বটে, কিন্তু কখনই সে যুরোপে নিজ রাষ্ট্র সম্প্রসারণের চেষ্টা চালায় নি। বরং যখনই এবং যেখানেই লড়াই খতম হয়েছে অমনি সে 'বাগিজ্যিক সংগ্রামে' লিপ্ত হলে গেছে। ফ্রান্স, রাশিয়া, জার্মানী য নই কখনও বিজয়ীর মর্যাদা লাভ করেছে, অমনি সে অন্যান্য রাষ্ট্রের উপর কব্জা জমাতে ভাবনা-চিন্তা শুরু করেছে। কিন্তু রুটেন এ জাতীয় গোলমাল থেকে ফায়দা উঠিয়ে সে তার নয়া উপনিবেশ বাড়িয়েছে। যা-ই হোক, সফল ও নিরাপদ হুকুমতের জন্য জরুরী হ'ল স্বীয় অধিকার ও স্বার্থ হেফাজতের জন্য আক্রমণকারী হিসেবে প্রতিরক্ষামূলক অগ্রাভিযানের জন্য যেন তৈরী থাকে। রুটেন ছাড়াও এই দৃষ্টিভঙ্গির সঠিকতা ও গুরুত্ব আ'-হযরত (সা) এর প্রতিরক্ষা নীতি থেকেও বেশ ভালভাবেই প্রতি-ভাত হয়। কিন্তু আমাদের বোধশক্তি, উপলব্ধি, জ্ঞান ও দূরদশিতার অবস্থা এই যে, আমরা নেপোলিয়ন প্রমুখ ব্যক্তিত্ব দ্বারা প্রভাবিত হলে তাকে রাষ্ট্রনীতি ও সরকারের গণনচুষ্টি নাগকের আসনে সমাসীন করেছি এবং তার কার্যাবলী মুগ্ধ বিস্ময়ে ও ভক্তি গদগদ চিত্তে পড়ে ও দেখে থাকি। কিন্তু আ'-হযরত (সা)-এর সামগ্রিক গুণাবলী, ব্যক্তিত্ব এবং প্রতিরক্ষা পরিকল্পনা প্রণয়ন সম্পর্কে এতখানি অজ্ঞ যেন জাতীয় ও

রাষ্ট্রীয় জীবনের এই গুরুত্বপূর্ণ দিকটির সঙ্গে আঁ-হযরত (সা)-এর কোন সম্পর্কই ছিল না এবং তিনি রাজনীতি, রাষ্ট্র পরিচালনা ও যুদ্ধ-বিগ্রহ বিষয়ে যেন কোন দিক-নির্দেশনাই রেখে যাননি।

প্রথম মহাযুদ্ধ আমাদের কাঁধ ধরে বাঁকিয়েছে, আমাদের কাটা ঘাঁয়ে নুনের ছিটা দিয়েছে। কিন্তু তথাপি আমরা আমাদের আলস্যের ঘুম ছেড়ে আড়মোড়া ভেঙে জেগে উঠিনি। উল্টো অন্যের যাদুমন্ত্রের শিকার হয়ে হশ-জ্ঞান, সংহতি ও ঐক্যের ছিটেফোঁটা অবশিষ্ট পুঁজিটুকুও আমরা হারিয়ে বসেছি। দ্বিতীয় বিশ্বযুদ্ধের রক্তাক্ত সয়লাব আসলো এবং মাথার উপর দিয়ে তা চলেও গেল, কিন্তু আমরা একবারও পাশ ফিরলাম না। আঁ-হযরত (সা)-এর নাম মুখে উচ্চারণকারী এবং তাঁরই পদাংক অনুসরণকারী হিসাবে দাবীদার অন্যদের প্রতারণা জালে গ্রেফতার এবং নিজেদের দাসত্বপনা ও অসহায়তায় পরম তুষ্ট।

যা-ই হোক, আঁ-হযরত (সাঃ) খন্দক যুদ্ধের মাধ্যমে আমাদেরকে পুনরায় শেখালেন যে, শক্তির পরীক্ষা দু'ধারী তলোয়ারের মত। এর অনর্থক ব্যবহার এবং কোনরূপ চিন্তা-ভাবনা ব্যতিরেকে এর পরীক্ষা বিপদজনক। আঁ-হযরত (সা) শুরুতে কুরায়শদেরকে সত্যের পয়গাম শোনান। এতে তারা তাঁর উপর জুলুম অত্যাচারের পাহাড় নামিয়ে দেয় এবং তা অব্যাহত থাকে। যখন আর কোন উপায় রইল না এবং ধৈর্য ও সহ্যের সীমা অতিক্রম করলো তখনই তিনি হিযরতের মত প্রতিরক্ষা পরিকল্পনা গ্রহণ করেন এবং এর উপর আমল করতে শুরু করেন। মক্কার মুকাবিলায় মদীনাতে হারাম বানিয়ে মক্কাবাসীদের কার্যত বন্দে দিলেন : তোমরা তোমাদের ঘরে সুখে-শান্তিতে থাক, আর আমরা আমাদের ঘরে সুখে-শান্তিতে থাকি। কুরায়শরা কিন্তু এর জবাব দিতে টাইলো শক্তির প্রদর্শন ঘটিয়ে এবং একের পর এক অনেকগুলো লড়াইও তারা লড়লো। মুশরিকরা এটা বুঝলো না যে, যুদ্ধ যেখানে নিজের কথাকে জোর-যবরদস্তি মূলক মানিয়ে নেবার জন্য শুরু হয়ে থাকে, সেখানে শত্রুর পেশকৃত শর্তাদি মেনে নিলে তার অবসান ঘটাও সম্ভব। অন্য কথায়, অধিকাংশ সময়ে যুদ্ধ অবসানের অবস্থার আওতায় আক্রমণকারী সরকারগুলোকে প্রতিদ্বন্দ্বী ও প্রতিপক্ষের দনীল-প্রমাণ ও শর্তাদির সামনে মাথা নত

করে দিতে হয়। এতে সন্দেহ নেই যে, প্রতিটি সরকারের ভেতর নিজেদের অধিকার সংরক্ষণের সবল ও অটুট ইচ্ছা থাকা দরকার। কিন্তু এই সঙ্গে এটাও পরিষ্কার থাকা উচিত, যে সব লোক যুদ্ধের ময়দানে সবর ও বরদাশত তথা ধৈর্য ও সহ্য এবং সহিষ্ণুতা ও স্থৈর্যের সঙ্গে কাজ করে থাকে অপরিণামদর্শী ভয়-ভীতিহীন বীর বাহাদুরের চেয়ে সবদিক দিয়ে সেসব লোকই উত্তম ও শ্রেষ্ঠ এবং পরিণতিতে তারাই কামিয়াব হয়ে থাকে। বীরত্ব ও সাহসিকতা নিশ্চয়ই একটি উত্তম গুণ। এর সঙ্গে বুদ্ধি ও মধ্যমপন্থা সতর্কতার সঙ্গে অনুসরণ করা নেহায়েত কিন্তু জরুরী। যে সমস্ত লোকের হাতে ক্ষমতার চাবিকাঠি কিংবা ফৌজের নিয়ন্ত্রণ রয়েছে তাদের ভেতর দূরদর্শিতা, সূক্ষ্মদর্শিতা, অধ্যবসায়, দৃঢ়তা ও সতর্কতা থাকা অপরিহার্য। যদি এ সবের কোন একটির বা দু'টি ক্ষেত্রে অনিশ্চয়তা দেখা দেয় তাহলে দেশ ও জাতির ধ্বংস নিশ্চিত। অতএব এ জাতীয় গুরুত্বপূর্ণ যিশ্মাদারী সে সমস্ত লোকই সঠিকভাবে ও সূষ্ঠু পন্থায় বহন করতে পারে যারা অপরিণামদর্শী নয়, ভরাপ্রবণ কিংবা সীমাতিরিক্ত নিভীক নয় এবং উপযোগী মুহূর্তে হাশ-জ্ঞান খুইয়ে বসে না।

আ'-হযরত (সা)-এর পরিচালিত সমস্ত যুদ্ধ প্রচলিত ও সাধারণ নিয়মের বিপরীত ছিল। সাধারণত দুশমনকে ধ্বংস ও বরবাদ করা, শত্রুকে উচ্ছেদ করা এবং গর্ব ও অহমিকার কাঞ্চনজঙ্ঘায় আরোহণের জন্য যুদ্ধ করা হয়ে থাকে। কুরায়শরা আ'-হযরত (সা)-এর বিরুদ্ধে যে কয়টি যুদ্ধের প্রস্তুতি গ্রহণ করেছিল তার সবগুলো এই উদ্দেশ্যই করেছিল। কিন্তু ঘটনাবলী সাক্ষী এবং আ'-হযরত (সা)-এর কর্ম-পদ্ধতি এর দলীল যে, তিনি কোন একটি যুদ্ধও এই উদ্দেশ্যে লড়েন নি। বদর যুদ্ধের উদ্দেশ্য যেমন এরূপ ছিল না, তেমনি ওহদ, গঘওয়ানে সাবীক কিংবা খন্দক যুদ্ধেও এরূপ কোন লক্ষ্য ছিল না তাঁর। উদ্দেশ্য ছিল শুধুমাত্র শান্তি অর্জন ও শান্তি স্থাপন, আর এই উদ্দেশ্যই তিনি ওয়াজ-নসীহত ও তবলীগের তরীকা ইখতিয়ার করেন এবং এরই জন্য তিনি জিহাদ করেন।

যে হুকুমত অথবা যে নেতা ও অধিনায়ক ব্যক্তিগত উচ্চাকাঙ্ক্ষা ও অহমিকার কারণে যুদ্ধের ময়দানে আগমন করে তার শান্তির সঙ্গে

কোন সম্পর্ক থাকে না। সে দেশকে ধ্বংসের চূড়ান্ত গহ্বরে নিষ্ক্ষেপ করে শোহরত ও খ্যাতির উচ্চ শিখরে আরোহণ করতে প্রয়াস চালায়। নিকট অতীতের যুদ্ধগুলোর দৃষ্টান্ত দুনিয়ার সামনে রয়েছে। ইংল্যান্ড ও ফ্রান্সের হকুমতকে যে পরিমাণ আর্থিক সম্পদের দিক দিয়ে অনটন ও বিপর্যস্ত অবস্থার মধ্যে নিপতিত দেখতে পাওয়া যাচ্ছে তার কারণ একমাত্র এই যে, তারা জার্মানীকে পরিপূর্ণ ধ্বংসের উদ্দেশ্য সামনে রাখা ব্যতিরেকে নিজেদের শান্তি, নিরাপত্তা ও কল্যাণের ব্যাপারে আদৌ কোন ইচ্ছা পোষণ করেনি। যেভাবেই হোক না কেন—তাকে পরিপূর্ণরূপে ধ্বংস করেই দম নিয়েছে। স্তিক তেমনি মার্কিন যুক্তরাষ্ট্র আগ-বিক বোমা ব্যবহার করে জাপান ও কোরিয়ার উপর কবজা তো জমিয়েছে, কিন্তু শান্তি ও স্বস্তি তার ভাগ্যে জোটেনি, বরং এর বিপরীতে আজ কয়েক বছর থেকে তারা একে অপরের সঙ্গে যুদ্ধে লিপ্ত।

নিঃসন্দেহে যুদ্ধে দৃঢ় ও ময়বৃত সংকল্প অপরিহার্য কিন্তু এর অর্থ এই নয় যে, যদি লড়াই করতে করতে সাময়িক স্বস্তি জোটে এবং এর ভেতর শান্তি ও সমঝোতার মওকা আসে, তা হলে তাকে শুধুমাত্র শক্তির অহমিকায় এবং বিজয় হাসিলের দাবীদার হবার জন্য নষ্ট করে দেওয়া হবে। সন্ধির শান্তি বিজয়ের শান্তি থেকে অনেক অনেক বেশী মূল্যবান ও শান্তিপ্রদ হয়ে থাকে। এমন বিজয় লাভ যা সম্পদ ও আর্থিক দিক দিয়ে দেশকে দেউলে ও দারিদ্রের দ্বার-প্রান্তে নিয়ে যায় এবং বিজয়ের হাসি দুঃখ-কষ্ট ও যন্ত্রণায় পরিবর্তিত হয়ে বিপদ বৃদ্ধির কারণে পর্যবসিত হয় তবে তা সেই শক্তির মুকা-বিলায় কখনই অগ্রাধিকার পাবার যোগ্য নয় যা সন্ধি-সমঝোতার মাধ্যমে কয়েম হয়। বিজয় শান্তি হাসিল করার উদ্দেশ্যের পথে একটি মাধ্যমমাত্র। জয়লাভ স্বয়ংসম্পূর্ণ কোন উদ্দেশ্য নয়। আর এটা হাসিল করতে গিয়ে শক্তির পার্শ্ববর্তী যদি মহাশূন্যে হারিয়ে যায় এবং এরই সঙ্গে নেমে আসে অবর্ণনীয় দুঃখ-কষ্টের অবিপ্রান্ত ধারা, তবে কোন বিজয় ও বিচক্ষণ ব্যক্তিই এই বিজয়কে সত্যিকার বিজয় নামে অভিহিত করবে না।

প্রতিটি মুখ্যমান শক্তির জন্য ফরম্ব যে, তারা যুদ্ধ অবসানের পরের অবস্থাকে যেন সব সময় সামনে রাখে এবং একক ও সস্তিক-

বিজয়ের মান্না-মরীচিকার পেছনে অন্ধভাবে যেন না দৌড়ায়। অ'ই-হযরত (সা)-এর সামনে এমনি বিজয়ের বেষ কিছু মওকা এসেছিল, কিন্তু তিনি এর প্রতি আদৌ কখনও দুকপাত করেন নি। যদি তিনি গাতফানের কিংবা কুরায়শের পযুঁদস্ত ও অবসন্ন-প্রায় বাহিনীর পশ্চাচ্ছাবন করে তাদেরকে খতম করে দিতেন তবে কি এর মধ্যে কোনরূপ সন্দেহের অবকাশ ছিল? তিনি কি শানদার বিজয় হাসিল করতে পারতেন না? অবশ্যই করতে পারতেন। কিন্তু তাঁর উদ্দেশ্য ও লক্ষ্য তো শানদার বিজয়লাভ ছিল না, ছিল শানদার শান্তি স্থাপন। তিনি যুদ্ধ এবং যুদ্ধের সাফল্যকে উদ্দেশ্য হাসিলের মাধ্যম বানিয়ে-ছিলেন, আসল উদ্দেশ্য নয়। এই উদ্দেশ্য যখন হাসিল হয়ে গেল তখন তিনি শান্তি ও সমঝোতার পরিবেশ কায়েমে মগ্ন হয়ে গেলেন। দাওয়াত ও তাবলীগের মাধ্যমে অনাচার ও উচ্ছৃঙ্খলতার তথা ক্ষেতন-ফাসাদ নির্মূল করতে থাকেন।

কিন্তু এরই সঙ্গে এটাও স্মরণ রাখা উচিত, যে দেশ এবং যে সরকার নৈতিক দিক দিয়ে কমযোর হয় তাকে শুধুমাত্র শক্তির প্রদর্শনী দ্বারাই বশীভূত করা যায়। এর উদাহরণ ঐক সেই গুণ্ডার মতই যে প্রতিটি ভদ্র ও শরীফ লোককে হেনস্তা করতে মজা পায়, কিন্তু যেখানেই তার চেয়ে অধিকতর শক্তিশালী লোকের সাক্ষাৎ ঘটে এবং পুনিশের ডাণ্ডা দেখতে পায় অমনি সে ভেজা বিড়ালের মত হয়ে যায়। এই উদাহরণ শুধু ব্যক্তির ক্ষেত্রেই সত্য নয়, বিভিন্ন রাষ্ট্র ও জাতি-গোষ্ঠীর ক্ষেত্রেও প্রযোজ্য। এরূপ অবস্থায় মানিয়ে বুঝিয়ে, অনুরোধ-উপরোধ কিংবা উপদেশ দেওয়ার পরিবর্তে আক্রমণাত্মক অগ্রাভিযান আবশ্যিক। যদি তাদেরকে একবারও লোভ দেখিয়ে কিংবা লালসা জাগিয়ে আনিয়ে দেওয়া হয় তবে তাদের দস্ত নখর আরও হিংস্র হয়ে ওঠে। অতএব এমতাবস্থায় তিল নিষ্কেপের বদলে প্রস্তারামিত সহিত হয়'—এর নীতির উপর আমল হওয়া উচিত। অ'ই-হযরত (সা) এই নীতির উপর আমল করে বনী কুরায়জার বিরুদ্ধে ব্যবস্থা গ্রহণ করেছিলেন এবং উচ্ছৃঙ্খলতার জন্য এই হাদীছ রেখে গেছেন যে, যখনই এ ধরনের মওকা আসবে এবং শরাকফতী ও যুক্তিগ্রাহ্যতার জবাব দেওয়া হয় গাদ্দারী,

দাগাবাজী, প্রতিশ্রুতি, ভঙ্গ, শঠতা ও প্রবঞ্চনার মাধ্যমে, তখন চরম পদক্ষেপ গ্রহণে এতটুকু ইতস্ততঃ করা উচিত নয় ।

এক্ষেত্রে আরও একটা কথা উল্লেখযোগ্য যে, অধিকাংশ সময় এমনও হয় যে, কোন শান্তিপ্ৰিয় জাতি এসব কোন জাতির আক্রমণাত্মক কার্যক্রমের বিরুদ্ধে প্রতিশোধমূলক তৎপরতা প্রদর্শনের সময় সীমা অতিক্রম করে যায় । জরুরী, বে-জরুরী, জায়েয, না-জায়েযের পার্থক্য ও বৈশিষ্ট্যের প্রতি লক্ষ্য রাখে না । উদ্দেশ্য হাসিলের পথে যখন অসুবিধা দেখা দেয় তখন সন্ধি করার জন্য প্রস্তুত হয় । তারা এই বাস্তবতাকে ভুলে যায় যে, আক্রমণাত্মক কার্যকলাপ পরিচালনাকারী কওম মোত্ত-লালসার বশে এমনটি করে থাকে । যখন তারা উদ্দেশ্য হাসিলের পথে অসুবিধার সম্মুখীন হয় তখন বাধ্য হয়ে সন্ধি করতে রাযী ও উৎসাহী হয়ে ওঠে । কেননা তাদের আসল উদ্দেশ্য তো গুণামি ! দুর্বলতা থেকে তারা ফায়দা উঠায় আর শক্তির সামনে মাথা ঝুকিয়ে দেয় । অথচ তাকে (শান্তিপ্ৰিয় হকুমতকে) অত্যন্ত বিচক্ষণতা ও দূরদর্শিতার সঙ্গে সমগ্র অবস্থা ভেবেচিন্তে যুদ্ধ অব্যাহত রাখা উচিত এবং গুপ্তা হকুমতকে শেষ পর্যন্ত লড়তে বাধ্য না করা উচিত । কেননা এটা মর্যাদা ও পরিণামের খেলাফ । ইতিহাসে-এর তুরি তুরি দৃষ্টান্ত রয়েছে । কিন্তু এর একটি তাজা দৃষ্টান্ত অবিদিত ভারতে ব্রিটিশ সরকারের রয়েছে । সে সঁমান্তের একজন মামুলী দরবেশকে এতখানি পেরেশান করেছে যে, শেষ পর্যন্ত সে যথারীতি মুখোমুখি এসে দাঁড়ায় এবং ১৯৩৬ সন থেকে ১৯৪৭ সন পর্যন্ত বরাবর তার ফৌজী শক্তির মুকাবিলা করতে থাকে । এই দরবেশ ছিলেন ই,পি, ফকীর । ব্রিটিশ হকুমত কয়েক হাজার সৈন্য-সম্বলিত ফৌজকে আধুনিক অস্ত্রশস্ত্রে সজ্জিত করে অভিযানে পাঠায় । কিন্তু তাকে বশে আনা সম্ভব হয়নি কিংবা তার শক্তি প্রভাবে কোন প্রকার দুর্বলতাও সৃষ্টি হয়নি ।

অধিকাংশ প্রতিরক্ষা পর্যবেক্ষকের ধারণা, যদি চাচিল ও ফ্রান্স হিটলারের সন্ধি প্রস্তাবের উপর ভেবে দেখতো এবং নাজীবাদকে দুনিয়ার বুক থেকে একেবারে নিশ্চিহ্ন করার জন্য বদ্ধপরিকর না

হ'ত তাহ'লে দ্বিতীয় বিশ্বযুদ্ধ এত জীবন ও সম্পদ হানির কারণ ঘটতো না এবং দুনিয়ার উপর এই ভয়াবহ অর্থনৈতিক সংকট নেমে আসত না। যেহেতু যুদ্ধের ফয়সালা হিটলারের প্রস্তাবের উভয় দিক ভেবে দেখা ব্যতিরেকেই নেওয়া হয়েছিল, এজন্য হিটলারের জীবনের গোটাটাই যুদ্ধের সঙ্গে সম্পৃক্ত হয়ে গেল এবং মিত্র বাহিনী যুরোপের শক্তিকে উপেক্ষা করে পূর্ণাঙ্গ বিজয় ও নাজীবাদের ধ্বংসের ব্যাপারে কোমর বেঁধে উঠে পড়ে লাগল। অতএব লড়াই প্রতিশোধের উন্নত আবেগাধীনে দিনকে দিন ভয়াবহ এবং নৈতিক দিক দিয়ে অবনতির নিম্নতম পর্যায়ে চলে যায়। কিন্তু আ'-হযরত (সা)-এর কর্মনীতি এর সম্পূর্ণ বিপরীত ছিল। তিনি সর্বদাই কোশেশ করেছেন দুশমনকে তার নৈতিক অবনতির অনুভূতি জাগিয়ে পরাভূত করতে যেন তা ফৌজী লড়াই পর্যন্ত না গড়ায় এবং রক্তপাত ও হত্যাকাণ্ড না ঘটে। মক্কার চূড়ান্ত যুদ্ধে এই নীতির সারবত্তা তিনি অকাট্যভাবে প্রমাণ করে দেন।

বনী লেহ্‌য়ান এবং বনী মুস্তালিক যুদ্ধ

পেছনের কোন এক অধ্যায়ে 'আযল ও কারার লোকদের দাগা-বাজী, বনী লেহ্‌য়ানের জুলুমবাজী এবং ইসলামী প্রতিনিধিদলের সদস্যদের শাহাদতের বিবরণ লিপিবদ্ধ করা হয়েছে। বনী কুরায়জার যুদ্ধ থেকে অব্যাহতি পাবার পাঁচ মাস পর আ'-হযরত (সা) ৬ষ্ঠ হিজরীতে জুমাদা আল-উলা মাসের শহীদ সাহাবাবর্গের বদলা নেবার এবং মুশরিকদের সমুচিত শিক্ষা দেবার উদ্দেশ্যে মদীনা থেকে বাইরে তশরীফ নেন এবং সিরিয়া গমন করছেন এরূপ একটি ধারণা তিনি জনমনে দিতে প্রয়াস পান। আর এভাবেই তিনি তাঁর এ অভিযানের প্রকৃত উদ্দেশ্য গোপন রাখেন যেন বনী লেহ্‌য়ানকে তাদের কৃত জুলুমের উচিত শাস্তি দিতে পারেন।

মদীনা থেকে বেরিয়ে তিনি জাবাল-ই-শুরাব বা শুরাব পাহাড়ের পথ ধরেন। এই পাহাড়টি সিরিয়ার রাস্তায় অবস্থিত। এখান থেকে

মখীস হয়ে বগিয়ান পৌঁছান। অতঃপর সামীরাত আল-মামাম তশ-রীফ রাখেন। সেখান থেকে মক্কার প্রধান সড়ক দিয়ে রওয়ানা হন। তিনি দ্রুততার সঙ্গে গাররান পৌঁছান। গাররান ছিল আল-নুবহ ও আসফানের মধ্যবর্তী একটি উপত্যকা যা সায়া নামক স্থান বরাবর চলে গেছে। গাররান ছিল বনী লেহ'য়ানের আবাসভূমি। কিন্তু এই কবিলাটি কোনক্রমে অ'া-হযরত (সা)-এর আগমন সংবাদ জেনে ফেলায় তারা পালিয়ে গিয়ে পাহাড়ে আত্মগোপন করে। অ'া-হযরত (সা) গাররান শূন্য দেখতে পেয়ে সৈন্যবাহিনী সমেত 'আসফান পাহাড় থেকে অবতরণ করে 'আসফানে অবস্থান করেন। এই অভিযানের একটাই মাত্র উদ্দেশ্য ছিল আর তা হল মক্কাবাসীরা যেন অ'া-হযরত (সা)-এর ফৌজ দেখতে পায়। অ'া-হযরত (সা)-এর সঙ্গে দু'শ উষ্টারোহী ছিল। 'আসফান থেকে তিনি দু'জন উষ্টারোহীকে আগে পাঠিয়ে দেন এবং নির্দেশ দেন যে, কিরা'আবু না'ঈম পর্যন্ত গিয়ে যেন তারা ফিরে আসে। এরপর তিনি মদীনা প্রত্যাবর্তন করেন। কোনরূপ মুকাবিলা ব্যতিরেকেই এ অভিযান সফল হয়।

বনী মুস্তালিক

ঐ একই মাসে অ'া-হযরত (সা) খবর পান যে, বনী মুস্তালিক মুসলমানদের সঙ্গে লড়াইয়ে অবতীর্ণ হবার জন্য প্রস্তুতি গ্রহণ করছে। তাদের সর্দার ছিল হারিছ বিন আবী দারার জুওয়ায়রিয়া। অ'া-হযরত (সা) একটি বাহিনী নিয়ে মদীনা থেকে বহির্গত হন এবং বাঁকাচোরা রাস্তা হয়ে সামনে অগ্রসর হন যেন দূশমন তার আগমনের সংবাদ অবগত হতে না পারে। তিনি সমুদ্রোপকূল হয়ে কাদীদ-এর পার্শ্ববর্তী মারঈয়াস নামক ঋণাধারায় পৌঁছে আচানক উক্ত কবিলার উপর হামলা করেন। তুমুল যুদ্ধের পর শেখাবধি বিদ্রোহীদের পরাজন্ম ঘটে এবং তাদেরকে ভীষণ জীবনহানির সম্মুখীন হতে হয়। এই বিদ্রোহের পরিণামে বহু নারী-পুরুষ মুসলমানদের হাতে বন্দী হয়। তার মধ্যে হারিছের কন্যা ছিল অন্যতম। তার কান্নাকাটির কারণে

অ'ই-হযরত (সা) নিজের থেকে ফিদয়ার অর্থ আদায় করে তাকে আশ্বাদ করে দেন।

বিভিন্ন অভিযান

এ বছর রবিউল আখের মাসে অ'ই-হযরত (সা) হাওগামা-প্রিয় লোকদের শাস্তা করবার জন্য বিভিন্ন অভিযানে রওয়ানা করেন। এগুলোর মধ্যে থেকে একটি আককাশা বিন মুহাসিন-এর নেতৃত্বধীনে পাঠানো হয়। এতে চল্লিশ জন মুজাহিদ অংশ নিয়েছিলেন। এই অভিযান অতি সত্বর ও অত্যন্ত দৃঢ়তার সঙ্গে গাম্‌র পৌঁছে। শত্রু কোন-ক্রমে এদের আগমনের সংবাদ পূর্বাচ্ছেই জেনে ফেলে। ফলে তারা পালিয়ে গিয়ে নিজেদের জান বাঁচায়। হাওগামাবাজদের দু'শো উট মুজাহিদ বাহিনীর হস্তগত হয়। সেগুলো নিয়ে তারা মদীনা প্রত্যা-গমন করে। এই অভিযানকে গাম্‌র-এর অভিযান বলা হয়।

যিল-কিস্‌সা ও অন্যান্য অভিযান

এ বছর অ'ই-হযরত (সা) যিল-কিস্‌সার বেদুঈনদের উৎপাতের সংবাদ পান। তিনি চল্লিশ জন মুজাহিদ আবু 'উবায়দাহ ইবন আল-জার'রাহ (রা)-এর অধিনায়কত্বে যিল-কিসসা পাঠিয়ে দেন। হাওগামা-প্রিয় এসব লোক তাদের আগমনের খবর পেয়েই পাহাড়ে গিয়ে আত্মগোপন করে। মুসলমানেরা তাদের উট ও অন্যান্য মাল-আসবাব মদীনায় নিয়ে আসেন।

অতএব তিনি বনী সুলান্নমকে শিক্ষা দেবার জন্য যায়দ বিন হারিছা (রা)-কে প্রেরণ করেন। সেখানে বহু উট ও বকরী যায়দ (রা)-এর হস্তগত হয় এবং বেশ কিছু লোক বন্দী হয়ে মদীনায় আসে।

এরপর অ'ই-হযরত যায়দ (রা)-কে ঈরেস অভিযানে পাঠান। সেখানে আবুল আসবিন আল-রাবী'র সমস্ত মাল আসবাব দখলে

আসে। এই অভিযান শেষে বনী ছা'লাবাকে শাস্তেস্তা করার জন্য তাদের নির্দেশ দেওয়া হয়। মায়দ (রা)-এর বাহিনী এখানেও সফল হয়। বহু উট গন্যমতের মাল হিসাবে হস্তগত হয়। এরপর তাদের বনী হিসামকে সাজা দেবার উদ্দেশ্যে হাসযায় পাঠান হয়। দাহিয়াতুল কালবীকে রোম সম্রাট কায়সারের সঙ্গে সাক্ষাতের পর অনেক পুরস্কার নিয়ে আসছিলেন। পথে বনী হিসাম তার সর্বস্ব লুট করে নিয়ে যায়। বনী হিসামকে এই অন্যায আচরণের জন্য শাস্তি প্রদান করা হয়।

তুমাতুল জন্দল, ফিদাক ও ওয়াদিউল কুরার অভিযান

একই বছরে আ'-হযরত (সা) 'আব্দুর রহমান বিন 'আওফ (রা)-কে ইসলামের তবলীগের জন্য বনী আল-আসী'র নিকট পাঠান। তাঁর প্রচারে গোটা ক'বলাই ইসলাম কবুল করে।

ফিদাক : ৬ষ্ঠ হিজরীর শা'বান মাসে বনী সা'দ বকরের বিদ্রোহ দমনের জন্য হযরত আলী (রা)-কে ফিদাক প্রেরণ করা হয়। পথিমধ্যে হযরত 'আলী (রা) উক্ত কবিলার গুপ্তচরের দেখা পান। তাকে তারা খায়বারের মাহুদীদের নিকট পাঠিয়েছিল এই উদ্দেশ্য যে, যদি মাহুদীরা এ বছর খায়বারের উপাদিত খেজুরের অর্ধাংশ তাদের দেয় তাহলে তারা মুহাম্মাদ (সা)-এর বিরুদ্ধে মাহুদীদেরকে সাহায্য করতে প্রস্তুত। হযরত 'আলী (রা) দিনের বেলায় আত্মগোপন করতেন এবং রাত্রিবেলা সফর করতেন। এভাবে তিনি ফিদাক পৌঁছেন এবং বনী সা'দকে সমুচিত সাজা দিয়ে সাফল্যের সঙ্গে প্রত্যাবর্তন করেন।

ওয়াদিউল কুরা

মায়দ বিন হারিছকে বনী ফুযারাহর ঔদ্ধত্যের জবাব দানের জন্য ওয়াদিউল কুরা পাঠান। বিদ্রোহীদের সঙ্গে তুমুল লড়াই হয়।

এ যুদ্ধে হযরত য়াযদ (রা)-ও আহত হন। দ্বিতীয় দফা পুনরায় তাঁকে সৈন্য দিয়ে পাঠানো হয়। এবার উক্ত কবিলা সম্পূর্ণরূপে পরাজিত হয় এবং বহু গনীমতের মাল ও কয়েদী হস্তগত হয়।

আরঈয়াতীন কবিলা অ'ই-হযরত (সা)-এর পশু চালককে হত্যা করে কিছু পশু নিয়ে পালিয়েছিল। তাদের এ ধরনের ধুষ্টতামূলক আচরণের জন্য কুরয (রা) বিন জাবির আল-ফিহ্‌রির নেতৃত্বে উষ্ট্রা-রোহীর একটি প্লাটুন প্রেরণ করেন। কুরয (রা) তাদের শাস্তি দেন এবং কামিয়ারীর সঙ্গে ফিরে আসেন।

এভাবে অ'ই-হযরত (সা) আরো অভিযান পাঠান। আলোচনা দীর্ঘ হবার আশঙ্কায় এগুলোর বর্ণনাকেই যথেষ্ট মনে করছি

ফলাফল ও শিক্ষা

এসব অভিযান থেকে একথা দিবালোকের মত ফুটে উঠেছে যে, শ্বন্দক যুদ্ধের পর অ'ই-হযরত (সা) অবস্থাকে আয়ত্তে আনবার জন্য এতটুকু বিরতির আশ্রয় নেননি। বরং সমস্ত গোত্রের সামনেই একটা উজ্জলরূপে তুলে ধরেন যে, কল্যাণ ও পরিতৃপ্তি লাভের একটা পথই খোলা আছে আর তা হ'ল তার নির্দেশ তামিল করা এবং ইসলামী সমাজ ব্যবস্থার বিরোধিতা না করা। এর বিরোধিতায় নামলে কিংবা বাগাওয়ানত করলে শক্ত রকমের সাজা ভোগ করতে হবে। দ্বিতীয় আনুশঙ্গিক সুফল এই লাভ করা গেল যে, বহু গনীমতের মাল মুসলমানদের হস্তগত হয়। এর ফলে মুসলমানদের আর্থিক অবস্থা বেশ ভাল হয়ে যায়।

এতদ্বির এসবের মাধ্যমে বিশেষ একটি উপকারও লাভ হয়। আর তা হ'ল, অ'ই-হযরত (সা)-এর সেনানায়কদের যোগ্য নেতৃত্বের প্রভাব কয়েম হয়। কেননা কোন কোন মহলে এই অন্তত ধারণা সৃষ্টি হতে চলেছিল যে, অ'ই-হযরত (সা)-এর নিকট তাঁর নিজস্ব সত্তা ছাড়া এমন কেউ নেই, যে ইসলামের প্রসারিত এই তরণীর হাল সফলতার সঙ্গে ধরতে পারে।

দ্বিতীয় বড় ফায়দা হ'ল, অ'ই-হযরত (সা)-এর শাসন ক্ষমতার বিস্তৃতির সঙ্গে গোটা রাষ্ট্রের আইন-শৃংখলা ও সংহতি রক্ষার সুযোগ মিলে যায় এবং তিনি ভবিষ্যতের পরিকল্পনাগুলো কার্যকর করার সর্বোত্তম প্রয়াস ইখতিয়ার করতে সক্ষম হন। উমরাহ্ করবার জন্য মক্কা যাবার সিদ্ধান্ত, এর জন্য বিশেষ আয়োজন এবং পরবর্তী ঘটনা-বলী এর স্পষ্ট প্রমাণ।

সামরিক দৃষ্টিকোণ থেকে সবচেয়ে বড় উপকার হ'ল এই যে, ইসলামের মুজাহিদবৃন্দ এবং হযুরের অধীনস্থ সেনানায়কদের গোপন গতিবিধি ও চলাফেরা, দ্রুতগতি এবং অতর্কিত হামলার পরিপূর্ণ অনুশীলন ও মহড়া এতে হয়ে যায় এবং তাঁদের ব্যক্তিগত অভিজ্ঞতা থেকে এটা জানা যায় যে, যুদ্ধে এগুলোর গুরুত্ব কতখানি এবং এসবের মাধ্যমে কতখানি লাভবান হওয়া যায়। এ অভিজ্ঞানগুলো এই দিক থেকে মুজাহিদদের অধিকতর প্রশিক্ষণের জন্য ছিল যেন যুদ্ধের গুরুত্বপূর্ণ চালের মহড়া ও অনুশীলনের সঙ্গে মুজাহিদদের ভেতর আত্মবিশ্বাস ও অদম্য মনোবলের গুণাবলী উন্নত হয় এবং কার্যকর পদক্ষেপ গ্রহণের যোগ্যতা সৃষ্টি হয়।

রাজনৈতিক দিক দিয়ে বিশেষ ফায়দা হ'ল এই যে, অ'ই-হযরত (সা)-এর বিরোধী ও শত্রু কবিলাগুলোর শক্তি ও সংহতির ব্যাপারে ভালভাবে জানা হয়ে যায়। যে সমস্ত লোক ঐক্যবদ্ধ হয়ে কোন সময় ফেতনা-ফাসাদ বাধাতে পারতো তাদেরকে এক এক করে দমন করে রাজনৈতিক শাসন-শৃংখলার অভিন্ন সূত্রে আবদ্ধ করা হয়।

হুদায়াবিয়ার সন্ধি

আরব কবিলাগুলোর গোলমাল ও বিশৃংখলা দমন করার পর অবস্থা যখন মোটামুটি স্থিতাবস্থায় এসে গেল এবং সামরিক, রাজনৈতিক ও আর্থিক দিক দিয়ে একটা সংহত রূপ সৃষ্টি হ'ল তখন অ'ই-হযরত (সা) 'উমরাহ্ আদায়ের নিয়তে মদীনা থেকে রওয়ানা হলেন। তিনি মদীনা ও তার আশেপাশের মুসলমান ছাড়াও হেজ্রাহের

আরব ও বেদুঈনদেরও সফর-সঙ্গী হবার আহ্বান জানান। তাদের মধ্যে যারা এসেছিল তাদের এবং মুহাজির ও আনসারগণসহ মদীনা থেকে তিনি রওয়ানা হন। যেহেতু তিনি 'উমরার উদ্দেশ্যে যাচ্ছিলেন, কোনরূপ লড়াই—সংঘর্ষের উদ্দেশ্যে ছিল না, সেজন্য তিনি কুরবানীর সত্তরটি উট সঙ্গে নেন। সফর-সঙ্গীর সংখ্যা কোন কোন ঐতিহাসিকের মতে ১৩০০ জনের মত। অপর কোন কোন ঐতিহাসিকের মতে তাদের সংখ্যা ছিল ১৫ শ'র মত। যা-ই হোক, সংখ্যা অনেক ছিল।

মদীনা থেকে রওয়ানা হয়ে প্রথমে তিনি 'আসফান নামক স্থানে যাত্রা-বিরতি দেন। এখানে বাশার বিন সুফিয়ান আ'-হযরত (সা)-এর খেদমতে হামির হয়ে আরব পেশ করে : কুরায়শরা আপনার রওয়ানা হবার খবর শুনে মুকাবিলার উদ্দেশ্যে মক্কা থেকে বহির্গত হয়েছে এবং তাদের সঙ্গে অপরাপর লোকের সংখ্যাও বিরাট। এই মুহূর্তে তারা তাওয়া নামক স্থানে অবস্থান করছে। তারা তাদের উপাস্য দেবতাদের নামে কসম খেয়েছে যে, কোন অবস্থাতেই তারা আপনাকে মক্কায় প্রবেশ করতে দেবে না। তাদের অস্থারোহী বাহিনীর অধিনায়ক খালিদ বিন ওয়ালীদ স্বীয় বাহিনীসহ কিরা' আল-নাঈম পর্যন্ত পৌঁছে গেছে।

হদা থেকে তিনি যখন যুলা-হলায়ফা নামক স্থানে পৌঁছেন তখন হযরত ওমর (রা) আরব করেন যে, কুরায়শরা যুদ্ধ করতে স্থির সংকল্প। অতএব সামনে অগ্নসর হবার ব্যাপারে সতর্কতা অবলম্বনের দরকার আছে। আ'-হযরত (সা) কুরায়শদের সমর প্রস্তুতিতে অতীব আফসোস প্রকাশ করেন এবং বলেন, "আমি তাদের সঙ্গে লড়াই করতে ইচ্ছুক নই। কিন্তু যে দিনের উপর আমাকে আল্লাহ্ পাক পাঠিয়েছেন তার হেফাজতের জন্য তারা আমাকে যদি লড়াই করতে বাধ্য করে তাহলে আমি অবশ্যই তাদের সঙ্গে লড়বো। ফলাফল একমাত্র আল্লাহর হাতে। এতদসত্ত্বেও তাদের সঙ্গে লড়াই যাতে না হয় সে ব্যাপারে সম্ভাব্য সব রকম কৌশল আমি করবো।"

তিনি সাধারণ রাস্তা পরিত্যাগ করে পাহাড়ের মধ্যবর্তী অত্যন্ত দুর্ভিত্তম্য রাস্তা ইখতিয়ার করেন। কাফেলার লোকদের এজন্য

খুবই তকলীফের সম্মুখীন হ'তে হয়। এরপর তিনি এমন রাস্তা ধরে চলতে শুরু করেন যা উপত্যকার ডান দিকে খাম্বস-এর মধ্যবর্তী দুই দিক উচ্চ সমান্তরাল রেখা হয়ে মস্কার নিম্ন এলাকা হদায়-বিয়ার চালুতে ছানিয়াতুল মিরার-এ গিয়ে বের হয়। শত্রু বাহিনী কিরা' আল্-না'ঈম-এ অ'ই-হযরত (সা)-এর অপেক্ষা করছিল। যখন তারা তার কাফেলার উৎক্লিপ্ত খুলি ছানিয়াতুল মিরার-এর নিকটবর্তী দেখল তখন তারা ঘাবড়ে গিয়ে সেখান থেকে পিছু সরে আসে এবং গিয়ে কুরায়শদের সঙ্গে মিলিত হয়।

কথিত আছে যে, যখন তিনি ছানিয়াতুল মিরার অতিক্রম করে যাচ্ছিলেন তখন তার উটনী চলতে চলতে বসে পড়ে। সাহাবা (রা)-গণ বলেন : উটনী আড়ি করছে। অ'ই-হযরত (সা) বলেন, 'এটা তার স্বভাব নয়। মনে হচ্ছে, যে শক্তি হস্তীবাহিনীকে মস্কার অগ্রসর হতে বাধা দিয়েছিল সেই শক্তিই তাকে খামিয়ে দিয়েছে।' অতএব তিনি সেখানেই অবস্থান গ্রহণের নির্দেশ দিলেন। সাধারণ খারণা এই ছিল যে, এখানে পানি পাওয়া যাবে না। কিন্তু অ'ই-হযরত (সা)-এর হুকুমে একটি খননকৃত গর্ত আরো খনন করা হ'লে তা থেকে প্রচুর পানি বের হয়ে আসে।

ইসলামী কাফেলা সেখানে অবস্থান করা কালীনই খুযা'আ গোত্রের বুদায়ল বিন ওয়ারাকা অ'ই-হযরত (সা)-এর খেদমতে এসে হাযির হয়। সে আরম্ভ করে, "কা'ব বিন লুওয়াই এবং 'আমির বিন লুওয়াই হদায়বিয়ার কূপের নিকট অবস্থান নিয়ে রেখেছে। তাদের সঙ্গে বদমাশদের একটি দলও রয়েছে। তারা আপনার সঙ্গে অবশ্যই সংঘর্ষে প্রবৃত্ত হবে এবং আপনাকে বায়তুল্লাহ্ বিয়ারত করতে কখনো দেবে না।" জবাবে অ'ই-হযরত (সা) বললেন, "আমরা 'উমরাহ্ করতে এসেছি, লড়াই করতে তো আসিনি। আমাদের জানা আছে যে, পেছনের লড়াইগুলোতে কুরায়শদের সকল বল-ভরসা নিঃশেষ হলে গেছে। এজন্য তারা যদি চায় তাহলে আমাদের সঙ্গে যেন একটা সমঝোতায় উপনীত হয় এবং প্রতিদ্বন্দ্বিতা থেকে বিরত থাকে। অন্যথায় আমি তাদের সঙ্গে ততক্ষণ পর্যন্ত লড়াইবো যতক্ষণ পর্যন্ত আমার

থড়ে জান অবশিষ্ট থাকে অথবা আল্লাহ্ পাক আমাকে অন্য কোন হকুম দেন।”

এই জবাব শুনে বুদায়ল কুরায়শদের কাছে যায় এবং তাদেরকে ভালভাবে বুঝিয়ে তাদের মস্তিকে গেঁথে দেবার চেষ্টা করে যে, অ’-হযরত (সা) যুদ্ধ করতে চান না। কিন্তু যদি তারা খামাখা লড়তে চায় তাহ’লে তিনি তার জন্যও প্রস্তুত রয়েছেন। তার পরামর্শ এই : তোমরা তার সঙ্গে একটা সমঝোতায় আস, আর এ পরামর্শটাই ভাল।

এ কথা শুনে কুরায়শদের আস্থাভাজন ‘উরওয়া বিন মাস’উদ ছাকাফী স্বীয় কওমকে সমঝোতা করার জন্য পরামর্শ দেয় এবং বলে : এ কাজের জন্য আমি আমার খেদমত পেশ করছি। সবাই ‘উরওয়াহ’র প্রস্তাব মেনে নেয়। সে কুরায়শদের দূত হিসাবে অ’-হযরত (সা)-এর খেদমতে উপস্থিত হয়। তিনি তাকেও তাই বলেন যা তিনি বুদায়লকে বলেছিলেন। সে ছিল অত্যন্ত বিচক্ষণ, চতুর, সতর্ক ও অভিজ্ঞ ব্যক্তি। পরীক্ষার নিমিত্ত সে কয়েকটি এমন কথা বলে যা সাহাবা (রা)-দের নিকট অত্যন্ত আপত্তিকর ছিল। কিন্তু অ’-হযরত (সা) নিশ্চুপ থাকেন। উরওয়াহ্ কিন্তু বরাবর গভীরভাবে লক্ষ্য করতে থাকে যে, তাঁর সাহাবা (রা)-স্বন্দ কি ধরনের লোক এবং একমাত্র এজন্যই সে কোন না কোন বাহানায় আলোচনা দীর্ঘায়িত করতে থাকে যেন সে তাদেরকে বুঝতে ও সঠিক পরিমাপ করতে সুযোগ পায়।

এখান থেকে ফিরে গিয়ে ‘উরওয়াহ্ নিজ কওমকে বলল : আমি কয়েকজন বাদশাহ’র দরবার দেখেছি। আমি রোম সম্রাট কায়সার, পারস্য-রাজ কিসরা এবং আবিসিনিয়াধিপতি নাজাশীর দরবারে দৌত্যগিরি করেছি। কিন্তু আমি সম্মান, শ্রদ্ধা ও আত্মোৎসর্গের সেই আবেগোদ্দীপ্ত প্রেরণা কোথাও দেখিনি যা মুহাম্মাদ (সা)-এর অনুসারীদের মধ্যে দেখেছি। আমার পরামর্শ এই যে, আপনারা তাঁর শর্ত কবুল করে নিন। আর এটাই মুক্তিযুক্ত ও সমীচীন। এর উপর বনী কিনানার প্রতিনিধি বলল : আপনারা কোন ঝগড়াসালা করার পূর্বে আমিও একবার মুহাম্মাদ (সা)-এর সঙ্গে মিলিত হ’তে চাই।

বনী কিনানার প্রতিনিধি আগমনের খবর শুনে অ'ই-হযরত (সা) তাকে প্রভাবিত করবার জন্য কুরবানীর পশুগুলোকে এমন জায়গায় এনে দাঁড় করিয়ে দেন যেখান থেকে অবশ্যই সেগুলো তার নজরে পড়বে। তিনি জানতেন যে, কুরবানীর পশুর ন্যাপারে উক্ত খান্দানের ধর্মীয় আবেগ ও প্রেরণা কতখানি। এই প্রতিনিধি ছিল বনী হারিছ বিন 'আবদ মনাত খান্দানের এবং সে সে সময় হাবুশ-এর সর্দার ছিল। উপত্যকায় বিপুল সংখ্যক হাশট পৃষ্ঠ ও উত্তম কুরবানীর পশু দেখতে পেয়ে সে খুবই প্রভাবিত হয় এবং অ'ই-হযরত (সা)-এর সঙ্গে মিলিত না হয়েই কুরায়শদের নিকট ফিরে যায়। সে তাদের বললো : মুসলমানরা শুধুমাত্র 'উমরাহ্ করার জন্যই এসেছে। তারা নিজেদের সঙ্গে কুরবানীর জন্য যেসব জানোয়ার এনেছে সেগুলোর গর্দানে গলাবন্ধের দাগ পড়ে গেছে। আমি দেখেছি তারা জোরে জোরে 'লাব্বা'য়ক' উচ্চারণ করছে। অতএব তারা কোন মন্দ অভিপ্রায়ে আগমন করেনি। তারা 'উমরাহ্ করতে চায়। তাদেরকে মস্কায় আসার অনুমতি দেওয়া উচিত।

এরপর কুরায়শদের তরফ থেকে সন্ধি করবার জন্য একটি প্রতিনিধিদল আসে। আলাপ-আলোচনা শুরু হতে যাচ্ছিল এমনি মুহূর্তে আবু সুফিয়ানের পক্ষের কিছু সংখ্যক মুশরিক মুসলমানদের উপর হামলা করে বসে। হামলাকারীদের মধ্য থেকে দু'জনকে গ্রেফতার করা হয় এবং অ'ই-হযরত (সা)-এর সামনে তাদেরকে পেশ করা হয়। কিন্তু তিনি সবাইকে মাহফ করে দেন। তিনি তাদের হাতিয়ার সমেত ফিরে যাবার অনুমতিও প্রদান করেন।

এরপর তিনি হযরত 'উছমান (রা) কে দূত নিযুক্ত করে কুরায়শদের নিকট পাঠান। রাস্তায় 'আমর বিন সা'ঈদ বিন আল-'আস-এর সঙ্গে সাক্ষাত ঘটে। সে তাকে নিজের উটের পিঠে বসিয়ে কুরায়শ নেতৃবৃন্দের নিকট নিয়ে যায়। হযরত 'উছমান (রা) অ'ই-হযরত (সা)-এর পয়গাম তাদেরকে পৌঁছুলে আবু সুফিয়ান বললো, : আপনি কা'বা তাওয়াক্ক করতে পারেন। কিন্তু জ্বাবে তিনি বললেন : যতক্ষণ পর্যন্ত অ'ই-হযরত (সা) তাওয়াক্ক না করবেন, আমি কখনই তাওয়াক্ক করবো

না। এতে কুরায়শরা বিগড়ে যায় এবং হযরত 'উছমান (রা)' কে সেখানেই আটকে রাখে।

হযরত 'উছমান (রা)-এর প্রত্যাবর্তনে বিলম্ব হতে থাকায় এদিকে মুসলমানদের ভিতর খবর রটে যায় যে, তাঁকে হত্যা করা হয়েছে। অ'আ-হযরত (সা) অত্যন্ত দুশ্চিন্তাগ্রস্ত হয়ে পড়েন। তিনি মুসলমানদের থেকে দরকার পড়লে শত্রুর সঙ্গে চুক্তি যুদ্ধে অবতীর্ণ হওয়ার বায়'আত বা শপথ গ্রহণ করেন। এই বায়'আতকেই 'বায়'আতে রিদওয়ান' বলা হয়। বায়'আত গ্রহণের পর খবর পাওয়া যায় যে, হযরত 'উছমান (রা) জীবিত ও কুশলেই আছেন। ওদিকে কুরায়শরা বনী 'আমের বিন লুওয়াই কবিলার সুহায়ল বিন 'আমরকে সন্ধির জন্য পাঠিয়ে দেয় এবং বলে পাঠায় যে, এবার মুহাম্মাদ (সা) 'উমরাহ্ ব্যতিরেকে ফিরে যাবে। আর তা এজন্য যে, আরবরা যেন বলতে না পারে মুহাম্মাদ (সা) যবরদস্তিভাবে আমাদের ঘরে প্রবেশ করেছে। কতক সাহাবা (রা) এরূপ শর্ত না-মঞ্জুর করার পরামর্শ দেন। কিন্তু অ'আ-হযরত (সা) যখন তাদেরকে সময়ের উপযোগিতা এবং সন্ধির পরিণাম ফল সম্পর্কে অবহিত করেন তখন তারাও সানন্দে সশ্রুতি প্রকাশ করেন। সন্ধির বিস্তারিত শর্তগুলো নিম্নরূপ :

১. মুসলমান ও কুরায়শদের মধ্যে দশ বছর পর্যন্ত সব রকম যুদ্ধ বন্ধ থাকবে।

২. এই সময়ে প্রতিটি ব্যক্তিই নিরাপদ ও মাহফুজ থাকবে। কেউ কারুর উপর চড়াও হবে না।

৩. কুরায়শদের যে কেউ আপন অভিভাবকের অনুমতি ব্যতিরেকে অ'আ-হযরত (সা)-এর নিকট আগমন করলে অ'আ-হযরত (সা) তাকে তার অভিভাবকের নিকট পাঠিয়ে দেবেন।

৪. যদি অ'আ-হযরত (সা)-এর কোন লোক কুরায়শদের নিকট চলে যায় তবে কুরায়শরা তাকে অ'আ-হযরত (সা)-এর নিকট ফিরিয়ে দেবে না।

৫. এখন উভয় পক্ষের মাঝে আর কোন লড়াই থাকবে না, তলে'ম্বার বের করা হবে না, তীরন্দাষী চলবে না কিংবা হবে না কোন

প্রস্তর বর্ষণ। যাদের ইচ্ছা তারা রসূলুল্লাহ্ (সা)-এর সঙ্গে চুক্তিতে আবদ্ধ হতে পারবে এবং যাদের ইচ্ছা কুরায়শদের সঙ্গে অনুরূপভাবে সন্ধি কিংবা চুক্তিবদ্ধ হতে পারবে। কিন্তু মক্কায় যে সমস্ত মুসলমান রয়েছে অ'ই-হযরত (সা) তাদেরকে সঙ্গে নিয়ে যাবেন না।

৬. এ বছর হযরত (সা) হদায়বিয়া থেকে উমরাহ্ ব্যতিরেকেই ফিরে যাবেন এবং মক্কায় প্রবেশ করবেন না। আগামী বছর কুরায়শরা তিন দিনের জন্য অ'ই-হযরতের খাতিরে মক্কা ছেড়ে যাবে। তিনি তাঁর সাহাবাদের সঙ্গে মক্কায় প্রবেশ করবেন। কিন্তু সবার কাছে একমাত্র তলোয়ার ব্যতীত আর কোন অস্ত্র থাকবে না, তাও থাকবে কোষবদ্ধ।

মুসলমানদের পক্ষ থেকে এই সুলেহ্-নামা (সন্ধিপত্র) লেখেন হযরত 'আলী (রা)। কয়েকদিন পর্যন্ত হদায়বিয়ায় অবস্থান করার পর অ'ই-হযরত (সা) কুরবানী করেন এবং মাথা মুণ্ডন করেন। তাঁকে অনুসরণ করেন সমস্ত সাহাবা (রা)। এর পর অ'ই-হযরত (সা) মদীনা প্রত্যাবর্তন করেন।

হদায়বিয়ার সন্ধির শর্তাবলীর উপর ভাসা ভাসা দৃষ্টিপাত করলে মনে হবে এতে মুসলমানদের পক্ষ থেকে দুর্বলতা প্রকাশ পেয়েছে। কিন্তু বাস্তবে তা নয়। বরং পরবর্তী ঘটনাবলী প্রমাণ করে দেখিয়েছে যে, এটা ছিল উচ্চ পর্যায়ে রাজনৈতিক বিজয় এবং আল্লাহ্ তা'আলাও আয়াতে কারীমা $اِنَّا فَتَحْنَا لَكَ فَتْحًا مُّبِينًا$ (আমি নিশ্চয় তোমাকে সুস্পষ্ট ও অবধারিত বিজয় দান করেছি) নাযিল করে হদায়বিয়ার সন্ধিকে প্রকাশ্য ও সুস্পষ্ট বিজয় হিসাবে আখ্যায়িত করেছেন। দৃষ্টান্তস্বরূপ বলা যায়, আবু বসীর, 'উছবা (রা) বিন সা'দ আল-জাবিযা প্রমুখ মুসলমান কুরায়শদের হাতে বন্দী ছিলেন, চুক্তিপত্র সম্পাদনের পর তারা পালিয়ে মদীনায় চলে আসে। আযহার বিন 'আওস অ'ই-হযরত (সা)-কে লিখেন, চুক্তি মতাবিক আবু বসীর (রা)-কে তার আভিভাবকের কাছে হাওয়াল্লা করা হোক। অতঃপর নিজের পক্ষ থেকে বনী 'আমের বিন লুওয়াই-এর একজন লোককে একজন গোলামসহ অ'ই-হযরত (সা)-এর খেদমতে

পাঠিয়ে দেয়। অ'ই-হযরত (সা) আবু বসীর (রা)-কে বলেনঃ আমরা ওয়াদা খেলাফী করতে পারব না। অতএব তুমি এ সব লোকের সঙ্গে মক্কায় ফিরে যাও। আমরা দু'আ করছি, আল্লাহ্ পাক তোমাদের মত কমযোর মুসলমানদের সহায় ও মদদগার হোন এবং তোমাদের জন্য কোন সহজ রাস্তা তিনি তৈরী করে দিন।

অ'ই-হযরত (সা)-এর ইরশাদ মুতাবিক আবু বসীর (রা) প্রত্যাবর্তনের জন্য রওয়ানা হয়ে গেলেন। যিল-হলায়ফা পৌছে এক সুযোগে বনী 'আমেরের লোকটিকে হত্যা করেন। গোলামটি প্রাণ বাঁচিয়ে অ'ই-হযরত (সা)-এর খেদমতে এসে হাযির হয় এবং ঘটনা সম্পর্কে তাঁকে অবহিত করে। আবু বসীর (রা)-এর এ হেন কার্য কলাপে অ'ই-হযরত (সা) বলেন, এমনটি যেন না হয় যেন এ ধরনের লোকেরা একত্র হতে কুরায়শদের বিরুদ্ধে যুদ্ধ বাঁধিয়ে বসে।

আবু বসীর (রা) এই ভয়ে—না জানি তাকে আবারও মক্কায় পাঠিয়ে দেওয়া হয়—সিরিয়াগামী রাস্তায় সাগর তীরবর্তী মী-আল-মারওয়াহ্‌র পার্শ্ববর্তী জঙ্গলে গিয়ে আত্মগোপন করেন। মক্কা থেকে আরও কিছু মুসলমান এসে সেখানে আশ্রয় নেয়। এভাবে ক্রমান্বয়ে তাদের সংখ্যা সত্তরে গিয়ে উপনীত হয় এবং জীবিকার তাগিদে তারা কুরায়শ কাফেলা লুট করতে শুরু করে। কুরায়শরা তাদের লুটতরাজ ও ধ্বংসাত্মক তৎপরতায় অতিষ্ঠ হয়ে ওঠে। তারা অবশেষে অ'ই-হযরত (সা)-কে বলে পাঠায় : আপনি তাদেরকে লিখে দেন যে, যারা আপনার কাছে ফিরে আসবে তারাই নিরাপদ। এরপর তিনি লিখে পাঠালে এ সমস্ত লোক মদীনা মুনাত্তারায় এসে যায় এবং এভাবেই সুলেই-নামার শর্তাবলীতে কুরায়শদের দরখাশ্বেই সংশোধন করা হয়।

কি শিক্ষা পেলাম

হৃদয়বিয়ার সন্ধির অন্যান্য উপকারী ফলাফলের সঙ্গে একটি গুরুত্বপূর্ণ ফলশ্রুতি এও প্রকাশ পেল যে, লড়াই-সংঘর্ষ বন্ধ হবার ফলে লোকেরা অ'ই-হযরত (সা) ও মুসলমানদের সঙ্গে মেলামেশার এবং

তাদেরকে নিকট থেকে দেখবার ও বোঝবার মতকা পায়। অতএব সুস্থ বুদ্ধি ও চেতনাসম্পন্ন লোকদের অন্তর-রাজ্য ইসলামের দিকে আকৃষ্ট হয়। এরপর তাদের সামনে যখন ইসলাম পেশ করা হয় তখন তারা মুসলমান হয়ে যায়। অনন্তর সন্ধির পর দু'বছরের মধ্যেই এত অধিক সংখ্যক লোক ঈমান আনে যে, এর পূর্বে এতদিনেও তা কখনই সম্ভব হয়নি।

দ্বিতীয় গুরুত্বপূর্ণ ফল লাভ এই হ'ল যে, কবিলাগুলো আঘাদী পেল। তারা কুরায়শ অথবা মুসলমানদের মধ্য থেকে যার সঙ্গে ইচ্ছা চুক্তি করবে। এর ফলে মুসলমানদের মিত্র কবিলার সংখ্যা গেল বেড়ে। ভুল বুঝাবুঝি ও খারাপ ধারণা দূরীভূত হয়ে যায় এবং ইসলামের প্রভাব ও শক্তি বর্ধিত হয়।

প্রতিরক্ষাগত দৃষ্টিকোণ থেকে অ'া-হযরত (সা) এমনি মূলনীতির উপর আমল করেন, যাকে ইংরেজীতে Indirect approach বলা হয়। এর অর্থ এই যে, শত্রুর বিরুদ্ধে এমন চাল চালা হবে যে, লড়াই-সংঘর্ষ ব্যতিরেকেই তাদের হিম্মত ও মনোবল ভেঙে পড়বে। একে ভালভাবে মগজে গেঁথে নেবার জন্য আরও একবার বনী লেহ'য়ান-এর যুদ্ধের উপর দৃষ্টিপাত করুন। অ'া-হযরত (সা) তাদেরকে শাস্তি দেবার জন্য তশরীফ নেন। কিন্তু তাদেরকে যখন তিনি পাহাড়ে আশ্র-গোপনরত দেখতে পেলেন তখন তিনি গাররান থেকে 'আসফান পৌঁছেন এবং সেখানে অবস্থান করে দু'জন অস্বারোহীকে এজন্যই মক্কার দিকে পাঠিয়ে দেন যে, মক্কাবাসীরা তাদেরকে ভালভাবে দেখে নিক। কুরায়শরা অ'া-হযরত (সা)-এর অভিযানগুলোও ফৌজী গতিবিধিকে সম্বে-হের চোখে দেখছিল। কিছুদিন আগে তাঁর গাররান থেকে 'আসফান আসার খবর থেকে, বিশেষ করে মুসলিম ঘোড়সওয়ারকে মক্কার এত কাছে দেখে তাদের মনে বিপদাংশকা সৃষ্টি হয় যে, সম্ভবত মুসলমানরা মক্কার উপর চড়াও হতে চায় অর্থাৎ বনী লেহ'য়ান-এর অভিযান থেকে অ'া-হযরত (সা) সর্বোত্তম পন্থায় ও সাফল্যের সঙ্গে দুষমনকে চিন্তা-ভাবনার ও পেরেশানীর মাঝে নিষ্কেপ করে দেন। অ'া-হযরত (সা)-এর অভিপ্রায় সম্পর্কে তাদের কোন কিছু জানা ছিল না অর্থাৎ এভাবেই তিনি কুরায়শদেরকে শুধুমাত্র নিজের প্রতিরক্ষা-

গত গতিবিধি সম্পর্কেই ধোকার মধ্যে রাখেন নি, বরং তাদেরকে এমনি চালে চলতে বাধ্য করেন যে, যা প্রতিদ্বন্দ্বী ও প্রতিপক্ষ হিসাবে তাদের জন্য সাময়িক দিক দিয়ে গলদ ও ভ্রান্ত ছিল। নেপোলিয়ন গোপন গতিবিধি এবং দুশমনকে পথভ্রষ্ট করার শব্দ থেকে স্বীয় প্রতিরক্ষা-নীতির গুরুত্ব বারবার তুলে ধরেছেন।

য-আই হোক, এখন আমাদের দেখা দরকার যে, আ'-হযরত (সা) দুশমনকে এরূপ দো-টানায় ফেলে কি ফায়দা হাসিল করেছিলেন।

আ'-হযরত (সা)-এর একথা জানা হয়ে গিয়েছিল যে, কুরায়শরা তার মক্কা প্রবেশের ভীষণ বিরোধিতা করবে। এমন কি এজন্য তারা যুদ্ধ করতেও দ্বিধা করবে না অর্থাৎ মুসলমানদের কাফলার মক্কার দিকে রওয়ানা হওয়াটাই তা - 'উমরাহ'র জন্যই হোক না কেন, অনিবার্যরূপে যুদ্ধের কারণ হবে। এরপর আ'-হযরত (সা) এই ঘোষণা দেন : আমি 'উমরাহ' আদায়ের উদ্দেশ্যে যাচ্ছি, যুদ্ধ করার ইচ্ছা আমার আদৌ নেই। প্রশ্ন জাগে যে, এই অবস্থায় কি সমীচীন ছিল না যে, তিনি 'উমরাহ'র অভিপ্রায় পরিত্যাগ করে রওয়ানা হবার পূর্বে মক্কায় প্রবেশের ব্যাপারে আলাপ-আলোচনা দ্বারা শর্তাদি স্থির করে নিতেন। ফলে কোন প্রকার ঝগড়া-কলহ কিংবা যুদ্ধের কোন আশংকাই আর থাকতো না। এর জবাব নিঃসন্দেহে এই যে, তা সমীচীন ছিল না এবং এজন্য ছিল না যে, সে সমস্ত প্রতিরক্ষার দৃষ্টিকোণ থেকে মক্কার যে অবস্থা ছিল তা সামনে রেখে রওয়ানা হবার পূর্বে শর্তাদি স্থির করা প্রতিরক্ষা কৌশলের পরিপন্থী হ'ত এবং সেই শ্রেষ্ঠত্ব ও অগ্রগামিতা যা আ'-হযরত (সা)-এর অর্জিত হয়েছিল, হাত থেকে ফস্কে যেত। কুরায়শরা বদর প্রান্তরে পরাজিত হয়, ওহদে পরাজিত হবার পর বিজয়ের দ্বারপ্রান্তে পৌঁছে, কিন্তু পুনরায় হার মানে; খন্দকের যুদ্ধে তাদের প্রতিরক্ষা কৌশলের দিক দিয়ে পরাজয়ের প্রকাশ ঘটেছিল। এখন বাকী ছিল শুধু সেই পরাজয়টাকে কবুল করে নেওয়া। আ'-হযরত (সা) সে সব অবস্থা বেশ ভালভাবে আন্দাজ করে নিয়েছিলেন। এমতাবস্থায় সমঝোতার আলাপ-আলোচনাকে অনিবার্যভাবেই প্রতিরক্ষাগত দর্বলতা হিসাবে

বিবেচনা করা হ'ত আর এর প্রভাব পড়ত অন্যান্য কবিলার উপরও। অ'ই-হযরত (সা)-এর এমন প্রতিরক্ষা পরিকল্পনা প্রণয়ন করার দরকার ছিল যাতে যুদ্ধও না হয় এবং শত্রুর ছিটেফোঁটা অবশিষ্ট শক্তিটুকুও যেন নিঃশেষ হয়ে যায়। অনন্তর তিনি এমনি পরিকল্পনাই প্রণয়ন করেন এবং সম্ভবত এটা তাঁর নিজস্ব পদ্ধতির প্রথম পরিকল্পনা যা দুনিয়াবাসী প্রত্যক্ষ করেছে। মশহুর আমেরিকান জেনারেল শেরম্যান (Sherman) এবং নেপোলিয়ন মারা প্রাচ্য ইতিহাসের একজন বিরাট ছাত্র ছিলেন—এ ধরনের পরিকল্পনা তৈরী করে তার উপর 'আমল করেছিলেন।

কুরায়শরা অ'ই-হযরত (সা)-এর সেই রাস্তা গভীরভাবে নিরীক্ষণ করে যা তিনি বনী লেহযানের খেলাফ ব্যবহার করেছিলেন এবং এরই সঙ্গে তারা মুসলিম বাহিনীকে রুখবার প্রস্তুতিও সম্পন্ন করেছিল। কিন্তু তাদের উপর অ'ই-হযরত (সা)-এর প্রতিরক্ষা চাল এমন কিছু যাদু সৃষ্টি করে যে, তারা যে সব কৌশল অবলম্বন করেছিল তা সবই বেকার প্রমাণিত হয়। তারা যখন মদীনা থেকে রওয়ানা হওয়া এবং 'আসফানের পথ ধরার তথ্য অবগত হয় তখন তাদের নিশ্চিত বিশ্বাস জন্মে যে, তিনি পুনরায় সেই পথেই গমন করবেন যে পথে তিনি কয়েক মাস আগেও একবার গমন করেছিলেন। অনন্তর তারা নিজেদের লোক-লশ্কার সেই দিকেই রওয়ানা করে দেয় এবং অস্বারোহী বাহিনীকে অগ্রগামী বাহিনী হিসাবে কিরা' আল-না'ঈম পাঠায় যেন 'আসফান উপত্যকা থেকে আগে অগ্রসর হয়ে উপযোগী মওকা মিলতেই মুসলমানদের ধ্বংস করে দেয়। এরই সঙ্গে পদাতিক ফৌজও অস্বারোহী বাহিনীর সাহায্যার্থে অগ্রসর হতে থাকে। উদ্দেশ্য ছিল, ইসলামী কাফেলা যদি অস্বারোহী বাহিনীকে পশুদস্তও করে দেয় তাহলে পদাতিক ফৌজ তাদের সাহায্যার্থে পৌঁছে যাবে। কিন্তু অ'ই-হযরত (সা) মিল-হুলায়ফা থেকে এমন রাস্তা ইখতিয়ার করেন যা কুরায়শদের ধারণা বহির্ভূত ছিল। তারা তা কল্পনাও করতে পারেনি। কুরায়শরা এই রাস্তা অত্যন্ত দুর্গম ও দুরতিক্রমা মনে করে। ফলে এর পাহারাদারির কোন প্রয়োজন তারা মনে করেনি। কুরায়শ বাহিনী অ'ই-হযরত (সা)-এর কাফেলার আগে বেরিয়ে যাবার খবর সেই

মুহূর্তে জানতে পায় যখন তারা মক্কার কয়েক মাইল দূরত্বে হদায়-বিয়ার নিকটবর্তী পৌঁছে গেছে এবং রাস্তায় প্রতিরোধ সৃষ্টিকারী ফৌজ তখন মক্কা থেকে শতাধিক মাইল দূরে। কুরায়শ বাহিনী ঘাবড়ে গিয়ে মক্কার দিকে ফিরে চললো, কিন্তু এর ফলে তারা তাদের পদাতিক ফৌজ থেকে আরও দূরে সরে গেল। ফলে সে সময় মক্কার প্রতিরক্ষাগত পজিশন এই ছিল যে, কুরায়শদের পদাতিক ফৌজ কিরা' আল-নাঈম-এর নিকটে তারা ফিরে আসছিল। আর অশ্বারোহী বাহিনী মক্কার দিকে দ্রুততার সঙ্গে অগ্রসর হচ্ছিল। কুরায়শদের সাহায্যকারী কবিলাগুলো হদায়বিয়ার কাটা ছোট সংযোগ খালের পাশে ছিল, আর সে সব ফৌজ, কবিলা এবং মক্কা শহরের মাঝখানে আ'-হযরত (সা)-এর কাফেলা অথবা কুরায়শ ফৌজের রাস্তা আটকে রেখেছিল।

সমর শাস্ত্রের দিক দিয়ে কুরায়শ কার্যত হেরে গিয়েছিল। কিন্তু প্রশ্ন এই যে, অতঃপর আ'-হযরত (সা) মক্কায় বিজয়ীর বেশে প্রবেশ করলেন না কেন ?

নিঃসন্দেহে যদি এই ক্ষেত্রে আ'-হযরত (সা) ভিন্ন অপর কোন জেনারেল হতেন তবে দূরদশিতাকে পশ্চাতে ঠেলে দিয়ে অবশ্যই তিনি শহরে প্রবেশ করতেন। কেননা মক্কা তো শিকার বনে গেছে। কিন্তু আ'-হযরত (সা)-এর মত অতুলনীয় সমরবিদ ও অনন্যসাধারণ জেনারেল এ ধরনের ভুল করতে পারেন না। কারণ শুধুমাত্র বিজয় লাভ করা তাঁর ফৌজী অভিযান কিংবা জিহাদের উদ্দেশ্য কখনই ছিল না। তাঁর উদ্দেশ্য ও মিশন ছিল শান্তি ও নিরাপত্তা কাম্বেম করা এবং ফেতনা-ফাসাদ ও বিদ্রোহাত্মক আচরণের উচ্ছেদ সাধন। তাঁকে যুদ্ধ করতে হয়েছিল তো সেই উদ্দেশ্য ও লক্ষ্য হসিল করার জন্যই, জয় লাভের আমেজ পেতে কিংবা তৃপ্তি উপভোগের জন্য নয়। তিনি যথাসম্ভব রক্তপাত এড়াতে চাইতেন। সে সময় মক্কা জয়ের ব্যাপারে বিন্দুমাত্র সন্দেহ-সংশয়ের অবকাশ ছিল না। কিন্তু এটা তো ঠিক যে, এর জন্য প্রচুর রক্তপাত ঘটতো এবং এরই সঙ্গে এও সম্ভব ছিল যে, কুরায়শ ফৌজের কিছু অংশ অথবা তাদের মিত্র কবিলাগুলো প্রতিশোধ গ্রহণের নিমিত্ত মদীনার উপর হামলা করে বসতো। এখানে আমরা স্বীকার

করেছি যে, অ'-হযরত (সা)-এর মত একজন অভিজ্ঞ জেনারেল এ সব সম্ভাবনাকে অংকুরে বিনষ্ট করবার জন্য অবশ্যই কোন ব্যবস্থা করে ফেলতেন এবং বিজয়ীও হতেন। কিন্তু এ ধরনের লড়াই-এ একটা বিরাট মূল্য প্রদানের মাধ্যমেই কেবল জয়লাভ করা সম্ভব হ'ত এবং তাতে ব্যাপক আকারের হত্যাकाণ্ড ও রক্তপাতে বিজিত কবিলীগণের ভেতর প্রতিশোধ-স্পৃহার পাবানল সঞ্চিত হ'ত এবং এ বিজয় আরও একটা যুদ্ধের সূচনা করে অধিকতর রক্তপাতের কারণ হ'ত। কিন্তু অ'-হযরত (সা) সকল যুদ্ধেই একটা কথা সামনে রেখেছিলেন আর তা হ'ল, বিজিতরা প্রকৃত ও স্থায়ী শান্তির দ্বারা নিকটতর হোক এবং ইসলামের উন্নত ও মহান নীতিমালা ইশতিয়ার করে নিজেদেরকে বিজিত ও পরাজিত মনে না করুক, বরং ইসলামী সাম্যের সাথে সম্পৃক্ত হয়ে كل مؤمن أخوة (প্রত্যেক মু'মিন একে অপরের ভাই)-এর নমুনা হয়ে উঠুক এবং দুনিয়ার শিক্ষকতা ও নেতৃত্বের মহান আসনে সমাসীন হয়ে উভয় জগতের সাফল্য ও কামিয়ারী হাসিল করুক। এমত অবস্থায় সামরিক বিজয়ের দ্বারা প্রকৃত উদ্দেশ্য ও লক্ষ্য হাসিল হ'ত না। অতঃপর তাঁর নিজের শ্রেষ্ঠত্ব এবং কুরায়শদের কমযোরী ও অসহায়ত্বের পরিপূর্ণ জ্ঞান ও অনুভূতি ছিল। তিনি নিশ্চিত ছিলেন আর এজন্যই তিনি কোন অগ্রাভিষান করেন নি, বরং পরিপূর্ণ বদান্যতা ও উদার আন্তরিকতার সঙ্গে কুরায়শদের পেশকৃত সকল শর্তই কোন-রূপ আপত্তি ব্যতিরেকেই মেনে নেন। যদি দূশমনের উপর কার্ষকর আঘাত না লাগতো এবং তিনি যদি এ ব্যাপারে নিশ্চিত না হতেন তবে মশহুর বর্ণনা মূতাবিক বৃদায়ল বিন ওন্নারাকা আল-খুযাইকে একথা বলতেন না : আমরা কারো সঙ্গে লড়াই-ঝগড়া করতে আসি নি, শুধুমাত্র 'উমরাহ করতে এসেছি। আমরা লড়াই করার আগেই কুরায়শদের বলবীর্য নিংড়ে দুর্বল করে দিয়েছি অর্থাৎ এর দ্বারা তিনি তাদের সামনে পরিষ্কার করে তুলে ধরলেন যে, শ্রেষ্ঠত্ব ও প্রাধান্য থাকা সত্ত্বেও আমরা যুদ্ধের পরিবর্তে সন্ধি কামনা করছি। কোন বিখ্যাত লোকের উক্তি, "জানী ও বুদ্ধিমান লোকের জন্য ইশারাই যথেষ্ট", এটা এমনই স্ববরদস্ত একটা প্রতিরক্ষা চাল ছিল যে, তা কুরায়শ ও অন্যান্য কবিলীগণলোকে তাঁর সামনে অস্ত্র সংবরণ

করতে মজবুর করে দেয়। গর্ব ও অহংমিকার নেশায় মত্ত মস্তাবাসীদের উপর তা অত্যন্ত কার্যকর আঘাত হানে। দৃশ্যত আঁ-হযরত (স) কুরায়শদের পেশকৃত শর্তাদি মঞ্জুর করেন; কিন্তু প্রকৃত সত্য এই যে, তিনি কার্যত মস্তা জয় করে নিলেন। হুদায়বিয়ার সন্ধি তাঁর জন্য ছিল বিরাট কামিয়ারী এবং পরবর্তী ঘটনাবলী এই কামিয়ারী উজ্জ্বল প্রমাণ।

ইতিহাসে এর বহু উদাহরণ বিদ্যমান যে, যখনই সংঘর্ষমুখী ও বিবাদমান দুটি গ্রুপের মধ্য থেকে কোন পক্ষ-প্রতিপক্ষের উপর তাদের আকাংক্ষা মাফিক চাল চলেছে কিংবা এমন মোর্চার উপর হামলা করেছে যেখানে দূশমন অপেক্ষায় ছিল, তাতে ফলাফল ও পরিণতি কখনই চূড়ান্ত হয়নি। নেপোলিয়ন এটাকেই নিশ্চিন্দুত ভাষায় বর্ণনা করেছেন। তিনি বলেছেন, “নৈতিক ও চারিত্রিক শক্তি শারীরিক শক্তির চেয়ে তিন গুণ অধিক শক্তিশালী হয়ে থাকে।” যখন দু’জন পাহলোয়ান মঙ্গল যুদ্ধে প্রবৃত্ত হয় তখন একে অপরকে মাটিতে ফেলে দেবার জন্য এমন সব দাও-প্যাঁচ কষে যেন প্রতিপক্ষ ভারসাম্য হারিয়ে নিজে নিজেই চার হাত পা ছড়িয়ে চিৎপাত হয়ে পড়ে। কোন পাহলোয়ান প্রতিপক্ষ পাহলোয়ানকে সে মুহূর্ত পর্যন্ত শুধুমাত্র গানের জোরে ফেলে দিতে পারে না যতক্ষণ পর্যন্ত না এক পক্ষ অপর পক্ষের তুলনায় শারীরিক শক্তিতে অনেক বেশী হয়, আসুরিক শক্তির অধিকারী হয়, এবং সেই অবস্থায় যখন কেউ নিজেকে অহেতুকভাবে ক্লান্ত ও অবসন্ন করে তোলে। এমনভাবে যখন কোন ফৌজের অধিনায়ক প্রতিপক্ষের ধারণা মুতাবিক কোন ব্যবস্থা গ্রহণ করেন তবে তার উদাহরণ হবে সেই পাহলোয়ানের মত—যে শুধুমাত্র গানের জোরে প্রতিপক্ষকে পরাভূত করতে চায়। এর বিপরীতে ইতিহাসে এমন দৃষ্টান্তও ভূরি ভূরি ছড়িয়ে রয়েছে যে, চূড়ান্ত মীমাংসামূলক যুদ্ধ হামেশা শত্রুর নৈতিক ও চারিত্রিক শক্তিকে পর্যুদস্ত করার মাধ্যমেই চালানো হয়েছে অর্থাৎ সে সব লড়াইয়ে আশড়ায় লড়াই পাহলোয়ানের মত যুদ্ধমান দু’জনের মধ্যে একে অপরকে উপযোগী দাও-প্যাঁচ কষে নিজের বুদ্ধির দ্বারা পরাভূত করেছে এবং আঘাত হেনে তার শক্তিকে পর্যুদস্ত করে দিয়েছে।

প্রতিরক্ষা স্ট্রাটেজীতে শুধুমাত্র শক্তির উপর ভরসা করে দূশমনকে পর্যুদন্ত করাকে Pericfean Policy বলা হয়। এই পলিসি বা নীতির লক্ষ্য এই হলে থাকে যে, নিজ শক্তি দ্বারা দূশমনকে এতখানি কমস্বোর করে দেওয়া হবে যে, সে মজবুর হলে হাতিয়ার ফেলে দেবে এবং পরাজয় স্বীকার করে নেবে। যখন যোগ্যতার সঙ্গে সামরিক কৌশল এবং দাও প্যাঁচ দ্বারা তাকে শুধুমাত্র মজবুর বানিয়ে কম থেকে কমতর শক্তি কাজে লাগিয়ে ও ব্যবহার করে পরাজুত করা হলে থাকে তখন তাকে Indirect approach বলা হয়। অ'-হযরত (সা) এই সুযোগে এই মূলনীতিকে নেহামেত যোগ্যতা ও বুদ্ধিমত্তার সঙ্গে কাজে লাগান এবং কুরান্নশ শক্তিকে খতম করে চিরদিনের জন্য বাধ্য ও অনুগত বানিয়ে দেন।

Indirect approach-এর প্রসঙ্গে আমরা জেনারেল শেরশ্যানের বর্ণনা দিয়েছি। তিনিও আমেরিকার গৃহযুদ্ধে (civil war) আটলান্টিক থেকে প্রশান্ত মহাসাগর পর্যন্ত দ্রুততার সঙ্গে চলাচল করে শত্রুর নৈতিক শক্তির সঙ্গে তাদের সামরিক শক্তি চূর্ণ করে দিয়েছিলেন। তিনি তাঁর পদাতিক ফৌজকে এভাবে বিন্যস্ত করেছিলেন এবং তাকে এভাবে প্রস্তুত করেছিলেন যে, তার বড় বড় প্লাটুন শত্রু এলাকায় কঠিন থেকে কঠিনতর অবস্থাতেও বিদ্যৎ গতিতে অতিক্রম করে যান এবং দূশমনকে মজবুর ও বেসামাল করে পর্যুদন্ত করে দেন। শের-ম্যানের এ লড়াই সমরশাস্ত্রের একটি দৃষ্টান্ত হিসাবে উল্লেখের দাবী রাখে। ভবিষ্যৎ বংশধররা তা থেকে এই শিক্ষা নেয় যে, বিদ্যৎ গতিতে কিতাবে চলাচল করা হয়ে থাকে এবং এরূপ মওকায় কোনরূপ অলসতা ও দ্বিধা-দ্বন্দ্বের কি অর্থ হয়ে থাকে।

হদায়বিয়ার সন্ধির অভিযানের উদাহরণ হ্যানিবল (Hannibal)-এর কার্ষকলাপেও পাওয়া যায়। হ্যানিবলও এ ধরনের ফৌজী অভি-যানের সমর্থক ছিলেন। যে অভিযান তার প্রতিপক্ষও অসম্ভব কল্পনা করতো, তিনি তাই অবলম্বন করতেন এবং এমন রাস্তায় গমন করতেন যা অত্যন্ত দুরতিক্রম্য ও কষ্টসাধ্য বলে মনে করা হ'ত। এভাবেই তিনি তার দূশমনকে কখনই এইরূপ মওকা দিতেন না যাতে

সে তার নিজ পসন্দ মাফিক মোর্চা কিংবা ময়দানে তার সঙ্গে যুদ্ধ করার সুযোগ পায়।

হদায়বিয়ার সন্ধির ঘটনা থেকে আরও একটি শিক্ষা মেলে যে, যুদ্ধ করার সময় দুরদর্শিতার আঁচল কখনই হস্তচ্যুত করতে নেই। আর করা উচিতও নয়। এমনভাবে বিজয়ী হবার খাহেশকে জয়লাভের ফলাফল, পরিণতি ও প্রতিক্রিয়ার সঙ্গে তুলনা করা অপরিহার্য। যদি বিজয় অর্জিত হবার পর অশান্তি-বিশৃংখলা, রক্তপাত ও ধ্বংসযজ্ঞ অনুষ্ঠিত হয় তাহলে এর থেকে সেই শান্তিপ্রদ সন্ধি যন্ত্রদ্বারা নৈতিক দিক দিয়ে দূশমন সামনে অগ্রসর হয়ে পরাজয় বরণ করে, সব দিক দিয়েই অগ্রাধিকার ও প্রশংসার যোগ্য। কিন্তু এমন কার্যপদ্ধতি অবলম্বন করার মুহূর্তে এই কথাটা বিবেচনাধীন রাখা জরুরী, যে কওম কিংবা হকুমত নৈতিক ও চারিত্রিক অবক্ষয়ের শিকার সে শক্তির মহড়াকে বেশী মান্য করে থাকে অর্থাৎ সে কওম অথবা হকুমতের বেলায় এই উপমা সত্য হয়ে দেখা দেয় যে, 'লাথির ভুত কথায় তাড়ান যায় না,' তাহলে এমতাবস্থায় স্বীয় নীতির খাতিরে এতখানি শক্তিশালী ফৌজ রাখা জরুরী যার মুকাবিলা শত্রুর সাধ্যাতীত হয়। উদাহরণত গুণ্ডা, বদমাশ ও লম্পট চরিত্রের লোকদের উপর ওয়াজ-নসীহত ও যুক্তিগ্রাহ্য কথার কোন আছর হয় না। তাদের জন্য পুলিশের ডাণ্ডার প্রয়োজন। হদায়বিয়ার সন্ধির সময়ে আঁ-হযরত (সা) স্বীয় প্রতিরক্ষা চাল ও ফৌজী প্রাধান্য ও শ্রেষ্ঠত্বের দরুন দূশমনকে তাঁর কথা মানতে বাধ্য করেন এবং এভাবে কুরায়শ ধ্বংসের হাত থেকে বেঁচে যায়। যদি তারা তাঁর শক্তি সম্পর্কে ভীত না হ'ত তবে কখনই তারা তাঁর কথা শুনতো না এবং অবশ্যই রক্তপাতের পর্যায়ে নেমে আসতো।

ইতিহাস সাক্ষ্য দেয় যে, ফেতনা-পুরস্ক এবং নৈতিক ও চারিত্রিক দিক দিয়ে হীন চরিত্রের তা কোন ব্যক্তি বিশেষই হোক কিংবা কোন জাতি-গোষ্ঠীই হোক, তারা যুক্তি-প্রমাণের দ্বারা সঠিক পথে কখনই আসে না। যদি কোথাও তাদের সান্ধ্বনা দেবার কোশেশ করা হয়েছে তবে তা দুর্বলতা ভেবে তারা আরও দুঃসাহসী হয়ে উঠেছে এবং পূর্বের তুলনায় অধিকতর আক্রমণাত্মক ও মারমুখো কর্মপদ্ধতি ইখতিয়ার

করেছে। কিন্তু ডিলের জবাব যখন পাথর দ্বারা দেওয়া হয়েছে তখন ফেৎনা-ফাসাদ সৃষ্টি ও শয়তানী অপচেষ্টার মনোবল ও মানসিকতা চুপসে গেছে এবং সকল বীরত্ব ও বাহাদুরী সঠিক পর্যায়ে এসে গেছে। এটাই গুণীদের স্বভাব। কিন্তু সকল বীরত্ব ও বাহাদুরী ঠিকঠাক হয়ে যাবার মানে এ নয় যে, তাদের মেজাজ মজি বদলে গেছে এবং তারা শান্তিপ্ৰিয় হয়ে গেছে। এটা বুঝলে ভুল করা হবে। তাদেরকে ক্রমে ক্রমে বদলানো যায়। আর যদি কোন রাষ্ট্র ও সরকার কলহ ও অশান্তিপ্ৰিয় হয় তবে তারা সাময়িক সন্ধি থেকে অধিকাংশ সময় উপকারী ও ফলপ্রসূ ফলাফল তৈরী করতে পারে এবং তা নিশ্চিন্ত দু'টি বিকল্প অবস্থার চেয়ে উত্তম ও উপযোগী বলা চলে :

প্রথমত, তাকে বা তাদেরকে একেবারে ধ্বংস ও বরবাদ করে দিতে হবে। তার জন্য রক্তপাত অপরিহার্য। এ ধরনের লোকদের যখন তাদের এই পরিণতি সম্পর্কে জ্ঞানের উন্মেষ ও বোধোদয় ঘটে, হ্যাঁ, তখন তারা আরও দুঃসাহসী ও উন্মাদ বহু রকমের শত্রুতে পরিণত হয়। কেননা তারা মনে করে থাকে যে, এখন একমাত্র মরণ ছাড়া তাদের সামনে কোন বিকল্প নেই। সুতরাং কোন কিছুই পরওয়া করা আর ঠিক হবে না।

দ্বিতীয়ত, উভয় পক্ষের শক্তির মাঝে খুব বেশী ব্যবধান যেন না থাকে। আর যে হকুমত নিজেই নিজেই শক্তিশালী মনে করে এবং প্রতিপক্ষকে দুর্বল করতে চায় সেই টিরদিনের জন্য পরাজিত হয়ে থাকে। এমতাবস্থায় সম্ভবত যে শক্তিশালী সে জয়যুক্ত হয়ে যাবে। কিন্তু এটা লাভ করতে গিয়ে আর্থিক তথা সম্পদের দিক দিয়ে সে এতখানি কমবোর হয়ে যাবে যে, এই জয়লাভ তার জন্য দুর্বিষহ হয়ে উঠবে। গত দু'টি বিশ্বযুদ্ধের বিজয়ী মিত্রশক্তিসমূহের মধ্যকার অনেক মিত্ররাষ্ট্র অনুরূপ পরিণতির সম্মুখীন হয়েছে এবং এই জয়লাভের জন্য তাদের বিরাট মূল্য দিতে হয়েছে; কিন্তু যদি সন্ধির কারণে এই উভয় দেখা দেয় যে, সমগ্র মিলতেই ফেৎনা-ফাসাদপ্ৰিয় শক্তি আরও শক্তি সঞ্চয় করবে তা হ'লে এমন সন্ধি না হওয়াই উচিত। কেননা এর অর্থ হবে নিজের দুর্বলতা প্রকাশ করা।

পরবর্তী ঘটনাবলী প্রমাণ করে দিয়েছে যে, আঁ-হযরত (সা)-এর দৃষ্টি কত সঠিক ও নির্ভুল ছিল! তিনি যেরূপ বিজ্ঞানোচিত উপায়ে কাজ করেছেন তা কি পরিমাণ উপকারী ও কার্যকর ছিল। হৃদয়বিহার সন্ধি প্রতিরক্ষা কৌশলের দিক থেকে একটি মাইলস্টোনের মর্যাদা রাখে।

খায়বার যুদ্ধ

হৃদয়বিহার সন্ধির পর আঁ-হযরত (সা) সেই সব কবিনার দিকে মনোনিবেশ করেন যারা মদীনার অংশ-পাশে ফেৎনা-ফাসাদ ও অশান্তি সৃষ্টিতে তৎপর ছিল। তাদের মধ্যে সর্বাধিক শক্তিশালী এবং সর্বাপেক্ষা বড় ফেৎনাবাজ ছিল খায়বারের য়াহূদী সম্প্রদায়। মদীনা থেকে বহিষ্কৃত ও নির্বাসিত হবার পর বনী নাযীর খায়বারে আসে এবং এখানকার য়াহূদীরা তাদেরকে আশ্রয় দেয়। স্বাভাবিকভাবেই তাদের খাঃহশ ছিল মদীনার খেজুর বাগানগুলোর উপর বনী নাযীর-এর পুনরায় নিয়ন্ত্রণ প্রতিষ্ঠিত হোক। বনু গাতফান খন্দকের যুদ্ধে এবং এর পরেও সতর্কভাবে নিজেদের বাঁচিয়ে নেয়। এ কারণে তাদের একটা দ্রাস্ত ধারণা ছিল, আঁ-হযরত (সা)-এর তাদের মুকাবিলার আসার সাহস নেই। এজন্য তারা য়াহূদীদেরকে উচ্চনী দেবার ব্যাপারে আরও দুঃসাহসী হয়ে ওঠে। আঁ-হযরত (সা) খায়বারের য়াহূদীদের উচ্ছৃংখলতা দমনের জন্য ফৌজী কার্যক্রম শুরু করেন এবং এ খবর মশহুর হয়ে পড়লে বনী গাতফান তাদের সাহায্যার্থে খায়বার রওয়ানা হলে যায়।

আঁ-হযরত (সা)-এর সামরিক গতিবিধি সব সময়ই গোপনীয় হ'ত। যখন তিনি খায়বারের দিকে রওয়ানা হন তখন সোজাসুজি না গিয়ে এমন একটা পথ ধরে চলেন যা ছিল গাতফান ও খায়বারের মধ্যবর্তী। এজন্য য়াহূদী এবং গাতফানের কেউই পরিমাপ করে উঠতে পারে নি যে, কার উপর হামলা হতে যাচ্ছে। যেহেতু আঁ-হযরত (সা) আচানক হামলা করতেন এবং তাঁর প্রতিরক্ষা পরিকল্পনা

সম্পর্কে কেউ সঠিক জ্ঞান রাখত না - এজন্য দু'জনেরই ভয় দেখা দেয় যে, হয়তো আমাদের উপরই আক্রমণ হতে যাচ্ছে; অতএব গাতফানের কবিলাগুলো তাদের সৈন্যবাহিনীকে ফেরত ডেকে নেয় এবং তারা য়াহুদীদের ছেড়ে নিজেদের হেফাজতের চেষ্টা তদবীরে লেগে পড়ে। আর য়াহুদীরা হয়ে পড়ে একেবারে একাকী। প্রথমে আ'-হযরত (সা) গাতফানের এলাকা দখল করেন। এরপর ক্রমান্বয়ে খায়বার অবরোধ করতে শুরু করেন।

য়াহুদীরা খায়বার গিরিপথের বিভিন্ন স্থানে ছোট-বড় প্রস্তর নির্মিত ঘর এবং দুর্গ বানিয়ে রেখেছিল। এইসব দুর্গ ছিল পেশাওয়ার ও কোহাটের মধ্যবর্তী অথবা পাকিস্তানের খায়বার গিরিপথের বিভিন্ন স্থানে অবস্থিত গড়, চূড়া ও দুর্গের মত। এ সব গড় ও দুর্গ সেখানকার বসবাসকারীদের এবং এলাকার একটি বিশেষ অংশের হেফাজত করে থাকে। আর বাইরের আক্রমণকারীদের মুকাবিলায় সেগুলো একটি ষবরদস্ত হেফাজতী মোর্চার মর্ষাদা রাখে। আজকাল সেসব চূড়া বা গুম্বজগুলোতে তোপ ও বন্দুক ইত্যাদি চালাবার ছিদ্র নির্মিত হয়েছে। আগে তীরন্দায়ী অথবা গোপিনী এবং হাতের দ্বারা পাথর নিক্ষেপের ব্যবস্থা থাকতো।

মুসলিম বাহিনীর হানজার পর হিস্ন না'ঈম নামক ছোট্ট একটি দুর্গবিশেষ বিজিত হয়। এখানে য়াহুদীরা মাহমুদ বিন মাসলামের উপর পাটার টুকরো নিক্ষেপ করে। ফলে তিনি শহীদ হন। হিস্ন না'ঈম-এর পর কামুস এবং ইবন আবি আল-'আকীক-এর দুর্গ দখল করা হয়। অতঃপর সা'দ বিন মা'আয-এর কেচ্চার উপর নিয়ন্ত্রণ প্রতিষ্ঠিত হয়। এখানে অনেকগুলো বড় বড় শস্য-ভাণ্ডার মুসলমানদের হস্তগত হয়। এইসব দুর্গে পরাজয়ের পর য়াহুদীরা ওয়াতী'ও সুলালিম এবং খায়বারে গিয়ে একত্র হয়। শাক্তে নাজাত ও কিতাব কেচ্চা এবং গড়গুলোও মুসলমানদের অধিকারে এসে গিয়েছিল।

আ'-হযরত (সা) এসব কেচ্চা জয় করার জন্য পালান্ধমে কয়েকজন অধিনায়ক নিযুক্ত করেন এবং মুসলিম ফৌজ বারো দিনের

অবরোধকালে কয়েক বার সেগুলো জয় করার জন্য প্রয়াস চালায়। কিন্তু কামিয়াব হতে পারে নি। তেরো দিনের দিন অ'ই-হযরত (সা) স্বয়ং যুদ্ধের ময়দানে তশরীফ নেন এবং অধিনায়কত্বের পতাকা হযরত 'আলী (রা)-কে সোপর্দ করে বিজয়ের জন্য দু'আ করেন। হযরত 'আলী (রা) খাল্বারের উপর ভীষণ বেগে আক্রমণ করেন এবং প্রচণ্ড যুদ্ধের পর কেবলা বিজিত হয়। কবিলার সর্দার কিনানা বিন আল-রাবী'ক বিন আবী আল-হাকীক গ্রেফতার হয়।

খাল্বার দখলের পর ওয়াতী'ও সূলালিম-এর অপরূপ অধিবাসীরা জীবন ভিক্ষা ও নির্বাসনের শর্তে অস্ত্র সমর্পণ করে এবং সকল বিষয় সম্পত্তি ছেড়ে বের হয়ে যেতে রাযী হয়। অ'ই-হযরত (সা) তাদের পেশকৃত প্রস্তাব কবুল করেন এবং যে সব যাহুদী কৃষক হিসেবে সেখানে থাকবার খাহেগ জাহির করে তিনি তাদেরকে থাকবার অনুমতি দান করেন।

বনী হারিছার মুহাস্‌সিয়া বিন মাস'উদ স্বীয় খেদমতের বিনিময়ে যাহুদীদের দ্বারা চাম্বাস করাবার জন্য এই এলাকাকে অ'ই-হযরত (সা) থেকে এই ওয়াদার উপর নিয়ে নেয় যে, সমস্ত ফসলের অর্ধাংশ বছরে মুসলমানদেরকে দেবে। অ'ই-হযরত (সা) বনু হারিছার এই দরখাস্ত এই শর্তে মঞ্জুর করেন : যতদিন আমাদের আবশ্যক না হবে তোমরা বর্গার ভিত্তিতে কৃষিকাজ করতে পারবে।

ফিদাক্-এর কবিলাগুলো অর্ধভাগের শর্তে যুদ্ধ ব্যতিরেকেই অ'ই-হযরত (সা)-এর সঙ্গে সন্ধি করে নেয়।

খাল্বার থেকে অ'ই-হযরত (সা) জিহাদের জন্য ওয়াদিউল কুরা তশরীফ নেন। কিন্তু সেখানকার কবিলাগুলো তাঁর আনুগত্য কবুল করে নেয়।

এরপর তিনি 'ওমর ইবন আল-খাত্তাব (রা)-কে হাওয়াযিন কবিলাকে বিশেষভাবে সতর্ক ও হুশিয়ার করে দেবার জন্য প্রেরণ করেন। এই অভিযানের সদস্য সংখ্যা ছিল মাত্র তিরিশ জনের মত। এই প্লাটুন দিনের বেলায় লুকিয়ে থাকতো এবং রাতে সফর করতো। কিন্তু এত কিছু সত্ত্বেও হাওয়াযিন কবিলার লোকেরা মুসলিম বাহিনীর

গতিবিধি জেনে ফেলে এবং প্রাণের ভয়ে পাহাড়ে গিয়ে আত্মগোপন করে।

অপর আর একটি প্লাটুন তিনি গালিব বিন 'আব্দুল্লাহর নেতৃত্বে সিফায়্যা রওয়ানা করেন। মুসলমানদের একজন মিত্রের হত্যার অপরাধে বনী মাররাহ্কে শাস্তি দেওয়াই ছিল এই অভিযানের উদ্দেশ্য। এই প্লাটুন অভিযান সম্পন্ন করার পর বহুবিধ গনীমতের মাল নিয়ে মদীনায় ফিরে আসে।

গালিব বিন 'আব্দুল্লাহর অধীনে আরও একটি অভিযান বনী 'আবদ বিন ছা'লাবাকে সাজা দেওয়ার জন্য পাঠানো হয়।

‘উমরাহ্ ও হজ্জ

গত বছর যী কা'দাহ্ মাসে তিনি 'উমরাহ্‌র জন্য তগরীফ নিয়ে-ছিলেন, কিন্তু কুরায়শরা যুদ্ধ করতে উদ্যত হয়ে মক্কায় প্রবেশ করতে দেয়নি। তিনি তাদের বোঝাবার জন্য যথাসাধ্য চেষ্টা করেছিলেন, কিন্তু তারা তা কিছুতেই বুঝতে চায়নি, অবশ্য তারা সন্ধি করে মেনে নিয়েছিল যে, তিনি আগামী বছর আগমন করতে পারবেন। সে সময় তিন দিনের জন্য তারা মক্কা খালি করে দেবে। এই শর্ত মূতাবিক অ'-হযরত (সা) পরের বছর উল্লিখিত মাসেই সেই সমস্ত সাহাবাদের নিয়ে যারা, ইতিপূর্বে তাঁর সঙ্গী ছিলেন—মক্কায় রওয়ানা হন। মক্কাবাসীরা যখন অ'-হযরত (সা)-এর আগমনের সংবাদ অবহিত হ'ল তখন ইতিপূর্বকার কৃত চুক্তির শর্ত মূতাবিক মক্কা থেকে বাইরে চলে যায়; কিন্তু কিছু লোক শহর অভ্যন্তরে রেখে যায় যেন তারা অ'-হযরত (সা) এবং মুসলমানদের আর্থিক পেরেশানীর পরিমাপ রতে পারে। শত্রুরা চতুর্দিকে এটা মশহুর করে দিয়েছিল যে, মুসলমানদের উপর দারিদ্র্য ছেয়ে গেছে এবং অভাব-অনটন তাদেরকে একেবারে কমায়ার ও দুর্বল করে দিয়েছে। অ'-হযরত (সা)-এর ফরমান্লেশ মূতাবিক সমস্ত সাহাবা (রা) তিনবার পুতুততার সঙ্গে তাওয়াক্কফ করেন। এ দৃশ্যে কাফিররা অত্যন্ত বিস্মিত হয় এবং

তাদের দৃঢ় প্রতিষ্ঠা জন্মে যে, মুসলমানদের আর্থিক ও শারীরিক অবস্থা খুবই ভাল। হজ্জ্বরত সম্পন্ন করে তিনি মদীনা তশরীফ নেন।

অষ্টম হিজরী

অষ্টম হিজরীর সফর মাসে আঁ-হমরত (সা) বনী মালুহকে শান্তি দিবার জন্য একটি প্রাচীন গালিব (রা) বিন 'আব্দুল্লাহ'র নেতৃত্বে প্রেরণ করেন। তাদের মোট সংখ্যা ছিল চৌদ্দ জন। এ অভিযান পরিপূর্ণরূপে সফল হয়। প্রাচীনের সদস্যদের বীরত্ব ও বাহাদুরীর দৃষ্টান্ত এই যে, গালিব (রা) বিন 'আব্দুল্লাহ' কাদীদ পর্বতের পাদদেশে শত্রুর গতিবিধি পর্যবেক্ষণ করবার জন্য জুন্দুব বিন মিকবাহ (রা) আল-জুহনীকে মোতাম্মেন করেন। দুশমন তাকে দেখে ফেলে। কিন্তু দূরত্ব বেশী হবার কারণে তারা ফয়সালা করতে পারেনি ওটা কোন মানুষ না পাথর। ফলে তারা নিশ্চিত হবার জন্য তীর নিক্ষেপ করে। এরপর আরও দুটি তীর নিক্ষেপ করা হয়। আর তিনটি তীরই জুন্দুব (রা)-এর শরীরে বিদ্ধ হয়। কিন্তু তথাপিও তিনি তাঁর জায়গা থেকে এতটুকু হেলেন নি, পাছে দুশমন তাদের অবস্থান জেনে ফেলে। দুশমন অতঃপর নিশ্চিত হয় যে আসলেই ওটা পাথর। ফলে তারা রাতের বেলায় নিশ্চিন্তে নিদ্রা যায়। মুসলমানেরা রাতের বেলা তাদের উপর অতর্কিতে ঝাঁপিয়ে পড়ে এবং উদ্দেশ্য সাধনে সফল হয়ে গনীমতের মাল নিয়ে মদীনা প্রত্যাবর্তন করে।

জিস্‌যা

এ বছরেই আঁ-হমর ৫ (সা) 'আলা বিন আল-হাদরামী (রা)-কে মুনযির বিন সাওনা আল-'আবদীর নিকট নিজের একটি চিঠি দিয়ে পাঠান। এতে লেখা ছিল : যে ব্যক্তি মুসলমানদের মত নামায

পড়বে এবং তাদের যবেহ্ করা পশুর গোশ্ত ভক্ষণ করবে সেই মুসলমান। তার অধিকার ও মিসমানারী ঠিক ততখানি যা অপর কোন মুসলমানের। যে এটা অস্বীকার করবে তার থেকে জিহ্মা গ্রহণ করা হবে। মুসলমান তাদের মেয়েদেরকে যেমন বিয়ে করবে না, তেমনি তাদের যবেহ্ খাবে না। অগ্নি-উপাসকেরা আঁ-হম্বরত (সা)-এর এই শর্ত মঞ্জুর করে সন্ধিসুলে আবদ্ধ হয়।

এরূপে সে বছরই 'আমর (রা) ইবন আল-'আসকে 'আশ্মান পাঠান। সেখানকার কিছু লোক মুসলমান হয়। কিন্তু যারা ঈমান আনেনি তারা জিহ্মা প্রদানে স্বীকৃত হয়।

এ বছরের রবী'উল আউয়াল মাসে শুজা' (রা) বিন আন্সাবকে একটি প্লাটিনসহ বনী 'আমেরের ঔদ্ধত্যের শাস্তি দেবার জন্য রওয়ানা করেন। এ অভিযানও ছিল সফল ও কামিয়াব। শুজা' (রা) বহ উট ও অন্যান্য পশুপাল মুদ্ধলব্ব সম্পদ হিসেবে নিয়ে ফিরে আসেন।

'আমর বিন আল-'আস এবং খালিদ বিন ওয়ালীদ-এর ইসলাম গ্রহণ

এ বছর সফর মাসের প্রথম দিকে 'আমর বিন আল-'আস, 'উছমান বিন তালাহা আল-বারী এবং খালিদ বিন ওয়ালীদ বিন আল-মুগীরী ঈমান আনেন। 'আমর বিন আল-'আসের 'আশ্মান অভিযানে রওয়ানা হবার ঘটনা এর পরবর্তীকালের। তাবারীর ইতিহাস গ্রন্থে 'আমর বিন আল-'আস (রা) থেকে বর্ণিত আছে : খন্দক যুদ্ধের পর আমার খেয়াল হ'ল ইসলাম সত্য সুন্দর ধর্ম। আমার সাথীদের নিকট যখন একথা প্রকাশ করলাম তখন তাদেরকেও একইরূপ অভি-মত পোষণকারী হিসাবে পেলাম। কিন্তু তখনও আমাদের অন্তরে সন্দেহ ও শংকা ছিল যে, যদি কুরায়শরা মুহাম্মদ (সা)-এর উপর বিজয়ী হয় তবে আমাদের কোথাও দাঁড়াবার স্থান থাকবে না। অত-এব সিদ্ধান্ত নিলাম যে, দেশ ত্যাগ করে নাজ্জাশীর দেশে চলে যাব

এবং সেখানে সকল ঘটনা নিরাপদ শান্তির সঙ্গে অনুধাবন করবো। আমরা যখন নাজ্জাশীর দরবারে পৌঁছুলাম তখন আমরা জা'ফর (রা) বিন আবী তালিব ও তার সঙ্গী-সাথীদের নাজ্জাশীর সঙ্গে মোলাকাত শেষে ফিরে আসতে দেখলাম। আমরা যখন নাজ্জাশীর সামনে গেলাম এবং তাকে তোহ্ফা পেশ করলে তিনি খুব খুশী হলেন। আমরা এই সুযোগকে দুর্লভ মনে করে আরম্ভ করলাম : 'আমর বিন উমায়্যা আল-দামরী ইবন আবী তালিবের সঙ্গে এসেছিল। আপনি তাদেরকে আমাদের হাওয়ালার করে দিন যেন তাদেরকে হত্যা করে আমাদের সেসব নেতৃস্থানীয় অভিজাত ব্যক্তিবর্গের হত্যার বদলা নিতে পারি, যারা তাদের প্রভু মুহাম্মাদ (সা)-এর সাথে লড়াইয়ে মারা গেছে। একথা শুনেই নাজ্জাশী ক্রোধে অগ্নিশর্মা হয়ে গেলেন। আমি তক্ষুণি এর জন্য অনুনয়ের সঙ্গে ক্ষমা ভিক্ষা করলাম এবং অত্যন্ত বিনয়ের সঙ্গে আরম্ভ করলাম যে, আমি যদি এতটুকুও জানতে পারতাম যে, আপনি এতে দুঃখ পাবেন, তাহ'লে আমি কখন এরূপ আচরণ করতাম না।

এতে নাজ্জাশী বললেন : মুসা (আ)-এর মতই মুহাম্মাদ (সা) একজন পয়গম্বর এবং তাঁর নিকট আল্লাহ'র তরফ থেকে জিব্রীঈল (আ) বিধান নিয়ে অবতীর্ণ হন। আমার দৃঢ় বিশ্বাস এসে গেছে যে, যেভাবে মুসা (আ) ফিরআউনের সৈন্যবাহিনীর উপর জয়লাভ করেছিলেন, ঠিক তেমনি মুহাম্মাদ (সা)-ও তাঁর দূশমনের উপর জয়লাভ করবেন। নাজ্জাশীর মুখে একথা শোনার পর আমার বিশ্বাস আরও দৃঢ় হ'ল যে, মুহাম্মাদ (সা) আল্লাহ'র রসূল। অতএব আমি নাজ্জাশীর কাছে দরখাস্ত করলাম : আপনি আ-হযরত (সা)-এর পক্ষ থেকে আমার বাস'আত নিয়ে নিন। মুসলমান হয়ে আমি মক্কার দিকে যাচ্ছিলাম, এমন সময় রাস্তায় খালিদ (রা) বিন ওয়ালীদ ও উছমান (রা) বিন তালাহ'র সঙ্গে মোলাকাত হয়। আমি সফরের উদ্দেশ্য সম্পর্কে জানতে চাইলে তারা বললো : আ-হযরত (সা)-এর খেদমতে মুসলমান হবার নিয়তে তাঁরা চলেছে। সেখান থেকে তিন জনেই পবিত্র খেদমতে হামির হয়ে বাস'আত লাভে ধন্য হই !

‘আমর বিন আল ‘আস (রাঃ)-এর দ্বিতীয় অভিযান

জুমাদা আল-ছানী মাসে অ’-হযরত (সা) ‘আমর বিন আল-‘আস (রাঃ)কে তিন শ’ সাহাবা (রা)-এর সঙ্গে বনী কুদা’আর অন্তরের বেদনা প্রশমনের জন্য পাঠান। তাদের অন্তরের বেদনা প্রশমন ছাড়াও এ অভিযানের আর একটা উদ্দেশ্য এও ছিল যে, সে সব আরবকে সিরিয়ার উপর হামলা করতে উদ্বুদ্ধ করা। ‘আমর (রা)-এর মা এই কবিলার বিল্লী এলাকার অধিবাসী ছিল। বনী কুদা’আ বিল্লী এবং ‘আমরাহ্ র এলাকায় অবস্থান করছিল। সালাসিল বর্ণার নিকট পৌঁছে ‘আমর আশংকা করেন যে, মাত্র তিন শত সাহাবার সমন্বয়ে গঠিত তার এই বাহিনী হয়ত লক্ষ্য অর্জনে যথেষ্ট হবে না। অতএব তিনি অ’-হযরত (সা)-এর নিকট পয়গাম পাঠিয়ে আরও অধিক সংখ্যক সাহায্য-কারী বাহিনী পাঠিয়ে দেবার দরখাস্ত করেন। অ’ হযরত (সা) আবু ‘উবায়দাহ্ (রা) ইবন আল-জাররাহ্ র অধীন দু’শ মুহাজির ‘আমর (রা)-এর সাহায্যার্থে পাঠান। তাঁদের মধ্যে হযরত আবু বকর (রা) ও হযরত ‘ওমর (রা)-ও ছিলেন। রওয়ানা দেবার সময় অ’-হযরত (সা) আবু ‘উবায়দাহ্ কে বলেন “তোমরা দু’জন যেন একে অপরের বিরুদ্ধে না যাও।” আবু ‘উবায়দাহ্ (রা) সালাসিল পৌঁছুলে ‘আমর (রা) আবু ‘উবায়দাহ্ কে বলেন, “তোমরা আমার সাহায্যে এসেছ।” আবু ‘উবায়দাহ্ (রা) জবাব দিলেন, “অ’-হযরত (সা) আমাকে হেদায়েত করেছেন যেন তোমার এবং আমার মধ্যে মতভেদ না হয়। অতএব আমি সর্বাঙ্গীয় তোমাকে অনুসরণ করে চলবো।” ‘আমর (রা) বলেন, “আমি তোমাদের আমীর।” আবু ‘উবায়দাহ্ (রা) বললেন, “নিশ্চয় আপনি আমীর।” এই অভিযানকারীরা সেখানকার কবিলাগুলোর সঙ্গে আলাপ-আলোচনা করে প্রত্যাবর্তন করে, কিন্তু তেমন সন্তোষজনক ফল লাভ এতে হয় নি।

এ অভিযান এই দিক দিয়ে অত্যন্ত গুরুত্বপূর্ণ যে, এ থেকে অ’-হযরত (সা)-এর নির্দেশের সম্মান ও মর্যাদা পুরোপুরি প্রকাশ পায়। অ’-হযরত (সা) যে সাহাবীর প্রতি যে কাজই সোপর্দ করতেন তিনি জীবন উৎসর্গ করে হলেও সেটাকে পূর্ণতার পর্যায়ে পৌঁছতেন। কোন

মূল্যেই সামান্য ব্রুটি-বিচ্যুতিও হতে দিতেন না। অতঃপর যাকে যে কাঞ্ছন যোগ্য ও উপযুক্ত বলে মনে করতেন এবং যে অভিযানে যাকে আমীর নিযুক্ত করতেন, ছোট-বড় সবাই তার আনুগত্য করতো। এটাই সামরিক শৃংখলার সর্বোত্তম নমুনা।

খাবতের যুদ্ধ

অ'ই-হযরত (সা) আরও একটি অভিযান আবু 'উবায়দাহ ইবন আল-জাররাহ'র নেতৃত্বে সমুদ্রোপকূলের দিকে রওয়ানা করেন। তিনশ' আনসার ও মুহাজির তাতে शामिल ছিলেন। খাদ্যদ্রব্যের স্বল্পতার কারণে তাদের বহু কষ্ট তকলিফ পোহাতে হয়। কয়েক সপ্তাহ জংলী গাছের শুকনো পাতা খেয়ে তাদের কাটাতে হয়। এক স্থানে অত্যন্ত আকস্মিকভাবে একটি সামুদ্রিক প্রাণী সাগরের কিনারে এসে দেখা দেয়। সেটাকে শিকার করে তার গোশত ও চর্বি খেয়ে কয়েক সপ্তাহ কাটে। কয়েক মাস পর এই বাহিনী ফিরে আসলে অ'ই-হযরত (সা) তাদের খুব প্রশংসা করেন। এই যুদ্ধের নাম খাবতের যুদ্ধ।

শা'বান মাসে অ'ই-হযরত (সা) আবু কাতাদাহ্ (রা)-কে দু'জন সাহাবাসহ রিফা'আহ্ বিন কয়েস-এর শয়তানী খতম করার জন্য প্রেরণ করেন। রিফা'আহ্ বনী হাশ্'ম-এর একটি দলের সঙ্গে গার-এর এলাকায় নিজের লোকদেরকে এবং বনী কয়েসকে অ'ই-হযরত (সা)-এর বিরুদ্ধে উত্তেজিত করতো। অ'ই-হযরত (সা) নির্দেশ দেন যে, রিফা'আহ্ কে ধরে নিয়ে আসবে অথবা তার খবর নিয়ে আসবে। এই তিনজন পদব্রজে সফর করে সূর্য ডোবার সময় শত্রুর বাসস্থানের নিকট অতি সংগোপনে ফাঁদ পেতে অপেক্ষায় বসে যায়। রিফা'আহ্ একজন রাখাল বেলা ডোবার পরও ফিরে না আসায় সে একাকীই তার সজ্ঞানে বেঁধে হয়। সে সব বীরদের নিকট দিয়ে অতিক্রম করার সময় তারা তাকে হত্যা করে। এরপর অন্ধকার যখন চার-দিক ছেয়ে গেল তখন তার সঙ্গী-সাথীদের উপর আচমকা বাঁপিন্ধে

পড়ে। অতর্কিত এই হামলায় তারা ভীত সন্ত্রস্ত হয়ে পালিয়ে যায়। তারা বহু মাল সামান নিয়ে ফিরে আসে।

মৃত্যুর যুদ্ধ

জুমাদা আল-আওয়াল মাসে একটি অভিযান সিরিয়ার দিকে প্রেরিত হয়। যায়দ বিন হারিছা (রা)-কে এই বাহিনীর আমীর নিযুক্ত করা হয়। এটা ছিল একটা বিরাট অভিযান যার ভিতর তিন হাজার মুজাহিদ শামিল ছিল এবং এটাই ছিল প্রথম সুশাগ্গ যে, এত বিরাট বাহিনীর সেনাপত্য তিনি কোন সাহাবীকে সোপর্দ করেন। অভিযানের শুরুত্বের পরিমাপ এর থেকে করা যেতে পারে যে, তিনি বলেন, “যদি যায়দ যুদ্ধের ময়দানে শহীদ হলে যায় তাহলে তার স্থানে জাফর (রা) বিন আব তালিব আমীর হবে। এবং সেও যদি শহীদ হয় তবে ‘আব্দুল্লাহ্ বিন রওয়াল্লাহা সর্দার হবে।” অতঃপর বাহিনী যখন রওয়ানা হ’ল তখন আ-হযরত (সা) কিছুদূর পর্যন্ত স্বয়ং তাদের সঙ্গে পথ চলেন এবং দু’আ করে মদীনায় ফিরে আসেন।

এই বাহিনী যখন সিরিয়ার মা’আন নামক স্থানে পৌঁছে তখন খবর পাওয়া গেল যে, রোম সম্রাট হেরাক্লিয়াস এক লক্ষ রোমক সৈন্যের একটি বাহিনী নিয়ে বলকার মা’ব শহরে অবস্থান করছেন। প্রথমে এই এলাকা রোমকদের কব্জায় ছিল। কিন্তু পরে সেখানে বিদ্রোহ ঘটে, যার উপর তারা পুনরায় নিয়ন্ত্রণ লাভে সক্ষম হয়। এই রোমক বাহিনী ছাড়াও প্রায় এক লাখ লোক অন্যান্য কবিলাও জমায়েত হয়েছিল। বনু ফাখম, বনু জুমাম, বনু বালকাযন, বনু বাররা এবং বিল্লী আরবের বনু মুসতা’রিবার কবিলাগুলোও ছিল যার সর্দার ছিল মালিক বিন রাফিলা। সে ছিল বিল্লীর তারাশতা কবিলায় আমীর।

এ সমাবেশের খবর শুনে ইসলামী বাহিনী দু’দিন পর্যন্ত মা’আন-এ অবস্থান করে। উদ্দেশ্য ছিল পরিস্থিতির সঠিক পরিমাপ করা।

বহু বিচার-বিশ্লেষণ ও চিন্তা-ভাবনার পর সিদ্ধান্ত হ’ল যে, যদিও শত্রুর

শক্তি অনেক বেশী, তবুও ভীত-সন্ত্রস্ত হয়ে ফিরে যাওয়া হবে কাপুরুষ-তার নামান্তর। অতএব ওদের মুকাবিলা করা দরকার এবং সামনে অগ্রসর হওয়া উচিত।

এখান থেকে অগ্রসর হয়ে ফৌজ যখন তাখম নামক স্থানে পৌঁছল তখন রোমানদের কবিলাগুলোর বাহিনীও সম্মুখে অগ্রসর হয়ে বাজ্কার জনপদ মাশরফ নামক স্থানে পৌঁছে যায়। মুসলিম ফৌজ মুতা নামক স্থানে পৌঁছে মোর্চাবন্দী হয়। দক্ষিণ ভাগের অধিনায়ক কুতবা (রা) বিন কাতাদাহকে নিযুক্ত করা হয় এবং বাম পার্শ্বের অধিনায়ক নিযুক্ত হন আবাবা (রা) বিন মালিক আনসারী।

এ যুদ্ধ ছিল অত্যন্ত ভয়ানক। য়য়দ (রা) ইবন হারিছা শাহাদত বরণ করলে জা'ফর (রা) বিন আবী তালিব সিপাহসালার নিযুক্ত হন। তিনি শহীদ হলে গেলে 'আব্দুল্লাহ (রা) বিন রওয়াহা তার স্থান দখল করেন এবং এরপর তিনিও যখন শহীদ হয়ে গেলেন তখন সম্মিলিত সিদ্ধান্তে খালিদ (রা) বিন ওয়ালীদ কমণ্ড হাতে নিলেন।

খালিদ (রা) শত্রুর উপযুপরি পাশটা আক্রমণ চালান। কিন্তু প্রতিদ্বন্দ্বিতায় কঠোরতা আনতে পারেন না। রোমক বাহিনীর সিপাহসালার স্বীয় ফৌজকে পিছু হটিয়ে মোর্চাবন্দ হবার নির্দেশ দেয়। তাদের পিছু হটার ফলে খালিদ (রা)-এর নিজের ফৌজকে সুবিন্যস্ত করার সুযোগ মেলে। অ'ইস্বরত (সা)-এর নিকট যুদ্ধের সমগ্র তথ্যই পৌঁছে যাচ্ছিল। জীবন হানি সম্পর্কে অবগত হয়ে তিনি জিহাদের ঘোষণা দেন, সিপাহসালারদের বীরত্বের প্রশংসা করেন এবং তাঁদের জন্য মাগফিরাত কামনা করেন। খালিদ (রা) সম্পর্কে বলেন যে, সে আন্লাহ'র তলোয়ারসমষ্টির মধ্যে একটি তলোয়ার। সেদিন থেকেই খালিদ (রা) বিন ওয়ালীদ 'সায়ফুল্লাহ' বা আন্লাহ'র তলোয়ার উপাধিতে মশহূর হয়ে আছেন।

অ'ইস্বরত (সা)-এর জিহাদ ঘোষণার খবর রোমানদের সম্মিলিত বাহিনীতে যখন পৌঁছে তখন তার পয়লা প্রতিক্রিয়া বনু হাদস-এর

শাখা বন্ গানাম-এর উপর হয়। তারা তক্ষুণি যুদ্ধ থেকে আলাদা হলে যায়। তাদের আলাদা হবার ফলে অন্যান্য কবিলাও প্রভাবিত হয় এবং তারাও নিজ নিজ এলাকায় চলে যায়। ফৌজের এই সংখ্যা-স্বতার কারণে রোমকরা—যারা প্রথমেই পেছনে হটে এসেছিল, নিজেদের মোর্চায় নিশ্চুপ মেরে যায়। এরপর যুদ্ধের ময়দান পরিত্যাগ করে চলে যায়। খালিদ (রা)-ও ময়দান শূন্য দেখে স্বীয় বাহিনীসহ মদীনায় ফিরে আসেন। এ বাহিনী যখন মদীনার নিকট পৌঁছে তখন আঁ-হযরত (সা) স্বয়ং তাদের অভ্যর্থনা জানাতে গমন করেন। তিনি জা'ফর (রা) বিন আবী তালিবের স্বল্পবয়স্ক সন্তান আবদুল্লাহ্ (রা)-কে ঘোড়ার পিঠে সওয়ার করে নিজের সামনে বসান এবং অন্যান্য শহীদদের সন্তানদেরকেও তিনি ঘোড়ার পিঠে সওয়ার করান। মুসলিম ফৌজের সদস্যদের সঙ্গে মিলিত হয়ে তিনি তাঁদের বীরত্ব ও পরুষোচিত কর্মের জুয়সী প্রশংসা করেন, গ্রাহতদের সাম্বন্ধন-বাক্য শোনান এবং সমগ্র ফৌজের মনোবল চাঙ্গা করে তোলেন। আর তা তিনি গ্রমন সময় করে তোলেন যখন মদীনাবাসী মুসলিম বাহিনীর জীবন হানির কারণে লজ্জা ও অনুশোচনায় অত্যন্ত ম্লান হয়ে পড়েছিল। আঁ-হযরত (সা) এভাবে তাঁদের মনোবল বাড়িয়ে শুধু মুজাহিদ বাহিনীর অন্তর থেকে দায়িত্ব পালনের ব্যর্থতা সম্পর্কিত সন্দেহ-সংশয়কেই দূরীভূত করেন নি, বরং সমগ্র মুসলমানের মধ্যেই একটি নতুন প্রাণের স্পন্দন সৃষ্টি করেন এবং মুনাফিকদের মুখও বন্ধ করে দেন।

বাস্তব সত্য এই যে, সাবিক অবস্থার পরিমাপ করা শুধুমাত্র আঁ-হযরত (সা)-এর মত যোগ্য ও দূরদর্শী অধিনায়কেরই কাজ ছিল। জনগণের তবুকের যুদ্ধ থেকে যা মৃত্যুর যুদ্ধের পরবর্তীতে সংঘটিত হয়—এটা প্রমাণিত হয়ে যায় যে, সেখানকার লোকেরা ইসলামের মুজাহিদ-বৃন্দের বীরত্বের স্বীকৃতি দিয়েছিল। তাদের পরাজয় সেই পাকা ফলটির মত ছিল যা মুজাহিদবৃন্দের কোলে পতনোন্মুখ। অনন্তর সে সব কবিলা কোনরূপ মুকাবিলা ও সংঘর্ষ ব্যতিরেকেই তবুক যুদ্ধের পর অঙ্গত হয়ে যায়।

ইসলামের দাওয়াত

আ'-হযরত (সা) ছিলেন আব্বাহুর রসূল। তাঁর সর্বপ্রথম ও সর্বশেষ উদ্দেশ্য ছিল ইসলামের তবলীগ এবং শান্তি ও সমঝোতা স্থাপন। তিনি কাফির ও মুশরিকদের সঙ্গে লড়াই করেছেন, কিন্তু তাও শুধুমাত্র এই উদ্দেশ্যে যে, কলেমায়ে হক-এর সম্মতির রাস্তার সকল প্রতিবন্ধকতা দূর হয়ে যাক এবং পথভ্রষ্ট মানবতাকে শ্রান্তি ও ধ্বংসের রাস্তা থেকে সরিয়ে এনে ইসলামের সিরাতে মুস্তাকীম-এর উপর দাঁড় করিয়ে দেওয়া হোক। অনন্তর যুদ্ধ-বিগ্রহের পূর্বে যখনই তিনি সময় পেয়েছেন লোকদেরকে ইসলামের পয়গাম পৌঁছিয়েছেন। অতঃপর তিনি বিভিন্ন সময়ে নিজের সাহাবা (রা)-দেরকে ইসলামের প্রচারব্যপদেশে বিভিন্ন স্থানে পাঠিয়েছেন। ইবন ইসহাক তাবারীর উদ্ধৃতি দিয়ে নিম্নোক্ত সাহাবা (রা)-দের রওয়ানা হবার বর্ণনা দিয়েছেন :

১. বনী 'আমর বিন জুওয়াই-এর সলীত বিন 'আমর 'আবদ শাম্স বিন 'আবদুদকে স্যামামার রঈস হাওয়াই বিন 'আলীর নিকট পাঠান হয়।

২. বাহরায়েনের র'ঈস মুনযির বিন সাওয়া-র নিকট 'আলা (রা) ইবন আল-হাদরামীকে পাঠান।

৩. 'আমর (রা) ইবন আল-'আসকে 'আশমানের র'ঈসরুন্দ বনী আস্ফ-এর হায়কা'আ বিন হালবাদ ও 'আব্বাদ বিন হালবাদ-এর নিকট পাঠান।

৪. হাতিব (রা) বিন আবী বালতা'আকে আলেকজান্দ্রিয়ার বাদশাহ্ মুকাওকিসের নিকট চিঠি সুবারক দিয়ে পাঠিয়ে দেন। মুকাওকিস আ'-হযরত (সা)-এর খেদমতে চারটি বাদী নযরানাশ্বরূপ পাঠিয়ে দেন।

৫. দাহিয়্যা (রা) বিন খলীফা আল-কালবী আল-খায়রাজীকে একটি চিঠি দিয়ে রোমের কায়সার হেরাক্লিয়াসের নিকট পাঠান। সে সময়ে আবু সুফিয়ানও হেরাক্লিয়াস-এর সঙ্গে মিলিত হবার জন্য গিয়েছিল। হেরাক্লিয়াস আবু সুফিয়ানকে আ'-হযরত (সা)-এর বংশ-

পরিচয়ও আচার-অভ্যাস সম্পর্কে জিজ্ঞাসাবাদ করেন। আবু সুফিয়ান তার ঠিকঠাক উত্তর দেয় এবং অ'ী-হযরত (সা)-এর প্রশংসাও করেন। এতে হেরাক্লিয়াস আবু সুফিয়ানকে পরামর্শ দান করেন যেন তারা অ'ী-হযরত (সা)-এর নুবুওতকে মিথ্যা প্রতিপন্ন না করে। তিনি বলেন : আমার অবস্থা যদি আমাকে অনুমতি দিত তবে আমি তাঁর খেদমত করতাম। কিন্তু আমার ভয় হয় যে, তিনি আমার সাম্রাজ্যের উপর প্রভুত্ব বিস্তার করবেন। অ'ী-হযরত (সা)-এর চিঠির ভাষা নিম্নরূপ ছিল :

“বিসমিল্লাহির রাহ'মানির রা'হীম : এই চিঠি আব্দুল্লাহ'র রসূল মুহাম্মাদের পক্ষ থেকে রোমের কায়সার হেরাক্লিয়াসের প্রতি পাঠানো হচ্ছে ; যারা হেদায়েত ইখতিয়ার করেছে, তারা শান্তিপ্রাপ্ত হয়েছে। অতঃপর ইসলাম গ্রহণ করে, শান্তি পাবে। ঈমান আনয়ন কর আব্দুল্লাহ' তোমাকে ব্রিগুন পুরস্কারে ভূষিত করবেন। আর যদি আমার এই দাওয়াত থেকে মুখ ফিরিয়ে নাও তাহলে তোমার অস্ত্র প্রজাবৃন্দের পথদ্রষ্টতার গোনাহ'ও তোমারই উপর আপতিত হবে।”

বর্ণিত আছে যে, অ'ী-হযরত (সা)-এর চিঠি পাবার পর হেরাক্লিয়াস দাহিয়্যা (রা)-কে এও বলেছিলেন : আমি জানি, তোমাদের নবী সত্য নবী। ইনিই সেই নবী আমরা যাঁর অপেক্ষায় ছিলাম এবং যাঁর বর্ণনা আমাদের কিতাবেও বিদ্যমান। রোমানরা আমাকে জানে মেরে ফেলবে বলেই আমার যা ভয়। জীবনের ভয় যদি আমার না থাকতো তবে অবশ্যই আমি তাঁর অনুসরণ করতাম। এখন এটাই সমীচীন যে, তুমি দাগাতির আসকাফের নিকট যাও এবং তাঁর নিকট তোমাদের নবী সম্পর্কে সব কিছু খুলে বলো। দাহিয়্যা কালবী (রা) দাগাতিরের নিকট গেলেন এবং সকল কিছু বললেন। গির্জায় সমবেত রোমানদের নিকট অ'ী-হযরত (সা)-এর প্রেরিত চিঠির বর্ণনা দেন। তিনি অ'ী-হযরত (সা)-এর রসূল হওয়া সম্পর্কে উক্তি করার সাথে সাথে তারা তাঁর উপর চড়াও হয়ে তাঁকে সেখানেই শহীদ করে দেয়।

এই ঘটনার পর দাহিয়্যা (রা) হেরাক্লিয়াসের নিকট আগমন করলে তিনি বললেন : আমি যা ভয় করেছিলাম অবশেষে তাই ঘটলো।

রোমানদের মনে দাগাতিরের প্রতি ভক্তি শ্রদ্ধা ছিল অত্যধিক। তারা যখন তাঁর মুখে রসূল (সা) প্রশংসা শুনতেই তাঁকে হত্যা করেছে, তা'হলে আমার পরিণতিও তদ্রূপই হবে। অতএব আমি মজবুর ও লাচার। দাহিয়্যা রোম থেকে ফিরে আসেন।

৬. বনী আসাদ বিন খয়্যামার শুজা' (রা) বিন ওয়াহবকে মুনযির বিন আল-হারিছ বিন আবী শামর আল-ফাসানী নামক দামিশকের শাসনকর্তার নিকট স্বীয় চিঠিসহ পাঠান। মুনযির এই চিঠি পড়ামাত্র অগ্নিশর্মা হয়ে ওঠে এবং ইসলামের দাওয়াত প্রত্যাখ্যান করে।

৭. জা'ফর (রা) বিন আবী তালিব-এর নেতৃত্বে 'আমর (রা) বিন উমায়্যা আল-দামরীকে অন্যান্য সাহাবা (রা)-এর সঙ্গে স্বীয় পত্র-সহ হাবশের বাদশাহ্ নাজ্জাশী আল-আসহামের নিকট পাঠান।* চিঠির ভাষ্য ছিল নিম্নরূপ :

বিস্মিল্লাহির রাহ'মানির রাহী'ম : এই পত্র আল্লাহর রসূল মুহাম্মাদ (সা)-এর পক্ষ থেকে হাবশার বাদশাহ্ নাজ্জাশী আল-আসহাম-এর নামে প্রেরিত হ'চ্ছে। নিরাপদে থাকো, আমি তোমাদের সামনে আল্লাহ পাকের যিনি তামাম সৃষ্টি জগতের শাসক, যিনি পাক ও পবিত্র, নিজে নিরাপদ এবং অপরকেও নিরাপত্তা প্রদানকারী শক্তিমান প্রভু, তাঁরই তা'রিফ করছি আর সাক্ষ্য দিচ্ছি যে, 'ঈসা ইবন মার্নাম আল্লাহর রূহ' এবং তাঁর কলেমা ছিলেন যিনি তাঁকে সত্যীসাধ্বী মার্নামের পেটে সৃষ্টি করেন এবং 'ঈসা মার্নামের পেটে গভাকারে প্রকাশিত হন। আল্লাহ পাক তাঁকে স্বীয় রূহ' ও ফুৎকার দ্বারা সেভাবে সৃষ্টি করেন যেভাবে তিনি আদম (আ)-কে আপন কুদরতী হস্ত দ্বারা পন্নদা করেন এবং তাঁর ভেতর প্রাণের সঞ্চার করেন। আমি তোমাকে সেই আল্লাহর দিকে যিনি এক,

* পত্র প্রেরণের এই ঘটনা মুতা মুম্বের পূর্বকার। হযরত জা'ফর (রা) পূর্ব থেকেই হাবশে (আবিসিনিয়ায়) অবস্থান করছিলেন। সম্ভবত পত্রবাহক হযরত 'আমর (রা) রাজদরবারে উপস্থিত হবার পূর্বে হযরত জা'ফর (রা)-কে সঙ্গে নিয়েছিলেন। হযরত জা'ফর খান্নবার অভিযানের সময় মদীনা প্রত্যা-বর্তন করেন এবং মুতার মুম্ব শহীদ হন।—অনুবাদক।

যাঁর কোন শরীক নেই, দাওয়াত দিচ্ছি। তাঁর উপর ঈমান আনয়ন কর। তাঁর আনুগত্যে আমার সঙ্গী হও, আমার অনুসরণ কর এবং আমার রিসালতকে মেনে নাও। কেননা আমি আল্লাহ্‌র রসূল। আমার চাচাতো ভাই জা'ফর (রা)-কে অপরাপর মুসলমানের সঙ্গে পাঠালাম। যখন এরা তোমার নিকট পৌঁছবে তাদেরকে বিনয়ের সঙ্গে গ্রহণ করবে এবং রাজত্বের অহমিকা ত্যাগ করবে। আমি তোমাকে এবং তোমার প্রজাবৃন্দকে আল্লাহ্‌র দিকে আহ্বান জানাচ্ছি। আমি আল্লাহ্‌র পয়গাম তোমাকে আন্তরিকতার সাথে পৌঁছিয়েছি। আমার এই উপদেশকে কবুল কর। তার উপর শান্তি হোক যে হেদায়েতের আনুগত্যে অটল রয়েছে।”

নাঈজাশী লিপি মোবারক পেয়ে এর জবাবে অ'ই-হযরত (সা)-কে লিখেন : বিসমিল্লাহির রাহ'মানির রা'হীম, এই চিঠি নাঈজাশী আল-আসহামের পক্ষ থেকে আল্লাহ্‌র রসূল মুহাম্মাদ (সা)-এর নামে প্রেরিত হচ্ছে। হে আল্লাহ্‌র নবী! আপনার উপর শান্তি বর্ষিত হোক এবং সেই আল্লাহ্‌র যিনি বিনা অংশীদারিত্বে এক এবং যিনি আমাকে ইসলামের হেদায়েত দান করেছেন। রহমত বর্ষিত হোক, বরকত আপনার উপর নাযিল হোক। হে আল্লাহ্‌র প্রেরিত পুরুষ! আপনার প্রেরিত চিঠি আমি পেয়েছি। আপনি 'ঈসা (আ)-এর কথা যা উল্লেখ করেছেন, স্বয়ং তিনিও এর বেশী এক বিন্দুও বাড়িয়ে বলেন নি এবং কিছু করেনও নি। আমি আপনার রিসালতের স্বীকৃতি দানকারী। আমি আপনার চাচাতো ভাই এবং তার সঙ্গী-সাথীদের আমার মেহমানরূপে গ্রহণ করেছি এবং সাক্ষ্য দিচ্ছি যে, আপনি আল্লাহ্‌র রসূল এবং অন্যান্য রসূলগণেরও সত্যতা সমর্থনকারী। আমি আপনার চাচাতো ভাইয়ের হাতে বায়'আত গ্রহণ করেছি। আমি আমার পুত্র আরহা বিন আল-আসহাম বিন আবজাফকে আপনার খেদমতে পাঠাচ্ছি। কেননা আমি শুধু আমার নফসের মালিক। আর আপনারও যদি এটাই অভিপ্রায় হয় যে, খোদ আমিও আপনার খেদমতে হাধির হই, তাহ'লে আমি তার জন্যও তৈরী আছি। আপনার নির্দেশ সবই সত্য। ওয়াসসালামু 'আলায়কা ইয়া রাসূলাল্লাহ্‌।”

৮. 'বিসমিল্লাহির রাহ্‌মানির রাহীম : এই চিঠি আন্লাহ্‌র রসূল মুহাম্মাদ (সা)-এর পক্ষ থেকে পারস্যের সম্রাট কিসরা সমীপে প্রেরিত হচ্ছে। যে সত্যধর্মের আনুগত্য অবলম্বন করেছে তার উপর শান্তি বর্ষিত হোক, আর তার উপর, যে আন্লাহ্‌ ও তদীয় রসূল (সা)-এর ঈমান এনেছে এবং এ কথার সাক্ষ্য দিচ্ছে যে, আন্লাহ্‌ তিন্ম আর কোন ইলাহ্‌ নেই এবং মুহাম্মাদ (সা) তাঁর রসূল যাকে সমস্ত জগতের জন্য পাঠানো হয়েছে যেন তিনি তাদেরকে আখেরাত সম্পর্কে ঠুল দেখাতে পারেন যারা জীবিত। ইসলাম কবুল কর, নিরাপদ হবে, আর যদি এর থেকে মুখ ফিরিয়ে নাও তাহ'লে সমস্ত অগ্নি উপাসকদের গোনাহ্‌ ও তোমারই উপর বর্তাবে।'

কিসরা অ'ী-হযরত (সা)-এর এই চিঠি দেখামাত্র ছিঁড়ে টুকরো টুকরো করে ফেলে। সে মুসলমান তো হয়ই নি বরং হুকুম দেয় যে, অ'ী-হযরত (সা)-কে তার সামনে হাযির করা হোক। এই হুকুমের পর বেশী দিন জীবিত থাকার সৌভাগ্য তার হয়নি, বরং সে নিহত হয়।

কি শিক্ষা পেলাম

হদায়বিয়ার সন্ধির পর অ'ী-হযরত (সা) কুরায়শদের নিরস্ত্র করে দিয়েছিলেন। অতএব প্রয়োজন ছিল প্রতিরক্ষা কৌশল মূর্তাবিক সে সব বিষয়ে চিন্তা-ভাবনা করে দেখা যার বদৌলতে মদীনায় স্থায়ী শান্তি কায়েম হ'ত। অনন্তর অ'ী-হযরত (সা) সে সব য়াহূদীকে মদীনায় আশে পাশে থেকে বের করে দেওয়া জরুরী মনে করেন যারা অকাটা-রূপে বিশ্বাসের অনুপযুক্ত প্রমাণিত হয়েছে। কিন্তু এ ব্যাপারে তাঁর অনুভূতি খুবই সচেতন ছিল যে, গাতফান য়াহূদীদের মদদ জোগাতে অবশ্য এগিয়ে আসবে। এজন্য তিনি এদের দু'জনকেই পরস্পরের থেকে বিচ্ছিন্ন করেন। এরপর পাজা মে উভয়কেই পরাভূত করেন। আর এভাবেই তাঁর ফৌজ বিরাট জীবন হানির হাত থেকে রক্ষা পেল এবং অভিযানও অল্পদিনে শেষ হয়ে গেল। তিনি দুই মিলকেই এভাবে

আলাদা করেন যেভাবে দরজাকে চৌকাঠ থেকে খুলে ফেলা হয় এবং অংকুশগুলো ভেঙে বের করে ছুঁড়ে ফেলা হয়। এ ব্যবস্থার জন্য তিনি ফৌজী গতিবিধি প্রচ্ছন্ন এভাবে রাখেন যে, উভয়েই নিজের স্থানে বসেই এই চিন্তা করতে থাকে যে, মুসলিম ফৌজের গতি এবার তাদেরই দিকে। অতীত হামলার এটা সর্বোত্তম নমুনা। অতঃপর তিনি দৃশমনের উপর সেই দিক দিয়ে হামলা করেন যে দিক দিয়ে আক্রান্ত হবার আদৌ আশংকা তারা করেনি। এ কারণে যাহুদীদের বহুদিনের সাজান-গোছানো সামরিক প্রস্তুতি একটি মাত্র চালের কারণে একেবারেই মাটি হয়ে গেল।

এ ধরনের হামলার উদাহরণ আমরা দ্বিতীয় মহাযুদ্ধে পাই। ১৯৪০ ঈসাব্দীতে জার্মান ফৌজ মার্শাল রড স্টেড-এর অধিনায়কত্বে ম্যাঞ্জিনো লাইনের বাম পার্শ্বে হামলা করে। মিত্র বাহিনী এই ধারণায় ছিল যে, জার্মান ১৯২৪ ঈসাব্দী সনের আক্রমণের পুনরাবৃত্তি করছে মাত্র। এজন্য তারা সাহায্যকারী বাহিনীর সহায়তা প্রদানের জন্য একটি বিরাট বাহিনী বেলজিয়াম পাঠায়। কিন্তু জার্মানীর ট্যাংক ফৌজ মিত্র বাহিনীকে এভাবে দু' অংশে বিভক্ত করে দেয় যে, উভয় অংশই বেকার হস্ত পড়ে। এভাবে বিভক্ত করে দেবার পর জার্মানরা প্রথমে একটি অংশকে ডেনমার্কের রাস্তায় মেরে তোড়ায়। অপর অংশকে ম্যাঞ্জিনো লাইনের পশ্চাদিক থেকে আক্রমণ করে পরাজিত করে। ম্যাঞ্জিনো লাইন সামনের দিক থেকে হামলাকারীর জন্য অত্যন্ত মন্থবৃত্ত ও বিপদজনক প্রতিবন্ধক ছিল। তার মন্থবৃত্তী ও দৃঃতার ব্যাপারে কোনরূপ সন্দেহ ছিল না, কিন্তু পশ্চাদিকের অংশের প্রতিরক্ষার কোন কার্যকর ইত্তেজাম ছিল না। এই হামলা এমনই ছিল যে, প্রথমে তার দরওয়াজা খোলে। অতঃপর অংকুশের উপর থেকে উপড়িয়ে ছুঁড়ে ফেলে দেয়।

এখানে এ কথাটাই প্রণিধানযোগ্য যে, তিনি খায়বারের বিদ্রোহী যাহুদীদেরকে বনী হারিছার যাহুদীদের সাহায্যে বহিষ্কার করেন এবং এই সাহায্যের পুরস্কারস্বরূপ বনী হারিছাকে খায়বারের বাগান ও আবাদযোগ্য জমি কর্ষণের ও চাষের জন্য দেন—এই শর্তে যে, যখন মুসলমানদের বাগান ও জমিজমার দরকার হবে—তাদের থেকে ফেরত নেওয়া হবে।

যা-ই হোক, স্নাহুদীদেরকে দু'ভাগে বিভক্ত করে তিনি তাদেরকে অত্যন্ত কমষোর ও দুর্বল করে দেন।

এখন সেই বর্ণনার দিকে মনোযোগ আকর্ষণ করা যাচ্ছে যেখানে বলা হয়েছিল যে, আঁ-হযরত (সা) স্বীয় প্রতিরক্ষা পরিকল্পনাকে এভাবে বিন্যস্ত করেন যে, সেখানে মদীনাকে কেন্দ্র এবং মক্কাকে রুস্তের অর্ধেক ব্যাস বানিয়ে তার ভেতরকার সমস্ত বিরোধী শক্তিকে একের পর এক পর্ষুদস্ত করেন। তলোয়ার যদি একদিকে থেকে থাকে তাহলে অপর দিকে ছিল তার ঢাল। হিজরতের দ্বিতীয় বছর থেকে বরাবর এই পরিকল্পনার উপর আমল চলতে থাকে। খান্নবার মুদ্ব্বে তাঁর তলোয়ার গাতফান এবং খান্নবারের স্নাহুদী কবিলাগুলোর দিকে ধরা ছিল আর ঢাল ছিল অন্য দিকে। বিস্তারিত বর্ণনা আগামী কোন অধ্যায়ে পেশ করা যাবে।

মক্কা বিজয়

আরবের দু'টো কবিলা বনু বকর ও বনী খুযা'আর ভেতর প্রাচীন কাল থেকেই শত্রুতা চলে আসছিল। তাদের মধ্য থেকে যখনই কোন একজনের অন্যের উপর চড়াও হবার মওকা মিলতো, তখন হত্যা ও ধ্বংসযজ্ঞ থেকে কেউ বিরত হ'ত না। যে সময় ইসলামের প্রদীপ্ত সূর্য আরব ভাগ্যাকাশে উদিত হ'ল সে সময় প্রায় সব কবিলাই একে অপরের বিরুদ্ধে জোর তৎপর ছিল। কিন্তু ইসলামের বিরুদ্ধে সাধারণ শত্রুতা সাময়িকভাবে হলেও তাদের ভেতর একটা ঐক্য সৃষ্টি করে দেয় এবং তারা সবাই মিলে কমন ফ্রন্ট গঠনের কৌশল করে। কিন্তু এই প্রয়াস বেশী দিন সফলতার মুখ রক্ষা করতে পারে নি। হৃদায়বিয়ার সন্ধির সময় বনু বকর কুরায়শদের সঙ্গে মিত্রতা চুক্তিতে আবদ্ধ হলে তাদের প্রতিদ্বন্দ্বী বনু খুযা'আ মুসলমানদের সঙ্গে বিশ্বস্ততার অঙ্গীকারে আবদ্ধ হয় এবং এভাবেই প্রতিদ্বন্দ্বী কবিলা প্রতিদ্বন্দ্বী দলের মিত্রে পরিণত হয়। এই অঙ্গীকার ও চুক্তিবদ্ধ হবার কারণে শত্রুতার পুরনো জিদ ও আবেগ-উত্তেজনা পুনরায় জীবন্ত

হয়ে ওঠে এবং বনী বকর তাদের স্বগোত্র আসওয়াদ বিন রিমনের পুত্রদের হত্যার প্রতিশোধ নেবার—যে বনু খুযা'আর হাতে নিহত হয়েছিল, উওম সুযোগ মনে করে। এতদুদ্দেশ্যে তারা তাদের দোস্ত কবিলা বনী আল-ওয়াল্লের সঙ্গে যড়যন্ত্রে লিপ্ত হয়।

বনী আল-ওয়াল্লের সরদার নুফেল বিন মু'আবিয়া আল-ওয়াল্লী বনী খুযা'আর উপর এমনি সময়ে রাত্রিকালীন হামলা পরিচালনা করে যখন তারা নিজেদের একটি রাস্তার উপর অবস্থান করছিল। বনী খুযা'আ এখান থেকে পালিয়ে গিয়ে অন্যত্র আশ্রয় নেয়। তখন সেখানে বনী বকর খোলাখুলি বনী আল-ওয়াল্লের সাহায্যার্থে পুনরায় যুদ্ধ আরম্ভ করে। যুদ্ধ দীর্ঘায়িত হতে থাকলে কুরায়শরাও প্রচ্ছন্নভাবে বনী আল-ওয়াল্ল ও বনী বকরের সাহায্য পৌঁছে যায় এবং হাতিয়ার ও সেপাই-সৈন্য দিয়ে সাহায্য করতে থাকে। বনী খুযা'আ যেহেতু মক্কার নিকটবর্তী ছিল, অতএব তারা পালিয়ে হারাম শরীফে আশ্রয় নেয় এবং বনী কা'বকে সাহায্যের জন্য দরখাস্ত করে। বনী কা'বের 'আমর বিন সালেম আল-খুযা'ঈ ফরিয়াদ নিয়ে আ'-হযরত (সা)-এর দরবারে মদীনায় আগমন করে এবং বনী বকর ও কুরায়শদের প্রতিজ্ঞা ভঙ্গের অভিযোগ করে। আ'-হযরত (সা) 'আমর বিন সালেমকে সাহায্যের প্রতিশ্রুতি দেন। এরপর বুদায়ল বিন ওয়ারাকা ও খুযা'আ গোত্রের কতিপয় প্রতিনিধিও খেদমত মুবারকে হাযির হয় এবং হামলা ও রাত্রিকালীন অতর্কিত আক্রমণের সমস্ত ঘটনা শোনায়। আ'-হযরত (সা) তাদেরকে সান্ত্বনা দেন এবং সাহাবা (রা)-দেরকে বলেন যে, আবু সুফিয়ান তার পক্ষ থেকে সাফাই গাইবার জন্য এবং সন্ধি চুক্তি অধিকতর দৃঢ় করণের জন্য আগমন করছে। প্রকৃত ঘটনা এই যে, আবু সুফিয়ান এতদুদ্দেশ্যে মক্কা থেকে বহির্গত হয়ে গিয়েছিল।

অনন্তর বুদায়ল বিন ওয়ারাকা এবং সঙ্গী-সার্থীরা যখন মদীনা থেকে প্রত্যাবর্তনকালে 'আসফান নামক স্থানে পৌঁছে তখন সেখানে তাদের আবু সুফিয়ানের সঙ্গে মোলাকাত হয়। সে কুরায়শদের তরফ থেকে সন্ধি চুক্তি সুদৃঢ় ও সমন্বয়সীমা বখিত করণের ব্যাপারে আ'-হযরত (সা)-এর সঙ্গে আলাপ-আলোচনা করার জন্য মদীনা যাচ্ছিল। যদিও আবু সুফিয়ানের দৃঢ় বিশ্বাস ছিল যে, এ সব লোক আ'-হযরত

(সাঁ)-এর সঙ্গে মিলিত হয়ে আসছে—তবুও সে জিত্তেস করলো যে, তারা কোথা থেকে আসছে এবং কোথায় যাচ্ছে। বৃদায়ল জবাব দেয় যে, তাদের স্বগোল্লীয় কিছু লোকের সঙ্গে তারা দেখা কর্ত্তে গিয়েছিল। সমুপ্রাপকুলের ধারে উপত্যকায় তারা বসবাস করে। এরপর সে প্রশ্ন করে : মুহাম্মাদ (সাঁ)-এর সঙ্গে দেখা কর্ত্তে তো ষাওনি ? বৃদায়ল এর না সূচক জবাব দেয়।

আবু সূফিয়ান মনের দিক দিয়ে যেহেতু অপরাধী ছিল, সেজন্য সে উটনী পৃষ্ঠে সওফার হয়ে সেই জায়গায় গেল যেখানে বৃদায়ল রাণের বেলায় অবস্থান করেছিল। সেখানে উটের মল ভেঙে দেখল তার ভেতর খেড়ুরের আটি। ফলে তার আরও সূনৃত্ত প্রতীতি জন্মায় যে, সে মদীনায়ই গিয়েছিল এবং আঁ-হযরত (সাঁ)-কে সকল অবস্থা সম্পর্কে অবহিত করে এসেছে।

আবু সূফিয়ান যখন মদীনায় পৌঁছল তখন নিজ কন্যা আঁ-হযরত (সাঁ)-এর স্ত্রী উশ্মে হাবীবা (রা)-এর ঘরে যায়। কিন্তু মেয়ে যখন মুশরিক পিতার প্রতি এতটুকু শ্রদ্ধাপও করলো না, তখন সে উঠে আঁ-হযরত (সাঁ)-এর খেদমতে গিয়ে হাযির হয় এবং তার আগমনের উদ্দেশ্য ব্যক্ত করে। আঁ-হযরত (সাঁ)-ও যখন তার কথার কোন জবাব দিলেন না, তখন সে উঠে গিয়ে প্রথমে হযরত আবু বকর সিদ্দীক (রা)-এর নিকট আসে এবং তাঁর নিকট সাহায্যের প্রার্থনা করে। এরপর হযরত ওমর ফারুক (রা)-এর নিকট পৌঁছে। কিন্তু তাঁরা উভয়েই নিজেদের অপারগতার কথা প্রকাশ করেন। সেখান থেকে নিরাশ হয় হযরত 'আলী (রা)-এর কাছে যায় এবং আশ্বীয়তা ও বিগত দিনের সম্পর্কের দোহাই পেড়ে সাহায্যের আবেদন জানায়। কিন্তু হযরত 'আলী (রা)-ও কোন সহযোগিতা প্রদান করতে অক্ষমতা প্রকাশ করেন। নিরুপায় হয়ে আবু সূফিয়ান হযরত ফাতিমা সোহরা (রা)-এর নিকট যায় এবং তাঁর সন্তানের দোহাই দিয়ে নিজের জন্য নিরাপত্তা ভিক্ষা করে। কিন্তু ওখান থেকেও যখন অস্বীকৃতি চাড়া আর কিছুই মিলল না তখন সে ঘাবড়ে গিয়ে পুনরায় হযরত 'আলী (রা)-এর নিকট নিরাপত্তা প্রার্থী হ'ল। হযরত 'আলী (রা) বললেন : তুমি বনী কিনানার রঙ্গস। তোমার জন্য তো এটাই

সমীচীন যে, তুমি মসজিদে গিয়ে প্রকাশ্য সভায় মদীনাবাসীদের নিকট নিরাপত্তা প্রার্থনা কর এবং তার পর-পরই ঘরের ছেলে ঘরে ফিরে যাও। আবু সুফিয়ান পরামর্শ মাফিক তাই করলো এবং উটের পিঠে সওয়ার হয়ে তক্ষুনি মস্কার পথ ধরলো।

সে যখন কুরায়শদের নিকট পৌঁছল এবং দৌচাগিরির সম্পর্কিত সব কিছু বিবৃত করল, তখন সবাই বললো : 'আলী (রা) তোমার সঙ্গে মস্কার করেছে এবং তোমাকে সকলেই প্রত্যাখ্যান করেছে।

আবু সুফিয়ানের প্রত্যাবর্তনের পর অ'ই-হযরত (সা) সফরের জন্য প্রস্তুতি গ্রহণের নির্দেশ দিলেন এবং মুসলমানদের বললেন : আমরা মস্কা যাচ্ছি। কিন্তু সঙ্গে সঙ্গে এও তাকীদ করলেন যে, ইসলামী ফৌজের গতিবিধি ও চলাফেরা সম্পর্কে দূশমন যেন আদৌ কিছু জানতে না পারে এবং গুপ্তচর সম্পর্কে যেন পুরোপুরি সজাগ ও সতর্ক থাকা হয়।

হাতিব বিন আবী বালতা'আর আখ্বায়-স্বজন মস্কার ছিল। হাতিব তাদের নিরাপত্তা সম্পর্কে চিন্তা করে কুরায়শদেরকে অ'ই-হযরত (সা)-এর অভিপ্রায় সম্পর্কে অবহিত করবার জন্য একটি চিঠি লিখেন এবং মারিনা কবিলার একজন মহিলার হাতে দিয়ে পাঠিয়ে দেন। মহিলাটি চুলের উপর দিয়ে খোপা বেঁধে তার ভেতর চিঠি লুকিয়ে নেন যেন সহজে তা কারও চোখে না পড়ে।

অ'ই-হযরত (সা) হযরত 'আলী (রা) ও যুবায়র ইবন আল-আওয়ামকে ডেকে বলেন : হাতিব আমাদের প্রস্তুতির খবর মস্কাবাসীদের জানানোর জন্য একটি চিঠিসহ এক মহিলাকে পাঠিয়েছে। তোমরা তাকে পাকড়াও করে তার থেকে উক্ত চিঠি এক্ষুনি নিয়ে এস। মহিলাটি হালিফা-ই-ইবন আবী আহমাদ নামক স্থানে তাদের হাতে ধরা পড়ে। কিন্তু চিঠি অনাবিষ্টকৃত থেকে যায়। হযরত 'আলী (রা) তাকে কড়া ভীতি প্রদর্শন করলে সে তক্ষুনি মাথার উপরিভাগের খোপাকৃত চুলের ভেতর থেকে উল্লিখিত চিঠি বের করে দেয়। এভাবেই ইসলামী ফৌজের গতিবিধি সম্পর্কে কোন খবর আর মস্কার পৌঁছতে পারে নি।

মদীনা থেকে রওয়ানা হয়ে অ'ই-হযরত (সা) কাদীদ নামক স্থানে যাত্রা-বিরতি করেন। 'আসফান ও আম্জ-এর মধ্যবর্তী এলাকায় কাদীদ অবস্থিত। এখান থেকে অগ্রসর হয়ে তিনি মার আল-জাহরান পৌঁছেন। সঙ্গে দশ সহস্র সৈন্যের এক বিরাট বাহিনী। মার আল-জাহরানে বনী সূলায়ম এবং বনী মারিনা গোত্রের একটা উল্লেখ-যোগ্য অংশ ছিল মুসলমান; তারাও অ'ই-হযরত (সা)-এর সঙ্গী হয়।

যদিও তিনি সৈন্য-সামন্ত ও লোক-লশকরসহ মার আল-জাহরানে অবস্থান করছিলেন, তথাপিও মক্কার কুরায়শ ও অন্য কবীলাগুলো এ ব্যাপারে আদৌ জানতে পারেনি—অ'ই-হযরত (সা)-এর অভিপ্রায় কোন দিকে। কেউ আবার গুজব ছড়ায় যে, তিনি হাওয়া-যিনের দিকে যাচ্ছেন। কেউ বলে যে, বনী ছাকীফকে শায়েস্তা করবার জন্য যাচ্ছেন। 'আব্বাস বিন 'আবদুল মুত্তালিব অ'ই-হযরত (সা)-এর মদীনা থেকে রওয়ানা হবার খবর পেয়ে এই নিয়তে মক্কা থেকে বহির্গত হন যে, অ'ই-হযরত (সা)-এর গতিবিধি সম্পর্কে তিনি তথ্য সংগ্রহ করবেন এবং মথাসন্তব কুরায়শদের উপর হামলা করা থেকে বিরত রাখতে কৌশল করবেন যেন তারা একেবারে ধ্বংস ও বরবাদ না হয়ে যায়। তিনি মক্কা থেকে আরাক পৌঁছেন। রাতের বেলায় তিনি অ'ই-হযরত (সা)-এর গতিবিধি সম্পর্কে তথ্যানুসন্ধান ব্যাপ্ত ছিলেন, এমনি সময় তাঁর কানে আবু সুফিয়ান বিন হারব, হাকীম বিন হিযাম এবং বদায়ল বিন ওয়্যারাকা আল-খুযা'ঈর আওয়াজ আসে। তারাও অ'ই-হযরত (সা)-এর গতিবিধি সম্পর্কে জানার জন্য মক্কা থেকে বের হন্থেছিল। তারা সবাই যখন মিলিত হয়ে অগ্রসর হ'ল তখন তারা বহু দূর থেকে কিছু চুলো জ্বলতে দেখতে পায়। এ দৃশ্যে বদায়ল আবু সুফিয়ানকে বলল : এসব চুলো তো বনী খুযা'আর মনে হ'চ্ছে। কিন্তু আবু সুফিয়ান বললো : কখ্বনো নয়, এটা ডুল। 'আব্বাস বললেন : আমার ধারণায় ওগুলো মুহাম্মাদ (সা)-এর সৈন্যবাহিনীর। আবু সুফিয়ান এত বড় বিরাট বাহিনীর আন্দায করে ঘাবড়ে যায় এবং 'আব্বাসের সাহায্যপ্রার্থী হয়। 'আব্বাস তাকে নিজের খচ্চরের পিঠে চড়িয়ে অ'ই-হযরত (সা)-এর ক্যাম্পের দিকে নিয়ে চললেন যেন তিনি আবু সুফিয়ানকে নিরাপত্তা ও অভয়দান করতে

পারেন। সমন্বয়টা ছিল রাত্রিকাল। মুজাহিদরা কিন্তু আঁ-হযরত (সা)-এর চাচা 'আব্বাস-এর সাদা খচ্চর দেখে চিনে ফেলে এবং সামনে এগুতে অনুমতি প্রদান করে। আঁ-হযরত (সা)-এর খেদমতে পৌঁছে 'আব্বাস আবু সুফিয়ানের জন্য নিরাপত্তা প্রার্থনা করেন। তিনি অভয়-বাণী মঞ্জুর করেন এবং পরের দিন আবু সুফিয়ানকে নিজের সঙ্গে আনবার জন্য বলে দেন। পরদিন 'আব্বাস আবু সুফিয়ানকে নিয়ে পুনরায় তাঁর খেদমতে হাযির হন। আবু সুফিয়ান আঁ-হযরত (সা)-এর সামনে এসে কালেমায়ে শাহাদত পড়েন এবং মুসলমান হন। এরপর আঁ-হযরত (সা) 'আব্বাসকে বলেন যে, আবু সুফিয়ানকে এই উপত্যকার নিকটবর্তী পাহাড়ে চুড়ার উপর খাড়া করে দেন যেন সে ইসলামী ফৌজকে ভালভাবে দেখতে পারে। মুসলিম ফৌজ মার্চ শুরু করে। বিভিন্ন কবিলার বাহিনী সশমুখ দিয়ে অতিক্রম করার সমন্বয় আবু সুফিয়ান 'আব্বাস (রা) কে জিজ্ঞেস করতেন : এরা কারা। 'আব্বাস (রা) বলতেন : এরা অমুক তমুক। প্রথমে বনী সুলায়ম-এর লশকর ছিল। এরপর বনু আসলামের, তারপর জুহায়নার ; এরপর আঁ-হযরত (সা)-এর মুজাহিদবৃন্দের (মুহাজির ও আনসার) বিরাট আজীমুস্থান ফৌজ দেখে আবু সুফিয়ান আঁ-হযরত (সা)-এর অনুমতিক্রমে দৌড়ে মক্কায় যান এবং চিৎকার করে নিজের লোকদের বলতে থাকেন : মুহাম্মাদ (সা) বিরাট লোক-লশকর নিয়ে আসছেন। যারা মসজিদুল হারাম, আমার বাড়ী এবং নিজ নিজ বাড়ীতে দরজা বন্ধ করে বসে থাকবে এবং যুদ্ধ করা থেকে বিরত থাকবে, তারাই হবে নিরাপদ ও অভয়প্রাপ্ত। মক্কাবাসী আবু সুফিয়ানের পরামর্শ অনুযায়ী কাজ করে।

আঁ-হযরত (সা) মক্কায় প্রবেশের জন্য ফৌজকে বিভিন্ন অধিনায়কের অধীনে বিভক্ত করে প্রত্যেককেই তাদের নির্দিষ্ট দিক থেকে মক্কা প্রবেশের হেদায়েত করেন। যুবায়র (রা)-কে মুহাজির ও আনসার অস্বারোহী বাহিনীর অধিনায়ক নিযুক্ত করে মহানবী (সা) একটি পতাকা প্রদান করেন এবং হুকুম দেন যে, তিনি যেন এটাকে মক্কার উচ্চ অংশ জহুন-এ স্থাপন করেন এবং পরবর্তী নির্দেশ না দেওয়া পর্যন্ত নিজের জায়গায় অবস্থান করবেন।

খালিদ (রাঃ)-কে কুদা'আ এবং বনী সুলায়ম ছাড়াও অন্যান্য মুসলিম কবিলা, যেমন আসলাম গিফার, মুরায়না, জুহায়না প্রভৃতির অধিনায়ক নিযুক্ত করেন এবং মক্কার নিশ্চিন্ত মকামে লায়ত দিনে প্রবেশ করার জন্য নির্দেশ দেন। এইদিকে কুরায়শরা বন্ বকরকে নিজেদের সহযোগী ও মদদগার হিসাবে মোতামেন করেছিল এবং বনী বকরের সাহায্যের জন্য বনী হারিছ, বনী 'আবদ মনাফকে নিজেদের ও হাবশী বাহিনীর সঙ্গে নিযুক্ত করেছিল।

একটি মস্বত বাহিনী যার ভেতর মহাজির ও আনসার শামিল ছিলেন— হযরত 'আলী (রা)-এর অধীনে ছিল। অপর একটি বাহিনী গদার দিক থেকে মক্কা প্রবেশের জন্য নিযুক্ত করা হয়। খোদ রসূলে আকরাম (সা) 'আসাফির এলাকা দিয়ে প্রবেশ করেন। প্রবেশের পূর্বে তিনি সকল অধিনায়ককে নির্দেশ দান করেছিলেন : তোমাদের মুকা-বিলায় কেউ নিজে এগিয়ে না আসলে তোমরা কারও সঙ্গে লড়াইয়ে লিপ্ত হবে না। এর সাথে সাথে কিছু লোকের নাম উল্লেখ করে বলেছিলেন যে, তাদেরকে গ্রেফতার করবে। আর তারা যদি প্রতি-রোধ কিংবা প্রতিদ্বন্দ্বিতায় অগ্রসর হয় তাহলে তাদের হত্যা করবে।

বনী বকর এবং হাবশীরা খালিদ (রা)-এর প্রবেশ পথে প্রতিরোধ সৃষ্টি করে যার কারণে রক্তপাত ঘটে। কিন্তু তারা ভীষণ রকমে পর্যুদস্ত হয়। এ ছাড়া আর কোথাও লড়াই-বাগড়া হয়নি। ফলে মুসলিম ফৌজ কোনরূপ বাঁধা-প্রতিবন্ধকতা ছাড়াই নির্ধারিত দিক দিয়ে মক্কায় প্রবেশ করে। আ' হযরত (স) মক্কায় তশরীফ আনেন এবং প্রকাশ্য ঘোষণা দেন যে, মক্কাবাসীরা আযাদ। কুরায়শদের কিছু লোক যাদের ভেতর আকরামা বিন আবু জেহেল অন্যতম—মক্কা থেকে পালিয়ে যায়। কিন্তু বিজয়ের পর অভয় বাণী পেয়ে ফিরে আসে।

কি শিক্ষা পেলাম

মক্কা বিজয়ের বেলা আ' হযরত (সা) যে নীতি অবলম্বন করে-ছিলেন তা আজ-কালও অবলম্বন করা হয়ে থাকে। দৃষ্টান্তস্বরূপ,

দ্বিতীয় মহামুদ্রা হিটলার indirect approach-এর প্রতিরক্ষা নীতিকে ব্যাপকভাবে ব্যবহার করেন। প্রথমে হিটলার প্রোপাগান্ডা চালিয়ে শত্রু রাষ্ট্রে বিরুদ্ধতার আবেগ-উদ্দীপনাকে খতম করে দিতেন এবং এভাবে নিজেদের হামলার সাক্ষ্যকে নিশ্চিত বানিয়ে নিতেন। এরই সঙ্গে শত্রুর শক্তিশালী সহযোগীকে তার থেকে আলাদা ও বিচ্ছিন্ন করে দিতেন যেন তারা তার থেকে সরাসরি ফায়দা না উঠাতে পারে। আর তাহলে দূশমনের শক্তি ভেঙে পড়বে। অতঃপর তার রাষ্ট্রে অস্থিরতা সৃষ্টি করা হ'ত যার ফলে তাদের অবশিষ্ট ছিটে-ফোঁটা মনোবলটুকুও দুর্বল হয়ে যেত। তিনি ১৯৩৮ ঈসাব্দে এই সব নীতি অনুসরণ করেই জার্মানীকে বিরাট ও বিশালতর জার্মানীতে পরিণত করেছিলেন।

আ-হমরত (সা) আজ থেকে সাড়ে তের শত বছর আগে এই প্রতিরক্ষা স্ট্রাটেজী এমনভাবে কার্যকর করেন যে, বুদ্ধি খেই হারিয়ে ফেলে। তিনি প্রথমে কুরায়শদেরকে মুদ্রের ময়দানে পরাজিত করেন। অতঃপর কুরায়শদের সহযোগী শক্তিগুলোকে তাদের থেকে বিচ্ছিন্ন করেন। হদায়বিয়ার সন্ধির মাধ্যমে তাদের অবশিষ্ট মর্যাদা ও প্রভাবটুকুও খতম করে দেন। এরপর মক্কা বিজয় পাকা ফলের ন্যায়ই হয়ে রইল যা সামান্য ঝাকুনিতেই বোটা থেকে খসে টস করে এসে কোলের উপর পড়ল। কিন্তু এতদসত্ত্বেও কুরায়শদেরকে তিনি ধ্বংস করেন নি। তাদেরকে তিনি হেয় ও অবমানিত করেন নি, বরং মুষ্টিমেয় কয়েকজন ব্যক্তিরকে সবাইকেই তিনি আশাদ করে দেন। না কারও জীবন ও সম্পদের উপরই তিনি আঁচড় কেটেছেন, না তিনি কারও সম্পদ-হানি ঘটিয়েছেন। আর এসবই ছিল সংস্কার ও গঠন, ধ্বংস ও প্রতিশোধ গ্রহণ নয়। তিনি তাদেরকে মক্কার মুহাফিজ রাখতে চেয়েছিলেন এবং তাদের দিয়ে অন্য কাজ করিয়ে নিতে চেয়েছিলেন। তাদেরকে যদি এমত পরিমাণে অবনমিত করা হ'ত যে, ইসলামী সমাজ জীবনের উপর বোঝাস্বরূপ হ'ত তাহলে এ বিজয় রহমতস্বরূপ হবার পরিবর্তে মুসীবতরূপে দেখা দিত। কিন্তু তিনি এমনভাবে কাজ করলেন যে, সাপও মরলো, অথচ লাঠিও ভাঙলো না।

শত্রুকে দুর্বল ও কমমোর বানাবার তিনটি পদ্ধতি রয়েছে :

ক. বৈষয়িক তথা বস্তুগত দিক দিয়ে ক্ষতিগ্রস্ত করে তার মনোবল অবনমিত করা ।

খ. নৈতিক দিক দিয়ে পরাজিত করা ।

গ. মানসিক দিক দিয়ে পর্যুদস্ত করা ।

উল্লিখিত তিনটির মধ্যে সবচেয়ে কম গুরুত্বপূর্ণ বিষয় হ'ল বৈষয়িক ক্ষতি । এই দুর্বলতাকে হয়তো দূশমন স্বয়ং মওকা পেতেই পূরণ করে নেয় অথবা তার মিত্ররা নিজেদের স্বার্থকে সামনে রেখে তাকে ধ্বংসের হাত থেকে বাঁচিয়ে নেয় । দৃষ্টান্তস্বরূপ, দ্বিতীয় বিশ্বযুদ্ধে ফ্রান্সের পরাজয়ে মিত্র শক্তির সমরোপকরণ ও মারগান্ডের উপর বিরাট বিপর্যয় নেমে আসে । কিন্তু এর কিছু অংশ স্বয়ং ব্রিটিশ পূরণ করে দেয় । আর কিছুটা আমেরিকার সাহায্যে পূরণ হয়ে যায় । কিন্তু ফ্রান্স সরকারের অবশিষ্ট প্রতিনিধিদেরকে সমগ্র মিত্রশক্তি মিলিত হয়ে দাঁড় করিয়ে দেয় । ঠিক এমনি জার্মানীর আক্রমণে রুশ একে-বারে নাস্তানাবুদ হয়ে যায় । কিন্তু ১৯৪১ সালে ব্রিটিশ ও আমেরিকার সাহায্যে এই ক্ষতির একটা বিরাট পরিমাণই পূরণ হয়ে যায় এবং তারা জার্মানদেরকে রুশ-ভূখণ্ডের বাইরে তাড়িয়ে দিতে কামিয়াব হয় ।

আর্থিক তথা বৈষয়িক পরাজয়ের মুকাবিলায় নৈতিক পরাজয় কিন্তু অনেক বেশী ভয়াবহ ও বিপদজনক হয়ে থাকে । নেপোলিয়ন একে একের মুকাবিলায় তিনগুণ বেশী মারাত্মক বলেছেন । আর্থিক ও বস্তুগত ক্ষতি সত্ত্বর অথবা বিলম্বে পূরণ হতে পারে । কিন্তু নৈতিক পরাজয়ের ক্ষতিপূরণ অসম্ভব ব্যাপার । উদাহরণস্বরূপ, ১৯৪০ সালের ফ্রান্সের কথাই ধরুন না কেন? নৈতিক অবনতির কারণে ফ্রান্স ১৯৪০ সালে হাতিয়ার সমর্পণ করেছিল । কিন্তু কিছু লোক যাদের ভেতর মিত্র রাষ্ট্রগুলোর কাজ হাসিলের মাধ্যম উদাহরণত, রাষ্ট্রীয় প্রতিরোধ সৃষ্টিকারীদের সংগঠন Resistance movement এবং জানবায় ফৌজ কৃতিত্বপূর্ণ ও গৌরবোজ্জ্বল দায়িত্ব পালন করে ফ্রান্সের মরা গাওে জোয়ার সৃষ্টি করে এবং দুনিয়ার বুকে নাম-নিশানা বিলুপ্তির হাত থেকে রক্ষা পায় অর্থাৎ ফরাসীদের নৈতিক পরাজয়ের চিহ্ন পুরোপুরিভাবে ফুটে ওঠেনি । অতএব তারা

কোন না কোনভাবে বেঁচে ওঠে। কিন্তু মানসিক পরাজয় সবচেয়ে ধ্বাংসাত্মক—ভয়বাহ হয়ে থাকে। মানসিক পরাজয় যখন আসন গেড়ে বসে তখন জীবনের আর কোন স্পন্দনই অবশিষ্ট থাকে না।

আঁ-হযরত (সা) দূশমনকে পয়লা বদর প্রান্তরে আখিক দিক দিয়ে পরাজিত করেন। অতঃপর খন্দক যুদ্ধে নৈতিকভাবে পর্যুদস্ত করেন এবং হুদায়বিয়ার সন্ধিতে মানসিক দিক দিয়ে পরাজয় ঘটিয়ে বিলকুল মজবুর ও অসহায় করে ছাড়েন। হুদায়বিয়ার সন্ধি কাফিরদেরকে মুসলমানদের সঙ্গে মেলামেশা, ইসলাম ও তার প্রতিষ্ঠাতা এবং মুসলমানদের বুঝতে, তাদের চরিত্র ও কার্যকলাপ জানতে এবং ভাল-মন্দ যাচাই-বাছাই করার মওকা দেয়। আর এর ফলে মক্কা বিজয় সহজ হয়ে যায়।

এ যুগে রাশিয়া মানসিক পরাজয়ের প্রতিরক্ষা নীতিকে নেহায়েত কার্যকরভাবে ব্যবহার করছে।

কতক লোকের মনে এ প্রশ্ন উদয় হওয়া সম্ভব যে, আঁ-হযরত (সা) যখন মক্কা বিজয়ের ব্যাপারে নিশ্চিত ছিলেন তখন তিনি এত বড় যবরদস্ত আকারের সমর প্রস্তুতি কেন গ্রহণ করলেন। এত বড় লশকর নিয়ে কেন গেলেন? এর জবাব এই যে, আঁ-হযরত (সা) মক্কাবাসীদের কম থেকে কমতর ক্ষতি চেয়েছিলেন। তিনি যদি কমতর প্রস্তুতি ও স্বল্প সংখ্যক ফৌজ সঙ্গে নিতেন তখন কুরায়শরা যুদ্ধ না করে ছাড়তো না এবং এর ফলে এই যুদ্ধে জীবন ও সম্পদ দু'টোরই হানি ঘটতো এবং এরপরই কেবল তাদের প্রতিরোধ খতম হ'ত। কিন্তু আঁ-হযরত (সা)-এর আজিমুমান বাহিনী দেখে কুরায়শ ও তার মিত্রদের শেষ আশা ও ভরসাটুকুও মিইয়ে যায় এবং মানসিক পরাজয় এমনভাবে তাদের উপর চেপে বসে যে, মুকাবিলার হিম্মতটুকুও আর অবশিষ্ট থাকেনি অর্থাৎ মক্কা বিজয়ের সমস্ত আঁ-হযরত (সা)-এর অবস্থান যেন সেই সার্জনের মত যিনি অপারেশনের পূর্বে স্থির নিশ্চিত হয়ে নেন যে, যন্ত্রপাতি সব ঠিক আছে, অপারেশনের মওকাও ঠিকঠাক এবং রোগীও অপারেশনের জন্য সম্পূর্ণ প্রস্তুত, আর

এমনি ক্ষেত্রেই সাধারণত বেহেশ করার ঔষধ স্তম্ভিকিয়ে দেওয়া হয়। মক্কা বিজয়ে অ'হমরত (সা) ছিলেন সার্জন। মক্কাবাসীরা রোগী আর ইসলামী ফৌজ-এর প্লাটুনগুলো বেহেশকারী দাওয়াই ছিল। যারা রোগী অর্থাৎ মক্কাবাসীদেরকে অবশ ও বিবশ বানিয়ে দিয়েছিল।

যোগ্য জেনারেলই আপন ফৌজের কম থেকে কমতর ক্ষতি করে দূশমনের উপর অধিকতর গভীর প্রভাব কায়ম করতে পারেন। মক্কা বিজয় বিশ্ব ইতিহাসে সৈনিকসুলভ যোগ্যতার মহত্তম নমুনা, আর অ'হমরত (সা) দুনিয়ার সবচেয়ে বড় এবং সর্বাধিক যোগ্য জেনারেল।

মক্কা বিজয়ের পর

মক্কা বিজয়ের পরও আগের মতই বিভিন্ন স্থানে বিভিন্ন অভিযান প্রেরণ করেন। কিন্তু সেগুলোর ভেতর কিছু অভিযান আগেকার অভিযানগুলো থেকে সম্পূর্ণ ভিন্ন প্রকৃতির ছিল। তার ভেতর তাঁর হুকুমে কতক গোষ্ঠীয় এলাকাকে মূর্তি এবং মূর্তিঘরের অপবিত্রতা থেকে মুক্ত ও পবিত্র করা হয়।

অনন্ডর তিনি খালিদ বিল ওয়ালীদ (রা)-কে নাখলা রওয়ানা করেন। সেখানে বনী সুলায়মান-এর একটি শাখা বনী শায়বান বসবাস করত। সেখানকার লোকদের দেবতা ছিল উয্বা। খালিদ (রা) মূর্তি ভেঙে ফেলেন এবং মূর্তিঘর মাটির সঙ্গে মিশিয়ে দেন।

আমর (রা) বিন আল-আসকে রিবাত পাঠানো হয়। সেখানকার মূর্তিঘরে ছিল বৃদাহলের মূর্তি। অ'হমরত (সা)-এর নির্দেশে তিনি সেটাকে ভেঙে-চুরে খণ্ডম করে দেন। এভাবেই আওস ও খায়রাজের মূর্তিগুলোকে সা'দ বিন যায়দ আল-আশহা ভেঙে টুকরো টুকরো করেন।

হাওয়াযিন যুদ্ধ

মক্কা বিজয়ের পর আঁ-হযরত সেখানে অর্ধমাস কাল অতিবাহিত করার পরপরই বনী হাওয়াযিন ও বনী ছাকীফের সমর প্রস্তুতির সংবাদ পান। এই কবিলা দু'টি মিল হিজ্রায়ের উপত্যকায় বসবাস করত যদিও হাওয়াযিনের কিছু কবিলা মুসলমানদের সঙ্গে লড়াইয়ে নামতে রাযী হয়নি, তবু তাদের একটা বিরাট বাহিনী হনায়ন নামক স্থান পর্যন্ত অগ্রসর হয়। তারা তাদের বাল-বাচ্চা, নারী ও পশুপাল নিয়ে এসেছিল। যখন এরা আওতাস নামক স্থানে পৌঁছায় তখন অন্যান্য কবিলা যারা তখন পর্যন্ত হাওয়াযিন বাহিনীতে शामिल হয়নি-তাদের নিকট আসে। কবিলার মশহুর সমর-বিশেষজ্ঞ দুরাযদও তাদের সঙ্গে ছিল। বার্বকোর কারণে সে উটের পিঠের হাওদায় চড়ে এসেছিল। সে আওতাস ময়দানকে অত্যন্ত পসন্দ করে। কেননা সেখানে অস্বারোহী বাহিনীর চলাচলের জন্য পর্যাপ্ত জায়গা ছিল এবং যমীন স্বেমন বেশী নরমও ছিল না, আবার বেশী শক্তও ছিল না : তেমনি ছিল না তা প্রস্তর-সংকুল। হাওয়াযিনের সর্দারমণ্ডলীর নাম জানতে চেয়েও জেনে সে তেমন খুশী হয়নি। সে বলতে থাকে যে, এসব লোক তেমন অভিজ্ঞ নয়। এরই সঙ্গে সে তাদের সরদার মালিক বিন আসফ আল-নাসরীকে পরামর্শ দেয়, সে যেন মহিলা ও শিশুদেরকে কোন নিরাপদ জায়গায় পৌঁছে দেয়। মালিক কিন্তু তার কথায় আমল দেয় না এবং সমর প্রস্তুতিতে সে ব্যস্ত হয়ে পড়ে।

আঁ-হযরত (সা)-এর সঙ্গে প্রায় বারো হাজার সৈন্যের এক বিশাল বাহিনী ছিল। ঐতিহাসিক তাবারী তাঁর গ্রন্থে জাফির (রা) থেকে বর্ণনা করেন : আমরা যখন হনায়ন উপত্যকার সামনে আসলাম তখন তিহামার উপত্যকা শ্রেণীর মধ্যকার একটি গভীর উপত্যকায় অবতরণ করলাম। চালু এতখানি সোজা ছিল যে, দিনা আয়াসেই আমরা আপনাআপনিই নিম্নে অবতরণ করলাম। সময়টা ছিল ভোর বেলা আর দুশমন আমাদের আগেই পৌঁছে গেছে উপত্যকার পঁচালো নিম্নদেশে এবং মোড়ে মোড়ে আমাদের তাঁক করে বসেছিল। আমরা অসতর্ক অবস্থায় নেমেই চলেছিলাম নীচের দিকে, ঠিক এমনি অবস্থায়

দুশমন ওঁৎপেতে থাকা গোপন খাত থেকে বেরিয়ে অতিক্রমে আমাদের আক্রমণ করে। আমরা মুকাবিলা করতে পারলাম না। ফলে পালাতে থাকলাম। কারুর দিকে ফিরে তাকাবার ফুরসতও ছিল না আমাদের। রসূল আকরাম (সা) ডানদিকে সরে গিয়ে থামলেন এবং সজোরে ডাক দিলেন : তোমরা কোথায় যাচ্ছ ? আমার এখানে এস।

বিদ্রোহী ও দুশ্ট প্রকৃতির মক্কাবাসী—যারা আঁ-হযরত (সা)-এর সাথে ছিল, মুসলমানদের এভাবে পালাতে দেখে নিজেদের অন্তরের মালিন্য প্রকাশ না করে আর থাকতে পারেনি। আবু সুফিয়ান বিন হারব বলতে থাকে : এখন এরা সমুদ্র পর্যন্ত না গিয়ে থামবে না।

আঁ-হযরত (সা) ব্যক্তিগত বীরত্ব ও সাহসিকতা দ্বারা অবস্থা আয়ত্তে আনেন। তাঁর কাঁধে কাঁধ মিলিয়ে হযরত 'আলী (রা) ও অন্য সাহাবাবন্দ অত্যন্ত সাহসিকতার সঙ্গে হাতাহাতি লড়াই লড়তে থাকেন। তাঁদেরকে লড়তে দেখে অপরাপর মুসলমানও ক্রমান্বয়ে আপন আপন আধিনায়কের পাশে এসে জমায়েত হয়। কতিপয় মুসলিম মহিলাও যারা এ বাহিনীর সঙ্গে ছিল, তারাও জীবনপণ করে দুশমনের বিরুদ্ধে লড়াই করে।

জমায়েত যথেষ্ট হওয়ার সাথে সাথে মুসলমানেরা পাল্টা হামলা শুরু করে। তাতে শত্রুপক্ষের কতিপয় নামকরা সর্দার নিহত হয়। বনু ছাকীফের কয়েকজন পতাকাবাহী একের পর এক মারা যায়। তাদের মধ্যে একজনের নাম ছিল 'উছমান বিন আবদুল্লাহ্। হাওয়াযিনের সম্মিলিত মিত্র বাহিনীর রণ-পতাকা ছিল কাবির বিন আল-আসওয়াদ বিন মাস'উদের হাতে। সে সেটাকে একটি ঝোপের ভেতর নিষ্ক্ষেপ করে নিজের সঙ্গী-সাথীসহ পালিয়ে যায়।

পাশা পরিবর্তন হতে দেখে বাকী বনু হাওয়াযিনও পালাতে থাকে। তাদের একটি দল তায়েফের দিকে মোড় নেয়, আর অপর দল আওতাসের দিকে। আঁ-হযরত (সা) তায়েফের দিকে গমনরত দুশমনের পশ্চাচ্ছাবন করার জন্য একটি অস্বারোহী বাহিনী পাঠিয়ে দেন। তাদের সঙ্গে মালিক বিন 'আওফও ছিল। তাদের কিছু লোক নাখলার দিকে চলে যায়। মালিকের অস্বারোহী বাহিনী তাদের

পলায়নরত সৈন্যবাহিনীকে রক্ষা করার জন্য একটি ঘাটিতে মোর্চা বন্দী হয়ে বসে যায়। ফলে সে মুসলিম ফৌজের হাতে ধরা পড়েনি।

আ'-হযরত (সা) হনায়ন থেকে খোদ তায়েফে তশরীফ নিয়ে যান। প্রথমে তিনি নাখলিয়াতুল স্নামামা যান এবং সেখান থেকে কার্ন ও স্নালীহ হয়ে লায়্যার বাহরাতুর-রিসা আসেন। এখানে তিনি একটি মসজিদ নির্মাণ করান এবং মালিক বিন 'আওফের ঘর-বাড়ী মাটিতে ফেলে দেন। এর পর তিনি সানিকার পথে নাজ্ব এবং নাজ্ব থেকে তায়েফে পৌঁছেন।

তায়ফে পৌঁছে তিনি বনী ছাকীফ অবরোধ করেন। পনের দিন পর্যন্ত এ অবরোধ অব্যাহত থাকে। এরপর তিনি য়ুহান্নার পথে সৈন্যবাহিনী সমেত জা'রানা তশরীফ নেন। এখানেই হাওয়ামিন যুদ্ধবন্দীদের রাখা হয়েছিল। এখানে পৌঁছে হাওয়ামিনদের দরখাস্ত-ক্রমে কতিপয় লোক ব্যতিরেকে অবশিষ্ট সবাইকে আযাদ করে দেন।

মালিক পালিয়ে তায়েফে গিয়েছিল। আ'-হযরত (সা) যখন মদী-নায় প্রত্যাবর্তন করেন তখন সুযোগ পেয়ে সে রসূল করীম (সা)-এর খেদমতে হাযির হয় এবং ইসলাম কবুল করে ধন্য হয়। এরপর পান্থবর্তী অন্য কবিলাগুলোও আস্তে আস্তে ইসলাম কবুল করে যার ভেতর বনু তামামা, ফাহম ও সালমা কবিলাও ছিল। আ'-হযরত (সা) মালিককে তার নিজের কবিলা ব্যতিরেকে বাকী সব কবিলার 'আমিল (গভর্নর) নিযুক্ত করেন। বনু ছাকীফ তখন পর্যন্ত ঈমান আনে নি। তারা ঘাবড়ে যায়। অতঃপর বনী আসাদও যখন মুসলমান হয়ে গেল তখন তারা আ'-হযরত (সা)-এর খেদমতে একটি প্রতিনিধি দল পাঠিয়ে নিরাপত্তা ডিঙ্কা করে। কিন্তু সাথে সাথে এই দরখাস্তও পেশ করে যে, তাদের দেবতা লাভ-এর মূর্তিকে যেন তিন বছর পর্যন্ত ভাঙা না হয়। আ'-হযরত (সা) তাদের দরখাস্ত না-মঞ্জুর করেন। তারা অবশেষে এটাকেও সন্তুষ্ট চিন্তে মেনে নেয় এবং শেষ পর্যন্ত ইসলাম কবুল করে। মুগীরা বিন শু'বা (রা) নিজের হাতে তাদের দেবমূর্তি লাভ-কে ভেঙে খতম করেন।

এসব অভিযানের উদ্দেশ্য ছিল দুশমনের উপর শেষ কার্যকর আঘাত হানা। অ'ই-হযরত (সা) এতে পুরোপুরি সফল হন এবং শত্রুর উপর নৈতিক ও মানসিক উভয় দিক দিয়েই বিজয় লাভ করেন।

তবুক যুদ্ধ

হনায়ন যুদ্ধ থেকে অব্যাহতি পেয়ে অ'ই-হযরত (সা) যিল-হাজ্জ থেকে রজব মাস পর্যন্ত মদীনায় অবস্থান করেন। সে বছরটা ছিল দুভিক্ষের। গরমের দাবদাহ ছিল তেমনি প্রচণ্ড। লোকজন খেজুর বাগানে কতকটা ছায়া-শীতল স্থানে দিন কাটাচ্ছিল। মদীনাবাসী তাদের ফসলের উপর অত্যধিক মনোযোগী ছিল। খন-সম্পদের দিক দিয়ে মুসলমানদের অবস্থা ছিল দুর্বল। মোটের উপর শান্তি ও স্বস্তির নিঃশ্বাস ফেলার তেমন কোন অবকাশ ছিল না। এমনি মুহূর্তে অ'ই-হযরত (সা) জিহাদের জন্য প্রস্তুতি গ্রহণের নির্দেশ দেন।

রসূলে আকরাম (সা)-এর নিয়ম ছিল যে, যেখানেই তিনি জিহাদের জন্য গমন করতেন সে স্থানের নাম তিনি কখনো প্রকাশ করতেন না। কিন্তু এবার তিনি তবুক যাবার সাধারণ ঘোষণা দিয়ে দিলেন। ঐতিহাসিকগণ এই পরিবর্তনের কতকগুলো কারণ নির্দেশ করেছেন। সেগুলো হ'ল নিম্নরূপ :

ক. প্রতিপক্ষের সংখ্যা-শক্তি ছিল অনেক বেগী এবং তাকে বহুত শক্তিশালী বলে অভিহিত করা হ'ত।

খ. সফর ছিল দীর্ঘ আর মনযিল ছিল দুস্তর। সেজন্য যথেষ্ট ইন্তেজামের দরকার ছিল। নামের ঘোষণা দেওয়ান প্রয়োজন মাফিক সবারই উপযোগী ইন্তেজামের সুযোগ মিলে যায়।

গ. দেশে ছিল দুভিক্ষ। সেজন্য অন্য কোন স্থান থেকে রসদ-সুন্ডার সংগ্রহ করার আশা-ভরসা ছিল খুবই কম। এজন্য দরকার ছিল সমস্ত জরুরী সামান যথাসম্ভব মদীনা থেকেই সংগ্রহ করা।

ঘ. রোম সাম্রাজ্যের দাপট, জাঁকজমক ও প্রভাব-প্রতিপত্তির প্রভাব সাধারণ মানুষের অন্তর-রাজ্যে আসন গেড়ে ছিল। এজন্য মুজাহিদ বাহিনীকে বলে দেওয়ার দরকার ছিল যে, তাদেরকে কোন্ হুকুমত ও কোন্ ফৌজের সঙ্গে লড়তে হবে যেন কমযোর ও দুর্বল মনের লোক সঙ্গে গিয়ে বাহিনীর জন্য বোঝা হয়ে না দাঁড়ায়।

আঁ-হযরত (সা)-এর মূলনীতির উপর হিটলার দ্বিতীয় মহামুদ্ধে কয়েকবার 'আমল করেন। হিটলার ছিলেন প্রতিরক্ষা কৌশল ও ইতিহাসের একজন সর্বোত্তম পর্যবেক্ষক। এর উপর তিনি বেশী ভাগ আমল এজন্যই করেন নি, কারণ ফৌজী গতিবিধির গন্তব্যকে প্রতিটি অধিনায়কই গোপন ও প্রচ্ছন্ন রাখতে চেষ্টা করেন এবং প্রতি-দৃষ্টী ও প্রতিপক্ষ গোয়েন্দাগিরি ও গুপ্তচরবৃত্তি ইত্যাদি মারফত একটা উল্লেখযোগ্য অংশের সন্ধান করে নেন। অতএব এর বিপরীত কর্মপদ্ধতি অবলম্বনের দরকার ছিল। বরং তিনি আঁ-হযরত (সা)-র প্রতিরক্ষা স্ট্রাটেজীর অঙ্গনের একটা ক্ষুদ্র টুকরো গ্রহণ করেছিলেন এবং এর থেকে তিনি অনেক ফায়দাও উষ্টিয়েছিলেন। শুরুতে যখন তিনি হামলার জায়গা সম্পর্কে ঘোষণা দিলেন তখন তার দৃশ্য-মনেরা তা বিশ্বাস করতে পারেনি এবং তারা এটাই বুঝে নেন যে, হিটলার উল্লিখিত জায়গা ব্যতিরেকে অপর কোন স্থানে হামলা করবে। আর এভাবেই তিনি তাদেরকে ভুল ধারণা ও বিভ্রান্তির মাঝে নিষ্ক্ষেপে কামিয়াব হন। তবুক যুদ্ধের ঘটনাবলী সাক্ষী যে, আঁ-হযরত (সা)-এর ঘোষণাকেও বিরুদ্ধবাদীরা বিশ্বাস করতে পারেনি। আর সে কারণে তারা মুকাবিলার জন্য কোনরূপ প্রস্তুতিও গ্রহণ করেনি। এমন কি এক কবিলার রঙ্গস শিকার খেলতে গিয়েই প্রেফতার হয়।

ঐতিহাসিকদের বণিত কারণগুলো ছাড়াও আমাদের ধারণায় তার আরও একটি কারণ এও হতে পারে যে, মদীনায় মুনাফিকদের সংখ্যা ছিল বেশ। আঁ-হযরত (সা) তাদের দৃষ্টামী ও ক্ষেতনা-প্রিয়তার ব্যাপারটি অবহিত হতে চেয়েছিলেন। উদাহরণস্বরূপ যখন তিনি জিহাদের জন্য প্রস্তুতি গ্রহণের নির্দেশ দিলেন তখন তারা লোক-দেরকে বলল : এত বড় প্রচণ্ড গরম এবং এত বিরাট দীর্ঘ সফর !

মরণের মুখে গিয়ে পড়া ছাড়া আর কী? তোমরা যখন চলে যাবে তখন তোমাদের ফসল কে কাটবে? আর নিদারুণ এই দুর্ভিক্ষে ফসল ফেলে চলে যাওয়া সরাসরি ক্ষতির মুখোমুখি হওয়া ভিন্ন আর কী?

কতিপয় ব্যক্তি তাদের কথায় ভিজে গেল এবং তারা বাহানা-বাজীর আশ্রয় নিতে থাকে।

কিন্তু সকল অসুবিধা সত্ত্বেও অ'ই-হযরত (সা) জিহাদের সফরের প্রস্তুতি অত্যন্ত দ্রুততার সঙ্গে গ্রহণ করেন এবং সচ্ছল অবস্থার লোকদেরকে আলাহ্‌র রাহে গরীব মুসলমানদের সওয়ারী ও রাস্তার দরকারী খরচপত্র জুগিয়ে সওয়ার ও পুরস্কারের হকদার হবার প্রেরণা জোগান।

অতঃপর তিনি হযরত 'আলী (রা) বিন আবী তালিবকে তাঁর অনুপস্থিতিতে সমস্ত কাজকর্মের ইত্তেজাম করতে মদীনায় স্থায়ী প্রতিনিধি নিযুক্ত করেন। এরপর তিনি বিরাট লোক-লশ্কার নিয়ে রওয়ানা হন। মদীনা থেকে রওয়ানা হলে তিনি ছানিয়াতুল বিদা' নামক স্থানে অবস্থান করেন। 'আবদুল্লাহ্‌ বিন উবায়্য সলুল যার অধীনে ছিল একটা বড় প্লাটুন—অ'ই-হযরত (সা) থেকে আলাদা হয়ে জাব্বানা নামক স্থানে দাবাব পাহাড়ের নিকট ছাউনী ফেলে। তার সঙ্গে বনী খায়রাজ এবং বনী কায়নুকা'র কতিপয় সর্দারও ছিল। এরা সবাই সেখানে পৌঁছে জিহাদে শরীক না হবার ফয়সালা নেয় এবং অ'ই-হযরত (সা)-এর নিকট গিয়ে ওষরখাহী করে। তিনি তাদের থেকে মুখ ফিরিয়ে নেন। কিন্তু স্বেসব লোক মদীনায় থেকেই বাহিনীর সঙ্গে শরীক হযনি তারা দ্রুততার সঙ্গে মনযিল অতিক্রম করে নবী করীম (সা)-এর সৈন্যদলে গিয়ে शामिल হয়।

ছানিয়াতুল বিদা' থেকে অ'ই-হযরত (সা)-এর বাহিনী জরফ গমন করে। এরপর হজুর-এ অবস্থান করে। মুজাহিদ বাহিনীর মধ্যে কেউ যদি পেছনে থেকে যেত এবং তিনি যদি তা জানতে পারতেন তাহলে বলতেন : তাকে যেতে দাও। ঐ সমস্ত লোকের অংশ গ্রহণ যদি আমাদের জন্য ফলপ্রসূ ও উপকারী হয় তবে আলাহ্‌ পাক সহর তাদেরকে আমাদের সঙ্গে মিলিয়ে দেবেন। আর যদি এর বিপরীত

হয় তাহলে আল্লাহ্ পাক আমাদের তাদের সম্পর্কে নিশ্চিত করে দিয়েছেন। প্রায় অনুরূপ বাক্য তিনি 'আবদুল্লাহ্ বিন উবায় সলুল এবং তার সঙ্গী-সাথীদের সম্পর্কে তাদের বিচ্ছিন্ন হবার সময় উচ্চারণ করেছিলেন। কয়েকবার এমনও হয় যে, যারা পেছনে পড়ে গিয়েছিল তারা পুনরায় অ'া-হযরত (সা)-এর সঙ্গে মিলিত হয়। উদাহরণ-স্বরূপ, আবুযর গিফারী (রা)-এর উট ক্লাস্তির কারণে সামনে অগ্রসর হতে গড়িমসি করতে থাকায় এবং কোনক্রমেই আর এগুতে না চাওয়ায় আবুযর গিফারী (রা) সকল সামান উটের সিঁঠ থেকে নামিয়ে নিজের পিঠে উঠিয়ে নেন এবং মনযিলের পর মনযিল অতিক্রম করে রাতের বেলায় অ'া-হযরত (সা)-এর নিকট ছাউনীতে গিয়ে উপস্থিত হন।

এই পর্যায়ে আমি নিজের ব্যক্তিগত অভিজ্ঞতার কথা বর্ণনা করা সমীচীন মনে করছি। ১৯৪০ ঈসাব্দীতে যখন আমরা ডেনমার্কের ঘটনার পর ইংলণ্ডে পৌঁছলাম তখন ১৯৪১ ঈসাব্দী সনে মিত্র বাহিনী ফ্রান্সের উপর দ্বিতীয়বার হামলার প্রস্তুতি শুরু করে। ফ্রান্স জার্মানদের হাতে পরজয় বরণ করার বিভিন্ন কারণের মধ্যে এটাও একটা বলা হয়েছে যে, অধিকাংশ ফৌজ যান্ত্রিক যুদ্ধকে ভুল বোঝে এবং তারা এতখনি আরামপ্রিয় হয়ে গিয়েছিল যে, সংক্ষিপ্ত ও স্বল্পতম দূরত্বকেও মোটরে আরোহণ ব্যতিরেকে অতিক্রম করতো না। এই কারণে যুদ্ধে বেশ সংকটজনক অবস্থার সৃষ্টি হয়েছিল। ১৯৪১ ঈসাব্দীতে ওয়েল্‌স, এরপর স্কটল্যান্ডের বরফাবৃত পাহাড়ে ফরাসী ফৌজকে পাঠানো হতে থাকে। উদাহরণত, একটি ব্রিগেডকে যদি কৃত্রিম যুদ্ধের জন্য পাঠানো হয়েছে, তো সমস্ত পদাতিক বাহিনী তথা গোটা প্লাটুনকে প্রায় একশ' মাইলের দূরত্ব পায়দল চলে চার কিংবা এর কম দিনে অতিক্রম করতে হ'ত। এই সফরে যারা পেছনে পড়ে যেত তাদেরকে লরী কিংবা অন্য কোন যানবাহনে চড়িয়ে আর একত্র করা হ'ত না, বরং তাদের প্রতি নির্দেশ ছিল, তারা নিজেরাই হেঁটে অন্য কোন ছাউনী অথবা তার সম্মুখবর্তী কোন ছাউনীর ফৌজের সঙ্গে মিলিত হবে। প্রাথমিক সফরগুলোতে বহু সেপাই ক্লাস্তি ও অবসন্নতায় ভেঙে পড়ে অবশেষে পেছনে পড়ে রইত। কিন্তু তারা যখন দেখল

তাদের প্রতি সমবেদনা জানাবার পরিবর্তে তাদের সাথীরা তিরস্কার করেছে, তখন তাদের সবার জড়তা ও অলসতা কেটে যায়। এরপর খুব কম সংখ্যক সেপাইকে ভীরুতার দরুন পিছনে পড়ে থাকতে দেখা গেছে। আর এভাবেই তাদের প্রবল ইচ্ছাশক্তি ও অদম্য মনোবলের সাহায্যে কর্ম সম্পাদনের ট্রেনিং প্রদান করা হয়।

আঁ-হযরত (সা)-ও এমনি দুর্গম ও কষ্টসাধ্য মনযিল অতিক্রম করেছিলেন। এই সফরে দুর্বল মন ও দুর্বল শরীরের লোকদের জন্য কোন সুযোগ ছিল না। কিন্তু এই পন্থায় মুজাহিদ বাহিনীর মধ্যে অটুট ইচ্ছাশক্তি ও সুদৃঢ় মনোবল আঁরা বেড়ে যায়।

আঁ-হযরত (সা)-ও তবুক পৌঁছলে বনু এলিয়্যার রঙ্গস ফুহানা বিন রুওয়াইয়া পবিত্র খেদমতে হাযির হয়ে জিম্মা প্রদান করে সন্ধি-সুলে আবদ্ধ হয়। এরপর জুরবা ও আযরাজবাসীও সন্ধি করে এবং লিখিতভাবে নিয়মিত জিম্মা প্রদান মঞ্জুর করে নেয়।

আঁ-হযরত (সা) খালিদ (রা) বিন ওয়ালীদকে বনু কিন্দা গোত্রের সর্দার আকীদর বিন আবদুল মালিকের মুকাবিলায় পাঠান এবং বলেন : যখন তুমি সেখানে পৌঁছবে তখন আকীদরকে নিজ কেব্লা দুমার বাইরে নীল গাভী শিকাররত দেখতে পাবে।

আকীদর ছিল খ্রীস্টান। চাঁদনী রাতে কেব্লার পাঁচিলের উপর সেদিন সে নিজ স্ত্রীর সঙ্গে পায়চারী করছিল। এমন সময় হঠাৎ তার স্ত্রী বলে উঠল : একটি নীল গাভী কেব্লার ফাটকের উপর শিং দিয়ে গুতা মারছে এবং নিজের মৃত্যুকে এভাবে সে নিজেই ডেকে আনছে যাও, গিয়ে শিকার করো। আকীদর কিছু সংখ্যক সেপাই নিয়ে নীল গাভীর পেছনে ধাওয়া করল।

আঁ-হযরত (সা) প্রতিটি জরুরী বিষয় ওহীর মাধ্যমে জেনে ফেল-তেন, বিগত যুদ্ধের অধ্যায়গুলোতেও এর উল্লেখ করা হয়েছে। এরই সঙ্গে তাঁর গুপ্তচরগণও প্রতিটি বিষয়ে তাঁকে দরকারী তথ্য যথাসময়ে সরবরাহ করতো। আর এই জ্ঞান ও প্রাপ্ত এই তথ্যের ভিত্তিতে তিনি সকল বিষয়ই পুরোপুরি ওয়াকিফহাল থাকতেন।

সে সময়ে আকীদর নীল গাভীর পশ্চাতে কেবলা থেকে বাইরে বেরিয়ে যাচ্ছিল, খালিদ (রা) স্বীয় বাহিনীসহ কেবলার দিকে আস-ছিলেন। উভয়ের মধ্যে সংঘর্ষ হয় এবং খালিদ (রা) আকীদরকে গ্রেফতার করেন।

আঁ-হযরত (সা)-এর খেদমতে পেশ হবার পর আকীদর জিযয়া প্রদানের শর্তে সন্ধিতে আবদ্ধ হয়। আঁ-হযরত (সা) অতঃপর তাকে তার কেবলায় প্রত্যাবর্তনের অনুমতি প্রদান করেন।

তবুকে বারো-তেরো দিন অবস্থান করে তিনি মদীনা প্রত্যাবর্তন করেন। যে সব মুনাক্কি রাস্তা থেকে ফিরে এসেছিল কিংবা বিনা কারণেই সঙ্গে যায়নি, তাদের সঙ্গে তিনি সম্পর্ক ছিন্ন করেন, মুসল-মানেরা তাদের সঙ্গে সালাম-কালামও বন্ধ করে দেয়। ফলে তারা খুব লজ্জিত হয় এবং ক্ষমা প্রার্থনা করে। আঁ-হযরত (সা) তাদেরকে মাফ করে দেন।

তবুক যুদ্ধের পর নিশ্চিন্ত রঈস ও সর্দার আঁ-হযরত (সা)-এর খেদমতে পন্থ পাঠিয়ে ইসলাম গ্রহণের আগ্রহের কথা ব্যক্ত করে :

১. হমায়র বিন হারিছ বিন কালান ন'ঈম বিন কালান এবং যি-রিহায়ন। তিনি ছিলেন হামাদানের শাসনকর্তা।

২. মু'আদিরের রঈস নু'মান।

৩. বনী বাকা'র প্রতিনিধি দল মদীনায় এসে ইসলাম কবুল করে।

৪. বনী হারারাহ্ দশজনের একটি প্রতিনিধি দল পাঠিয়ে তাদের ইসলাম কবুলের এ'লান করে।

৫. ছা'লাবা বিন মুনা'আজ ও সা'দ বিন হযায়ম পবিত্র খেদমতে হাযির হয়ে ইসলাম কবুল করে এবং এরপর নিজেদের কবিলাকে মুসলমান করে।

আঁ-হযরত (সা) খালিদ (রা) বিন ওয়ালীদকে চার শ' সৈন্যসহ বনী হারিছ বিন কা'বের মুকাবিলায় পাঠিয়ে দেন এবং নির্দেশ দেন : যদি এ সমস্ত লোক তিন দিনের ভেতর ইসলাম কবুল করে তবে তাদের সঙ্গে যুদ্ধ করবে না। তারা তিন দিনের ভেতরই ইসলাম

কবুল করায় এ অভিযান কোনরূপ লড়াই-সংঘর্ষ ব্যতিরেকেই পুরো-পুষ্টিভাবে সাফল্যের সঙ্গে প্রত্যাবর্তন করে।

শাওয়াল মাসে বনু সালামানের এবং রমযানে গাসসানের প্রতিনিধি-দল আগমন করে এবং ইসলাম কবুলের ঘোষণা দেয়। অনুরূপ বনী আরযাদ-এর প্রতিনিধি দলও মদীনা এসে ইসলাম গ্রহণ করে।

সে রমযানেই অ'আ-হযরত (সা) 'আলী (রা) বিন আবী তালিবের নেতৃত্বে খালিদ (রা) বিন ওয়ালীদকে য়ামন পাঠান। সেখানকার সকলেই হযরত 'আলী (রা)-এর হাতে বায়'আত গ্রহণ করে। এ খবর শোনার পর অ'আ-হযরত (সা) সেখানকার অধিবাসীদের নিরাপত্তা ও সুখ-শান্তির জন্য দু'আ করেন।

উক্ত বছরেই বনী রবীদেব প্রতিনিধি দল 'আমর বিন মা'দী-র নেতৃত্বে হযর (সা)-এর পবিত্র খেদমতে হাযির হয়ে ইসলাম কবুল করে এবং সে সময়েই বনী হানীফার প্রতিনিধিদল মদীনায় এসে ইসলামের ঘোষণা দেয়।

অতঃপর মাহারিব, ওয়ালিবিন, বাহরান ও সা'ঈদ-এর প্রতিনিধি দল আগমন করে এবং অ'আ-হযরত (সা)-এর খেদমতে সন্ধির দরখাস্ত করে।

বনী 'ঈস, হাফ্লাফ, খুওলান, বনী যায়দ-এর কবিলাগুলোও ইসলাম কবুল করে। বনী তাঈ তাদের সর্দার যায়দ আল-খালীলকে প্রতিনিধি দলের আমীর নিযুক্ত করে অ'আ-হযরত (সা) এর খেদমতে প্রেরণ করে এবং ঈমান আনয়নের ঘোষণা প্রদান করে।

এ সময়ে ইসলাম আরবের দূর-দূরান্তে বিস্তার লাভ করে। অ'আ-হযরত (সা) তামাম এলাকায় ঠাদকাহ্ আদায়কারী নিযুক্ত করেন।

কি শিক্ষা পেলাম

তবুক যুদ্ধ থেকে আরবের বিস্তীর্ণ এলাকা অ'আ-হযরতের (সা) গতিবিধি ও ইসলামের প্রভাববলয়ের অন্তর্ভুক্ত হয়। তার অর্ধেক ছিল

মক্কা থেকে মদীনা পর্যন্ত। এখন তিনি একে আরও বর্ধিত করলেন এবং বাড়িয়ে একদিকে ইরান এবং অন্য দিকে মিসর পর্যন্ত নিয়ে যান। তবুকের পান্থবর্তী কবিলাগুলো তখন পর্যন্ত ইসলামের দাওয়াত কবুল করেনি। এজন্য তিনি নিজেই সে এলাকায় গমন করেন এবং পূর্বেকার স্বাভাবিক নিয়মের ব্যতিক্রম ঘটিয়ে মনযিলের নাম প্রকাশ করে ও প্রকাশ্য ঘোষণা দিয়ে তিনি এমনভাবে সেখানে তশরীফ নিলেন যে, কাফিররা তা বিশ্বাস করতে পারেনি। ফলে তারা কোনরূপ প্রতিরোধ সৃষ্টি কিংবা প্রতিদ্বন্দ্বিতার জন্য কোনরূপ প্রস্তুতিও নেয়নি। ফল এই হ'ল যে, তবুকে অস্বাভাবিক অবস্থার সৃষ্টি হ'ল এবং দূশমন জিহ্মা প্রদানের শর্তে সন্ধি করতে বাধ্য হ'ল। অবশিষ্ট কবিলাগুলো ইসলাম কবুল করলো এবং এভাবেই দূর-দূরান্তর পর্যন্ত ইসলামের আলো ছড়িয়ে পড়ল।

তবুকের যুদ্ধে কোনরূপ মুকাবিলা হয়নি। কোন প্রাণীর জীবন হানিও ঘটেনি। কিন্তু কাযত দেখা গেল, বিজয় ও সাফল্য দুটোই হাসিল হয়েছে। এর অন্তর্নিহিত রহস্য এই যে, তিনি দূশমনের বিরুদ্ধে সেই চাল চাললেন যার কারণে তারা তাঁর গতিবিধি সম্পর্কে পুরোপুরি গাফিল রইল। এমন কি মদীনার মুনাফিকদের কাছে পর্যন্ত ব্যাপারটা বিশ্বাসযোগ্য হয়নি। আর এভাবেই তিনি যখন তাদের ঘাড়ের উপর গিয়ে পৌঁছলেন তখন তাদের মজবুর ও অসহায় হওয়া ছাড়া আর কোন পথ রইল না।

সার-কথা

বিগত অধ্যায়গুলোতে আ'-হযরত (সা)-এর জীবনের সেই সমস্ত দিকের উপর আলোকপাত করার চেষ্টা করা হয়েছে যার ভেতর দিয়ে তিনি প্রতিরক্ষা স্ট্রাটেজীর সর্বাপেক্ষা অভিজ্ঞ, দুনিয়ার সফলতম সিপাহসালার, অদম্য মনোবলসম্পন্ন বিজয়ী এবং সর্বোত্তম কুশলী ও ব্যাবসায়িক হিসাবে দৃষ্টিগোচর হন।

হিজরতের পর তিনি সাতাশটি যুদ্ধ করেছেন এবং জিহাদের জন্য বিভিন্ন সময়ে ৩৫টি অভিযান বিভিন্ন স্থানে পাঠিয়েছেন, আর এসবই করেছেন মাত্র দশ বছরের সংক্ষিপ্ততম সময়ে এবং এর ফল এই হয়েছে যে, বিরোধিতা ও শত্রুতার বিষয়বৎ ঝগড়া ও তুফান খতম হয়ে যায়! বিদ্রোহী ও উদ্ধত স্বভাবের লোকগুলো বিনীত ও ভদ্র হ'ল; খুন পিয়াসী ও জানের দূশমন জীবন উৎসর্গকারীতে পরিণত হ'ল। যেখানে কুফর ও শিরক-এর রাজত্ব ছিল সেখানে ইসলামের কৃজন উদ্ভিত হতে লাগল। পশুত্ব ও বর্বরতার জায়গা দখল করল যানবীর মর্যাদা ও ভদ্রতা, তাহযীব ও তমদ্দুন তথা সভ্যতা ও সংস্কৃতি স্বভাবজাত সম্পদে পরিণত হ'ল। যেখানে বিশৃঙ্খলা, বিভেদ আর অব্যবস্থাপনার রাজত্ব চলছিল সেখানে কায়েম হ'ল শৃঙ্খলা ও সুষ্ঠু ব্যবস্থাপনা। জীবনের আপদমস্তকই রহমতে পরিণত হয়ে গেল এবং আরববাসী পরিণত হ'ল দুনিয়াবাসীর হাদী ও শিক্ষকে।

অতঃপর আপনি জানেন কি যে, আ'-হযরত (স)-এর এই নজীর-বিহীন সাফলোর গতি কি ছিল? ক্রমান্বয়ে এবং ধারাবাহিকভাবে এই বিস্তৃতির অবস্থাটাই বা কি ছিল? বিজয় পরিধি কিরূপ দ্রুত গতিতে চলছিল? সকল যুদ্ধ ও অভিযানে জীবনহানির হারই বাকি ছিল? দৈনিক ২৭৪ বর্গমাইল গতিতে দশ বছর নাগাদ ধারাবাহিকভাবে এই বিস্তৃতি চলে। মুসলমানদের জীবন হানি ছিল প্রতি মাসে একটি আর দূশমনের নিদেনপক্ষে ১৫০ জন। দশ বছর যখন পূর্ণ হ'ল এবং আ'-হযরত (সা)-এর মিশন পরিপূর্ণতার স্তরে উপনীত হ'ল তখন দশ লক্ষ বর্গমাইলের অধিক এলাকা তাঁর অধীনে আর লাখে মানুষ দঢ়-চিত্তে তাঁর অনুগত ভূত্যে পরিণত। এত বড় বিজয়, এত বিরাট ও শানদার কৃতিত্ব, এত বড় বিস্তৃত সাম্রাজ্য দখল, অথচ মানুষের খুন ঝরলো এত অল্প! কোন যুদ্ধে পরাজয় নেই, কোথাও নেই পশ্চাদপদ-সরণ, কোথাও অলসতা নেই, সব জায়গায় সামনে চলা আর অগা-ভিযান; সর্বত্রই সাফল্য আর কামিয়ারী! অধিকন্তু দূশমনের মুকা-বিলায় সংখ্যা-শক্তি হামেশাই কম এবং উপকরণ ও আসবাব সর্বদাই স্বল্পতর! অতঃপর বিজয়ের নিরবচ্ছিন্ন স্রোত এখানেই থেমে যাচ্ছে না, নিঃশেষ হয়ে যাচ্ছে না কিংবা তাঁর পবিত্র জীবনের পরিধিতে সীমা-

বন্ধ হয়ে যাচ্ছে না, বরং সামনে অগ্রসর হয় এবং দুনিয়া থেকে তাঁর বিদায় নিয়ে যাবার পরও তা অব্যাহত থাকে। তাঁর জন্য জীবন উৎসর্গকারী ও তাঁর শিক্ষার আলোকপ্রাপ্ত এবং তাঁর পদাঙ্ক অনুসরণকারীর সংখ্যা দিন দিন বেড়েই চলে, এমন কি ইসলামী রাজত্ব ও শাসন ক্ষমতা এশিয়া, যুরোপ ও আফ্রিকার অনেক রাষ্ট্রে বিস্তার লাভ করে !

দুনিয়ার ভেতর এমন কোন মানুষ আর একটিও কি গুজরে গেছেন যিনি এত স্বল্পতম সময়ের মধ্যে চিরদিনের তরে স্থায়ী ও নিত্য এমন কোন সুকীতি আনজাম দিতে পেরেছেন? কোন সিপাহসালার, কোন বিজয়ী রাষ্ট্রনীতিবিদ, কোন কুশলী ব্যবস্থাপক, কোন সংস্কারক, সারা জীবনের চেষ্টা ও সাধনার ফল তাঁর দশ ভাগের এক ভাগও পেশ করতে পারেন কি?

বিজয়ী হবার, যুদ্ধ করার কৌশল ও চাতুর্যের সঙ্গে কাজ করার এবং শানদার কামিয়ারী ও সাফল্য হাসিল করে শোহরত ও খ্যাতির গগদচুসী আলো ঝলকানির বহু দৃষ্টান্ত মিলবে। ইতিহাসের পাতা তাদেরই কীর্তির বর্ণনায় ভরপুর। জাতি আজ তাদের পূজা করছে এবং তাদেরকে মহান ও সর্বশ্রেষ্ঠ হিসাবে উচ্চ কণ্ঠে ঘোষণা দিচ্ছে কিন্তু তাদের কীর্তি কাহিনীকে কি আঁ-হযরত (সা)-এর কীর্তি কাহিনীর সঙ্গে কোনও ভাবে তুলনা করা যায়? দুনিয়ার কোন নামকরা থেকে আরও নামকরা এবং মশহুর থেকে মশহুরতম জেনারেল বিজয়ী ও কুশলী ব্যবস্থাপক-এর জীবনে এই পরিমাণ সাফল্যের কোন নজীর মিলে কী যা আঁ-হযরত (সা) হাসিল করেছেন? ইতিহাসের সূঁজি কি? খ্যাতির আসমানে চাঁদ-সুরাজ হিসাবে কোন কোন ব্যক্তিত্ব প্রতিভাত? মানুষের মস্তক কাদের প্রতি ভক্তি ও শ্রদ্ধায় নুইয়ে আসে? কাদের ব্যক্তিত্বের কল্পনা তাদের বিচ্ছিন্নের সমুদ্রে নিমজ্জিত করছে? বীর্যবত্তা ও জ্ঞানবত্তার মানদণ্ড কি, মর্যাদা ও প্রভাবের সঠিক পরিমাপ কি? আপনি কোন্টাকে মন্দ বলছেন এবং ভাবছেন? কাকে অনুসরণ ও অনুকরণ করার প্রয়াস চালানো হয় এবং কাকেই বা কর্মের আদর্শ ও নমুনা বানানো হয়ে থাকে? কার বর্ণনা দৃঢ় ইচ্ছাশক্তি ও মনোবলকে সুদৃঢ়তর করে তোলে। উত্তম ও উচ্চ পর্যায় থেকে মধ্যম

ও নিম্ন শ্রেণী পর্যন্ত এবং শাসন ক্ষমতার অধিকারী থেকে শুরু করে, অসহায় ও শাসন ক্ষমতাহীন ব্যক্তি পর্যন্ত কার সামনে হাঁটু গেড়ে আদবের সঙ্গে উপবেশন করে, কার পথে চলবার জন্য কৌশল করে, কার থেকে হেদায়েত ও পথ নির্দেশনা লাভ করে থাকে? নির্বাচনের ক্ষেত্রে পার্থক্য হতে পারে, কিন্তু মানদণ্ড হতে পারে না। উদাহরণ-স্বরূপ কয়েক জন ব্যক্তিত্বের কথা এখানে তুলে ধরছি। দিগ্বিজয়ী আলেকজান্ডার, নেপোলিয়ন, হিটলার প্রমুখ। অ'পনি যদি চান তবে এর সংখ্যা আরও বাড়িয়ে নিন। পসন্দ মাস্কিক প্রোজুল থেকে প্রোজুল-তর এবং উল্লেখযোগ্য থেকে উল্লেখযোগ্যতর উদাহরণ নিয়ে নিন। কিন্তু খ্যাতি, মর্যাদা, কামিন্দারী ও সফল বিজয়ের চমকের নীচে কি আছে? ঘটনাবলী কি বলে আর ইতিহাসের সাক্ষ্যই বা কী? কাকে জীবন পথের আলোকবর্তিকা মনে করা হয়ে থাকে এবং ব্যক্তি ও জাতিগোষ্ঠী কার পেছনে চলতে কৌশল করেছে? সময় শ্রম ও পুঁজি কার অনুকরণে ব্যয় করা হচ্ছে? তাদের যারা বার্থ ও অক্ষম হয়েছে, যারা সীমাবদ্ধ রক্তের মধ্যেও জীবন্ত ও স্থায়ী কৃতিত্বপূর্ণ কর্ম আনজাম দিতে পারেনি, যারা দেশ ও জাতির ধ্বংসের কারণ হয়েছে এবং পরিণামে নিজেরাও ধ্বংস ও বরবাদ হয়ে গেছে? চিন্তা-ভাবনা ও দৃষ্টি-ভঙ্গীর এই রাস্তা দৃশ্যত নতুন ও অপরিচিত দৃষ্টিগোচর হচ্ছে। কিন্তু যদি চিন্তা ও গভীর ভাবনার সঙ্গে কাজ করা হয় তাহলে এর ভেতর কোন নতুনত্ব নেই, অপরিচয়ের নেই কোন লেশ। এর দ্বারা কাউকে কোনরূপ খোটা দেওয়া কিংবা দোষারোপ করা অথবা কাউকে হেয় করা কিংবা খাটা করা উদ্দেশ্য নয়।

যদি ঠিকানাটী খুঁজ করা কিংবা বড় কোন জয়লাভ করাটাই মর্যাদার প্রমাণ হতে পারে, জোর-স্ববরদস্তি ও বাড়াবাড়ির উপকরণ অবলম্বন করে জাতিগোষ্ঠীকে পরাভূত করাটাই যদি প্রেরণার কারণ হতে পারে এবং ক্ষমতা ও কৃতিত্বের শক্তিতে শক্তিমান হয়ে কোন মানবগোষ্ঠী থেকে ইচ্ছা ও মজি মাস্কিক কাজ আদায় করাটাই যদি কৃতিত্বপূর্ণ সাফল্য হিসাবে অভিহিত হতে পারে তবে এতে কতিপয় বিশেষ ব্যক্তিরই বা এমন কী বিশেষত্ব রয়েছে যে, তাদেরই মস্তকের উপর মর্যাদার শাহী তাজ পরিয়ে দেওয়া হবে? এবং তাদেরকেই কোন

শ্রেষ্ঠত্বের কেন্দ্র বলা হবে? আরও শত শত হাজার হাজার সমকক্ষতার দাবীদারও রয়েছে। আলেকজান্ডার প্রমুখের শ্রেষ্ঠত্বের ভেতর একজন লুন্ঠনকারী ডাকাতকে কেন শরীক করা হবে না? পার্থক্য তো শুধু সংখ্যা ও পরিমাণের, গুণ ও অবস্থার দিক দিয়ে তো উভয়েই সমান।

কিন্তু মর্যাদা ও শ্রেষ্ঠত্ব, মঙ্গল ও কল্যাণ যদি সাফল্যের পাল্লায় মাপা যায়, বিজয় ও কামিয়ার মানদণ্ডে পরীক্ষা করা হয়, প্রয়োজনীয় ব্যাপারের মূল্যায়ন সে সবার প্রভাব-প্রতিক্রিয়া থেকে নির্ধারিত হয়ে থাকে, ব্যক্তিগত ও গর্বের পরিবর্তে সাধারণের সুফল ও কল্যাণকে উপদেশ ও সঠিক কাজ মনে করা হয়, কর্মের মর্যাদাকে নিয়ন্ত্রিত ও উদ্দেশ্যের সঙ্গে সম্পৃক্ত করা হয়ে থাকে এবং উপকরণের ঘাটতি সত্ত্বেও ইচ্ছার আন্তরিকতা, উদ্দেশ্যের প্রতি একাগ্রতা ও ধ্যান কর্মপন্থার উত্তমতা ও ব্যক্তিগত গুণাবলীর মহত্ব কোন অর্থ রাখে, তবে জ্ঞান ও দূরদৃষ্টি এবং পূর্ণ আস্থা ও দৃঢ় বিশ্বাসের পরিপূর্ণ জোরের সঙ্গে বলা যায় যে, আঁ-হয়রত (সো) ভিন্ন দুনিয়ায় কোন বড়, কোন কামিয়ার, কোন প্রশংসায়োগ্য ও অনুকরণযোগ্য ব্যক্তিত্ব হয়নি।

নিঃসন্দেহে সীমাবদ্ধ গুণীর মধ্যে ব্যক্তিগত কৃতিত্ব ও মহত্বের কথা আবিষ্কার করা যায় না এবং এটা জিন্দেগীর বিভিন্ন শাখায় হামেশা নৈতিক চরিত্র ও কর্মের বৈশিষ্ট্যপূর্ণ গুণাবলী হিসাবে অভিহিত হয়ে আসছে। আর এ সবার ভেতরই পূর্ব বণিত ব্যক্তিবর্গের মর্যাদাপূর্ণ ও উল্লেখযোগ্য দিকগুলোকেও शामिल করা যেতে পারে। কিন্তু এর অর্থ এই নয় যে, তারা সাধারণ মর্যাদা ও শ্রেষ্ঠত্বের পাছো পরিণত হয়ে গেছে এবং সূর্য কণিকাসম হয়ে গেছে। এমনটি ভেবে বসা শুধু জ্ঞান ও বুদ্ধিমত্তার অবমাননা এবং নিজের আত্মা (নফস)-কে ধোকা দেওয়াই নয়, বরং প্রকৃত বাস্তবতা থেকে মুখ ফিরিয়ে গোমরাহী খরিদ করারই নামান্তর মাত্র।

যা-ই হোক, রসুল আকরাম (সো)-এর নুবুওত প্রাপ্তির প্রথম দিকের সমস্যাগুলো দেখুন। বিরোধিতা, শঙ্কুতা, গোমরাহী তথা স্বথভ্রষ্টতা, বক্রবুদ্ধি এবং প্রাণ্ড নির্দশনগুলো সামনে রাখুন। ব্যক্তিগত

ও সামাজিক জীবনের বদ আচরণ, বদ প্রতিশ্রুতি, অধর্ম ও অবিশ্বাস-সমূহ স্মরণ করুন। অতঃপর বস্তুগত উপায় ও উপকরণের শূন্যতা ও ঐশ্বর্যহীনতার কল্পনা করুন। একদিকে জুলুম, অত্যাচার ও বাড়াবাড়ি, নির্মমতা, হিংসা-বিদ্বেষ, মুর্খতা ও দৃষ্টিশূন্যতা, আর অপর দিকে একাকিত্ব ও সাজ-সরঞ্জামহীন হওয়া সত্ত্বেও সুদৃঢ় ইচ্ছা-শক্তি ও স্বৈর্য, সংযম ও আত্মবিশ্বাস, ধৈর্য ও দৃঢ়তা। মুকাবিলা হচ্ছে কতিপয় ব্যক্তির সঙ্গে নয় বরং পুরো কওমের সঙ্গে, শুধু অনাওয়াল-বেগানার সঙ্গে নয়, আওয়াল এগানার সঙ্গেও। আর এসব কেন হচ্ছে? শতাব্দীকালের 'আকীদা-বিশ্বাস, ধ্যান-ধারণা, আচার-অভ্যাস, শত বছরের রসম-রেওয়াজ তথা প্রথা-পদ্ধতি, মোটকথা, শতাব্দী কালের ছাঁচে ঢালা জীবনের পুরোটাই মিটিয়ে দেওয়ার জন্য যা প্রকাশ্যভাবে ও প্রচ্ছন্নভাবেও, আকৃতিগত ও বস্তুগতভাবেও এবং আধ্যাত্মিকভাবেও আর তা হবে অটুট মনোবল ও দৃঢ় বিশ্বাসের সমগ্র শক্তির সঙ্গে। এ ব্যাপারে কোন সমঝোতা হতে পারে না, কোন রেয়াতও করা যেতে পারে না, কোন লোভ-লালসার ঠাঁই এর মাঝে নেই; কোনরূপ কণ্ট-কাস্তিন্য এই পথে অন্তরায় হতে পারে না।

অতঃপর ধৈর্য ও সহ্য যখন একটা সীমায় পৌঁছে যায় তখন তিনি তাঁর কর্ম-পদ্ধতি বদলান; প্রতিরক্ষা পরিকল্পনা প্রণয়ন করেন এবং সেটাকে কার্যকর করবার জন্য মস্কা থেকে হিজরত করে মদীনায় তশরীফ রাখেন। যে উদ্দেশ্যকে সামনে রেখে তিনি মস্কায় কন্টাকা-কীর্ণ জুলুম নির্মাতন সয়েছিলেন, এখন সেজন্যেই প্রতিরক্ষা স্ট্রাটেজী ও সামরিক কৌশল ইখতিয়ার করেন এবং তাও আবার এমন অবস্থায় যখন তাঁর নিকট টাকা-কড়ি বিত্ত-সম্পদ লোক-লশ্কার কিছুই নেই। রাষ্ট্র ক্ষমতা কিংবা কোন বস্তুগত উপকরণ তাঁর হাতে ছিল না। মস্কা থেকে শূন্য হাতে একজন জীবন উৎসর্গকারী বন্ধু সঙ্গে নিয়ে রওয়ানা হচ্ছেন। দূশমন তাঁর পশ্চাদ্ধাবন করছে আর উদ্ভাবন করছে — কিভাবে তার জীবন নেওয়া যায়। তাঁর মস্তিষ্কে কিন্তু তখনো প্রতিরক্ষা পরিকল্পনা কাজ করে চলেছে। ভয় নেই, ভীতি নেই, কোনরূপ দ্বিধা-দ্বন্দ্বও নেই; পেরেশানী যেমন নেই, তেমনি নেই হতাশার নিকম কালো অন্ধকার, সাধারণ পরিভাষায় তাকে হিজরত বা দেশত্যাগ

করে দেশান্তর গমন বলা হয়। এর দ্বারা মজবুরী ও অসহায় অবস্থার কল্পনা স্বভাবতই মনের পর্দায় ভেসে ওঠে, যাকে বিরুদ্ধবাদীরা flight বা পলায়ন নাম দিয়েছে। কিন্তু বাস্তবে এটা শুধু আবাসভূমি ও কর্মপস্থার পরিবর্তন। আর তার শুরু ছিল অপরিসীম, যার জন্য আমাদের পূর্বপুরুষগণ এ থেকে ইসলামী বর্ষপঞ্জী শুরু করেছেন। অন্যথায় মুসলমানদের মত অদম্য ইচ্ছাশক্তি ও সচেতন জাতি তো দুরের কথা—কোন দুর্বল থেকে দুর্বলতর মনোবলসম্পন্ন জাতিও কখনো পরাজয় ও পলায়নের কোন ঘটনাকে স্মরণীয় স্মৃতি বানায় না। মানবীয় ফিতরত বা প্রকৃতিতে শুরু থেকে এ জাতীয় কল্পনার কোন স্থান নেই।

এখন সেই সমস্ত লোক দেখুন যাদের মস্তকে গৌরব মুকুট রাখা হয়েছে এবং বার্থ ও অক্ষম প্রতিপন্ন হওয়া সত্ত্বেও যাদেরকে গৌরব ও শ্রেষ্ঠত্বের প্রতীক মনে করা হয়। আলেকজান্ডারকেই নিন না কেন! তাঁর কৃতিত্ব তো এতটুকু যে, তিনি মেসিডোনিয়া থেকে উঠে ভারতবর্ষ পর্যন্ত অনেক রাষ্ট্র ধ্বংস ও বরবাদ করে সেগুলো জয় করেছিলেন এবং নিজের সামরিক শক্তির অজেয় প্রভাব বিস্তার করে এক প্রান্ত থেকে অপর প্রান্ত পর্যন্ত বিভিন্ন জাতিগোষ্ঠীকে পরাধীন ও গোলাম বানিয়ে উল্কার মত ছুটে চলেন। কিন্তু স্মরণ রাখবেন, তিনি তাঁর পিতা সম্রাট ফিলিপের পুত্র ছিলেন এবং স্বীয় ভূ-খণ্ডের অধীশ্বর ছিলেন। সরকার, দেশের রাজভাণ্ডার, সমর ও মারণাস্ত্রের দরকারী উপকরণ ও বিরাট ফৌজের মালিক ছিলেন। তিনি বিশাল বাহিনী নিয়ে রওয়ানা হন এবং অদম্য ইচ্ছাশক্তি ও মনোবল, শ্রেষ্ঠত্বের শক্তির ভিত্তিতে একের পর এক দেশ পরাভূত ও করতলগত করে চলেন। কিন্তু প্রকৃত মর্যাদা, সচেতনতা ও দূরদর্শিতার অবস্থাটা কি ছিল? তা তো এই ছিল যে, পাজাব পৌছে ফৌজ তাঁর সঙ্গে চলতে অস্বীকার করে বসে। অনন্তর পশ্চাতে ফেরা ব্যতিরেকে আর কোন গত্যন্তর রইল না। এর পর মৃত্যুর পয়গাম মখন তাঁর শিয়ারে পৌঁছুলো তখন সালতানাতের ও শাসন ক্ষমতার ভিত্তি মূল ছিলভিন্ন হয়ে গেল। না থাকলো তার বিস্তৃতি, না থাকলো সে শক্তি-সামর্থ্য। গোটা বিজয়টাই হাঁসের পালকঝরা পানির মত খসে পড়ল।


নেপোলিয়নকে সামরিক যোগ্যতা এবং বিজয়ের বিস্তৃতির দিক দিয়ে একক মনে করা হয়ে থাকে। এ ব্যাপারে কোন সন্দেহের অবকাশ নেই যে, সিপাহসালার হিসাবে কোন এক যুগে তিনি একজন যোগ্যতম জেনারেল ছিলেন। ঘটনাবলী ও অবস্থাসমূহের উপর তাঁর দৃষ্টি ছিল সঠিক ও নিৰ্ভুল। কার্যকর প্রতিভা এবং উন্নত শ্রেণীর চিন্তাশক্তির অধিকারী ছিলেন তিনি। অত্যন্ত সতর্ক, চতুর, দৃঢ়চেতা ও সুযোগ সন্ধানী ছিলেন। সাহসিকতা ও বাহাদুরীর গুণাবলীতে তিনি ছিলেন গুণান্বিত এবং এসব গুণাবলীই মিলিতভাবে তাঁকে বড় জেনারেল, দৃঢ় মনোবলসম্পন্ন বিজয়ী এবং প্রতিরক্ষাবিশারদে পরিণত করেছিল। কিন্তু এটা শুধু ব্যক্তিগত শ্রেষ্ঠত্ব ও গৌরব এবং তাঁর আজিমুশ্বান সিপাহসালার হওয়ার সহায়ক হয়েছিল। অতঃপর একের পর এক যখন বিজয় ও সফলতার পদচুম্বন করতে শুরু করল, অমনি গর্ব ও অহমিকার শিকার হলেন তিনি। তাঁর চিন্তা ও কল্পনাশক্তি আত্মপ্রত্যারণার উপকরণে পরিণত হ'ল। ফের'আওনী ভাবধারা, বোধশক্তি, সমুচ্চ শক্তি ও সূক্ষ্মদর্শিতা তাঁর উপর প্রভাব জমিয়ে বসল। তিনি কোন কিছুকেই তার কর্মক্ষমতা ও দক্ষতার বাইরে মনে করতেন না। ঘটনাবলীকে তিনি তাঁর ইচ্ছা মারফিক দেখতে চাইতেন। আর যদি অভিপ্রায় মারফিক না হ'ত তাহ'লে তিনি তার অস্তিত্বই অস্বীকার করে বসতেন। তিনি ছিলেন তাঁর যমানার পরিবেশের সৃষ্টি। যে সময় তিনি জন্মেছিলেন সে সময় তাঁর জন্ম হওয়া অপরিহার্য ছিল। ফ্রান্সের ইতিহাস তার সাক্ষী। কিন্তু তিনি যখন নেপোলিয়ন হয়েছেন তখন তিনি উদ্ধত, দান্তিক, দুবিনীত, অত্যাচারী ও নৃশংস ও আবেগপ্রবণ শাহানগাহে পরিণত হয়েছেন। জোর-যবরদস্তি, দান্তিকতা ও অহংকার তাঁর বৈশিষ্ট্যে পরিণত হয়েছিল। আর তাঁর যখন পতন দেখা দিল তখন সঙ্গে সঙ্গে তাঁর সাম্রাজ্য ফ্রান্সেরও পতন এসে দেখা দিল। তাঁর কামিয়াবী ও সফলতার বিজয় এবং সামরিক নৈপুণ্য ও দক্ষতা শুধুই ব্যক্তিগত তরফী, ব্যক্তিগত খ্যাতির কারণ ঘটল, আর তাও একটি সীমা, একটি সময়সীমা পর্যন্ত। এরপর পতন, ব্যর্থতা, পরাজয়, বন্দী জীবন, হতাশা ও দুঃখজনক মৃত্যু!

এখন হিটলারকে দেখুন ! তিনিও তাঁর পরিবেশেরই সৃষ্টি ছিলেন । জার্মান ফৌজ ও জার্মান জনসাধারণ প্রথম মহাযুদ্ধের পরাজয় এবং মিত্র বাহিনীর শক্তি প্রয়োগ ও জোর-শব্দরদস্তির ফলে জ্বলে ও পুড়ে ভস্মীভূত হয়েছিল । জনসাধারণ ফরাসীদের জোর-শব্দরদস্তির মজা আগেই চেখেছিল ; ফৌজ—যারা যুদ্ধের ময়দানে খ্যাতি ও গৌহরত্ব হাসিল করেছিল ; ১৯১৮ ঈসাব্দীতে সন্ধি চুক্তির সময় থেকে যখন ফ্রান্সের প্রায় এক-তৃতীয়াংশের উপর কবজা জমিয়ে বসে ছিল এবং 'প্রতিশোধ ! প্রতিশোধ !' চীৎকার করতেন, জার্মান জেনারেল ১৯১৮ ঈসাব্দী থেকেই গোপন সমর প্রস্তুতিতেই লিপ্ত ছিল । ঠিক এ যেন হিটলার লোকচক্ষুর সামনে এসে আবির্ভূত হবার আগে থেকেই পুঁজি বেশ যথেষ্ট পরিমাণেই তৈরী হয়েছিল । দেশে অভিজ্ঞ সিপাহী, নিপুণ সিপাহসালার সমর ও মারণাস্ত্রের উপায়-উপকরণ তথা সাজ-সরঞ্জাম মোট কথা, যুদ্ধের পরিপূর্ণ ও বিন্যস্ত মেশিন মওজুদ ছিল । আর এই মেশিন শুধু মওজুদই ছিল না বরং জাতির আর্থিক, বাণিজ্যিক ও শিল্পের অবস্থাও ছিল বেশ এবং সামগ্রিক উপকরণ যথেষ্টই বিদ্যমান ছিল । কেবল মেশিনটাকে একটু সক্রিয় করে তোলাই বাকী ছিল । আর এই কাজটা নিঃসন্দেহে হিটলার নিজ দায়িত্বে কাঁধে তুলে নিয়েছিলেন । তিনি তাঁর পরিকল্পনা তৈরী করেন এবং সমগ্র উপকরণ দ্বারা কাজ নিয়ে তার উপর আমল করেছিলেন । কিন্তু পরিণতির ভাল দিকটা থেকে তিনি বঞ্চিত থাকেন এবং ব্যর্থ ও নিরাশ হয়ে আত্মহত্যা করে দুনিয়া থেকে বিদায় নেন ।

এরূপ পরিষ্কার-বিশ্লেষণের পর এটা আর বলার দরকার পড়ে না যে, আলেকজান্ডার, নেপোলিয়ন ও হিটলারের সঙ্গে ছিল তাঁদের দেশ । তাঁদের ব্যক্তিগত উত্থানে তাঁদের দেশবাসীর আসবাব উপকরণ এবং সরকারের শক্তির বিরাট অংশ ছিল । মেন্ডেলিভোনিয়া-বাসী বিশ্ববিজয়ী হতে চাইত । অতএব তারা আলেকজান্ডারের মত দৃঢ় মনোবলসম্পন্ন নেতার নেতৃত্বাধীনে উঠে দাঁড়ায় । ফরাসীরা খ্যাতি অর্জন ও বিজয়মগ্নিত হবার আকাঙ্ক্ষী ছিল এবং সে সব জাতিগোষ্ঠী থেকে প্রতিশোধ গ্রহণ করতে চাইত যারা তাদেরকে আর্থিক ও সামাজিক নীচতার মাঝে মিল্কেপ করেছিল । অতএব নেপোলিয়ন

যখন সমরনামক হিসাবে তাদেরকে মর্যাদা ও ক্ষমতার নিশ্চিত আশ্বাস দিলেন তখন তারা তার পিছনে গিয়ে দাঁড়াল। এভাবেই হিটলারের পেছনে ছিল তাঁর গোটা জাতি এবং জাতির সমগ্র উপায়-উপকরণ। অ্যা-হযরত (সা)-এর সঙ্গে ছিল কারা? তাঁর উপায়-উপকরণ, ইখতিয়ার ও ক্ষমতার অবস্থা কি ছিল? তা তো এই ছিল যে, তিনি যখন সার্বক্ষণিক বিপ্লব অভিযানের উদ্বোধন করলেন এবং তাবলীগ, তালকীন ও দীক্ষার মুকাবিলায় কাফির ও মূশরিকদের জুলুম ও বাড়াবাড়িতে মজবুর হয়ে প্রতিরক্ষা পরিকল্পনা তৈরী করলেন তখন কাফিরদের প্রত্যেকটি শিশু তাঁর বিরোধী, ছোট-বড় সবাই দুশমন। না আছে কোন ওসীলা আর না আছে কোন আশ্রয় কিংবা অভিভাবক, একেবারে শূন্য হস্ত ও নিরাস্রয়। খেয়ে না খেয়ে থাকা আর সাজ-সরঞ্জামহীনতার কণ্ঠ। কিন্তু তথাপিও তাঁর চিন্তা-ভাবনা ও দৃষ্টি-ভঙ্গী, হিশমত ও মনোবল সর্বদাই বলুন্দ ছিল। মক্কাবাসীরা তাঁর জীবনকে সংকীর্ণ করে ফেলেছিল, কণ্ঠের পর কণ্ঠ দিয়ে তাঁর জীবনকে দুর্বিসহ করে তুলেছিল, এমন কি তাঁর জীবন নেবার জন্যও ছিল তারা বদ্ধপরিকর। বাধ্য হয়ে তিনি মক্কা পরিত্যাগ করে য়াহরীব বা মদীনাতে স্থায়ী আবাসে পরিণত করেন। আর তা এজন্য করেন, যে কাজ মক্কা থেকে হতে পারছে না তা সেখান থেকে পূরণ করা হবে এবং পূরণ করাই হবে না শুধু বরং মক্কাবাসীদের পরাজিত এবং মক্কাকে শির্ক ও বৃতপরস্তীর নাপাকী থেকে পাক করে ইসলামের স্বামী মারকাম বা ভূ-কেন্দ্র বানানো হবে।

এখন প্রতিরক্ষা পরিকল্পনার প্রথম থেকে শেষ পর্যন্ত প্রতিটি অংশ এবং প্রতিটি দিকের উপর গভীরভাবে চিন্তা করুন। প্রথমে য়াহরীবকে নির্বাচনের ব্যাপারে দৃষ্টিপাত করুন। য়াহরীব হেজাজের কেন্দ্র স্থান। আবহাওয়া ও উৎপাদন সর্বোত্তম। পানি প্রচুর পরিমাণে মেলে। পাহাড় দিয়ে ঘেরা এবং নিরাপদও বটে। এর প্রতিরক্ষা গুরুত্বকে অনুধাবন করার জন্য এখান থেকে মক্কা পর্যন্ত অর্ধেক ব্যাসের বৃত্ত টানুন এবং দেখুন, এর ভেতর প্রতিরক্ষামূলক কর্মকাণ্ডের গুরুত্ব কতখানি স্থান পেতে পারে। কোন যোগ্য ও শ্রেষ্ঠতর স্লিপ হুসালার যদি তাকে প্রতিরক্ষা হেড কোয়ার্টার বানিয়ে উচ্চ স্তরের



পরিকল্পনাকে বাস্তবায়িত ও কার্যকরী করে বা করতে চান তাহলে তিনি কতখানি কামিলাব হতে পারেন এবং বিরুদ্ধ পক্ষের সম্মিলিত শক্তির মুকাবিলায় তার পজিশন কতখানি উত্তম ও শ্রেষ্ঠ হতে পারে। প্রতিরক্ষা স্ট্রাটেজীতে এটি একটি সর্বপেক্ষা গুরুত্বপূর্ণ চাল যাকে নেপোলিয়নের ভাষায়—অভ্যন্তরীণ মোর্চা বা interior lines বলা হয়।

এই রুত্তের ভেতরে এবং তার আশেপাশে বিভিন্ন আরব কবিলা রয়েছে যারা নিজেদের পথ ও পদ্ধতির তথ্য চলন-বলনের মালিক ও মুখতার। তিনি যখন মদীনায় তশরীফ নিচ্ছেন তখন মদীনা শহর ছিল না, এটা ছিল একটি জনপদ এবং পরস্পর শত্রুভাবাপন্ন ও পরস্পর সংঘর্ষমুখর কবিলার বাসভূমি। শাসন-শৃংখলা ও ঐক্য ছিল দুঃপ্রাপ্য। তাদের মধ্যে খান্দানী মতভেদ যেমন ছিল, তেমনি ছিল সামাজিক বিভেদও, ধর্মীয় বিভেদ যেমন ছিল তেমনি ছিল দৃষ্টিভঙ্গিগত পার্থক্যও, জীবিকা-সংক্রান্ত যেমন, তেমনি অর্থনৈতিকও। তিনি তশরীফ

নিতেই সমস্ত ঝগড়া-বিবাদ মিটিয়ে ফেলছেন। শত্রুতা ও বিদ্বেষের জায়গায় স্নেহ-মমতা ও আন্তরিকতা, বিহীনতার স্থানে একতা কামেম করেন এবং ফেতনা-ফাসাদের লীলাভূমি য়াহরিব মদীনাভূমি (সী)-তে পরিণত হয়। তার চতুঃসীমা হারাম (পবিত্র ভূমি) হিসাবে অভিহিত হয়, শহরবাসীদের অধিকার, দাখিল ও কর্তব্য নির্ধারিত হয়। পুরো নাগরিক জীবন একটি মর্যাদাপূর্ণ ছাঁচে ঢালাই হয় আর এই সংক্ষিপ্ত নগর-রাষ্ট্র (রিয়াসত) ইসলাম ও মুসলমানদের পানাহ্‌গাহ ও আশ্রয়স্থলে পরিণত হয়। এরপর আঁ-হযরত (সী) তাকে প্রতিরক্ষা পরিকল্পনার পরিপূর্ণতার কেন্দ্রে পরিণত করেন। স্বেচ্ছাসেবী ফৌজ তৈরী হয়। এমন সব স্বেচ্ছাসেবী যাদের না বেতন মিলে, না রেশন কিংবা কাপড়, না হাতিয়ার কিংবা সওয়ারীই মিলে থাকে। তাদের জন্য না আছে কোন মাধ্যম, আর না আছে বহনকারী কিছু। কিন্তু শাসন শৃংখলা, আনুগত্য তথা ফরমা-বরদারী ও জীবন উৎসর্গের বেলায় এদের কোন নজীর নেই। কোন জোর-ম্বরদস্তি নেই, নেই কোন শক্তি প্রয়োগ, বলপূর্বক কোন নির্দেশ নেই, নেই কর্তৃত্বমূলক স্বেচ্ছাচারিতা কিংবা নেই কোন লোভ-লালসা প্রদর্শন। আছে বটে, তবে তা একটি নৈতিক বিধান কিংবা তাঁর ব্যক্তিত্বের যাদুকরী ও চুম্বক শক্তি, কিন্তু কালকের বন্য কিংবা অর্ধ-বন্য আজ সবচেয়ে সভ্য মানুষে পরিণত হয়েছে। একদিকে তাঁর হাত ও বাজু, সঙ্গী-বন্ধু জীবন উৎসর্গকারী ও বিশ্বস্ত জন, আর অপরদিকে পারস্পরিক সম্পর্ক, ইখলাস ও ভ্রাতৃত্বের বন্ধনে আবদ্ধ ও সংঘবদ্ধ, উচ্চতম পর্যায়ের উৎসর্গীত ও দয়াদ্রুচিত, ফরমা-বরদার ও অনুগত, সাহসী ও কণ্টসহিষ্ণু, চতুর ও দৃঢ়চেতা, ধৈর্যশীল ও অল্পে তুষ্ট, ঈমানদার ও স্পষ্টভাষী অর্থাৎ জীবনের সোজা সরল পথে চলতে উৎসাহী পথিক, বাস্তববাদী, উত্তম ও অধম তথা ভাল ও মন্দ সম্পর্কে সজাগ ও অবগত এবং নেক ও বদ-এর মধ্যে পার্থক্য নিরূপণ-কারী আর এ সবই আঁ-হযরত (সী)-এর শিক্ষা ও প্রশিক্ষণের ফলশ্রুতি, ফলশ্রুতি তাঁর চরিত্র ও কর্মের। তিনি শহরের শাসক, আবার কবিজার মিলন ও ঐক্যসূত্রও, আবার ফৌজের সিপাহসালারও তিনিই, এক-দিকে শহরের আইন-শৃংখলাও রক্ষা করছেন, আর পার্শ্ববর্তী কবিনা-

শত্রুর সঙ্গে বন্ধুত্বপূর্ণ সম্পর্কও কামেম করছেন। অন্যদিকে প্রতিরক্ষা পরিকল্পনার পরিপূর্ণতার জন্য ফৌজের প্রশিক্ষণ ও পরিচালনাও করছেন এবং এভাবে করছেন যে, তাদের পরিশ্রম ও দৃঢ় মনোবলের সামনে রাস্তার প্রাচীর ও দুর্গমতা সম্পূর্ণ অর্থহীন। প্রতিটি রাস্তা—এবং প্রতিটি গতিবিধি তরলীদের সংকীর্ণ পথ থেকে পৃথক, কিন্তু মনষিলে ষড়সুদের নিকটবর্তী, বরং অধিকতর নিকটবর্তী এবং ভবিষ্যৎদৃষ্টি ও সুস্পন্দিতার অলৌকিক ফলশ্রুতিতে সুস্পষ্ট।

যেখানে অন্যদের ধারণা ও কল্পনার অতিক্রমণদুরূহ সেখানে মুসলিম বাহিনী বিদ্যুতগতিতে দুরত্ব অতিক্রম করেছে। দুশমন হতবুদ্ধি ও দ্বিধাগ্রস্ত হয়ে পড়ছে। তারা আঁ-হযরত (সা)-এর নিকট রাস্তার নিরাপত্তার পরিচয়পত্র নেওয়ার লজ্জাকে বরদাশত করতে পারছে না এবং তেজারতী কাফেলার লোকসানও সহ্য করতে পারছে না। অতএব তারা রাস্তা বদল করে। কিন্তু তাদের আঁ-হযরত (সা) ও তাঁর জীবন উৎসর্গকারী ভক্তদের সহক্রে ভয় এরপরও কাটে না, বিশেষ করে এই কারণে যে, আঁ-হযরত (সা)-এর প্রেরিত বাহিনী মক্কার বিলকুল নিকটবর্তী স্থানে শত্রুর তেজারতী কাফেলার সঙ্গে সংঘর্ষে লিপ্ত হয়েছে। আঁ-হযরত (সা) বিভিন্ন স্থানে বিভিন্ন সাহাবার সমবায়ে গঠিত বাহিনী গোপন অভিযানে প্রেরণ করতেন এবং সবগুলোই সাফল্যের বার্তা বহন করে নিয়ে আসতো। এলাকার প্রাকৃতিক ও স্থানীয় অবস্থা তার মিশনের ক্ষেত্রে আদৌ কোন প্রতিবন্ধকতার সৃষ্টি করতো না। দীর্ঘপথ কিংবা সাজ-সরজামের অভাব এই অভিযানে এতটুকু বাধা হ'ত না। শত্রুর গুপ্তচরকে শেষ করা কিংবা তাদের কোন তেজারতী কাফেলাকে বাধা দিতে চাইলে কতিপয় ব্যক্তি রাতের আঁধারে শত শত মাইল সফর করে যাবে এবং নবী করীম (সা)-এর ফরমানের এক একটি শব্দের উপর 'আমল করে পুনরায় ফিরে আসবে।

দু'বছর আপেকার তুলনায় এখন অবস্থা একেবারে বদলে গেছে। ক্বাফির ও মশরিক শক্ত রকমের পেরেশান। কোথায় গর্ব ও অহমিকা আর কোথায় বা জুলুমের স্তুতি, শক্তির মহড়া ও মদমত্ততা, ঐশ্বর্যের নেশায় চুর! কোথায় বাগিচা বাঁচানোর চিন্তা, জীবিকার উপায়-উপকরণ

শতম হয়ে যাবার ভয় আর আ-হযরত (সা) দ্বারা মার ষাওয়ার আশংকা ! অতএব তারা সমর পরিকল্পনা প্রণয়ন করে এবং মদীনার উপর হামলা করে ইসলামের আহ্বানক ও তাঁর অনুসারীদেরকে শতম করে দেবার প্রস্তুতি গ্রহণ করে ।

কুরান্নশদের প্রস্তুতির ভিত্তি ও মেরুদণ্ড টাকা-পয়সা ও বিত্ত-সম্পদের প্রাচুর্য, লোক সংখ্যার আধিক্য, জুলুম ও বিদ্রোহ এবং গোমরাহীর অস্ত্র ; আর এদিকে শুধুমাত্র প্রতিরক্ষামূলক প্রশিক্ষণ যার ভেতর অনাড়ম্বরতা, মেহনত, আন্তরিকতা, আল্লাহর প্রতি নিবেদিতপ্রাণ, একমাত্র আল্লাহর জন্যই সব কিছু করার প্রবণতা, উত্তম পরিণতির আকাঙ্ক্ষা ও গতিশীল ভিত্তি । আ-হযরত (সা)-এর হেদায়েত : যুদ্ধে আগেই পা বাড়িও না, কাউকে তকলীফ দিও না । অতএব তারা অনাহারে থাকে, পিপাসার্ত থাকে, কষ্টের ভার বহন করে, কিন্তু তবু কারো প্রতি জুলুম করে না । অন্যায়ভাবে কাউকে আঘাত করে না, আবার কারুর ধন-সম্পদ ছিনতাইও করে না ।

বদর

কুরান্নশদের অবরোধ, মক্কার একেবারে পাশে মক্কার কাফেলা লুট হয়ে যাওয়া এবং কাফেলার সর্দার মারা যাওয়ায় মুসলমানদের ভয় তাদেরকে এতখানি পেয়ে বসে যে, মক্কার তাহাম কাফির কুরান্নশদের সঙ্গে মিলিত হয়ে সামরিক পরিকল্পনাসমূহ পূর্ণতা সাধনে লিপ্ত হয়ে পড়ে এবং যখন সিরিয়া থেকে সেই তেজারতী কাফেলার প্রত্যাবর্তনের সময় ঘনিষ্ঠে আসে, যার সর্দার ছিল আবু সুফিয়ান—তখন তাদের পেরেশানী দ্বিগুণ-ত্রিগুণ বৃদ্ধি পায় । আবু সুফিয়ান কাফেলার হেফাজতের নিমিত্তে কুরান্নশদের সাহায্যপ্রার্থী হয় যার কারণে মক্কার সর্দার আবু জেহেলের অধিনায়কত্বে এক হাজারের অধিক ফৌজ এবং কিছু কবিলাকে সাহায্যকারী বাহিনী হিসাবে নিয়ে রওয়ানা হয় । আ-হযরত (সা)-এর গুপ্তচর শত্রুর সমস্ত প্রস্তুতি এবং গোটা পরিকল্পনা সম্পর্কে তাঁকে অবহিত রাখতো । তিনি আবু সুফিয়ানের তেজারতী কাফেলা অতিক্রম করে যাবার পূর্বেই সৈন্য-সামন্তসহ বেগিয়ে পড়েন ।

কিন্তু মনষিলে মকসুদ (গন্তব্যস্থল) সম্পর্কে কোন কিছু প্রকাশে বিরত থাকেন। গতিবিধি সম্পর্কে যতদূর সতর্কতা ও সাবধানতা অবলম্বনের দরকার ছিল তা তিনি করেন। রাতের বেলায় সফর করেন এবং এমন পথ ধরেন, যে পথ ধরা সম্পর্কে কারও মনে কোনরূপ কল্পনাও উদয় হতে পারে না। এ পথ ছিল অত্যন্ত দুরতিক্রম্য ও জটিল। উটের গলার ঘণ্টা তিনি নামিয়ে ফেলেন যার ফলে লোকের ধারণা হয় যে, সম্ভবত আবু সুফিয়ানের কাফেলার সঙ্গে সংঘর্ষ বাঁধবে। কিন্তু বদর প্রান্তরে পৌঁছে ঘাওয়া সত্ত্বেও তিনি তাদের সঙ্গে সংঘর্ষে যাননি। মক্কার কুরায়শদের সাহায্য পৌঁছুবার পূর্বেই সে রাস্তা বদল করে কেটে পড়ে এবং যখন বিপদসীমার বাইরে গিয়ে পড়ে তখন কুরায়শদের নিকট পয়গাম পাঠাচ্ছে যে, এখন আর ফৌজী সাহায্যের দরকার নেই, কাফেলা বিপদসীমা পেরিয়ে এসেছে এবং মক্কার দিকে অগ্রসর হচ্ছে। এর মধ্যে কুরায়শ বাহিনী বদরের নিকটবর্তী হচ্ছে। অ'ই-হযরত (সা) তাদের সংখ্যা, তাদের সাজ-সরঞ্জাম এবং অবস্থানের সুযোগ যথাযথভাবে জেনে যাচ্ছেন। অতঃপর এও জানছেন যে, কিছু কবিলা যারা তেজারতী কাফেলার হেফাজতের ধারণায় কুরায়শদের সাহায্যার্থে এসেছিল, কাফেলা ভালভাবে ফিরে আসবার পর তারা নিজ নিজ এলাকায় রওমানা হয়ে গেছে। দুশমনের রসদ-খোরাক এবং পানির তেমন শুল্কিশুল্ক কোন ইস্তেজাম ছিল না। আবু জেহেল ছিল লড়াইয়ের ব্যাপারে সংকল্পবদ্ধ। এখন এই সিদ্ধান্ত নিচ্ছে যে, বদরের মেলায় মজা লুটা যাক এবং কিছুদিন অবস্থান করার পর ফিরে যাবার অভিপ্রায় গ্রহণ করা হোক। অ'ই-হযরত (সা)-এর প্রতিরক্ষা স্ট্রাটেজী এবং সামরিক চাল ও কটু-কৌশলের কোন কিছুই তার জানা নেই। সে অ'ই-হযরত (সা)-এর প্রতিরক্ষা জালে আটকা পড়ে। এরপর এমন স্থানে পৌঁছে যেখানে শুক জলাভূমি এবং প্রচণ্ড গরমের কারণে প্রতিটি প্রাণীর অবস্থা খারাপ। অ'ই-হযরত (সা) পানি সরবরাহ বন্ধ করে দেন। এভাবে কুরায়শ বাহিনীকে অ'ই-হযরত (সা)-এর নির্বাচিত ময়দানে তাঁর সূচিক্তিত ও পরিকল্পিত যুদ্ধের নকশা মূতাবিক যুদ্ধ করতে হয় এবং এভাবে তিন শত তেরো জন লোকের মুকাবিলায় এক হাজার সৈন্যের বাহিনী

পরাজিত হয়ে পালিয়ে যায়। কুরায়শ সদাঁররা মনে করেছিল যে, বদর প্রান্তরের তিন দিকে বালুকাময় জলাভূমি বিধায় সেদিক থেকে হামলা হতে পারে না। তাদের অস্বারোহী বাহিনী ছিল বিলকুল বেকার। এর বিপরীতে অ'ই-হযরত (সা) যে জায়গায় মোর্চাবন্দী করেছিলেন তার পিছনে ছিল পাহাড়। কিন্তু তারা নিজেদের পদাতিক ফৌজের ব্যাপারে গবিত ছিল। তারা ভেবেছিল যে, মুসলমানদের নিমূল করা অত্যন্ত মা'মুনী ব্যাপার, বিজয় নিশ্চিতভাবে তাদেরই প্রাপ্য। এজন্য যুদ্ধক্ষেত্রের স্থানীয় অবস্থা যদি অনুপযোগী হয়, পানি হয় বন্ধ এবং অ'ই-হযরত (সা)-এর মোর্চা উত্তম স্থানেও হয় তবুও কোন ক্ষতি নেই, মুসলমানেরা নিমূল হতেই গোটা অবস্থা আমাদের অনুকূলে এসে যাবে। কিন্তু তাদের এ আশা দুরাশা ও ভ্রান্তপ্রমাণিত হয়। মক্কীয় অস্বারোহী বাহিনী পানির জন্য অগ্রসর হচ্ছে আর অমনি মুসলিম তীরন্দাষগণের তীরের লক্ষ্যে পরিণত হচ্ছে। এরপর ফিরে যাচ্ছে, দ্বন্দ্ব যুদ্ধ আহ্বান করা হচ্ছে; হাতাহাতি মুকাবিলায় পরিণতিতে এসে দাঁড়াচ্ছে। যখন এক্ষেত্রেও তাদের পরাজয় ঘটছে এবং হযরত 'আলী ও হযরত হামযা (রা) কয়েকজন নাম করা কুরায়শকে মৃত্যুর ঘাটে পৌঁছে দিলেন তখন তারা একেবারে ব্যাপকভাবে পাইকারী আক্রমণ শুরু করে এবং যুদ্ধের সকল নিয়মনীতি চুলোয় পাঠিয়ে দিয়ে স্বয়ং নিজেদের ধ্বংস নিজেরাই ডেকে আনে। কেননা অ'ই-হযরত (সা) এমন মোর্চার উপর আছেন যার সামনে বালুকাময় জলাভূমি। প্রচণ্ড গরম ও প্রবল পিপাসার কারণে কুরায়শদের এশুনোর গতি অত্যন্ত শ্লথ ও মত্তর। প্রথমে তারা মুসলিম তীরন্দাষদের তীরের নিশানায় পরিণত হয়। এরপর যখন ক্লান্তি ও পিপাসার কারণে দম বন্ধ হয়ে আসে তখন সজীব ও প্রাণবন্ত মুসলিম ফৌজের সঙ্গে মুকাবিলা হয় এবং মনে হয় যে, যুদ্ধ কেবল ইসলাম-নুসারীদের সঙ্গেই হচ্ছে না, কুদরতী উপাদানও তাদের মুকাবিলায় কোমর বেঁধেছে। অ'ই-হযরত (সা) এক মুঠো ধূলো উড়িয়ে তুফান আসবার আন্দাষ করে নিচ্ছেন এবং এই তুফান যখন আসছে তখন তার সঙ্গেই নিজের নামকরা ও খ্যাতিমান শীরদের শত্রু বাহিনীকে আক্রমণের নির্দেশ দিচ্ছেন। দূশমন প্রথম থেকেই বিরত আর তাদের

মনোবলও অবনমিত। এখন তারা একেবারেই সাহস হারিয়ে দিশে-
হারা। এরপর তারা নিজেদের সব কিছু ছেড়ে ছুঁড়ে পালিয়ে যায়।

ময়দানের পূর্ণ নিয়ন্ত্রণ এখন অ্যাঁ-হযরত (সা)-এর হাতে। মুসল-
মানরা যুদ্ধলব্ধ সম্পদ নিয়ে মদীনায় ফিরে আসে। এ বিজয় কিন্তু
শেষ ও চূড়ান্ত নয়। স্থবিরতা ও বিশ্রাম জীবনের বন্ধনার অপর নাম।
সূতরাং ফৌজী ট্রেনিং ও চলাচলের অব্যাহত ধারা আগের মত চলতে
থাকে। যেভাবে ছোটখাট অভিযান পয়লা পাঠানো হ'ত তখনও
তেমনি পাঠানো হচ্ছে এবং কখনো কখনো অ্যাঁ-হযরত (সাঃ) নিজে সে
সবের অধিনায়কত্ব গ্রহণ করছেন।

গতুদ

বদর যুদ্ধ কুরায়শদের অহমিকায় প্রচণ্ড আঘাত হানে। বড় বড়
সর্দার এ যুদ্ধে মারা যায়। যুদ্ধবন্দীদের মুক্ত করবার জন্য অ্যাঁ-
হযরত (সা)-এর খেদমতে একটি বড় অংকের অর্থ পেশ করতে হয়।
তারা নিজেদের যথমকে যথমী নেকড়ের মত চাটছিল। তাদের
পরাজয়ের অবমাননাকর অনুভূতি এতখানি সূতীর যে, যুদ্ধের নিহত-
দের জন্য শোক পালনেও নিষেধাজ্ঞা আরোপিত। কিন্তু ধন-দৌলত ও
শক্তির নেশা এখনো মস্তিষ্ক থেকে নামে নি, প্রতিশোধ স্পৃহার
তীব্র আবেগ গেছে আরও বেড়ে। সময় প্রস্তুতি জোরেশোরে চলে।
মায়হাব ও তাহযীব তথা ধর্ম ও সভ্যতা বাঁচাবার এবং জীবিকা ও
সমাজ জীবনকে নিরাপদ ও সুরক্ষিত করার নামে আরব কবিলা-
গুলোকে উত্তেজিত করা হয়। টাকা-পয়সা, অস্ত্রশস্ত্র ও ফৌজ জমা
করা হয়। মক্কার বাইরে ক্যাম্প খোলা হয়। বড় বড় সব নামকরা
অভিজ্ঞ বীর সন্মিলিত বাহিনীতে शामिल হবার জন্য আসছে। মদীনার
পার্শ্ববর্তী যাহুদীরা এই সুযোগে ফায়দা লুটে চায়। কেননা তারা
অ্যাঁ-হযরত (সা)-এর প্রভাব-প্রতিপত্তির বিরোধী। কিন্তু তাদের
অবার এও আশংকা যে, না জানি বাণিজ্যিক প্রতিযোগী কুরায়শ মুহা-
ম্মাদ (সা)-এর বিরোধিতায় এতখানি শক্তিশালী না হলে যান্ন যে, তারা

‘আমাদেরকেও হুমকি করে ফেলে। অতএব তারা তাদের সঙ্গে কখনো মিনতিও হয় বটে এবং আর্থিক সাহায্য-সহযোগিতা প্রদানেও কুণ্ঠিত হয় না বটে, কিন্তু নিজেদের শক্তিকে অটুট ও অক্ষুণ্ণ রাখে এই আশায় যে, কুরায়শ বনু খায়রাজ ও বনু আওস প্রমুখ (আঁ-হযরতের সহ-যোগীরা) যখন যুদ্ধে মারামারি কাটাকাটি করে মরবে তখন তাদের উপর ক্ষমতার দাপট খাটিয়ে কায়-কারবার, ব্যবসা-বাণিজ্য এবং মদীনার খেজুর বাগানগুলো দখল করে নেবে এবং সিরিয়ার পরিবর্তে হেজাজকে নিরাপদ আবাস ভূমি বানিয়ে তৃপ্তি ও আনন্দের সঙ্গে জীবন যাপন করবে।

কুরায়শদের নিকট খালিদের মত যোগ্য অস্বারোহী বাহিনীর অধিনায়ক ছিল। তার ব্যাপারে তারা গবিত ছিল এবং তারা জানত যে, বদরে যেখানে আঁ-হযরত (সা)-এর নিকট মাত্র দু’টি ঘোড়াই ছিল, বদরের পর মালে গনীমতের ঘোড়াও তার ভেতর শামিল করে এ সংখ্যা ৩৫ পর্যন্ত পৌঁছেছিল। এজন্য কুরায়শরা দ্বিতীয় যুদ্ধের পরিকল্পনায় অস্বারোহী বাহিনী ব্যবহারের ব্যাপারে বিশেষভাবে খেয়াল রেখেছিল যেন ঘোড়সওয়ার বাহিনীর হামলার দ্বারা মুসলমানদেরকে ঘোড়ার খরের তলায় পিশে মারা যায়। এজন্য তারা সিদ্ধান্ত নেয় যে, এবারকার যুদ্ধ মদীনার উত্তর দিকের ময়দানে লড়াই হবে।

য়াহুদীরা কুরায়শদের প্রস্তুতির খবর জানতে পেয়ে তারা তাদেরকে রসদ-সামান যোগান দেবার ওয়াদা করে এবং নিজেদের ঘরবাড়ীতে অবস্থান করার দাওয়াত দেয়। সারা বছরের প্রস্তুতির পর কুরায়শরা বিশাল বাহিনী নিয়ে মক্কা থেকে বহির্গত হয় এবং মদীনার নিকটবর্তী যাহুদীদের আবাসভূমে গিয়ে থামে। অতঃপর রসদ ইত্যাদি বন্দোবস্ত করার পর মদীনার দিকে অগ্রসর হয়। মদীনা তিন দিক থেকে ঘর-বাড়ী, প্রস্তর নির্মিত দুর্গবিশেষ এবং খেজুর বাগান ঘেরা ছিল। অতএব সে সব দিক থেকে ঘোড়সওয়ার বাহিনীর যুদ্ধের কোন সুযোগ ছিল না। অবশ্য উত্তর দিকে কয়েক মাইল লম্বা-চওড়া ময়দান ছিল যেখানে যমীন যেমন বালুকাময় ছিল না, তেমনই ছিল না প্রস্তর সংকুল। ছোট্ট ছোট্ট টিলা অবশ্য স্থানে স্থানে

ছিল। এই মসলদান অস্বারোহী বাহিনীর যুদ্ধের জন্য ছিল খুবই অনুকূল এবং উত্তম।

কুরায়শদের ধারণা ছিল যে, মদীনার উপর হামলার কারণে অ'আ-হযরত (সা) বাইরে গিয়ে লড়বেন এবং বদরের সাফল্যের কারণে মদীনাবাসীদের উপর নিজ শক্তির প্রভাব কয়েক করবার কোশল করবেন। যখন এমনটি করবেন তখন তাদের অস্বারোহী বাহিনীর শিকার হবেন। আর যদি প্রস্তর নিমিত্ত দুর্গঘেরার ভেতর আশ্রয় নেন তাহ'লে কুরায়শ তিন হাজার ফৌজ সংখ্যাধিক্যের ভিত্তিতে কয়েক দিনের ভেতরই তাদেরকে নিঃশেষ করে দেবে। তাদের সমর পরিকল্পনায় অপর কোন বিকল্প ব্যবস্থার কল্পনা ছিল না। কিন্তু অ'আ-হযরত (সা)-কে তাঁর গুপ্তচরেরা দূশমনের অভিপ্রায় এবং তাদের গতিবিধি সম্পর্কে পুরোপুরি সতর্ক করে দিয়েছিল। অতএব তিনি এবারও দূশমনকে দ্বিধাদ্বন্দ্বের মাঝে নিষ্ক্রেপ করে এমন চাল চালালেন যে, কুরায়শদের পরিকল্পনা একেবারে মাঠে মারা যায়। তিনি অক্ষকারে দুরতিক্রম্য বাস্তা পাড়ি দিয়ে 'আয়নায়ন-এর মোর্চার উপর কব্জা জমিয়ে বসেন। এই কার্যক্রম তিনি অত্যন্ত গোপনীয়তা ও সতর্কতার সঙ্গে করেন। মূনাফিকরা পর্যন্ত তাঁর উদ্দেশ্য ধরতে ও বুঝতে সক্ষম হয়নি। তাছাড়া মূনাফিক 'আবদুল্লাহ্ বিন উবায় সলুল নিরাশ হয়ে মুসলিম বাহিনী থেকে সেই সময় কেটে পড়ে যখন তার কেটে পড়ার দরুন মুসলমানদের কোন ক্ষতি হতে পারেনি কিংবা কুরায়শদেরও কোন ফায়দা হবার সম্ভাবনা ছিল না। কেননা তারা কুরায়শদের নিকট গিয়ে অ'আ-হযরত (সা)-এর পরিকল্পনা সম্পর্কে কিছুই বলতে পারতো না। আর যে সব খবর সে তাদেরকে পৌঁছিয়েছিল তা ছিল সম্পূর্ণ ভুল।

অ'আ-হযরত (সা)-এর পরিকল্পনা ছিল নেহায়েত সাদামাটা, কিন্তু অত্যন্ত কাষকর। তিনি তাঁর কতিপয় ঘোড়সওয়ারকে অত্যন্ত সুন্দর-ভাবে ব্যবহার করেন, ঠিক সেই সময় যখন বিজয় তাঁর কয়েক কদমের মধ্যে ছিল। মুসলিম তীরন্দাষদের অর্ধৈর্ষ এবং খালিদের সুযোগ-সন্ধানী দৃষ্টি মুসলিম বাহিনীকে বিপদের মাঝে নিষ্ক্রেপ করে। তথাপিও অ'আ-হযরত (সা) পরিস্থিতি নিয়ন্ত্রণে আনতে সক্ষম হন

এবং ভালভাবেই সক্ষম হন। যুদ্ধের ভেতর এমন মুহূর্তগুলো দেশ ও জাতির কিসমতের ফয়সালা করে দেয় এবং এমনতর সময়েই সিপাহসালারের যোগ্যতার পরীক্ষা হয়ে থাকে। বস্তুত আঁ-হযরত (সো) পরিমাপ করেন যে, এ মুহূর্তে সঠিক কর্মপন্থা এই যে, মুসলিম বাহিনীর বিক্ষিপ্ত সদস্যদেরকে এমন একটা জায়গায় জমায়েত করা যাক যেখানে তারা শত্রুর অশ্বারোহী বাহিনীর হামলার পূর্বেই তাদের নাগালেয় বাইরে নিরাপদ থাকবে যেন তাদের পদাতিক ফৌজ পাল্টা হামলা করতে না পারে। অতএব তিনি ওহদ পর্বতের চূড়ায় আরোহণ করেন এবং সেখানে মোর্চা কাম্বের করে তাদেরকে খালিদের অশ্বারোহী বাহিনীর হাত থেকে নিরাপদ করে ফেলেন। সেই নাযুক মুহূর্তে আঁ-হযরত (সো)-এর প্রতি উৎসর্গীতপ্রাণ সাহাবাবন্দু জীবনকে বাজী রেখে দূশমনের প্রতিরোধ করেন এবং কয়েকজন শীর্ষ-স্থানীয় সাহাবা র্বাদের মধ্যে হযরত হামযা (রা)-এর নাম সর্বাগ্রা উল্লেখযোগ্য, দূশমনের উপর পাল্টা আঘাত হানতে গিয়ে শহীদ হন। হযরত 'আলী (রা) ওহদ গিরিপথ আগলে রাখেন এবং কোন অবস্থাতেই তা হস্তচ্যুত হতে দেন নি। এরই ভেতর মুসলিম বাহিনীর বিক্ষিপ্ত লোকজন জমায়েত হতে শুরু করে। এরপর দূশমন য়ে পাল্টা হামলা করে তা ব্যর্থ হয়। একদিকে ছিল জীবনকে উৎসর্গ করার আবেগোদ্দীপ্ত প্রেরণা আর ওদিকে আঁ-হযরত (সো) ব্যক্তিগত শৌর্যবীর্য দ্বারা দৃঢ়তার এমন সবক দিনেন যে, শত্রু আর কোথাও সুস্থিরভাবে পা রাখতে পারে নি। তারা চেয়েছিল সামনে অগ্রসর হতে, কিন্তু দুর্জয় লৌহ-প্রাকারসম প্রতিরক্ষাবাহ দুষ্টে তাদেরকে পিছু হটতে হয়, এমন কি শত্রু সেনাপতি আবু সুফিয়ানকে আঁ-হযরত (সো)-এর প্রতিরক্ষা নৈপুণ্যের স্বীকৃতি দিয়ে ও তাঁর সামনে মাথা নত করে মগ্নদান পরিত্যাগ করে মক্কায় পালিয়ে যেতে হয়। বদর যুদ্ধে কুরায়শ বাহিনীকে যদি আঁ-হযরত (সো)-এর প্রতিরক্ষাগত শ্রেষ্ঠত্বের স্বীকৃতি দিতে কিছু সন্দেহ ও সংশয় সৃষ্টি হয়েও থাকে, এবার তা সম্পূর্ণ যুচে যায়। ওহদ যুদ্ধে মুসলমানদের কেবল সামরিক বিজয়ই অর্জিত হয়নি, বরং তারা নৈতিক বিজয় লাভেও ধন্য হয়। আর এটা স্বীকৃতি নীতি যে, যে পক্ষের শত্রুর উপর নৈতিক বিজয় সাধিত হয় তার

পরাজিত ফৌজের মধ্যে দুর্বলতা ও শক্তিহীনতার অনুভূতি জন্ম দিতে সক্ষম হয়। এর পর সে আর একাকী সংঘর্ষে নামার সাহস সঞ্চয় করে উঠতে পারে না, বরং অন্যের নির্ভরতা ও সাহায্যের আবশ্যক হয়ে পড়ে। এজন্যই নৈতিক বিজয়কেই স্থায়ী বিজয় বলা হয়।

ওহদের পরে কুরায়শদেরকে সাহায্যের জন্য দরজায় দরজায় খণা দিতে হয়। তারা অন্যান্য কবিলা ছাড়াও ম্নাহদীদের নিকটও সাহায্যের জন্য দরখাস্ত পেশ করে এবং একথা স্বীকার করে নেয় যে, তারা একাকী অ'-হযরত (সা)-এর মুকাবিলায় আর আসতে পারে না। প্রকৃতপক্ষে তারা পয়লা দু'টি যুদ্ধেও একাকী ছিল না। কিন্তু এখন শক্তির অহমিকা প্রদর্শনের পরিবর্তে দুর্বলতার স্বীকৃতি দিয়ে বেড়াতে লাগলো এবং খোলাখুলি বলা হতে লাগলো : আমরা প্রথমে দু'দফা খাপপড় খেয়েছি। এখন অপরাপর কবিলা ও ম্নাহদীরা যদি তাদের সাহায্যে এগিয়ে না আসে, তাহলে তাদের আর কোথাও দাঁড়াবার জায়গা থাকবে না ; ইসলামের বিস্তৃতি এবং অ'-হযরত (সা)-এর শক্তি সকল নিয়ন্ত্রণের বাইরে চলে যাবে।

ম্নাহদীরা সামগ্রিকভাবে কুরায়শদের পিছনে ছিল। কিন্তু সাহায্যের ব্যাপারে তাদের দৃষ্টিভঙ্গি ছিল অন্যরূপ, যদিও ইসলামের শক্তি সম্পর্কে তাদের ভীতি ছিল এবং মুসলমান ও মুশরিকদের মুখ থেকে ফায়দা লুটবার খাব দেখছিল। তাদের মধ্যে দুটি দল হয়ে গিয়েছিল। একটি দল, যাদের অ'-হযরত (সা)-এর সঙ্গে যোগাযোগ ও সম্পর্ক ছিল, তারা তাঁর ইনসাফ, উচ্চ মনোবল, প্রশস্ত হাদয়, যোগ্যতা, মতামতের অদ্রান্ততা এবং নেক নিয়ত দ্বারা প্রভাবিত ছিল এবং 'আকীদা বিশ্বাস দৃষ্টে একথা বলতো যে, খুব সম্ভব মুহাম্মাদ (সা) আল্লাহর মনোনীত নবীই হবেন। দেখতে না দেখতেই মদীনার অবস্থার মধ্যে বিপ্লব, দুশমন কবিলাগুলোর পারস্পরিক বন্ধুত্ব ও ঐক্য, সংঘম ও শৃংখলা, শান্তি ও নিরাপত্তার এমন কোন বস্তু ছিল না, যার উপর অ'-হযরতের প্রভাব পড়েনি। অতএব তাদের স্বাভাবিক خواهশ ছিল এটাই যে, বন্য, লম্পট এবং বিশ্বাসের অযোগ্য কবিলাগুলোর মুকাবিলায়—এবং যারা মুশরিক ও বৃত-পরস্ত (মূর্তি পূজক)-ও বার্তা,

আঁ-হযরত (সা)-এর সঙ্গে সম্পর্ক রাখা যাক। কিন্তু অপর দল-
 বলতো যে, এখনো ইসলামী সমাজ সুশৃঙ্খল ও সুদৃঢ় নয়, এজন্য
 তাদের উৎসাদন করা যেতে পারে। তারা যাহুদীদের জুলুমবাজী
 এবং অবিশ্বস্ততাকে স্বীকার করত না, বরং নিজেদের দোষ-ত্রুটিগুলোর
 অপবাদও আঁ-হযরত (সা)-কেই দিত। অতঃপর তাদের এও ভয়
 ছিল যে, যদি মুহাম্মাদ (সা) সত্যিই নবীয়ে বরহক হয়ে থাকেন,
 তাহলে তাদের ধর্মগ্রন্থ তওরাত মূতাবিক তিনি তাদের উপর বিজয়ী
 হবেন এবং একথা তাদের বংশীয় ও ধর্মীয় শ্রেষ্ঠত্বের অহমিকার
 পরিপন্থী ছিল। সুতরাং তারা এসব কারণে বিরোধী ও শত্রুপঙ্কের
 হাত মঘবৃত্ত করে এখন থেকেই নিজেদের হেফাজতের ব্যবস্থা করার
 প্রত্যাশী ছিল।

এতদ্ভিন্ন তাদের সামনে সামাজিক ও অর্থনৈতিক প্রাধান্যের
 ভয়ও ছিল। যাহুদীরা সর্বোত্তম কৃষি জমি এবং ভাল ভাল খেজুরের
 বাগানের মালিক ও গোত্রগুলোকে একের বিরুদ্ধে অপরকে লাগিয়ে দিয়ে
 এবং লড়াই বাধিয়ে সেগুলো হাতিয়ে নিয়েছিল অথবা সূদী কারবারের
 মাধ্যমে হাসিল করেছিল। তাদের আশংকা ছিল যে, যদি মুহাম্মাদ
 (সা)-এর মত যোগা ও উত্তম মানুষ তাদের স্বীকৃত নেতা হয়ে যান
 তাহলে সেগুলো আমাদের আর কব্জায় থাকবে না। তাঁকে যদি
 এখন থেকেই বিচ্ছিন্ন করে দেওয়া যায় তাহলে কুরায়শ এবং অন্য
 কবিলাগুলোর বর্তমান অটল ও স্থায়ী বন্ধুত্ব সহজেই খতম করে দিয়ে
 নিজেদের অবস্থান ঠিক রাখা যাবে। অতএব তারা সিদ্ধান্ত নিল যে,
 কুরায়শদের সাহায্য করা হোক এবং যতগুলো কবিলাকে আঁ-হযরতের
 প্রতি বিদ্রিষ্ট করে তোলা যায়, করে তোলা যাক। অতঃপর এ ফয়সালাকে
 বাস্তবে পরিণত করার জন্য যাহুদীরা দু'টো পন্থা অবলম্বন
 করে। একটি প্রকাশ্য বিরোধিতা আর অপরটি গোপন বিরোধিতা।
 কিছু কবিলাকে এ ব্যাপারে নির্দেশ দেওয়া হয় যে, তারা প্রকাশ্যভাবে
 কুরায়শ ও তার মিত্রদের যেন সাহায্য করে এবং কিছুকে এ দায়িত্ব
 সোপর্দ করা হয় যে, যারা মুহাম্মাদ (সা)-এর দলবলের সঙ্গে মিশে
 যাবে এবং তাদের পল্লিকল্পনা ও কৌশল সম্পর্কে তাঁর বিরোধীদেরকে
 অবহিত রাখবে। এমতাবস্থায় মুহাম্মাদ (সা)-ই যদি কামিন্দাব হয়ে


যান, তাহলে কমপক্ষে আমাদের জন্য সুপারিশ করবার একটি দলতো থাকবে যারা তাঁর থেকে কিছু রেন্নাত অস্ত্র আনতে পারবে। সারকথা, কুরায়শদের হামদর্দ (সমবাতী) কবিলা মদীনার আশেপাশে বর্তমান এবং উপরিউক্ত পছন্দ্য তারা জুমিকা গ্রহণ করে নিজেদেরকে নিরাপদ রাখতে চাচ্ছে। যা-ই হোক, এভাবেই সমর্থন ও সহযোগিতার লক্ষ্য-চণ্ডা জাল বিছিয়ে কুরায়শরা তৃতীয় যুদ্ধের পুস্ততি গ্রহণ করে এবং তাকে যেভাবেই হোক চূড়ান্ত যুদ্ধের রূপ দেবার পুয়াস পায়।

আ'-হযরত (সা) গুপ্তচর মারফত শত্রুর যাবতীয় কার্যকলাপ সম্পর্কে অবহিত হতে থাকেন। তিনিও পুতিরক্ষার সকল বন্দোবস্ত গ্রহণ করেন, কিন্তু দুশমনকে নিজের পুতিরক্ষা পরিকল্পনা সম্পর্কে অজ্ঞতার মাঝে রাখেন। বদর ও ওহদে তিনি কুরায়শদেরকে নিজেরই নির্বাচিত ময়দানে তাঁরই যুদ্ধের নকশা মাফিক লড়াই করতে বাধ্য করেন। তিনি এমনই চাল চালেন যে, যার অনিবার্য পরিণতি প্রতিপক্ষের ধ্বংস ও পরাজয় ছাড়া আর কিছুই ছিল না। বদর প্ৰান্তরে তারা তাদের অশ্বারোহী বাহিনী কাজে লাগাতে পারেনি আর ওহদে ব্যবহারের সুযোগ মিলল, কিন্তু তাও অত্যন্ত জুল পছন্দ্য। তারা অশ্বারোহী বাহিনীকে দু' অংশে ভাগ করে নিজেদের দক্ষিণ ও বাম পার্শ্ব নিরাপদ করে নেয় বটে, কিন্তু যখন আ'-হযরত (সা)-এর ফৌজের উপর হামলার নির্দেশ হ'ল তখন এই বাহিনী নিজেদের পরস্পরের মধ্যে কোনরূপ যোগাযোগ কায়েমে ব্যর্থ হয়, বরং একটি কোম্পানীকে যখন মুসলিম অশ্বারোহী বাহিনী এসে ঘিরে ধরল তখন অনারা কেবল তামাশা দেখতে থাকল। ইকরামা যেমন খালিদকে কোনরূপ সাহায্য দিতে পারেনি, তেমনি খালিদও পারেনি ইকরামাকে কোনরূপ সাহায্য করতে। এমনি অবস্থা হয়েছিল পদাতিক ফৌজের। এরূপ অবস্থা হবার কারণ ইকরামা ও খালিদের পারস্পরিক প্রতিদ্বন্দ্বিতা তো বটেই, কিন্তু এটাও কে অস্বীকার করতে পারে যে, এর ফল কুরায়শদের জন্য অত্যন্ত মারাত্মক ও ক্ষতিকর প্রমাণিত হয় এবং তা এজন্য হয় যে, আ'-হযরত (সা) কুরায়শদের পরিকল্পনাকে উল্লিঙিয়ে নিজের প্রতিরক্ষা কৌশলের স্বাভাবিক নিয়মে পরিণত করে নিয়েছিলেন ?

এভাবেই দু'বার পরাজয়ের পর তারা যখন তৃতীয় দফা আক্রমণের প্রস্তুতি নেয় তখন সেখানেও সংখ্যাভিত্তিক প্রাধান্য এবং বস্তগত উপকরণের আধিক্যকেই চূড়ান্ত উপাদান হিসেবে সাব্যস্ত করা হয়। আর খেয়াল-খুশি মাফিক বিশাল বাহিনী সজ্জিত করে যেন মুসলমানেরা মুকাবিলার ধকল সহিতে না পারে এবং মদীনার বাইরে গিয়ে না লড়তে পারে বরং তারা যেন অবরুদ্ধ হয়ে পড়তে বাধ্য হয়। তাদের ধারণা ছিল, অল্প সংখ্যক মুসলমান বিরাট সংখ্যক বাহিনীর জটা জালে ফেঁসে গিয়ে অবশ্যই হাতিয়ার সমর্পণ করবে। এই কার্যকলাপের পূর্ণতা সাধনের জন্য তারা শুধু য়াহুদীদেরকেই তাদের শুভানুধ্যায়ী বানায় নি, বরং যে সব কবিলা আ'-হযরত (সা)-এর সঙ্গে বন্ধুত্ব ও সৌহার্দ্যমূলক চুক্তি করেছিল তাদেরকেও তা ছিন্ন করতে উৎসাহিত করেছিল। অনন্তর বনী কুরায়জা তাদের পক্ষপুটে আশ্রয় নেয় এবং মুসলমানদের সঙ্গে প্রতারণা করে শত্রু শিবিরে যোগ দেয়। অন্য কথায়, কুরায়শরা মুসলমানদের নিজেদের প্রতিরক্ষা পরিকল্পনা মূর্তাবিক চলাচল অক্ষম করতে যথাসাধ্য চেষ্টা চালায়। একে আজ কালকার ইংরেজী পরিভাষায় বলা হয়, "Deny him elbow room for manoeuvre."

কিন্তু আ'-হযরত (সা) এবারও শত্রুকে বিদ্রান্ত ও পথভ্রষ্ট করতে কামিয়ার হন। তিনি কতিপয় সাহাবা সঙ্গে নিয়ে ঘোড়ার পিঠে সওয়ার হয়ে মদীনার চারপাশে টহল দেন। হযরত সালমান ফারসী (রাঃ) পরিখা খনন করে মোর্চাবন্দ হবার প্রস্তাব পেশ করেন। আ'-হযরত (সা)-ও এ প্রস্তাব পসন্দ করেন এবং প্রাকৃতিক ও স্থানীয় অবস্থার পুরো ফায়দা উঠিয়ে উপত্যকাস্থ কিংবা বর্ষাতি নালার সাহায্য নেন। এসব উপত্যকা শুধুমাত্র কোথাও কোথাও অতিক্রমযোগ্য হয়ে থাকে। অন্যথায় সাধারণত সে সবেল প্রান্তদেশ (কিনারা) খুবই বিপদজনক হয়ে থাকে, আর খুব বেশী গভীরও নয়। যদি সেগুলো খনন করে আরও চওড়া ও গভীর করে দেওয়া যায় তাহলে কোন লোকই একদিক থেকে অপর দিকে যেতে পারবে না। তিনি খন্দকের সীমারেখা নির্ধারণ করেন এবং তার উদ্বোধন সে সব উপত্যকা থেকেই করেন যার ফলে যদীনা দক্ষিণ-পশ্চিম দিক দিয়ে অতি সহজেই নিরাপদ ও সুরক্ষিত

হয়ে যায়। উত্তর দিকে বড় কোন উপত্যকা ছিল না, সেইজন্য সেদিকে তিনি খন্দক খননের হুকুম দেন এবং নিজেও এ কাজে অংশ গ্রহণ করেন। একাজও সত্ত্বর পূর্ণতায় পৌঁছ যায়। মদীনার মুনাফিক ও দুর্বলচেতা লোকগুলো নিজেদের অশুনিহিত বদ স্বভাবের প্রমাণ দেয় এবং তাঁর প্রতিরক্ষা কার্যকলাপের ঠাট্টা-বিদ্রুপ করতে চেষ্টা চালায় যেন মুসলমানদের অন্তরে এর ফলে ভ্রাসের সঞ্চার হয়। কিন্তু আঁ-হযরত (সা) fighting on interior lines নীতির উপর অটল থাকেন এবং তার বাস্তব রূপ ছিল নিম্নরূপ :



অর্থাৎ যখন দূশমন চারদিক থেকে ঘেরাও করে রাখবে তখন তার বিরুদ্ধে এভাবে কর্মকাণ্ড পরিচালনা করতে হবে যে, তাদের একটি অংশের উপর হামলা করতে হবে এবং এমন অতিকিতে ও বিদ্যুত গতিতে তা করতে হবে যে, তাদের অপরাপর সাথী-বন্ধুরা যেন জানতে না পারে। ফলে লাভ দাঁড়াবে এই যে, তারা তাদের সাহায্যার্থে আসার পূর্বেই তাদেরকে (প্রথম অংশকে) ধ্বংস করা যাবে। ঠিক এমনি করে দ্বিতীয় অংশের উপর হামলা করে তাদেরকেও ধ্বংস করতে হবে। এমতাবস্থায় আত্মরক্ষারত পক্ষ নিজেদের তলোয়ারের সাহায্যে সবাইকে পালান্ধ্রমে খতম করতে থাকবে এবং ঢালের সাহায্যে অবশিষ্ট আক্রমণকারীদের প্রতিরোধও করে চলেবে।

খন্দক যুদ্ধের প্রতিরক্ষারূপে যদিও শহরের সীমারেখা থেকে ছোট্ট, তথাপিও দুশমন তাঁর প্রতিরক্ষা পরিকল্পনা ও সামরিক চাল সম্পর্কে ছিল বে-খবর। একদিকে মুসলিম বাহিনীর গতিবিধি তথা চলচলের জন্য মথেষ্ট জায়গা, আর অন্য দিকে শত্রুর ফৌজের জন্য বিরাট খোলামেলা ময়দান। এর উদ্দেশ্য এই যে, মুসলমানদের তলোয়ার যখন একস্থানে দুশমনকে আঘাত হানছে, আহত করছে, তখন তারা এই গতিবিধি ও চালের সাহায্যে স্বয়ং শত্রুর আঘাত থেকে নিরাপদ থাকছে।

অনন্তর খন্দক যুদ্ধের অধ্যায়ে আমরা দেখে এসেছি যে, একদিকে একই সময়ে অ'-হযরত (সা)-এর অম্বারোহী বাহিনীর অধিনায়ক সুবাহুর (রা) শত্রুর রসদ-সম্ভারের কাফেলার উপর হামলা করে তা লুটে নিচ্ছেন আর অপর দিকে পদাতিক ফৌজ বিভিন্ন স্থানে শত্রুর সে সব কোম্পানীর সঙ্গে লড়াই করে খন্দক পার হবার চেষ্টা করছে। অতঃপর এও দেখেছি যে, তিনি স্বীয় ফৌজ ছোট্ট ছোট্ট প্রাচীনে বিভক্ত করে তাকে কম্বোর করেন নি, বরং তাঁর বিরাট সংখ্যককে অধীনস্থ অধিনায়কদের নেতৃত্বাধীনে এভাবে মোতায়েন করেন যে, যে-দিকেই দুশমনের বিপদাশংকা দেখা দিক না কেন সেখানে মুহূর্তের ভেতরেই একটি ময়বৃত্ত প্রাচীন পাল্টা হামলার জন্য যেন পৌঁছে যায়। একবার যখন শত্রুর জানবাঘ ঘোড়সওয়ার খন্দক পার হয়ে ভেতরে এসে গিয়েছিল তখন একটি জীবিত প্রাণীও জান নিঃশ্ব ফিরে যেতে পারেনি।

কুরায়শদের ধারণা ছিল, আর এ ধারণা পেছনের দু'টি যুদ্ধের আগেও ছিল : আমরা এতবড় বাহিনী নিয়ে যাচ্ছি যে, মুসলমানদেরকে কয়েক দিনের ভেতরেই খতম করে ফিরে আসব। কিন্তু মদীনার নিকটে পৌঁছে খন্দকের মোর্চাবন্দী দেখে তারা ভীষণ রুক্ষম বিস্মিত হয়। অবরোধ এতখানি দীর্ঘায়িত হ'ল যে, এই দীর্ঘতা মুসলমানদের পরিবর্তে স্বয়ং তাদের জন্য বিপদের কারণ হয়ে দাঁড়ায়। খাদ্য, পশুর ঘাস ও পানির কষ্ট, মৌসুমের তীব্রতা ও প্রচণ্ডতা, পারস্পরিক অবিশ্বাস ও বিভেদ এবং এ সবে ফল এই দাঁড়ায় যে,

কুন্নিম ঐক্যের বুনিয়ে বহু বিভক্তির শিকার হয় এবং সম্মিলিত বাহিনী অত্যন্ত তাড়াহাড়ের ভেতর দিয়ে নিজ নিজ এলাকায় পালিয়ে যায়। বদর যুদ্ধে যেখানে কাফির ও মুশরিকদের মনে তাদের সিপাহসালারের অযোগ্যতার কারণে অবিশ্বাস সৃষ্টি করে দিয়েছিল এবং আ'-হযরত (সা)-এর সামরিক যোগ্যতার অপ্রতিহত প্রভাব ফেলেছিল, আর ওহদ যুদ্ধক্ষেত্রের পরাজয় ছাড়াও গোটা কুরায়শ সমাজকে নৈতিক পরাজয় স্বীকারে বাধ্য করেছিল, সেখানে খন্দক যুদ্ধে কুরায়শ ছাড়াও তাদের সমস্ত মিত্র শক্তি, সমব্যথী ও সহযোগীদের কমযোরীকেও ফাঁস করে দেয়। এরপর সমগ্র কবিলা ভীত-সন্ত্রস্ত হয়ে বসে যায় এবং কয়েকটি কবিলা মদীনায় এসে সন্ধির দরখাস্ত পেশ করে এবং নিরাপত্তা লাভ করে।

প্রতিরক্ষা বৃত্ত

খন্দক যুদ্ধের পর তিনি মদীনার বাইরে বিস্তৃততর রুত্তের দিকে দৃষ্টিপাত করেন এবং interior lines-এর প্রতিরক্ষা নীতির সাহায্য গ্রহণ করে প্রথমে নিকটতম দূশমনের হাত থেকে নিজেদের নিরাপদ করেন এবং বনী কুরায়শকে তাদের ষড়যন্ত্র ও গান্দারীর সাজা দেন। এরপর এই রুত্তের চতুর্দিকে বিভিন্ন অভিযান প্রেরণ করেন। যদিও এসবগুলোর কার্যকারিতা ও উদ্দেশ্য ছিল ভিন্ন, কিন্তু সেগুলোর প্রত্যেকটিই মূল প্রতিরক্ষা পরিকল্পনা অর্থাৎ হিজরত পরিকল্পনার আওতাধীন ছিল। কতক অভিযান ছিল চালবাজ, কৌশলী ও অতি-মাত্রায় সতর্ক ও ধূর্ত কোম্পানী কিংবা প্লাটুনের, আর কতক ছিল জানবায় কোম্পানীর। কোথাও কাজ করছিল গুপ্তচর আর কোথাও গোপন সংবাদদাতা কিংবা গোয়েন্দা।

হুদায়বিয়ার সন্ধি

খন্দক যুদ্ধে ইসলাম ও কুফর অথবা কুরায়শ ও আ'-হযরত (সা)-এর ভেতর একটি চূড়ান্ত যুদ্ধ ছিল। এতে কুরায়শ এবং তার

সাজপাজ ও আশে-পাশের সকল সহযোগীদেরই পরাজয় ঘটেছিল আর তিনি সবার উপর হয়েছিলেন বিজয়ী। শুধুমাত্র কুরায়শ, শুধুই মক্কাবাসী এবং কেবলমাত্র বিভিন্ন গোত্র ও কবিলাই নয়, প্রতিটি অমুসলিম কবিলায় পায়ের তলার যমীন সরে গিয়েছিল। অন্য কথায় এটাকে এভাবে বলুন যে, ফসল পাকা শেষ, শুধুমাত্র কেটে ঘরে তোলা দেরী এবং কাটার দরকার এমন স্থান থেকে ছিল যেখানে ফসল পেকেছে এবং এতটুকু গাফিলতিতে ক্ষতির আশংকা ছিল প্রচুর। হেজাজের কৃষির এই প্রান্ত যেখান থেকে কাটবার আবশ্যিক ছিল তারা ছিল কুরায়শ। অতএর তিনি মক্কার দিকে মুখ ফেরালেন এবং শান্তি ও সমঝোতার পয়গামের মাধ্যমে তাদেরকে সরল ও সঠিক পথে আনবার ইচ্ছা করলেন। কিন্তু কর্ম-পদ্ধতি ছিল একেবারে অভিনব। ‘উমরাহ’র জন্য রওয়ানা হলেন আর তার প্রস্তুতি নিলেন ব্যাপকভাবে। সঙ্গী-সাথীদের সংখ্যা বিস্তর, কিন্তু নির্বাচনে অতিমাধ্যম সতর্কতা অবলম্বন; কুরবানীর উট সরবরাহ করা হচ্ছে কিন্তু রওয়ানা হবার ব্যাপারটাকে রাখা হচ্ছে সম্পূর্ণ গোপন আর নিয়মমাফিক রাস্তা অবলম্বন করা হচ্ছে অপরিচিত এবং দুরতিক্রম্য। কুরায়শরা খবর পেয়ে গেলে এটাকে মক্কা দখলের অভিসন্ধি হিসাবে ধরে নেয় এবং সাহায্যের জন্য এদিক ওদিকে লোক দৌড়াদৌড়ি করতে থাকে। কিন্তু আশেপাশের কতিপয় কবিলা ভিন্ন আর কেউ তাদের সাহায্যার্থে এগিয়ে আসে না। তারা আতংকিত এবং নিজেদের কল্যাণ কামনায় চিন্তিত ও অধীর। আ-হযরত (সা)-এর প্রতিরক্ষামূলক কার্যকলাপ কোথায় প্রকাশ পায় আর কোথায় আঘাত হানে! হেজাজের বিভিন্ন কবিলা প্রমাদ গোণে যে, তারাও এই আক্রমণের নিশানায় পরিণত হতে পারে। ফলে তারা কুরায়শদের ডাকে সাড়া দেয় না, একত্র হয় না। তাছাড়া এই কুরায়শ তো তারাই যারা লম্বা-চওড়া চাকটোল পিটিয়ে বিরাট প্রস্তুতি নিয়ে অগ্রসর হয় আর হামেশাই পরাজয়ের যিকলতী গায়ে মুখে মেখে ফিরে আসে। তাদের উপর কিভাবে ডরসা করা চলে যারা খন্দক যুদ্ধে সব কিছু ছেড়ে ছুঁড়ে পালিয়ে এসেছিল? অবশেষে নিতান্ত মজবুর হয়ে কুরায়শরা যতটুকু পারে সমাবেশ ঘটায় আর সব কবিলা বলে : তোমরা অগ্রসর হও এবং মুসলমানদের রুখে দাঁড়াও।

এখন তাদের চিন্তা : অ'ই-হযরত (সা)-কে রাখবো বাটে, কিন্তু কোথায় ? কোন্ পথ দিয়ে তিনি আসবেন তা কে জানে। কুরায়শ-দের কিছু সংখ্যক সর্দার বলছে যে, বদর ও ওহদের মত 'আসফানের রাস্তা ধরে আসবেন। কেননা মুহাম্মাদ (সা)-এর নীতিই হ'ল যেখানেই তিনি হামলা করেন সেখানকার অবস্থাদি বেশ ভালভাবেই পর্যবেক্ষণ করে নেন এবং অধিনায়কদেরও প্রত্যক্ষ করার ব্যবস্থা করেন। বনী লেহয়ান যুদ্ধের উদাহরণ পেশ করে এবং বলে : তাদের বিরুদ্ধে শাস্তিমূলক ব্যবস্থা তো শুধু বাহানামাত্র ছিল। কেননা যদি তাদের শাস্তি প্রদানই উদ্দেশ্য হ'ত তাহলে তারা যখন মুকাবিলার ধাক্কা সামলাতে না পেরে পাহাড়ে গিয়ে আত্মগোপন করেছিল তখন তিনি লুটপাট কিংবা পশ্চাচ্ছাবন করার পন্থিবর্তে গাররান থেকে 'আসফান আসেন এবং কয়েকজন ঘোড়সওয়ারকে মক্কার কাছাকাছি পর্যন্ত পাঠান। এই মত সঠিক বলে মনে হয়। অতএব তারা ফৌজদহ পয়লা যী-তাওয়া নামক স্থানে অবস্থান করে এবং খালিদ বিন ওয়ালীদকে অশ্বারোহী বাহিনীসহ কিরা' আল-না'ঈম পাঠিয়ে দেয় এবং তাক্বীদ করে : 'আসফান-এর গিরিপথে মোর্চাবন্দ হয়ে মুসলমানদেরকে বাধা দিয়ে রাখবে যতক্ষণ পর্যন্ত পায়দল ফৌজ সাহায্যকারী বাহিনী হিসাবে না পৌঁছে। কা'ব বিন লুওয়াই এবং তাদের মিল্ল কবিলা হদায়বিয়ার জলাশয়ের নিকট তাবু ফেলে। তারা বরং মক্কার নিকটে থাকটাকে পসন্দ করে এবং এটা এ কথার প্রমাণ যে, তারা কুরায়শদের শক্তির উপর আস্থাশীল ছিল না, তাদের সাফল্যের ব্যাপারেও আশাবাদী ছিল না, এমনকি তারা সম্ভ্রষ্ট চিন্তে মুকাবিলার নিয়তেও আসেনি।

কুরায়শদের তৎপরতার অবস্থা জেনে অ'ই-হযরত (সা) সাহাবাদের বলেন : কুরায়শদের হস্লেছেটা কি ! তাদের মাথায় যুদ্ধের ভূত সওয়ার হয়েছে আর তারা কাণ্ডজ্ঞান হারিয়ে বসেছে। যদি তারা আমার ও অন্য আরবদের মাঝ থেকে সরে দাঁড়ায় তাহলে তাদের এমন কিছুই ক্ষতি হবে না। যদি অন্য আরবেরা আমাকে কতক করে ফেলে তাহলে কুরায়শদের অভিলাষ পূরণ হবে। আর আল্লাহ যদি আমাকে বিজয় দান করেন তাহলে তারা ইসলামে প্রবেশ করুক।

তাদের ইসলাম গ্রহণের দ্বারা মুসলমানদের সংখ্যা বৃদ্ধি পাবে। এটাও যদি তাদের মনোপুত্র না হয় তাহলে তাদের সম্পূর্ণ ইখতিয়ার থাকবে, সে সমস্ব ও আমাদের সঙ্গে লড়াবার মত শক্তি তাদের মধ্যে থাকবে। শেষ পর্যন্ত তারা কী চিন্তা-ভাবনা করছে! আল্লাহর কসম! আমি আমার ধর্মের জন্য, আদর্শের জন্য, যে ধর্ম ও আদর্শের উপর আল্লাহ আমাকে পাঠিয়েছেন—তাদের সঙ্গে লড়াই করব। এতে হয় আল্লাহ আমাকে তাদের উপর জয়যুক্ত করবেন অথবা এতে আমার জীবন চলে যাবে।’

এরপর তিনি এমন চান চালালেন যে, সাপও মরলো অথচ লাঠিও ভাঙলো না। তিনি যাবার রাস্তা বদলে ফেললেন এবং সাধারণ রাস্তা ছেড়ে দিয়ে অত্যন্ত দুরতিক্রম্য ও বিপদসংকুল পাহাড়ী রাস্তা ইখতিয়ার করেন। কুরায়শদের আশা-আকাঙ্ক্ষার বিপরীত মক্কার নিশ্চিন্ত এলাকায় হদায়বিয়ার পাদদেশে তাছনিয়াতুল মিরার নামক স্থানে উপনীত হন। কুরায়শ অশ্বারোহী বাহিনী দূর থেকে আঁ-হযরত (সা)-এর কাফেলার ধূলো উড়তে দেখতে পায়। তারা তক্ষুণি নিজেদের লোক-লশকরের নিকট যায় এবং পরিস্থিতি সর্ম্পকে অবহিত করে। সে সমস্ব আঁ-হযরত (সা) এইরূপ অবস্থায় ছিলেন যে, কোন প্রতিরোধের সম্মুখীন না হলেই তিনি মক্কা প্রবেশ করতে পারতেন। কেননা কুরায়শ বাহিনী তাঁর থেকে কয়েক মাইল পিছনে ছিল। একমাত্র মুকাবিলার আশংকা ছিল কা'ব বিন লুওয়াই এবং তার সঙ্গী-সাথীদের তরফ থেকে। কিন্তু সেও নীতিগত দিক দিয়ে বাধা দিতে কামিয়াব হতে পারত না। অবশ্য প্রবেশের পর এরা ও অন্যান্য কুরায়শ তাদের উপর হামলা করতে পারত এবং সে মুহূর্তে মক্কার অলি-গলিতে ও তার আশেপাশে ভীষণ রক্তক্ষয়ী সংঘর্ষের সূত্রপাত ঘটতো এবং সেহেতু প্রতিরক্ষা পরিকল্পনার সামগ্রিক অবস্থানের দিক দিয়ে মুসলমানদের ছিল প্রাধান্য, সেহেতু মুসলমানদের নিশ্চিতভাবেই জয়লাভ ঘটতো। কিন্তু এভাবে কুরায়শ ও অপরাপর কবিলার ভেতর ঘৃণা বিদ্বেষ ও প্রতিশোধের আশ্বিন দাউ দাউ করে জ্বলে উঠত। আর তা নিভাতে চাইলেও সহজে নিভতো না। সাহাবা (রা)-দের মধ্যে কয়েকজন এ সুযোগে ফায়সালা হাসিল করার পরামর্শও

দিয়েছিলেন, কিন্তু তিনি মক্কায় প্রবেশ করেন নি, বরং হদান্নবিয়ার উপত্যকায় তাছনিয়াতুল মিরার-এর নিকটবর্তী স্থানে ছাউনি ফেলেন।

এই প্রকারের সামরিক কুট-কৌশল ও চালকে indirect approach বলা হয়। পিছনে কোন এক অধ্যায়ে বলা হয়েছে যে, একে খুব কমই এবং কুচিৎ কোন্ জেনারেল সফলতা ও কামিয়াবীর সঙ্গে ব্যবহার করেছেন। তাঁর এই কর্মপদ্ধতির সাফল্যের ব্যাপারে পূর্ণ বিশ্বাস ছিল এবং তার একটি প্রমাণ এই যে, যখন বুদায়ল বিন ওয়া-রাকা আল-খুযা'ঈ আ'-হযরত (সা)-এর খেদমতে হাযির হয়ে কুরায়শ ও মিত্তদের সম্পর্কে বাগাউম্বরতার সঙ্গে বর্ণনা দিয়ে লড়াই-এর ফলাফল ও পরিণতি সম্পর্কে ভয় দেখাতে থাকে তখন তিনি বলেন : যদিও বাযীতে আপনারা হেরে গেছেন, তবুও সন্ধির প্রস্তাব আগে পেশ করা হচ্ছে আমার তরফ থেকেই।

সংক্ষিপ্ত এই জবাবের প্রতিক্রিয়া বুদায়লের মনে গভীরভাবে দেখা দেয় এবং সে কুরায়শ ও অপরাপর কবিগ্নাগুলোকে বিশ্বাস করাতো সমর্থ হয় যে, লড়াই করার চেয়ে সন্ধি করা সকল দিক দিয়েই উত্তম।

বুদায়লের চেষ্টা ও সমঝানোতে সন্ধির ব্যাপারে তারা রাযী হো হয় বটে, কিন্তু শক্তি ও শ্রেষ্ঠত্বের অহমিকা তখনও তাদের মধ্যে ছিল এবং উপর্যুপরি পরাজয় ও ব্যর্থতা তাদেরকে লজ্জাজনক ও কাঁদ-কাঁদ অবস্থার মাঝে ফেলে দিয়েছিল। ফলে সন্ধি-শর্ত লিখতে ও মুদাবিদা তৈরী করার সময় তারা আপত্তিকর কথাবার্তায় নেমে আসে। যদি প্রতিপক্ষ আর কেউ হত তাহলে তখনই একটা রক্তপাত ঘটে যেত। কিন্তু আ'-হযরত (সা) ধৈর্য ও সহিষ্ণুতার সঙ্গে কাজ করে পরিস্থিতি সামলে নেন। সুলেখ-নামা তৈরী হয়ে যায়, আর লোকেরাও এভাবে এটা রক্তপাতের হাত থেকে বেঁচে যায়।

মনস্তাত্ত্বিক দৃষ্টিকোণ থেকে দেখতে পাবেন, শুরু থেকে শেষ পর্যন্ত কুরায়শদের কার্য-পদ্ধতি এর প্রকৃষ্ট প্রমাণ যে, তাদের উপর পরাজয়ের অনুভূতি ছেমে গিয়েছিল এবং তাদের অবস্থা ছিল সেই জুয়াড়ীর মত, যে লড়াই-এর ময়দানে বাযী জিততে গিয়ে শেষাবধি 'ইম্বশত ও দৌলতই হারায় নি বরং জীবনের সর্বস্ব হারিয়ে বসেছে এবং

তখন পরাজয়, অক্ষমতা ও হতাশা ছাড়া আর কিছুই অবশিষ্ট নেই। এমতাবস্থায় টালমাটাল হওয়া এবং মেজাজ বিগড়ানো তাদের মানসিক দুর্বলতার প্রমাণ। এ কারণেই অ'ই-হযরত (সা) তাদেরকে অক্ষম তথা মা'জুর বিবেচনা করে খুবই ধৈর্য সহিষ্ণুতার সঙ্গে কাজ করেন এবং তাদের মৃতপ্রায় জীবনের উপর আর কোন চাবুক মারার পরিবর্তে কোমল ও সদয় ব্যবহার করেন। তিনি কুরায়শদের নিশ্চিহ্ন করতে চাননি, তাদের 'ইয্যত-আবরু তথা মান-মর্যাদা খতম করে দিতে চাননি। আর তাদের পৈত্রিক সম্পত্তিও ছিনিয়ে নিতে চাননি, বরং তাদের 'ইয্যত ও মাথা উঁচু করে বাঁচার অধিকার প্রদান করতে চেয়েছেন, তাদের সকল হক প্রতিষ্ঠিত ও চিরন্তন করে রাখতে চেয়েছেন। হদায়বিয়ার সন্ধির ক্ষেত্রে অ'ই-হযরত (সা)-এর বাণী এই যে, এমত অবস্থায় বিজয়ীর কর্ম-পদ্ধতি এমনটিই হওয়া উচিত এবং শক্তি ও সামর্থ্য থাকা সত্ত্বেও ধৈর্য ও কৌশলের সাহায্যে কাজ করা দরকার।

সন্ধির শর্তাবলীর ক্ষেত্রে দৃশ্যত অ'ই-হযরত (সা)-এর তরফ থেকে দুর্বলতারই প্রকাশ ঘটতে দেখা যায় এবং কতক সাহাবা (রা) এতে বিমর্ষও হন। কিন্তু এটাই কামিয়াবী হাসিলের নীতি। অ'ই-হযরত (সা)-এর দূরদৃষ্টি সেটাকে বেশ ভালভাবেই দেখছিলেন এবং মখন তিনি সাহাবা (রা)-দের রহস্য সম্পর্কে অবহিত করেন তখন তারাও তৃপ্ত ও পরিতুষ্ট হন।

খায়বার যুদ্ধ

এরপর তিনি মদীনায়ে প্রত্যাবর্তন করেন এবং কেন্দ্রে বসে বিস্তৃত-তর রুতের প্রতিরক্ষা পরিকল্পনার ছোটখাট অংশগুলোকে বাস্তবায়িত করেন।

স্নাহুদীদের শত্রুতা উত্তরোত্তর বৃদ্ধি পাচ্ছিল। মদীনা ও তার পার্শ্ববর্তী স্নাহুদী ও তার মিত্র গাতফান অ'ই-হযরত (সা)-এর বিরুদ্ধে সমাবেশ করছিল। তিনি তাদেরকে শাস্তেস্তা করবার জন্য রওয়ানা

হন এবং একই চালে উভয়কেই এভাবে কাবু করেন যে, তাদের শক্তি ও সমাবেশ চিরদিনের তরে খতম হয়ে যায়। একদিকে গাতফান আর অপর দিকে খায়বারের য়াহুদী। গাতফান য়াহুদীদের সাহায্যে এগিয়ে আসে। কিন্তু আঁ-হযরত (সা) যখন তাদের উভয়ের মাঝে অভিজ্ঞ কৌশলে গোপনীয়তার সঙ্গে রওয়ানা হন তখন দু'জনেই নিজ নিজ জায়গায় হতবুদ্ধি হয়ে পড়ে। গাতফান য়াহুদীদের সাহায্য করা থেকে হাত গুটিয়ে নিয়ে নিজেদের বাড়ী-ঘরের হেফাজতের জন্য ফিরে আসে। আর এভাবেই দু'জনকেই একে অপরের থেকে পৃথক করে পরামর্শক্রমে উভয়কেই খতম করেন। য়াহুদীদের অবস্থাও তাই ছিল যা দ্বিতীয় মহাযুদ্ধ ফরাসীদের ম্যাজিনো লাইন ভেঙে পড়ার সময় ছিল। জার্মানরা প্রত্যাশার বিপরীত পিছন থেকে হামলা করে গোটা প্রতিরক্ষা কাঠামো ও দৃঢ়তাকে বেকার ও অর্থহীন করে দেয়। একই অবস্থা খায়বারের অধিবাসীদেরও হয়েছিল। বার্থ হয়ে তারা ওয়াতীগ ও স্লামীম কেল্লায় একত্র হয়। আঁ-হযরত (সা) তাদেরকে অবরুদ্ধ করে বনু গাতফানের উপর হামলা করেন এবং তাদের শক্তি পূর্নস্ত করে পুনরায় য়াহুদীদের দিকে মনোনিবেশ করেন এবং তাদের সাফ করে অপরূপ য়াহুদীদের সাময়িকভাবে কৃষিজীবী হিসাবে সেখানে বসতি করার অনুমতি দেন। ফলে য়াহুদীদের বিভিন্ন কবিলার মধ্যে আরও বিভেদ সৃষ্টি হয়।

আঁ-হযরত (সা)-এর জন্য য়াহুদীদের ফেতনাবাজী ও দাগা-বাজীর অবসান ঘটানো ছিল খুবই জরুরী। তারা মুসলমানদের দৃশমনকে সর্বপ্রকারে সাহায্য করতো এবং মুসলমানদের মধ্যে মূনাফিকী, বিভেদ ও অবিশ্বস্ততা সৃষ্টি করতে হামেশা চেষ্টা চালাত। য়াহুদীরা যদি কুরায়শদেরকে সাহায্য না করতো তাহলে ওহদ ও শব্দক যুদ্ধে কুরায়শরা এত বড় বিরাট ফৌজ জমা করতে পারত না এবং গাতফান, বনু ফুযারাহ, বনু মুররাহ, বনু আশজা, বনু কুরায়জা প্রভৃতি মদীনা অবরোধে অংশ নিতে পারত না। প্রতিরক্ষা পরিকল্পনার পরিপূর্ণতার জন্য য়াহুদীদের শাস্তি প্রদান ছিল অপরিহার্য। ঋণবায় যুদ্ধের সিদ্ধান্ত তাদের সামগ্রিক উৎসাদনের জন্যই নেওয়া

হয়েছিল এবং এর সাক্ষ্যের পর সেখানকার যাহুদীদের নির্বাসনে পাঠিয়ে দেওয়া হয়।

প্রতিনিধিদল ও বিভিন্ন অভিযান

যাহুদীদের থেকে মুক্ত হয়ে তিনি বিভিন্ন গোত্রীয় ও উপজাতীয় এলাকায় বিভিন্ন প্রতিনিধি দল ও অভিযান প্রেরণ করেন। এ সবের ভেতর সর্বাধিক গুরুত্বপূর্ণ প্রতিনিধি দল ছিল যেটা প্রতিরক্ষা স্তরের পরিবেষ্টনীতে বিভিন্ন রাষ্ট্রের শাসকবর্গের নিকট পাঠানো হয়েছিল। এই ক্ষেত্রে মদীনার কেন্দ্রীয় মর্যাদা আরও ফলপ্রসূ প্রমাণিত হয়। কারণ এখান থেকে আসা-যাওয়ার রাস্তা সহজ এবং দূরত্ব ছিল কম। আর এ জিনিষগুলো মুবাল্লিগ (প্রচারক) দল ও প্রতিরক্ষামূলক অভিযান দু'টোর জন্যই সমান জরুরী ছিল।

মক্কা বিজয়

দূর বিস্তৃত দিকচক্রবাল যখন মেঘমুক্ত হ'ল আর বিপদের মেঘ ফেটে গিয়ে সব বাধা যখন হ'ল অপসৃত, আঁ-হযরত (সা) তখন মক্কার দিকে মনোনিবেশ করলেন। কুরায়শ হদায়বিয়ার সন্ধিগত ভঙ্গ করে নিজের জালে নিজেই আটকে গিয়েছিল এবং মুসলমানদের মিলিত কবিলাকে জুলুম-নির্ধাতনের মাতাকলে ফেলে আঁ-হযরত (সা)-কে মুখোমুখী হতে বাধ্য করল। তিনি একটি বিশাল বাহিনী নিয়ে রওয়ানা হন এবং পূর্ব নিয়ম মারফিক গোপন পথ ধরে ও আঁকা বাঁকা রাস্তা দিয়ে মক্কায় প্রবেশ করেন। এতে সৈন্য-সামন্ত সুশৃঙ্খল ও সুব্যবস্থাপনার সঙ্গে শহরকে চতুর্দিক থেকে এভাবে বেষ্টিত করে যে, কয়েকজন ব্যতিরেকে কারও জীবন যেমন এতে যায়নি, তেমনি কারও মালও লুণ্ঠিত হয়নি, কারও ইয্বত-আবরার উপর যেমন এতটুকু আঘাত আসেনি, তেমনি কাউকে লাঞ্ছনা ও অবমাননার শিকারও

হতে হয়নি। সবাইকে মাফ করে দেওয়া হয়, সবাইকেই করে দেওয়া হয় আশাদ।

মক্কার বিজয় ছিল যেন প্রতিরক্ষা পরিকল্পনার পূর্ণতা সাধন। সমস্ত বিরোধিতা, সমস্ত শত্রুতা, সকল ষড়যন্ত্র এবং সব শয়তানী হয়ে যায় খতম। যিনি ছিলেন উপায়-উপকরণহীন—তিনি আজ বিজয়ী এবং সকল ক্ষমতার মালিক। আর যারা জালিম ও বিদ্রোহী ছিল, বাতিল পরস্তির নিশানবর্দার ছিল, তারা আজ দুর্বল ও দুর্ভাগা—আর হাদিয়ে বরহকের সামনে মস্তকাবনত। তিনি আজ তাদের আযাদী ফিরিয়ে দিচ্ছেন, তাদের গোনাহ-খাতা মাফ করছেন, জীবনের সবকিছু দিচ্ছেন এবং প্রকৃত 'ইয্যত ও উন্নত মস্তকের রাজপথ খুলে দিচ্ছেন, আর তারা লজ্জিত, অনুতপ্ত, বিস্মিত ও অশ্রু ভারাক্রান্ত অবস্থায় তাঁর মর্যাদা ও শ্রেষ্ঠত্বের স্বীকৃত দিচ্ছে।

এটাই ছিল হিজরতের উদ্দেশ্য, আর এটাই প্রতিরক্ষা পরিকল্পনার গোপন রহস্য। এর জন্যই ছিল তাঁর মুদ্ব, আর এই ছিল তাঁর জয়ের অর্থ। এতটুকু অহংকারের প্রকাশ নেই, কারও দাস্তিকতা কিংবা আত্মাভিমানের এতটুকু ছোঁয়াট নেই। মাথা মহান আল্লাহর দরবারে অবনমিত আর যবান তৌফীকে ইলাহীর অভিনন্দন পাঠে মগ্ন। সাল্লালাহু 'আলায়হি ওয়া সাল্লাম!

মক্কা বিজয়ের পর তিনি হেজ্রায়ে শান্তি ও নিরাপত্তার প্রতি মনোযোগ দেন। বিভিন্ন অভিযানের মাধ্যমে পথপ্রস্ট কবিলাগুলোকে সরল সঠিক পথে আনয়ন করেন এবং তবলীগী দল পাঠিয়ে ঈমানী দওলত ও 'আমলের সম্পদ দ্বারা ভরপুর করে দেন। তাতে করে পবিত্র কুরআনের ঘোষণা *يدخلون في دين الله أفواجا* দলে "তারা দলে আল্লাহর দীনে প্রবেশ করবে"—এর বাস্তবরূপ লাভ করে এবং কুফর ও শিরক-এর লীলাভূমি হেজ্রায়ে ঈমান ও ইসলামের দোজনায় পরিণত হয়। এরপর তিনি তবুক অভিযানের ঘোষণা দেন এবং এক বিরাট বাহিনীসহ রওয়ানা হন। এতেও মুনাফিকেরা আগের মতই মুনাফিকী আচরণ দেখিয়ে অভিযানকে কমঘোর করতে চায়, কিন্তু বার্থ হয়। যেহেতু তিনি এবার মনযিলে মকসুদ (গন্তবাস্তল)-এর

দোষণা আগেই দিয়েছিলেন, এজন্য লোকেরা তা বিশ্বাস করতে পারে নি। সেই কবিলা ও তাদের সর্দার ষাদের মুকাবিলায় এই অভিযান— তারা এতটুকু প্রস্তুতি নেয় নি। ফল দাঁড়াল এই যে, অ'-হযরত (সা) যখন তাদের এলাকায় পৌঁছলেন তখন তারা একেবারে হতভম্ব হয়ে যান, এবং সশ্রী করে জিযয়া প্রদানে বাধ্য হয়।

এই হ'ল সে সব যুদ্ধ ও অভিযানের সংক্ষিপ্তসার, অ'-হযরত (সা)-এর চিরস্মরণীয় কীর্তি আর এটাই হ'ল প্রতিরক্ষা কৌশল এবং মুহাম্মাদী সমরশাস্ত্র যা কুফ্র ও তাগুতী শক্তির সমস্ত হাতিয়ার ও সকল হাতকড়াকে বেকার বানিয়ে ইসলামের বিস্তৃতি ও উন্নতি এবং মুসলমানদের উত্থান ও সৌভাগ্যের রাস্তা খুলে দেয়। যেভাবে অ'-হযরত (সা) এর সমস্ত কথিত উক্তি, 'আমল ও কার্যকলাপ অবশ্য অনসরণীয় ও অনুকরণীয় এবং আমাদের জন্য কর্মের আদর্শ হবার দাবী রাখে তেমনি তার প্রতিরক্ষানীতির বাস্তবায়নও বাধ্যতামূলক ও অনুকরণযোগ্য। আর এর ভেতর কেন, কি এবং কিভাবে এর নিশ্চিত ও নির্ভরযোগ্য জবাব বিদ্যমান যা ইসলামের মস্তককে উন্নত এবং কায়ম করবার সিলসিলায় পরিণত করা যেতে পারে। এটা আলোক-রশ্মির সেই সুউচ্চ মিনার যা গোমরাহীর অঙ্ককারে বিচ্ছুরিত হয় এবং অবহেলিত ও অবনমিত লাঞ্চার মধ্যে আটকে পড়া মুসলমানদেরকে মনষিলে মকসুদের সন্ধান বাতলে দিচ্ছে। হায় আফসোস! ইসলামের সোজা সরল রাস্তায় চলবার দাবীদারেরা এখনও যদি জাগে! এখনও যদি অন্তর্দৃষ্টি দিয়ে দেখে এবং অন্তরীক্স থেকে শোনে যে, ইসলামের আহ'বায়ক (সা) ইসলামের ভিত্তি নির্মাণে এবং তার দৃঢ়তা সাধনে কি কি করেছেন আর কিভাবে করেছেন! ইসলাম কিসের জন্য এসেছিল আর আমরা তার সঙ্গে কিরূপ আচরণ ও ব্যবহার করছি ছোট-খাট ফায়দা, নীচু স্বার্থ ও কল্যাণ চিন্তা এবং তথাকথিত আধুনিকতার মধ্যে আমরা কেমনভাবে মত্ত! সময়ের ডাক কী? সব কিছু ছেড়ে ছুঁড়ে নির্জন ও নিরাপদ ঘরের কোণে বসে ব্যক্তিগত সুখ-সুবিধার কীভাবে হিসাব করছি! এমনিতে আমাদের মধ্যে জানী-গুণী ও প্রবীণ ব্যক্তিও আছেন, শিক্ষক ও মুফতী আছেন, চিন্তাশীল দার্শনিক ও ভাবুক যেমন আছেন—তেমনি আছেন যাদুকরী

লেখনী শক্তির অধিকারীও, রাজনীতির ময়দানে ঝানু ও অভিজ্ঞ রাজনীতিবিদ যেমন আছেন, তেমনি আছেন মিথ্বর ও মিহরাবের সৌন্দর্য বর্ধনকারী ব্যক্তিবর্গও। কিন্তু অটুট মনোবলসম্পন্ন ও দৃঢ় বিশ্বাসী এবং সাহসী ও দৃঢ়চেতা পুরুষ কোথায়? ইসলাম ও মুসলমানদের জন্য মস্তক তুলে দাঁড়াতে সাহায্যকারী, প্রয়োজন বোধে জীবন দানকারী ব্যক্তির সংখ্যা কতজন আছেন? কিতাব ও সুন্নতের মজলুম তামাশার পাত্রে পরিণতকারীদের সঠিক পথে আনয়ন এবং প্রতিরক্ষানীতির উপর 'আমলকারী কে কে আছেন? বিচক্ষণতা ও পরিণাম সন্ধানী এবং কে বলেছে কি বলেছে ইত্যাদি পরিত্যাগ করে কর্মক্ষেত্রে আসবার জন্য কে প্রস্তুত আছেন? রসূল আকরাম (সা)-এর রাস্তার উপর কে চলতে চায়, একমাত্র তওফীকে ইলাহীর সৌভাগ্য লাভ করার জীবনের একমাত্র উদ্দেশ্য? ইসলাম আজ এর জবাব চায়, জবাব চায় ঈমান আর সম্মুখও এর জবাব চায়।

কি শিক্ষা পেলাম

এতক্ষণ পর্যন্ত আঁ-হযরত (সা)-এর ব্যক্তিত্ব এবং তাঁর প্রতিরক্ষা কৌশলের বিষয়গত, ঘটনাভিত্তিক ও ঐতিহাসিক দৃষ্টিকোণ থেকে পর্যবেক্ষণ করা হয়েছে। এখন দুনিয়ার সে সব কতিপয় শীর্ষস্থানীয় জেনারেল, ব্যক্তিত্ব এবং তাঁদের সৈনিক জীবনের কীতির পর্যালোচনা করা হচ্ছে যাঁদের খ্যাতি ও শোহরতে আসমানের উজ্জ্বল নক্ষত্র মনে করা হয়। যেহেতু গ্রন্থকারের একজন সৈনিক হিসাবে তাঁদের অধ্যয়নের সর্বোত্তম সুযোগ মিলেছে—এজন্য যা কিছু পেশ করা হবে তা ব্যক্তিগত পর্যবেক্ষণের উপর ভিত্তি করেই করা হবে কিংবা পেশ করা হবে বিশ্বাসযোগ্য সাক্ষ্য প্রমাণের উপর ভিত্তি করেই।

দ্বিতীয় মহাযুদ্ধ চলছে। উত্তর আফ্রিকার আল-আলামীন রণক্ষেত্র অত্যন্ত উত্তপ্ত। মিত্রবাহিনী পরিচালনার ভার ফিল্ড মার্শাল মন্টো-গোমারীর হাতে এবং জার্মান ফৌজের অধিনায়কত্ব মার্শাল রোমেলের হস্তে। দু'জনেই যুদ্ধের মশহুর ব্যক্তিত্ব।

ফিল্ড মার্শাল মন্টোগোমারীর হেড কোয়ার্টার। একটি মোটর লরীর উপর অত্যন্ত পরিষ্কার-পরিচ্ছন্ন, সুসজ্জিত ও আরামদায়ক ঘর নির্মাণ করা হয়েছে। এর নাম “কারার্ডা”। মহাসেনাপতি এতে আরাম করেন। এর ভেতর নেহায়েত মূল্যবান গদীযুক্ত পালংক বিছানো রয়েছে। বিজলী বাতি জ্বলছে। টেবিল চেয়ার ও আরাম-আয়েশের যাবতীয় আবশ্যিকীয় উপকরণ মওজুদ রয়েছে। দেশালাে রয়েছে নকশা টাঙানো। ফিল্ড মার্শাল এর ভেতর বিশ্রাম নেন এবং এর ভেতরই অফিসিয়াল কাজ-কর্ম করেন অর্থাৎ এ যেন ঘরের ঘর, আবার অফিসের প্রয়োজনে অফিস আর তা হ’ল ভ্রাম্যমাণ।

ইনি মহাসেনাপতির এডিকং। এডিকং সাহেব বলেন, “আমাদের ফিল্ড মার্শাল সাহেব বড় প্রতিশ্রমী ও কণ্ঠ সহিষ্ণু। এই বয়সেও তিনি বরাবর ব্যায়াম করে থাকেন। শরাব ও সিগারেটের ধারে কাছেও যান না। নিন, এই যে, ফৌজী গাড়ী এসে থামলো! ফিল্ড মার্শাল সাহেবের চীফ অব স্টাফ আগমন করছেন। এখন তিনি তার ভ্রাম্যমাণ ঘরের দরজায় নক করছেন। ফিল্ড মার্শাল পালংকের উপর সটান শুয়ে আছেন। আগমনের কারণ জিজ্ঞেস করেন। চীফ অব স্টাফ বলেন, “জনাবে ‘আলী! আমাদের ফৌজ দুগমনের উপর হামলা শুরু করে দিয়েছে।” মন্টোগোমারীর জবাব, “বহত খুব! পরিকল্পনা একেবারে নিখুঁত।” এই বলে তিনি পাশ ফেরেন এবং ঘুমিয়ে পড়েন। উপদেষ্টা চুপিসারে ও নিঃশব্দে সরে পড়েন এবং আশ্বে করে দরজা বন্ধ করে নিজ দফতরে চলে যান। লড়াই চলছে তুমুলভাবে।

এখন এদিকটায় আসুন। এটা জার্মান শিবির। নিন, জার্মান সর্বাধিনায়ক সমরক্ষেত্রেই উপস্থিত নন। ছুটিতে জার্মানী চলে গেছেন। তাঁর এবং তাঁর অধীনস্থ অধিনায়কদের “কারার্ডা”ও আরাম ও আয়েশী উপকরণ দ্বারা সজ্জিত। কিন্তু একটি পার্থক্য আছে। এখানকার খানাপিনার ইন্তেজাম ততখানি ভাল নয়। উন্নত ধরনের বরতন, কাঁটা ছুরি কিংবা চামচ কিছুই নেই, নেই কোন মেস। রোমেল সাদাসিধে জীবন পসন্দ করেন। তিনি তেমন খানাই খান যা তাঁর একজন সাধারণ সিপাহী খেয়ে থাকে। এজন্য ইতালীয় জেনারেলদের রোমেলের বিরুদ্ধে অভিযোগ।

২৩ তারিখে যুদ্ধ শুরু হয়েছে। ২৬ তারিখে তাঁর ফিরে আসবার খবর পাওয়া গেছে। অতএব তাঁকে দেখে যাওয়াই ভাল। শোনা যায় যে, তিনি শরাব খুব কম পান করেন। খুব মেহনতের সঙ্গে কাজ করেন।

নিন আজ সেই ছাব্বিস তারিখ। রোমেল ফিরে এসেছেন। তাঁর “কারাভা”তে চঞ্চল-পদবিচ্ছেপ বেড়ে গেছে। যখন থেকে এসেছেন নিজের কাজে নিবিষ্ট। অত্যন্ত তৎপর ও দৃঢ়চেতা জেনারেল। নির্দেশের পর নির্দেশ জারী হচ্ছে। এখন তিনি যুদ্ধের ফ্রন্ট পরিদর্শনে যাচ্ছেন। ছোট বড় সব অফিসারের মনোবল বাড়িয়ে দিচ্ছেন। এতখানি কর্মতৎপর যে, আহার-নিদ্রাও তাঁর হারাম হয়ে গেছে।

কি বললেন আপনি? তাদের উস্তাদ অথবা পীর মুরশিদ! মন্টা গোমারী এবং রোমেলের?

উস্তাদই বলুন আর পীর-মুরশিদই বলুন, তাঁদের উভয়েরই একজন আর তিনি হলেন নেপোলিয়ন। আর হ্যাঁ, শুধু ফ্রান্সই নয়, সারা ইউরোপই তাঁর জন্য গবিত। তিনি দু'জনেরই শুধু মুরশিদ নন, বরং এরপর যত জেনারেল হয়েছেন—সবাই নিজেদেরকে তাঁর ছাত্র-দলের অন্তর্ভুক্ত বলে মনে করেন এবং এজন্য তারা গবিত। নেপোলিয়ন না বলে তাঁকে মহান নেপোলিয়ন বলুন।

আসুন, কল্পনার চোখে তাঁর শিবিরও পরিভ্রমণ করা যাক। আল্লাহ আকবার! কি রকম দবদবা ও আড়ম্বরপূর্ণ জাঁক-জমকের জেনারেল তিনি। তাঁবুটাই বা কি রকম শানদার! উপরে সাদা ও নীল ঝালর এবং অভ্যন্তরীণ ভাগ সোনালী কারুকর্মমণ্ডিত। ভাই, আমার ভুল হয়ে গেছে। নেপোলিয়ন তো শুধু জেনারেলই নন, তিনি একজন শাহানশাহ্ও তো বটেন! প্রতিরক্ষা উপদেষ্টা বারথিয়ার (Berthier), প্রাসাদ মন্ত্রী ডিউরক (Duroc) এবং আস্তাবল মন্ত্রী কলিন কোর্ট (Couleén Court) সব সময় তাঁর সান্নিধ্যে পড়ে থাকেন। তারা ছাড়াও অন্য অফিসার ও শাসন বিভাগীয় কর্মকর্তাদের একটা বিরাট দলও জাঁকের মত তাঁকে সর্বদাই ঘিরে রাখে। সমরক্ষেত্রে সাধারণত তাঁর জন্য তিনটি কামরা নিদিষ্ট থাকে।

কেননা ফ্রান্স ও যুরোপের অন্যান্য রাষ্ট্রের সাধারণ নিয়ম এটাই যে, লড়াইয়ের কালে ফৌজের সদস্য নাগরিকদের ঘরে অবস্থান করে। অতএব যখন তাঁবুর আবশ্যিকতা নেই তখন কামরা নির্দিষ্ট করা হয়ে থাকে।

তঁার খাবার খুবই কম। কদাচিত শরাব পান করে থাকেন। দিনে রাতে ছয় ঘন্টা ঘুমান। আর সময় মিললে তিন ঘন্টা আরাম করেন। বাকী পনের ঘন্টা কাজ করে থাকেন। তাঁর উক্তি : “ভিটোরিয়ান্স আমাদের পরাজয় এজন্য হয়েছিল যে, জোসেফ অনেকমুল্ল গুমিয়ে কাটিয়েছিল। একমিল (Eckmuhl)-এর লড়াইয়ে আমিও যদি রাতের বেলায় শুয়ে পড়তাম তাহ’লে সেই বিচ্যুতকর গতিবিধি ও চলাচল করতে পারতাম না যার কারণে আমি পঞ্চাশ হাজার সৈন্যের দ্বারা এক লাখ বিশ হাজারের বাহিনীকে পরাজিত করেছি। আমাকে মার্শাল লেনিস (Lannes)-কে খোঁচা মেরে এজন্যই জাগতে হয় যে, সে খুবই উদাসীন হয়ে গুমিয়েছিল। সিপাহসালারকে ঠিক লড়াইয়ের মুহূর্তে কখনো ঘুমতে নেই! ঘুমানো উচিত নয়।

নেপোলিয়নের অল্প নিদ্রা তাঁর একটি মহৎ গুণ বলে মনে করা হয়। তিনি একেবারে ছ’ঘন্টা ঘুমিয়েছেন অথবা অবস্থা মাফিক অল্প অল্প করে ঘুমিয়ে সেটুকু পূরণ করেছেন। যা-ই হোক, এর বেশী তিনি ঘুমাতেন না। তাঁর এডিকং তাঁর ঘোড়া নিয়ে তাঁর গাড়ীর পিছনে পিছনে চলে। এতে তাঁর আসন এমন যে, সেটাকে লম্বা ও বিস্তৃত করে তিনি তার পিঠে ঘুমিয়ে যেতেন। একটি চেয়ার তাঁর উপদেশটা বার্থেপারের জন্য যার উপর তিনি উপবেশন করেন এবং সমস্ত সময় বসে বসে অতিবাহিত করেন। একটা বড় ল্যাম্প লাগানো রয়েছে এবং টেবিল যার উপর যুদ্ধের নকশা প্রস্তুত করা হয় এবং যেটাকে বিশটি মোমবাতির সাহায্যে আলোকোজ্জ্বল করা হয়।

নেপোলিয়ন একজন বিরাত ঘোড়সওয়ার। যুদ্ধের ময়দানে যান যখন তখন বিশ মাইল ঘোড়ার উপর বসে অতিক্রম করে থাকেন। ঘোড়ার ডাক ব্যবস্থা চালু থাকে যেন প্রতি দশ মাইলের মাথায় তাজাদম ঘোড়া পাওয়া যায়।

ব্যক্তিত্বের প্রভাব এমন যে, তাঁর সামনে কারও চূ-চেরা করার ক্ষমতা নেই। সমস্ত ইখতিয়ার তাঁরই হাতে। প্রতিটি ক্ষেত্রে এবং প্রতিটি পর্যায়েই তিনি গভীর চিন্তা-ভাবনা করেই কাজ করে থাকেন। একবার যখন কোন স্থির ফহুসালার উপনীত হন তখন বিদ্যাৎ গতিতেই তা সম্পন্ন করেন। তাঁর প্রতিরক্ষা পরিকল্পনা হয়ে থাকে নমনীয় যেন অবস্থা মাফিক তাতে উপযোগী পরিবর্তন ও পরিবর্ধন সাধন করা যায়। পরিকল্পনা তৈরী করে নেন তো অমনি বারখওয়ারকে ডেকে তা লিপিবদ্ধ করার হুকুম দেন। চিন্তা-ভাবনা ও পরিকল্পনা প্রণয়নের কাজ সাধারণত রাতের বেলায় করে থাকেন এবং সে সময় তাঁর কামরা যেন প্রতিরক্ষা বিজ্ঞানের লেবরেটরী। যুদ্ধের ময়দানে একাই দশ হাজার যুদ্ধবাজ সৈন্যের সমকক্ষ বলে ধরা হয়ে থাকে। সাফল্য তাঁর পদচুম্বন করে। শোহরত ও খ্যাতি তাঁর অধীনস্থ বাদী। দেশ ও জাতি তাঁকে নিজে গবিত। কিন্তু কর্মক্ষমতা, নৈপুণ্য, দক্ষতা, দৃঢ়তা, চিন্তা-ভাবনা, কর্মের জোশ ও জযবা, সুযোগ-সন্ধানী ও সুক্ষ্ম-দর্শিতার রাজত্ব ক্রমান্বয়ে নিঃশেষ হয়ে যাচ্ছে। উপযুপরি বিজয় তাঁকে অহংকারী ও গবিত করে তুলছে। এখন তিনি আবেগ তড়িত, অত্যাচারী ও স্বেচ্ছাচারী শাসক। সকল কিছুকেই তিনি মজি মাফিক দেখতে চান এবং অহংকার ও দান্তিকতা তাঁর কর্মোদ্দীপনাকে নিস্তেজ করে দিয়েছে। যে সব গুণের সমাবেশ তাঁকে খ্যাতির আসমানে উঠিয়েছিল এখন তার পর্যায়ক্রমিক অবনতি তাঁকে পতনের দিকে ঠেলে দিচ্ছে। এমন কি পরাজয় বরণ করে তিনি গ্রেফতার হন এবং বন্দী দশ'য় দুনিয়া থেকে বিদায় হয়ে যান। তাঁর পতনের সঙ্গে সঙ্গে দেশ ও জাতির উপরও পতন নেমে আসে এবং তাঁর সমস্ত অগ্রপতি ও খ্যাতি কল্পকাহিনীতে পরিণত হয়।

নিকট ও দূর অতীতের ঐসব নামকরা লোকের অবস্থা পর্যবেক্ষণের পর আসুন, এখন আপনাকে সাড়ে তেরশত বছর পূর্বকার মদীনা মুনাব্বিয়ার নিয়ে চলি। তখন খন্দক যুদ্ধ সংঘটিত হয় নি। মদীনার উপর হামলার খবর আসছে। আশেপাশের যাহুদীরা কুরায়শদের অভ্যর্থনার জন্য তৈরী হচ্ছে, তাদের জন্য রসদ ও খোরাক জমা করা হচ্ছে। আ-হযরত (সা) মসজিদে নববীতে তশরীফ

রেখেছেন। মহান সাহাবাবুন্দ তাঁর সামনে বিনীত ও ভদ্রভাবে বসে আছেন। মদীনার প্রতিরক্ষার ব্যাপারে চিন্তা-ভাবনা চলছে। কোন সাহাবীর ধারণা যে, বাইরে গিয়ে মুকাবিলা করা উচিত। কারো মতে, প্রস্তর নিমিত ছোট্ট দুর্গের মধ্য কেবলা বন্দী অবস্থায় লড়াই করা উচিত। সালমান ফারসী (রা) ইরানের দৃষ্টান্ত পেশ করেন এবং খন্দক খনন করে মোর্চাবন্দ হবার প্রস্তাব করেন। অ'ইয়রত (সা) সবার পরামর্শ শোনে, কিন্তু নিজে চুপ থাকেন। এরপর মজলিস ভঙ্গ হয়। রাতের বেলায় অ'ইয়রত 'ইশার সালাত সম্পাদনের পর মসজিদেই তশরীফ ফরমান। আ'লাহ্ তা'আলার নিকট সাহায্যপ্রার্থী হন, দু'আ করেন, সিজদাবনত হন, আর এভাবেই আঁধার ভেদ করে দিনের আলোক ফুটে বের হয়। সাহাবা (রা)-রা জমায়েত হন। ফজরের সালাত আদায় করেন। এর পর তিনি ঘোড়া চাইলেন। ঘোড়া আনা হ'ল। ঘোড়ার পিঠে না আছে সাজ-সজ্জা, না আছে জীন ও লাগাম! অ'ইয়রত (সা) এবং সাহাবা (রা)-রা নিজ নিজ ঘোড়ার পিঠে সওয়ার হন। এক হাত তলোয়ারের বাটে রাখা—আর এক হাত ঘোড়ার গর্দানে। অ'ইয়রত (সা) আগে চলেছেন এবং সাহাবা (রা) রা পিছনে। শহরের বাইরে তিনি উপত্যকা ও প্রকৃতির চড়াই-উৎরাই পরিদর্শন করেন এবং ইরশাদ করেন : ওখান থেকে এই পর্যন্ত এই উপত্যকা ব্যবহার করা হবে। এখান থেকে এখান পর্যন্ত খন্দক খনন করা হবে আর চওড়া ও গভীরতা এতখানি। ওখান থেকে এখানকার কাজ অমুক সাহাবীর যিম্মায় থাকবে এবং সেখান থেকে ওখান পর্যন্ত তমুকের দায়িত্বে থাকবে। এভাবে পুরো খন্দক প্রস্তুতির নকশা তৈরী হয়ে যায়। অ'ইয়রত (সা) দুপুর পর্যন্ত সীমারেখা চিহ্নিত করে তা দাগ দিয়ে দেন এবং খননের কাজে নিজে শরীক হন। নেহায়েত মামুলী খানা, কয়েকটি খেজুর ও রুটি। খনন শেষে রুটিই কয়েক টুকরো খেজুরসহ মুখে দিয়ে পায়ে হেঁটেই রওয়ানা হয়ে পড়েন এবং খনন কাজ তদারকী করেন। দিনভর এইভাবে কাজ করার পর রাতের বেলায় মসজিদে তশরীফ রাখেন। দস্তরখান বিছানো হয়। এখানেও সেই অল্প কিছু খেজুর ও যবের রুটি। নিজেও খান এবং সাহাবাদেরও খেতে বলেন। দ্বিতীয় দিন একইভাবে কাজ চলে।

কিন্তু আজ সামান্য খেজুর ও যবের কুটিও নেই। আঁ-হযরত (সা) পেটে পাথর বেঁধে নিলেছেন। কাজ চলছে, সমস্ত সাহাবা (রা) এবং তামাম মুসলমান উপবাস ও পরিশ্রমজনিত অবসাদ-ক্লান্তির কষ্ট সত্ত্বেও নিজেদের কাজে ব্যস্ত। তিনি যেখানেই যান মুসলমানদের চেহারা আনন্দে উদ্ভাসিত হয়ে ওঠে। তিনি তাদের উৎসাহ যোগান। সবার সঙ্গে হাসি মুখে ও প্রসন্ন বদনে মিলিত হন। সংবাদদাতা ও গুপ্তচর সংবাদ সংগ্রহ করে আনে এবং সরাসরি তাঁর খেদমতে পৌঁছে ঘটনা সম্পর্কে অবহিত করে। আঁ-হযরত (সা) তাদেরকে প্রশ্ন করেন, নির্দেশ দেন। কেউ কিন্তু জানতে পারে না যে, এখানে তিনি কি করতে যাচ্ছেন। জানবায ও চালবাজ বাহিনী রওয়ানা হয় এবং তাদের নেতাদের গন্তব্যস্থল বলে দেওয়া হয়। কিন্তু আর কেউ জানতে পারে না যে, তাদেরকে কোথায় নিয়ে যাওয়া হচ্ছে এবং কতদূর পর্যন্ত নিয়ে যাওয়া হচ্ছে। মোট কথা, সব কিছুই সতর্কতা ও সূক্ষ্মদর্শিতার সঙ্গে গোপনীয় ও প্রচ্ছন্ন উপায়ে হচ্ছে। তারা দুশমনের রসদ-সন্তার লুটে নিচ্ছে, বন্দী করে আনছে এবং যুদ্ধের প্রতিটি পরিকল্পনার উপর শৃংখলা ও সহনশীলতার সঙ্গে কাজ করছে। দুশমনের শক্তি বিপুল। মাইলের পর মাইল আক্রমণকারী ফৌজের সদস্যদের মাথা আর মাথাই শুধু নজরে আসে। কিন্তু তথাপিও তারা খন্দক পার হতে সক্ষম হয় না। অবরোধ হয় দীর্ঘ। কুরায়শ এবং মিহ্দের খারণা যে, আঁ-হযরত (সা) মজবুর হয়ে অস্ত্র সমর্পণ করবেন। কিন্তু অবরোধের তাদের জন্য এই দীর্ঘতা স্বয়ং ধ্বংসাত্মক ও তাদের জীবনের উপর মসীবতস্বরূপ দেখা দেয়। তাদের ঐক্য ও সংহতির মেরুদণ্ড ভেঙে পড়ে। বিরূপ খারণা সৃষ্টি হতে থাকে এবং শেষাবধি আঁ-হযরত (সা)-এর কৌশল কার্যকরী হয় এবং কুরায়শরা পালিয়ে যায়। এর পর তাদের মিহ্দের বাহিনী নিজ নিজ পথ ধরে।

বনু কুরায়শ্জা প্রতিশ্রুতি ভঙ্গ, দাগাবাজী ও গাদ্দারী করে। ফলে যুদ্ধ থেকে মুক্ত হতেই তিনি তাদের ঘরবাড়ী অবরোধ করেন এবং তাদেরকে তাদের পাপের খতিয়ান বুঝিয়ে দিলে মদীনায় প্রত্যাবর্তন করেন।

এর কিছুকাল পর বনী লেহয়ানকে শাস্তা করবার জন্য গমন করেন। বাহিনী সঙ্গেই রয়েছে। মদীনা থেকে রওয়ানা হয়েছেন। কিন্তু গন্তব্যস্থল সম্পর্কে কিছু জানা নেই। গাররান পৌঁছুলে বনী লেহয়ান নিজেদের নিরাপত্তা হমকীর সম্মুখীন বলে বুঝতে পারে। তারা ঘরবাড়ী ছেড়ে পাহাড়ে গিয়ে আত্মগোপন করে। আ'-হয়রত (সো) সেখান থেকে 'আসফান তশরীফ নেন এবং সেখান থেকে কিছু ঘোড়সওয়ারকে মক্কার দিকে রওয়ানা করে দেন এবং হেদায়েত দেন : এভাবে যাবে যেন মক্কাবাসীরা তোমাদেরকে দেখতে পায়। এরপর তিনি প্রত্যাভর্তন করেন এবং সেখানে বিভিন্ন স্থানে বিভিন্ন ধরনের অভিযান প্রেরণ করেন। আর সবগুলোই কামিলাব হয়ে ফিরে আসে।

খন্দক যুদ্ধের এক বছর গুজরে গেছে। বিভিন্ন অভিযানের মাধ্যমে যে সব মালে গনীমত লাভ হয়েছিল তন্দ্বারা মুসলমানদের অবস্থা এখন ভাল, উট এবং অন্যান্য পশু পালের সংখ্যাও যথেষ্ট। এখন তিনি 'উমরাহ আদায় করবার অভিপ্রায় প্রকাশ করেন এবং সহস্রাধিক মুসলমানকে সঙ্গে যাবার দাওয়াত দেন। প্রস্তুতি শুরু হয়। কোথায় এক বছর হয়েছে, যুদ্ধ চলছিল এবং এখনও যুদ্ধের অবস্থা বিরাজ করছে—আর কোথায় উমরাহর জন্য মক্কা যাবার প্রস্তুতি। বিস্ময়ের ব্যাপারই বটে! কিন্তু প্রকৃতপক্ষে এতে বিস্ময়ের কিছুই নেই। আ'-হয়রত (সো)-এর দৃষ্টি বহু দূর দেখছে। প্রস্তুতি যুদ্ধের নয়, মমহাবী ফরম আদায়ের জন্য এই প্রস্তুতি। কুরবানীর উট সঙ্গে। কিন্তু 'আসফান পৌঁছতে কুরায়শদের প্রস্তুতির খবর পাওয়া যায়। সঙ্গে সঙ্গেই রাস্তা বদলে ফেলেন এবং মক্কার নিকটবর্তী হদায়বিয়ায় এভাবে পৌঁছে যান যে, কুরায়শদের অস্বারোহী বাহিনী তখন বিলকুল বেখবর। মক্কা এখন সামনে এবং শত্রু সৈন্য তার খোঁজে বহুদূর গিয়ে পৌঁছেছে। মক্কা প্রবেশের উত্তম মওকা, কিন্তু এতদসত্ত্বেও তিনি তা থেকে বিরত থাকেন। প্রতিটি কথা, প্রতিটি চলা ও বিরতিতে দূরদর্শিতা ও বুদ্ধিমত্তার ছাপ সুস্পষ্ট। কুরায়শদের প্রতিনিধি বুদায়ল পবিত্র খেদমতে হাশির হয়। সে ধূলুটতাপূর্ণ ও হমকীর ভাষায় কথাবার্তা বলে। সাহাবানে কেলাম (রা) উত্তেজিত হন, কিন্তু তিনি ধৈর্যের সঙ্গে ও শান্তভাবে সব কিছু গ্রহণ করেন। এরপর তিনি বলেন, "বুদায়ল!

আমি কুরআনশদের পরাভূত করেছি, কিন্তু এতদসত্ত্বেও সন্ধির জন্য আমিই আগে হাত বাড়িয়েছি।” বুদায়ল অভিজ্ঞ ও দূরদর্শী ব্যক্তি।
 আ'-হযরত (সা)-এর বাণীর গভীর তলদেশে পৌঁছে যায় সে।

আ'-হযরত (সা) পরোক্ষ এপ্রোচের পরিপূর্ণতার দিক দেখুন। বিনা হাতিয়ারে, বিনা সংঘর্ষে এবং বিনা রক্তপাতে মক্কা এবং শুধু মক্কাই নয়, পুরো হেজ্জাহই জয় করে নিলেন। ভোঁতা ও স্থূল দৃষ্টিধারীরা যদি এটা দেখতে বার্থ হয়, তাহ'লে তারা মক্কা বিজয়ের প্রতি দৃষ্টিপাত করুক। এক বছর পরই বিজয়ীর বেশে মক্কা প্রবেশ তা প্রমাণ করে দিয়েছে।

আল্লাহ আকবার! কী অনাড়ম্বরতা আর কেমন পরিপূর্ণতা! এরই নাম বিজয় ও কামিয়াবী। একেই বলা হয় মর্যাদা ও গৌরব, এটাই নেতৃত্ব ও অধিনায়কত্ব। আর এটাই হ'ল প্রকৃত রণকৌশল ও সৈন্য পরিচালনা। একরূপ কোন দৃষ্টান্ত কি নেপোলিয়নের সৈনিক কর্ম-কাণ্ডে বিদ্যমান? তাঁর পূর্বসূরিদের ভেতর কি তা মেলে? তাঁর উত্তর-সূরীদের ভেতরই মিলবে কি? কামিয়াবী এবং বিজয়মণ্ডিত হওয়ার প্রকৃত মানদণ্ডে কি তা পুরোপুরি উত্তীর্ণ হয়? মুকাবিলায় কি কেউ ঋণিকও তিষ্ঠাতে পারে? কাউকে কি অনুকরণের আদর্শ হিসাবে তুলে ধরা যায়? যায় না। এই মর্যাদা কেবল রসূল আকরাম (সা)-এরই। শৃংখলা, সৌন্দর্য এবং অনুকরণের যোগ্য কেবল তাঁরই পবিত্র ও বরকত-ময় সত্তা। অন্যদের উপর থেকেও চোখ বন্ধ করার দরকার নেই। অগ্রগতি ও উন্নতির প্রশস্ত রাজপথ থেকে মুখ ফেরাবেন না। বস্তুত সঠিক ও বিশুদ্ধ জ্ঞান মুসলমানদেরই উত্তরাধিকার। এটা যেখানেই মিলবে সেখান থেকেই তা গ্রহণ করা উচিত! কিন্তু জ্ঞান অর্জন এক কথা আর মুর্খের মত অনুকরণ করা অন্য কথা! আল্লাহ পাক কুরআন মজীদে বার বার তাঁর রসূল (সা)-এর সূন্নত তথা জীবনাদর্শ অনুসরণ করার জন্য বলেছেন। এ কথার অর্থ তো এই নয় যে, উক্ত পণ্ডীর ভেতর কেবল 'ইবাদত-বন্দেগী ও পারস্পরিক লেন-দেন সম্পর্কিত বিষয়াবলীই আসে। সেই 'ইবাদত-বন্দেগী ও পারস্পরিক লেন-দেন—যার মর্ম তো একেবারেই সীমাবদ্ধ করে দেওয়া হয়েছে, বরং তাঁর ভেতর তো তাঁর প্রতিরক্ষা নীতিও শামিল। কেননা এটাই তাঁর মিশনকে পরিপূর্ণ

সাক্ষ্যের পথে পৌঁছে দেবার মাধ্যমে পরিণত হয়েছিল এবং এর ঠারাই আল্লাহ্ ও তাঁর রসুল (সা)-এর দৃশ্যের পরাজয় ঘটেছিল। এরই সাহায্যে দুনিয়ার বুকে ইসলাম ছড়িয়ে পড়েছিল এবং এরই উপর আমাদের জাতীয় অস্তিত্বের অবস্থান ও স্থায়িত্ব নির্ভরশীল। অতঃপর আল্লাহ্‌র মনোনীত পয়গাম্বর (সা)-কে যুগের প্রতিবন্ধকতাসমূহের উপর নিয়ন্ত্রণ প্রতিষ্ঠা করতে প্রতিরক্ষা কৌশলের সাহায্য গ্রহণ এবং সমরাজ্ঞ ও মারণাস্ত্রের পথ অবলম্বন করে রাস্তার বিপদ-আপদ দূর করতে হয়। সত্যি কথা বলতে কি, মুসলমানরা আজ তার প্রকৃত মর্যাদা খুইয়ে একবার এদিকে একবার ওদিকে দোলকের মত দুলছে। এটা নিশ্চিত যে, প্রতিরক্ষা সংক্রান্ত সুন্নতের উপর আমল করলে সে মাথা উঁচু করে বেঁচে থাকতে পারে। মহফিজ গুলবার রাজনীতি, তুখোড় বাগ্মিতা কিংবা কলমের যাদুকরী ও মোহময়ী শক্তি তাকে মনস্থিলে মকসুদে পৌঁছতে পারে না। এই সমস্ত পন্থাই অবলম্বন করা হয়েছে, সে সবার মধ্যের কোনটির কমতি নেই বরং প্রতিটি বিষয়ের আধিক্য রয়েছে এবং প্রাচুর্য রয়েছে প্রতিটি বস্তুর, কিন্তু প্রতিরক্ষা নীতির উপর দৃষ্টি রাখবার মত লোকের ঘাটতি রয়েছে। আঁ-হযরত (সা)-এর রাষ্ট্রনীতি, কৌশল ও সমরশাস্ত্রের গুরুত্ব বুঝবার মত লোকের অভাব রয়েছে। সেই আবেগ-উদ্দীপনার কমতি রয়েছে যার সামনে বিশাল ময়দানের বিস্তৃতিও সংকুচিত হয়ে গেছে, পাহাড়ের উচ্চতা হয়েছে অবনমিত, উপায়-উপকরণ ও মাধ্যমের স্বল্পতা অর্থহীন হয়ে গেছে, প্রতিটি ধুলি-কণা যাদের স্পর্শে সূর্যসম পরিণত হয়েছে, শক্তিশালী হয়েছে কাবু এবং গোটা জীবন-যিন্দেগী আপাদ-মস্তক রহমতে পরিণত হয়েছে।

মোট কথা, আঁ-হযরত (সা)-এর প্রতিরক্ষা পরিকল্পনা এবং তার আওতায় পরিচালিত সমস্ত যুদ্ধ ও অভিযানের যে দিকটি সর্বাপেক্ষা উজ্জ্বলরূপে প্রতিভাত এবং যাকে রাষ্ট্রনীতি, প্রতিরক্ষা এবং সমরশাস্ত্রের সংক্ষিপ্তসার তথা প্রাণবন্ত বলা যেতে পারে তা নিম্নরূপ :

১. প্রতিরক্ষা পরিকল্পনা হবে সাদাসিধে কিন্তু পরিপূর্ণ। সাদাসিধে হবার অর্থ এই যে, তার ভেতর এমন সুযোগ রাখতে হবে যে, যুদ্ধের

পরিবর্তিত অবস্থা মূতাবিক শুব সহজে উপযোগী পরিবর্তন ও পরিবর্ধন যেন করা যায়। কোন রাজনীতিবিদই এটা সঠিকভাবে বলতে পারে না যে, যুদ্ধের মুহূর্তে অবস্থা কেমন হবে। কিন্তু প্রতিরক্ষা বিশেষত সত্তাবনাকে সামনে রাখেন এবং যখন পরিকল্পনা তৈরী করেন তখন সে সব দিকেই খেয়াল রাখেন যেন প্রয়োজন মূতাবিক ও অবস্থা মাফিক তার ভেতর পরিবর্তন করা যায়। যুদ্ধের পক্ষ কোন একটি রাষ্ট্র হতে পারে, আবার একের অধিক রাষ্ট্র মিলিত ও সংঘবদ্ধ ফ্রন্ট ধানিয়েও সামনে আসতে পারে। অতএব সেটা সম্মুখে রাখাটা খুবই জরুরী।

প্রতিরক্ষা পরিকল্পনা শান্তিকালীন সময়ে তৈরী হওয়া উচিত এবং তা বিস্তারিত হওয়া দরকার। এই সঙ্গে সেটা গোপন রাখা অত্যন্ত জরুরী। পরিকল্পনা কার্যকরী করার জন্য বহু লোকের প্রয়োজন হয়ে থাকে, কিন্তু এর অন্তর্নিহিত গোপনীয়তা তাদের কারোর নিকটই প্রকাশিত হওয়া সমীচীন নয়। প্রতিটি কাজ এবং প্রতিটি যিশমাদারীর পরিপূর্ণতা স্বতন্ত্র ও পৃথকভাবে কোনরূপ গুপ্ত রহস্য প্রকাশ ব্যতীত সাধন করতে হবে।

এরই সঙ্গে রাজনীতিবিদগণ প্রতিরক্ষা কৌশলেও যথাযথরূপে অভিজ্ঞ হবেন—এটা জরুরী নয়। অনন্তর শান্তিকালীন সময়ে তাদের মনোনিবেশ ও লক্ষ্য অপরাপর বিষয়ের প্রতি নিবদ্ধ থাকে। অতএব যুদ্ধের আগে যদি তারা সেটাকে সঠিক ও নির্ভুল বলেও অভিহিত করেন তাহলে যুদ্ধ ছড়িয়ে পড়তেই তার ভেতর ত্রুটি-বিচ্যুতি বের করে এবং নিজেদের মজি মূতাবিক তারা রদবদল করতে চায়।

এ পর্যায়ে দ্বিতীয় গুরুত্বপূর্ণ কথা হ'ল এই যে, পরিকল্পনা এমন বানাতে হবে যা মেধাগত দিক দিয়েও গ্রহণযোগ্য হয়। দৃষ্টান্তস্বরূপ, কোন আ'মাদ ও স্বাধীন রাষ্ট্রের অধিবাসী এ ব্যাপারে রাযী হবে না যে, তার রাষ্ট্রের একটি ক্ষুদ্রাংশও অপর রাষ্ট্রের হাতে সনর্পণ করা হোক, তা প্রতিরক্ষা কৌশলের দিক থেকে যতই জরুরী হোক না কেন এবং এর দ্বারা যতই বিজয় সাধিত হোক না কেন। তারা যদি পরিকল্পনার এই দিকটা জানতে পারে তাহলে এর বিরুদ্ধে জোর চিৎকার করবে, প্রতিবাদ ধ্বনি উঠাবে এবং সরকারের উপর চাপ সৃষ্টি করবে ওটা

পরিত্যাগ করে অন্য পরিকল্পনা তৈরী করতে। শান্তিকালীন সময়ে যেহেতু কোনরূপ বিপদাশংকা থাকে না কিংবা অনুভূত হয় না—সেহেতু এ ধরনের প্রতিক্রিয়াকে উপেক্ষা করা হয়ে থাকে এবং ফল দাঁড়ায় এই যে, জাতির সুদৃঢ় ইচ্ছাশক্তি ও মনোবলের উপর এর বিরূপ প্রতিক্রিয়া সৃষ্টি হয়।

প্রতিরক্ষা পরিকল্পনা প্রতিশোধমূলক দৃষ্টিকোণ থেকেও সর্ব-প্রকারের গুটিমুক্ত হতে হবে। জেনারেল যিনি অনভিজ্ঞ হন তিনি এই দিকটির উপর লক্ষ্য ও মনোযোগ দেন না, শুধুমাত্র যুদ্ধের মূলনীতিটাকেই সমরশাস্ত্র মনে করেন। অথচ এটা বড় ধরনের গুটি ও বিচ্যুতি এবং এর ফলাফল অত্যন্ত ধ্বংসাত্মক ও মারাত্মক হয়ে থাকে।

২. দূশমনকে প্রতিরক্ষা কৌশলের চালবাজীর মাধ্যমে স্বীয় পরিকল্পনা সম্পর্কে বিলকুল বে-খবর রাখতে হবে। আসল পরিকল্পনার উপর পূর্ণ দৃঢ়তা ও সাহসিকতা এবং পুত্রত্যাগ ও নিষ্ঠাকতার সঙ্গে অতর্কিতভাবে আমল করা উচিত যেন দূশমন বেহেশ ও স্তম্ভিত হয়ে যায়।

৩. মুজাহিদদের জন্য ইচ্ছার পরিপক্বতা, নিষ্ঠাকতা, দৃঢ়তা এবং সাহসিকতার গুণাবলী অপরিহার্য। তাকে আরামপ্রিয়তার হাত থেকে দূরে থাকতে হবে, পরিণামদর্শী হতে হবে এবং দূশমনকে কখনোই অবজ্ঞেয় ও খাটো করে দেখতে নেই।

৪. সিপাহসালারকে আসল পরিকল্পনা গোপন রেখে সামগ্রিক স্বাভাবিকতাগত পর্যায়গুলো নিজের তত্ত্বাবধানে অতিক্রম করা উচিত। তিনি তার পরামর্শদাতাদের সঙ্গে পরামর্শ এবং প্রতিটি দিক পর্য্যালোচনা করবেন। কিন্তু পরিকল্পনার ফয়সালা স্বয়ং নিজে করবেন এবং তা নিজের ভেতরই সীমাবদ্ধ রাখবেন। এ ব্যাপারে তাঁর উপদেষ্টাদের সঙ্গে বাহাছ-বিতর্কে লিপ্ত হওয়া ঠিক হবে না। পরিকল্পনা যখন তৈরী হয়ে যাবে এবং তা কার্যকর করার সময় আসবে তখন অধীনস্থ সিপাহসালারদের তার সেই অংশটুকু সুযোগ মত অবহিত করতে পারেন যেটুকু তিনি সেই মুহূর্তে কার্যকর করতে চান।

৫. নিজেদের প্রতিরক্ষা সংক্রান্ত গতিবিধি খুবই গোপনীয় রাখতে হবে। কিন্তু দশমনের প্রতিরক্ষা পরিকল্পনা সংক্রান্ত তথ্যাদি লাভ করবার জন্য পুরো লক্ষ্য ও মনোযোগ ব্যয় করতে হবে এবং এজন্য গুপ্ত সংবাদাতা, গুপ্তচর, জানবাষ কমাণ্ডো ও সুচতুর বাহিনীর পূর্ণ সহযোগিতা গ্রহণ করতে হবে।

৬. যুদ্ধ ও সংঘর্ষের ময়দান যখন উত্তপ্ত হবে অর্থাৎ যুদ্ধ চূড়ান্ত রূপ পরিগ্রহ করলে পৌরস্বাধীন সাহসিকতা, দৃঢ়পদতা, এবং সহনশীলতা ও আত্মোৎসর্গের ন্যায় গুণাবলী সর্বাধিক উজ্জ্বল ও প্রতিভাত হতে হবে। কেননা এটা কামিন্ধাবী ও সাক্ষ্যের শেষ ও চূড়ান্ত পর্যায় এবং এ সবেৰ বাস্তবায়নের উপর এর সাধিক সফলতা নির্ভর করে।

৭. যুদ্ধের ময়দানে সিপাহীই শুধু লড়াই করে না বরং জাতির প্রত্যেকটি সদস্যই লড়ে থাকে। কেউ তলোয়ার চালিয়ে থাকে, কেউ কলমের শক্তির সাহায্য গ্রহণ করে থাকে, কেউ মেহনত ও পরিশ্রম করে এতে সহযোগিতা যুগিয়ে থাকে, কেউ অস্ত্রশস্ত্র ইত্যাদি তৈরী করে থাকে। জিহাদ প্রত্যেকের উপর ফরয। অভাব প্রত্যেকটি মানুষ, তিনি পুরুষ হোন আর মহিলাই হোন—প্রতিরক্ষা কৌশল (স্ট্রাটেজী) অধ্যয়ন করা উচিত এবং আ-হযরত (সা)-এর প্রতিরক্ষা নীতিকে সম্মুখে রেখে রাষ্ট্রীয় ও জাতীয় ফায়দা লাভ করার জন্য কৌশল করা উচিত। যে জাতি ও যে কওম প্রতিরক্ষা কৌশল বোঝে না, সমরশাস্ত্র সম্পর্কে অজ্ঞ থাকে, দেশপ্রেম, শাসন শৃংখলা এবং ঐক্য ও আত্মোৎসর্গের আবেগ কার্যকর ক্ষেত্রে টেনে আনতে পারে না, তারা বেঁচে থাকতে পারে না, মাথা উঁচু করে বেঁচে থাকার অধিকারও তাদের থাকে না।

৮. সর্বোত্তম সিপাহসালার তিনিই যিনি স্বীয় ফৌজকে বুদ্ধিমত্তা, কৌশল ও দুরদপিতার সঙ্গে লড়াতে পারেন যেন নিজেদের ক্ষতি সর্বাপেক্ষা কম হয় এবং দশমন ফৌজের ক্ষতি হয় সর্বাধিক। কিন্তু মনে রাখতে হবে যে, শত্রুর উপর বস্তুর গত ক্ষতির প্রতিক্রিয়া সর্বাপেক্ষা কম হয়ে থাকে, আর সর্বাধিক ও দীর্ঘস্থায়ী প্রতিক্রিয়া হয়ে থাকে

নৈতিক ক্ষতিগ্রস্ততায়। যদি তাদের মানসিক ও নৈতিক দিক দিয়ে অবদমিত ও অবনমিত করা যায় তাহলে আর পুনরায় তারা অবাধ্য আচরণ করতে পারে না।

প্রতিরক্ষা মূলনীতি কয়েকটি মাত্র। তার রঙলো হামেশা অপরিবর্তনীয়। অবশ্য এ সবেব বাস্তবায়নের উপায়-উপকরণ পরিবর্তিত হয় এবং পরিবর্তন অবশ্যই হতে থাকবে। সেগুলো পরিবর্তনের জন্য অবস্থা ও পরিস্থিতির উপর নজর রাখা এবং তা সঠিকভাবে উপলব্ধি করা অপবিহার্য।

প্রতিটি স্বাধীন মুসলমানকে একথা মনে রাখা উচিত যে, যখন যুদ্ধ ও জিহাদের সময় আসবে তখন তাকে জিহাদের ময়দানে গিয়ে কার্যকর ভূমিকা গ্রহণ করতে হবে। অতএব তাকে জিহাদের প্রশিক্ষণ ও প্রস্তুতিকে জীবনের একটা স্বাভাবিক অঙ্গ হিসাবে মনে করতে হবে এবং প্রতিরক্ষা কৌশলের মূলনীতি ও 'আমল সম্পর্কে পুরোপুরি অবগতি লাভের জন্য তার সাবিক প্রয়াস ও কৌশল চালাতে উচিত। এই দায়িত্ব যেখানে পুরুষের উপর অপিত হয়ে থাকে সেখানে মহিলাদের দায়িত্ব এই যে, তাদের জিহাদের সহযোগিতামূলক কর্মের জন্য, যে কোন পরিণতির জন্য নিজেদের তৈরী করতে হবে এবং শান্তিকালীন সময়ে তার স্থান হবে অন্দর মহলে। আর তার কাজ হবে ঘরের সৌন্দর্য সাধন ও ব্যবস্থাপনা, যুদ্ধকালীন সময় তথা জিহাদের ময়দানে বিজয়লাভ ও সাহায্য প্রদানের জন্য মুজাহিদদের সাবিক সহযোগিতা প্রদান এবং আহতদের সেবা-শুশ্রূষা করা তাদের কর্তব্য।

এটাই ইসলামের দাবী এবং এটাই হাদীয়ে ইসলাম (সা)-এর রাস্তা। এরই মধ্যে লুকিয়ে আছে উন্নতি ও প্রগতি এবং ঝাঝা উঁচু করে বেঁচে থাকার রহস্য। এরই ভেতর প্রচ্ছন্ন রয়েছে আমাদের সকল রোগের এলাজ ও প্রতিষেধক। হাদীয়ে বরহক (সা)-এর উত্তম আদর্শ এবং তার ফলাফল ও পরিণতি তাই যা উপরে উল্লেখ করা হয়েছে আর আমাদের পথদ্রষ্টতা ও নিষ্ক্রিয়তার পরিণামও তাই যা আমরা ভোগ করছি।

যুদ্ধের হাতিয়ার ইসলামের সূচনা থেকে আজ পর্যন্ত

এই অধ্যায়ে আমরা অস্ত্রশস্ত্র সম্পর্কে কিছু কথা বর্ণনা করতে চাই এবং এটা দেখাতে চাই যে, বদর যুদ্ধে সেসব অস্ত্রশস্ত্র যা অ'ই-হযরত (সা) ব্যবহার করেছিলেন, আর বর্তমান যুদ্ধ-বিগ্রহে যেসব অস্ত্রশস্ত্র ব্যবহৃত হয়ে থাকে, এই দুয়ের ভেতর ফরক কি। আধুনিক অস্ত্রশস্ত্র বলতে কি বুঝায় সে সম্পর্কে বিস্তারিত জানতে হ'লে আমার "রং-রুটের অতীত" শীর্ষক বই দেখুন।

অ'ই-হযরত (সা) তাঁর পরিচালিত যুদ্ধগুলোতে প্রতিরক্ষা কৌশল এবং সমরশাস্ত্রের সর্বোত্তম ও মহোত্তম মূলনীতির উপর আমল করে উম্মতের জন্য নজীরবিহীন শিক্ষা রেখে গেছেন। কিন্তু গাফলতিই বলুন আর অলসতাই বলুন অথবা বেগরোয়াগিরিই বলুন, ইসলামের দাবীদাররা না এ আদর্শের উপর আমল করেছে আর না পাশ্চাত্য জগতের জানী-গুণী ও বিশেষজ্ঞমণ্ডলী এ সম্পর্কে কোন আলোকপাত করেছেন। দৃষ্টান্তস্বরূপ, অ'ই-হযরত (সা) খন্দক যুদ্ধে যে কর্মপন্থা অবলম্বন করেছিলেন তার উপর সাড়ে তেরো শ' বছরের পর দ্বিতীয় মহাযুদ্ধে আমল করা হ'ল, কিন্তু নাম দেওয়া হ'ল নতুন উদ্ভাবিত পদ্ধতি। ১৯১৪-১৮ ইস্তায়ী পর্যন্ত পাশ্চাত্যের প্রতিরক্ষা পর্যালোচক দ্রুতগামী তাতারী অশ্বারোহী বাহিনীর তলোয়ার ও নেযা-বায়ী এবং তোপগুলোকে সক্রিয় পরিণতকারী সিপাহগিরিতে মোহগ্রস্ত ছিল। এজন্য ফৌজে অশ্বারোহী বাহিনীর সংখ্যা হ'ত যথেষ্ট। ছোট বড় তোপগুলোকে কয়েক জোড়া ঘোড়ার সাহায্যে এক জায়গা থেকে অন্য জায়গায় নিয়ে যাওয়া হ'ত। পল্টনকে সেসব থেকে বাঁচাবার জন্য দ্রুত আঘাতকারী রাইফেল দ্বারা সজ্জিত করা হ'ত। এতদ্বিধা ভারী মেশিন গান দ্বারাও সজ্জিত করা হ'ত এবং সাথে সাথেই মোর্চা খনন করবার জন্য বেলচা ইত্যাদিও দেওয়া হ'ত।

প্রথম বিশ্বযুদ্ধ যখন শুরু হ'ল তখন জার্মান তোপখানা কামানের গোনার সাহায্যে এন্টানরিপ ল্যাপ এবং নিমোরকে কয়েক দিনের ভেতর

ধ্বংসস্তূপে পরিণত করে। অস্কারোহী বাহিনীর মুখোমুখী সংঘর্ষ হয় এবং জার্মান বাহিনী বিজয়ী হয়ে ফ্রান্সের রাজধানী প্যারিস পর্যন্ত পৌঁছে যায়। তখন সিদ্ধান্ত গৃহীত হয় যে, বিজয়ী বাহিনীকে রুখতে কোন কুরবানীকেই বড় মনে করা হবে না। এরপর পল্টন খন্দক (পরিখা) চুকে পড়ে এবং অস্কারোহী বাহিনী বাধ্য হয়ে পিছনে ছুটে যায় অথবা তাদেরকে নিজেদের ফৌজের ডান পার্শ্ব ও বাম পার্শ্ব মোতায়েন করে দেওয়া হয়। এভাবে খন্দক যুদ্ধের সফল নিরীক্ষার পুনরাবৃত্তি ঘটানো হয়। উভয় পক্ষের পদাতিক ফৌজ একে অপরের বিরুদ্ধে মোর্চার উপর সুদৃঢ় অবস্থান গ্রহণ করে এবং তাদের মধ্যবর্তী অংশকে (Noman's Land) অর্থাৎ বধ্য ভূমিতে পরিণত করা হয়। কেননা দু'পক্ষ হামলার সময় একে অপরের উপর এত পরিমাণ গোলা বর্ষণ করতো যে, এতে কয়েক লক্ষ জীবন হানি ঘটে এবং দু'তরফের ফৌজ নিশ্চিন্ত ও স্থবির হয়ে পড়ে। যেখানে এটা ধারণা ছিল যে, যুদ্ধ কয়েক সপ্তাহের মধ্যে শেষ হয়ে যাবে সেখানে তিন বছর গুজরে যাবার পরও যুদ্ধ শেষ হবার কোন লক্ষণ দেখা যাচ্ছিল না। খন্দক যুদ্ধে মুশরিকেরা এক স্থান থেকে পরিখা পার হবার কোশল করেছিল যাতে তারা আদৌ সফল হতে পারেনি এবং এর পর তারা যুদ্ধ বন্ধ করে দেয়। কিন্তু মিল্লবাহিনী যুদ্ধ অব্যাহত রাখার অপর একটি পরিকল্পনা তৈরী করে এবং এই পরিকল্পনা এমন একটি যন্ত্রের আবিষ্কার ছিল যার ফলে উভয় পক্ষের মোর্চার মধ্যবর্তী ডুখাণ্ডে স্বল্পতম জীবন হানির সঙ্গে অতিক্রম করা যায়। অনন্তর তার জন্য এমন রথ তৈরী করা হয় যেটা বন্দ কিংবা ছোড়ার পরিবর্তে মেশিনের সাহায্যে চালানো হয়েছিল এবং যার মধ্যে বহু বিপদ থেকে নিরাপদ হয়ে দৃশমনের উপর হামলা করা যেতে পারে।

এই যান্ত্রিক রথ বা ট্যাংকের পূর্ববর্তী সেই রথ ছিল যা ১৪৭২ খ্রিস্টাব্দে আবিষ্কৃত হয়েছিল এবং যা হাওয়ান শক্তিতে চলত। এটা আবিষ্কারের কৃতিত্ব ছিল একজন ফরাসীর। কিন্তু এটা এজন্য সফল হয়নি যে, এটা বাতাসের অনুকূলেই কেবল চালানো যেত। এর পর আরও একজন ফরাসী এর উপর একটি বয়নার লাগান যেন এক বাতাসের সাহায্যে সক্রিয় করা যায়। কিন্তু এ প্রচেষ্টাও সফল হয়নি।

১৭১১ ঈসাব্দীতে নেপোলিয়ন একটি নতুন ধরনের রথ তৈরী করেন যার নাম ছিল “জঙ্গী মোটর” (The Automobile in war)। এভাবে সত্তর বছর পর্যন্ত বিভিন্ন ধরনের পরীক্ষা-নিরীক্ষা চলতে থাকে, কিন্তু সন্তোষজনক সাফল্য কোনটির ক্ষেত্রেই হয়নি। এরপর ১৮৬৩ ঈসাব্দীতে একজন ইংরেজ ইঞ্জিনিয়ার এমন রথ তৈরী করেন যা দূরত্ব পথেও চলতে পারে। কিন্তু ব্রিটিশ সরকার এটা এই যুক্তিতে প্রত্যাখ্যান করেন যে, এর ফলে যুদ্ধের উন্মাদনা ও বর্বরতা বৃদ্ধি পাবে। অতঃপর জার্মান ইঞ্জিনিয়ার কর্শেল ভান লিরিজ (Van Lyriz) একটি রেল-গাড়ীর উপর, দ্রুত আঘাত হানতে পারে এমন কামান স্থাপন করেন, যেন এর সাহায্যে শত্রুর উপর গোলা বর্ষণ করা যায়। ব্রিটিশ বিশেষজ্ঞ-গণ মেশিনগানগুলো ঘোড়ার পিঠে উঠিয়ে এক জায়গা থেকে অন্য জায়গায় স্থানান্তরিত করার পছন্দ বের করেন। ফলে সমরশাস্ত্রের মূলনীতিতে বিরাট পরিবর্তন ঘটে। ১৯১৪-১৮ ঈসাব্দীর বিশ্বযুদ্ধে শব্দক (পরিখা)-এর অভিজ্ঞতার নবায়ন উক্ত প্রাধান্য খতম করে দেয়। ১৯১৮ ঈসাব্দী সনে প্রথমবার নতুন ধরনের লৌহ নির্মিত ব্রিটিশ যান্ত্রিক রথ ময়দানে এসে দেখা দেয় যার নাম রাখা হয় ‘ট্যাংক’। এই নাম নির্বাচনের তাৎপর্য ছিল এই যে, শত্রু এই যুদ্ধাস্ত্রের রহস্য যেন না জানতে পারে। কিন্তু ট্যাংকের কার্যকারিতার সঠিক পরিমাপ নিরূপণ করা হয়নি। এজন্য ১৯১৮ সনে লড়াই খতম হওয়ার পর অধিকাংশ সরকার এর দিকে বিশেষ লক্ষ্য করে নি। কিন্তু জার্মানীর এর উপর বিশেষ মনোনিবেশ ছিল। এর ফল এই দাঁড়াল যে, ১৯৪০ সনের ৯ই মে হিটলার যখন ফ্রান্সের উপর হামলা করেন তখন তিনি ট্যাংক ও উড়োজাহাজের সাহায্যে আকস্মিকভাবে ফ্রান্সকে কাবু করে ফেলেন এবং এভাবেই গোটা মুরোপ ছেয়ে ফেলেন।

ট্যাংক কল্পক প্রকার হয়ে থাকে। কতকগুলো খুব ভারী, লৌহ বর্ম পরিহিত ও সাঁজোয়া হয়ে থাকে। এসবের উপর সাধারণত রাইফেল, মেশিনগান এবং ট্যাংক বিধ্বংসী গোলার প্রতিক্রিয়া হয় না। ভারী হবার কারণে এর গতি খুব কম। কিন্তু এর কামানের আঘাত বহুদূর পর্যন্ত এবং বিরাট শক্তিশালী হয়ে থাকে। এ রকম ট্যাংক ৯৩ টন ওজনেরও হয়ে থাকে।

দ্বিতীয় প্রকারের ট্যাংক-কে বলা হয় ক্রুজার। আকার-আকৃতি ও ওজন হালকা হবার কারণে দ্রুতগামী হয়ে থাকে। এর কামানের আঘাত খুব দীর্ঘ হয় না এবং তার গোলা বেশী মোটা লৌহ-প্রাচীর ভেদ করতে পারে না। এর ওজন আনুমানিক ১৫/২০ টন কিংবা তার কিছু বেশী হলে থাকে।

কিছু ট্যাংক আবার ক্রুজার ট্যাংক থেকেও হালকা হয়। হালকা হবার অর্থ এই যে, তার গান্নাবরণ মোটার দিক দিয়ে কম হয়ে থাকে। অতএব ওজন কম। এটা অবশ্যই দ্রুতগামী হয়, কিন্তু তার ভেতরে উপবিষ্ট সিপাহী বড় কামানের গোলার আঘাত থেকে নিরাপদ হয় না।

সাজোয়া মোটর গাড়ীর উপর মেশিন গান, ছোট পাল্লার কামান এবং বিশেষ ধরনের ক্যারিয়ারও হয়ে থাকে যার উপর মোর্চা (বুহ) বিধ্বংসী ছোট কামান সজ্জিত থাকে। এর সাহায্যে মামুলী আড়ালে থেকে শত্রুর পল্টনকে মেরে তাড়ানো যায়। এগুলোকে ট্রেন্চ মর্টার (Trench Mortar) বলা হয়। এখন ফৌজের গুরুত্বপূর্ণ শাখা-প্রশাখা ও মন্ত্রপাতির এবং বিশেষ অস্ত্রশস্ত্রের বিবরণ দেওয়া যাক।

পল্টন

পল্টনের বিশেষ হাতিয়ার রাইফেল, সঙ্গীন, হালকা ধরনের মেশিন গান, ট্রেন্চ মর্টার, হালকা ধরনের ট্যাংক বিধ্বংসী কামান ইত্যাদি হয়ে থাকে। যুদ্ধের ময়দানে চূড়ান্ত ও ফলসালামূলক যুদ্ধ পল্টনই লড়ে থাকে। এজন্য একে সমরক্ষেত্রের সম্রাজ্ঞী বলা হয়।

পল্টনের হাতিয়ার এজন্য হালকা হয়ে থাকে যেন সিপাহী অপ্রয়োজনীয় বোঝার কারণে কাহিল না হয়ে পড়ে। এর আঘাত দীর্ঘ হয় না। দীর্ঘ আঘাতের জন্য দুরপাল্লার কামান এবং বড় মেশিন-গান ব্যবহৃত হয়ে থাকে।

মেশিনগান

মেশিনগান এমন একটি সমরাজ্ঞ যার সাহায্যে এক হাজার গজ দুরত্বের উপর ফায়ার অত্যন্ত কার্যকর এবং অধিক সমন্ব পর্মন্ত অব্যাহতভাবে করা যায়। সাধারণভাবে দু'হাজার গজ পর্মন্ত মেশিনগানের আঘাত খুব উত্তম বিবেচিত হলে থাকে। সাড়ে চার হাজার গজ পর্মন্তও ভালভাবে গোলার আঘাত হেনে থাকে। এর সাহায্যে শত্রুর উপর দিনে রাত্রে সব সময়ে এমন জায়গায়ও ফায়ার করা যেতে পারে, যেখানে তারা যমীন উঁচু নীচু হবার কারণে আত্মগোপন করে থাকে এবং শক্তিশালী সজ্জ ব্যতিরেকে যাদেরকে দেখাও যায় না। এর থেকে এক মিনিটে দু'শো পঞ্চাশটি গুলী বর্মিত হয়ে থাকে। গুলী ছাড়া এর সাহায্যে অগ্নি-গোলকও নিষ্ক্ষেপ করা যায় যেগুলো সাধারণত রাতের বেলা গুলীর আঘাত দেখবার জন্য ব্যবহার করা হয়ে থাকে। এর নাম ট্রেসার কার্তুজ বা অনুসন্ধানী কার্তুজ।

কামান

কামানের সাহায্যে শত্রুর উপর বহু দূর থেকে গোলা বর্মণ করা হলে থাকে, আবার খুব কাছের লক্ষ্যবস্তুতেও গোলা বর্মণ করা যায়। এটা শত্রু পল্টন, ট্যাংক, মোর্চা, রাস্তা ও বিমান ইত্যাদির বিরুদ্ধে ব্যবহৃত হয়ে থাকে। বিভিন্ন সময়ে বিভিন্ন ধরনের গোলার সাহায্য গ্রহণ করা হয় : কতক গোলা দুর্গ বিধ্বংসী হয়ে থাকে, কতকগুলো ট্যাংক বিধ্বংসী এবং কতক মানুষের বিরুদ্ধে ব্যবহার করা হয়। কতক গোলার সাহায্যে ধোঁয়ার সৃষ্টি করা হয় আর কতকগুলো থেকে বিষাক্ত গ্যাস নির্গত হয় এবং কতক রাতের বেলা অন্ধকার এলাকায় আলো সৃষ্টির কাজে আসে।

কামানের বড় বিশেষত্ব এই যে, তা কয়েক মুহূর্তের মধ্যে সঠিক লক্ষ্যবস্তুতে গোলা বর্মণ করতে পারে। অতঃপর সামান্য সময়ে এর গতি এক লক্ষ্য বস্তু থেকে অপর লক্ষ্য বস্তুর দিকে ফিরান যায়। আজ-

কাজ এর পশ্চাতের দূরত্ব ৮০ মাইল পর্যন্ত। কিন্তু আধুনিক ধরনের রকেট গোলার ব্যবহারের ফলে এর দূরত্ব কয়েক গুণ বেড়ে যাবে।

যে সব কামান সামুদ্রিক জাহাজে ব্যবহার করা হয় তা যমীনের উপর স্থাপিত কামানের থেকে কিছুটা ভিন্ন ধরনের হয়। এগুলোর বাস স্থলভাগের কামান থেকে সাধারণত বড় হয়ে থাকে। এজন্য এগুলোর আঘাতও দীর্ঘ হয় এবং গোলাও হয়ে থাকে ওজনে ভারী। ঠিক এমনি বিমান বিধ্বংসী কামান (Anti-Air Craft Guns) স্থল ও নৌ—উভয় প্রকারের কামান থেকে স্বতন্ত্র হয়ে থাকে। ট্যাংক বিধ্বংসী কামানের গোলা আকৃতিতে ভিন্ন হয়।

উড়োজাহাজ

আজকাল উড়োজাহাজ শত্রুর বিরুদ্ধে নানাভাবে ব্যবহার করা হয়ে থাকে। এজন্য বিভিন্ন কাজের জন্য উড়োজাহাজও বিভিন্ন আকার-আকৃতির হয়। উদাহরণত, যে উড়োজাহাজ শত্রুর এলাকায় তার সামরিক মোর্চার বিরুদ্ধে অথবা কোন ইমারত, পুল ইত্যাদির উপর বোমা বর্ষণের জন্য ব্যবহার করা হয়, তার ভেতর লক্ষ্যবস্তুর উপর নিষ্ক্ষেপের জন্য বিরাট বিরাট ওজনের বোমা বহন করে নিয়ে যাওয়া হয়। অতঃপর এসব বোমা মওকামত দেখে শুনে নিষ্ক্ষেপ করা হয়। আর বোমা যদি শত্রু ফৌজের উপর বর্ষণ করা হয় তাহলে হান্কা বোমা ব্যবহার করা হয়। ব্রীজ, পুল, দালানকোঠা, ইমারতাদি এবং কল-কারখানা ইত্যাদির উপর খুব ভারী বোমা ব্যবহার করা হয়। কখনো কখনো এ সবেল সাহায্যে বিষাক্ত গ্যাসও ছেড়ে আসা হয়। কোন কোন সময় এসবের দ্বারা ফৌজী কোম্পানী, কামান, মোটর গাড়ী, সামরিক অস্ত্রশস্ত্র ও রসদসত্তার এবং আহতদের এক স্থান থেকে অন্য স্থানে সরিয়ে নিয়ে যাওয়ার কাজ করা হয়। অতএব এগুলোর ভেতর কতকগুলো বোমা বর্ষণকারী (Bombs), কতকগুলো ফাইটার (লড়াকু), আবার কতকগুলো পরিবহন বিমান হয়ে থাকে। বিভিন্ন আকার-আকৃতির বিমানের নামও বিভিন্ন হয়ে থাকে। কিন্তু এ সবেল মধ্যে বিশেষ ধরনের জাহাজ এগুলোই।

১৯৩৯-৪৫ দ্বিতীয় বিশ্বযুদ্ধে দীর্ঘায়িত হয়েছে বিজ্ঞানের নতুন নতুন আবিষ্কার পরীক্ষাগারের পরিবর্তে রণাঙ্গনের কার্যক্ষেত্রে পরীক্ষা করা হয়েছে। যেমন ট্যাংক তৈরী করা হয় মাটির নীচে শত্রুর বিছানো সুড়ঙ্গগুলো সাফ করার জন্য।

শত্রু বিমানের বিরুদ্ধে গোলা বর্ষণের জন্য রাডারের ন্যায় যন্ত্র আবিষ্কার করা হয়েছে। এর সাহায্যে সমুদ্রে শত্রুর নৌ-জাহাজ এবং ডুবো জাহাজের আগমন বহুদূর থেকে টের পাওয়া যায়। এভাবে এটাও জানা যায় যে, শত্রুর যুদ্ধ বিমান কতটুকু দূরত্বে আছে। রাডারের সাহায্যে গোলার ফিউজ (Fuse) স্বয়ংক্রিয়ভাবে চলে এবং এভাবে এর সাহায্যে কামানের গোলা কয়েক মুহূর্তের মধ্যে নিষ্ক্ষেপ করা হয়ে থাকে।

নৌ-যুদ্ধের জন্য এমন সব বন্দর নির্মাণ করা হয়েছে যেখানে নৌ-বহর সব ধরনের সমরাস্ত্র নামাতে পারে এবং দূশমনের হামলায় যে ক্ষতি হয় তার থেকে নিজের ক্ষৌজকে বাঁচানো যেতে পারে। যদি দূশমন ভূ-পৃষ্ঠের হয় তাহলে সঙ্গীনের সাহায্যে হাতাহাতি যুদ্ধ করা হয়। ট্যাংকের সাহায্যে অগ্নিবৃষ্টি করে তাকে ভস্মীভূত করা হয়। এ সব ছাড়াও এমন যন্ত্র আছে যার সাহায্যে সৈন্যরা পাহাড়ী এলাকায় আত্মগোপনকারী দূশমনের উপর অগ্নিবৃষ্টি করে তাদের ভূ-পৃষ্ঠের মোর্চা ধ্বংস করে দিতে পারে। আমেরিকানরা এ ধরনের অস্ত্র জাপানীদের বিরুদ্ধে অধিক সংখ্যক হারে ব্যবহার করেছে। কেননা ভূগর্ভস্থ মোর্চায় বসে লড়াই করতে তারা বিশেষরূপে পারদর্শী। শুরুতে আমেরিকানরা যখন তাদের সে সমস্ত মোর্চার উপর হামলা করে তখন তাদেরকে ভীষণ জীবনহানির সম্মুখীন হতে হয়। এই যন্ত্রকে অগ্নিনিষ্ক্ষেপক (Flame thrower) বলা হয়। আমেরিকান ফৌজ এই যন্ত্রের সাহায্যেই তাদেরকে কাবু করতে সক্ষম হয়।

চালকবিহীন বিমান ও বোমা

জার্মান মিশ্রবাহিনী এমন বিমান ব্যবহার করে যা কোনরূপ চালক ব্যতিরেকে নিজেই চলতে। এসব বিমান রেডিও তরঙ্গের

সাহায্যে উড্ডীন করা হ'ত এবং আক্রমণ স্থলে পৌছানর পর ভূপাতিত করা হ'ত। এর ফলে ভীষণ সম্পদ ও জীবনহানি ঘটে। ডি-২ (V-2) বোমাও এ ধরনের একটি ভয়াবহ অস্ত্র যা রকেটের সাহায্যে উড়ান হত।

আণবিক বোমা

বর্তমান যুগের সব চেয়ে ভয়াবহ ও বিস্ময়কর আবিষ্কার হ'ল আণবিক বোমা। এর ধ্বংসাত্মক ক্ষমতা খুবই ভয়াবহ। কিন্তু হাইড্রোজেন বোমার সামনে আণবিক বোমার অস্তিত্বও কামানের মুকাবিলায় বন্দুকের মত। হাইড্রোজেন বোমা তৈরী হয়েছে এবং অধুনা আমেরিকা এবং রাশিয়াও তার পরীক্ষা চালিয়েছে। এ ধরনের আরও বহু সমরাস্ত্র ও ধ্বংসাত্মক অস্ত্রশস্ত্র তৈরী হচ্ছে, ভবিষ্যতেও হতে থাকবে। কিন্তু একটা কথা সব সময় মনে রাখতে হবে— তাহ'ল জাতির সুদৃঢ় ইচ্ছাশক্তি ও মনোবল। একথা সত্য যে, শুধু ইচ্ছাশক্তি ও মনোবল দিয়ে কাজ চলে না, তদবীর ও উপায়-উপকরণও আবশ্যিক। জীবনে বেঁচে থাকতে হলে এগুলো ভিন্ন গত্যন্তর নেই। কিন্তু কেবল উপায়-উপকরণ দিয়েই কাজ হয় না। যদি মনোবল অটুট থাকে তাহলে উপকরণের ঘাটতি কোনভাবেই প্রতিবন্ধক হতে পারে না।

আলহ'ামদুলিল্লাহ্।